



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

### Usage guidelines

Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

### About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>

Tappan Presbyterian Association  
LIBRARY.

*Presented by* HON. D. BETHUNE DUFFIELD.

From Library of Rev. Geo. Duffield, D.D.



*Geo Duffield*

*Section*

*Vol*











Witsius, Herman

55  
0  
**HERMANNI WITSII  
MELETEMATA  
LEIDENSIA.**

Quibus continentur  
**PRÆLECTIONES DE VITA ET REBUS GESTIS  
PAULI APOSTOLI.**

*Nec non*  
**DISSERTATIONUM EXEGETICARUM.  
DUODECAS.**

*Denique*  
**COMMENTARIUS IN EPISTOLAM  
JUDÆ APOSTOLI.**



**CUM PRIVILEGIO S. REG. MAJ. POL. & ELECT. SAXON.**

---

**BASILEÆ.**  
**Apud JOH. RUDOLPHUM IM-HOFF.**  
**M DCC XXXIX.**

---



*Dappan Pres.  
Acad. civ.*  
9<sup>te</sup>-27-1923

**GENEROSISSIMIS ATQUE  
ILLUSTRISSIMIS**

ES  
2505  
W83  
1739

**VRIS,**

**ACADEMIÆ LUGD. BATAVÆ**

**CURATORIBUS,**

12-6-49 185

**D. JACOBO BARONI WASSENARIO,**  
Dynastæ in Wassenaer, Obdam, Hensbroek,  
Wochmeer, Spierdijk, Zuydvvyk, Kernchem,  
Tvickeloo, Lage, &c. Illustris in Hollandia  
Nobilium Ordinis Primo, Aggerum Rhenolan-  
dicæ Præfecturæ Assessori, &c. Supremo Equi-  
tum Foed. Belgicæ Magistro, Sylvæducis Guber-  
natori &c. ad Potentissimos Poloniæ & Borussiæ  
Reges, ac Serenissimum Electorem Hanoverien-  
sem, & alios Germaniæ Principes, Legato nuper  
Extraordinario, &c. &c.

**D. HUBERTO ROSEBOOM,** Toparchæ  
in 'sGervelsrecht &c. Jcto, Supremæ Batavo-  
rum Curiæ Præsidi, &c. &c.

**D. HENRICO à BLEYSWYK,** Jcto, Con-  
sulari apud Delphenses Viro, Præpotentium Fœ-  
deratæ Belgicæ Ordinum, ut & Societatis Indicæ  
Orientalis Assessori, &c. &c.

EORUMQUE COLLEGIS,  
*NOBILISSIMIS & AMPLISSIMIS*  
CIVITATIS LUGDUNENSIS  
CONSULIBUS,

D. JOHANNI VANDEN BERG, JCto, Con-  
fukum Præsidi.

D. CONRADO RUYSCH, JCto, nuper ad  
Collegium Illustr. & Præpot. Hollandiæ Or-  
dinum Deputatorum Delegato.

D. ABRAHAMO VAN ALPHEN, JCto,  
Societatis Indicæ Orientalis apud Amsteloda-  
menfes Assessori.

D. PETRO VAN DORP.

MELETEMATA HÆC

*SACRA FAGIT*

HERMANNUS WITSIUS.

# DEDICATIO.

**A**Nnus nunc labitur quintus, ex quo Vestri Juris homo factus, Inclutæ, cui præestis, Academiæ quantulacunque portio sum. Ad quam, post exactam alibi maximam florentioris ætatis partem, serius accessi. Non pari, quod fateor, facultatum alacritate, & ingenii vigore, aut eloquii promptitudine, laterumque firmitate, qua me Frisia olim & Ultrajectum sex ferme lustra docentem audiverunt: attamen eodem de egregio publico, & imprimis de Re Teologica, bene merendi animo ac studio. Ita quidem, ut pro ætatis ac valetudinis ratione (præfiscine dixerim) nunquam partibus meis publice privatimve defuerim; neglective ignaviter officii meruerim notam. Quod quamvis ex bonæ conscientiæ fiducia apud homines prædicare ausim; quotiescunque tamen in Dei me conspectu excutio, & singulorum dierum acta ad eam quam ipse præscripsit accurationis normam examino, toties me pudore suffundi oportet, calidisque lacrumis non melius neque exactius collocati temporis jacturam deplorare. Instat interim urgetque fatalis hora, qua vitæ meæ arbitro ac statore actionum omnium reddenda erit ratio. In qua ut clementem eum judicem, ac propitium in Christo patrem experiar, ductis ex imo pectore suspiriis sedulo veneror. Sed & vobiscum mihi ILLUSTRES PROCERES, antequam ex hac vitæ statione demigravero, agendum, & rationes quodammodo componendas esse, existimavi. Proferi ergo liceat, quod in demandati mihi muneris functione Dei ante omnia gloriam, tum & veritatis Evangelicæ integritatem, pietatis, sine qua vana omnis scientiæ jactatio est, promotionem, & Ecclesiarum pacem, Fratrumque concordiam, præ oculis semper habuerim. Discipulos fidei meæ concreditos filiorum dilexi loco; nihilque antiquius habui quam ut dignos Deo fingerem: non ad calidarum disputationum rixas instructos, non novarum inventionum opinione turgidos, non tumidi sermonis ampullis, & sesquipedalium verborum inaniis, se apud plebem juveniliter jactantes, non ambitionem vitæve fastum simplicitati Apostolicæ & cruci Christi anteponentes: sed humiles, modestos, mansuetos, pacificos, simplices, at sapientes tamen, prudentes atque efficaces Evangelicæ fidei ac pietatis præcones, Dei reverentes, Magistratum honorantes, fraternæque unionis studiosos. Cujus institutionis depositum in animis suis servaturos, & diu etiam post excessum meum rememoraturos esse spero,

## D E D I C A T I O

quotquot me unquam audivere. Si quid autem passus sum humani, quod aliquoties accidere potuisse non inficior, ut neque perspecta satis habuerim omnia de quibus differendum tamen erat; neque affectibus ita uti par est moderatus sim, & ab illo quod Professionis meæ initio mihi præformaveram *Veri Theologi exemplo* declinaverim; ejus deviationis a Deo primum, tum & a VOBIS, qui studiorum nostrorum PRÆSTITES estis, denique ab omnibus auditoribus meis, supplex peto veniam. Quoniam vero oralis Institutionis hujus ratio intra solam auditorum conscientiam continetur, neque facile, aut commode satis, ad Vestram cognitionem devenit, nisi diditâ magis loquacium chartarum famâ aliquanto se latius diffundat: hinc specimina quædam meorum in Academia Vestra conatum in publicum prodire passus sum. Ante triennium, & si quid excurrit, edidi Exercitationes de Gloria Messia Regis in demonstratione Justitiæ & Gratia, revelata Jesaiæ, ad Caput sextum, Ut & de Votivo Pauli Anathemate. ad Rom. ix: 3. Itemque de Monte Agar. ad Gal. iv: 21 -- 26. Denique Prælectiones de Vita Johannis Baptistæ, observationibus Historicis & Criticis illustrata. Nunc vero exhibeo Vobis Prælectiones de Vita & rebus gestis Pauli Apostoli, & Selectarum Dissertationum Exegeticarum Duodecada, cum Commentario in Epistolam Judæ: pleraque intra biennium in Academia aut Collegio Vestro disputata. Non eam profecto ob causam, quod id genus Meletemata, publica luce, aut Vestris, ILLUSTRES PROCERES, oculis usque adeo digna esse arbitrer. Absit ab homine suo se pede metiri gnaro tam inepta atque absurda præsumtio. Sed ut constaret Vobis, CURATORES, quos ea cura propius tangit; ut constaret etiam aliis, si quibus tantum abs re sua otii est ut in nostram inquirere ament, qua ratione paucillum illud quod mihi restat vitæ transigam. Non aliquam hic abstrusioris eruditionis singularitatem vendito; cujus quam curta mihi, si vel ulla, suppellex sit, omnium optime novi. Neque unquam animum induxi, ut existimarem ea solummodo cujuscunque sapientiæ Professoribus, siue voce, siue calamo, docenda esse, quæ decessorum sagacitatem fugientia, vix alibi inveniantur. Nam præterquam quod ea perpauca sint, & pauciora sæpe quam illi *αὐτοδίδακτοι* & *δοκίμοι σοφοί* arbitrantur; plerumque etiam exigui sunt momenti, neque iis æquiparari merentur quæ publica se utilitate cunctæ studiosorum genti commendant. Ego me non hominibus eruditissimis & literarum nostrarum veteribus, sed juventuti erudiendæ



## DEDICATIO

Sciendæ, commentari profiteor; meaque non raritate, sed usu æstimari cupio. Idcirco auctores meos, per quos profeci, & alios proficere posse credo, ingenuè soleo laudare. Uti laudatos hic videbitis Erasmos, Calvinos, Bezas, Caſabonos, Drusios, Cappellos, Grotios, Heinfios, Uſſerios, Gómaros, Cloppenburgios, Coſcejos, Altingios, Lightfootos, Spanhemios, Caviſios, Pearſonos, Dodvvellos, ſimilesque heroas: à quibus qui diſcere dedignatur, eum vel oppido doctum eſſe oportet, quod ego non ſum, vel perquam ſtudioſum, quod à tenuitatis ac penuriæ meæ conſcientia valde remotum eſt. Tantumque abeſt ut aliquid mihi arrogem, ut facile in aliorum laudes tranſcribi patiar, ſi quid hic occurrat, quod vel acute inventum, vel erudite obſervatum, vel ſcite dictum eſſe videatur. Neque quidquam tribui mihi poſtulo, niſi fortassis, ſi ita benevoli lectores velint, collectionem rerum haut indiligentem, diſpoſitionem non inconcinnam, & aliquam orationis non ſalebrosæ perſpicuitatem. Non diſſimulo interim, mea me iudicii libertate uſum (qua fraudari hominem ingenuum nefas foret) ab eruditissimis quandoque interpretibus diſſentire ſive auſum ſive coactum fuiſſe. Sed ſine cujuſquam inſectatione aut convitio, ſine ſaſtu & contemtu aliorum, ſine calumnia, ſine acrimonia. Quarum ego rerum cauſſas procul habeo. At quorſum plura? Vos ipſi, PROCERES, pro Inſigni Sapientia Veſtra arbitremini

*Opera nobis hæc inanis, an in uſum impenſa ſit*

Vobis ſane hoc quidquid eſt libri inſcribendum eſſe cenſui; ut quibus auctoris opimo hic fruor otio, iis etiam & otii mei fructus offerantur, & negotiorum deferatur arbitrium. Valete, VIRI ILLUSTRISSIMI, Sago & Toga Incluti, &, quod in Veſtra quiſque ſtatione facitis, Batavam Rempublicam, pari Fortitudine, Prudentia, ac Fide, difficillimis hæc temporibus, tuemini ac fulcite. Ita ſcribebam ac vovebam Lugduni in Batavis. Anno æræ Chriſtianæ M D CC III. die XXVIII. Februarii. Quo menſe ingreſſus ſum annum ætatis meæ LXVIII.

Series eorum, quæ hoc volumine  
continentur.

Prælectiones de vita Pauli Apostoli.  
Dissertationum Duodecas.

- I. *De Seditioe & exitio Coræ.*
- II. *Ad Matth. II: 23. de Jesu Nazareno.*
- III. *Ad Joh. I: 52, 53. De Cælo aperto & Angelis Dei adscendenti-  
bus & descendentibus super filium hominis.*
- IV. *De Glorificatione Jesu in monte.*
- V. VI. & VII. *De Miraculis Jesu.*
- VIII. *De Prophetia Jesaia XLII: 1. impleta in Jesu Matth. XII:  
16.*
- IX. *De Jesu portante morbos quos sanabat. ad Matth. VIII. 16, 17.  
Collat. cum Jes. LIII: 4.*
- X. *De Ficu diris à Christo devota.*
- XI. *An Christus eodem quidem cum Judæis die, sed non eadem diei parte,  
ultimum suum Pascha manducaverit.*
- XII. *In Jac. IV: 5, 6. De Spiritu concupiscente, aut non concupiscen-  
te ad invidiam.*

Commentarius in Epistolam Judæ.

PRÆ-



PRÆLECTIONES  
DE  
VITA  
PAULI APOSTOLI.

SECTIO I.

De Natalibus Pauli & vita in Judaismo.

BREVIARIUM.

- I. Operis institutum. II. Et partitio. III. Patria Pauli, Tarsus. IV. Urbs multis nominibus incluta. V. Unde majores Pauli in Cilicia? VI. Quomodo, Tarsensis quum esset, Romanus esse potuerit. VII. Prosapia Pauli. VIII. An ad Paulum pertineat Jacobi de Beniamine oraculum Gen. XLIX. 27. IX. Non videtur. X. At probabilius eo refertur Ps. LXVIII. 28. XI. In vita Pauli quæ spectanda sint. XII. Ex more gentis suæ didicit opificium. XIII. Sed & Gamalielis, primum quidem æqui, dein inquisitissimi Apostolis, disciplina usus est. XIV. Ad pedes ejus enutritus. XV. Ad exemplum Præceptoris, & ipse Phariseus: quæ secta omnium credebatur esse accuratissima. XVI. Ingenio præclarus, moribus probus. XVII. Sed Christianis, ex ignorantia, insensissimus. XVIII. Carcerum apud antiquos ratio & usus. XIX. Non debet incredibile videri, Christianos in Synagogis esse flagellatos. XX. Quippe quod & suo tempore factum esse Epiphanius memorat. XXI. Et Patrum nostrorum ætate sibi in Synagoga Amstelodamensi accidisse flebiliter narrat Uriel Acoſta. XXII. Qua ratione Paulus Christianos ad blasphemandum coegerit.

**P**AULI Apostoli, qui & SAULUS dictus est, vitam ac res gestas, li. I. Operis institutum. bera commentatione illustrare animum induxi: futurum esse sperans, ut tot mirabilium eventuum insigniumque actionum meditatio non mihi solum, sed & iis qui mecum amant proficere, magnam cum voluptate utilitatem allatura sit; facemque aliquam multis difficilibus scripturæ locis accensura luculentam. Equidem non lubet per singulos apices, tenuioresque, si ita loqui fas est, minutias, lentis ire passibus; multo minus prolixis dissentientium Chronologorum disputationibus liberalia vexare ingenia. Summa duntaxat rerum vestigia sequar: ibi potissime pedem fixurus, ubi talis occurret meditationis materia quæ pasci possit animus, & ad contemplationem mirabilium Dei viarum sancte erudiri.

II. Ita vero ea quæ dicenda sunt partiemur, ut tota historia TRIBUS comprehendatur PERIODIS. II. Et partitio. Prima complectetur NATALES Pauli & VITAM in JUDAISMO. Altera CONVERSIONEM AD CHRISTIANISMUM, ET VOCATIONEM. Meletem. Leid. A NEM

NEM AD APOSTOLATUM. *Tertia* RES A PAULO JAM APOSTOLO GESTAS. In prima periodo distincte rursus observanda veniunt I. PATRIA. II. PROSAPIA. III. VITÆ INSTITUTUM.

III. Patria  
Pauli, Tar-  
sus.

III. De PATRIA dubitare non sinunt Sacræ Literæ, quæ constanter docent, non modo *civem* fuisse *Tarsensem*, sed & *Tarsi natum*. Act: ix. 11. xxi. 39. xxi. 1. 3. Fallit igitur traditio *Hieronymo* memorata, de *Script. Ecclesiast. cap: V.* Natum fuisse Saulum nostrum *Gischali*, oppido Judææ; quo a Romanis capto, totaque Provincia vastata, quum dispergerentur Judæi, cum parentibus suis *Tarsum Cilicia* commigraverit. Quæ profecto putidissima fabula est. Constat quidem, Judæam Pompejo duce subactam fuisse, Antonio & Cicerone consulibus: rursusque Judæis sub Nerone rebellantibus, eandem a Vespasiano & Tito fuisse deletam. Pariter constat, intermedio tempore, quando Romanis suberant omnia, & ad eorum nutum gubernabantur, nullam a Romanis provinciæ factam vastationem esse, nullam Judæorum dispersionem. At in neutram vastationem incidit pueritia Pauli: quem natum esse oportet circa mortem Herodis. Quod ita conficitur: ipse se *senem* fuisse docet, quando Evangelii causa victus Romæ detinebatur a Nerone. Philem. com: 9. Neque tamen admodum senex eo tempore fuit; quum *νεανίας* dicatur in martyrio Stephani. Act: vii. 58. Unde necesse est, ejusdem propemodum cum Christo ætatis fuisse. Adeo sublæsta sæpe antiquissimarum etiam quæ jactantur traditionum fides est. Maneat ergo *Tarsi* natum esse Paulum.

IV. Urbs  
multis no-  
minibus  
incluta.

IV. Circa cujus vocis etymon Græcorum qui volet ineptias apud *Stephanum* videat. Quanto credibilis est, *Tarsisem*, *Javanis* filium, genti, regioni, urbi, & vicino mari nomen dedisse? urbem istam *ἐκ Ἀσσημον* fuisse, ut noster ait Act: xxi. 39. imo *ἐπισημοτάτην τῆς Κιλικίας* totius *Ciliciæ illustrissimam*, uti eam describit *Stephanus*. Adeo quidem ut & Græcos & Argivos, & his ipsis præstantiores, dici se Tarsenses postularent; neque ad heroas modo, sed & Titanas ipsos, generis antiquitatem referrent, testé *Dione Chrysostomo in Tarsica priore*. Illustrissima sane fuit, non solum antiquitate, situ, incolarum frequentia, mercaturæ industria; sed, quod omnibus hisce præstat, philosophiæ ac literarum studiis. Quæ adeo ibi floruerunt, ut, si *Straboni* fides *Libr: XIV*, cum Athenis & Alexandria certare potuerit, ipsaque Roma celeberrimos professores suos debuerit Tarso. Ita Deus in urbe gentili, sed erudita, eum nasci voluit, qui magnus olim gentiliū futurus esset doctor; & quem Roma aliquando cum stupore audiret.

V. Unde  
maiores  
Pauli in  
Cilicia?

V. Mirum oppido videri non debet, Pauli majores in *Cilicia* potius quam *Israëlitide* rerum suarum sedem fixisse. Etenim quamvis Cyrus universo Dei populo facultatem in patriam suam redeundi concesserit: multi tamen ex qualibet tribu, novam patriam, in qua nati atque educati erant, antiquæ, cujus eos ceperat oblivio, prætulerunt. Hinc incredibilem Judæorum

dæorum multitudinem cernere licuit in omnibus propemodum ditionibus Persarum, Græcorum, Romanorum, & Parthorum; uti colligitur ex Act: 11. 9, 10. Sed & aliæ fuerunt dispersionis Judæorum occasiones, vel causæ. Ptolomæus Lagi filius, captis dolo Hierosolymis, multos ex montano Judææ tractu, Samariaque & Garizim monte in Egyptum traductos sedem ibi figere jussit; & postquam eis apud Alexandriam pari cum Macedonibus conditione jus civitatis dedisset, non pauci reliquorum sponte in Egyptum migraverunt, partim terræ ubertate, partim Ptolomæi erga suam gentem liberalitate, allekti. *Joseph. Antiq. XII. Cap: 1.* Deinde Antiochus Magnus, circa trigessimum principatus sui annum, ducentis præter propter ante æram Christianam annis, duo familiarum Judaicarum milia ex Babylonia eduxit, quas in Phrygiam Lydiamque mitteret, cum amplissimis privilegiis: ut propendentes ad defectionem Græcorum animos in officio continerent. *ibidem Cap: III.* Hi ab Asia minore diffusi sunt in loca circumjacentia, intra mare Mediterraneum, Euphratem & Amanum montem, qui in Cilicia est. Accessit etiam, quod alii, ut Antiochi Epiphanis sævitiam effugerent, alio se quantum pote contulerint; ubi quum non incommode sibi vivere viderentur deinceps cum suis manserunt. Imo & multi mercaturæ causâ, vel ob alias vitæ commoditates, voluntaria discessione, uti *Philo* testatur, ex Israëlitate in alias migraverunt regiones; unde factum ut totus fere orbis Judæorum coloniis repletus fuerit. Jac: 1: 1, 1 Petr: 1: 1. Sic & Tarsus suos habuit, ex quibus Paulus.

VI. Id notatu dignum, quod, quum *Tarsensis* esset, *Romanum* se civem dixerit, & quidem natalium jure. Act: xx11. 28. Cæterum dubitari video, an *commune* id cum *Tarsensibus* omnibus habuerit, an *familiæ* suæ proprium. Interpretes plerique prius secure statuunt. *Beza: Romanum se dicit, non patria, sed civitatis jure; quum Tarsus esset Colonia.* & mox: *Tarsenses civitate donavit M. Antonius Triumvir.* Sic & alii sine numero. Ulterius procedit *Baronius ad An. LVIII. Num. CXLVII.* contendens, *Tarsum jus municipale a Romanis consecutam esse;* quandoquidem Paulus se *municipem Tarsensem* esse profitetur. Act: xx1. 39. Præstabant autem *Municipia Coloniis.* *Municipes* enim non tantum, ut *Coloni*, dicebantur cives Romani, sed etiam, *Ulpiano* teste, munerum honorariorum participes esse poterant. Accedit, quod *Coloniæ* legibus Romanorum cogerentur vivere; *municipia* vero legibus suis antiquis patriisque moribus agere sinerentur. Ut autem Tarsus *municipium* diceretur Romanorum, eam dignitatem cives promeruisse creduntur, quod in bello civili Cæsari primum, dein & Octavio studuissent, multaque ea de causâ passi essent. Adeo enim Cæsarianis partibus addicta civitas ista fuit, ut, narrante *Dione Cassio*, pro *Tarsio Juliopolim* se dici postulaverit, in *Julii* nimirum memoriam, & *Augusti* gratiam: eamque ob causam *coloniæ* aut *municipii* jure donatam esse tradunt. Cujus rei testes laudantur

VI. Quo-  
modo,  
Tarsensis  
quum esset,  
Romanus  
esse potue-  
rit.

dantur *Plinius & Appianus*. Sed nimis liberaliter ista a doctissimis viris asserpta esse, magnis contendunt argumentis *Heinsius & Grotius*. Vix enim ullum apud veteres locum invenias ubi Tarsus Colonia, nedum Municipium, dicatur. Et quo modo Colonia, rogat *Heinsius*, quum duas tantum in Cilicia *Jarrisconsultus* agnoscat? *Ulpianus ff. de Censibus L. 1.* Est & in Bythinia Colonia *Apanena*, & in Ponto *Sinopenfis*: est & in Cilicia *Selinus & Trajanopolis*. Cur autem Tarsum sive *Juliopolum* omisit, si & ea locum inter illas habuit? Municipium fuisse, non aliunde probat *Baronius*, quam ex Latina versione Actuum. Atqui in Græco est *πολίτης*, quæ vox civem notat. *Plinius* vero Tarsum, non municipium, non coloniam, sed *Liberam urbem* nuncupat. *Lib: V. Cap. XXVII.* *Appianus Civilium Lib: V.* concessam Tarsensibus ab Antonio libertatem dicit, jus coloniæ aut municipii, non dicit. Quam ob rem id unum restare vult *Grotius*, ut aliquis majorum Pauli, bellis civilibus quæ inter Cæsarem Augustum & Brutum Cassiumque, aut etiam inter eundem Cæsarem & Antonium intercessere, jus illud sibi comparaverit. Unde colligit, ex opulenta familia fuisse Paulum. Adeo Grotiana ista *Joh. Cler.* placuerunt, ut non sine supercilio *Hammondum* in alia euntem increpet. Meo tamen animo necdum satisfacere potuerunt. Nam quod alii de Tarso parcius, dum liberam civitatem nuncupant, id magnificentius exsecutus est *Dion Chrysostomus*, in Tarsica posteriore omnium liberalissime declamans. Verba ejus sunt: *Vobis, Viri Tarsenses, obtigit ut primi sitis in hac gente: non solum quod maximam omnium in Cilicia habitetis civitatem, & metropolim ab initio; sed etiam quod Cæsarem secundum habuistis optime vobis faventem, & familiarem. Infortunium enim quod civitati illius causa acciderat, merito eum vobis benevolunt fecit, utque daret operam quo majora in vos sua apparerent beneficia, quam calamitates propter eum acceptæ.* *Τοιγαρὶν ἂν τις ἂν φίλοις καὶ σιμμάχοις, καὶ τηλικαύτην προθυμίαν ἐπιδειξαμένοις, κακῶν ὅτι ὑμῖν παρέσχε, χάραν, νόμους, τιμὴν, ἐξουσίαν τῷ ποταμῷ τῆς τε θαλάσσης τῆς κατ' αὐτήν.* Itaque omnia quæ quis amicis vere ac sociis, quique tantam exhibere benevolentiam, præstare posset, & ille (Augustus) vobis contulit: terram, sive agrum, leges, honorem, potestatem fluvii, marisque vicini. In quæ verba sic commentatur *Heinsius*: Agrum, liberum videlicet, ac sic immunem. Leges, quæ de Libertate, municipiis conferri solitæ. Honorem, ipsum Civitatis nempe jus, eximium imprimis ac præclarum. Quæ interpretatio si obtineat, confecta res est. Neque video cur non obtineat. Qui enim eximia quæque pro tantis meritis urbi alicui concedere animum induxit, quid ni is, si in sua id sit potestate, uti certe in potestate Augusti erat, jus civitatis Romanæ concedat? quod ob longe minores causas aliis urbibus sæpenumero concessum esse constat. Et mirum profecto foret, si in tantis quos *Dion* prædicat honoribus jus illud non comprehenderetur. Huc sane non *Dionis* solum, sed & *Pauli* verba aurigari videntur; qui non aliunde civem se Romanum probat nisi

nisi quod *Tarsensis* esset: nihil quod familiae suae speciale fuerit memorans. Hoc autem ad fidem assertioni suae faciendam omnino fuisset necessarium. Unde arguo, consultum non esse, ut præter omnem historiae auctoritatem singularia majorum Pauli erga Romanos merita, ob quæ familiae Judaicæ tantum decus concessum sit, temere fingamus.

VII. Sed his omiſſis ad PROSAPIAM Pauli accedamus. Eam ipse magnifice edisserit Philip: 111. 5. *Ex genere Israel*, cujus posteros sibi Deus præcæteris mundi nationibus in peculium selegit. Videtur ἀτίθεσις esse ad *Idumeos*, qui ea ætate etiam habebant περιτομήν ὀκταήμερον. *Ex tribu Benjamin*. Hoc amplius est. Joseph & Benjamin maxime legitimi & genuini filii Israelis fuerunt. Attamen tribus Benjamin, quamvis in aliis minor, extremum aliquid præ tribu Josephi habuit. Illam enim attingebat sanctuarium, in Benjaminis solo situm. Deut: xxx111. 12. Ephraim cum cæteris tribubus defecit, imo & defectionis auctor fuit. Benjamin constanter adhæsit domui Davidis, atque ita promissioni quæ Davidi facta erat, ac templo. *Hebræus ex Hebrais*. Non tam genus hic intelligendum esse arbitror (hoc enim satis indicatum esse videtur in antecedentibus) quam distinctionem eorum qui Hebræa lingua in sacris utebantur ab iis qui dicuntur ἑλληνιστάι. Magnum enim erat, uti præclare observavit *Coccejus*, non esse Barbarum legi & Prophetis; atque ita cum lacte materno accepisse non ab homine factam versionem, sed ipsius Dei vocem. Nescio an hic memorare debeat quæ *Petitus* annotavit *Variarum Lectionum Cap. XXIV*. Judæos qui in Cilicia erant ἐβραϊζόντας fuisse, qui Biblia Hebraice legerent. Quippe qui attributi fuerint τῇ μετροπόλει Hierosolymis, non Babylonii. Quod ex eo colligit, quia post excidium Hierosolymitanum, quando Patriarchæ sunt instituti, attributi sunt Patriarchæ Palæstinæ Tiberiadensi. At vereor ut universa hæc collectio satis solida sit. Utilius monuero, quod alibi se Paulus *virum Judæum* dixerit. Act: xx1. 39. xx11. 3. Quæ vox ob ὑπεροχὴν tribus Judæ, maxime post reditum ex captivitate Babylonica, Israelitis omnibus communis facta est. Sic & *Mardocheus*, qui *Benjaminita* erat, *Judæus* vocatur. Esth. 11. 5.

VIII. Non grave neque ingratum Lectori futurum esse spero, si hac occasione excursum aliquem fecero, inquisiturus an in veteribus monumentis oracula quædam exstent quibus prædictum sit, Apostolum aliquem ex tribu Benjaminis proditurum esse. Duo possimum sunt quæ ab Doctissimis Interpretibus, tam Veteribus quàm Recentioribus, huc referri video; paullo pressius examinanda. Eorum alterum exstat Gen: XLIX. 27. his conceptum verbis: *Benjamin est lupus qui discerpit, mane comedit prædam, & ad vespertam dividit spoliū*. Hic post *Tertullianum*, *Ambrosium*, *Hieronymum*, *Augustinum*, *Coccejus* Paulum invenit; quamvis diversa a priscis ratione. Veteres enim utramque vaticinii partem Paulo applicatum eunt; hoc fere sensu:

VII. Profapia Pauli.

VIII. An ad Paulum pertineat Jacobi de Beniamine oraculum Gen. 49. 27.

senſu: quod primo *mane*, hoc eſt *junior*, tanquam lupus vaſtaverit eccleſiam; & *veſperi*, hoc eſt *ſenior* jam, ſpolia gentium Diabolo detracta, Chriſto & eccleſiæ diviſerit. *Coccejus* haut paullo concinnius: obſervat tempus regni, & Reipublicæ Iſraelitiæ habere *auroram*, & *occaſum*. In utroque inſignem eſſe *Benjaminem*. *Saulem* quippe incepſiſſe regnare in Iſraële, & hoſtes proſtigare. Alterum vero *Saulem*, circa Reipublicæ veſperam, noſtrum hunc, diviſiſſe ſpolia, erepta Satanæ, ex Judæis, & gentibus, quod ipſum de Chriſto quoque dicitur. Jeſ. LIII. 12. Conf: Matt: XII. 29, 30.

IX. Non  
videtur.

IX. Sed vereor ne hæc ſubtiliora, & præter mentem grandævi vatis ſint. Etenim quum *ſaſi Doctores luporum* nomine paſſim deſignentur Matt. VII. 15. Act. XX. 28. non videtur conveniens ut eodem emblemate fidus præ aliis Chriſti miniſter repræſentetur. *Lupus* certe fuit, quando oves Chriſti immani furore diſperdebant, & dilaniabat. At *lupum* manſiſſe, poſtquam in ovem manſuetiſſimam, & tenerrimi affectus paſtorem, mutatus erat, dictu oppido durum eſt. Nimia ſubtilitas ſæpe nocet in expoſitione Scripturarum. Non agitur hic de una ſolum alterave perſona ex tribu, ſed de indole integræ tribus: nec de Reipublicæ Iſraelitiæ aurora, & veſpera, ſed alluditur potius ad genium luporum. Credibilius itaque eſt ſub typo *lupi*, quem Poëtæ quoque *Marti ſacrum* fecerunt, & quem *Martium* dixerunt ac *Martialem*, Benjaminitarum robur, ac *fortitudinem* ſignificari: cujus ſpecimina egregia ediderunt in bello Gabaitarum cauſſa ſuſcepto. In quo Benjaminitæ ſoli reliquas undecim tribus intrepide aggrediuntur, & viginti ſex millia hominum adverſus quadringenta millia in acie ſtare audent. Jud. XXI. At non ſola *fortitudo bellica* ſpectatur, ſed conjuncta cum ea *rapacitas*, & quæ rapacitatem felicem ſequitur, opulencia. Conf. Ezech. XXI. 27. Hoc quoque complementum ſuum in Benjaminitis habuit, non tam quando Siluntinas ſibi puellas in uxores rapuerunt, quam quando Saul Benjaminita, cum contribulibus ſibi heroibus, uberrimam de Amalecitis prædam retulit: & præcipue quum Mardochæus, ex eadem tribu, ſub auſpiciis Reginæ Eſtheræ, cognatæ ſuæ, ſpolia Hamanis, & filiorum ejus, omniumque adeo hoſtium, non ſibi ſolum ſuæque tribui, ſed & omnibus quaquaverſum Iſraelitis diſtribuit. Porro ſub *veſperam* prædatum eunt lupi. Jer. V. 6. Hab. I. 8. Soph. III. 3. Nonnulli quidem ſolitarii; ſed & alii gemini.

Statius:

— procedunt gemini cœu ſadere juncto

*Hyberna ſub nocte lupi.*

Tum vero prædam communi labore partam inter ſe dividunt; & quiſque partem ſumit, quam, ſi poteſt, illiſco vorat, aut bene paſtus in poſterum ſeponit quidquid ſuper eſt. Huc alludit Jacobœum oraculum. Cujus ſenſus eſt: Benjamin eſt inſtar lupi rapacis, qui prædam uſque ad matutinum tempus comedendam habet, poſtquam eam diviſit veſperi. Vide ſis *Bochart. Hierox. Part. I. Lib. III. Cap. X.*

X. Ali-



X. Aliquanto fortasse felicius Paulum quærunt *Hieronymus, Theodorus, Nicolaus a Lyra, Pellicanus*, aliique, in Psal. LXVI 11. commate 28. Quod ob duas voces, nusquam alibi occurrentes, diversimode redditur. Juniana versio sic habet: *Illic sit Benjamin, parvus & dominator eorum; principes Jebuda & cætus eorum, principes Zebullunis, principes Naphtali.* Veterum sententiam novis nuper tibicinibus fulcivit Vir Clarissimus, *Jacobus Altingius. Schilo Lib: V. Cap. XX. & commentario in hunc Psalmum Oper. Tom. 11. Part. 111. p. 112.* ex quo præcipua ad institutum nostrum facientia excerpam. Prophetico hoc Psalmo describitur gloriosa Christi in cælos adscensio, cum iis quæ eam sunt consecuta. In quibus est benedicto Domini *מסְקִיר יִשְׂרָאֵל* facienda vel *ab iis qui sunt*, vel *ei qui est*, ex scaturigine *Israelis. במקלורו* In *Panegyribus*, magnis non unius populi cætibus. Porro designantur ii, qui laudum divinarum futuri erant præcones: iique denominantur a *tribubus Israelis*, unde ortum ducturi erant. Et primo quidem ordine collocatur *Benjamin*, designaturque *Paulus* ex ista tribu oriundus, diciturque *הַצֵּעִיר*, Græcis *μικρότερος*, Minor. Conf. Gen. XL 11: 33. quia sicuti Benjamin postremus filiorum Jacobi fuit, ita ipse postremus omnium ad Apostolatam vocatus est: unde se *minimum*, & *abortivum* dicit. 1 Cor. xv. 8, 9, 10. Vel si *צֵעִיר* de conditionis & animi humilitate interpreteris, qua notione venit Ps. CXIX. 141. id ipsum quoque ad Paulum optime refertur. Eph. 111. 8. Additur vox *נִרְרָא* nusquam alibi repetita. Ea vel simplex est, *ἐκστατικὸν* notans (Græci *ἐν ἐκστάσει*) & sane a *נִרְרָא* est *נִרְרָא* *Sopore ecstático obrui.* Et tum exactissime delineat Pauli *vocationem*, quæ facta in *ecstasi*. Act. ix. 3 - & 12. & *confirmationem* in munere; pariter in *ecstasi* factam. Act. xxii. 17. 2 Cor. xii. 1. Vel est composita; & significat *qui dominatur iis*, imperio non herili, sed paterno, & doctoris. 1 Cor. xv. 15. prærogativa non dominationis, sed laboris supra conservos. 1 Cor. xv. 10. 2 Cor. xi. 5. 23. *Theodotion*, observante *Drusio*, vertit *παιδευτῆς αὐτῶν* *præceptor ipsorum*. Huic adduntur *נִרְרָא* *Principes προεσώτες, ἡγέμενοι.* Et quidem *Principes Judæ*, *נִרְרָא*. Vox *ἀπαξ* λεγομένη. secundum quosdam *acutipios*, id est *excellentes*, & *ornatissimos*, secundum alios *acervum lapidum* designans. *Lapis* autem *stator*, & *conservator* rei alicujus dicitur. Sic Joseph Gen. XLIX. 14. *אֶבֶן יִשְׂרָאֵל* *Lapis Israelis. Acervus lapidum* plures ejusdem tribus notat, in eodem opere collegas. Ex *Judæ* tribu Apostoli fuere *Jacobus minor*, frater Domini. Gal. i. 19. filius *Alphaï*, & *Maria* Marc. xv. 40. quæ soror fuit Mariæ matris Jesu Joh. xix. 15. *Judas*, Jacobi hujus frater. Judæ i. i. *Jacobus Major*, & *Johannes*, filii Zebedæi, & *Salomes* (quod colligitur ex Matt. xxvii. 56. col: c. Marc. xv. 40.) quam sororem dicunt Josephi, sponsi Mariæ. *Simon Zelotes* aut *Kananites*; quem fratrem uterinum Jacobi minoris, & Judæ credidit antiquitas. *Judas Iscariotb.* Cujus patria *Kerioth* inter urbes Judæ tributas numeratur.

Jof.

X. At probabilius eo refertur Ps. 88. 27.

Jos. xv. 15. Mentio deinde fit *Principum Zebulonis*. Huc referendi *Petrus, Andreas* frater ejus, *Philippus*; omnes nati *Betsaida*, urbe *Galileæ*, tribus *Zebulun*. Joh. 1: 45. *Bartholomæus*, qui multis idem esse creditur cum *Nathanaele*, tum propter familiaritatem cum Philippo Joh. 1: 46. collato cum Matt. x: 3. tum quia *Nathanael* inter Apostolos nominatur. Joh. xx1: 2. *Nathanael* autem ex Cana *Galileæ*, *Zebulonita* fuit. *ib.* Denique *Principes Naphtali*. *Matthæus Capernaita*, ut videtur ex Matth. 1x: 9. quæ urbs in ista tribu. Restat *Thomas*, sive *Didymus*; de cujus prosapia nihil liquet. Hæc cum aliis *Altingius*. Neque existimo interpretationem hanc, si rei summa spectetur, spernendam esse. quum & verbis conveniat, & nexui, & sensum fundat uberrimum, nec quidquam a quoquam allatum viderim, quod illi refellendæ sit idoneum; aut ullam huic substitutam meliorem. Præcipue me movet, quod, si ab hac interpretatione recefferis, vix comoda dari queat ratio, cur hæc tribus, nominatim illa *Zebulonis*, & *Naphtali*, quæ nihil notabile habuerunt, præ cæteris hic laudentur. Quod enim plerumque dicitur, has a Templo fuisse remotissimas, & per harum præsentiam omnium significari consensum, nescio an sit solidum. Cur enim omititur *Aser*, *Zebulune* aliquanto remotior?

XI. In vita Pauli quæ spectanda sint.

XII. Ex more gentis suæ dicit opificium.

XI. Hactenus de Prosapia Pauli. Nunc vitam ipsius consideremus. Ubi observanda. I. *Institutio* juvenilis. II. *Sectæ*. III. *Ingenium & mores*.

XII. In educatione filii sui hanc sibi operam datam esse Pauli parentes judicaverunt, ut, ex more gentis, non *animus* solum liberalibus studiis imbueretur, sed & *manus* utili alicui opificio assuefaciendas accurarent. Fuit enim *σκηνοποιὸς τῆς τέχνης* *tabernaculorum conficiendorum artifex*. Act. xviii: 3. opificio isto studiis per vices interposito. Id enim Judæorum studiosissimis in usu fuisse, tam ut otium & ignaviam effugerent, quam ut de victu sibi felicius prospicerent, pridem a doctis observatum est. Crediderunt Judæi ad parentum officia pertinere, ut filium *circumcidant, redimant, legem & opificium doceant*, eique de uxore *prospiciant*. Atque id quidem de opificio tam esse necessarium arbitrabantur, ut Rabbi Juda dixisse memoretur: כל שאינו מלמד ארץ בנו אומנוּתו כאילו מלמדו ליסמנותו *Quicumque filium suum non docet opificium perinde est ac si eum doceret latrocinium*. Hinc est quod sapientes Hebræorum honori sibi duxerint ab officiis cognomenta sumere. R. *Nahum & Meir* dicti sunt *Librarii*, R. *Jochanan Calcearius*, R. *Juda Pistor*, R. *José Coriarius* aut *pellium confector*. Quæ ex *Drusio* omnibus fere nota. Mera itaque ærugo est quod *Orobis*, Judæus, Paulum nostrum *coriorum sutorem* contemtim nominaverit, indeque collegerit, quamvis *Pharisæus* ex *Pharisæo* esset, fuisse *ex infima plebe hominem*. Oblitusne est suæ etiam nationis sapientibus probatum fuisse *Hesiodum* illud, ἐργὸν δὲ ἐστὲν ἐνεδιδόν? XIII. Cæterum ad sublimiora natus erat Paulus quam ut in vili opificio miseram ætatem transigeret. Solemne *Tarsensibus* fuisse *Strabo* memorat Lib.

XIII. Sed & Gamalielis, pri-

*Lib. XIV.* ut postquam literarum ac philosophiæ fundamenta in patriis scholis bene locassent, exteras ad majorem ingenii cultum capessendum impigre frequentarent, nullis literariæ peregrinationis molestiis aut sumtibus deterriti. Idem Paulo factitatum. Qui liberalibus disciplinis ac Judaismi principiis, pro ætatis ratione, in patria probe tinctus, Hierosolymam se contulit, *Gamalielis* disciplinæ initiandus. Credibile est, hunc fuisse *Gamaliel*em Seniore, quem *חזקוני* nuncupant, nepotem *Hillelis*, filium *Simæonis* (an illius qui puerulum Jesum ulnis excepit?) patrem alterius *Simæonis*, cujus ætate destructa fuit ædes. Successit iste Gamaliel patribus suis in ea dignitate, quæ tunc pro summa habebatur. Fuitque ראש הישיבה, caput *Academiae*, נשיא בכל מקום *Princeps Senatus Judaici*: maxime apud suos exultationis, τίμιος πάντι τῷ λαῷ. *Act. v: 34.* Unde & *Onkelosum*, celebrem illum Paraphrastem Chaldæum, in funere ipsius LXX minas resinæ, ad defuncti honorem, combussisse narrant. Initio non iniquus in Apostolos fuit, quos suo permittendos esse fato opinabatur. *Act. v: 35.* forsan quia Sadducæos, quos oderat, præcipue tunc iis adversari deprehendebat. Postea autem mutavit: si vera sint quæ de ipso tradit *Maimonides*. Nimirum quum videret in diebus suis multiplicari, quos חרשים *hereticos* dicunt, qui Israelitas ad defectionem a Mose sollicitare credebantur, obstitit ipse, & ניר רינו *Senatus* cujus præses erat; composuitque formulam orationis, qua a Deo hæreticorum istorum exterminium petebatur: suetis precum in Liturgia Judaica formulis adjungendam. Quæ *Maimonidis* traditio bifariam cum Lucæ commemoratione in gratiam redigi posse videtur. Primo, si credamus hanc fuisse Gamalielis mentem, Apostolos, eorumque successores, utut hæreticos, non humana vi, aut humanæ prudentiæ consiliis esse opprimendos, sed Dei arcanae providentiæ totam eam rem committendam esse, eorundemque exterminium a Deo precibus esse impetrandum. Sive, quod simplicius & probabilius videtur, statuamus, eum Apostolorum παρηγοία, & patrati ab ipsis miraculi evidentia confusum, mitius de ipsis eo tempore censuisse; deinceps vero in duriorē concessisse sententiam, quum præter spem incredibilia Christianismi incremanta cerneret, & Stephani gravissimam increpationem cum indignatione audivisset. Vide sis *Altingii Schilo Lib: IV. Cap: XXV.*

XIV. Ad hujus Gamalielis pedes enutritus est Paulus. *Act. xx i: 3.* Passim ab eruditis observatum est, respici ad morem discipulorum, qui, doctore in altiori loco confidente, ad pedes ipsius prostrati, in solo mattive jacebant. Et profecto tot sunt moris istius in Hebræorum monumentis vestigia, ut in dubium vocari non posse videatur. Præter ea quæ *Illustris Scaliger* in *Elencho Tribæsesii* protulit, notissima sententia est ex *Pirke Aboth*, pridem *Drusio* landata. הוי מחאכך בעפר רגליהם *Esto pulverans in pulvere pedum ipsorum*, scilicet sapientum; id est, assidue esto ad pedes ipsorum

XIV. Ad  
pedes ejus  
enutritus.

auditor. Quibus addi potest quod *Buxtorfius* in recensione operis Talmudici p. mihi 224 ex codice *Berachot* addidit : מנעו בניכם מן ההכנין וחשיבו בן ברכי תלמידי חכמים *Avertite libros vestros a studio Biblico, & collocate eos inter genua sapientum.* In ipsa etiam Evangelii historia Mariæ exemplum habemus, ἡ παρακαθίσασα παρὰ τὰς πόδας τῷ Ἰησοῦ ἔκειτο τὸν λόγον αὐτῷ. Luc. x: 39. Adde Marc. 111: 32. Καὶ ἐκάθητο ὁ ὄχλος περὶ αὐτόν. Exstat equidem Hebræorum traditio *Maimonidi* laudata, in hunc sensum : *Adiebus Moſis usque ad Rabban Gamaliel non didicerunt legem nisi stantes; verum a quo mortuus est Rabban Gamaliel, descendit morbus in mundum, & didicerunt legem sedentes.* Tanti traditionem istam Doctissimus *Petitus* fecit, ut alia prorsus mente Pauli de se ᾤσιν exponendam pugnet. Quippe quæ non ad animi cultum pertineat, de quo verbis sequentibus, πεπαιδευμένον κατὰ ἀκριβείαν τῶ πατρῶος νόμου, sed ad contubernium cum Gamalielē, apud quem fuerit educatus, quocum quotidie cibum ceperit, pedibus ejus assidens, in eodem lectulo accumbens; aut, si admodum puer domum Gamalielis deductus est, ad lecti tricliniaris, in quo accumbebat Gamaliel, fulcra assidens, uti tunc moris erat. Cæterum ignoscat mihi Præstantissimus *Petitus*, & qui cum eo sentiunt viri eruditissimi, si flocci non faciam futilem istam de novo morbo qui mundum inde a Gamalielis morte invaserit næniam, quo standi facultas discipulis ademta, & sedendi necessitas introducta sit. Nam sedendi ad pedes doctorum morem antiquiorem esse, ante dicta evincunt. Idcirco facile iis conscisco, qui huc quoque Pauli verba pertinere autumant.

XV. Ad exemplum Præceptoris, & ipse Phariseus: quæ secta omnium credebatur esse accuratissima.

XV. Uti Pauli præceptor Gamaliel, ita & ipse, SECTA fuit PHARISÆUS. Quod, tanquam rem quæ in Judaismo honorifica habita fuit, frequenter de se ipso commemorat. Κατὰ νόμον Φαριζαίων Phil. 111: 5. Ubi νόμον vel certam aliquam sectam notat, suis legibus ab aliis distinctam; vel *rationem* singularem explicandæ legis *Mosaicæ*. Confer Act. xx11: 3. πεπαιδευμένον κατὰ ἀκριβείαν τῶ πατρῶος νόμου. Quam ob rem & ἀκριβέστερον αἰρέσεις τῆς Ἰουδαϊκῆς θρησκείας dicitur Act. xxvi: 5. Phrasi quæ *Josepho* etiam placuit de *Bel. Jud. Lib. I. C. IV.* Τάγμα τῶν Ἰουδαίων δοκῶν εὐσεβέστερον εἶναι τῶν ἄλλων, καὶ τὰς νόμους ἀκριβέστερον ἀφηγεῖσθαι. Et in sua vita. Τῆς δὲ Φαριζαίων αἰρέσεως, οἱ περὶ τὰ πατρια νομίμα δοκῶσι τῶν ἄλλων ἀκριβέστα διαφέρειν. Qua singulari accuratone se ab aliis distinguentes, Phariseus se dici valde amarunt: quippe quo nomine פרושים, pro quo Græci ἀφωρισμένους dicunt, *separatio & secretio* ab aliis innuitur. Notantibus Rabbinis, Phariseum פרוש ita vocari, שנפרש מרכי חקלים לשרה נשם בתפלה והודות לשם Quod *separatus sit a viis mundi ad serviendum in nomine Jehova, precibus & celebratione Divinarum laudum.* Consistebat autem ἀκριβεία ista, partim in *Dogmatibus*, partim in *Vitæ instituto.* In *Dogmatibus* optima quæque ex lege Moſis amplectebantur, ca-

que quæ Deo glorificando, & pietati hominum animis ingenerandæ maxime credebantur idonea atque efficacia: quales sunt articuli de animarum spirituali natura, & extra corpus existentia, de resurrectione corporum, de præmiorum ac pœnarum post hanc vitam distributione, & quæ hisce sunt connexa. Quo sane nomine insignem præ Sadducæis laudem merentur. Act. xxiii: 6, 7, 8. In *vita instituta* incredibilem fere *σκληραγωγίαν*, & ut Epiphanius nuncupat, *ἐθελπερισσोधυσκείαν* sectabantur. Cujus specimina extant Luc. xviii: 11, Mat. xxiii: 5, 23, 25. Huc pertinent dodrantes tabulæ super quibus somnum capere solebant, quo in pavimentum delapsi mox ad preces excitarentur. Ob eandem causam quandoque sibi calculos substraverunt, interdum & spinas; somno vel omni vel longiori arcendo. Verbo ut absolvam, segregabant se a promiscua hominum turba, & caverunt sibi ab immunditia omnibus diebus suis; quod *Moses Maimonides* ut *caput sanctitatis*, & *viam purissimæ religionis* prædicat, apud *Lightfootum* ad Mat. XV: 2.

XVI. Restat ut de Pauli *INGENIO & MORIBUS* dicamus. *Ingenio* sane XVI. Ingenio præclaro fuit, multarum magnarumque rerum capaci; unde factum est ut in patriarum legum peritia cœtaneos suos longo intervallo anteverterit, in Gamalielis Academia juventutis Judaicæ facile princeps. Gal. i: 14. Neque umbraticis duntaxat studiis idoneus, sed & iis instructus dotibus quæ ad res caute & fortiter agendas requiruntur. Ita vero ut eximium in modum eluceret generosi animi alacritas, fervor, atque intrepiditas, nulli cedens difficultati ac periculo. *Moribus* purus castusque fuit, in ipsa juventute contra juventutis vitia probe munitus, & si ea solum attendantur, quibus se civilis honestas, & avitæ religionis tenax professio, commendare solent, vix quidquam erat quod in ipso carperes. Phil. i: 6. Κατὰ δίκαιον σὺν τῇ ἐν νόμῳ γενομένῃ ἀμεμπτοῦ. Hinc est quod tanta cum fiducia ad antea factam etiam in juventute vitam provocare, atque in omnibus bonæ sibi conscientiæ studium vindicare ausus fuerit. Act. xxiii: 1. xxiv: 16. 2 Tim. i: 3.

XVII. Fatendum tamen quod fervor iste, qui Paulo quasi innatus fuit, XVII. Sed aliquoties eum ultra æqui justique limites abripuerit; præsertim ad dira quæque adversus Christianos patranda. Sed vel in ea ipsa exorbitantia, non malo agebat animo, & odio molestæ sibi veritatis, quod multorum erat Phariseorum ac sacerdotum scelus; verum conscientiæ non recte informatae & præjudiciis occupatae dictamen cæca religione sequebatur: & ex animo ita agendum existimavit, uti egit. Act. xxii: 20. Primum inconsiderate bullientis zeli specimen edidit in morte Stephani, quam cum voluptate spectabat, lapidantium vestes servans. Act. vii: 58. Huc pertinere arbitror, quod de se confitetur Act. xxvi: 10. *ἀναγοµένον τε αὐτῶν κατήγορα Ἰησοῦν*, & *quum interimerentur tui suffragium*. Quum ante Pauli

conversionem nemo præter Stephanum Christianæ religionis nomine interemtus sit, oratorie numero plurali usus esse videtur, quamvis solius Stephani cædem designet. Et quum nunquam Paulus pars Judaici Senatus fuerit, neque suffragium inter Judices tulerit, significare vult, se Stephani interfectionem toto animo, verbis, gestibus approbasse. Quo sensu *Æschines* quoque, *Grotio* notante, phrasin istam usurpavit. Hoc est quod dicit Act. xxii: 20. *Συνευδοκῶν τῇ ἀναίρεσει αὐτοῦ*. Fuit hoc initium furoris; mox vehementius sævituri. Act. vii: 3. nam potestate impetrata a Pontifice, totoque Senatu Judaico, *persecutus est fideles, in vincula & carceres conjiciens viros ac feminas* Act. xxii: 4. *faciens eos flagris cædi per Synagogas, & 19. cogens blasphemare, & persequens ad mortem usque; non in Judæa solum, sed & in exteris usque civitates*, Act. xxvi: 11, 12. *ipsamque adeo Damascum*. Act: ix: 1. In quibus nonnulla sunt, uberioris explicationis indigna.

XVIII.  
Carcerum  
apud anti-  
quos ratio  
& usus.

XVIII. *Carcerum* geminus antiquis usus fuit: alter ad reorum *custodiam*, cujus intuitu vocatur *משמר*, Gen. xl: 3. *מִסְמָר* Jer. xxxviii: 28. & *Φυλακή*; alter ad *pœnam*: cui inservivit aliquando *fovea cæmosa*, uti illa in quam demissus est Jeremias Cap. xxxviii: 6, aliquando *arctior* in interiori carcere *locus*, quem *מִתְחַכֵּר* dicunt. Quomodo Afa, non ferens justam sacri vatis increpationem, præter fas & æquum conjecit ipsum in *בֵּית הַמִּתְחַכֵּר* *carcerem cippi*. 2 Chron. xvi: 10. Eadem mente Semajas, Jeremiæ hostis infensissimus, Zephaniam cæterosque sacerdotes, præfatos domui Jehovæ, acri oratione stimulat, ut Jeremiam ponerent *אֶל הַמִּתְחַכֵּר* *in cippo & in scapha* Jer. xxi: 26. Mitto illud scapha, quod nostræ nunc considerationis non est; vox Hebræa, quam *cippum* vertunt, a *curvitate* & contorsione corporis nomen habet, eique respondet vox Chaldaea *כִּיפָא* cujus frequens in Talmude usus est. Ejus hanc ex Rabbini definitionem tradit *Coccejus*, in *notis ad Sanhedrim*, Cap. IX. p. 74. *מִשְׁמַר שְׁעוּשִׁים בְּבֵית הַסֹּוֹהַר גָּבְחוֹ כְּסִיעוֹר קוֹמַת חֹאכִים שְׂכָרָה בְּשֶׁבֶר פֶּאֶסֶר שְׁעוּשִׁים בְּבֵית הַסֹּוֹהַר גָּבְחוֹ כְּסִיעוֹר קוֹמַת חֹאכִים שְׂכָרָה בְּשֶׁבֶר פֶּאֶסֶר* *Est claustrum in carcere, altitudine aquans hominis mensuram, examussim, ita arctum ut porrigendi se ad somnum capiendum facultas nulla sit*. In talem carcerem secundum Hebræorum instituta compingebatur qui ob peccatum sub excisionis pœna vetitum bis flagris cæsus tertia id vice commiserat. Talis, inquiunt, *non amplius verberatur, sed includitur cavea ad id facta, qui est locus angustus humanam staturam aquans, qui sedendi facultatem non præbet; ibi sustentatur pane afflictionis & aqua pressura: usque dum affligantur intestina ejus & egrescat*. Deinceps cibant eum *hordæis*, donec venter ejus *disrumpatur*. Vide sis *Schickardum de Jure Regio Cap. II. Theorem: VII*. Qua mente furens Paulus fidos Jesu discipulos in carcerem compingi curaverit; an ad custodiam, an ad pœnam, an ad utramque, historia tacente equidem definire non ausim.

XIX. Alienum quibusdam videtur, quod Paulus *per Synagogas flagris cædi*

*cedi* Christianos curaverit. Ecquid in domo precibus ac religioni dicata forensia judicia executioni mandata, & supplicia de reis sumta sunt? Tanti ea difficultas *Bexæ* visa est, ut locum Mat. x: 17. ubi idem dicit Christus, contra codicum omnium fidem mendi suspectum habuerit. Quæ profecto commentandi ratio a nostro ingenio perquam aliena est. Quid ergo fiet Mat. xxiii: 34. ubi hisce extat geminum? *Grotius* per *συναγωγὰς* non *profenchas* intelligi vult; sed *civiles ac juridicos conventus*. Sed & id oppido durum est: quum illius significationis nullum, quod sciam, ex Novo Testamento producat exemplum. Quid ergo? Tam disertis historiis non sunt nobis opponendæ ratiocinationes quas ipsi a decori aliqua specie fabricamus. Fac non extare nunc in aliis scriptoribus flagellationis quæ in synagogis facta sit mentionem; ideoque dubium esse debet id quod Christus & Paulus, ut rem sua ætate notissimam, apertis verbis memorant? Neque caussa est cur flagellatio in synagogis adeo nobis mira videatur, quum pars sit disciplinæ, excommunicatione minor, atque honestior. Illa enim castigatos fuisse volunt illustrissimos quosque sapientum, ubi in legem deliquissent; ne principe quidem senatus, aut pontifice exempto.

XX. Sed & exempla flagellationis in synagogis alibi inveniuntur. Ipse *Grotius* ex *Epiphanio* notavit, Judæum quendam, quum ad Christianismum deficere vellet, in synagoga flagris cæsum. Historia extat *Adversus Hæres. Libri I. Tomo II. Cap. XI.* & huc fere redit. *Josephus* quidam, Patriarchæ Judaici *Apostolus* (de cujus vocis significatione commodior dicendi occasio deinceps dabitur) in Ciliciam Patriarchæ jussu profectus ut decimas ac primitias a provincialibus Judæis exigeret, in domo aliqua Ecclesiæ vicina diversabatur. Exinde contracta cum Episcopo familiaritate clam ab eo Evangelicorum librum postulat ac legit. Quod odorati Judæi cæteri, pessime ipsi cupientes, ex improvviso impetum in ædes faciunt, atque in ipsa Evangeliorum lectione *Josephum* opprimunt. Heic libro e manibus erepto hominem corripunt, & ad terram allisum vociferantes, maximisque contumeliis vexantes, *ἀπάγουσι μὲν εἰς τὴν συναγωγὴν καὶ μασίχοσι τὸν* in synagoga abducunt virgisque cadunt.

XXI. A quo non multum abludit recentior historia *Urielis Acoftæ* ab ipso met descripta in libello cui titulum fecit *Exemplar humanæ vitæ*, quem suæ cum Orobio collationi subjunxit *Limborgius*. Res ipsa Amstelodami contigit circa annum trigessimum proxime elapsi seculi. Erat autem ille *Uriel Acofta* natione Judæus, at de plerisque fidei Judaicæ articulis prave sentiens, revera *Epichraus*: citatus eo nomine a prefectis synagogæ judicio se stirit. Ubi prælectus ei libellus, quo continebatur, debere eum veste lugubri indutum synagoga intrare, cereum nigrum in manu tenentem, & certa quædam verba per illos scripta, fœda satis, palam coram concione evomere, quibus iniquitates quas commiserat usque in cælum efferebant. Post

XIX. Non debet incredibile videri, Christianos in Synagogis esse flagellatos.

XX. Quippe quod & suo tempore factum esse *Epiphanius* memorat.

XXI. Et Patrum nostrorum ætate sibi in synagoga Amstelodamensi accidisse flebiliter narrat *Uriel Acofta*.

hæc debere ipsum publice in synagoga flagellari flagello coreaceo, ceu ligaculo; deinde in synagogæ ipsius limine se prosternere, ut omnes super ipsum transirent. Quæ quomodo executioni tandem mandata sint, suis ipsum verbis narrantem audiamus. *Intravi synagogam, quæ hominibus & mulieribus plena erat, convenerant enim ad spectaculum, & quando tempus fuit ascendendi suggestum ligneum, quod est in medio synagoga ad concionandum, & clara voce prælegi scripturam ab ipsis exaratam, in qua continebatur confessio, me scilicet dignum esse millies mori propter ea quæ commiseram, nempe violationem Sabbati, fidem non servatam, quam in tantum violavi, ut etiam aliis suavissem ne Judaïsmum intrarent &c.* Peracta lectione descendi a suggestu, & accessit ad me sacratissimus præses, susurrans mihi in aurem ut diverterem ad angulum quendam synagoga. Contuli me ad angulum, & dixit mihi janitor, ut me nudarem. Nudavi corpus ad cincturam usque, linteum capiti subligavi, calceos deposui, & brachia erexi, manibus tenens quandam quasi columnam. Accessit janitor ille, & manus meas ad columnam illam quadam fascia colligavit. His ita peractis accessit præcentor, & accepto corio percussit latera mea triginta & novem percussionebus, secundum traditionem. . . . Inter percutiendum Psalmus decantabatur. Hoc impletur, humi sedi, accessit concionator, seu sapiens, qui me ab excommunicatione absolvit: & ita jam porta cæli mihi erat aperta, quæ antea fortissimis seris clausa me a limine & ingressu excludebat. Post hæc indui vestes, abii ad limen synagoga, prostravi me, & custos ipsius sustentabat caput meum. Tunc omnes qui descendebant transibant super me, scilicet elevabant pedem unum, & transibant ad inferiorem partem crurum meorum, quod omnes tam pueri quam senes fecerunt. Quando jam nullus restabat, surrexi e loco, & mundatus a pulvere per illum qui mihi assistebat, domum me contuli. Quæ, quamvis prolixiora, exscribere non piguit, quod prorsus existimem priscum in synagogis flagellandi morem nova hac scena ad vivum repræsentatum esse.

XXII. Qua  
ratione  
Paulus  
Christianos  
ad blasphemandum  
coegerit.

XXII. Porro quod coactos ad blasphemandum Christianos esse narret, id quoque ex Hebræorum Antiquitatibus elucidandum est. Tempore Gamalielis conceptam esse adversus hæreticos precandi formulam, supra memoravimus. Illius auctorem perhibent fuisse *Samuelem* quendam, cognomento *Exiguum*, fervidum Gamalielis Discipulum. Formula apud *Maimonidem* ita habet: *למשומרים אל תהי תקוה וכל המינים כולם כרגש יבארו* *Apostatis non sit spes, & omnes in universum hæretici veluti momento disperdantur: regnum superbiæ eradices, & confringas cito in diebus nostris. Benedictus esto tu Domine, frangens impios, & humilians superbos.* *Samuelem* istum *Exiguum* *Jacobus Altingius Paulum* nostrum esse contendit *Schilo Lib: IV. Cap: XXXVII.* Sed, quod pace Viri Doctissimi dictum sit, tenuibus admodum argumentis. Suffecerit observasse, oratiunculam hanc blasphemias continere, adversus Christianos & regnum Dei in Christo. Porro credibile admodum est; *Paulum* mandatis Gamalielis ac Senatus instructum, per synagogas



nagogas obivisse, orationem istam cum iis communicasse, atque ad illius recitationem obligasse. Constat autem eos qui nomen Jesu profitebantur synagogas etiam frequentasse, ut lectioni legis ac prophetarum, & communibus precibus interessent. Hos necesse fuit, vel contradicere isti formulæ, atque ita se *Minaeos* confiteri; quomodo mox discerni ab aliis, in custodiam rapi, & pœnis affici potuerunt; vel consentientes una blasphemare, & novum dogma execrari. Utcunque caderet, voti se sui compotem factum esse furens Saulus sibi gratulabatur. At nunquam propius a sui conversione abfuit, quam quando insanissime ferociebat. Cui historiæ sequentem exercitationem dabimus.

## SECTIO II.

De vocatione Pauli ad Christianismum & Apostolaturn.

### B R E V I A R I U M.

- I. *Vocationis Pauli ad Christianismum.* II. *Occasio. Ubi multa de Damasco.*
- III. *Quid juris Hebræorum Pontifici aut Senatui in Damascenos fuerit.* IV. *Hieronymi circa Damascum observatio.* V. *Jesus ipse Paulo in fulgidissima luce visus.* VI. *Sed quo modo,* VII. *& ubi?* VIII. *Audita quoque Jesu compellatio.* IX. *Quæ de Sauli pervicacia insigniter triumphavit.* X. *Quomodo Sauli comites viderint, & non viderint; audiverint, & non audiverint.*
- XI. *Triduana Sauli cecitas, non carens mysterio.* XII. *Cui simile aliquid Iberorum Regi accidisse memoratur.* XIII. *An triduo illo cecitatis & jejunii, obrigerit Paulo raptus in Paradisum.* XIV. *Non videtur.* XV. *Commercium Pauli cum Anania.* XVI. *Spanhemii Dissertatio de Apostolatu laudata.*
- XVII. *Quinam Apostoli dicti sint Græcis.* XVIII. *Qui, Hebræis.* XIX. *Qui, Christianis.* XX. *Apostoli κατ' ἐξουσίαν sic dicti, cum suis prerogativis.*
- XXI. *Quæ omnes Paulo eminentissime competunt.* XXII. *Æra conversionis ipsius.*

**V**ocatio Pauli ad Christianismum tria imprimis notabilia habet. I. Vocatio-  
 I. *Occasionem antegressam.* II. *Vocationem ipsam.* III. *Proximas*  
 illius sequelas.  
 - II. OCCASIO hæc fuit, quod minas ac cædem contra discipu-  
 los Domini spirans, literis à Pontifice Maximo Hebræorum impetratis, II. Occa-  
 Damascum profectus sit, ut, quoscunque Christianæ sectæ invenisset, sine-  
 fexus discrimine, victos Hierosolymam abduceret, ex Senatus sententia-  
 gravibus afficiendos pœnis. *Damascus* urbs est antiquissima, quam veteres  
 consensu tradidere conditam esse ab *Utz*, Arami filio, Semi nepote. Fuit  
 metropolis Syriæ illius, quæ *Aram Dammesec*, sive *Syria Damascena* dicitur,  
 quæ est inter Libanum & Antilibanum. Assidet monti *Hermoni*, ex quo  
 descendunt insignes fluvii *Abana* & *Pharphar*; quorum hic urbem alluit,  
 ille

ille mediam secat. Urbs fuit frequentissima, amœnissima, opulentissima. Sed quæ, uti varias experta rerum vicissitudines, ita & sæpe mutavit dominos. Ante Christi tempora victo *Tigrane*, armis *Pompei* capta *Romanis* cecidit. Pauli ætate *Aretam* Regem Arabiæ, socerum Herodis Tetrarchæ, dominum habuit. 2 Cor. x1: 32. Magna tunc ibi Judæorum frequentia; quæ vel ex eo colligi potest, quod sub Nerone decem millia ejus gentis, a Damascenis inermes circumventi, & in publicis thermis trucidati sint: teste *Josepho*, de Bello Jud. Lib. II. Cap. XXV. In Judæis autem Damascenis aliquammulti inveniebantur Christiani: in quorum perniciem furens animi Saulus, Pontificis Hebræi literis & mandatis instructus, veluti accipiter in columbas advolabat.

III. Quid juris Hebræorum Pontifici aut Senatui in Damascenos.

III. At quid juris, inquis, vel Pontifici, vel Senatui Hierosolymitano in Damascenos, prorsus ad alterius ditionem pertinentes? Enim vero tanta erat Synedrii Hierosolymitani auctoritas, ut non solum qui in vicinia terræ Israëlitiæ habitabant Judæi, sed Babylonii, & Alexandrini, statuta ejus venerarentur ac jussa capefferent; magnum illum Senatum agnoscentes pro firmissima arce totius legis oralis. Præsertim quando agebatur de crimine hæresios, & judicio capitali in falsos prophetas; quod unice huic Senatui competiisse volunt. Romani, quorum imperio cum Arabia sua universa Aretas ipse tunc suberat, permittebant etiam Synedrio jus prehensionis & verberum, non in Judæos Palestinæ tantum, sed & in alias quascunque synagogas, quæ sponte sua Synedrii jurisdictionem in re religionis agnoscerent.

IV. Hieronymi circa Damascum observatio.

IV. Hebræorum nonnulli Damascum interpretantur *Sanguinis poculum*, vel *sanguinem bibens*, quasi esset vox composita ex דם & שׂוּב. Adduntque, eo in tractu fuisse campum, ubi a parricida *Caino* interfectus est *Abel*. Quod Hieronymo occasionem dedit observandi, sapienti Dei providentia factum fuisse, ut eodem in loco Christianos persecutum veniret Paulus, *erga Abelis imitatores Caini opera imitans*. Sed hæc apocrypha, & nullius rei sunt. Satius est ut attendamus memorabilem Divinæ gratiæ triumphum; quæ immanissimum hostem, in medio furoris impetu, non modo repente prostravit, sed & mox sibi vindicavit: tum servavit, quum se & alios perditum iret: ad Christianismum convertit, quum & ipse longissime ab eo averfus videretur, & alios averteret. Adeo Deo suæ agendi oportunitates optime semper constant. Sed nec illius sine animadversione transmittendum est, quod Paulus, cui destinata gentilium conversio erat, ad Christianismum conversus, & ad Apostolatam vocatus sit, in regione & tantum non in urbe gentili.

V. Jesus ipsi Paulo insulgidissima luce visus.

V. MODUS vocationis prodigiis ac miraculis scatet. Christus enim, vocationis auctor, repente se & *videndum* & *audiendum*, insolita prorsus ratione, præbuit. Visa primum Paulo *Lux* est, *veluti fulgur e celo* Act. ix: 3. quæ

quæ splendorem solis superans, & ipsum & eos qui cum ipso iter faciebant, suo fulgore circumfudit. Act. xxvi: 13. Qua luce significabatur gloria apparentis Christi, qui est stella illa matutina, oriens ex alto, sol iustitiæ, lux ad illuminationem gentium, & gloriam populi Israëliti; & qui se luce veluti amictu operit. In ea luce, ipse se conspiciendum præbebat *Jesus*. Sic enim Paulo Ananias: Act. ix: 17. *Jesus qui visus est tibi in via qua veniebas*. Rursus xxii: 14. *Datum tibi est, ut videres Iustum illum, & audires vocem ex ore ipsius*. Et Jesus ipse Act. xxvi: 13. *εἰς τὸ αὐτὸ σοι*.

VI. Sed quo modo visus est Jesus? An per angelum, vices ejus sustinentem? Nequaquam. Neque enim angeli est ea sibi verba sumere quæ propria sunt Jesu. An in *Symbolo*, quo modo Israëliti Deum viderunt ad montem Sinai? Non sufficit. An in *visione*, ut Jesaias? Nec hoc satis facit. An *oculis corporis*? Sic arbitror. Debit enim Paulus hoc quoque Apostolatus sui argumentum habere, quod Christum, in persona, quod ajunt, oculis suis conspexerit. Qua de re plura suo loco.

VI. Sed  
quo modo?

VII. Cæterum *ubi* tunc Christus? An in cælo? an in aëre viciniore? Equidem nescio. Nam quod Act. i: 21. dicitur, *quem oportet cæli capi-ant usque ad tempora restitutionis omnium*, intelligi potest de ordinaria Jesu in cælis mansione: qua non impeditur tamen quo minus per extraordinariam aliquam œconomiam, in aërem terræ viciniorem ad exiguum tempus descendit. Sed & in cælis manens videri Paulo potuit, per miraculosam facultatis elevationem, remotisque Dei virtute omnibus impedimentis, quo modo Stephanus nuper in terra positus, cælis apertis, vidit Jesum stantem ad dexteram Patris. Act. vi: 55. Neque enim incredibile censi debet, quod is, qui dedit homini artem longinqua tanquam propiora, & parva tanquam longe majora oculis sistendi, Stephano eam oculorum aciem dederit, ut e terra quæ in cælis gererentur perspicere potuerit.

VII. &  
ubi?

VIII. Cæterum & vocem se compellantis *audivit* Paulus. *Saul, Saul, quid me persequeris?* Ingeminatum *Sauli* nomen, & persecutionis exprobratio, in mentem ipsi revocare poterat, quod *Saul* olim *Davidi*, id se nunc *Davidis filio ac Domino* facere. Sed non norat se compellantem miser. Nec speciei suæ, quæ se oculis, nec vocis sono, qui se auribus ingerebat. Neque tamen stupebat prorsus; sed attonitus rogat, *Quis es Domine?* Nec moratur rogantem Dominus: *Ego*, inquit, *sum Jesus, quem tu persequeris*. Ego sum Jesus ille, tot olim miraculis inclutus, tam proterviter a Judæis reje-ctus, a proceribus ad necem expetitus, a Pilato, ipsorum rogatu, cruci affixus: qui mortuus sum, sed ecce vivo, & regno in cælis, & triumpho de hostibus meis. Ego sum ille Jesus; quam speretum & exosum olim, tam tremendum nunc tibi nomen. Ego sum ille Jesus, quem tu tam ferociter insaniens persequeris. Nam, ne nescias, tam arcta inter me & discipulos meos necessitudo est, ut quod illis infertur mali mihi inferri judicem, &

VIII. Audi-  
ta quoque  
Jesu com-  
pellatio.

qui eos tangit oculi mei pupillam tangat. *Durum tibi fuerit contra stimulos calcitrare* : pervicacia tua nulli acrius facturus es quam ipsi tibi.

IX. Quæ  
de Sauli  
pervicacia  
insigniter  
triumpha-  
vit.

IX. Quæ compellatio Jesu eam in animum Pauli vim habuit, ut repente in alium mutatus hominem tremens pavenque dixerit : *Domine, quid me vis facere ?* Scilicet pro Domino agnoscit, cujus Majestatem incomparabilem ex visis & auditis perceperat. Persequendi animum deponit ; intellecto Regi fieri quod fiebat subditis, omnemque persecutionis diritatem recifuram denique in caput persecutentis. Et quod rei caput est, toto animo ad objurgantis se offert obsequium. Hic est triumphus ille gratiæ, quem grato dein animo prædicavit 2 Cor. 11: 14. τῷ δὲ Θεῷ χάρις τῷ πάτορι θριαμβούντι ἡμῶς ἐν τῷ Χριστῷ. Quod verti posse autumo : *Deo autem habetor gratia qui semper nos triumphat, sive in triumphum abducit, in Christo.* Hoc enim significat vox θριαμβέειν, tam in sacris quam prophanis literis. Hac mente Paulus noster Col. 11: 15. θριαμβεύσας αὐτὰς ἐν αὐτῷ. Sic & βασιλεὺς θριαμβέειν Reges in triumpho circumducere dixit Plutarchus in Romulo : & Virgilius, gentes triumphatas ; & Plinius, Achaos triumphandos. Nimirum Christus Deus victor adscendit in cælum ; nec tamen cælo includitur, sed vehitur per campestria, sternit hostium ferocissimos. In illo triumpho circumduxit imprimis Paulum, tanquam castrorum hosticorum non modo insigne spoliū, sed & fortissimum antesignanum. Eum itaque ostentavit mundo plane καταδεδουλευμένον, ut nullum mancipium magis domini sui esse possit quam Paulus Christi.

X. Quo-  
modo San-  
li comites  
viderint, &  
non vide-  
rint ; audi-  
verint, &  
non audi-  
verint.

X. At tollendum hic restat aliquod ἐναντιοφανές. De comitibus Pauli narratur Act. 19: 7. quod *audiverint quidem vocem, sed neminem confpexerint.* Paulus autem de iis qui secum erant testatur, Act. 22: 9. quod *lucem quidem confpexerint, & expauesfacti sint, vocem vero non audiverint ejus qui loquebatur cum Paulo.* Ubi gemina videtur esse contrarietas: quarum altera ad visum, altera ad audiam pertinet: At prior nullo fere negotio removetur. Optime enim consistunt hæc duo, quod *lucem* quidem fulgentissimam viderint, *Jesum* autem in luce non viderint. Hoc Lucas dixit, illud Paulus. Major difficultas est in altero. *Bexa* expeditam se conciliandi rationem invenisse putat ; scilicet uno loco agi de voce Pauli, quam audiverint, alio de voce Christi, quam non audiverint. Sic ut stuporis ipsorum duplex assignetur causa ; una, quod repentino fulgore prostrati essent in terram ; altera, quod Paulum audirent cum alio loquentem, & neminem tamen viderent quicum loqueretur. Quibus hanc observationem Doctissimus interpres addit : *Fiebant hæc omnia minus Sauli causa.* De comitibus nusquam narratur, eos Christum amplexos esse : quod tamen verisimile est fuisse facturos si vocem loquentis Christi audivissent. Sed putarunt nimirum Saulum, repentino fulguris metu percussum, existimasse se audire quæ non audivisset : ita disponente Divina providentia, ut qui postea sua gentis hominibus ista narrarent minus su-

spicienda

*pecta sibi essent.* Quae erudita sane & pia observatio est. Duæ tamen aliae conciliationis viæ sunt, ista fortasse commodiores: ut utrobique quidem de *Christi voce* sermo sit, sed alter locus de *sono confuso* & voce *αῖρημα*, alter de *articulato sermone* sit accipiendus. Fere uti Joh. xii: 28, 29. ubi solus Jesus vocem respondentis sibi e cælo Patris distincte audiebat; *turba autem, qua adstabat & audierat, dicebat tonitruum esse factum.* Eodem ferme modo Hebraei distinguunt apud *Ligtfootum*, *וְהוּא שִׁמְעָה אֶת הַקוֹל* sed *וְהוּא שִׁמְעָה אֶת הַדְּבָרִים* *Androverunt vocem, at non androverunt verbum.* Vel, quod *Ludovicus Capellus* addit, uterque locus de *articulata voce* explicari posset: verum ita ut alter intelligatur de *sermone*, cujus sensus & mens ab audiente *percipitur*, alter de *sermone*, qui ab auditore *non capitur*. Pone Christum Hebraica dialecto Paulum compellasse; quod & factum: pone item quod comites illi Hebraicæ linguæ fuerint ignari, quod facile fieri potuit; dici potest, quod audiverint, quoad sonum; quod non audiverint, quoad intellectum. Ita sane explicandum est quod purpurati Ezechiae Regis Rabfaki dicebant *Jes. xxxvi: 11. Alioquin quæso servos tuos Syre, וְאַתָּה שִׁמְעָה כִּי שִׁמְעִים* *quia nos audimus, id est intelligimus.* Eademque mente Paulus noster scribit *I Cor. xii: 2. Qui enim loquitur lingua, aliis in cognita, non hominibus loquitur, sed Deo: οὐδὲν γὰρ αἰνῶνι, nemo enim audit, id est intelligit.*

XI. Sed ad Paulum redeamus, ea nunc consideraturi quæ hanc ipfius XI. Trivocationem proxime CONSECUTA sunt. Ubi primo loco occurrit *triduanæ* <sup>duana Sam-  
li cæcitas,</sup> illius cæcitas. Act. ix: 8, 9. *αὐτὸ τῷ δόξῃ τῷ φερὸς ἐκείνῃ.* Act. xxi: 11. <sup>non cæcitas,  
mysterio.</sup> perstrictis oculis fulgore tantæ lucis, ac splendore nimio debilitatis; quo modo ad speculi ardentis, ad multæ nivis, ad solis adspectum, ad faces oculis admotas, aut repentinam e tenebris lucem, cæcitas in multis successit. Fuit hic non *obscuratio* quedam oculorum ad breve tempus, sed *facilitatis videndi ablatio*; fortasse talis quæ nisi miraculo curari non potuerit, certe non debuerit. Nec *mysterium* abesse videtur. Ita edoctus fuit, lætis tristitia a Deo misceri, & salutem animæ quandoque cum dispendio corporis esse conjunctam: impares esse mortalium oculos ferendo splendori Divinæ Majestatis: primum cœlestis luminis hunc esse effectum ut redigatur homo ad spiritualis suæ cæcitatæ, cujus symbolum illa corporalis est, agnitionem ac sensum: ideoque lucem rationis corruptæ abnegandam, ut succedat lux gratiæ: nihil videre mundum quamvis apertis oculis, quales sibi tribuebat Bileamus Num. xxiv: 15. contra oculis corporis clausis aperriffimos quandoque esse illos fidei & gratiæ: Christo semel conspecto, ab aliarum rerum contemplatione avertendos aliquantisper oculos, ut huic soli incumbatur: dum sodales suos non videt amplius, a priori se sodalicio segregandum, & cæcis dehinc oculis eundum in mandata Christi.

XII. Affinitatem aliquam cum hac Pauli historia habet quod de *Anero-*

XII. Cui si- *rum* Rege narrat *Theodoretus Hist. Lib. I. Cap. XXIV.* Ejus uxor captivæ mulieris precibus a gravi morbo repente curata, & ad Dei Christique cognitionem conversa, maritum quidem rei admirabilitate valde perculit, sed ad Templum Deo ædificandum non permovit. Brevi de hinc tempore Rex ad venandum egressus est: sed Clementissimus Dominus, ut olim Paulum, sic & illum est venatus. Nam caligo repente oborta eum ulterius progredi vetuit. Ac venationis quidem comites solaribus radiis more solito fruebantur. Ipse vero solus relictus cæcitatibus vinculis constrictus tenebatur. In has redactus angustias viam salutis invenit. Statim enim recordatus incredulitatis suæ, & captivæ mulieris Deum adiutorem sibi invocans, cæcitatibus tenebris liberatus est. Et ad mirabilem illam captivam profectus, rogavit ut extruendi templi formam ostenderet &c. Sed certiora sunt quæ de Pauli tridua cæcitate in sacris traduntur, & conjuncto ei tridua jejunio. Quod partim quidem naturale esse potuit, cibi appetitu ex vehementi mœrore, corporis debilitate, & animi consternatione, prostrato; sed potissimum voluntarium fuit atque religiosum, quale ab Esther in triduum protrahum est. Est. IV: 16. Conjunctum enim fuit cum precibus adeo ardentibus, ut suis eas apud Ananiam laudibus ipse dignatus sit Deus.

XIII. An triduo illo cæcitatibus & jejunii, obtigerit Paulo raptus in Paradisum. XIII. Non desunt Viri eruditissimi qui hoc cæcitatibus & jejunii triduo raptum illum in Paradisum de quo 2 Cor. XI: 1. Paulo contigisse opinantur. In iis præter alios quamplurimos sunt *Ludovicus Cappellus* & *Cæsius*. Eo argumento, quod sententia ista & rei consentanea esse videatur, & tempori. Illi; constat enim ex Gal. I: 12. quod eo triduo non ab homine acceperit neque edoctus sit Evangelium, sed ex revelatione Christi. Quando autem illustrior ei facta est revelatio, quam quo tempore in supremum cælum raptus vidit & audivit ἀνεκλάλητα & ἄρρητα? Huic etiam: nam inter Pauli conversionem & scriptam eam ad Corinthios epistolam quatuordecim annos intercessisse in *historia Apostolorum characterismo VI.* probare nititur *Cappellus*.

XIV. Non videtur. XIV. Sed meo judicio parum feliciter. Nam, ut a tempore ordiar, anno a conversione XIV profectus est Paulus cum Barnaba ad Synodum Hierosolymitanam, ut viri summi consentiunt. Posterior ad Corinthios epistola Synodo Hierosolymitana plus quam quinqueennio senior est, scripta aliquot mensibus ante ultimam Pauli in Judæam profectionem, maturandæ elemosynæ quam secum Hierosolymam asportaturus erat, 2 Cor. VIII: & IX: referturque ad annum a conversione XIX. At nec res ipsa suadet ut hic de raptu Pauli cogitemus. Non ob eam solum rationem, quia Lucas eum hic silentio transmittit, qui visionem Ananiæ oblatam, & Ananiam Paulo in ὄραματι conspectum refert. Nam multa alia Lucæ indicta ex Paulinis Epistolis supplenda esse, prosecutio historiæ docebit. Neque alibi in isto libro raptus hujus mentio deprehenditur; quamvis certum sit eum intra tempus

tempus illius historiae contigisse. Sed neutiquam probabile mihi videtur, raptum illum obtigisse Saulo nondum baptizato, nondum Apostolo, nondum munus suum aggresso, secus ac Prophetis, & Petro, Johanni, Stephano, aliis accidit; quibus pridem vocatis cœlestes illiusmodi visiones concessæ sunt. Nec desunt alii divinæ ἀποκαλύψεως modi præter raptum tam extraordinarium. Tum & ἀποκαλύψεως facta Paulo, & plena institutio, ad Apostolatus functionem necessaria, fuit de Evangelii mysteriis, quæ & viva voce & scripto ubivis gentium publicavit. In raptu autem suo audivit ἀρρητα ῥήματα, quæ evulgare nefas erat. Hæc faciunt ut ad aliud tempus, de quo suo tempore, raptum illum Pauli referendum esse putem.

XV. Itaque commercium hic potius attendamus quod ad finem hujus tridui Paulo cum Anania fuit. Anania, inquam, discipulo Jesu Christi com: 10. perspectæ apud suos probitatis viro Act. XXI: 12. Dei amico & familiari, Divinisque visionibus assuetus. An & Evangelista & doctore? Non admodum liquet. Eum certe destinaverat Deus, per quem declaranda Paulo Jesu voluntas erat. Eundem etiam Paulo ostenderat ἐν ὁράματι, nimirum quoad vultum, staturam, totamque reliquam corporis habitudinem, prorsus qualem deinceps post redditum sibi oculorum usum deprehendit. Ita pensavit Deus cæcitatem corporis longe potiori visione prophetica. Ananias iste Divino obsequens mandato ad Paulum accessit, blande eum compellavit, & fata sua edocuit, manus denique imposuit, ut, faciente Jesu, visum recuperaret, simulque impleteretur Spiritu Sancto. com. 17. Impositio manuum aliis quoque occasionibus usurpata, geminum usum symbolicum habuit. I. Ad Sanationem miraculosam Mat. ix: 18. Marc. xvi: 18. II. Ad collationem extraordinariam donorum Spiritus Sancti. Act. viii: 17. & xix: 6. Utrumque obtinuit Paulus. Nam mox ceciderunt ab oculis ipsius veluti squamæ, adumbrantes velum illud de quo 2 Cor. iiii: 14. & e vestigio recuperavit visum; sensitque se virtute Divini Spiritus in alium hominem esse transformatum. Denique jubente Anania BAPTIZATUS est, in remissionem peccatorum, & oblationem suscepti Christianismi.

XV. Com-  
mercium  
Pauli cum  
Anania.

XVI. Quocum individuo nexu conjunctus fuit APOSTOLATUS. Ad cuius intelligentiam necessum erit quædam generatim præfari, ut nihil eorum quæ ad Apostolatam requiruntur Paulo defuisse appareat. Exstat equidem Celeberrimi SPANHEMI, heu nuper nostri, diserta, elegans & quæsitissimæ eruditionis plena, de Apostolatu & Apostolis Dissertatio, qua reliquis omnibus de eodem argumento scribere cupientibus otium fecisse censeatur. Verumtamen ne nostra hæc Exercitatio aliqua, eaque necessaria, sui parte mutila esse videatur, quædam hic inferenda omnino sunt: sed plenius ac eruditius a Viro incomparabili pertractata, ideoque apud ipsum legenda. Primum itaque de nomine Apostolorum quædam præcognoscamus, felicius deinceps rem ipsam explanaturi. Nominis, pro gen-

XVI. Span-  
hemii Dis-  
sertatio de  
Apostolatu  
laudata.

tium diversitate diversus est usus, *Græcorum*, *Judeorum*, *Christianorum*.

XVII. Qui-  
nam Apo-  
stoli dici  
sint Græ-  
cia.

XVII. *Græcis* Ἀπὸστολῶν dicebatur. I. Generationim προβαῖς, ἀποστο-  
λάμεν, μεσότης εἰρήνης εναν, qualiscunque *Legatus*, maxime pacis facien-  
da firmandæve gratia. II. Specialius, ἐστρατηγός κατὰ πλὴν πειμπόμενος  
interprete *Hesychio*. *Strategus*, qui cum classe dimittebatur ad navalem ex-  
peditionem. III. Νημφαγωγός, qui a sponsa mittitur, sponsæ à domo patris  
educendæ; apud *Phavorinum*. Negari non potest, quin omnes hæ signifi-  
cationes eleganter iis applicari possint, quos Apostolos suos Christus nun-  
cupavit. Nam fuerunt *Legati pacis*. 2 Cor. v: 19, 20. Et præfecti sacre il-  
lius expeditionis, quæ Imperatore Christo ad insulas maris peracta est, qua-  
que tot gentes, quæ mari turbido ac sterili frequenter comparantur, per-  
domitæ, ac regno Christi subjunctæ sunt. Fuerunt denique a Christo missi,  
ut sponsam suam a familia paterna avocarent. Pl. XLV: 11. & rite ornatam  
domum deducerent. 2 Cor. xi: 2. Non tamen est credibile, Christum aut  
sacros Novi Testamenti scriptores ad hos *Atheniensium Apostolos* respexisse.

XVIII.  
Qui. He-  
bræis.

XVIII. De *Hebræis* hic potius cogitandum. Hi geminam vocem ha-  
bent, cui respondet vox Ἀποστολῶν, alteram ἄγγελοι, alteram ἰσχυροὶ vel ἰσχυ-  
ρῶν. Nam ἄγγελοι non de *Angelis* solum, sed & *Prophetis* & *Sacerdotibus* usurpata,  
proprie dicit ἀποστολῶν, προεβία nuntium. Hag. i: 13. Mal. i: 7. Hinc  
Christus, qui toties ἄγγελοι, ἀποστολῶν. Paulo dicitur Heb. i: 1. excel-  
lenter talis, ratione mittentis, missi, & finis missionis. Et ut distinguere-  
tur a reliquis Apostolis, additur & ἰσχυροὶ. Utque discrimen esset a Pon-  
tificibus Judæorum, opponitur τῆς ἐκκλησίας ἡμῶν, id est *conventionis no-  
bis factæ*, vel cui nos ad stipulamur fide & obsequio. Quomodo autem  
Christus *Apostolus Patris*, ita alii *Apostoli Christi*. Joh. xvii: 18. Succedit  
vox ἰσχυροὶ, quam sibi attribuit Ahias 1 Reg. xiv: 6. ἰσχυροὶ ἡμῶν ubi  
LXX Ἀποστολῶν vertunt. Habebant etiam ἰσχυροὶ ἡμῶν vel ἰσχυροὶ, ἀποστολῶν  
τῆς ἐκκλησίας, nuncios cætus, qui mandata deferrent ad synagogas Hiero-  
solytam, vel victimas & decimas ad sacerdotes: maxime qui δίδραχ-  
μον, semiscclum, tributum quotannis ex lege in sacrarium deferendum,  
exigerent. Dein collapsis Judæorum rebus retenta tamen in synagoga vox  
Ἀποστολῶν est; talesque signate dicebantur, qui Patriarchæ assessores & lo-  
gati erant, ejusque ἐγκύκλιαι γράμματα *circulares literas* ad synagogas de-  
ferebant pecuniis per capita colligendis, speciatim auro coronario, coronæ  
scilicet Patriarchali ornandæ, quod loco didragmi exigebant Patriarchæ in  
partibus tam Orientis quam Occidentis. Qua de re vide prolixè *Petitum  
Var. Lecti. Cap. XXIV*. Talis fuit *Josephus* ille, de quo Sectione præceden-  
te N. xx. Et hac quoque allusione ministri Christi *Apostoli* dici potuerunt:  
quippe qui mandata ejus detulerunt ad cætus electorum per totum orbem  
dispersos, gentesque veluti sacram victimam una cum oblationibus mu-  
nificentie



miscentie ipsarum obtulerunt Deo. Con. Jes. LXVI: 20. Rom. XV: 16. &c. 25, 26.

XIX. Ex usu *Christiano* Apostoli dicti I. *Septuaginta discipuli*. Luc. x: 1, 3. Sic passim apud Græcos Latinosque Patres, *LXX Apostoli*. II. *Qui elemosinas Ecclesiarum deferrebant* 2 Cor. VIII: 23. Phil. II: 25. *Ignatius* eos modo *θεοφόρους*, modo *σεπταεσύντας* appellat. III. *Duodecim* illi quos præ cæteris eximios Christus habuit. Mat. x: 1-5.

XIX. Qui Christianis.

XX. De his nunc potissimum nobis sermo est: eosque ita describimus. *APOSTOLI sunt publici mundi Magistri, immediate a Christo vocati, & edocti, donis plane extraordinariis instructi, ut testes Christi essent ubivis gentium. Honorum prærogative erant: I. Quod immediate per Christum essent vocati. Joh. XX: 21. XVI: 18. Adde Act. 1: 24, 25. II. Quod Christum in carne confexerint, testes αὐτίπται. Act. 1: 8. 1 Joh. 1: 1. etiam resurrectionis ipsius. 1 Cor. XV: 5, 7. III. Ab ipso immediate edocti. Luc. XXIV: 45. Joh. XX: 22. Act. 11: 4. IV. Spiritu ἀναμαρτυρίας infallibilitatis in docendo præditi. Joh. XIV: 26. XVI: 13. Luc. XII: 11, 12. Mat. x: 19, 20. Deo ipso doctrinæ ipsorum perhibente testimonium. Heb. 11: 2. Unde non minus infallibilis ea haberi debuit, quam sermo per Angelos prolatus. Ita tamen ut id non sit extendendum ad *singula facta*: sed pertineat ad *summam doctrinæ*; neque ut omni tempore omnia sciverint, sed Spiritus iis revelaverit prout ratio temporum & Ecclesiæ profectus exigebat. Unde non nisi post idoneum spatium de gentium vocatione, & rituum abolitione, admoniti sunt. Act. x. & xv. Id pro certo tenendum, ipsos ex revelatione Divina Ecclesiam docuisse, quam revelationem ubi præ se ferebant, fidem omnem prorsus merebantur: imo & hoc habuisse, ut in prædicatione Evangelii ducem comitemque semper haberent Spiritum Sanctum, qui non patiebatur ipsos ullum errorem pro cælesti veritate populis proponere. V. Communes *Mundi doctores* constituti. Mat. XXVII: 19. Mar. XVI: 15. Quamvis singuli suum sibi pensum sumserint. Gal. 1: 9. VI. Ipsi Spiritu Sancto pleni per impositionem manuum illius latites in alios derivarunt. Act. VIII: 6, 7, 15, 16, 17. Quod nulli veterum, imo nec ipsi Moysi, fuit concessum. VII. Dono miraculorum præditi. Mat. x: 1. Act. 1: 6. - IV: 16. VIII. Etiam Auctoritate miraculosa ad compescendos improbos. Act. v, 8, 9. IX. Ex his omnibus prædicationis incredibilis efficacia. Act. 11: 41, - IV: 33. Notandum tamen non omnia hæc Apostolis ita propria esse, quin & aliqua aliis extraordinariis ministris fuerint communicata.*

XX. Apostoli vocati & edocti, fit dicti, cum suis prærogativis.

XXI. Quo tempore ad *Christianismum* eodem etiam ad *Apostolatam* vocatus est Paulus. Act. IX: 15. XXII: 15. XXVI: 17. Ut τοῖς δόδεκα non infereretur, sed adderetur, futurus *ἐνθὺν ἀπόστολος*. Rom. XI: 13. Nulla in re minor τῶν ὑπὲρ λίαν ἀποστόλων. 2 Cor. XI: 5. Nam I. Et ipse *immediate a Christo vocatus* est. Gal. 1: 1, & quidem *glorificato*, nec voluntatem suam

XXI. Quo omnes Paulo emmentissime competunt.

suam per sortem indicante, ut Act. 1: 26. sed gloriosam præsentiam suam  
 luculentissime demonstrante. Non repugnat *χειροθερία* Ananiæ Act. 1x:  
 17. quippe quæ non fuit *ordinationis* aut *consecrationis* ad munus; sed *sym-*  
*bolum* cum *donorum S. S.* tum miraculosæ *sanationis*: quod & nuper monui.  
 II. Et ipse *Christum conspexit*. 1 Cor. 1x: 1. non modo ex morte *suscitatum*.  
 1 Cor. xv: 8. sed & *glorificatum*: non in *præudio* solum aliquo, uti tres illi  
 Mat. xvi 1: 12. qua de re tantopere gloriatur Johannes Cap. 1: 14. & Pe-  
 trus 2 Epist 1: 16. sed & in rei *consummatione*. III. Et ipse immediate a  
 Christo edoctus. Gal. 1: 12. Quod enim illi cum Anania intercessit com-  
 mercium, eo servivit ut cognosceret quid se fieri vellet Jesus; non ut doce-  
 retur fidei Christianæ mysteria. IV. Et spiritu *ἀναμαρτυρίας* in docendo  
 præditus. 2 Cor. xiii: 3. 1 Th. ii: 13. iv: 8. V. Communis mundi do-  
 ctor. Act. 1x: 5. 1 Tim. ii: 7. VI. Abundantiam *Spiritus* cum aliis *com-*  
*municans*. Act. xix: 6. 1 Tim. iv: 14. VII. *Dono patratorum miraculorum*  
*præditus* eximium in modum. Act. xix: 11, 12. adeo ut & *mortuam excita-*  
*verit*, non minus quam Petrus. Act. xx: 9. VII. Vix in ullo Apostolo-  
 rum magis emicuit *miraculosa* ad compescendos immorigeros *auctoritas*.  
 2 Cor. x: 3-6. Act. xiii: 8. IX. Fortasse nullius *predicatio* tam *efficax*  
 fuit ad multorum conversionem. Act. xxvi: 18. 1 Theff. ii: 5. Rom. xv:  
 17-19.

XXII. *Æra*  
*conversio-*  
*nis ipsius.*

XXII. De *æra conversionis Pauli* multa Chronologis inter se lis est. Aliis  
 enim conversus esse censetur anno a morte Christi proximo, *ære vulgaris*  
 XXXIV. Aliis anno XXXV, secundo a morte Christi, Tiberii XXII. sic  
 cum aliis multis Reverendissimus *Pearsonus*, in *Annalibus Paulinis*. Aliis,  
 anno sequente, Tiberii XXIII. sive ultimo. Ita *Ensebius in Chronico*. *Lu-*  
*dovicus Capellus* refert ad annum *ære vulgaris* XXXVIII. quintum a morte  
 Christi, Caii Caligulæ secundum. Aliis tandem signatur annus a morte  
 Domini VI, vel etiam VII. Caligulæ III. vel IV. *Ære vulgaris* XXXVIII.  
 vel XXXIX. Præcipuas doctissimorum hominum disputationes collegit,  
 & suis singulas ponderibus, solita sibi accuratione libravit modo nobis lau-  
 datus, nunquam satis laudandus, ὁ πᾶν SPANHEMIUS, integra de hac ipsa  
 materie *Dissertatione*. Mihi non lubet in Chronologicas istas me induere  
 difficultates, vix habituras exitum. Cæterum in tanta sententiarum di-  
 screpantia, quod sine cujusquam fraude aut invidia sit, liceat mihi SPAN-  
 HEMII mei hypotheses sectari: quæ, si non semper invictis argumentis de-  
 monstratæ sint, quod in tali causa nemo æquus a quoquam mortalium exi-  
 gat; saltem valde probabilibus nitatur collectionibus: & si non singulæ  
*ἀνατιπρήτως* veræ, certe vero proximæ & ἀρχαῖαι sunt. Summa sen-  
 tentiæ ipsius huc fere redit: Christum crucifixum esse anno ætatis XXXIII,  
 Stephani martyrium contigisse V ferme a crucifixione anno, Pauli profes-  
 sionem Damascenam, & quæ tunc ei contigit vocationem ad Christianis-  
 mum

num & Apostolatum, annum, si non verius biennium, a cæde Stephani distare. Unde consequeretur eam incidisse in annum a nativitate Christi XXXIX. vel XL. a morte VI. vel VII. Caji Caligulae IV. sive ultimum.

## S E C T I O III.

De rebus gestis Pauli, a vocatione ad Apostolatum usque ad Synodum Hierosolymitanam.

## B R E V I A R I U M.

- I. Paulus mox a conversione Evangelium Damasci & in Arabia triennium prædicat. II. Dein Hierosolyma ad dies quindecim cum Apostolis moratus, salutata Tarso, a Barnaba acitatus est Antiochiam. III. Ubi per Cyprios quosdam ac Cyrenenses primum omnium gentibus publice prædicatum est Evangelium. IV. Florenteque sub Pauli ac Barnabæ ministerio Ecclesia discipuli caperunt dici Christiani. V. Cur id factum sit Antiochiæ. VI. Fames ab Agabo prædicta. VII. Antiochenorum liberalitas. VIII. Paulus & Barnabas Spiritu Sancto jubente ad insigne opus separantur. IX. Eoque tempore accidisse ipsi videtur memorabilis ille in paradisum raptus. X. Uberiori commentario illustratus. XI. Ex quo ne nasceretur superbia datus est ipsi furculus in carne. XII. Paulus & Barnabas Antiochia profecti peragravit Cyprium. XIII. Et Papi converterunt Sergium Paulum, cecitate percusserunt Elymam Magum. XIV. Quam ob rem qui hactenus Saulus dehinc Paulus dictus sit. XV. Quid apud Antiochiam Pisidia gestum sit. XVI. Nortoni Knachtbul commentatio in Act. XIII. 48. XVII. Excussione pulveris de pedibus suis, quid notare voluerint Paulus & Barnabas. XVIII. Ea quæ gesta sunt Iconii. XIX. Et Lystra. XX. De *Χειροτονία* Presbyterorum.

**E**Xpositis iis quæ ad conversionem Pauli, illiusque ad Apostolatum vocationem pertinent, juvat nunc reliquam vitæ ipsius historiam, suis iterum periodis distinctam, quanta fieri poterit accurate persequi. Paulus itaque post susceptum baptismum, Spiritus Sancti plenus, Jesum, quem tam fervide fuerat persecutus, pari zelo in Judæorum synagogis Damasci prædicare cæpit, magno cum audientium tantæque mutationis causam ignorantium stupore. Nimirum alio donatus Spiritu, aliis instructus e cœlesti curia mandatis, & solius nunc Jesu auctoritatem agnoscens, ubi ut piorum latro accesserat, ibi beatæ vitæ internuntium apud ipsos quoque impios egit: & tyrocinia Apostolatus sui in ea deposuit urbe, quam lanienæ suæ speraverat fore theatrum. Cæterum quum non oppido diuturna sibi mora Damasci daretur, alioque proficiscendum foret, non existimavit mox sibi conferendum esse cum carne & sanguine, id est hominibus sui similibus, neque eundem Hierosolymam, ut frueretur institutione atque consilio eorum qui ante ipsum fuerant Apostoli; ne quid

iis debere videretur: sed relicta *Damasco* in *Arabiam* vicinam profectus, triennium prædicando ibi Evāgelio impendit Gal. 1: 16, 17. Quo exacto *Damascum* rediit, multa rationum vi contendens *Jesum esse Christum*. Sudes id erat in obstreperorum Judæorum oculis, qui conspiratione facta pacis præconem violatæ tranquillitatis publicæ reum apud *Aretam Arabie* Regem, in cujus tunc ditione *Damascus* erat, peregerunt. Tantumque suis effecerunt calumniis, ut *Ethnarcha Aretæ*, militaribus copiis urbis portas cingeret, Paulum, si pote, comprehensurus. Quod tamen periculum, in tempore monitus, caute evasit, per urbis mœnia sporta demissus. 2 Cor. x1: 32.

II. Dein Hierosolymæ ad dies quindecim eum Apostolis moratus, saluta-  
tata Tarso a Barnaba accitus est Antiochi-  
am.

II. Hac ratione *Damasco* elapsus, quarto post conversionem anno, *Hierosolymam* proficiscitur, ἱεροσόλαιμην, Gal. 1: 18. Quia vero fideles Hierosolymitani ab eo sibi metuebant, quod historiam conversionis ipsius ignorarent, vel certe animi ipsius sinceritatem suspectam haberent; quippe qui triennium in Arabia exegerat, apud illos populos quibuscum Hierosolymitanis parum erat commercii; a *Barnaba* ad *Apostolos Petrum & Jacobum* deductus est. Hi ex *Barnaba* totam conversionis tam mirabilis rationem probe edocti, lubentes eum in societatem receperunt, cæterisque fidelibus commendarunt, ut libere iiscum versaretur: in nomine Jesu loquens, & disceptans cum *Judæis Hellenistis*, diebus non plus quindecim. Gal. 1: 18. Nam neque Judæi diutius eum Hierosolymis morari patiebantur, sed, disceptationes quibus obsistere non poterant ægerrimò animo ferentes, in necem ipsius clandestinis consiliis, at Divina Providentia desegendis, nefarie conspiraverunt. Et ipse dum in templo orabat, in ecstasi raptus, & a Christo monitus fore ut Judæi sermonem ejus non reciperent, jussus est Hierosolymis excedere, & Evangelium longinquis, ad quas mittendus erat, gentibus annunciare. Huc enim retulerim quod exstat Act. xx1: 17. nisi fortean, de quo disputari video, ad alteram Hierosolymæ moram pertineat, quæ describetur infra §. viii. Cui oraculo parens, citius quam animo suo destinaverat, Hierosolymam reliquit, & a fratribus Cæsaream deductus est, non maritimam illam, quæ & *Turris Stratonis* dicta, de qua supra Cap. viii: 40. sed *Cæsaream Philippi*, quæ sita erat circa montem Libanum, ad confluentem Jor & Dan, unde Jordanes originem ducit, quæ olim Lachis, deinde Dan appellata fuit, de qua Jud. xviii. Cujus pomeria quum rex Agrippa protulisset, mutato nomine in honorem Neronis vocavit *Neroniada*. *Josephus Antiq. xx. Cap. viii*. Cæsarea mox *Tarsum* patriam suam navigavit, brevi a Barnaba arcessendus *Antiochiam*. Act. 1x: 30. Hoc voluit, quum narrat se post excessum Hierosolymis venisse in partes Syriæ & Ciliciæ. Gal. 1: 21.

III. Ubi per Cyprios quosdam

III. Accidit eo tempore res valde memorabilis. *Stephani* mors conjuncta fuerat cum ingenti persecutione, indeque orta dispersione Ecclesiæ Hierosoly-

rosolymitanæ; quæ tamen dispersio, ut frequenter, in rei Christianæ augmentum cessit. Nam disperforum aliqui diffusi per *Phaniciam*, *Cyprum*, & *Antiochiam*, ubicunque locorum venerunt, ibi prædicaverunt Evangelium. Et hi quidem solis Judæis. Sed alii, Cyprii quidam ac Cyrenenses, *Antiochiam* ingressi ἐλάλουν πρὸς τὰς ἑλλήνας. Grotius certo legendum, inquit, πρὸς τὰς ἑλλήνας, quomodo habet ille in Anglia M. S. Et ita legit, vel interpretatus est Syrus, Arabs, Latinus. Vel si omnino recepta lectio tenenda sit, laudem *Drusii* observatio meretur, *Hellenistarum* vocem alio hic significatu sumi. Nam ut Judæi qui Græca lingua in Synagogis utebantur Hellenistæ dicuntur, sic forte & Gentes illæ quæ primæ Christo nomen dederunt. Ut ut sit, *Gentiles* hic intelligi res ipsa clamat. Atque hoc primum exemplum est Evangelii publice gentibus prædicati. Nam alterum illud Cornelii non nisi domesticum fuit. Quum vero Dei favorem in sancto hoc opere insigniter experirentur fideles isti Cyprii ac Cyrenenses, multusque Græcorum numerus fide ipsis habita converteretur ad Christum, non potuit tantæ rei fama Hierosolymitanæ Ecclesiæ procures diu latere. A quibus mox missus est Barnabas, ut opus Dei tam feliciter inchoatum in celeberrima ac frequentissima totius orientis civitate stabiliret ac perficeret. Sed Pauli hic imprimis opera desiderabatur, cui gentium magisterium singulari ratione concreditum erat. Id quum probe intelligeret Barnabas, Tarsum proficiscitur; ubi quæsitum eum inventumque secum *Antiochiam* ducit.

IV. Florente vero & crescente sub tam sedulorum doctorum ministerio Ecclesia, contigit, ut qui discipuli olim dicti fuerant, Antiochiæ primum CHRISTIANI vocarentur. Act. xi: 25. Quod nomen, Latina non Græca forma a Christo deflexum, a Romanis Antiochiæ tunc agentibus positum illis fuisse, conjectat in *Amalibus* suis *Usserius*. Nec defunt qui emphasin quærant in voce χρηματίζειν, quæ Lucas utitur. Scilicet talem volunt nominationem eo vocabulo designari, quæ publico edicto, & jussu Reipublicæ sit; uti & Imperatores dicebantur εαυτὰς χρηματίζειν, quum publice in provinciis proclamari curabant, quæ se nomine nuncupari vellet. Quo tempore munificentiam simul suam urbibus aut populis demonstrare solebant, libertatem, jura, dignitates iis dando, aut confirmando: qui in illius rei memoriam epocham inde suam æramve amabant inchoare. Certe nova *Antiochenorum æra χρηματισμός Ἀντιοχείων* dicebatur. Lucas itaque, quum Antiochenus esset, significantissima hac voce in prima Christianorum denominatione usus fuerit. Non invideo sane observationes istas doctissimis auctoribus suis: modo mihi dubitare liceat an tam solidæ quam subtiles sint. Simplicior videtur annotatio Grotii: χρηματίζειν pro nominari est vox melioris Græcitatatis, quam & Polybius non semel usurpat: & Paulus Rom. vii: 3. ἀρὰ ἐν ζωῇ τοῦ ἀνδρὸς μοιχαλὶς χρηματίζειν. Ubi hic jactata vocis emphasis?

IV. Florentemque sub Pauli ac Barnabæ ministerio Ecclesia discipuli cæperunt dici Christiani.

V. Cur id  
factum sit  
Antiochiæ.

V. Satius est ut agnoscamus ac celebremus Sapientiam Dei, qui *Antiochiam* præclari nominis hujus natalibus nobilitavit. Erat enim urbs *Gentilis*, & Ecclesia ibi collecta omnium prima quæ partim *Judæis* partim conversis *Gentilibus* constabat: ne scilicet *Hierosolyma* illustri Christianorum nomine, quasi suis civibus aut privo aut præcipuo jure dato, superbiret. Deinde fuit Antiochia *metropolis Syria*, sedesque primaria terribilis istius *Antiochi*, qui in veterem Messiaë populum nefandis stragibus grassatus, illius temporis Antichristus dici meruit. In ea autem urbe trophæa sua erexit Christus, ubi Satanæ hostisque sui thronus fuerat: atque inde regni & populi sui nomen exire iussit, qua patet orbis, extra anni solisque vias, unde dirissima quondam populi sui persecutio, & sanctuarii sui profanatio exorta est. Denique fuit Antiochia eo tempore civitas *maxima*, potentissimaque totius *Asie*; uti *Alexandria Africa*, & *Roma Europa*: non solum ut urbis splendor magnificentiam aliquam huic nomenclationi conciliaret, sed præcipue ut eo volocius ac majori compendio tantæ ἐμφάσεως nomen per orbem inclaresceret. Neque abs re fuit quod *Flavianus*, Antiochiæ Episcopus, ad *Theodosium* Imperatorem, pro civitatis salute orans, utroque hoc eam argumento commendaverit, quod & ipsa esset frequentissima, & in ea primitus natum Christianorum nomen. Ἐνόησον, inquit, τὸ τῆς πόλεως μέγεθος, καὶ ὅτι ἔστι περὶ μιᾶς καὶ δυοῦ, ἢ τριῶν, ἢ δέκα ψυχῶν ἐστὶν ἡμῶν ἢ διάσκηψις νῦν, ἀλλὰ περὶ μυριάδων ἀπειρῶν, περὶ τῶν κεφαλῶν τῆς οἰκουμένης ἀπάσης. Αὕτη ἡ πόλις ἐστὶν ἐν ἡ προτέρων ἐχρημάτισαν χριστιανῶν. Τίμησον τὸν Χριστὸν, αἰδέσθῃ τὴν πρῶτην ἀνακηρύξασαν τὸ ποθεινὸν τῆτο καὶ γὰρ καὶ πᾶσιν ὀνομα. Cogita civitatis magnitudinem: neque de una, duabus, tribus aut decem animabus quæstionem nunc haberi, sed de myriadibus infinitis, de TOTIUS ORBIS COMPENDIO. Hæc est civitas in qua primum vocari ceperunt Christiani. Honora Christum, reverere eam quæ prima nomen hoc omnibus desiderabile ac dulce prædicavit.

VI. Fames  
ab Agabo  
prædicta.

VI. Sed e diverticulo in viam. Dum *Antiochia* morabantur *Paulus* & *Barnabas*, Hierosolymis eo descenderunt prophetæ aliquot, in quibus erat *Agabus*. cujus nomen Hebraice scribendum *אגב* notione *Locustæ*, conjicit *Drusius*. At vero propior *Grotii* conjectura est, scribendum esse *אגב*, unde forsitan ἀγάπη, nam & Hebræa vox *amare* significat. Is prædixit, famem magnam futuram in toto Romani Imperii orbe; quæ etiam fuit sub Claudio Cæsare; testibus etiam, ut multi opinantur, *Dione Lib. LX.* & *Suetonio, Claudii cap: XVIII.* Cæterum intercedit *Usserius*, affirmans famem illam quæ secundo Claudii contigit, de qua Dio agit, sicut & alteram undecimo illius anno, cujus præter *Suetonium* & *Tacitus* meminit *Annal. XII. Cap. XLIII.* particularem & Romæ propriam fuisse; non universalem illam ab *Agabo* prædictam, quam quarto Claudii anno cæpisse, ex tempore mortis Regis Agrippæ, cum eadem fame conjunctæ, Act. xxi: 23, 25. mani-

manifestum esse putat : & assentientes sibi hic habet *Eusebium*, *Orosium*, *Scaligerum*, *Spanhemium*, alios, ad IV Claudii annum famem de qua agitur pariter referentes. Atque huc potissimum pertinere putant historiam *Josepho* memoratam *Antiq. XX. Cap. II. de Helena* Adiabenorum Regina, quæ cum Rege *Izate* filio suo fidem Judaicam amplexa, & desiderio capta videndi Hierosolyma, & quod ibi erat templum toto celeberrimum orbe, copioso instructa viatico in urbem venit. Accidit autem peroportune ejus adventus civibus. Quam enim per id tempus civitas gravi fame premere-  
tur, multique alimentorum inopia perirent, regina Helena ex suis alios misit Alexandriam, comparaturos vim magnam tritici, alios in Cyprum qui copiam ficuum passarum inde adveherent. Quibus omnibus brevi reversis, cibos egenis distribuit, atque hoc beneficio sibi memoriam immortalē apud Judaicam gentem peperit. Hæc quidem *Josephus*: sed observandum est, I. *Josephum* ea non connectere neque cum anno Claudii IV, neque cum anno emortuali Agrippæ: nam *Cap. III. sequenti* expresse dicit famem istam Judææ incubuisse *tempore Cuspi Fadi & Tiberii Alexandri*, qui Fado in procuratione Judææ successit; uterque autem non nisi post Agrippæ mortem in provinciam a Claudio missus est. II. Imo nec Lucam annum Agrippæ emortualem describere uti tanta penuria notabilem: innuit enim eo ipso tempore Tyriorum Sidoniorumque regionem alimenta sua ex Agrippæ ditione accepisse *Act. xii: 20. δια τὸ τρέφειν αὐτῶν τὴν χώραν ἀπὸ τῆς βασιλικῆς*. Quod copiarum potius quam inopiarum in Judæa argumentum est. III. Neque adeo Lucam professionem Pauli Hierosolymitanam conjungere cum fame jam grassante; sed cum prædictione Agabi de fame futura, *Act. xi: 28, 29*. IV. Denique, nec *Josepho* memoratam famem eo tempore fuisse *ἐφ' ὅλην τὴν οἰκουμενὴν*, quod prædixerat Agabus, & de omnibus terris Romano subiectis imperio intelligendum esse videtur. Satis enim frumenti in Ægypto fuit, unde petatum misit Helena. Quid ergo? Dubito an necesse sit de uno aliquo Claudii anno cogitare, qui universali ista fame ab Agabo prædicta notabilis sit (qualem nulla, quod sciam, exotica historia memorat) quum vaticinium illud commode intelligi queat de omni illa frumenti penuria, quæ durante Claudii Imperio, quod non nisi xiv annorum fuit, nunc huic nunc illi maxime regioni incubuit, donec omnes propemodum suam in ea partem habuerunt.

VII. Ut ut sit, fideles Antiocheni de penuria ista, Judææ potissimum incubitura, præmoniti, communi consensu decreverunt, ut quisque pro facultatibus suis aliquid conferret, quo tenuiorum apud Hierosolymam fratrum inopia sublevaretur. Cujus liberalitatis suæ dona in Judæam per *Paulum & Barnabam* ad *Presbyteros*, sive seniores Ecclesiæ, deferri voluerunt. *Act. xi: 28, 29, 30*. Primam *presbyterorum* in Ecclesia Christiana heic loci mentionem esse annotavit *Grotius*: dictione a Judæis transsumta; quibus

VII. Antiochenorum liberalitas.

quibus צנני *Seniores* erant, non solum qui judiciis publicis, sed & qui synagogis singulis præerant; eademque fere significatione in Christianismo retenta, cujus totum regimen ad Synagogarum exemplar conformatum fuit. Expleto hoc ministerio, Paulus & Barnabas Antiochiam reversi sunt (adducto secum *Johanne Marco*, *ais-ψico cognato Barnabæ*) indubie rationem creditorum sibi nummorum reddituri. Act. xii: 25.

VIII. Paulus & Barnabas Spiritu Sancto jubente ad insigne opus separantur.

VIII. Gaudebat eo tempore Ecclesia Antiochena insignibus Prophetis ac doctoribus: in quibus præter Saulum nostrum erant *Barnabas*, & *Simeon* cognomento *Niger*, & *Lucius Cyrenæus*, & *Menahem* qui fuerat una educatus cum Herode Tetrarcha: an filio *Herodis Magni*, illo qui *Johannem Baptistam* concionantem audivit & necavit, quod *Lightfootus* suspicatur; an filio *Herodis Agrippæ*, tam notabili nuper fato functi, quod *Grotius* videtur; eruditis arbitrandum relinquo. Accidit autem ut illis ministerium suum Domino obeuntibus, orantibus ac jejnantibus, & Ecclesiæ causam Deo commendantibus, Spiritus Sanctus, messis Dominus, pro arbitrio suo de ipsis quoque Apostolis disponens, *Barnabam* ac *Saulum* separari sibi jusserit ad opus ad quod ipse sibi eos advocaverat. Quod mandatum tanta se virtutis Divinæ demonstratione animis ipsorum insinuavit, ut dubitare non potuerint, quin a Deo profectum foret. Nulla igitur tergiversatione molestiis se ac discriminibus subducunt qui designati erant. Nulla etiam æmulatione tam notabilis missionis honorem designatis invident cæteri. Sed uno omnes animo ad iteratas conversi preces, & hi profecturis imponunt manus, & illi a Spiritu Sancto emissi itineri se accingunt. Act. xiii: 1—

IX. Eoque tempore accidisse ipsi videtur memorabilis ille in paradisum raptus.

IX. In hunc annum, & fortasse ad hoc ipsum tempus, probabiliter referri posse puto, quæ de suo in Paradisum & cælum raptu narrat Paulus 2 Cor. xii: 1—5. Quum enim eum sibi contigisse memoret quatuordecim annis ante scriptam secundam illam ad Corinthios epistolam, ab eo tempore retrogradiendo ad hunc annum deveniemus. Hæc enim gesta esse videntur anno a conversione Pauli iv ad finem vergente, vel v. Secunda ad Corinthios scripta esse putatur anno a conversione xix. Neque improbabile est, animum Pauli eo potissimum tempore cœlestibus visionibus insigniter fuisse demulsum, quando ad tam molesta plenaque discriminum itinera, pro Evangelio suscipienda, amandabatur.

X. Ubertiori commentario illustratus.

X. Sed omissa nimia circa temporis determinationem anxietate ipsam breviter percurramus historiam: prout eam Paulus non sine insigni verborum apparatu describit. *Novi hominem in Christo ante annos quatuordecim (an in corpore, nescio: an extra corpus, nescio, Deus novit) raptum in tertium usque cælum. Et novi ejusmodi hominem (an in corpore, an extra corpus, nescio, Deus novit) raptum fuisse in Paradisum, & audisse ineffabilia verba, quæ non liceat homini loqui.* Non puta quenkum esse qui dubitet, quin hæc de se ipsa narret



narret Apostolus : quamvis in tertia persona scribat, & eum hominem de quo agit a se ipso distinguere videatur vers. 5. Cuivis enim patet, hoc modestiæ causa ab Apostolo fieri, vitante quasi, quantum potest, ac trepidante dicere, quæ sibi evenerunt. Sed & agnoscere tale id tantumque fuisse, ut humanam sortem ac conditionem servorum Dei in hac terra prope modum superaret. Nam *raptus* fuit, virtute Dei præter naturæ ordinem ita elevatus, ut homine sublimior ea quæ mortalem conditionem superant oculis, auribus, animo hauserit. Raptus autem in *tertium usque cælum*, in *Paradisum*. Hoc post Veteres quosdam *Drusus* & *Grotius* ex Hebræis ita distinguunt, ut *cælum* significet id quod promittitur piis post resurrectionem ; *Paradisus*, quod post mortem ante resurrectionem. Ut dicat Paulus, primum sibi ostensa esse gaudia, quæ resurrectionem consequentur : dein ne tam longa expectatione nimium cruciaretur animus, ea etiam solatia, quæ ipsis mox a morte concedentur. At quidquid Hebræi sentiant, non didicimus illam distinctionem ex scripturis. In quibus Paradisus typus cæli est : unius illius, ubi primum justorum animæ colligendæ, dein & corpora. Porro tanta fuit rapientis Spiritus vehementia : ut dubium ipsi fuerit, an sola *ecstatica representatione* in cælum fuerit translatus, sine ulla loci mutatione, tam quoad corpus quam quoad animam ; an vero relicta terra ad superas sedes fuerit transvectus : atque id si factum sit, an contigerit sibi *corpore & anima junctis*, quoad totum *ὅφισάμενον*, an quoad *solum animam*, tantisper a corpore separatam. Apostolo nihil definiente, neque nos definiamus. Sufficiat observasse, tantam fuisse revelationis hujus claritatem, ut ipse sibi visus sit rebus illis cœlestibus *præsens* interfuisse. Cæterum cum nihil eorum memoret quæ *viderit*, fibulam quidem imponit nimis curiositati ; narrando tamen quæ *audiverit*, generatim saltem, de rebus magnis nos edocet. Narrat autem, audivisse se *ἄρρητα ῥήματα ἃ ἐκ ἑξὸν ἀνθρώποις λαλῆσαι*. Multum hæc sententia torfit Interpretes. Si dici non possunt hæc verba, quomodo *audiri* potuerunt ? Nam quod auditur, id utique dicitur. Tum si non possunt dici, cur additur, *fas non esse*, ut ab homine dicantur ? frustra enim vetes ea renunciare, quæ dici non possunt, Confugiunt hic viri eruditi ad doctas subtilitates. Mihi simplicitas placet. Non puto necessariam hic esse confessionem *ταυτολογίας*. Quæ evitari potest bifariam. Verba *ἄρρητα* dicuntur, respectu ejus qui audiverat. Ei enim qui loquebatur, erant utique *ῥήματα*. Sed qui audiverat is sibi ea *ἄρρητα* dicit, non quod omnino ea repeti non possent, sed quod majorem haberent vim & significationem, quam quibus ad plenum explicandis humanus sermo sufficiat. Addidit : *quæ homini loqui non licet*, scilicet familiari sermone inter homines in terris commorantes ; partim ne sui sermonis humilitate tantæ rerum majestati detrahat, partim quod ea verba in Paradiso solo audiri conveniat : quippe quæ reserventur futuro seculo. At neque

temnen-

temnendam esse arbitror Clarissimi *Cocceji* interpretationem : qua non modo omnis *ταυτολογίας* species tollitur , sed & magna sermoni Apostolico emphasis additur. Is putat hanc pericopæ partem, *quæ homini loqui non licet*, ad eum referendam esse qui Paulo loquebatur : hoc sensu, fuisse verba tantæ majestatis, ut, homine majora, Deum auctorem arguerent. Sunt quædam verba, quæ Angeli, quæ Prophetæ Dei nomine, dicere possunt. Sunt alia, quæ Deo ita sunt propria, ut transferri in creaturas nulla ratione queant. Innuit ergo Paulus, se quod audivit ex ipsius Filii Dei ore audivisse. At quorsum audivit, si cum Ecclesia communicare non liceat ? Nonnullis respondere libet, quod ea quibusdam, arcaniori sapientiæ initiatis, quasi in aurem dixerit. Verum id non liquet. Satiùs est ut statuamus, I. Paulo hæc patefacta ad sui privatam consolationem, adversus ministerii labores, neque continuasse aliquid de communi doctrina, quam Ecclesiam scire intererat. II. Id ipsum maxime facere ad utilitatem Ecclesiæ, & confirmationem nostræ fidei, quod audiamus Apostolum in Paradisum raptum, & ex eo reversum, testem factum esse, dari locum beatitudinis, ubi & Christum viderit, & præclara, prorsusque admirabilia ex ore ejus audiverit. III. Ea quæ in Paradiso geruntur adeo esse eximia, ut neque humano sermone exponi queant, & captum humanarum mentium in hac sæculi nostri caligine superent ; quam ob rem hoc potius agendum esse ut ad eorum fruitionem suo tempore immittamur, quam ut nil profutura curiositate in ea inquiramus. IV. Ex Christi ore verba audiri, quibus comprobetur homine major esse, Deus benedictus in sæcula.

XI. Ex quo ne nascetur superbia datus est ipsi surculus in carne.

XI. Cæterum nec illud silentio transmitti debet, quod ipse Paulus nos ignorare noluit. Nimirum, ad retundendam superbiam quæ ex supereminetia revelationum oritura fuisset, datum sibi fuisse *surculum infixum carni, angelum satan, qui colaphis eum caderet*. Quæ locutiones quantopere tam veterum quam recentiorum ingenia fatigaverint, referre longum esset. Mihi non improbabile videtur, per *surculum in carne* designari morbum aliquem dolorificum, quo per intervalla fuerit vexatus, quique tantam *carni*, id est *corpori*, ipsius creaverit molestiam, quantam creare solet infixa *carni spina*. Hoc morbo quotiescunque Apostolus infestabatur, satan incumberebat pressus, ut intenderet dolorem, sive *colaphis* proprie sic dictis, sive alio quocunque modo qui *symbolica* dictione exprimitur. Cujusmodi vexationis diabolicæ, in morbis per intervalla recurrentibus, exempla habemus in Lunaticis : qui quum pleniluniis affligerentur, idque ex naturalibus causis, dæmon observatis paroxysmis instabat male affectis, augens cruciatum. Neque nova res est, Deum aliquando uti opera Diaboli ad affligenda piorum corpora ; quum Jobo, viro sanctissimo, idem acciderit. Ut ut sit, tam molesta afflictio ea Paulo fuit, ut semel, iterumque & tertio Deum rogaverit, quo abscedere eam juberet. Sed a petitione abstinere jussu responsum

Spensum est, *sufficere ipsi gratiam Dei, cujus potentia per infirmitatem consummatur*. Visum enim esse Deo infirmi hominis opera ad promovendum Evangelium uti, ut tam incredibilis successus gloria non homini tribuatur, sed illibata Deo maneat. Et profecto magna res fuit, quod dolor iste corporis neque retuderit alacritatem patientis in opere Evangelii, neque sufflaminaverit industriam, neque impediverit successum. Vide *Molinæ Vatem Lib. II. Cap. XII.*

XII. Nunc Pauli Barnabæque iter prosequamur. Hi ergo precibus & manuum impositione Deo commendati, Antiochia in *Seluciam*, comite & ministro *Johanne Marco*, descenderunt, inde *Cyprum* abnavigaturi: ut aliquantulum *Salaminæ* subsisterent, quæ est urbs Cypri ad latus Orientis, Syriæ, unde solverant, opposita; hodie *Famagusta* dicitur. Ibi, quum ingens esset Judæorum multitudo, in eorum synagogis annuntiaverunt τὸν λόγον τοῦ Θεοῦ sermonem Dei; non multum refert an *hypostaticum* illum, ipsum Jesum, intelligas, an *Evangelium*, quo patefit. Mox peragrata insula *Paphum* appulerunt, ad littus insulæ occidentale sitam; ubi inclutum illud *Paphiæ Veneris* templum, cujus cultum destructuri veniebant. Sed quæ & ipsa *Hieronymi* temporibus frequenti terræ motu sic destructa fuit, ut vestigiis duntaxat quid aliquando fuisset ostenderet.

XII. Paulus & Barnabas Antiochia profecti peragraverunt Cyprum.

XIII. Ibi inciderunt in *Sergium Paulum*, multæ apud suos dignitatis & existimationis virum; quem *ἀρχὴν αὐτοῦ Προπράτοrem*, vel, ut alii, *Proconsulem*, Lucas vocat; more istius ætatis. Proprie enim qui *Cypro* præerat, *ἀρτίστρατηγός*, *Grotio* observante, dicebatur. Sed mirum non est, Græcos, ut egregii erant adulatores, nomen quam honorificentissimum provinciarum rectoribus dedisse. Huic *Sergio* familiaris erat *Pseudopropheta* aliquis Judæus, cui nomen erat *Barjesus*, etiam *Elymas*, quod, Arabice *مأيم* *Alim*, *Magum* notat, nisi fallant doctissimorum hominum observationes. Hostis infensissimus Christo & Evangelio; cui, a *Paulo* apud *Sergium* prædicato, proterviter obtinebatur. At procacem superbiam repentina cæcitate, ad Apostoli increpationem sibi inflicta, luit. Quo miraculo perculsus præses, simul ad obsequium fidei permotus est.

XIII. Ex Paphi converterunt Sergium Paulum, cæcitate percussērunt Elymam Magum.

XIV. Ab hoc tempore is qui hætenus SAULUS vocatus est, PAULUS Lucæ dicitur. Non facile iis assentior, qui ab initio binominem fuisse opinantur; sic ut *Saul* gentilitium nomen fuerit, a patre inditum, quod religionem & genus indicaret; additumque alterum *Pauli*, quod jus civitatis Romanæ attestaretur. Hætenus enim constanter *Saul* aut *Saulus* appellatus est; dehinc vero quum semel *Paulum* dixisset Lucas, *Sauli* nomen ita oblitteratum est, ut nec Lucas, nec Petrus, nec Paulus ipse in suis epistolis, illud deinceps unquam usurparint. Sed nec illud a me impetro ut huic nominis mutationi magna credam subesse mysteria, quæ pro suo singuli ingenio interpretes aliqui sinxerunt. *Ambrosius* nominis mutationem a baptismo

XIV. Quam ob rem qui hætenus Saulus de hinc Paulus dictus sit.

arcessit. *Ubi pluvia*, sic loquitur sermone xxxi. editionis Romanæ a Baronio laudatæ, *super eum lavacri cælestis influxit*, *necatur blasphemus*, *necatur persecutor*, *necatur & Saulus*. *Vivificatur Apostolus*, *vivificatur justus*, *vivificatur & Paulus*. Usque adeo autem perdidit veterem cum actibus hominem, ut cum moribus mutaret & nomen. Cæterum hoc ex antedictis facile refellitur. Chrysostomus credidit Deum mutati nominis auctorem esse; illiusque rei geminam assignat rationem; quarum altera Deum, altera Paulum spectat. De Deo sic loquitur Hom. XLIII. Tom. v. p.m. 286. Καθάπερ δεσπότης οἰκὲν τὴν πριάμεν, εἶτα βεβλόμεν αὐτὸν διδάξαι τὴν δεσποτείαν μετατίθῃσιν αὐτὰ τὸ ὄνομα, ὅτω καὶ τὸ πνεῦμα τὸ ἅγιον ἐποίησε τότε. Καὶ γὰρ ἐξ ἀρχῆς μαλωσίας τὸν Παῦλον ἔλαβε, καὶ προσφάτως ἦν τῇ δεσποτείᾳ ταύτῃ προσελθὼν. Διὰ τὸτο αὐτὸ μετέβαλε τὴν προσηγορίαν, ἵνα μαθῇ καντεῦθεν τὴν δεσποτείαν ἐκεῖν. Quemadmodum Dominus qui servum emit, postea ipsum docere volens dominium suum, nomen ejus mutat; ita etiam Spiritus Sanctus tunc temporis fecit. Paulum enim ex captivitate accepit, & nuper admodum illud subivit dominium: propterea nomen ejus mutavit, ut vel hinc dominium disceret. De Paulo autem dicit Homil. I. ad Rom. Τὴν ἐνεκεν μετέθηκε τὸ ὄνομα αὐτῷ ὁ Θεός, καὶ Σαῦλον ὄντα Παῦλον ἐκάλεσεν; ἵνα μηδὲ ταύτῃ τῶν ἁποστόλων ἔλαττον ἔχη, ἀλλ' ὅπερ ἔσχεν ἐξαίρετον ὁ κορυφαῖ τῶν μαθητῶν, τὸτο καὶ αὐτὸς κτησῆται, καὶ πλείων ἀξιώσεως ὑπόθεσιν λάβῃ. Cum nomen ipsius mutavit Deus, eumque qui Saulus hactenus fuerat Paulum vocavit? Ut neque in hac re minus cæteris Apostolis haberet; sed ut quod præcipuum habebat discipulorum antesignamus hoc ipse quoque possideret, majorisque familiaritatis argumentum acciperet. At gratias hæc omnia dici videntur. Nam, præter Scripturæ de Deo mutati nominis auctore silentium, non solet Deus nomen præstantius in vilius mutare. Sauli vero nomen, quod desideratum vel desiderabilem significat, præstantius est illo Pauli, quod Exiguum aut Pusillum notat. Alii ergo mutationem hanc ipsi Paulo attribunt, qui ex more Judaico in signum conversionis suæ novum sibi nomen adsciverit; atque illud Pauli cæteris prætulerit, ut suæ esset humilitatis, qua se omnium minimum esse profitebatur, indicium. Cæterum si hæc vera ratio sit, quæ causâ dici potest, cur non mox a conversione sua, ut apud Judæos moris est, altero isthoc nomine sit usus? Quam ob rem alii novum hoc nomen ad magnificentiam potius Apostoli referunt. In his Hieronymus est, qui postquam Sergii Pauli historiam narrasset, sic pergit: Diligenter attende, quod hic primum Pauli nomen inæcepit. Ut enim Scipio subacta Africa Africani sibi nomen assumpsit; & Metellus Creta insula subjugata, insigne Cretici suæ familiæ reportavit; & Imperatores nunc usque Romani Adiabeni, Parthici, & Sarmatici nuncupantur; ita & Saulus ad prædicationem gentium missus, a primo Ecclesiæ spolio Proconsule Sergio Paulo victoriæ suæ trophæa retulit, erexitque vexillum, ut Paulus ex Saulo vocaretur. Cæterum id neque ex Hebræo more est, neque cum Pauli modestia satis convenit,

venit, ut Proconsulare nomen ob Evangelium cum successu prædicatum sibi assumeret; non sibi, sed Domino suo Jesu, victoriæ Domini virtute partæ trophæa erigere solitus. Accedit quod *Paulum* dixerit Lucas, prius quam de Elyma excæcato, vel *Sergio converso* retulisset. Alioqui propior vero eorum videri posset sententia, quam amplexus est Annalium Pater *Baronius*, ipsum *Sergium Paulum*, in amicitiae gratique animi tesseram, cognomen suum, quod etiam *Æmilianorum* familiæ erat, cum Saulo Apostolo communicasse. Sic enim solitos fuisse Romanos, clientibus, hospitibus, libertis, aliisque bene de se meritis. Cujus rei illustre exemplum exstet in *Josepho*, nobili illo Judaicæ Historiæ Scriptore: qui in bello Judaico captus, liberatus a civitate donatus a *Tito*, *Flavia* familiæ cognomine ab eodem insignitus sit, & ex eo tempore *Flavius Josephus* appellatus. Ad eundem modum fieri potuisse, ut Saulus noster Romanæ familiæ cognomine, a Proconsule Romano comiter sibi oblato, eo lubentius usus sit, quod & ipse Romanus civis esset, & posthac Evangelium gentibus præcipue prædicaturus. Verum & hic duo Baronii errores, in iis quæ de Flavio Josepho narrat, notandi veniunt. Primum, non a Titio sed a Vespasiano civitate se donatum, atque in iis diversari ædibus jussu, quas ipse Vespasianus antequam Imperator fieret habitaverat, ipse ad finem vitæ suæ testatur: deinde, ubi beneficia in se a Vespasiano & Titio collata prolixè memorat, *Flaviæ* familiæ cognomine decoratum se fuisse prorsus silet. Idcirco, ut ad Paulum revertar, omnium fortasse tutissimum est, de mutati nominis auctore nihil asseverate determinare; sed potius in generali ista observatione acquiescere, quod quum *Græcis & Romanis* auribus *Sauli* nomen insuetum esset, *Pauli* vero illud apud eos vulgatum, levi mutatione ex *Saulo* factus fuerit *Paulus*. Quum enim ministerium suum dehinc in iis potissimum gentibus exercuerit, quæ coloniæ Romanorum essent, quæque vel *Græco* vel *Latino* sermone uterentur, mirum non est, si se pro *Saulo Paulum* dici, primum fortasse passus sit, deinde & voluerit. Act. XI 11: 1—12. Nescio an operæ pretium sit appingere quæ de hoc ipso *Sergio Paulo* nonnulli Romanæ Ecclesiæ scriptores fabulantur: nimirum factum eum tandem fuisse Narbonensis Ecclesiæ Episcopum. Ita sane habet *Ado* in *Libello de festivitibus Apostolicis*, ad diem x1. Cal. April. *Natalis S. Pauli, quem Beati Apostoli ordinatum urbi Narbonæ Episcopum miserunt; quem tradunt eundem ipsum fuisse Sergium Paulum proconsulem, virum prudentem, a quo ipse Paulus sortitus est nomen, quia eum fidei Christi subegerat: quinque ab eodem Sancto Apostolo, quum ad Hispanias prædicandi gratia pergeret, apud illam urbem Narbonam relictus, prædicationis officio non segniter impleto, clarus miraculis, coronatus sepeletur.*

XV. Sed nos Paulum & socios in suis prosequamur itineribus: qui XV. Quid  
Papho venerunt Pergam. Pamphylia, Dianæ templo celebrem, uti docet apud Antiochiam

Pisidiæ ge-  
nium sit.

*Mela.* Unde *Johannes Marcus* ab iis discedens Hierosolymam reversus est, fortasse laboris & periculorum fugiens, quod vitio ei vertitur Act. xv: 38. Perga profecti sunt *Antiochiam Pisidia*, cui nomen hoc additur ut ab altera illa *Syria* distingueretur. Hic Synagoga ingressi die Sabbati *confederunt*: in doctorum, opinor, subfelliis. Unde factum, ut *post lectionem legis & prophetarum*, solemnities Sabbati sacra, *præfelli Synagoga, miserint ad eos*, quos legis suæ doctores esse facile suspicabantur, *rogaverintque ut si quis in ipsis sermo exhortationis ad populum esset, publice dicerent*. Id enim ea ætate spectatæ formæ gravibusque viris facile permittebatur. Paulus igitur postquam fecisset *silentia turbæ majestate manus*, longum sermonem orsus est, quem prædicatione Jesu ex mortuis suscitati, & remissionis peccatorum per ipsum, & pathetica oppido ad fidem exhortatione absolvit. Eo successu, ut & multi ex Judæis & religiosis proselytis Paulum ac Barnabam secuti sint, & gentes proxime sequenti Sabbato eadem sibi verba repeti petierint. Hanc enim interpretationem longe illi præferendam esse arbitror quam suggestit *Lightfootus*; monens Græca sacrae historię verba, *παρεκάλουν τὰ ἔθνη εἰς τὸ μεταξὺ τῶν σαββάτων λαλεῖν αὐτοῖς τὰ ῥήματα ταῦτα*, ita exponi posse, ut Apostoli, videntes quod Judæi offensi synagoga exirent, obsecra- verint *eos qui remanebant gentiles*, ut illi *deinceps eodem Sabbato*, tempore pomeridiano, talem iterum concionem audire vellent. Quæ profecto du- riuscula sunt, & a sacrae narrationis stilo abhorrentia. Nam neque τὸ με- ταξὺ τῶν σαββάτων Sabbati ejusdem pomeridianum tempus notat, ut liquet ex vers. 44. & si Apostoli obsecrassent gentes, rogassent *ut audirent verba Dei*, non ut illa ipsis dicerentur. Sed pergamus. Ubi ad conditum diem totam fere civitatem ad audiendum sermonem Dei confluisse cernebant, Judæi in- vidia æstro perociti, magna animi impotentia Paulo oblocuti sunt, contra- dicentes ac blasphemantes. Quo facto indignati Paulus ac Barnabas, re- bellibus illis Judæis res sibi suas habere jussis, ad gentes sese converterunt. Quæ gavisa, laudibus sermonem Domini extulerunt, *καὶ ἐπίστευσαν ὅσοι ἦσαν τεταγμένοι εἰς ζωὴν αἰώνιον, & crediderunt quotquot erant ordinati ad vi- tam æternam*. Act. xiii: 48.

XVI. Nor-  
toni  
Knachtbul  
commen-  
tatio in  
Act. XIII.  
48.

XVI. Super cujus dicti controverfo sensu nunquam disputandi finem fore donec Elias venerit auguratur *Nortonus Knachtbul*. Ipse pacis conciliandæ causâ hanc interpretationem offert. *Et crediderunt, quotquot conveniant, in vitam æternam*. Nimirum *τεταγμένοι* poni potuit pro *συνηγμένοι*, qua voce usus est Evangelista vers. 44. *Credere in vitam æternam*, est articulus fidei, immo summa fidei. Joh. xvi: 3. Neque est ea vocis *τεταγμένοι* acceptio omnino nova, & destituta auctoritate. Vox enim Hebræa *וָו*, quæ a Lxx frequenter vertitur *συνάγω*, & *συναθροίζω*, convenio & con- grego, vertitur ab iis quandoque *τάττω*, ut Exod. xxix: 23. Est etiam *τάττω* proprie *εἰς τάξιν καθεῖς* in ordine colloco; adeo ut neque a sensu ab- horreat

horreat si vertatur, *Et quotquot erant in ordine collocati*, nempe ad audiendum verbum Dei, *crediderunt in vitam aeternam*: vel, *quotquot erant instructi*, secundum vim vocis alteram, i. e. qui quod docuit Apostolus audiverunt. Nec aliter se sentire posse profitetur Vir Doctissimus, quin illud *εις ζωναν αἰώνιον* necessario oporteat construi cum verbo *ἐπίστευσαν*, quidquid velit τὸ τεταγμένοι. Sed vereor ut multis persuadeat.

XVII. Nos ad Paulum redeamus; cuius opera sermo Dei per totam illam regionem deferebatur, ringentibus licet Judæis, quorum pravis artibus Apostoli contumeliose finibus illis ejeti, *excusso pulvere pedum suorum*, alio se contulerunt. Id quoque ex præcepto Domini. Mat. x: 14. Duo autem potissimum ritu illo significari videntur. Et primo quidem omnis communicationis & commercii renunciatio. Quasi dicerent Apostoli, veneramus huc non nostri commodi, sed vestræ salutis gratia: nunc quando monitis nostris auscultare non vultis res vestras vobis habete. Nihil nobis vobiscum ultra commercii est; quin adeo ne tantillum quidem vestri expetimus. Hunc sensum postulare videtur id quod apud Lucam existat cap. x: 11. *Etiā pulverem qui adbasit nobis ex urbe vestra, vobis abstergeamus*. Ita Grotius. Deinde symbolo isto notari quoque potest abominatio urbis immorigeræ Evangelio, tanquam fœdæ, pollutæ, & polluentis. Pulverem enim terræ Ethnicæ contactu suo, ex scribarum sententia, inquinare, adductis Rabbiorum testimoniis probavit *Lightfootus* ad Mat. x: 14. Pulveris itaque discussione testabantur Apostoli, se protervos illos Evangelii hostes, utcunque Israelitas, pro profanis & impuris æstimare; seque ab iis segregare, ne & ipsi quid impuritatis contrahant.

XVIII. Relicta igitur *Antiochia Iconium Lycaonia* urbem profecti sunt. Ubi quum multos tum ex Judæis tum ex gentibus religione Christiana imbuissent, iterum excitato a contumacibus Judæis tumultu, impulsisque primoribus ad eos contumeliis afficiendos, & lapidibus obruendos, mature se periculo subdixerunt: non solum vitæ suæ causa; sed præcipue ne tempus inutiliter ibi tererent; quod alibi fructuosius impendi poterat. Aufugerunt itaque, *in civitates Lycaonia, Lystram, & Derben*. Quæ locutio Evangelistæ duobus modis, Drusio observante, exponi potest. Uno modo, ut dicat, *Lystram & Derben civitates Lycaoniae* esse; altero, ut dicat, eos fugisse *in civitates Lycaoniae, & Lystram & Derben*. Quam expositionem veriore putat: quod *Derbe & Lystra Isauriæ* urbes sint. Quæ licet vicina sit *Lycaonia*, a *Lycaonia* tamen distinguitur.

XIX. *Lystra* vero miraculo sibi viam aperiunt. Paulus enim virum ab utero matris claudum solo verbo suo ita sanat ut & exsilierit, & ambulaverit. Quo miraculo in stuporem data *Lystræ* plebs, Deos hominum specie de coelo descendisse & secum morari credidit, & Barnabam *Jovem*, Paulum *Mercurium* dixerunt: quod huic dicendi partes commissæ essent, & Mer-

curius *interpres Divum* haberetur, & ut Philo *eum* alicubi vocat, προφήτης τῶν θείων. Et parum aberat quin ipse Jovis sacerdos vittatos tauros ipsis tanquam diis immolaret: quam vanam opinionem indebitumque sibi honorem multa protestatione a se amoliti, prolixè de idololatriæ absurditate & vero veri numinis cultu disseruerunt. Sed & hic iterum Judæorum experti sunt furorem, quorum persuasionibus incitata plebs Lystrensium Paulum, quem modo ut Deum venerati fuerant, lapidatum extra urbem traxerunt, existimantes esse mortuum. Qui tamen circumstantibus discipulis, velut e somno surgens, una cum ipsis urbem ingressus, postridie cum Barnaba *Derben* profectus est: majore cum fructu Evangelium in ista urbe prædicaturus. Inter alios qui Christo nomen hoc tempore dederunt, fuit *Timotheus* cum pia matre sua *Eunice*, & avia *Loïde*, quarum diligenti institutione a prima pueritia sacras literas fideliter didicerat. Hic in locis illis eo tempore degens, quamvis pene puer, oculatus earum persecutionum testis fuit, quas Paulus Antiochiæ in Pisidia, Iconiæ & Lystræ perpeffus fuit. Act. xvi: 1, 2. 2 Tim. i: 5. & iiii: 11, 15.

XX. De  
χειρο-  
τονία  
Presbyte-  
rorum.

XX. Inde vestigia sua retro legentes *Lystram* & *Iconium*, & *Antiochiam Pisidiæ* reversi sunt, ubique animos discipulorum confirmantes, ad fidei constantiam hortantes, & Divinæ gratiæ commendantes. Utque perpetua ipsis Evangelii prædicatio foret, singulis Ecclesiis prospexerunt de Presbyteris, per suffragia, accedente plebis consensu, creatis; quos precationibus & jejniis Deo munerique suo consecrarunt. Insignis est vox illa qua Lucas utitur. Act. xiv: 23. χειροτονήσαντες δὲ αὐτοῖς πρεσβυτέρους, & ex antiquissimo ritu desumpta, quem doctè eruderavit *Elias Cretensis* in tertiam *Orationem Gregorii Nazianzeni* ex versione Lewenklavii p. 79. Olim, inquit, quum comitia creandis magistratibus habenda erant, designabatur aliquis, cui rerum summa, tanquam maxime idoneo, committeretur. Is deinde in theatrum deducebatur; atque ibi tum maximo totius populi comitio per præconem publice designati nomen edebatur. Quo facto, qui designationem illam probabant, sublati manibus testabantur videri sibi hominem idoneum magistratui gerendo esse: ceteri vero qui ab his dissentiebant, manus suas continebant. Hoc modo comparato inter se horum illorumque numero, cui plures hominum suffragationes obtigissent, is magistratum adeptus, superior discedebat. Hinc illa vox χειροτονεῖν orta est, & χειροτονητός dicebatur, qui hujusmodi suffragiis Magistratum consecutus erat. Formula rogandi per præconem quandoque sic erat: ὅτω δοκεῖ τόδε ἀράτω τὴν χεῖρα. Veletiam ex contrario, ὅτω μὴ δοκεῖ τόδε ἀράτω τὴν χεῖρα. Qui ritus, a comitiis in Ecclesiam translatus, in eligendis, per suffragia populi, presbyteris obtinuit. χειροτονεῖν τὰς ἐκκλησίας, φησὶ Ζωνάριος, eligere Episcopos, ait *Zonaras*; qui quomodo id in prisca Ecclesia factum sit, ad I Canonem Apostolorum prolixè exponit; neque pigebit hic describere. Πάλαι αὐτὴ ἡ ψῆφος χειροτονία ἀνέμας.



ὅτε γὰρ τοῖς τῶν πόλεων πλήθεσιν ἔχῃ ἐκλέγεσθαι τὰς ἀρχιερεῖς, συνῆσαν τὰ πλήθη. Καὶ οἱ μὲν τόνδε ᾤοντο οἱ δὲ τόνδε ; ἵνα ἂν ἡ τῶν πλείων κρατοῖη ψήφῳ, λέγεται τέκειν τὰς χεῖρας τὰς τὴν ἐπιλογὴν ποιημένας, καὶ διὰ τῶν ἀριθμείσθαι τὰς ἐκαστον ψηφίζομένας, καὶ τὸν παρὰ τῶν πλείων αἰρῆμενον, εἰς τὴν ἀρχιεροσύνην προκρίνεσθαι. Καντεῦθεν ἐξεληφθὴ τῆς χειροτονίας τὸ ὄνομα. Τῆτο δὲ καὶ τῶν συνόδων πατέρες ὥτως εὗρισκονται χρησάμενοι, καὶ τὴν ψήφον χειροτονίαν καλέσαντες. Ἡ γὰρ ἐν Λαοδικείᾳ συνοδὸς ἐν πέμπτῳ Κανόνι φησὶ. Μὴ δεῖν τὰς χειροτονίας ἐπὶ παρυσία ἀκροαμένων γίνεσθαι. Χειροτονίας δὲ τὰς ψήφους ὠνόμασαν. ἐν γὰρ τῇ τελεσιουργίᾳ τῆς ἀρχιερείας μᾶλλον ἐθῆ πολλὰς συνερχέσθαι. ἐν δὲ ταῖς ψήφοις, διὰ τὸ εἰσαγεσθαι τινὰ αἰτιάματα τῶν ψηφίζομένων ἀνδρῶν, ἀπηγγευσταὶ τὸ παρῆναι τινὰς, καὶ ἀκροᾶσθαι τῶν. *Olim ipsum etiam suffragium nominatum est χειροτονία. Nam quum populis civitatum licebat eligere sacrorum praefectos, conveniebat ipse populus, & alii quidem hunc, alii illum deligebant. Quatenus autem plurium suffragium vinceret, eligentes ferunt solitos extendere manus, & per manus ita porrectas numerabantur, qui vel hunc vel illum delegissent: plurium autem suffragiis electum summo sacerdoti praefecere. Atque hinc sumtum nomen χειροτονίας, quo sic etiam Synodorum Patres inveniuntur usi, suffragium nominantes χειροτονίαν. Laodicensis nempe Synodus in Canone V dicit: Non oportere χειροτονίας in audientium praesentia fieri. Χειροτονίας autem appellantur suffragia. In plena quidem Pontificis consecratione magis obtinebat consuetudo, ut plures una convenirent: sed in suffragiis, eo quod electorum virorum crimina quaedam proponerentur, aliquos vetatur adesse. Haec Zonaras. Dissimulare tamen nefas est, ferioribus temporibus, ipsam ordinationem, initiationem, inaugurationem & consecrationem in sacro munere χειροτονίαν dictam esse, eamque vocem aequipolluisse τῇ χειροθεσίᾳ. cujus significationis exempla multa collegit Suicerus in Thesauro. Nos nunc quæ fusiori excursu dicta sunt ad rem praesentem applicemus. Sine dubio Apostoli potestatem episcopos & presbyteros creandi a Christo nacti sunt; sed prudenter consueverunt, non expedire ut omni jure suo semper uterentur. Eos potissimum Ecclesiis praefici cupiebant, qui civibus suis gratissimi probatissimi-que erant: idcirco multum plebis ipsius arbitrio permiserunt. Atque illud esse arbitror quod Lucas hic docet. Si quis pugnet convenientius videri auctoritati Apostolicæ, ut & hic χειροτονία pro consecratione sumatur; equidem non improbe contra tendam: verum id certis primum argumentis addici poscam, quod Apostolorum ætate vox χειροτονία eam significationem habuerit. Rebus ita constitutis, peragrataque Pisidia, ac Pamphylia, Paulus & Barnabas descenderunt Attaliam, illinc Antiochiam Syriae enavigaturi, unde commendati erant gratiæ Dei ad opus quod feliciter absol-  
verant, cuique biennium præter propter impenderant. Eo reversi, convocato fidelium cœtu, exposuerunt quanta per ipsos præstitisset Deus, &*

quod

# 40      S E C T I O   I V .      D E   S Y N O D O   H I E R O S O L Y M I T A N A

quod rei caput erat, quam late patens ostium fidei aperuisset gentibus.  
A&. XIV.

## S E C T I O   I V .

De Synodo Hierosolymitana, & quæ eam proxime consecuta  
sunt Antiochiæ.

### B R E V I A R I U M .

- I. *Controversia de rituum Mosaicorum necessitate Antiochia primum agitata.*
- II. *Deinde Hierosolymam ad Apostolos privatim, mox ad totum Presbyterorum cœtum relata.*
- III. *Petri sententia.*
- IV. *Jacobi votum.*
- V. *Edictum Synodicum, cum Antiochenis per Paulum & Barnabam communicandum.*
- VI. *Sine circumcisione salutem acquiri posse equiores ex Judæis crediderunt.*
- VII. *Æra hujus Synodi.*
- VIII. *An in historia hac quicquam inveniatur quod Apostolorum in docendo infallibilitati præjudicet.*
- IX. *Ostenditur, non præjudicare.*
- X. *Cur scripserint Apostoli, Visum est Spiritui Sancto & nobis.*
- XI. *Pauli cum Petro disceptatio Antiochiæ.*
- XIII. *Non arguit contrarietatem in doctrina fidei.*
- XIV. *Sed utrimque exhibet insigne virtutum exemplar.*
- XV. *Humana tamen infirmitatis indicium est παρανομὸς inter Paulum & Barnabam.*
- XVI. *Penes quem major culpæ pars fuerit.*

I. Controversia de rituum Mosaicorum necessitate Antiochiæ primum agitata.

**D**Um Antiochiæ a tam diuturnæ peregrinationis molestiis Paulus & Barnabas aliquantulum respirant, novæ subito renascuntur difficultates. Etenim male consulti quidam, & fervidi ingenii homines, e Judæa venientes, bene compositam Antiochenæ Ecclesiæ pacem turbabant: clamabantque, *nisi circumcidamini ritu Mosaico non potestis servari.* Non ferebant illud Paulus & Barnabas; sed forti animo inconsideratorum hominum impetum retundentes, pro libertate stabant Christiana. Unde quum repugnantia & disceptatio non parva utrinque oriretur, constitutum fuit, ut Paulus & Barnabas, & quidam alii ex illis, ad Apostolos & Presbyteros, Hierosolymam, super hac quæstione adscenderent.

II. Dein Hierosolymam ad Apostolos privatim, mox ad totum Presbyterorum cœtum relata.

II. Quo quum venissent, consultum duxit Paulus Evangelium quod inter gentes prædicaverat *privatim* exponere iis qui in pretio erant; præcipue *Jacobo, Cepha & Johanni*, qui pro insignibus Ecclesiæ columnis habebantur. Hi deprehenso, quod Paulo creditum a Christo esset Evangelium præputii, haut secus ac Petro Evangelium circumcisionis, perspectaque Dei in Paulo gratia, *dexteras societatis* ipsi ac Barnabæ lubentes dederunt; atque ita testati sunt suam *ὁμολογίαν*. Hæc enim ad historiæ nexum hic inserenda sunt ex Gal. 11: 2, 7, 9. Non contentus autem Paulus *privatim* cum Apostolis communicasse; ut omnis vitiligandi prætextus nimium impetuosæ Mosaicæ legis Zelotis eriperetur, universq. *Apostolorum & Presbyterorum cœtui*, controversiæ momentum expofuit.

III. In

III. In collatione ista publica princeps fuit *Petrus* qui animi sui prom- III. Petri  
ferit sententiam. Eo autem tota ipsius tendebat oratio, non esse imponen- sententia.  
dum cervici discipulorum jugum, sub cuius onere & majores & ipsi tam-  
diu ingemuissent; quum experimento didicisset, posse aliquem cum præ-  
putio cordium scrutatori Deo placere; cuius rei illustre testimonium Deus  
ipse præbuerit, dato talibus Spiritu Sancto: unde appareat fide purificari  
corda, etiam sine ceremoniarum choragio. Quæ sanctissimi gravissimique  
hominis oratio, magno totius multitudinis silentio audita, *Paulo & Bar-  
naba* occasionem dedit prolixo sermone memorandi, quanta Deus edidif-  
fet signa & prodigia per ipsos inter gentes, qui tamen nulla suscipiendæ  
circumcisionis necessitate gravaverant. Ea vero narratione valide confir-  
mata Petri sententia fuit.

IV. Denique surrexit *Jacobus*, Petro quoad rei summam *ὁμολογῶν*, IV. Jacobi  
pariterque censens, non esse obturbandos eos qui ex gentibus ad Deum se votum.  
converterint. Verum, quum singulari affectu in fratres suos, Judæos, pro-  
penderet, consultum arbitrabatur, sine religionis ac veritatis dispendio, ad  
conservandam pacem, & vitanda scandala ac schismata, aliquid iis indul-  
gere. Atque hoc quidem nominatim, scribendum esse ad conversos ex  
gentibus, *ut abstineant a pollutis per simulacra, & scortatione, & suffocatis re-  
bus, & sanguine.*

V. Huic voto cuncti assenserunt. Epistolaque in eam mentem conce- V. Edi-  
pta, & omnibus approbata, & per Paulum & Barnabam, quibus Ecclesia tum Sy-  
Hierosolymitana adjunxit *Judam*, qui cognominabatur *Barsabas*, & *Si- nodicum*,  
*lam*, Antiochenis fratribus reddita est. *Quam quum legissent, gavisi sunt su- cum An-  
per ea exhortatione.* Act. xv. Non lubet nunc excurrere in commentarium tiochenis  
super decreto isto Apostolico: quippe quod ab instituti nostri ratione alie- per Pau-  
num, & ab aliis multis, ac nominatim a *Carcellao*, *Heideggero* & *Spencero* lum &  
copiose atque erudite occupatum est. Barnabam  
communica-  
candum.

VI. Suffecerit observasse, sententiam illam, quod quis virtuti veræ stu- VI. Sine  
dens gratus Deo, & vitæ æternæ hæres esse possit, etiam sine circumcisi- circumci-  
one, non Apostolis & Christianis illius temporis privam, sed iis cum multis sione salu-  
Judæorum sapientibus communem fuisse; a quibus Pharisei, & qui iis tem acqui-  
similes, prætextu rigidioris disciplinæ, seorsim senserunt. Memorabilis ri posse  
in hanc rem historia, quæ hujusdem temporis est, extat apud *Josephum* æquiores  
*Antiq. XX. Cap. II.* Izates Adiabenorum Rex cum matre Helena a Judæis ex Judæis  
credide-  
runt.  
quibusdam Divinas leges edoctus, easdem pio studio complectebatur;  
adeo ut, si necesse foret, nec circumcisionis pudorem doloremque subire  
recusaret. Sed *Ananias*, vir insignis, cui Israëlitiæ religionis notitiam de-  
bebat, valde id dissuasit, dictitans, *δυνάμενον αὐτὸν καὶ χωρὶς τῆς περιτο-  
μῆς τὸ θεῖον σέβειν, ὅτι γε πάντας κέρρει ζῆλόν τὰ πατέρα τῶν Ἰουδαίων. Τῷ  
το εἶναι κυριώτερον τῷ περιτέμνεσθαι.* LICERE EI ETIAM ABSQUE CIR-  
*Meletem, Leid.* F CUMCI-

#### 42 SECTIO IV. DE SYNODO HIEROSOLYMITANA.

CUMCISIONE DEUM PIE COLERE, SI JUDÆORUM INSTITUTA PLACEANT. IN HOC ENIM MAGIS SITAM RELIGIONEM QUAM IN CIRCUMCISIONE. Adeoque illud urfit, ut discessurum se minatus sit, nisi a suscipiendæ circumcissionis proposito absteret. Non dissimulo tamen, consilium isthoc Ananiæ ex metu potius, quam ex animi sui religione profectum videri. Verebatur enim ne per tam apertam Judaismi professionem & civium animi a Rege alienarentur, & ipse noxæ daretur, tanquam rerum novarum auctor. Sed nec Tryphon Judæus omnem salutis spem incircumcisis ademixit, sic apud Justinum Martyrem loquens p. mibi 225. in fine. μέντοι γὰρ σοι ἐν ἐκείνῳ τῷ τῆς φιλοσοφίας τρέπω, καὶ ζῶντι ἀμείμπτως, ἐλπὶς ὑπελείπετο ἀμείνονος μοίρας. Manenti enim tibi in illa philosophandi ratione, & inculpate viventi, melioris sortis spes relinquebatur. At proluxe & ex professo, quod ajunt, materiam hanc exsecutus est Menasse Ben Israël, scriptor quidem recentissimus, sed qui traditam a majoribus doctrinam repetit, De Resurr. Mort. Lib. II. Cap. IX. Ex quo aliqua excerptam. Non minus, inquit, verisimile est, omnes gentes ac nationes æque resurrecturas ac Israelitas; juxta illud veterum dictum. הַחַיִּים חֵלֶק לְכָל הָעָם יִשְׂרָאֵל וְכָל הָעָם הַנִּשְׁתַּחֲוִים לְפָנָיו, piis ex gentibus mundi pars erit in futuro seculo. Post pauca. Ex his nationibus omnes & singuli resurgent, qui probe ac pie vixerunt; quales sunt, qui, juxta R. Mosem & R. Meir Gabay, observarunt diligenter præcepta ea qua data sunt Noacho. --- Neque illi tantummodo resurgent; sed & beatitudinis futuri seculi participes erunt, juxta veterum illud pronuntiamentum. אֵין הַקְרֹשׁ הוּא מִקֶּפֶה עֲבָר כֹּל בְּרִידָה non fraudat Deus præmio ullam creaturam. Ac proinde dicunt: illis pars erit. Neque dubium est, quin illi qui recte de Deo senserunt, pariterque honeste pie ac probe vixerunt, partem in resurrectione mortuorum obtenturi sint: uti sentit R. Moses in epistolis suis, &c. Denique in Zoar, magne auctoritatis libro, legitur, quod illos qui in captivitate bene de Israelitis meriti sunt maneat in futuro seculo magna felicitas. Hæc Menasse. Quæ quum ita sint, minus mirum est Ecclesias cum gaudio constitutioni Apostolicæ acquievisse: nam & qui ex gentibus erant admodum lætabantur tam patentem sibi cæli portam sine circumcissione pandi, & qui ex Judæis credebant Christo, nihil audiebant quod non æquiores ex suis antea docuerant.

VII. Ara  
hujus Synodi.

VII. Sed & operæ prætium est ut in æram hujus Synodi inquiramus. Quæ hac ratione inveniri potest. Plerique Theologorum & Chronologorum facile consentiunt, iter Pauli Hierosolymitanum ac colloquium cum Apostolis, quod Lucas describit, Act. xv. idem esse cum eo quod Paulus laudat. Gal. 1:1. Id autem institutum esse testatur, XIV annis a certo temporis termino. Ubi vero figendus sit iste terminus, in incerto est. Ludovicus Cappellus contendit, XIV istos annos inchoandos esse a Christi Passione, & initio Ecclesiæ Christianæ. Quod si cui durum videatur, malitque eos annos numerare a fine triennii illius, ejus facta est mentio Gal.

1: 18. (quod vocabulum *ἐπειτα* id videatur omnino suadere, ac veluti exigere) conjectat *Cappellus* forte legendum esse *τεσσαράκοντα ἔτη* pro *δυνα-  
τεσσαράκοντα*, omitta *δύνα*; & tunc putat rem expeditam fore ac planam: quatuor enim revera annos ab exacto illo triennio usque ad Concilium Hierosolymitanum. Sic ille in *Append. ad Historiam Apost.* Verum in ista exputatione paucos sibi consentientes habet: minime omnium in illa lectionis mutatione, nulla codicum, nulla versionum fide: quod profecto sobriæ Critices modum excedit. Diligentissime totam hanc materiam excussit *ὁ ἀνὴρ Spanhemius* in *Disquisitione Chronologica de tempore conversionis Pauli*. Res huc redit: Stephani Martyrium contigisse quinto fere a cruce Christi anno. Rursum, anni minimum unius decursum, si non verius biennii, (quale & *Ludovicus Cappellus* post *Danaum* aliosque statuit) a morte Stephani ad Sauli professionem Damascenam, illiusque conversionem, supponendum esse. Exacto a conversione triennio factum esse iter illud de quo Gal. 1: 18. Ab eadem conversione (neque enim, alia illustrior Paulo epocha est) inchoandos esse XIV illos annos, de quibus Gal. 1: 1. Ex quibus omnibus, judiciose adstructis, subductis calculis hæc conficitur summa. A cruce Christi usque ad Stephani Martyrium anni V. A Martyrio Stephani usque ad conversionem Pauli anni II. A conversione Pauli ad Concilium Hierosolymitanum anni XIV. Habes annos XXI. At non desunt Theologi præstantissimi, in quibus est *Usserius Chron. T. 1. p. 659.* qui XIV istos annos inchoant non a conversione Pauli, sed priori itinere Hierosolymitano, quod triennio conversionem consecutum est; & sic Concilium Hierosolymitanum incideret in annum a conversione Pauli septimum decimum, a passione Domini vicessimum quartum. Desino hæc pressius urgere; liber per me suus cuique maneat calculus. Paucorum annorum discrepantia non magni ad religionem momenti est.

VII. Longe vero majoris momenti erit ut argutationes illas discutiamos, quibus Viro alicui Doctissimo ex hac historia contra Apostolorum in docendo infallibilitatem disputare lubuit. Sic autem instituit: *Neque enim veteres Christiani de Apostolis, neque Apostoli de se ipsis, eam infallibilitatis opinionem habuerunt. Quid ita? Patet ex Act. xv. Judæi quidam Christiani facti jubebant Gentiles cum Christianismi professione circumcisionem suscipere. Illi opinioni acriter se opponunt Paulus & Barnabas; attamen non tantum valebat ipsorum autoritas, ut silentium Judæizantibus illis imponeret. Quamvis nulli Apostolorum Paulus cederet, non tamen cedebant ipsi: consulenda erat Ecclesia Hierosolymitana. Ibi Apostoli cum Presbyteris coacti, primum inter sese conferunt & disputant vers. 6, 7. tum sententiam dicunt Petrus & Jacobus, denique communibus suffragiis concludunt qui e re sit. Si ecclesia illius temporis Paulum pro infallibili doctore agnovisset, non fuisset necesse Hierosolymam mittere. Si Apostoli omnes repleti fuissent Spiritu infallibilitatis, ejusdem omnes fuissent sententia,*

VIII. An in historia hac quicquam inveniat quod Apostolorum in docendo infallibilitati præjudicet.

#### 44 SECTIO IV. DE SYNODO HIEROSOLYMITANA.

*sine disputatione ulla unum duntaxat elegerint, communi omnium nomine pronuntiaturum oraculum.* Sic ille.

IX. Ostenditur, non præjudicare.

IX. Fricemus paululum hanc aristas. I. Absurdum est ex opinione horum Judaizantium de auctoritate Apostolica iudicium ferre; nam vix primis Christianismi elementis imbuti, multum trahebant ex gentis pertinacia, & cæco sectæ zelo. Erant enim ἀπὸ τῆς αἰρέσεως τῶν Φαρισαίων. vers. 5. Credentes quidem professione, seu ψευδάδελφοι, mentientes nomen Apostolorum, turbatores Ecclesiarum vers. 24. Idem de quibus Paulus Gal. 1: 4. *Irreptitii falsi fratres, clam ingressi ad explorandam libertatem quam habemus in Christo Jesu, ut homines liberos in servitutem adigerent.* Hoc ut pro sententiæ suæ auctoribus Vir Doctus laudet, per nos equidem licet. II. Verum est, Paulum non obruisse Ecclesiam auctoritate sui Apostolatus: sic enim solebant docere Apostoli, ut τῇ Πιστεὶ τῆς ἀληθείας declaratione veritatis se commendarent apud omnem conscientiam hominum. 2. Cor. 1: 2, Quod & Christus Dominus fecit, non suam semper auctoritatem obtinens, sed ea seposita ad Moysen, ad scripturas, ad alia argumenta provocans. Joh. v: 39, 46, 47. Matt. 22: 31, 32. Neque, quod Spinoza nugatur, auctoritati Propheticæ præjudicat, ut quis ea quæ dicit ratiocinando & argumentis persuadeat: sic enim ipse Deus Divinitatis suæ causam agit, adversus idola eorumque patronos, invitatque eos ad suorum argumentorum productionem. Jes. 41: 1. & 44: 1. III. Quod Ecclesia Antiochena statuerit quibusdam suorum Hierosolymam eundum esse, non ex eo erat quod de fide & auctoritate Pauli male aut dubie sentirent, sed ut ad convincendos Judaizantes pateret reliquorum consensus. Nam & hoc ipsum factum est κατ' ἀποκάλυψιν. si quidem, quod Gomaro, Grotio, Coccejo, aliisque viris doctis videtur, hæc profectio eadem est cum illa de qua ad Gal. 1: 1, 2. Ergo revelavit ipsi Deus adscensionem hanc utilem & necessariam ipsi atque Ecclesiæ esse. *Occasionem, inquit Grotius, ab hominibus natam, Christus viso aliquo nocturno confirmavit.* Ejus autem revelationis indubie conscios fecit Antiochenos: unde eo magis properata legatio. Porro quod ex Divina inspiratione Paulo concessa factum, pessime trahitur ad deprecandam Pauli auctoritatem, abrogandamve ipsi infallibilitatem. IV. Inspiratio Spiritus Sancti non tollit collationem mutuam, multo minus considerationem scripturarum, aut dissertationem ex iis (non enim vi agit, aut per raptum semper) sed tollit errorem & dissensum. Qualem hic inter Apostolos fuisse, nullo modo patet. Prorsus enim cum Paulo, Petrus & Jacobus docent. Plures Apostolos adfuisse non liquet, nisi fortasse Johannes adfuerit. Gal. 1: 9. Itaque συζητήσις illa vers. 7. non fuit inter ipsos Apostolos, sed alios ex Ecclesia, quibus eam infallibilitatem non adscribimus. V. Quidquid hic actum est, actum esse ex instinctu Spiritus, ipsi scribunt Apostoli. vers. 28. ἘΔΟΧΕ ΑΓΙΩ ΠΝΕΥΜΑΤΙ.

X. Excipit

X. Excipit noster. I. Si Spiritus Sanctus ita ipsos replevisset ut non nisi instrumenta essent per qua loquebatur, non equidem sese eodem cum Spiritu ordine memoraissent. Quis prophetarum dixit unquam, visum est Deo & mihi? II. Posito hunc esse sensum, quem & Grotius pandit, Nobis per Spiritum Sanctum, *ἐν δυνάμει*, non tamen hinc concludi potest inspiratio Apostolorum perpetua, qualis ea est de qua disputatur. Apostoli, atque universa Ecclesia Hierosolymitana, animati erant Spiritu Evangelii; neque tamen perpetuo pleni Spiritu Prophetia. Qui si hic intelligeretur, non Apostolis solum, sed & presbyteris, imo universo isti sacri, attribuenda foret infallibilitas. III. Finis epistolæ non videtur satis auctori dignitatem oraculi. vers. 29. *Ἐὰν διατηρεῖτε τὰς ἐντολὰς, ἐν χάριτι*. A QUIBUS SI VOBIS CAVERITIS, BENE AGETIS. Propheta aliquis dixisset: *hæc figienda sunt, ita enim jubet Dominus.*

X. XI. Cur scripserint Apostoli, Visum est Spiritui Sancto & nobis.

XI. Respondeo. I. Fuerunt quidem Apostoli instrumenta Spiritus Sancti, sed rationalia: suo enim intellectu, iudicio, & sermone utebantur; ita tamen ut in eorum omnium usu dirigerentur a Spiritu Sancto. Qui non adimebat ratiocinandi facultatem, quam natura concesserat: sed eam celesti lumine collustratam, & circa ponderosam hanc quæstionem meditationibus suis occupatam, arcana sua virtute ita in iudicando gubernabat, ut, quod ipsis videbatur, revera dictamen Spiritus Sancti esset. Neque temere scripserunt: *Visum Spiritui & nobis.* Duo enim prætendebantur a Judaizantibus; sententia Spiritus veteribus oraculis expressa; & auctoritas Apostolorum qui Hierosolymis erant. Utrumque hic negatur. Aliter visum Spiritui Sancto, ducenti nos in verum antiquorum oraculorum sensum: aliter & nobis, quibus religio est contraire Spiritui. Idcirco monent com. 24. se inconsideratis illis Legis Mosaicæ Zelotis non *non edixisse ea* quibus pacem Ecclesiarum turbabant. *Ὅς ὅς διεστειλάμεθα.* II. Non directe ex hoc loco inferimus *perpetuam* Apostolorum *infallibilitatem*; sufficit, inferri non posse aliquid ei contrarium, atque id modo maneat, eos quod hic & nunc decernebant, dictante Spiritu Sancto decrevisse. Ita quidem ut id decretum, non minus quam ullum Propheticum oraculum, humilis fidei obsequio ab Ecclesia recipiendum fuerit. Et quæ ratio est, cur statuamus, circa alia fidei dogmata, ejusdem ut majoris ponderis, minus eos a Spiritu Sancto informatos & directos fuisse, quam circa hoc *πρόβλεπον*? Non tamen quæ hinc infertur, Apostolorum ex Spiritus directione infallibilitas, communicanda erit com omnibus Presbyteris, totaque Ecclesia Hierosolymitana. Hi enim, audito Spiritu in & per Apostolos dictamini, suum, ut par est, præbuerunt consensum. III. Oeconomiae T. N. conveniens est, ut non eo semper rigore loquantur Apostoli, quo Prophetæ veteres. Nulla denique dici potest causa cur oraculo Divino indigna hæc phrasis sit: *Bene*, id est rem Deo gratam, *feceritis hæc observantes.* Similis locutio, ipso notante Grotio, alibi occurrit ubi de iis agitur quæ Divini præcepti

#### 46 SECTIO IV. DE SYNODO HIÉROSOLYMITANA.

præcepti sunt. Phil. iv: 14. 3 Joh. vers. 6. Et specialis fuit ratio cur ita concluderetur Epistola; quippe in qua nonnulla erant continentia magis consilium prudentiæ ad tempus observandum, quam præceptum universale.

XII. Pauli  
cum Petro  
disceptatio  
Antiochiæ.

XII. Nunc ad eos redeamus, qui Synodi Hierosolymitanæ literas Antiochiam pertulerunt. Ex quibus ministerio isto peracto, Judas Hierosolymam rediit, Silas Antiochiæ cum Paulo & Barnaba mansit, quorum concionibus in eandem semper sententiam conspirantibus Antiochena Ecclesia insigniter ædificata, confirmata atque aucta est. Interim *Petrus* Apostolus, sive occasione invitante, sive Spiritu Dei impellente, Antiochiam venit, florentique Ecclesiæ plurimum, uti par est credere, gratulatus, initio libere ac familiariter cum iis qui ex præputio erant fidelibus conversatus est. Cæterum quum Hierosolymis advenissent quidam a *Jacobo* missi, qui legis Zelotæ erant, Petrus, nimia anxietate eorum offensionem metuens, a Gentilium fidelium conversatione se subduxit: quasi indigna Judæis tanta cum gentibus, quamvis ad Christi fidem conversis, familiaritas esset. Quo exemplo reliqui fideles ex Judæis subducti sunt, immo & ipse *Barnabas*. Paulus itaque deprehendens quanto hæc libertatis Christianæ præjudicio fierent; Zelo Dei commotus, acri sermone Petrum imprudentiæ, timiditatis, & simulationis coram omnibus redarguit, graviterque increpuit. Quæ ab ipso narrata Gal. 11: 11, 12. & seq. hic inferenda esse arbitror. Nam, uti bene observavit *Ludovicus Cappellus*, ex narrationis Paulinæ serie constat, facta hæc Antiochiæ esse, post Concilii Hierosolymitani sententiam. Porro constat, Paulum ab hoc tempore non venisse Antiochiam, nisi semel, idque in transcurso tantum, sine Barnaba comite: ut ex iis quæ dicenda sunt liquebit.

XIII. Non  
arguit con-  
trarietatem  
in doctrina  
fidei.

XIII. Non licet ex hac historiæ sacre parte concludere errorem in fide in alterutro Apostolorum, vel dissensum in doctrina inter utrumque. Indubium enim est, quod doctrinam attinet Petrum in hoc negotio ejusdem sententiæ fuisse cum Paulo: fas scilicet homini Judæo esse familiaritatem colere cum gentilibus fide Christiana præditis. Sic ipse edoctus erat oraculo. Act. x: 19, 20. Sic docuerat Hierosolymitanos. Act. xi: 12, 17. Sic comprobaverat sua praxi. Gal. 11: 12. Non fuit ergo error in dogmate. Omnis perplexitas Petri fuit circa *falsi circumstantias*, ubi suum prudentiæ moderamen est. Ea docet, omnibus omnia fieri, etiam infirmis veluti infirmum. 1 Cor. ix: 20, 22. Id existimabat Petrus hic habere locum, ne offenderet circumcisos, quorum præcipue erat Apostolus. Paulus autem perspicacius & verius arbitrabatur, ex intempestiva hac accommodatione plus scandali nasci, & de Christiana libertate ultra quam par est delibari: nam & Judæos confirmari in sua, injusta sane, adversus Gentiles duritie; & Gentilium fidelium animos præter rationem turbari, quasi non æquam

cum



cum Judæis credentibus in Christi iustitia ac Dei favore partem haberent. Tota ergo hæc controversia fuit, non de doctrina libertatis Christianæ; sed de illius usu hic & nunc: in qua re Paulus prudentiæ regulas melius perspectas habuit quam Petrus.

XIV. Interim uterque Apostolus eximium reliquit virtutis suæ exemplum, dignum quod intueantur, quod imitentur omnes quidem Christiani; sed imprimis Theologi. Elegantissime hæc exsecutus est *Augustinus* *Epist. XIX.* quæ in novissima Benedictinorum editione est LXXXII. §. 22. cuius verba non pigebit appingere. Ipse vero Petrus quod a Paulo sebat uti-  
*liter libertate charitatis, sancta ac benigna pietate humilitatis accepit: atque ita*  
*varius & sanctius exemplum posteris præbuit: quo non dedignarentur (sicubi forte*  
*recti tramitem reliquissent) etiam a posterioribus corrigi: quam Paulus, quo*  
*confidenter etiam auderent minores majoribus, pro defendenda Evangelica veritate,*  
*salva fraterna charitate obfistere. Nam quum satius multo sit in tenendo insistere*  
*in nullo quam in aliquo declinare; multo tamen est laudabilius & mirabilius li-*  
*benter accipere corrigentem, quam audacter corrigere deviantem. Est laus itaque*  
*iuste libertatis in Paulo, & sanctæ humilitatis in Petro.*

XIV. Sed  
 utrumque  
 exhibet  
 insigne  
 virtutum  
 exemplar.

XV. Sed pergamus. Postquam hæc Antiochia accidissent, Paulo operæ  
 pretium visum est Ecclesias, quas in Syria, Cilicia, & Asia condiderat, re-  
 sere, ad eas in fide confirmandas: quod & Barnabe placuit, optimo hæc-  
 nus consiliorum atque itinerum socio. Cæterum in re exigua sententia-  
 rum diversitas ostendit, eos quos Dei gratia & sanctos fecerat & Apostolos, παρο-  
 nondum tamen omnia deposuisse quæ humanæ sunt infirmitatis. Delibe-  
 rabatur de assumendo comite & ministro. Barnabas commendabat Johan-  
 nem Marcum, cognatum suum. Paulus æquum censebat, non assumere ho-  
 minem qui nulla idonea causa in Pamphylia ipsos deseruerat: eum enim  
 qui labores & pericula defugisset minus aptum tali itineri putabat: & mo-  
 res potius respiciendos, quam sanguinis cognationem, quæ multum sæpe  
 rebus sacris obstat. Eoque processit disceptatio, ut exierit in παροξυσμόν  
 exacerbationem, alterque ab altero discesserit; Barnabas assumpto Marco, in  
 Cyprum, Paulus allesto Sila, in Syriam ac Ciliciam. Uti pietatis nostræ non  
 est piorum hominum nævos horribili flagello sectari; ita nec eorum vitia  
 efficaci sermone notata quæsitis emollitionibus extenuare. Παροξυσμός re-  
 spondet voci Hebraicæ *חֵרָפָה*, quæ alias vertitur *θυμός*, *ἔργη*, *χολῆ*, &  
 certe plus notat quam sententiarum discrepantiam. Connotat commotio-  
 nem animorum iusto acriorem, irritationem, provocationem, cum æstu  
 quodam iracundiæ. Basilini in Reg. brev. Interrog. LV. τὸ σφοδρότερον ἀπὸ  
 θυμῆς κινήματι παροξυσμός ὀνομάζεται. Vobementior ille qui ex iracundia exi-  
 sit motus vocatur παροξυσμός. Neque est sine aliqua charitatis læsione.  
 Charitas enim ἡ παροξύνεται I Cor. XII: 5. quod Theophylactus exponit,  
 ἡ ἀγάπη ἐκείνη ἐστὶν ἐργή. Fuit ergo hic aliquid quod a perfecta charitate abest.

XV. Ha-  
 manæ ta-  
 men infir-  
 mitatis in-  
 dicium est  
 παροξυσμός  
 inter Pau-  
 lum & Bar-  
 nabam.

Non

Non ita tamen ut prisca illa amicitia prorsus diremta in odium verterit. Discesserunt; non ut inimici: absit. Sed uti olim Abrahamus & Lothus, ut suas quisque res, pro eo quod optimum sibi videbatur, Ecclesiae bono curaret.

XVI. Penes quem major cul-  
pae pars  
fuerit.

XVI. Veteres maximam culpae partem Barnabae adscribunt, qui naturali affectui erga cognationem carnalem plus quam oportet tribuerit. Sed & dubitari potest, annon naturalis illa Paulo vehementia eum extra aequi limites aliquantulum abripuerit. Non male dixerunt Graeci, ὁ Παῦλος ἐζητεῖ τὸ δικαίον, ὁ Βαρνάβας τὸ Φιλάνθρωπον. *Paulus querebat id quod iustum erat, Barnabas id quod humanum.* Bonum factum fuisset, si Barnabas cessisset Pauli Zelo: at nec malum, si Paulus a se impetrare potuisset, ut aliquid indulgeret mitissimi optimique hominus affectui. Illud interim bene observatur, Deo sic dispensante, disceptationem istam cessisse tam in Marci privatum, quam in publicum Ecclesiae bonum. Marco enim profuisse Barnabae benignitatem, ut ne omnino destitueretur: sed & eidem profuisse Pauli severitatem: quippe qui per eam monitus fortior in posterum sit factus, & ut talis a Paulo salutetur Col. 1v: 10. Ecclesiae etiam utilem fuisse separationem, per quam factum sit, ut plures eodem tempore confirmarentur in fide Jesu: & sopitae ad exiguum tempus fraterni amoris scintillae eo & citius & fortius exarserint. Quanti enim Barnabam semper fecerit Paulus, in suis ipse epistolis, deinceps scriptis, testatur. Gal. 11: 19. 1 Cor. ix: 6.

## SECTIO V.

De rebus a Paulo in Macedonia gestis.

### BREVIARIUM.

- I. *Paulus rebus in Creta & alibi rite constitutis, prohibitus a Spiritu in Asiam proficisci, in Galatiam venit.* II. *Troade Lucam invenit, & visione nocturna in Macedoniam vocatur.* III. *Venit Philippos, & die Sabbati egreditur ad προεσυχην.* IV. *Quid sit proseucha.* V. *Conversio Lydia.* VI. *Pythonissa, increpante Paulo, fatidico spiritu destituitur.* VII. *Cujus domini ob eam rem multum molestia Paulo creant.* VIII. *Qui cum Sila virginis insigniter casus, in mala carceris mansione, laudes Dei nocturnis hymnis celebrat.* IX. *Unde ceterorum captivorum admiratio, terra tremor, catenarum solutio &c. denique notabilis conversio commentariensis.* X. *Pauli ex Philippis excessus.* XI. *Iter per Apolloniam, qua est in tractu Ilyrico.* Unde illustratur Rom. xv: 19. XII. *Res apud Thessalonicam gesta.* XIII. *Uti & apud Beroeam.*

I. Paulus  
rebus in  
Creta &  
alibi rite  
constitutis,

**E**X Cilicia videtur Paulus in Cretam navigasse: & praedicato ibi Evangelio, quoniam alio properabat, Titum reliquisse, ut quae desunt corrigeret, atque oppidatim presbyteros constitueret. Quae Lucæ omis-  
sa, ex epistola ad Titum supplenda esse, & huic tempori optime convenire opinatur,

opinantur *L. Cappellus*. At *Pearsonus* ad postrema Pauli tempora refert, ea-  
 que ejus itinera, quæ solutionem ex vinculis Romanis consecuta sunt. Adeo sæpe intricata res Pauli historia est. Cappelli tamen rationes potio-  
 res hic mihi videntur. Non enim verisimile est ad illud usque tempus igno-  
 ratum fuisse Christum in Creta; quum tota Achaja, Macedonia, Asia, Cy-  
 prus, Syria, personarent Evangelii præconio. Vel si ab alio fundatæ fuif-  
 sent Cretenses Ecclesiæ, Paulum eas suæ deinceps disciplinæ subjecisse;  
 quum neget se alieno superstruere fundamento. Deinde *Derben & Lystram*  
 venit: ibi in *Timotheum* incidit, fidissimum sibi abhinc omnium itinerum  
 suorum futurum comitem: cujus nos vitam integra Dissertatione alibi de-  
 scripsimus. Hoc igitur socio, quem *Titi* in *Creta* relictæ loco allegerat, per  
 urbes, quas transibant, observanda tradebant placita illa quæ Apostolo-  
 rum & presbyterorum decreto Hierosolymis sancita fuerant: ad notabi-  
 lem Ecclesiarum corroboracionem & incrementum. Hinc in *Phrygiam* pe-  
 tiverunt, & *Galatiam*; prohibiti a Spiritu ne in *Asiam*, proprie sic dictam,  
 proficiscerentur. Quæ ut perspectiora sint operæ pretium erit *Hieronymi*  
 verba adscribere: *Asia regio quæ cognominatur Minor, absque Orientali parte,*  
*qua ad Cappadociam Syriamque progreditur, undique circumdata est mari. Cujus*  
*provincia sunt Phrygia, Pamphylia, Cilicia, Lycaonia, Galatia & alia multa.*  
*Sed specialiter ubi Ephesus civitas est, ASIA vocatur.* De hac Asia loquitur  
 Lucas. Cæteroquin pleræque regiones, quas in hac periocha peragrasse nar-  
 ratur Paulus, partes Minoris Asiæ sunt. Gratus ubique Ecclesiis, quas  
 condiderat in illis oris frequentissimas. At nullibi gratior quam apud Ga-  
 latas, qui eo ipsum affectu exceperunt, ut vix majore potuerint cœlestem  
 aliquem Angelum, vel ipsum, si ad eos accessisset, Jesum Christum: tanto-  
 que profecuti sunt amore ut effossos, si pote, oculos suos lubentes daturi  
 fuerint. Gal. IV: 14, 15.

II. Inde in *Myssiam* venientes, quum in *Bythiniam* iter meditarentur, ite-  
 rum a Spiritu impediti sunt. Mysia ergo præterita, *Troadem* venerunt:  
 quæ civitas est Asiæ maritima, dicta eadem *Antigoniam*. Hic in nocturna vi-  
 sione Paulo apparet Vir quidam Macedonico habitu, an *Angelus Macedo-*  
*niam curator*, quod *Grotius* asseverat, pro certo non dixerim; at quicun-  
 que fuerit, visus est orare Paulum, ut suis opitulatum in *Macedoniam* tran-  
 saret. Ex quo infomnio, quod rite collatis argumentis Divinum esse agno-  
 verunt, simul intellexere a Deo se ad Evangelium in Macedonia sine mora  
 prædicandum vocari. Hic videtur *Lucas* in Pauli consortium assumptus, ab-  
 hinc futurus individuus comes. Quod ex eo a Doctissimis viris colligitur,  
 quod quum illuc usque *Lucas* de Paulo & ejus comitibus locutus esset in  
 tertia persona, tum incipiat de illis loqui in prima Act. XVI: 10, 11. & sic  
 deinceps, semet ipsum iis accensens. Profecti igitur *Troade* rectum cursum  
 tenuerunt *Samothracem*. Ea est insula in sinu *Pæusiaco*, e regione *Thraciæ*,  
*Meletem*. Leid.

prohibitus  
 a Spiritu in  
 Asiam pro-  
 ficisci, in  
 Galatiam  
 venit.

II. Troade  
 Lucam in-  
 venit, &  
 visione no-  
 cturna in  
 Macedo-  
 niam voca-  
 tur.

nomine composito ex *Samiis* & *Thracibus*. Hinc sequente die appulerunt *Neapolin*, urbem *Edonidis* in partibus *Macedoniae*, in sinu *Strymonico*, e regione *Thasi* insulæ. Rationem nominis sic exponit *Ludovicus de Dieu*: est civitas *Campania* a *Chalcidensibus* olim condita, quæ quum, jubente id *Apollinis* oraculo, a *Cumanis*, ob ingruentem immaniissimam pestem, esset everfa, ab iisdem splendidius est restituta, & ad differentiam veteris urbis *Neapolis* est appellata.

III. Venit  
Philippos,  
& die Sab-  
bati egre-  
ditur ad  
προσευ-  
χην.

III. Hinc *Philippos* pervenerunt, urbem in mediterraneis, inter quam & *Neapolin* mons est, qui non procul ab utroque oppido *Pangæo* monti conjungitur. *Diodorus Siculus Lib. xvi.* & apud *Stephanum Artemidorus* testantur *κηρινίδας* primum huic urbi fuisse nomen, quam de suo nomine *Philippus*, *Alexandri Magni* pater, *Philippos* vocaverit. Erat autem venienti a sinu *Strymonico* prima urbs quæ *Colonia* sit, & quidem juris *Italici*. Hic aliquamdiu commoratus est *Apostolus*, *Colonias* maxime amans, quod ibi & plus esset hominum & gentes variæ. Quoniam vero & ipse *Divini cultus* observantissimus erat, & omnem animas *Christo* lucrificandi occasionem sedulo captabat, quæ nusquam videbatur oportunior quam in loco & tempore sacrorum conventuum; die *Sabbati* egressus est ex urbe ad fluvium, & ἐνομιζέτο προσευχὴ εἶναι. *Act. xvi: 13.*

IV. Quid  
sit profeu-  
cha.

IV. In quem locum multa multi. Summa plerumque huc redit. Tria *Judæis* locorum genera fuisse publico cultui destinata: *Templum*, commune totius populi sanctuarium, ubi & lex prælegebatur, & preces cum sacris hymnis offerebantur Deo, & mactabantur ac cremabantur sacrificia; quod alibi nefas erat: dein, *Synagogas*, amplas sæpe & magnificas, legis lectioni atque expositioni destinatas: denique *proseuchas*, minora ædificia, aliquando etiam sub dio & libero aëre, precibus consecrata. Qualia *Judæi* creduntur habuisse procul a turba, maxime ad amnes & mare: iis etiam in locis ubi, ob exiguum suorum numerum, vel quod magistratus non permitterent, *synagogas* non haberent. Ita usu venisse *Philippis*, ubi in urbe *Synagoga* nulla; extra urbem, ad amnem, *Proseucha*. Atque hoc *Lucam* suis illis verbis velle: quæ vertunt, *ubi ex recepto more erat orationis locus*. Hæc *Viri Doctissimi*, *Drusius*, *Grotius*, *Heinsius*, alii. Sed voluissim profecto ut eam *Proseucharum* a *Synagogis* distinctionem paullo validioribus argumentis adstruxissent. Certum enim est, *Synagogam* non minus precibus quam lectioni Legis inservisse, & æque dici בית תפלה domum Orationis, quam בית כנסת domum congregationis. Certum est, etiam amplissimam *Synagogam* *Tiberiadis* a *Iosepho* in sua vita p. mihi 1020. *Proseucham* vocari. συναγόνται πάντες εἰς τὴν προσευχὴν, μέγιστον οἶκημα, πολὺν ὄχλον δέξασθαι δυνάμενον. Certum est, *προσευχὰς* sæpe etiam in mediis urbibus fuisse. *Philo* disertè, *Legat. ad Caj.* pag. mihi 1011. τῶν προσευχῶν. Πολλὰ δὲ εἰσι καὶ ἑκάστον τμήμα τῆς πόλεως. nimirum *Alexandriæ* in quibus etiam

etiam aliquam laudat *μεγίστην καὶ ἐπίσημοτάτην*, in qua Caji statua collocata sit, sublimis quadrigis æneis. Certum denique est, in Proseuchis etiam factam esse expositionem verborum Dei; quod hoc ipso Pauli exemplo comprobatur. Sed non ita certum videtur, quod *προσευχὴ* in hac historia potius *edificium* aliquod orationi sacratum, quam ipsum *orandi actum* significet: quum commodissime sic vertantur verba, *ubi ex recepto more erat, sive fiebat, oratio*: quo sensu etiam exponi potest com. 16. *προσευομένων ἡμῶν εἰς προσευχὴν, quum iremus oratum*. Neque diffiteor id mihi simplicissimum videri: ut sine fraude carere nobis criticis illis distinctionibus heic loci liceat.

V. In illum igitur locum ubi peragi a Judæis Philippenfibus preces solebant, egressus cum sociis Paulus mulieres potissimum, quæ convenerant, allocutus est. In quibus erat quædam nomine *Lydia*, an proprio, an appellativo a natali solo, haut facile dixero. Certe Thyatira, unde erat, Lydiæ a Stephano adscribuntur. Feminæque e Lydia vestium textu nobiles erant: qualis & hæc, *Purpuraria*. *Cujus Dominus aperuit cor, ut attenderet iis quæ a Paulo dicebantur*. Nulla quæsti sermonis pompa simplicitatis hujus efficaciam assequatur. Enimvero veritus fuisse videtur Illustris Grotius, ne magnifica nimis lectores de vorticordia Divinæ gratiæ virtute animo præciperent, dum sacri sermonis vim importuna commentatione enervat. *Affluva voces interdum sic sumuntur*, inquit, *ut tacite includant effectum, quamquam is effectus aliquatenus est in humana potestate*. *Aperuit Deus, illa smente aperiri, imo etiam aperiente suo modo, ut apparet Apoc. 111: 20*. Quanto melius Chrysostomus in h. l. ? *Τὸ μὲν ἐν ἀνοίξει, τὴ θεῷ. Τὸ δὲ προσέχειν, αὐτῆς. Ὡς καὶ θεῖον, καὶ ἀνθρώπινον ἦν*. Certe, inquam ego, aperuit Deus, fecitque ut & illa vellet aperire, sed aperuit ea clave, *qua quando aperit nemo claudit*, ut apparet Apoc. 111: 7. deditque ipsi ut in Christum crederet. Et credidit, & professæ est fidem, & baptizata est, cum familia universa, ejusdem gratiæ & fidei consorte, & fidem suam demonstravit charitate, & venerata est ministros Christi quorum opera tanta ipsi salus obtigerat, & domo sua excepit eos per quos cœlesti familiæ adscripta erat; quumque permovere aliter non posset, *adegit* eos. Adegit, sed castæ charitatis vehementia, sanctisque infucati sermois blanditiis, ut discipuli Luc. xxiv: 29. *adegerunt Christum*. Act. xvi: 14, 15.

VI. Sed & aliud Philippis accidit, non minus notatu dignum. Erat ibi ancillula quædam *πνεῦμα ἔχουσα πύδαν*, quod Hesychius interpretatur *δαιμόνιον μαρτυρῶν*. Non male, si rem spectemus. Sed unde nominis origo sit, dissentiunt Interpretes. Plerique Pythonem Apollinem esse putant, cui hoc nomen ex nece Draconis inditum Græci fabulantur. *Macrobius Lib. 1. cap. xx*. Nam *𐤒𐤕𐤕* Chaldaice Draconem significat. Quia vero Apollo vaticiniorum Deus erat, hinc fatidicos, & præcipue *ἐγγαστριμύδης* qui ex

V. Con-  
versio Ly-  
diæ.

VI. Pytho-  
nissa, in-  
crepante  
Paulo, fa-  
tidico Spi-  
ritu desti-  
tuitur.

ventre loqui videbantur, *πύθωνας* appellarunt. Mihi nihil probabilius est observatione *Heinsii Aristarchi sui p. 18.* פֶּתֶן *Peten* Hebræis, פִּיתוֹן *Pithon* Chaldæis & Syris, speciem *Serpentis* esse: porro, Orientales ex serpentibus, vaferrimo animali, divinationes olim plures instituisse. Unde & *πύθων* iisdem literis & serpentem & divinare, in sacris notat. Apollinem quoque, qui revera est *Abaddon*, sub ea forma qua miseriam humano generi primum invexit, cultum esse in Græcia, eique consecratos fuisse serpentes; in hoc in primis templo, in quo oraculis suis credulitati hominum illudit. Quasi ab hoc veteris serpentis hospite, ac fraudis instrumento, boni pariter ac mali scientia petenda esset. Quod & Principes ac Reges crediderunt. Tali igitur dæmone foemina ista plena esse quum crederetur; vana tam magnatum quam plebis superstitione magnum Dominis suis vaticinando quæstum præbebat. Ea Paulum cum comitibus ad preces euntem secuta, ingenti vociferatione ad populum clamabat, hos quos cernerent quosque audirent, *servos Dei Altissimi esse, qui viam salutis nunciatam venirent.* Tanta sacræ veritatis vis est, ut confessionem sui, non improborum solum hominum, sed & malorum dæmonum, invitis pectoribus extorqueat. Sed & tanta illius puritas, ut nequissimorum spirituum testimonium non requirat, immo nec admittat. Eam ob rem Paulus importunas illas acclamationes moleste ferens, ad exemplum Domini sui *Marc. v: 8.* partim ut nihil sibi cum dæmonibus commercii esse appareret, partim ut demonstraret Christum victorem esse serpentis, & Spiritum Christianismi infinites potentiores esse spiritu idololatriæ, in nomine Jesu Christi spiritum Pythonis exire ex ea iussit. Qui extemplo parens ancillam vaticinandi facultate, & Dominos lucripetas quæstu suo orbos fecit.

VII. Cujus domini ob eam rem multum molestiæ Paulo creant.

VII. Hi in rabiem acti, Paulum & Silam, tanti auctores dispendii, oborto collo ad magistratus rapiunt, & Judaismi præjudicio gravatos, turbatæ pacis publicæ, temeratæ avitæ religionis, & introductorum novorum rituum, quos ipsis, qui Romani essent, excipere atque usurpare fas non erat, reos peragunt, facillique momento mobilem turbam impellunt. Habebat enim accusatio ista speciem aliquam popularitatis. Ex antiquissima Romuli lege suam illam hausit *Cicero, II. de Leg.* SEPARATIM NEMO HABESSIT DEOS, NEVE NOVOS: SED NE ADVENAS, NISI PUBLICE ADSCRIPTOS, PRIVATIM COLUNTO. Exstatque ea de re *Mecænatis ad Augustum sermo, Dionii Cassio memoratus Lib. II.* τὸ πέν θεῖον πάντῃ πάντως αὐτός τε σέβει κατὰ πάτρια, καὶ τὰς ἄλλας τιμὰν ἀνάγκη, τὰς δὲ ἐκείνοντας τι παρὰ αὐτὸ καὶ μῖσει καὶ κέλαρ. Divinum illud numen omni modo, omni tempore ipse cole juxta leges patrias, & ut alii colant effice; qui vero peregrinos ritus introducunt, eos & aversator & punito. Græcorum etiam tantus hic fuit calor, ὥς (Josephi de *Atheniensibus* verba sunt *Lib. II. cont. Appionem*) καὶ τὰς ἥμα μόνον παρὰ τὰς ἐκείνων νόμους φθονοῦσθαι περὶ θεῶν ἀπαρσκήτως κολλάειν,

*ἡ δὲ ὥς, ut qui verbum modo effarentur præter leges de Diis receptas sine ulla venia punirent.*

VIII. Philippensium igitur Duumviri, qui *Pratores* Lucæ dicuntur, eodem occupati præjudicio, sine ulla causæ cognitione, spoliari Paulum & Silam, virgas expediri, & insigniter cæfos in carcerem detrudi jubent, additis mandatis commentariensi ut quam tutissime asservaret. Qui tali mandato accepto in malam eos mansionem conjecit, pedesque adstrinxit numella. Sed, ô rem prorsus admirandam! sancti Dei homines, tam inique tamque crudeliter habiti, media nocte, in ipsis sedis intimæ tenebris, non solum nocturnas quas consuérant preces. Christiano ritu Deo offerunt, sed & piis hymnis Sospitatoris sui laudes, & insignem erga se favorem celebrant, in magna lætitiæ materie ponentes, quod digni habiti essent, qui ipsius causa contumeliis afficerentur. Tanta fuit in istis primævæ Ecclesiæ proceribus pietatis constantia, & tam in adversis quam prosperis eadem semper animi æquabilitas. Tanta Divinæ gratiæ intus corda demulcentis incomparabilis dulcedo, ut neque recentium dolor plagarum, nec carceris pædor, nec catenarum vincula, nec distentorum cippo, crurum gravis molestia, gestientem in Dei laudes animum retundere potuerint. Personat cœlestibus odis squalentissimus carcer, non nisi stridentium Deoque & hominibus maledicentium diras suetus audire blasphemias. Tantum vere Christianus cæteris omnibus distat mortalibus, ipsasque adeo inferorum portas in cœli convertit atria.

VIII. Qui cum Sila virgis insigniter cæsus, in mala carceris mansioni, laudes Dei nocturnis hymnis celebrat.

IX. Mirumne est summa cum admiratione ab aliis hæc audita fuisse capitivis: eosque in stuporem esse datos, quando ingenti terræ motu repente exorto, fundamenta carceris quati, fores omnes recludi, & cunctorum vincula laxari persentiscerent? Commentariensis subito expergefactus, & tot prodigiorum concursu ultra modum territus, stricto gladio jam in eo erat ut se ipsum interimeret, veritus ne effugissent vincti, ipseque ex legum rigore ad eas damnaretur pœnas quas evaserant captivi. Sed intercessit Paulus, magna voce clamans, ne quid sibi mali faceret; omnes enim captivos præsto esse, apertis licet foribus, & solutis vinculis. Qua asseveratione non mediocriter animatus, petito lumine irrupit, pedibusque Pauli & Silæ magno cum tremore advolutus, foras eos, in vestibulum carceris, salubremque sub dio locum, prodire jussit: & quos pro sceleratorum vilissimis hætenus habuerat, eos nunc *Dominos* salutatur, & non hujus solum mortalis vitæ continuandæ, quam sua tam comi & tempestiva compellatione servaverant, sed & melioris vitæ consequendæ rationem doceri exposcit, ad quævis obsequia promptissimus. Neque moratur anhelantis vota Apostolus: sed roganti quid faciendum sibi ad salutis consecutionem esset, e vestigio respondet, *Crede in Dominum Jesum Christum, & servaberis tu, ac domus tua.* Quæ mox superiori sermone omnibus exponit domesticis. Ea

IX. Unde cæterorum captivorum admiratio, terræ tremor, catenarum solutio &c. denique notabilis conversio commentariensis.

orationis gravitate atque efficacia ; ut, accedente flexanima ac vorticordia Divini Spiritus virtute, commentariensis ille in alium repente mutatus hominem, illustrium captivorum suorum plagas comiter laverit, in domum deductis mensam apposuerit, sacris lymphis tinctus Christianismi mysteriis initiatus sit, & exultaverit denique quod cum universa domo sua credidisset Deo. O quam mirabilibus tramitum anfractibus, juxta orci quandoque oras, attamen regia semper fidei ac sanctimoniae via, electos suos ad aeternae salutis communionem Divina Providentia ducit ! Et quam stupendum in modum, simul ac beatæ visitationis istius hora illuxit, opacissimæ noctis caligo in lætissimum diem vertitur ; ut qui modo peccatorum catenis constrictus aeternæ poenæ servus erat, nunc libertus Christi, Dei filius, coelestis regni hæres evadat !

X. Pauli ex  
Philippis  
excessus.

X. Vix ea in carcere & ædibus commentariensis gesta erant, quin prætores exorta die viatores suos miserint, cum mandatis ut captivi illi dimitterentur ; facultate iis facta libere quocunque vellent proficiscendi. Quod quamvis non ingratum acciderit Paulo, alibi Evangelium prædicare cupienti, e re tamen sua esse putavit ut duumviri Philippenses temeritatis atque injustitiæ suæ convicti inique læsis publica confessione satisfacerent. Norat sane ad innocentiae & bonæ causæ præsidium legibus uti. Norat iniquissimum esse vel nocentem indicta causa condemnare. Probe intelligebat jus civitatis, & per Porcias ac Sempronias leges interdictum esse ne quis civis Romanus virgis caderetur. Mirumque est quod non antea eorum se præsidio adversus validos illos virgatores tuitus sit, nisi fortassis in impetuoso tumultu nullus fuerit compositæ orationi locus. Nunc autem sedatioribus nactus animos, duumviris in hæc verba renunciari jubet : *Casos nos publice, indicta causa, quum simus Romani, conjecerunt in carcerem : & nunc clam nos ejiciunt ! non profecto : sed veniant ipsi, & nos educant.* Duumviri, audito Romanos esse in quos adeo inconsulte peccaverant, majestatis crimen metuebant. Ita enim constituerant leges, ut in cive Romano læso ipsa populi Romani majestatis læsa crederetur. Ideoque accedentes παρακαλεσαν αὐτούς, *precati vel consolati sunt eos, fatentes indignos esse ea quam acceperant injuria.* Eductos denique e carcere rogaverunt, ut exirent ex urbe, ne quid forte triste ab irata plebe paterentur. Illi vero postquam Lydiam, fidam nuper hospitam, domi suæ salutassent, cæterisque fratribus valedixissent, Philippis excefferunt. Act. xvi. Non tam ut morem gererent duumviris, quam quia alio eos vocabat Evangelii præconium. Sat enim nunc Philippis datum erat. Miracula ibi facta illustriora evadebant, & interiore voce clamabant, post eorum qui ista patraverant discessum. Fides commentariensis continuum erat præconium. Quid huic rei par ? Vincitur Paulus, & solvit victos, solvit duplex vinculum. Eumque qui vinxerat solvit per sua vincula. Revera hæc gratiæ opera sunt. Quod elegantius



gantius sua lingua sic dixit *Chrysostomus* : Ἐξήλθον δὲ ἐκ ἐκείνων πειθόμενοι, ἀλλ' ἐπὶ τὸ κήρυγμα σπείδοντες, τῆς πόλεως διὰ τῶν θαύματων ἱκανῶς ἀφελθείσης. ἴδει γὰρ μὴ παραμένειν λοιπὸν. Τὸ γὰρ θαῦμα μείζον φαίνεται, τῶν ἐργασαμένων ἀποδημησάντων αὐτὸ μᾶλλον βοῶν. ἡ γὰρ τῶν δεσμοφύλακων πίσις ἀντὶ Φωνῆς ἦν. Τὶ τέτε ἴσον; δεσμεῖται, καὶ λύει δεδεμένους, λύει δὲ πλὴν δεσμὸν. Τὸν δῆσαντα ἔλυσε διὰ τῶν δεθῆναι. ὄντως ταῦτα χάριτος ἔργα.

XI. Dein iter fecerunt per *Amphipolin* urbem Philippis vicinam, & *Apolloniam*, quæ est Corinthiorum & *Corcyræorum* colonia, CIVITAS ILLYRIÆ. Sic enim *Stephanus* : Ἀπολλωνία πόλις Ἰλλυρίας, ἣν ἄπαν Ἰλλυριοὶ κατ' ἐπίθεμα δαμνον. *Strabo Lib. VII.* vocat πόλιν εὐνομοσάτην, civitatem optimis legibus constitutam. *Cicero* in *Pisonem*, magnam urbem & gravem. Multum certe nobilitata est institutione *Octavii Cæsaris*, quam ibi fieri *Julius Cæsar* voluit; præferens eam *Athenis*, *Massiliæ*, atque ipsi *Romæ*. Vide sis *Palmerium Græciæ Antiquæ Lib. I. Cap. xxvii*. Verum id nostræ nunc potissimum considerationis est, quod *Apollonia* urbs *Illyrica* sit. Pertinet hoc ad illustrationem illius quod *Paulus* Romanis scripsit *Cap. xv. 19.* se ab *Hierosolyma* & circumjacentibus regionibus, usque ad ILLYRICUM implevisse Evangelii prædicandi munus. Multorum iste locus ingenia fatigavit, non invenientium quo tempore *Paulus* Evangelium in *Illyrico*, quod supponunt, prædicaverit. Unde incertarum conjecturarum abunde est. *L. Cappellus* conjectat excursionem *Pauli* ad *Illyricum* usque ad referendam esse ad trimestre illud quod *Paulus* in *Græcia* exegisse memoratur, in *Macedoniam* reversurus *Act. xx. 3.* vix enim, inquit, aliud tempus assignari commode potest. Addit tamen: nisi quis forte malit excursionem illam referre ad id tempus quo primum venit in *Macedoniam*, ita ut *Thessalonica* in *Illyricum* usque excurrisset dicatur. Sed quid laboramus in cassum? Primo enim *Illyricum* non comprehendit *Paulus* suis itineribus, quasi id quoque Evangelium prædicando peragraverit; sed *Illyricum* statuit iterum suorum terminum. Venit autem ad limites *Illyrici*, quando venit *Apolloniam*. Optime *Grotius* ad *Rom. xv. 19.* *Macedonia* quam peragravit *Paulus* *Dalmatiam* attingit, quæ pars *Illyrici*, & ipsam mare *Illyricum*. In eo tractu est *Apollonia* nominata *Act. xvii. 1.* Vide *Ptolomæum*.

XII. Neque eo venerunt *Thessalonica*, ut *Cappellus* quasi conjectat: sed inde *Thessalonica*, ut *Lucas* narrat *Act. xv. 1. 1.* Quæ *Thessalonica* *Macedoniæ* primaria urbs est, ab *Amyntæ* filio *Philippo* condita, post reportatam victoriam a *Thessalis*, unde & urbi nomen. Ubi *Paulus* non territus contumeliis quas *Philippis* sustinuerat, Evangelium Dei multo cum certamine annuntiavit. *1 Thess. i. 1. 2.* Ac sueto sibi more, *Judæorum* primum *Synagogam* adiit, per *Sabbata* tria de *Christo*, illiusque perpeffionibus, morte, & resurrectione ex *Scripturis* *iisum* dissertans; demonstrans denique

XI. Iter per Apolloniam, quæ est in tractu Illyrico. Unde illustratur *Rom. XV. 19.*

XII. Res apud Thessaloniam gesta.

56 SECTIO V. DE REB. A PAULO IN MACED. GESTIS.

que Jesum quem annunciabat Christum illum esse. Quorum Judæorum nonnulli credentes, associati Paulo & Silæ sunt; iisque accessit multitudo ingens *religiosorum Græcorum*, quos Hebræorum magistri dicere solent *חסידים אומות* *pios ex gentibus mundi*, & ex *mulieribus primariis non pauca*. Act. xvii: 1, 2, 3, 4. Hos omnes non modo de fidei Christianæ dogmatibus, sed & de afflictionibus sibi eventuris 1 Theff. i: 4. & de Apostasia illa magna, ac revelatione Antichristi, condocesecit. 2 Theff. i: 5. Quumque in magna rerum penuria versaretur, adeo ut dies noctesque operando vix sibi compararet quæ ad vitæ sustentationem necessaria erant, potius tamen quam Theffalonicensibus oneri esset, semel atque iterum a Philippensium liberalitate vitæ subsidia accipere maluit. 1 Theff. i: 9. Philip. iv: 16. Quamvis autem tam sancte juste atque inculpate iri omnium se conspectu gereret, improbi tamen Judæi invidia commoti, adscitis sibi circumforaneis quibusdam scurris ac nequam hominibus, tumultu in civitate excitato, Jafonis domum, ubi Paulus & Silas divertebant, adorti sunt. Iis vero quos quærebant non inventis Jafonem cum fratribus quibusdam ad Magistratus pertraxerunt; vociferantes, homines istos, qui orbis terrarum statum perverterunt tandem & Theffalonicam venisse, atque ibi res novas ac periculosas moliri, contra edicta Cæsaris alium subornantes regem, nempe Jesum. Postquam autem a Jafone & reliquis satisfactum Magistratui esset, impune dimissi sunt.

XIII. Uti  
& apud  
Beroeam.

XIII. Paulus & Silas *Beroeam* profecti, quæ urbs est Macedoniæ prope Pellam, in Synagoga Judæorum prædicarunt Evangelium, illisque invenerunt haut paullo iis qui Theffalonicæ erant *εὐγενεῖς ἄνθρωποι* *generosiores*, vel ut veterum quidam interpretantur, *ἐπιεικεῖς ἄνθρωποι* *equiores*; quippe qui sermonem cum omni alacritate receperunt, eaque quæ ex Paulo audiebant cum priscis Prophetarum oraculis contendentes, judiciofa utrorumque collatione valide in fide Christianismi confirmati fuere. Nec hi solum Judæi, sed & *Græcarum mulierum honoratarum*, sive Macedonicarum matronarum, & virorum non pauci. Cæterum improbi illi Theffalonicenses Judæi, qui Apostolis turbatæ ubivis reipublicæ iniquissima calumnia grandem dicam impeggerant, ipsi se eodem rursus crimine turpiter obstringunt; hanc unam ob causam *Beroeam* properantes, ut ibi quoque turbam contra Evangelii præcones concitarent. Tantumque criminationibus suis effecerunt, ut fratres cogerentur Paulum dimittere velut ad mare iturum, Sila ac Timotheo Beroeæ relictis.

SECTIO VI.

# SECTIO VI.

De iis quæ a Paulo gesta sunt Athenis.

## BREVIARIUM.

- I. *Paulus Athenas venit, cum Philosophis Epicureis ac Stoicis disputaturus.*
- II. *Comico convitio σπερμαλόγῳ dictus; de qua voce multa.* III. *Concionatur apud Areopagum.* IV. *Ubi occasione inscriptionis in ara inventæ ignotum iis Deum prædicat.* V. *Conversio Dionysii Areopagitæ, multis fabulis nobilitati.* VI. *Areopagitarum officium, & dignitas.* VII. *Excessus Pauli ex Athenis.*

**Q**UÏ vero Paulum susceperant tuto loco constituendum, non mari, I. Paulus  
 ùti fortasse sparsa fuerat fama, sed terrestri itinere ex Macedo-  
 nia properanter deduxerunt *Athenas*, celeberrimam illam ele-  
 gantiarum omnium matrem sedemque gratiarum. Ubi dum Si-  
 lam ac Thimotheum propere ex Beroea ad se venire iussos avide exspectat,  
 lustrata urbe, idolis refertam esse comperit, quippe quæ, *Pausaniæ* teste, so-  
 la plus simulacrorum habuit quam reliqua Græcia tota; unde commotus ipsi  
 fuit animus, & irritatus spiritus, ad cœlestes veritates summa cum dicendi  
 libertate ubivis, ubicunque ferebat occasio, prædicandas. Videmus hic le-  
 gitimum excandescantis spiritus officium. Non irrumpit Paulus in tem-  
 pla Atheniensium, non dejicit aut comburit idola, non more insani homi-  
 nis per urbem discursitat, cives inclamans: Vos omnes estis Satanæ man-  
 cipia: sed quantumvis excandesceret, continet tamen se intra vocationis  
 suæ terminos; & vehementer quidem, sed & prudenter ac placide, opor-  
 tuno tempore & loco disputat. Disserebat igitur in *Synagoga cum Judæis*,  
 & religiosiis, & in foro quotidie cum quibusvis obviis. In quibus & *Philo-*  
*sophi* erant, *Epicurei* ac *Stoici*. Quorum dogmata, ut sapienter observavit  
*Illustris Grotius*, a Christiana religione alienissima erant. Nam Epicurei ne-  
 que mundum conditum a Deo esse credebant, neque Deo curæ esse res hu-  
 manas, neque ulla præmia aut pœnas post mortem, neque bonum aliud  
 quam quod sensibus perciperetur. Stoici autem vanæ præsumtionis vento  
 turgidi sapientem suum Jovi quidquam cedere negabant, *nihil etiam Deo*  
*debere ob id quod saperet; Jovem plus non posse quam bonum virum; Jovem diu-*  
*tius bonum esse, at sapientem nihilo minoris se æstimare quod virtutes ejus spatio*  
*breviore claudantur;* quæ apud *Senecam* exstant *Epist. LXXIII.* Aliaque his  
 similia *Epist. LIII.* Omnes mortales multo antecedes, non multo te dii antecedent.  
*Quid inter te & illos interfuturum sit, quæris? diutius erunt. At mehercule*  
*magni artificis est, clausisse totum in exiguo. Tantum sapienti sua, quantum Deo*  
*omnis ætas patet. Est aliquid quo sapiens antecedit Deum. Ille naturæ beneficio*  
*non timet, suo sapiens. ecce res magna, habere imbecillitatem hominis, securitatem*  
*Dei.* Ea vero quum Christianæ religioni quæ in Deum omnia rejicere, in  
*Meletem. Leid.*

æternum prospicere, & spiritualia imprimis sectari docet, quæque humilitatis magistra est, e diametro opposita sint; fieri aliter non potuit quin Paulus utriusque sectæ philosophos infensissimos sibi hostes experiretur. Quomodo enim ab iis impetres, ut, quod primum Evangelii scitum est, voluptatibus omnibus, etiam quæ ipsis oculis cariores sunt, renuncient, qui summum bonum in voluptate collocabant? *Et quo pacto obtineri potuit ab iis ut summa Dominum humilitate agnoscerent, qui Deum cum sublimitate Majestatis, qualis in hunc solum cadit, sapienti suo, furiose, dicam, an ridicule, præponunt?* uti eleganter ad hunc locum *Heinsius*. Mirum itaque non est, si & ipsi, & cum iis alii, Paulum pro nugatore habuerint.

H. Comico  
convitio  
σπερμολόγος  
dictus; de  
qua voce  
multa.

II. Quod sua lingua, atque eleganter, ut putabant, dixere, τί ἂν θέλοι ὁ σπερμολόγος εἶπαι λέγειν; Qua voce quid proprie significatum voluerint, discrepant interpretes. In eo conveniunt plerique, quod σπερμολόγος Græcis volucris sit vilissima, semina quæ in triviis dispersa jacent colligere solita. Unde facta translatione ad homines, hi qui vilissimi atque abjectissimi sunt σπερμολόγοι nuncupati fuere. Sic fere *Oecumenius*: Ἐπειδὴ ὄρνεον ἐστὶν ὁ σπερμολόγος βραχὺ καὶ εὐτελές, ἕτε πρὸς βρώσιν, ἕτε πρὸς τέρεσιν ἐπιτήδειον, τὰ ἐν τοῖς τρίοδοις ἐρριμένα τῶν σπερμάτων εἰωθὸς συλλέγειν, τὰς εὐτελεῖς καὶ ἀκρίβεις λόγους σπερμολόγους ἐκάλεον. Quam *Spermologus* parva sit vilisque avicula, nec cibi nec delectationis causa expetenda, semina in triviis projecta colligere solita, viles & in nullo habendos numero homunciones *Spermologos* appellantur. Eo sensu vocem istam Atheniensibus in frequenti usu fuisse ex *Eustathio* docet *Casaubonus* ad *Theophrasti Characteres*, Cap: περὶ ἀπνοοίας. Σπερμολόγους vocabant Athenienses abjectissimos quosdam homines, imo hominum mendicabula, qui forum & digma oberrantes, si quid e mercium oneribus, ut sit, excideret, id legebant, & vitam hoc questu sustentabant. Ergo Atheniensibus primo σπερμολόγοι fuerunt, qui, avium σπερμολόγων ritu, res fortuito in foro sparsas colligerent. Nam ut aves, victus causa, semina, sic illi, quæ e plaustris aut bajulorum oneribus in terram forte deciderant, studiose colligebant. Deinde ab his ad alios quoscumque vilissima nota homines translata appellatio est. Quod si sequamur, verba quæ nunc excutimus sic vertenda forent: Quid vult vilissimus iste homuncio dicere? Verum alii existimant, vilitati accedere connotationem garrulitatis. Ita *Suidas*: Σπερμολόγος, εὐρυλόγος, ἀκριτέμυθος. *Spermologus* est amphilocus, verba citra dilectum proferens: quem Latini *Garrulum* vel *Blateratorem* dicerent. Pro quo & *Hesychius* facit, apud quem σπερμολόγος est φλυαρός nugator; uti & apud *Plutarchum* σπερμολόγα ῥήματα nugatoria verba. Eodem faciunt, quæ ex *Eustathio* notavit *Grotius*. Translationis commoditatem atque elegantiam acute explicuisse videtur *Ludovicus de Dieu*. Quid impedit, inquit, cur non & alia metaphoræ vani homines eo nomine describantur, qui fora perreptantes dicta aliorum captant, & quæ ex ore cujusque, velut grana e sacco excidunt, colligunt, ut anti-

num suum illis pascant, & habeant quod fabulentur & garriant? Nec a re ipsa abludivit. Quum enim Paulum per forum ambulantem viderent, & obvios quosque compellantem; nec aliter eum sermones, qui serebantur, colligere, quam aves quasdam sata semina, antumabant. Sed ne hoc quidem ad vim hujus vocabuli exhauriendam sufficere credidit Broughtonius, cui σπερμολόγος est An Alter-robber Anglico idiomate, quasi dicas, Altaris expilator, sacrilegus. Cui ad stipulatur Cloppenburgius Spicil. Schol. Sacrif. ad fin. allegato loco ex Demosthenis oratione περὶ τερφάνου, ad quem sic commentatur Ulpianus: ὁ σπερμολόγος ἀσεβής, ἀπὸ τῶν θωμῶν συλλέγων τὰ ἐπιτιθέμενα ἀπὸ τῶν ἄλλων. Vel Spernologus est impius, qui ex altariibus colligit quæ ab aliis imposita sunt. Et videtur sane Demosthenes quum Æschinem ea oratione σπερμολόγον vocat, atrocius aliquid quam nugatorem vel garrulum designare: quippe quem antea perstrinxerat ut παμπόνηρον καὶ θεοῖς ἐχθρόν, omnino malum ac diis inimicum; & quem in sequentibus accusat auctorem fuisse sacrilegii, quo Amphissenfes sacras segetes Apollinis depasti erant. Cui postquam consimilem ex Aristophane locum adjunxisset Doctissimus Cloppenburgius, cuncta ad rem præsentem ita refert. Comico hoc sarcasmo, ex Demosthene & Aristophane mutuato, existimem Athenienses Paulum flagellasse, ut avem semanilegam; id est, hominem sacrilegum; hoc maxime nomine, quod per ejus prædicationem periculum crearetur quasi illorum qui Deorum altariibus ministerium vel ἐργασίαν impendebant. Hæc Cloppenburgius. Quamvis in vocis hujus expositione fuerim aliquanto prolixior, multaue eruditissimis hominibus sublegerim, non tamen idcirco meritum me esse arbitror, ut & ipse eodem proscindar convitio: quum unicuique suum, uti ingenuos decet, acceptum retulerim; neque verba in cassum fusa censeri debeant, quæ ad sacræ historiæ elucidationem faciunt. Cæterum quenam ex tribus hisce significationibus præferenda sit, haut facile dixerim. Suffecerit observasse eo sarcasmo exceptum esse Apostolum, quo cuncta simul, & vilitas, & garrulitas, & sacrilegium, exprobrari ipsi potuerunt.

III. Præterea quia Jesum & resurrectionem annunciabat, peregrinorum deorum annunciator esse quibusdam credebatur: quod & Socrati objectum, tanquam ἑτέρα καὶ καινὰ δαιμόνια εἰσπνευσμένω. Quia vero is Atheniensium genius erat ut novis rebus & dicendis & audiendis impenſe delectarentur, neque ab eorum moribus alienum, ut, quod privato arbitrio non licebat, publico scito tamen extranea numina admitterent; Paulum manu prehensum in Arcopagum duxerunt, forum judiciale, in summa urbis parte situm, & a Marte denominatum. Doctissimus Clericus ex Hebræo vocis hujus etymologiam arcessit. Nimirum constat, linguam Pelasgorum Barbaram & posterioribus Græcis ignoratam fuisse: unde haut difficulter colligitur, fuisse eandem quam ex Oriente attulerant; id est Hebraicam, aut Hebraicæ similem. Ea autem lingua חר-פגא Har-pega significat monstem im-

III. Con-  
cionatur  
apud Areo-  
pagum.

*petus*, vel *incursus*, vel etiam *cadis*; ita conicere est, eum collem a primis Atticæ incolis sic dictum propter aliquam cædem, vel pugnam in eo loco commissam. Addit, ipsum nomen Ἄρης Hebraicum esse: nam חָרִי *Hari*, vel חָרָרִי *Harari*, hominem *montanum* notat, qualis fuit Mars, cujus sedes in Thraciæ montibus collocatur: qui belli Deus factus, quod, ut solent homines montani, bellicosus esset, & magnam sibi bellis famam peperisset. Per me quidem Criticis his deliciis animum pascant, quibus lubet. Nos e diverticulo in viam, recta Areopagum versus; quo Athenienses, uti dicere cœpi, Paulum deduxerunt: quippe ubi multi solebant esse homines eruditi, Senatores imprimis atque Oratores, ibi novum hunc advenam de peregrina religione sua differentem audituri. Neque mora in Paulo fuit, id unice desiderante, ut commoda sibi Evangelium prædicandi nasceretur occasio: qua vix alia contingere poterat commodior.

IV. Ubi occasione inscriptionis in ara inventæ ignotum iis Deum prædicat.

IV. Curiosis oculis urbem lustraverat, contemplansque eorum Sacra invenerat Aram, cui inscriptum erat ΑΓΝΩΣΤΩ ΘΕΩ. Facile *Grotio* assentior, non dubitanti quin fuerint inscriptiones quædam in singulari, his ipsis verbis conceptæ. Alioqui neque candide, neque prudenter, quod ab sit, egisset Paulus, si quod pluraliter scriptum invenerat ἀγνώστους θεούς, non sine aliqua torsione ad singularem numerum deflexum, universæ orationi suæ pro fundamento substravisset. Ad hæc, notissima sunt *Luciani* illa, aut quicumque dialogi istius auctor est, in *Philopatride*, ἡ τὸν ἀγνώστον ἐν Ἀθήναις, & ἡμεῖς δὲ τὸν ἐν Ἀθήναις ἀγνώστον ἐφευρόντες καὶ προσκυνησάντες, χεῖρας εἰς ἄραν ἐκτείναντες, τῷ εὐχαρισήσομεν, nos quum *Athenis* invenerimus & coluerimus ignotum Deum, huic manibus in cælum protensis gratias agemus. Unde autem illa *Ignoti Dei* appellatio ad Athenienses pervaserit, vix aliter quam conjectando assequaris; si vel sic assequaris. Sunt qui existiment, ad certum casum aut historiam esse referendum; qui diversimode narratur. Alii enim Athenienses gravi peste oppressos, quum colendis diis patriis frustra se fatigassent timerentque ne quod numen prætermisum a se esset, Θεῷ τῷ Ἀγνώστῳ aram hanc struxisse volunt. Alii, quum Persæ Græciam immensa invasissent manu, opemque a Spartanis petiissent, circa montem cui *Parthenio* nomen, *Phidippidæ*, qui mittebatur, Panis occurrisse simulacrum, qui neglectum sese quereretur, & auxilium promitteret; quem quum ignorarent gratos interim Ἀγνώστῳ Θεῷ aram inscripisse. Hæc ex *Oecumenio Heinsius*. Alii satius arbitrantur ut de Judæis cogitemus; quorum cum Græcis commercio factum sit, ut in aliquam, sed confusam oppido, atque obscuram Dei Israëlitis cognitionem Græci deventerint: quem, quamvis incognitum, tanti tamen fecere, ut cognitis sibi numinibus associaverint. Certe Deus, qui in caligine sibi sedem fixit, vocatur מַסְתָּתֵר אֵל *Deus qui se abscondit* *Jes. xlv. 15.* & Judæi eo tempore τὰ τραγῳδία του Dei nomen JHVH religioso condebant silentio: ne vel apud

apud ipsos vilesceret, vel gentium exponeretur ludibrio. *Josephus*, etsi de genere sacerdotali esset, negat tamen sibi fas esse proprium Dei sui nomen propalare; *Antiq. Lib. II. C. V.* περὶ ἧς προσηγορίας ἔμοι θεμὺς λέγειν. *Philo* pariter, in libro de vita *Mosis*, testatur nemini nisi solis sacerdotibus, quum in sanctuario populo benedicebant, nomen illud effari licuisse. ὁ μόνος τοῖς ὅσι καὶ γλώτταν σοφία κεκαθαυμένοις θεμὺς ἀκρῆν καὶ λέγειν ἐν ἁγίοις, ἄλλω δὲ ἑδενὶ τὸ παράπαν ἑδάμην. Nec abludit *Theodoretus Quæst. XV in Exod.* τὴν τὸ δὲ παρ' Ἑβραίοις ἄφραστον ὀνομάζεται, ἀπείρηται γὰρ παρ' αὐτοῖς διὰ τῆς γλώττης προσφέρειν. Passim etiam in Patrum scriptis nomen illud ἀρρητον, ἀπόρρητον, ἄφραστον, ἀνεκφώνητον, ἄλεκτον, ἀφθελκτον. Latinis ineffabile, dicitur. Mirumne igitur est, si Judæorum Deus *Ignoti* apud gentes nomen obtinuerit? Eodem sensu *Incertus Deus* Lucano dictus, *Incertum Mosis Numen* Trebellio Pollioni in vita Claudii, & *Ἀκατανόμας* *Innomatus Deus* Cajo Caligulæ apud Philonem. Cui ut *Carmeli montis incolæ*, apud *Tacitum Hist. Lib. II.* neque simulacrum tribuebant neque templum, sed aram tantum atque reverentiam; ita & Athenienses. Hinc igitur captata occasione sermonem suum orditur *Paulus*, promittitque se eum ipsis Deum planissime annunciaturum esse, quem ignorantes colebant. Quod sapientissima oratione exsecutus, tandem ad *Jesum Christum* descendit, constitutum a Deo judicem orbis terrarum, ut definito die omnibus quotquot sunt ac fuerunt mortalibus, ad tribunal suum comparere jussis, jus dicat, retribuens unicuique secundum opera sua. Cujus rei fidem fecerit Deus, quando mirabilem istum virum, Judæis in terra sua visum atque auditum, suscitavit ex mortuis. Hactenus linguis faventes, quum de resurrectione mortuorum concionantem audirent, alii quidem fannis persecuti sunt, alii iterum ea de re audire cupiverunt. Enim vero nihil ridiculosius visum est gentilibus quam Christianorum dogma de resurrectione carnis & vita æterna. Quod *Minucius Felix* ex persona Pagani sic deridet. *Nec hæc furiosa opinione contenti, aniles fabulas adstruunt, & annectunt, renasci se ferunt post mortem & cineres: & nescio qua fiducia mendaciis suis invicem credunt. pides eos jam revixisse.* Verum neque illud abs re est, quod *Chrysostomus* annotavit ad *Capitis hujus com. 16.* multo clementius a Græcis quam a Judæis exceptum esse Apostolum; ob quæ enim gravissimas Judæi persecutiones excitabant, ea Athenienses solo risu transmissere, nihil ultra moliti. ὅρα αὐτὸν μείζους ἔχοντα πειρασμὸς παρὰ Ἰουδαίοις ἢ παρ' Ἑλλήσιν. ἐν γὰρ Ἀθήναις ἑδὲν πάσχει τοιοῦτον. ἀλλὰ μέχρι γέλωτος τὸ πᾶν προυχώσῃ, καίτοιγε ἐπείσει. ἐν δὲ Ἰουδαίοις πολλὰ τὰ δεινὰ. ὥτως ἦσαν ἐκπεπολεμημένοι μάλλον.

V. Sed & nonnulli plane a Paulo persuasi Christianam religionem amplexi sunt. In quibus eminuerunt *Dionysius Areopagita*, & *Damaris*, quam uxorem ejus quidam faciunt. Hic est ille *Dionysius*, tot fabularum amplissima materies, Cujus futuræ per *Paulum* conversioni prælufum esse volunt,

V. *Conversio Dionysii Areopagitæ, multis fabulis nobilitati.*

volunt, conspectu mirabilis solaris luminis defectus, qui Christo moriente contigit, quique a Dionysio, vigesimo quinto ætatis suæ anno, Heliopoli in Ægypto, deprehensus sit: occasionemque ei dederit dicendi: ὁ ἄγας ἐν σαρκὶ πάσχει θεός, δι' ὃν τὸ πᾶν ἐξέφωται τε καὶ σεσάλευται. Ignotus in carne patitur Deus, propter quod universum hoc obtenebratum, & confusum est. Sic Mich. Synzelus, traditione, ut ait, a parentibus ad filios derivata. At Suidas aliquanto brevius & elegantius: ἢ τὸ θεῖον πάσχει, ἢ τῷ πάσχοντι συμπάσχει. Aut Deus patitur, aut patienti compatitur. Hic est ille Dionysius, quem Atheniensis Ecclesiæ Episcopum a Paulo esse ordinatum, quem una cum Petro, Jacobo, Paulo cæterisque Apostolis funeri Beatæ Virginis Hierosolymis interfuisse, quem Johannem ab exilio redeuntem Ephesi salutasse, quem, fortassis ex Johannis consilio, Romam ad Clementem Pontificem sese contulisse, ab eodemque in Gallias esse amandatum, & Parisiis martyrio coronatum, & amputatum sibi caput ad aliquot millia passuum suis ipsum manibus gestavisse, eorum denique librorum qui sub nomine ejus circumferuntur auctorem esse fingunt. Tanta comminiscendi impudentia, ut prudentiores quosque in medio Papatu tam inscitæ credulitatis puduerit: & Sirmondus, Petavius, Launoyus, fabulas istas invidiis argumentis confutandas sibi sumserint. ea veritatis evidentia, ut merito scripserit *Elites Du Pin Biblioth. Tom. 1. p. 34. vix ullum nunc superesse mortalium cui tantillum bonæ mentis sit, qui de ea dubitare queat.* Tantum tamen anilis superstitio, & partium studium, ac præjudiciorum pondus apud *Natalem Alexandrum* valere, ut nugas illas ac nænias erudito huic seculo inepte recoxerit, doctissimis suæ confessionis hominibus sarcastice insultans: *Dix enim, amabo te, nunquid Sirmondum & Launoyum liberanda veritas expectabat? Secul. 1. p. 165.*

VI. Areopagitarum officium, & dignitas.

VI. At non indictum nobis manere oportet *Areopagite* cognomen, quod officii & dignitatis est. Ita enim dicebantur judices supremi Atheniensium, quorum confessus in promontorio isto Martis erat. Magna erat judicum istorum auctoritas. Erant enim fama integerrimi, virtute spectatissimi, usuque rerum perspicacissimi. Nulli ad eum Magistratum capeffendum patebat aditus, nisi prius in inferiori Magistratu sex virorum Thesmothesiæ per annum meruisset. Nec ad hunc quidem facilis accessus erat. Qui ad eum adspirabat, de antea cta prius vita rationem reddere tenebatur, & irreprehensibilis deprehensus, iis adnumerabatur: idemque rursus in Areopagitam promovendus, qualis esset, quibus compositus moribus, qua in rebus agendis solertia præditus, diligenti pervestigatione probatus, sic tandem Areopagitis fuit allectus. Si quis autem examinantium diligentiam dolosa specie fefelleret, eum narrant, non judicum sententia, aut ulla vi extranea, sed proprio impellente genio, statione, quæ indignus erat, decedere coactum. Adeoque de eorum integritate fama percrebuit; ut quum quis



quīs iustissimum quempiam, feverissimum, vita innocentissimum, ac denique omnibus absolutum optimumque virum demonstrare voluisset, Areopagitam cognomine diceret. Unde paroemia, Ἀρειοπαγίτης σκληροπότερος, *Areopagita severior. Ἀρειοπαγίτης ὑγανότερος, Areopagita taciturnior.* Ob eam rem ipsi Romani Proconsules Asiæ difficiles causas eorum judicio definiendas commiserunt, uti Cn. Dolabellam fecisse ex *Valerio* testatur *Gellius Lib. XII: Cap. VII.* Insignibus itaque Pauli triumphis accendendus est conversus ad Christi fidem ac religionem Areopagita: novoque monstratum exemplo, non ex plebe duntaxat, sed & ex magnatibus & divitibus, & sapientibus hujus seculi quosdam a Deo electos esse, quos suæ in Christo gratiæ participatione dignetur.

VII. Paulus Silam & Timotheum qui Beroea advenerant, iterum in <sup>VII. Ex-</sup> Macedoniam remittens, solus aliquantulum Athenis remansit. Et ipse qui <sup>cessus Pauli ex Athe-</sup> dem semel iterumque animo præceperat Thessalonicam proficisci, nec potuerat tamen id exsequi, impeditus a satana. Ideoque Timotheum eo misit, Thessalonicenses consolaturum, & in fide confirmaturum. *Act. XVIII: 5. 1 Thess. II: 17, 18. & III: 1, 2.* At non immerito quærit *Chrysostomus*, cur tam propere Athenis excesserit Paulus, quum neque exire jubetur, neque persecutiones pateretur, neque ullis expositus esset periculis; imo & aliquos ad fidem permoverit, & ex aliis intellexerit cupiditatem iterum ipsum de hisce rebus audiendi. Respondet autem sibi ipsi, ἵσως ἦδ' ἐμὲ μέγα ἐνέσταν fortasse sciebat, se parum apud ipsos profecturum esse. Quod nimirum Athenienses novitatis studiosi, vova Pauli doctrina statim exfaturati, aliis iterum novis dicendis atque audiendis inhiabant. Hæc enim est novitatis amantium indoles, ut nova, semel iterumque audita, statim quasi vetera fastidiant, moxque nova alia atque alia captent.

## SECTIO VII.

De iis quæ a Paulo gesta sunt Corinthi.

### BREVIARIUM.

- I. Descriptio Corinthi, qualis Pauli ætate fuit. II. De edicto Claudii, quo Judæi Roma pulsi sunt. III. Cujus occasione Aquila & Priscilla ad Paulum venerunt Corinthum, ejusdem cum ipso opificii consortes. IV. Paulus in Synagoga cum Judæis de Messia disputans, excussis in rebelles vestibus suis, suas eos sibi res habere jussit. V. Posthac se ad gentes iturum protestatus. VI. Visione nocturna ad laboris constantiam animatus est. VII. A Judæis apud Gallionem Proconsulem, Seneca fratrem, accusatus. VIII. Sed frustra. Gallione accusationem non admittente, & Judæos a tribunali suo abigente. IX. Quod an recte ab ipso factum sit, disquiritur. X. Officio certe suo non satisfacit, quod Græcos coram tribunali suo Sosthenem verberantes; non compefecerit. XI. Paulus, cateri-

que

que Apostoli, multo plures scripserunt epistolas quam nunc habemus. XII. Prima Paulinarum quæ supersunt sunt illa ad Thessalonicenses, utraque scripta Corinthi, exiguo interstitio. XIII. Cenchreis, qui portus Corinthi est, sive Paulus, sive Aquila rotundit caput XIV. Propter votum. An sacrum Naziræatus? An civile peregrinantium? XV. Petiti interpretatio singularis. XVI. Paulus in transitu Ephesum solum salutat. XVII. Inde Casaream, & Hierosolymam profecturus, indeque mox reversurus in Asiam. XVIII. Interim Ephesum venit Apollos, vir egregius, ab Aquila Christianam fidem accuratius edocendus. XIX. Epheso Corinthum profectus. XX. Ubi tanta cum auctoritate docuit, ut scissæ Ecclesiæ pars aliqua ab ipso denominaretur.

I. Descriptio Corinthi, qualis Pauli ætate fuit.

**I**nterim relictis Athenis CORINTHUM venit, quam disertissimus Romuli nepotum pro lege Manilia lumen totius Græciæ vocat. Erat Achajæ caput, Græciæ decus, inter duo maria, Ionicam & Ægeum, quasi spectaculo exposita. Flor. Lib. 11: Cap. XVI. duobus incluta portibus, quorum alter Lechææ dicebatur, alter Cenchreæ. Illo ad Europæas, hoc ad Asiaticas negotiationes utebantur. Alter Ionio, alter Ægæo mari imminebat. Quamobrem Corinthus Græcis ἀμφιθαλάσσι, Latinis bimaris dicta fuit. Romani ejus potentiam veriti solo æquarunt, ut & Carthaginem eadem de causa, illam duce L. Mummio, hanc Scipione: & vix ullum utriusque urbis relictum est vestigium. Utramque postea Julius Cæsar instauravit. Et Corinthus Pauli ætate insigniter refluoruerat, civium frequentia & opibus potens. Πέλην μεγάλην καὶ πολυάνθρωπον, καὶ πλῆτη καὶ σοφίας ἐνεκεν θαυμασῆν, καὶ τῆς Ἑλλάδος τὸ κεφάλαιον, dixit Chrysostomus in Præf. ad 1 Cor. Verum uti opulenta erat hæc civitas, ita luxu, libidine, & fastu longe corruptissima. Quum eam ingreditur Paulus, quid spei concipere potest, ut illic quoque homines Christo lucrifaciat? Homuncio est incognitus, nullius facundiæ vel splendoris, nihil opum potentiæve ostentans. Quod autem immensus ille gurges fiduciam & propagandi Evangelii studium non absorbuerit, indicio est, mirifica Divini spiritus virtute fuisse instructum, & simul Deum non humano sed cœlesti modo in ipso & per ipsum fuisse operatum. Quare non frustra prædicat, Corinthios sigillum esse sui Apostolatus. 1 Cor. IX: 2.

II. De edicto Claudii, quo Judæi Roma pulsi sunt.

II. Paulo ante adventum Pauli ad Corinthios Claudius edicto Judæos Roma excedere jussit. Act. XVIII: 2. Cujus edicti Suetonius etiam meminit Claudii Cap. XXV. Judæos impulsore Chresto assidue tumultuantes Roma expulit. Quis ille Chrestus sit, disputant eruditi. Plerique Dominum nostrum Jesum Christum intelligunt, quem a gentilibus Chrestum nominatum fuisse constat; sive illud ex ignorantia factum sit, quod Tertullianus & Lactantius caussantur; sive ex malitia, quod benignum eum vocaverint καὶ ἀντίφρασιν, quomodo Pertinacem Chrestologum vocatum fuisse Capitolinus

*tolinus* auctor est, quod blandus esset verbis, re non item; sive denique error ortus sit ex confusione pronunciationis vocalium H & I, quod suspicatur *Huetius*. Neque enim apud scriptores *Chrestum* ullum insignem virum memorari, præter *Chrestum Sophistam* Bisantinum, a *Marcello Donato* in hunc Tranquilli locum observatum est. Vir Illustris, mihiq; amicissimus, *Gisbertus Cuperus*, in doctissimis notis quibus Lactantii librum de mortibus persecutorum ornavit, interpretationi huic sine hæsitacione subscribit p. 126. *Per Chrestum*, inquit, *procul dubio Christum D. N. intelligit: eamque ita vocabant, quia Chrestus erat nomen Romanis usitatum, uti ex Inscriptionibus, & Cicerone 2 ad Famil. 8. patet.* Alii vero eruditissimi homines, in quibus est *Usserius*, Christum D. N. hic intellectum esse persuadere sibi non possunt. Ut ut sit, quum Christus imperante Tiberio cælo redditus sit, & Romæ nunquam fuerit, Judæos ad Tumultum Romæ sub Claudio impellere non potuit. Et si qua veri species narrationi huic subsit, deberet illud de doctrina Christi intelligi. Quæ Romæ per ipsius discipulos disseminata magnarum litium, si non causæ, certe occasio esse potuit; nonnullis ex Judæis qui Romæ commorabantur magno eam animo recipientibus, aliis vesano studio contra nitentibus. Ex quibus contentionibus Claudii istud edictum natum sit. Quo non Judaicæ solum, sed & Christianæ professionis homines pulsi fuere: quippe qui ex Judæis orti communi Judæorum nomine comprehensi sunt. Non diu autem Romæ edictum illud fuisse observatum, ex iis liquet quæ narrantur Cap. xxviii: 17. Atque hæc fortasse ratio est cur *Josephus* prorsus taceat, *Dio* autem ita narret, quasi illorum tantum cœtus inhibiti sint. Sic enim ille Lib. Lx: p. 669. τὰς τε Ἰουδαίους πλεονάσαντας αὐτοῖς, ὥς τε χαλεπῶς ἀν' αὐτοῦ ταραχῆς ὑπὸ τῷ ὀκλασπῶν τῆς πόλεως εἰρχθῆναι, ἐκ ἐξήλασε μὲν, τῷ δὲ πατρίῳ νόμῳ βίῳ χρωμένους ἐκέλευσε μὴ συναθροίζεσθαι. Quum Judæi adeo iterum Romæ frequentes fierent, ut difficulter sine tumultu propter multitudinem urbe possent exigi, non eiecit quidem eos, patriis tamen legibus vitam tolerantes convenire vetuit.

III. Sed fallitur *Dio*. Revera enim pulsi Roma fuerunt. Eaque occasione Aquila quidam, genere Ponticus, in Ponto natus, at natione & religione Judæus, dein Christianus, cum Priscilla uxore sua, fœmina eximie pia, quam & marito præponit Apostolus Rom. xvi: 3. recens Corinthum venerat. Erat autem ejusdem cum Paulo opificii. Nam utriusque ars in tabernaculis conficiendis versabatur. Hinc factum, ut, quemadmodum religione & opificio, ita animis ac mansione fuerint conjuncti. Indeque ea amicitiae Christianæ necessitudo orta est quæ præclaris admodum & fere incredibilibus se prodidit argumentis; adeo ut pro vita Pauli suam ipsorum cervicem supposuerint: & invicta constantia perpetuo duravit. Dum vero iiscum vixit Paulus, iiscum quoque operatus est, ut manibus sibi suis victum compararet. Poterat equidem cum cæteris Apostolis æquo jure uti,

*Meletem, Leid.*

I

&c

III. Cujus occasione Aquila & Priscilla ad Paulum venerunt Corinthum, ejusdem cum ipso opificii confortes.

& ex Evangelii præconio, uti instituerat Dominus, vivere. Suo tamen pane vesci maluit, quem manuaria sibi arte quæsierat. Imprimis Corinthi. Oppido prudenter. Rationem ipse exprimit; quod Pseudapostoli, ut astute se insinuarent, gratis docebant. Noluit igitur vir sanctissimus pariter ac prudentissimus ulla in parte iis cedere, ne Christi Evangelium probro subjiceret. De qua re vide. 1 Cor. ix: 18. 2 Thes. iiii: 8, 9.

IV. Paulus in Synagoga cum Judæis de Messia disputans, excussis in rebelles vestibus suis, eos suas sibi res habere iussit.

IV. At non impediit ea in mechanica ac sellularia arte sedulitas, quominus Evangelii prædicationi potissimam impenderit operam. Nam singulis Sabbatis diligenter in Synagoga disseruit, & in sententiam suam Judæos pariter ac Græcos pertraxit. Ac *Stephanæ* familiam sua ipse manu baptizavit 1 Cor. i: 16. quæ *primitiæ fuerunt Achaia*, & in mysterium se addixerunt sanctis. ibid. xvi: 15. Interim advenerunt e Macedonia Silas atque Timotheus, qui quum felicem Evangelii apud Macedonas successum nunciassent, fausto isthoc nuncio permotus Paulus cupiebat & multos in Achaia Christo lucrifacere. Itaque *σπηνέιχετο τῷ πνεύματι*, vehementi Spiritus impulsu agitur, & intus apud se præ zeli fervore æstuans, ac veluti extra se positus (conf. Jerem. xxi: 9. *συνεχόμενον ὄντω*) contra Judæos contendebat, Jesum esse promissum Patribus Messiam; cui veritati quum uti alibi, ita & hic, præfracta obstinatione resisterent, excussis in eos vestibus suis, ne quid vel de ipsorum pulvere retinere se velle crederetur, immunem se ab illorum exitio esse, quod suæ ipsos pertinaciæ imputare oportebat, & verbis & factis protestatus est: addito, ab hinc se ad gentes esse profecturum. Non temnenda *Oecumenii* commentatio est, quam hic adscribere lubuit. *Τῆτο λέγει ὁ Παῦλος ἐκτιναζάμενος τὰ ἱμάτια, ὥστε μὴ ῥήματι μόνον, ἀλλὰ καὶ πράγματι φοβῆσαι. Διὸ καὶ σφοδρότερον τῆτο εἰπὼν, τὸ αἷμα ὑμῶν ἐπὶ τὴν κεφαλὴν ὑμῶν ἀφίσταται αὐτῶν. ὁ δὲ λέγει τοῖς τοῖς ἐσίν, ἕκαστος τῶν ἀποστατήντων Χριστῷ, ὅς ἐστι ζωὴ, δοκεῖ ἑαυτὸν φονεῦν, ἀπὸ τῆς ζωῆς μεταβαίνων εἰς θάνατον, τὸ αἷμα αὐτῶν τρέπον τινὰ ἐκχέων, διὰ τῆς σφαγῆς ἣν ἐπιφέρει ἑαυτῶν. Τῆτο ἔν φησιν, ἀνθ' ὧν σφάζετε ἑαυτοὺς διὰ τῆς ἀπιστίας, αὐτῶν τῶν ὑμεῖς ὑπόσχητε δίκυν, ἐμὲ ἀνθρώπων ὅτι ἐνταῦθεν δὲ ἐς συνιδεῖν, ὅτι ὁ σφάζων ἑαυτὸν τιμαρεῖται ὡς φονεὺς, παρὰ τῷ Θεῷ. Hoc dixit Paulus excussis vestibus, ut non verbo solum, sed, & opere eos terreret; ideoque quum hoc vehementius protulisset, sanguis vester super caput vestrum, ab eis discedit. Est autem ac si diceret: unusquisque eorum, qui a Christo, qui vita est, discedunt, se ipsum judicatur occidere, transiens a vita ad mortem: sanguinem suum quodam modo fundens per cadem quam sibi ipsi infert. Hoc itaque dicit: Quoniam vos ipsos incredulitate jugulatis, hujus facti vos ipsi causam subite; quum ego culpa caream. Hinc autem colligere licet, quod, qui se ipsam jugulat, judicium homicida subit ac supplicium apud Dominum. Neque prætermittendum est, quod hoc tantæ detestationis signum non ex humana & privata indignatione ortum sit; sed ex zelo Dei in corde ejus accenso. Imo Deus*

cum

eum excitavit vindictæ suæ præconem : ut scirent Evangelii hostes non impune sibi cessuram esse contumaciam.

V. Quod vero *post hac se ad gentes iturum esse dicit*, sic est intelligendum : V. Post hac se ad gentes iturum protestatus. quamvis summa se in Judæis prodidisset docilitas, tamen debuisset Paulus gentibus docendis operam dare, quippe quarum a Christo ordinatus erat Apostolus. Cæterum hæc illi docendi ratio fuit, ut a Judæis exordium faciens, gentes in fidei societatem illis conjungeret; atque ita promiscue ex utrisque unum efficeret Ecclesiæ corpus. Ubi inter Judæos ablata erat profectus spes, solæ gentes restabant. Atque utile cumprimis fuit, Judæos hujusce rei aliquoties, & quantum fieri poterat efficacissime, commonescieri; partim ut ita-vulnerati ac metu percussi redirent ad sanam mentem, partim ut gentium æmulatio ad poenitentiam eos stimulet. Mutavit itaque domicilium quod cum Aquila & Priscilla hætenus habuerat: non quod poeniteret contubernii, sed quo se familiarius insinuaret gentibus. Et concessit in ædes *τινὸς ὀνόματι Ἰσῆς*, *τίτῃ* legere & Syrus & Arabs. quidam codices habent utrumque nomen *τίτῃ Ἰσῆς*, Romano more, ut observavit *Grotius*. Credibile est, eum fuisse natione gentilem, sed Deum pie colentem in præputio, qualis Cæsareæ fuerat Cornelius. Nec obstat Synagogæ vicinitas. Sed videtur potius data opera Paulus domum hominis gentilis Synagogæ contiguam sibi elegisse, quo magis pungeret Judæos. Quod perquam acute a *Calvino* annotatum esse arbitror. Ne autem omni profus fructu inter Judæos Pauli laborem caruisse putemus, narratur *Crispum* Synagogæ Corinthiacæ præfectum cum omni domo sua Domino credidisse. Act. xviii: 8. itemque *Gajum*, una cum Crispo Pauli manu baptizatum.

I Cor. i: 14.

VI. Quia vero tam pertinaci male consultorum hominum resistentia etiam fortissimi cujusque animus frangi, vel certe alacritas quodammodo retundi poterat; ne & Paulo idem accideret, ipsi per visionem apparuit Dominus, ac bono animo esse, nec tacere, sed confidenter eloqui iussit, quod & sibi in ista urbe magnus esset electorum, & creditorum populus, & Paulo, præsidii sui tutela securo, nemo esset nociturus. Qua Divina compellatione animatus annum integrum cum semestri in urbe mansit, docens apud eos sermonem Dei.

VI. Visione nocturna ad laboris constantiam animatus est.

VII. Sed & hic ipsi conflictandum cum improbis Judæis fuit, qui ad *Gallionis*, eo tempore Achajæ Proconsulis, tribunal eum rapuerunt, Divinæ humanæque legis violatæ tam proterviter quam falso accusandum. *Achaia* erat provincia proconsularis sub Augusto. Tiberius Macedoniae adjunxit, & Cæsarianam fecit. Sed Claudius has Provincias senatui reddidit, id est rursus fecit proconsulares; ut ex *Suetonio* & *Dione* docuit *Grotius*. Gallio, tunc Proconsul, frater natu major magni Senecæ fuit; cui in juventute *Novato* nomen, sed quod mox atque in familiam Julii Gallionis

VII. A Judæis apud Gallionem Proconsulem, Senecæ fratrem, accusatus.

per adoptionem transiit, cum illo Gallionis mutavit. Creditur Gallio Senecæ fratri suam hanc Proconsulatus dignitatem debuiffe: quam Seneca, injuste primum a Messalina Claudii uxore exilio damnatus, dein post illius necem revocatus, ab Agrippina, altera Claudii uxore, & Neronis matre, Gallioni impetraverit. Fuit certe Gallio fratri suo percharus, quippe ad quem libros de *Ira* scripsit & misit, ubi adhuc *Novatum* vocat, illumque de *vita beata*, ubi *Gallionem fratrem* dicit, in Epistolis autem *Dominum suum Gallionem*, honeste, ut fratrem scilicet seniore. Fuit etiam bonis literis probe excultus, & facundiæ nomine inclutus. Unde *Statii* illud:

*Hoc plus, quam Senecam dedisse terris,  
Et dulcem generasse Gallionem.*

Quod ad eloquii suavitatem refert *Lipsius*. Sed & ad indolem pertinet. Sic enim eum describit *Seneca*, in *Prefatione ad Nat. Quæst. Lib. 1v.* *Gallionem fratrem meum nemo non parum amat, etiam qui plus amare non potest. Et post pauca: cepisti mirari comitatem & incompositam suavitatem: qua illos quoque, quos transit, abducit, gratuitum etiam in obvios meritum. Nemo enim mortalium uni tam dulcis est, quam hic omnibus.* Ad Gallionis hujus proconsulare tribunal ductus a Judæis Paulus est. Criminis quoque loco ei impactum, quod doceret homines Deum colere contra legem. Nimirum concessum Judæis a Romanis fuerat in ipsa quoque Græcia Deum suum ex instituto Mosis colere. Hic vero, inquit, neque vobis Romanis in religione se addit, neque legem Mosis sequitur, sed Judæos pariter & Græcos turbat, utrorumque religionem exagitans. Ideo autem proconsulem accedunt Judæi, quia in Achaia animadversionem in populares suos non habebant, qualem habebant in Judæa, & vicinis regionibus, uti erudite observatum a *Grotio*.

VIII. Sed frustra. Gallione accusationem non admittente, & Judæos a tribunali suo abigente.

VIII. Paulus tam indigne ac calumniose traductus jam os ad sui defensionem aperiebat, quum interpellaret Gallio; æquo se Judæos animo auditurum fuisse, si quid injuste factum, uti homicidium, furtum; similiaque, aut malum aliquod facinus, quale est falsimonium, admissum esset: sin quæstio *περί λόγου*, de rebus quæ disceptationem suscipiunt, & in utramque partem disputari possunt, itemque de nominibus, an Jesus dicendus sit Christus, & lege Judaica, an ea omnes incircumcisos damnet, istarum rerum judicem futurum esse negat. Atque ita eos a tribunali suo abegit.

IX. Quod an recte ab ipso factum, disquiri-

IX. Quod an recte ita a Gallione factum sit, disquiri meretur. Sunt qui laudent. *Bene responsum*, ait *Grotius*, *ut ab homine dulci. q. d. Romani quidem libertatem religionis Judæis etiam in Græcia concesserunt: sed si qua inter ipsos de religione oriantur controversiæ, aut eas componant inter se, aut disputent quantum libet. Romanorum magistratum non est iis se immiscere, non magis quam Stoicorum & Epicureorum inter se disceptationibus. Calvinus* addit, non fuisse de officio præsidis, de cujusque provincia religione jus dicere. Nam quum ad suos ritus cogere non possent Romani gentes sibi subjectas, ne tamen viderentur probare

probare quod ferebant; magistratus suos vetabant hanc jurisdictionis partem attingere. Quum fastu solum & pertinacia ritus suos servarent, nulla autem ipsis constaret certitudo, ubi ulla erat veritas: hoc sibi optimum compendium fore putarunt, si provincialibus liberum vivendi morem permetterent. Quæ an vera ejusce rei ratio sit, aliis arbitrandum relinquo. Hoc verum, quod neque Pilatus antea, neque Festus postea, illi se disquisitioni immiscere voluerint. Multi tamen culpant Gallionem, uti hominem profanum, qui, uti Pauli dogma de Christo contempsit, ita & Judaicam superstitionem, propterrixandi lubidinem his veluti cognatam, odio habuit. Et sane ita de lege Divina contemtum loquitur, ac si Judaica religio verbis tantum & supervacuis quæstionibus constaret; quæ longe infra curam suam forent positæ. Nam ut frivolis logomachiis ansam præcidere oportuit; ita rursus ubi de Dei cultu agitur, sciendum est non de verbis certari, sed rem tractari maxime seriam. Ego vero sic arbitror, neque culpandum universim, neque in omnibus laudandum esse Gallionem. Moderati sane animi argumentum esse videtur, quod ab una quidem parte liberam Judæis de religione sua arbitrandi facultatem permiserit, ab altera autem nihil inclementius in Paulum sub religionis obtentu statuendum existimaverit. Cæterum excusandum non est, quod totum illud Divini cultus negotium, tanquam levem quæstiunculam, gravioribus occupationibus indignam, tam superciliose ab inquisitione sua rejecerit.

X. Uti certe proconsulis nec dignitati consuluit, nec officio satis fecit, quando Græcos in conspectu ac coram tribunali suo tumultuantes, & *Sosthenem* tam injuriose ac contumeliose immeritis verberibus onerantes, non compescuit. Quæ cessatio, an Proconsulis ignaviæ, an odio adversus Judaicam religionem, imputanda sit; haut facile dixerò. Porro *Sosthenes* iste eodem laudatur elogio, quo *Crispus* nuper. Uterque enim *Archisynagogus* fuisse dicitur. An ejusdem synagogæ princeps, cujus & *Crispus*? & una cum *Crispo*? nam unam synagogam plures quandoque præfectos habuisse, colligitur ex Act. xxi: 15. an ejusdem, sed post *Crispum* ad fidem Christi conversum? quod nonnulli suspicantur. An alterius alicujus? nam in urbibus frequentioribus plures synagogæ erant, singulæ suum habentes præsidem. Dicat qui novit. Ego, ut in re ancipiti, ampliandum arbitror. Uti nec illud satis constat, quæ tantarum Græcis in *Sosthenem* irarum causa fuerit. Sunt qui *Sosthenem*, eo saltem tempore, pervicacem Judæum & vehementissimum Pauli hostem fuisse putant, qui cum suæ factionis hominibus litem illam tumultuose intenderat. Unde Corinthii, qui tribunali adstabant, quum viderent ideo Judæos cum contemptu abigi, quod proconsuli aliis rebus occupato legis suæ quæstiunculis obstreperent, ipsi quoque, veluti proconsuli gratum facturi, verbera Judæorum antecessori ingessere, quo abirent celerius. Alii Judæis ipsis hanc contumeliam im-

X. Officio certe suo non satis fecit, quod Græcos coram tribunali suo *Sosthenem* verberantes non compescuerit.

putant, qui quum adversus Paulum, Divinæ promissionis munimine tutum, nihil crudelius auderent & possent, neque ignorarent Sosthenem Pauli promovisse consilia, artibus quibusdam concitarint Græcorum manus in caput Sosthenis, quasi omne malum ab hoc promanarit. Ut ut sit, non difficulter iis assentior, qui hunc ipsum Sosthenem, sive jam tum Christianum fuisse, sive, quod malim, deinceps æque ac Crispum, Christianum factum esse credunt; eundemque cum illo Sosthenē quem Paulus honorifice socium sibi jungit. 1 Cor. 1: 1.

XI. Paulus, cæterique Apostoli, multo plures scripserunt epistolas quam nunc habemus.

XI. Dum Corinthi commorabatur Paulus primam earum quas nunc habemus epistolam scripsit. Nam omnium primam esse, non facile inducor ut credam. Nullus equidem dubito, quin Apostoli omnes pro singulâ sua diligentia frequentissimas literas ad Ecclesias curæ suæ commissas dederint; quibus præsentibus semper adesse non licebat, & quibus multa tamen identidem habebant inculcanda. Si nobis, qui tam minutuli unius fere Ecclesiæ doctores sumus, adeo inevitabilis scribendarum sine numero epistolarum necessitas incumbit; quid Apostolis factum esse existimamus, qui universales fuerunt. Ecclesiarum omnium Episcopi, & quos ea cura nocte diuque premebat, versabatque sub pectore fixa? Injuriosa mihi in fidem ac diligentiam tam sedulorum hominum cogitatio videretur, si quis putaret, eos Apostolorum nullas unquam literas scripsisse quorum nullæ nunc superant, aut eos quorum nunc unam aut alteram, aut tertiam, aut duodecim etiam habemus, nullas scripsisse præter eas quas habemus. Quæ Paulo & Petro, quæ Jacobo & Johanni, eadem & cæteris scribendi fuit ratio. Et quæ vel urfit necessitas, vel suasit utilitas, ut hæc & ad hos scriberent quæ & ad quos scripserunt, eadem tam necessitas quam utilitas exegit, ut eadem vel his similia scriberent ad alios. Neque est quod queramur tot pretiosa *κειμήλια* temporum injuria periisse: est potius quod Deo agamus gratias, cujus provida erga nos benevolentia factum est, ut tot ac tanta retinuerimus, quæ nobis ad salutem erudiendis abunde sufficiunt.

XII. Primæ Paulinarum quæ supersunt sunt illæ ad Thessalonicenses, utraque scripta Corinthi, ex quo interstitio.

XII. At nobis de Paulinis Epistolis nunc est agendum: quarum quæ supersunt primas esse constat utramque ad *Thessalonicenses*, Corinthi, ut initio dixi, scriptas. Quod ita confirmatur. Misit Paulus Athenis Timotheum ad Thessalonicenses, partim ut eorum fidem cognosceret, partim ut eos in fide firmaret, consolaretur & adversus afflictiones animaret. 1 Thess. 1: 1—5. Redit Timotheus ad Paulum, Athenis jam profectum, & Corinthi morantem. Act. xv 1: 1: 5. eumque exhilaravit læto de constanti fide ac charitate Thessalonicensium nuncio. 1 Thess. 1: 1: 6. Quæ res occasionem scribendæ priori epistolæ dedit: scriptæ utique quum Silvanus (is est Silas) ac Timotheus Paulo adessent; quippe quorum inscriptio in fronte Epistolæ invenitur. Unde falsi convincitur subscriptio vulgata, quæ Athenis scriptam esse dictat. Posterior priorem exiguo temporis intervallo subsecuta



subsecuta esse videtur. Quia enim quidam detorquentes Apostoli mentem turbabant Thessalonicensium animos, quasi in singulas horas novissimum Domini adventum expectandum haberent, eo quod iis se adnumerasse videretur quos dies ille vivos deprehensurus esset Cap. IV: 17. eodem referentes & sermones quosdam Pauli quos præsens apud ipsos habuisset, & nescio quas revelationes Spiritus; necessarium arbitratus est iterata epistola animi sui sententiam plenius atque accuratius exponere, totamque Antichristi scenam delineare, labentibus seculis struendam, instruendam, destruendam, ante Domini adventum. Unde rursus vulgatæ subscriptionis, quæ hanc quoque Athenis missam esse testatur, apparet falsitas. Si enim prior Athenis missa non est; quanto minus altera? Neque admittenda Arabica subscriptio, Laodiceæ esse scriptam, & missam per Tychicum. Nam ex Col. I: 1. valde probabili illatione colligitur, Paulum Laodicenses nunquam de facie cognovisse, ideoque Evangelium nunquam iis prædicasse.

XIII. Tandem Corinθο in *Syriam* soluturus, vale dicto fratribus, CENCHREAS cum Priscilla & Aquila venit. Cenchreæ autem dicitur portus Corinthiacus, ex parte maris *Ægæi* ad Orientem, vel ad sinum Soranicum. Ubi aliquis ipforum *caput totondisse dicitur: habebat enim votum.* Paulus an Aquila caput totonderit, ex sermone Græco certo affirmari non potest. Non nulli vero propius existimant, de Aquila hoc dici, ex eo quod uxorem viro Lucas præposuerit: cujus ordinis (quum aliàs non solet) hanc esse rationem, ut intelligeretur, participium *κεφαλῆν* ad Aquilæ nomen, cui protinus conjungitur referri; quod non fieret, si Aquilam anteposuisset. Cui observationi & hæc accedit, quod probabilius talis voti conceptio & solutio Aquilæ adscribatur, Judæo & Judaicis ritibus addictiori, quam Paulo, qui nulla nunc se eorum religione teneri persuasissimus erat. Alii tamen de Paulo malunt intelligere: quem Judæis, ad quos venturus erat, hoc dedisse putant, ne qui ex illis adhuc infirmi erant, illum legis inimicum, ut vulgo ferebatur, existimarent. Certe votum hoc cerimoniale non fuisse privatim ab eo conceptum, ut Deo cultum aliquem præstaret, extra dubium est. Absurdum enim fuisset ea religione, qua omnes alios solvebat, suam ipsius conscientiam obstringere. Se igitur totondit non alium ob finem, nisi ut Judæis adhuc rudibus, & nec dum benedictis, se accommodaret: quod & deinceps Hierosolymis fecisse legitur Act. XXI: 26. Ita fere *Calvinus*.

XIII. Cenchreis, qui portus Corinthi est, sive Paulus, sive Aquila, totondit caput.

XIV. At votum hoc sive Paulo, sive Aquilæ, quale fuit? Plerique intelligunt de voto *voluntarii Naziræatus*, post trigessimum diem cum depositione comæ finiendi, ex lege Num. VI: 18. Obstare quidem videtur, quod ex ea lege, quamdiu in deserto erat populus, capillus radendus esset apud tentorium; post possessam terram, Hierosolymis, accedente victima; hoc

XIV. Propter votum. An sacrum Naziræatus? An civile peregrinantium?

autem

autem quaecunque fuerit, factum narretur Cenchreis. At respondet *Gre-  
tius*, præcepta ista, ut & alia de sacrificiis, eos non obligare qui extra Ju-  
dæam agebant. *Petitus vari. Lect. Cap. III.* expresso Maimonidis testi-  
monio probat, necessarium non fuisse ut Nazaræus qui pollutus fuerat, ca-  
put suum raderet ad ostium tabernaculi, verum etiam legi fecisse satis, si  
die a pollutione septimo comam deponeret intra provinciam. Tanti tamen  
ea difficultas visa est *Salmasio*, ut de Sacro Naziræatus voto intelligi posse  
neget; quod votivus capillus esset deponendus Hierosolymis, & suppo-  
nendus ollis pacificorum. Mavult igitur civile fuisse votum, quod sumse-  
rat vel Paulus vel Aquila; qualia multa faciebant Judæi: non ante capil-  
lum tondebo, quam ad illum locum pervenero. Quæ vota erant peregri-  
nantium. Ita Paulus, inquit, votum fecit tondendi capilli, ubi Cenchreas  
pervenisset. At cum pace Viri Illustris, mihi quidem præter rem id dici vi-  
detur. Non enim eo tempore ita peregrinabatur Paulus, ut Cenchreas pro  
itineris sui meta haberet. Annum integrum & semestre Corinthi fuerat mo-  
ratus, cujus urbis portus, uti aliquoties diximus, Cenchreæ erant, inde  
in Syriam navigaturus. Alia res esset, si vovisse Paulum legeremus non  
tonsurum sese caput antequam venisset Hierosolymam.

XV. Petiti  
interpretatio  
singularis.

XV. Aliam igitur sibi viam tentandam esse credidit Doctissimus *Peti-  
tus*: existimans, verba ista, *nam habebat votum*, non continere causæ datio-  
nem ob quam tonderet caput, sed potius, ob quam navigaret in Syriam.  
Nimirum in Syriam navigavit, ut festum Hierosolymis ageret, atque istud  
est quod voverat Paulus. Itaque paullo post Ephesi dicebat, *oportere  
omnino* ut festum diem, qui instabat, ageret Hierosolymis. At vero, quare  
id *oportebat omnino*? Non utique propter legem illam Mosaicam, qua cave-  
tur de tribus festis in Urbe ista celebrandis: nam biennium fere Corinthi,  
& triennium Ephesi commoratus est, nec Hierosolyma tunc petiit ut fe-  
sta agitare. Tota igitur illa necessitas, non aliunde quam ex voto est. At  
quorsum historiæ profæctionis Pauli Hierosolyma inserta sunt ista, *κειρά-  
μεν τὴν κεφαλὴν ἐν κενχρεαῖς*; & quæ causa Paulo tondendi capitis?  
Respondet doctissimus *Petitus* in hanc fere mentem: solemne Paulo fuisse  
*Judæis fieri ut Judæum*, iis qui sine lege sunt ac si & ipse sine lege esset 1 Cor.  
IX. ideoque se utrisque prudenter accommodasse: quamdiu apud Corin-  
thios fuit, aluisse comam; nam apud Græcos id erat hominis ingenui:  
contra verò quum Corintho profecturus esset Hierosolyma, antequam e  
portu solveret, comam deposuisse, & caput strictim totondisse, pro more  
Judæorum: ut qui habitu capitis donec Corinthi fuit Corinthios retulit,  
idem etiam Judæos referret, ad eorum accedens metropolim. Quæ qui-  
dem ingeniosiora mihi visa sunt, quam ut Lectorem meum iis fraudarem;  
at neque dissimulo, receptam interpretationem, ob simplicitatem suam,  
animo magis meo allubescere: eam imprimis, quæ tam votum, quam  
capitis

capitis tonsionem, ad *Aquilam* potius quam *Paulum* refert. Qua unica observatione omnis ille quaesitae eruditionis apparatus sponte sua ruit.

XVI. Paulus igitur cum Priscilla & Aquila e Cenchreenfi portu solvens *EPHESUM* appellit: quæ *Stephano* est πόλις Ἰωνίας ἐπὶ Φαυεῶν, *Plinio* alterum lumen minoris Asiae, civitas mercatoria, admodum frequens & opulenta. Situ etiam oportunissimo: in extremo litore Asiae Minoris, versus Occasum, & ferme etiam Meridiem, ut illac transeundum fuerit navigantibus ex Syria atque Aegypto, in Græciam, Macedoniam & Pontum, ac contra: itemque ex Asia Minore Romam, ac vicissim. Quoniam igitur ob mercaturam & magnitudinem, tum etiam ob navigationis commoditatem, maxima ibi semper erat hominum frequentia; vix ullus erat Apostolo oportunior locus, ubi multos simul docere ac convertere, & per illos converfos porro late terrarum spargere Evangelium potuerit. Eisdem commoditatibus atque occasionibus verisimile est, ipsum quoque Johannem Evangelistam motum fuisse ut diutissime ibi docuerit. Atque hæc est causa, cur Paulus, quamvis Hierosolyma properans, aliquantum ibi substituerit, & ingressus Synagogam disseruerit cum Judæis. Rogantibus autem ut diutius apud ipsos maneret non annuit; omnino oportere asseverans, ut instantem diem festum, forsan Paschatis, Hierosolymis ageret: reversurum tamen iterum ad eos, Deo volente, pollicitus.

XVI. Paulus in transitu Ephesum salutat.

XVII. Valedicens igitur eis, & Aquila ac Priscilla ibi relictis, cum reliquis comitibus *Cæsaream* navigavit, eam nimirum quæ *Seratonis* dicitur. Inde adscendit ad salutandam Ecclesiam, scilicet *Hierosolymitanam*, quæ κατ' ἐξοχὴν ita vocatur. Paucis oppido in narranda hac historiae parte Lucas defungitur. Prorsus credibile est, singulare aliquid fuisse quod Paulus tantum Hierosolyma videndi desiderium ingeneraverit. Quid vero illud fuerit, conjectu difficile est. Colligere tamen licet, non diu eum Hierosolymis substitisse. Forte, inquit *Calvinus* noster, quia successus rerum quas agitabar spei ejus & voto non respondit. Propere itaque descendit *Antiochiam*. Unde, post moram aliquam, *Phrygiam* ac *Galatiam* peragravit: nusquam otioso aut sterili itinere, sed ubivis locorum discipulos in fidei ac pietatis constantia confirmans. Habebant sane suos quibus proficerent doctores; sed quo major erat Pauli auctoritas, & quo excellentiore pollebat spiritu, eo ex ejus præsentia insignior accessit confirmatio; eo magis quod in fundandis primum Ecclesiis princeps fuisset architectus.

XVII. Iudeo Cæsaream, & Hierosolymam profecturus, indeque reversurus in Asiam.

XVIII. Dum ipse in itinere est, Ephesum venit vir quidam gente Judæus, patria Alexandrinus, nomine *Apollos*, vir eloquens, non vana illa eloquentia, quæ ex ampullis verborum, & sermonis fuco, & artificioso dicendi genere, ad pompam & ostentationem comparata, sed quæ rerum tractandarum naturæ conveniens, ad docendum ac persuadendum maxime idonea est. Ac nequis profanam pompasque suspicetur facundiam, addit

XVIII. Interim Ephesum venit Apollos, vir egregius, ab Aquila Christianus.

nam fidem  
accuratius  
docendus.

Lucas *Potentem fuisse in Scripturis*, earum ita peritum, ut non verba solum, sed & vim atque efficaciam tenuerit, eamque ad veritatem asserendam, & retundendas fallacias, valide adhibuerit. Hic non nisi Christianismi rudimentis initiatus, neque ultra quam docuerat Johannes, fervens tamen zelo, ea quæ didicerat de via Domini, & ratione consequendæ salutis, sedulo cum aliis communicabat, libere in Synagoga loquens. Quem quum pro suo captu facunde perorantem audivissent Aquila & Priscilla, secum sumere, familiari commercio de via Domini exactius informaturi. O præclara utrimque germanæ ac priscae simplicitatis exempla! Quam sibi ipse ipsis addicti non fuerint Aquila & Priscilla, neq̃ alienæ invident virtuti, hinc apparet, quod lubentes privatim tradant homini facundo, quæ deinde in publicum proferat. Non pollebant eadem qua ille dicendi gratia: quem vident eloquentia melius instructum, eum ex sua adjuvant scientia; adeo ut ipsis in cœtu silentibus ille audiat. Rursum, quam admirabilis est modestia Apollo, qui tantis pollens dotibus, se non solum ab opifice manuario, sed & a scœmina, doceri atque expoliri passus est?

XIX. Ephe-  
so Corin-  
thum pro-  
fectus.

XIX. Accuratius igitur de rebus Christianismi instructus, in Achaiam transire constituit. Quod consilium quum probaretur fratribus, literis eum suis Corinthiæ Ecclesiæ commendarunt: cui facundia ac zelo suo plurimum contulit; dum & suppetias minus bene instructis tulit ad frangendam hostium perviciam, simulque subsidio fuit, ne fides ipsorum, hostium contradictione perculsa, labasceret. Nam vehementer Judæos publice revincebat, ex collatione scripturarum probans, Jesum esse promissum patribus Messiam.

XX. Ubi  
tanta cum  
auctoritate  
docuit, ut  
scissæ Ec-  
clesiæ pars  
aliqua ab  
ipso deno-  
minaretur.

XX. Ea porro eruditionis & facundiæ fama, ea etiam auctoritate Corinthi docuit Apollos, ut Ecclesiæ in partes scissæ pars aliqua ab ipso fuerit denominata. Qua de re queritur Paulus. 1 Cor. 1: 11, 12. indicatum sibi esse scribens a domesticis Chloës, quod in Ecclesia Corinthiaca lites forent, & hic quidem se *Pauli* esse diceret, alter autem *Apollo*, tertius *Cepha*, quartus *Christi*. Nullus equidem dubito, quin hæc de iisdem intelligenda doctoribus sint qui suis insigniuntur nominibus. Eo enim & singulorum verborum simplicitas, & totius sermonis atque argumentationis Paulinæ ἀλλήληχία ducit. Neque ullum secus sentiendi argumentum est præter id quod dicitur. 1 Cor. 14: 6, Ταῦτα δὲ ἐσχματίσα εἰς ἐμαυτὸν καὶ Ἀπολλῶν, hæc figura quadam transuli in me & Apollo. Verum ibi de alia re agitur, & Apostolus de ministrorum officio ac fide disputans, & ratione olim reddenda Deo, modestiæ causa se & Apollon pro exemplis dat, ne quis ipsos propter ministerii dotiumve excellentiam communi obligationi exemptos arbitraretur. Inquirendum itaque re<sup>o</sup>rat, quænam fuerit dissidii & denominationis inde ortæ occasio aut causa. Non male rem concepisse videtur Doctissimus *Lightfootus*; observans Ecclesiam Corinthiacam fuisse bipartitam,

titam, ac constitisse partim Judæis, partim Gentilibus conversis. Pars gentilitia forte Pauli nomen præferebat, ut Patris ac Patroni Christianorum ex gentibus, & ab Aquila & Priscilla, Pauli discipulis, edocta. Pars altera, Cephæ, qui circumcisionis Apostolus & circumcisorum fautor erat, ac Christi, qui & ipse non nisi Judæis prædicaverat. Utraque iterum bipartita fuisse videtur. Ex gentibus quidam Paulum præcipue laudaverunt, utpote primum apud ipsos Evangelii fundatorem, cujus sermo simplex & stilus humilis, tradendis doctrinæ Christianæ rudimentis per quam idoneus, ipsis res non verba sectantibus apprime placuisset. Alii Appollon prætulerunt, ut doctorem profundiorē, elegantiorē, comtiorē: quippe qui ad sublimiores ipsos meditationes eveheret, & simul oratorio magis dicendi genere uteretur. Qui vero ex Judæis erant eorum aliqui Petrum maxime coluerunt ob rationem modo allegatam: alii Christi nomen prætenderunt, fortasse ipsum in Doctorum ordinem redigentes, eoque gloriantes quod coram in plateis suis prædicantem audiverint. Nihil enim impedit, quo minus tales aliquot Judæi Corinthi tunc extiterint. Paulus quamvis improbet factiosas ejusmodi denominationes, tantum tamen abest ut invidet Apollon sibi æquiparari, & a quibusdam atque in quibusdam anteponi, ut contra in laudes ipsius exspatietur, nihilque magnifice de ipso sentiri vetet, modo ne excedantur limites ministri.

## S E C T I O VIII.

De iis quæ a Paulo gesta sunt Ephesi.

## B R E V I A R I U M.

- I. Pauli collatio cum *xii* discipulis Johannis. II. An hi post Pauli informationem iterum baptizati sint? III. Beza & Coccejus cum multis recentiorum putant Act. *xix*: 5. non intelligi baptismum qui Ephesi, jubente Paulo, sed qui in Judæa olim a Johanne administratus sit. IV. Lightfootus probat non esse rebaptizatos. V. Vossii super ista interpretatione judicium. VI. Nihil lucrentur hodierni Anabaptistæ, etiamsi rebaptizati esse statuuntur. VII. Paulus fideles a rebellibus Judæis segregat. VIII. Et relicta Synagoga disputat in Scholâ Tyranni. IX. Per biennium: quamvis alibi triennium laudet X. Ingentia Pauli miracula. XI. Vetus Hebræorum superstitio, carminibus pelli posse demones; ejusque artis magistrum fuisse Salomonem. XII. Ejus generis fuerunt adjurationes filiorum Scevæ. XIII. Sed quæ pessime iis cesserunt. XIV. 2<sup>o</sup> exemplo multi Ephesiorum a pravis artibus avocati sunt. XV. Consilia variorum itinerum quæ Paulus animo agitavit. XVI. Tumultus Demetrii. XVII. Prudenti Scribæ oratione feliciter sedatus. XVIII. Apollonius Tyaneus. XIX. Ephesi præstigiis suis Christianæ fidei adversatur. XX. Epistola prior ad Corinthios Ephesi data. XXI. Non videtur absolute prima esse.

esse. XXII. *Lightfooti variatio.* XXIII. *Pauli adversus bestias pugna fabulose a Nicephoro narrata.* XXIV. *An proprie intelligenda.* XXV. *An parabolice.* XXVI. *Επίκρισις.* XXVII. *Incestus Corinthiacus Satana traditus.* XXVIII. *An Ecclesiastica Excommunicatione.* XXIX. *An speciali potestate Apostolica.* XXX. *Επίκρισις.* XXXI. *De Epistola ad Titum.* XXXII. *Et illa ad Galatas.*

Pauli  
collatio  
cum XXI  
discipulis  
Johannia.

**D**Um Corinthi agit Apollos, Paulus peragratissimis superioribus partibus, Septentrionalibus; Ponto & Bithynia, promissi memor, EPHESUM redit. de qua urbe nuper dixi Sect. VII. §. XVI. Ephesi autem incidit in discipulos quosdam, non Apollo, uti arbitror: is enim non desisset accuratius ipsos de Christianæ religionis mysteriis informare; sed, quod ipsi profitentur, *Johannis Baptista*, non nisi tenuibus veræ doctrinæ elementis imbutos. Quos interrogat, *ecquid Spiritum Sanctum acceperint postquam crediderunt*: illi vero negant audivisse se, *Sine Spiritu Sancto*. Respondent ex catechesi majorum, qua edocti, erant a morte Ezræ, Haggæi, Zachariæ, & Malachiæ, Spiritum Sanctum ab Israëlitis fuisse ablatum. *Juchasin fol. 16.* Porro restitutum deinceps esse, negant sibi compertum. Palam est, non de persona Spiritus S. sed de singularibus & visibilibus illius donis utrimque sermonem esse. Pergit rogare Paulus, *in quid ergo baptizati estis?* id est, a quo & quam doctrinam edocti; quamnam baptismi susceptione professi estis? Respondent, *in Johannis Baptisma*. Apposite. Significant enim se in baptismo professos fuisse doctrinam a Johanne prædicatam, & adhibito baptismo, quo & ipsi baptizati fuerant, sancitam: unde & Christum agnoverant, sed tenuiter admodum, non audito ipso Christo, vel ejus deinceps Apostolis: ut mirum non fuerit, illos, audito tantum Johanne baptizatos, posteaque in patriam reversos, illum Spiritum Sanctum ignorasse, qui in Ecclesiam, non nisi post Christum in cœlos assumptum, die Pentecostes primum fuit effusus. Sic enim, *Beza* notante, optime cohærent omnia. Ea occasione exponit eis Paulus scopum baptismi Johannis, indolemque doctrinæ illius; quæ ad poenitentiam quidem ducit, fidemque in Messiam jam jam præsto futurum; attamen ipsius Evangelii doctrina aliquanto inferior atque imperfectior erat, neque comitata iis Spiritus S. donis quæ Evangelii fidem & Christi baptismum consequi solent. Neque dubitandum est, quin prolixiori ista sermone fuerit prosecutus. Quibus auditis, baptizati sunt, non solum in baptisma Johannis, sed & in nomen Domini Jesu. Non a Paulo, qui non nisi rarissime baptismum sua administravit manu; sed potius a Presbytero aut Diacono aliquo, Pauli comite. Paulo autem manus ipsis imponente, in omnes, qui numero circiter duodecim erant, venit Spiritus Sanctus, adeo ut incognitis hactenus linguis loquerentur, ac prophetarent. Act. XIX: 1-7. Hæc a multis creditur plana ac constans esse veterum omnium interpretatio,

tio, quæ spote se animo, solam hanc historiam attendenti, insinuare videtur.

II. Cæterum quia furiosi quidam homines, Reformationis primordia malefanis dogmatibus conspurcantes, loco hoc, ad eum quem in Ecclesiam investum cupiebant Anabaptismum constabiliendum, abutebantur; hanc operam sibi datam esse Reformatores crediderunt, ut eum ipsis prætextum quavis ratione eriperent. Nonnulli igitur cum veteribus persuasi, illum a Luca baptismum describi cujus discipuli isti eo tempore Ephesi participes facti sint, jubent illud non de aquæ externo, sed de interno Spiritus baptismo intelligi. Sic Calvinus: *Quidam negant iteratum fuisse baptismum: quod perperam baptizati forent ab aliquo Johannis stulto emulatore. Sed quia nihil habet coloris eorum conjectura, imo potius innuunt verba Pauli, veros & germanos fuisse Johannis discipulos, huic sententiæ subscribendum nobis non est: & tamen iteratum fuisse negamus aquæ baptismum, QUIA NON ALIUD SONANT VERBA LUCAE QUAM SPIRITU FOISSE BAPTIZATOS.*

III. Beza autem maluit credere non esse verba Lucæ, narrantis quid factum sit Ephesi post sermonem Pauli; sed verba Pauli, narrantis quid factum sit in Judea, sub ministerio Johannis. Hoc sensu: Johannes *μὲν* QUIDEM baptizavit baptismo resipiscentiæ, dicens populo ut crederent in Christum Jesum: qui *δὲ* VERO Johanni, baptismum illum docenti, crediderunt, illi a Johanne baptizati sunt in nomen Domini Jesu. Etenim, sic argumentatur præstantissimus Interpres, particula *δὲ*, quæ in Græcis omnibus codicibus summo consensu legitur, & particula *μὲν* necessario respondet, nullo modo, nullo, inquam, modo patitur ut hujus orationis seriem discerpamus, quasi prior pars Paulo, posterior sit ipsi Luca scriptori tribuenda. Ergo hæc quoque Pauli verba sunt, tum doctrinam a Johanne quidem annunciatam, ab istis vero fide apprehensam, ut vere Evangelicam, tum etiam Baptismum istis collatum, ut vere Christianum, approbantis. Hæc Beza. Eandem interpretationem insigniter illustravit & confirmavit Cl. Coccejus. Versus, inquit, 4, 5, 6. sicut verba Apostoli Pauli, quibus docet, tum de prædicatione Johannis, tum de fide eorum qui per ipsam baptizati sunt. De prædicatione Johannis docet, eum prædicasse penitentiam in fide Jesu ut Christi, h. e. Filii Dei, Redemptoris, & facultatem habentis baptizandi Spiritu Sancto: quodque resipiscantibus & credentibus in Christum dederit baptismum ut *ἐκπύημα*. De baptizatis testatur, quod baptizati sint in nomen Jesu Domini, &c. Versus autem quartus quinto respondet: quod etiam indicant particula *μὲν* & *δὲ*, quæ sunt copulativæ. Tamen etiam id ex eo liquet, quod *κ.* 6. demum exprimitur nomen Pauli, quemadmodum & *κ.* 4. Duo igitur attribuuntur Paulo a Luca continuo ordine. I. Verba quadam dixisse. II. Manus imposuisse. Quod si illos baptizasset, nomen illius expressum fuisset.

IV. Neque rebaptizatos fuisse istos Johannis discipulos, sollicitè sibi probandum sumit Doctissimus Lightfootus in Chronico Temporum ad Act. Lightfootus probat non

esse rebaptizatos.

XIX: 1. p. 82. Atque his quidem argumentis. I. *In quem finem denuo baptizarentur, qui per priorem baptismum in professionem Evangelii, & Christi, recepti fuissent, quo usque per eam doctrinam, per quam recepti fuerant, fieri potuit; defectio (maluisset dicere, transitus) a Judaismo ad Christianismum baptismum quidem flagitabat, non plenior Evangelii cognitio, quum in ejus professionem prius fuissent baptizati. Quoties baptizandi forent ab Apostolis, si quisvis insignis profectus, quem in scientia, & fide Christi fecerint, novum denuo baptismum efflagitaret aut admitteret? II. Si hi denuo baptizati essent, tum etiam omnes in Johannis baptismum baptizati, cognitionem JESU adepti, rebaptizari tenebantur. Verum eares, de qua in S. litteris altum silentium, fide digna non est. Neque Apostolos per Johannem baptizatos denuo baptizatos fuisse, quisquam sanus asseverabit. Quis enim ipsos in nomine Jesu baptizaret, quum Jesus neminem baptizaret? Joh. IV: 2. III. A Johanne baptizati in resipiscenciam, & professionem Christi baptizati fuerant. Nisi ergo differentiam ponamus inter baptismum fidei, & resipiscencie, & inter baptismum in nomen Jesu, & in nomen Christi, haud facile erit causam assignare ob quam hi denuo baptizandi forent. Sic Lightfootus.*

VI. Vossii super ista interpretatione judicium.

V. Sed appingere lubet κείνῳ Gerardi Vossii, ex Disput. VIIII: de Baptis: Thesi xxxiii. Sententia illa quæ μὲν & δὲ ad Pauli sermonem refert, atque inde statuit, semel duntaxat fuisse baptizatos, admodum est novella: quippe nata me nato. Primum enim auctorem habet Nobilissimum & raræ doctrinæ virum Philippum Marnixium, S. Andelgondix dominum . . . Ab eo se accepisse agnoscit Reverendus & Clarissimus Theodorus Beza. Illum secuti magno numero viri multi præclari. Ad argumentum vero desumptum ex particulis μὲν & δὲ, quæ nisi pertineant ad verba Pauli, sermo ejus fuerit ἀναπαρόδοι, respondet Vossius: Quasi non multa ejusmodi sint apud Apostolum, imo & alios, etiam Latinos. Nempe ex particulis μὲν & δὲ, sive quidem & vero, ac similibus, interdum altera reticetur: ut quum apud Terentium est tamen, nec antecedit licet, aut quidem: sicut observat Donatus in Andr. VIIII: ubi ἀνακόλουθον appellat. Non absimiliter Grotius: Non coheret hoc μὲν cum eo quod sequitur ἀκούσαντες δὲ, ut multi putarunt; sed positum est per ἀποσιώπην, ut supra cap. III: 21. Ad id vero quod Pauli nomen κ. 5. exprimi debuisset, si ipse baptizasset eos de quibus sermo est, responderi posset, quod idem observavit Vossius, non fuisse illos baptizatos a Paulo, qui vix uliam baptizare solet; sed per Diaconum, aliumve Christianum.

VI. Nihil lucrantur hodierni Anabaptistæ, etiam si rebaptizati esse statuantur.

VI. Addit Vossius, per receptam illam veterum interpretationem nihil lucrari Anabaptistas: Nam etsi uterque baptismus, tam Johannis quam Christi, ratione ἑσίας recte unum baptisma dicatur, tamen quum etiam inter e. i. discrimen sit, nomine diffidente; satis liquet, non, si concedamus a Johanne baptizatos iterum fuisse baptizandos ab Apostolis, eo sequi, Christi baptismo baptizatos, iterum immergi oportere. Quod fusius illustrat Thef. xxx. Sed tota Disputatio lectu dignissima est. At neque Bezæ illud improbatum, ita commentanti,



tanti. Iterationem autem baptismi etiam si concederemus, minime tamen inde possent colligere fanatici Anabaptistæ interandum Christi baptismum. In tanta interpretationum discrepantia non lubet mihi nunc federe arbitrum. Id unum dicere liceat, non periclitari ullum religionis Christianæ articulum, utramvis interpretationem sequaris. At non vacat nobis diutius huic rei inhærere, Pauli historiam profecuturis.

VII. Qui insigni hoc miraculo oportunam propagandi Evangelii occasionem nactus, mox tum inter Judæos Ephesi commorantes, tum inter gentes munus suum impigre capeffit. Et primum quidem more suo Synagogam est ingressus, libere loquens, sine ambagibus, disputans ac suadens ea quæ ad regnum Dei pertinent; ita ut non modo solidis rationibus dogmata sua confirmaret, & adversus contradicentium objectiones tueretur, sed & patheticis exhortationibus stimulos adderet. At Judæorum plerique in pertinaci incredulitate sua antiquum obtinentes, nihilque præter carnale Messiae regnum somniantes, quidquid de spirituali regno Dei a Paulo disputabatur, magna audacia contemserunt, & de sacro Evangelii instituto male locuti sunt coram multitudine. Nam huc tandem se projiciunt Evangelii contemtores, ut quod ipsi amplecti nolunt, illud hostiliter etiam apud alios oppugnent. Cupiunt enim, si fieri possit, omnes habere ejusdem impietatis socios. Paulus igitur frustra se iis convertendis operam impendere animadverso, digressus ab iis est, simulque veros Christi discipulos a malevolis illis segregavit: tum ne qui illorum malitia corrumperentur: tum ne impotentioribus rixis ad nihilum profuturis suppedicaret ansam: tum denique ut secessu isto aculeum, si pote, rebellium, ita suas sibi res habere iustorum, animis infingeret.

VII. Paulus fideles a rebellibus Judæis segregat.

VIII. Relicta ergo Synagoga disputavit in schola Tyranni alicujus. Qui locus quis fuerit, & unde origo nomini, plane incertum est. Nonnulli suspicantur, fuisse secessum magnatis alicujus, in quo solitus fuerit otari; quandoquidem schola Græcis otium notat. A quo non valde abludit versio Æthiopica, quæ, interprete Ludovico de Dieu, habet coram prætorio & præsidibus. Vult σχολήν Τυράννου fuisse Prætorium, ubi præfides convenirent, apud summum scilicet tyrannum & urbis principem. Calvino credibile est, fuisse gymnasium olim extructum sumtibus tyranni, & urbi donatum. Ego facile iis assentior qui Tyrannum pro proprio viri alicujus nomine habent, qui Sophista aliquis scholæ Ephesinæ fuerit: an, quod Casaubonus conjectat, idem ille de quo Suidas, Τύραννος, σοφιστής, περὶ τῶν καὶ διαίρεσιως λόγῳ βιβλία δέκα, an, quod Pricæo hariolari lubet, ita forsan dictus, quod vi eloquentiæ auditores ageret ferretque; ego me juxta cum ignorantissimis ignorare lubenter profiteor. Neque ut sciamus nostra quidquam interest. Sufficit, Paulum Ephesi loco idoreo, publice noto, & sapientiæ studiis destinato, conventus suos habuisse. Idque per biennium.

VIII. Et relictæ Synagoga disputat in Schola Tyranni.

IX. Tol-

IX. Per  
biennium :  
quamvis  
alibi trien-  
nium lau-  
det Paulus.

IX. Tollendum hic obiter *ἐν αὐτῷ φανές*. Hoc loco *biennium* attribuitur commorationi Pauli apud Ephesum. Paulus autem ipse postmodum *valedicens* Ephesinæ Ecclesiæ presbyteris, ita eos compellat: Cap. xx: 31. *Memores estote me per triennium nocte & die non cessasse cum lachrymis admonere unumquemque*. Sed conciliationis ratio non est admodum difficilis. Lucas enim illud solummodo tempus designat, quo Paulus docuit in schola Tyranni: quod biennium fuit. Paulus vero omne illud complectitur quod Ephesi exegit tam in priore quam posteriore suo ad istam urbem adventu. Biennio igitur modo laudato addi debent, primo tres menses quibus docuit in Synagoga *κ. 8.* tum tempus illud quo Ephesi docuit a primo suo cum Aquila & Priscilla adventu *Act. xvii: 18.* Denique magna pars anni tertii pro anno habetur. Frustra vero non est quod temporis rationem constare nobis Lucas voluerit quod erudiendis in Schola Tyranni Ephesiis impendit Paulus; nimirum ut intelligeremus quomodo justo illo temporis spatio Evangelii fama per Asiaticos omnes, tam Judæos quam Græcos, longe lateque edita fuerit.

X. Ingen-  
tia Pauli  
miracula.

X. Cui auctoritatem magnam conciliaverunt miracula, Dei virtute, per Paulum edita. Adeo quidem ut sudaria seu semicinctia, a corpore ejus ad infirmos delata, & morbos & improbos spiritus pellerent. *Act. xix: 8-12.* Noluit Christus Paulum hac in parte inferiorem esse Petro, cujus umbra quidam fuere curati. *Act. v: 15.* Quod etiam Pauli sudariis sanavit Deus ægrotos, huc spectabat, ut qui nunquam hominen viderant, reverenter nihilominus absentis doctrinam amplecterentur.

XI. Vetus  
Hebræo-  
rum super-  
stitio, car-  
minibus  
pelli posse  
dæmones;  
ejusque ar-  
tis magi-  
strum fuisse  
Salomone-  
nem.

XI. Ingentibus illis & fere incredibilibus miraculis alterum accessit prodigium. Vetus erat in Hebræorum gente superstitio, malos genios qui non animos solum, sed & corpora quandoque miserorum mortalium obsidebant, carminibus quibusdam, sive adjurationum formulis, pelli posse. Ejus artis peritissimum magistrum fuisse Salomonem Regem, librosque ea de re scriptos posteritati commendasse, non Talmudici duntaxat nugatores finxere, sed, quod mireris, ipse Josephus tradidit. *Antiq. Lib. viii. Cap. 11. Quin & eam artem, inquit, divinitus consecutus est ad utilitatem & medelam hominum, quæ adversus dæmones est efficax. Incantationes enim composuit quibus morbi pelluntur: & conjurationum modos scriptos reliquit, quibus cedentes dæmones ita fugantur, ut impofterum nunquam reverti audeant.* Additque, hoc sanationum genus ad suum usque tempus plurimum apud populares suos pollere. Quin & confirmat recenti exemplo Eleazari cujusdam, in præsentia Vespasiani, & filiorum, & tribunorum reliquorumque militum, multos arripitios curantis. Modus vero curationis erat hic: *admoto naribus dæmoniacci annulo, sub cujus sigillo inclusa erat radices species a Salomone indicatæ, ad ejus olfactum per nasum extrabebatur dæmonium: & collapsa mox homine, adjurabat id ne rediret, Salomonis interim mentionem faciens, & incantationes ab illo inventas recitans.*

XII. Cæ-

XII. Cætera taceo : hæc suffecerint ad indicandum, cujus generis adjurationes istæ fuerint, quæ sub initium Evangelii viguerunt : tum quod ver-  
xationes istæ dæmoniæ crebræ essent : tum quod Evangelii contra eas  
valentia prodigiosis se indiciis frequentissime approbaret. Non defuere igitur  
tur qui Apostolorum gloriæ æmuli suis se superstitionibus atque incanta-  
tionibus idem effecturos promitterent, quod Apostoli præstabant per fidem  
in nomen Jesu. Aggressi id sunt circulatorum quidam Judæi, exorcistarum  
sibi facultatem attribuentes, & nomine Domini Jesu, quem tamen sincere  
fidei obsequio pro Domino suo neutiquam agnoscebant, nequiter abuten-  
tes. Dicebant enim iis qui malis spiritibus infestabantur, *adjuro vos per*  
*Jesum, quem Paulus prædicat.* In iis erant septem fratres, ex sacerdotali or-  
dine, omnes filii Scevæ, quem *ἀρχιερέα* *primarium Sacerdotem* vocat Lucas.  
Non quod summus ille populi Israëlitiçi sacerdos esset : nullum enim talem  
Historia Judaica ea ætate agnoscit. Sed potius quod princeps fuerit unius  
ex viginti quatuor Sacerdotum classibus. Nisi quis cum *Seldeno* mavelit  
credere, interdum etiam *ἀρχιερέας* dictos fuisse, quibus ob majorum di-  
gnitatem, aut sanguinis proximitatem, spes erat ex jure recepto succedendi.

XII. Ejus  
generis  
fuerunt ad-  
jurationes  
aliorum  
Scevæ.

XIII. At pessime nefariis hominibus improba conamina cessere. Insi-  
liens enim in eos spiritus improbus, Jesum quidem se agnoscere & Paulum  
scire professus, contumeliosissime ipsos habuit, & probe dedolatos, vulne-  
ratos, nudos, domo effugere coëgit. Conferri hoc cum iis meretur quæ  
nuper Philippis gesta esse memoravimus. Nam ut ibi detectæ dæmonis ar-  
tes magnam veritati Evangelicæ conciliaverunt gloriam ; ita & hoc loco  
Deo visum est misero exorcistarum exemplo diaboli fraudes & malarum  
artium imposturas detegere, ut animos, ab inanibus nugis avocatos, sibi  
soli ac veritatis studio consecraret. Voluit item Deus specimine isto de-  
monstrare, virtutem suam nullo vocis sonitu vel characterum figuris esse  
inclusam ; neque fas esse venerandum Filii sui nomen ad superstitiones tra-  
here. Et profecto hic fuit fructus vindictæ istius quam de impio nominis  
Christi abusu sumsit Deus, ut religio omnibus Ephesi incolis, Judæis pa-  
riter ac Græcis, incussa sit, ne doctrinam proterve contemnerent, cujus  
vindicem se esse Deus tam illustri documento demonstraverat.

XIII. Sed  
quæ pessi-  
me iis ces-  
serunt.

XIV. Percommode usu venit, ut, ita dispensante Numinis providentia, XIV. Quo  
Ephesi ista acciderint. Fuit enim ea civitas curiosis istis artibus famosa ;  
adeo ut Magica carmina *Ephesiæ Literæ* dictæ fuerint. Suidas : *Ἐφέσια*  
*γράμματα, ἐπὶ ᾧ τινες δυσπαρακολούητοι.* quarum barbara quædam ac  
sensu carentia verba *Hesychius* allegat : cujus modi sunt, *ἄσκι κατὰ σκι,*  
*αἰεὶ τέτραξ δαμναμένους αἰσιον.* Quoniam igitur eorum hominum qui  
*περίεργα* ejusmodi exercebant ingens semper Ephesi frequentia erat, pro-  
digioso exemplo isto effectum est, ut multi eorum comportatos libros suos,  
quos avide olim lectitaverant, palam exusserint : ne vel sibi posthac, vel

XIV. Quo  
exemplo  
multi  
Ephesio-  
rum a pra-  
vis artibus  
avocati  
sunt.

aliis noxam crearent. Non deterriti ingenti quo pridem constiterant pretio : subductis enim rationibus invenerunt ἀργυρίῳ μυριάδας πέντε, h. e. Beza interprete, *denariorum quinquaginta millia*. Quæ quantum nobis valeant, aliis æstimandum relinquo, ipse rei nummariæ non veteris solum, sed & hodiernæ, imperitus ut qui maxime.

XV. Consilia variorum itinerum quæ Paulus animo agitavit.

XV. Interim dum hæc cum insigni Evangelii profectu peraguntur Ephesi, multa magnaque itinerum consilia animo agitabat Paulus; quæ ex collatione Scripturarum laudabili sagacitate sic collegit *Usserius*. Primum animum induxit Paulus peragrata Macedonia & Achaja proficisci Hierosolymam. Romam etiam dicens inde videre se oportere Actor. xix: 21. Et quidem primo Corinthum videre proposuit, inde in Macedoniam proficisci, ex Macedonia rursus Corinthum, atque inde Judæam petere. 2 Cor. 1: 15, 16. ubi quum collectas ex Macedonia & Achaja mittendas pauperibus sanctis, qui Hierosolymæ erant consignavisset, Romam illinc proficisci instituit, atque inde iter facere in Hispaniam. Rom. xv: 24–28. Interim missis in Macedoniam Timotheo & Erasto ipse substitit ad tempus in Asia, Lydiaca scilicet, in qua per urbes Epheso vicinas Evangelium prædicavisse videtur; inde Ephesum reversurus, ubi ad Pentecosten usque permanere constituerat. 1 Cor. xvi: 8.

XVI. Tumultus Demetrii.

XVI. Quod tamen ejus consilium inopinatus quidam casus intervertit. Ortus enim illo tempore est tumultus non parvus super via Dei. Nimirum Demetrius quidam, argentarius Ephesinus, solitus erat facere ναῦς ἀργυρῆς Ἀρτέμιδος, *templa argentea Diana*, quod Beza interpretatur de imaginibus seu nummis celeberrimi illius templi typum repræsentantibus; verius tamen est, ædículas intelligi, in quas parva Dianæ simulacra recondebantur, templi Ephesini artificium referentes, quæ vulgo ab iis emebantur, qui Dianam Ephesinam invisebant. Tales enim ædiculæ *Polybio* ναῖδια, *Straboni* ναῖσχοι appellantur; uti *Casaubono* & *Salmasio* observatum est. Ex isto opificio quæstus Demetrio aliisque artificibus erat uberrimus. Quibus tumultuose convocatis, videtis, inquit, o focii, ex hoc quæstu non victum nobis suppetere tantum, sed & vitam nostram abundanter instrui; præsentaneus autem metus est, ne vel omnis iste proventus, vel maxima saltem illius pars nobis evanescat, si exitialem istam doctrinam, quam Paulus per totam Asiam disseminat, deos non esse qui manibus fiant, latius serpere patiamur: imo periculum est ne magnæ deæ Dianæ templum prorsus in contemptum abeat, ac vilescat ejus Majestas, quam Asia tota, & orbis terrarum colit. Sic religionem prætexit avaritiæ. Adeo verum est quod dixit olim *Epictetus*: ὅπῃ τὸ συμφέρον, ἐκεῖ καὶ τὸ ἐντρέβες, Quum autem cæteris idem animi quod Demetrio esset, auditis hisce ortus est inconditus clamor vociferantium: *Magna est Diana Ephesiorum*. Excitataque universali totius civitatis confusione irruerunt concorditer in Theatrum, &

Gajum

Gajum atque Aristarchum comites Pauli, obtorto collo eodem rapuerunt. Quos quum in maximo versari periculo Paulus intelligeret, pro innata sibi animi magnitudine, erga suos affectu & pietate, & zelo incredibili quo flagrabat ad tuendam Dei gloriam & Evangelii innocentiam, ipse quoque in Theatrum prodire ardebat, apologiam pro comitibus, pro se, pro Evangelio facturum. At prudenter impetum illum sufflaminabant non discipuli solum, sed & quidam ex *Asiarchis*, ipsi occulte faventes; qui missis nunciis rogarunt, ne se in theatrum daret. *Asiarchas* fuisse sacerdotum principes, & *ἱεράρχας*, qui non, ut rectores provinciarum, mittebantur ex proceribus Romanis ad regendam Asiam; sed ex ipsismet primoribus Asiæ, & opulentissimis civibus eligebantur ad edenda munera: quique non sacerdotum solum principes erant, aut unius civitatis, sed & confessus & consilii totius provinciae primates habebantur, & cum sacerdotio simul magistratum gerebant; docuerunt nos Viri Illustres, Grotius & Salmasius. Interim turbata populi concione, plerique nesciebant cujus rei causa convenissent. Ex turba vero productus est *Alexander* quidam propellentibus eum Judæis, qui silentio manu postulato, volebat defensione uti apud populum, pro Judæis scilicet. Facile inducor, ut credam, Alexandrum hunc non stetisse a Pauli & piorum partibus, sed potius fuisse pertinacissimum atque audacissimum Pauli & veritatis hostem, eundem cujus Paulus meminit 1 Tim. 1:20. & 2 Tim, IV: 14. Judæi eum *propellebant*, tanquam idoneum Pauli accusatorem, ut qui ipsius dogmata nosset omnia, & ab iis descivisset; & quem sperabant ita Judæos fuisse excusaturum, ut totam populi rabiem in Pauli & Christianorum caput fuerit conversurus. Verum obstitit provida Dei cura. Nam ut audiverunt Judæum esse, rursus clamor ortus est, uno ore ad duas horas vociferantium: *Magna est Diana Ephesiorum.*

XVII. Donec scriba prudenti sermone concitatos animos sedavit. Quem *Lucas γραμματέα* Scribam civitatis vocat, eum *Scholiastes Thucydidis*, ob-  
servante Grotio, definit, τὸν εἰσθότα ἐν τῷ δήμῳ τὰ τῷ δήμῳ γραμματα ἀνα-  
γνώσκειν, qui solebat populo publica scripta legere. Ad quod officium nemo  
apud Grajos admittebatur nisi honesto loco natus, & fide atque industria  
cognitus. Cæterum *Ludovicus de Dieu* ex glossario annotavit, quod γραμ-  
ματεὺς vertatur per *tesserarium*. Tesserarius autem est qui tesseras tribuit,  
& militibus symbola dat. quod apud nos in urbibus præsidariis Guberna-  
toris est, in aliis, primarii Consulis. Putat ergo, quum γραμματεὺς absolu-  
te dicatur, designari præfectum urbis Ephesinæ, cujus erat militibus symbo-  
la & munia præscribere. Ego ad credendum propendeo fuisse notæ aucto-  
ritatis virum, qui tali fere munereungebatur, quali qui apud nos *Secretarii* dicuntur. In sermone ejus aliquam multa occurrunt ex Græca anti-  
quitate exponenda. Uti est quod Ephesiorum urbem νεωκόρον adituam *Ma-*  
*gue Dea Diana* vocat, & τῷ Διοκετῇ, a *Jove delapsi simulacri*. Ad vocem

XVII. Pru-  
denti Scri-  
bæ oratio-  
ne feliciter  
sedatus.

*νεωκόρου*, annotavit *Erasmus*, compositam esse ex *νεός*, quod Attice sonat templum, & *κοῦν* purgo sive verro, auctoribus Hesychio, Etymologico, & Suida. Proprie ergo notat ejusmodi ministrum, qui templo everrendo, & purgando operam suam impendit. Quod porro ad eos transferri potest, qui numen illud cui dicatum est templum insigni religione venerantur. Unde vetus interpres *νεωκόρον* *cultricem* vertit. Verum ex Inscriptionibus deinde collegerunt viri eruditissimi, urbes quasdam Græciæ *Νεωκόρων* elogio insignitas fuisse ob ludos in honorem numinis alicujus editos. Sic in marmoribus Arundelianis, & in nummis sæpe: ut in illo, *Μαγνησίῳ νεωκόρῳ Ἀρτέμιδι*, & in alio, *Ἐφεσίῳ δις νεωκόρῳ, καὶ τῆς Ἀρτέμιδος*. Ad quæ Grotius; *bis νεωκοί vocantur Ephesii, ob bis editos ludos in honorem Caesaris, Dianæ autem perpetuos*. Confer *Petitum Variarum Lectionum Cap. xxix*. Hoc igitur vult Scriba, præ omnibus Asiæ urbibus Ephesum in cultu Dianæ eminuisse, & superbo ejus Deæ templo, VII mundi miraculis annumerando, fuisse decoratam; idque sibi singulare habere quod concreditum ipsi esset τὸ διοπετές, a Jove delapsum simulacrum: subintelligitur enim ἄγαλμα. Fuit simulacrum Dianæ, quod nonnulli *ebenium*, Mucianus *vitigineum*, Vitruvius *cedrinum*, Xenophon autem non ex ullo ligno factum, sed aureum fuisse tradidit. Nunquam mutatum fuisse dicitur, quamvis septies restituto Templo. Credebatur, non humanæ artis opus esse, sed e cælo delapsum; uti Romanorum *Ancile*. Quamvis Mucianus, apud Plinium, *Demonicon* aliquem illius artificem fuisse testetur. Sine dubio quia fabricatio ejus omnem memoriam excedebat, sacerdotes credulæ plebi persuaferunt, e cælo prolapsum. Neque favorem populi commodiorem sibi sermone conciliare poterat scriba, quam assèverando, omnia ista tam evidentis ac confessæ veritatis esse, ut contra dici nequeat. Non esse ergo rem quæ in controversiam debeat vocari. Atque eo orationem dirigere videtur, quasi persuasum plebi veller, ne Paulum quidem cum comitibus suis contra disputare: negat sane sacrilegos esse, & recte: nam ne intraverant quidem templum. Negat etiam contumeliosos fuisse in Deam ipsorum; & hoc recte; si per contumelias intelligat ludicras, indecoras, profanas putatitii numinis insectationes, quæ sane ab Apostolica gravitate longe semper abfuerunt. Interim verum erat quod conquerebatur Demetrius, constanter eos docuisse, non esse pro Deo habendum, quod humana fabrefactum sit manu. Sed scriba scenæ servit, id unum allaborans, ut blandis dictis mulceat animos, leniat pectora, & quocunque tandem modo periculoso tumultui sedando efficax inveniat remedium. Quod & artificiosa oratione sua assecutus est: Paulumque cum sociis præsentī rabiei exemit.

XVIII. A-  
pollonius  
Tyaneus

XVIII. Hactenus Lucæ filium securi sumus in iis exponendis quæ a Paulo apud Ephesum gesta sunt. Nunc & ea comportemus, quæ probabimus rationibus aliunde colligi possunt, eodem tempore contigisse. Sunt

Sunt sanæ viri eruditissimi qui credunt, una cum Paulo Ephesi vixisse, famosissimum illum gentium doctorem, ac tributis illis portentis ac præstigiis inclutum, *Apollonium*, Tyana Cappadociæ urbe oriundum, hinc *Tyanaum* dictum. Cujus vitam prolixè, ingeniosè, & composita ad fallendum oratione conscripsit *Philostratus*, & de quo nos plura in *Exercitationibus de Miraculis Jesu*. Fingitur Apollonium istum fuisse *αὐτοδιδάκτωρ*, ut omnes linguas sine humana institutione calluerit, cogitata & intima animorum habuisse explorata, prædixisse futura, indicasse occulta, ut quæ Romæ fierent, ea Ephesi, eodem temporis articulo, renunciavit, compedes sibi ipsi solvisse, dæmones pro imperio ejecisse, pestem grassantem avertisse, ægros sanavisse, &c, nequid desit, suscitasse mortuos. Unde factum est ut ea larva sapientiæ, & portentosis in speciem artibus, Evangelii cursum aliquantulum sufflaminaverit; & *Hieroclem* Philosophum non puduerit, Christo ipsum æquiparare, imo & anteferre.

XIX. Hunc ipsum Apollonium magnum fuisse Pauli eo tempore adver-  
 farium, mercesque suas nusquam carius quam Ephesi vendidisse, non sine  
 ratione a Viris eruditissimis traditum est. Operæ pretium erit differentem  
 ea de re audire *Baronium Annal. T. 1. ad An. C. LVII. Num. 187. p. 506.* fidei ad-  
*Præter hæc quæ à Luca & Paulo sunt scripta, si quis adhuc exactam habuerit tem-* si præsti-  
 giis suis  
 Christianæ  
 versatur.  
 poris rationem, proculdubio inveniet hæc circa tempora impostorem istum, orbis  
 illusorem, circulatorum dico Apollonium Tyanaum, venisse Ephesum: *Philostratus*  
*enim ejus discipulus, & fabularum egregius concinnator, his primis Neronis*  
*annis, Ephesum primo, mox in Græciam, ac inde Romam, eodem imperante, ve-*  
*nisse testatur, qui & præstigiis, quas illum operatum esse dicunt Ephesi, in aliis-*  
*que Asia ac Græcia locis, vere an falso, describit tamen. Verum conatum fuisse*  
*diabolum his artibus Christianæ fidei obversari, prout olim in Ægypto coram*  
*Pharaone magi opera Dei per Moysen facta reddere irrita studuerunt, certum est.*  
*Cum enim viderentur eadem fere quæ à Deo per Paulum signa fierent, ab Apollo-*  
*nio fastidiari; atque suis ipsius artibus homines dementari; in quale putas verita-*  
*tem fuisse discrimen adductam? nimirum ut Christianæ fidei hostes qualemcunque*  
*occasionem aucupantes, ejusdem generis esse, ex eodemque fonte prodire quæ a Pau-*  
*lo, ac quæ ab Apollonio agerentur, stulte jactarent; imo huic forte sua gloriosus*  
*ostentanti, quam Paulo submisso animo omnia operanti, plus tribuendum esse, im-*  
*pie affirmarent: quod ex eo facile potest intelligi, cum Apollonio ob propulsatam*  
*(quod ait Philostratus) pestem, ut Deorum alicui, Ephesii statuum erigerent, &*  
*Sacram rem facerent.*

XX. Sub finem biennii istius quod Paulus Ephesi exegit in schola Ty-  
 ranni docens, scripta esse videtur prior ad Corinthios epistola, tum nimi-  
 rum quum cogitabat ire in Macedoniam, & itineri se acingeret. Quod col-  
 ligitur ex 1 Cor. xvi: 5. 8. col. cum Act. xix: 21. Series historiæ ita sese  
 habet, uti §. xv; diximus. Quum Ephesi statione propemodum sua de-  
 functus

functus esset Paulus, animum induxit peragrata Macedonia & Achaia, proficisci Hierosolymam, unde se & Romam visurum esse sperabat. Hierosolymam autem cogitabat deferre eleemosynas, ex Macedonia & Achaia pro pauperibus Hierosolymitanis colligendas. Quæ ut paratæ forent, misit in Macedoniam Timotheum & Erastum: ipse vero substitit ad tempus in Asia, Act. XIX: 22. Orto interim in Ecclesia Corinthiaca schismate, de quo nuper, quibusdam se Pauli esse dicentibus, aliis Apollo, aliis Cephæ, aliis denique Christi; Apollos cum aliis fratribus Corinthiis ad Paulum in Asiam profectus est I Cor. XVI: 12. per quos ad Apostolum scripsere Corinthii, de causa conjugii & cœlibatus eum consulentes. I Cor. VII: 1. Hæc occasionem Paulo dedere priorem illam ad Corinthios scribendi: quæ errores qui in ipsorum Ecclesiam irreperant corrigit, ipse se ad eos venturum significans, & quæ supererant ordinaturum, Cap. IV: 18, 19. & XI: 34. sed prius Ephesi usque ad Pentecosten permansturum. Cap. XVI: 5-8. Misit epistolam illam per Stephanam, Fortunatum & Achaicum, qui Corintho ad ipsum visendum venerant, Apollo tam cito redire renuente, ibid. 12. 17. forsan ne videretur favere factioni nomen suum venditanti. Confer *Usserium* p. 672. Ex quibus simul sumtis clare satis colligitur, Epistolam illam non Philippis esse datam, quod subscriptio vulgata habet, sed Ephesi.

XXI. Non videtur absolute prima esse.

XXI. Hactenus priorem ad Corinthios eam de qua nunc agimus epistolam vocavimus, in ordine ad eam quæ sequitur; an tamen omnium a Paulo ad eandem Ecclesiam scriptarum absolute prima sit, non immerito disquiritur. Disquisitioni causam dedit Capitis quinti comma nonum. *Scripsi vobis in epistola, ne commisceamini cum scortatoribus.* Unde colligunt, aliam præextitisse, in qua verba ista fuerint inventa, quoniam in hac non reperiuntur. Nec sine ratione. Nam I. Si hanc ipsam epistolam intellexisset Paulus, eaque verba in mente habuisset, quæ versu 7 exstant, non credibile est ipsum ea ambage fuisse usurum, quæ rem, ex se cæteroque claram, mera ambiguitate involvit; neque dixisset, scripsi *ἐν τῇ ἐπιστολῇ*, sed vel omnino illud omisisset, vel maluisset dicere, *ἐν ταύτῃ τῇ ἐπιστολῇ*. Certe omnium clarissime dixisset, scripsi vobis modo; si res de qua sermo est in proxime antecedente pericopa inveniretur. Nunc autem aliam omnino epistolam intelligere videtur; sicut eadem locutione simili mente utitur in sequente epistola Cap. VII: 8. *Nam etiam si vos contristavi ἐν τῇ ἐπιστολῇ*, priori scilicet, hac ipsa de qua hactenus sumus locuti. II. Idem evincit particula *νυνὶ*, a qua incipit versus undecimus: *NUNC autem scripsi vobis.* qua præsens epistola ab alia antegressa distinguitur. Nam quamvis nunc aliquando particula transitionis sit; hic tamen apparet de scriptione præsentis agi, qua clarius explicetur præterita. Eodem argumento *Beza* utitur. *Si quis conferat cum νυνὶ δὲ NUNC AUTEM, Nl. II. mox sequente, comperiet hoc*



*boc omnino intelligendum esse, de quapiam alia epistola, quæ interciderit. Nec enim etiam probabile est, Paulum plures epistolas tot annis non scripsisse, quam quot hodie extant.* III. Omnium vero evidentissime ex eo concluditur, quod verba ab Apostolo laudata in ea quæ etiamnum extat epistola non inveniuntur. Neque quoad sonum, neque adeo quoad sensum. Erant enim verba ambiguitate quadam laborantia, non oportere hominem Christianum commisceri cum scortatoribus. Quod vel de omnibus omnino scortatoribus hujus mundi intelligi poterat, vel de iis qui sub fratrum nomine ea se labe conspurcaverant. Hoc se voluisse testatur Paulus, non illud. Ubi vero in tota hac epistola generalem ejusmodi admonitionem invenias, quæ speciali ista determinatione hic loci clarari necesse habebat? Nam quod *xl. 2. & 7.* dictum erat de tollendo e medio Ecclesiæ qui facinus hoc patraverat, & de expurgando veteri fermento, nulla istiusmodi ambiguitate laborat. Hæc eo nos ducunt, ut de alia quapiam epistola pene cogamur cogitare. In eandem sententiam commentantur *Calvinus, Pareus, Diodati, Grotius, alii.*

XXII. Addi meretur Doctissimi *Lightfooti* observatio: *ante scriptam* XXII.  
*hanc epistolam, datam Paulo fuisse occasionem non negligendam scribendi ad Co-* Lightfooti  
*rinthios. Nam Timotheum ad ipsos miserat, Cap. iv. 17. per commodum sane,* variatio.  
*ut monitorum suorum, ita & epistola latorem. Deinceps vero acceperant ad ipsum*  
*Stephanas, Fortunatus, & Achaias, totumque Ecclesiæ Corinthiaca statum ape-*  
*ruerant, literasque ad eum tulerant, ad quas nunc respondet longe copiosius, ita ut*  
*presenti epistola antegressam comprehendat, & veluti absorbeat, ne amissa dolore*  
*nimum torqueamur. Sic quidem Lightfootus in commentariis ad hunc lo-*  
*cum. At longe aliter in Chron. Temp. p. 88. ubi hæc invenias: Ea verba*  
*ἔγραψα ὑμῖν ἐν τῇ ἐπιστολῇ perdifficilia sunt. Quidam hæc verba epistolam*  
*prius scriptam & deperditam innuere existimant. Verum hæc sententia minus*  
*convenit. Facilius esset, & regulis Grammaticæ magis conveniret, vocem ἔγρα-*  
*ψα in hunc sensum exponere, q. d. scripsi, seu scripseram, vel scripturus eram in*  
*hac epistola, ne cum scortatoribus commisceremini, &c. jam vero de hoc incesti tur-*  
*pissimo facinore inaudiens, & hujus exempli discrimen perpendens, stylum acuens*  
*prohibeo non solum cum hujusmodi arctiorem communionem verum societatem*  
*communioem, seu ejusdem mensæ participationem; eodem plane sensu, quo dictum*  
*fuerat Matt. xviii: 17. Sit tibi quasi Ethnicus. Adeo sibi ipsis disconveni-*  
*unt aliquando Viri Doctissimi, in obscurarum quæstionum determinatione:*  
*prout animo magis minusve attendenti nunc hæc nunc adversæ rationes po-*  
*tiores esse videntur. Neque profecto in hac mentium nostrarum imbecillita-*  
*te mirum illud est: nec temere alicui vertendum vitio. Quis enim ad*  
*primum se intuitum omnia tam liquido perspicere postulet, ut certus sit ite-*  
*rata meditatione non aliter menti esse observatura? Damus ergo hanc mu-*  
*tandi veriam petimusque vicissim,*

XXIII.  
Pauli ad-  
versus be-  
stias pu-  
gnæ fabu-  
lose a Ni-  
cephoro  
narratæ.

XXIII. Ex ista ad Conrinthios Epistola, aliquid Paulo Ephesi accidisse discimus, quod, quamvis valde memorabile sit, Lucæ tamen in hac historia, eo saltem modo, memoratum non est. Nimirum Cap. xv: 32. sic scribit Apostolus: *εἰ κατὰ ἀνθρώπων ἐθρομάχησα ἐν Ἐφέσῳ, τί μοι τὸ ὄφελος;* Si secundum hominem adversus bestias pugnavi Ephesi, quæ mihi utilitas? Quæ verba an proprie an metaphorice intelligenda sint, multum discrepant Interpretes, quæ Veteres, quæ Recentiores. Historiam suo modo, id est fabulose, narravit Nicephorus Lib. 11: Cap. xxv. Verum enim vero qui professiones Pauli descripserunt, cum quamplurima alia eum simul & fecisse, & passum esse, tum hoc quoque cum Ephesi esset, de eo memoria mandarunt. Quum enim ibi principem locum Hieronymus obtineret, multa cum libertate Paulus est concionatus. Quare Hieronymus illum bene quidem & diserte dicere, sed orationem ejus non esse eorum temporum testatus est. Plebs quidem certe, per insolentiam & furorem, Paulo compedibus injectis, carceri eum includit, donec leonibus vorandus obiceretur. Ibi tum Eubula & Artemilla clarorum Ephesi virorum conjuges, fidem edoctæ a Paulo (noctu enim ad eum veniebant) divini lavacri gratiam ab eo petunt. Itaque virtute divina atque Angelici satellitii ministerio, caliginem noctis exuberantia splendoris illustrante, Paulus ferreis compedibus liberatus, illas divino baptismo ad litus maris initiat: & cum id nemo omnium, quibus custodiæ cura mandata fuerat, sensisset; ad vincula rursus sua, in quibus leonibus esca asservatur, rediit. Sed enim ingenti magnitudine & robore intolerando, Leo contra ipsam immissus, in arenam quidem ille procurrit: sed mox ad Pauli pedes confedit. Et cum itidem aliæ immanes fera immitterentur, ne tangere quidem ulla sacrum corpus ad orationem erectum atque compositum sustinuit. His ita actis, derepente, fragore multo vehemens quadam & mirum in modum magna grando decidens, multorum simul & virorum & ferorum animalium comminuit capita, ipsiusque etiam Hieronymi aurem amputat: qui deinde cum suis per Paulum Deo conciliatus, salutiferum suscipit lavacrum. Leo autem iste profugus, in montes proximos evadit: & Paulus inde in Macedoniam & Graciam transmittit: mox rursus per Macedoniam vadens, Troadem & Miletum contendit. Atque inde tandem Hierosolyma proficiscitur. Mirandum vero non est, Lucam hanc Pauli cum bellis pugnam reliquis ejus actis non inseruisse. Nam etiamsi ex Exangelistis solus Johannes Lazari resurrectionem commemoret, minus tamen de fide veritateque ejus ambigendum. Scimus enim non omnes omnia scribere, credere, & nosse. Sed uti unicuique largitus est Dominus, & ut cuilibet dividit, & dispensat Spiritus, ita etiam intelligit, credit, & scribit spiritualiter ea quæ sunt Spiritus. Hactenus Nicephorus.

XXIV. An  
proprie in-  
telligenda.

XXIV. At præter quam quod hæc palam apocrypha ac fide indigna sint, nusquam dicit Paulus se bestiis objectum fuisse in escam, sed pugnavisse cum bestiis: quæ duæ prorsus diversæ sunt pœnarum species. Nam bestiis objecti protinus laniabantur, qui vero cum bestiis pugnant, armati prodire in arenam;

arenam ; ut si robore & agilitate præpollerent, confectis bestiis evaderent. Paucissimi tamen evadere solebant. Qui enim unam confecerat feram, frequenter reposcebatur ad secundam : donec vel satiata esset spectatorum crudelitas vel versa in misericordiam, Ad supplicium illud vel damnatum fuisse Paulum, vel saltem ab Ephesina plebe postulatum, aliqui opinantur ; isto nimirum tumultu qui narratur Act. XIX. 29. Quam sententiam probabilibus argumentis diligenter adstruxit Hammondus ad 1 Cor. XV. 32. ubi ita instituit : *Jam autem Paulum damnatum fuisse ad id supplicium, aut saltem plebem illum depoposcisse ad eas pœnas, tempore quo diximus, liquere potest, I. ex disertis ipsius verbis, 2 Cor. I. 9. Ipsi apud nos decretum mortis habuimus, à qua tamen Deus eum liberavit, ut subjicit. II. Ex phrasi κατ' ἀνθρώπων, secundum hominem, hoc est, ὅσον τὸ εἰς ἀνθρώπους, quantum ad homines pertinebat, ait Theophylactus, quod respondet loquutioni ἐν ἑαυτοῖς, apud nos ipsos, quæ in 2. ad Corinthios occurrit. Homines rem decreverant, sed Deus eum ἀφῆρασε τῶν κινδύνων, eripuit periculo, quod exprimit Paulus resurrectione mortuorum, & liberatione ex morte illa, xl. 10. Eodem sensu occurrit κερθῆναι κατ' ἀνθρώπους, 1 Petr. IV. 5. & τὸ κατ' ἐμὲ Rom. I. 15. Quoad mihi licuit : III. Ex historia quæ narratur Act. XIX. ubi xl. 29. dicuntur Ephesii, cum tota urbs tumultuaretur, consentientes in Theatrum confluisse, in quo cruenta ejusmodi spectacula exhiberi solebant, atque co traxisse Cajum & Aristarchum, Pauli comites ; quo etiam Paulus abductus fuisset, si in eorum manus incidisset, aut si passi fuissent Christiani eum ad illos prodire, xl. 30. Cum vero quidam Asiarchæ Paulum, non sine singulari providentia divina, nonnulla benivolentia prosequerentur, xl. 31. miserunt ad eum, qui monerent, se ei authores esse ut domi se contineret καὶ μὴ δοῖν ἑαυτὸν εἰς θέατρον, neque se conspectui offerret in theatro ; hoc est, ut vitaret periculum in quod incidisset, si exiisset, eo raptum à populo eundi, cum plebs decrevisset eum, si eo se conferret, θηριομαχίᾳ exponere. Idem colligere licet ex verbis, quibus scriba turbam sedavit, xl. 37. Adduxistis enim homines istos, neque sacrilegos, neque blasphemantes Deam vestram ; hoc est, ita eos habuistis, quasi manifestorum scelerum rei essent, & digni proinde qui in Theatro pœnas darent, cum nihil fecerint, quod supplicium commertum sit. Porro tantam horum argumentorum fiduciam Hammondus habet, ut subungere non vereatur : Clara est hæc interpretatio verborum Pauli, ex qua liquet κατ' ἀνθρώπων esse quoad in hominum potestate fuit, qui Paulum ad decertandum cum feris damnaverant ; cum de hoc loco multas easque inanes conjecturas protulerint viri docti.*

XXV. Quæ quamvis non improbabiler disputata, ab aliis tamen assensum non impetraverunt. Heinsius, ut solet, confidenter : *Quæ sint hic* XXV. An  
*θηρία, non magis dubito, quam bestiarium nunquam fuisse Apostolum credere au-* parabolice.  
*deo. Qui aliter sentiunt, non meminerunt, quare Cretenses, etiam ab Apostolo,*  
*verbis Poetæ, κατὰ θηρία dicantur. Quare B. Hieronymum hic audire malo*  
*Meletem, Leid.* M *quam*

quam *Erasmius*, qui ad *Job. v.* Bestiæ hic appellantur, homines mores habentes similes bestiarum, contra quas pugnasse se *Ephesi* dicit *Apostolus*. Quos non male, epistolarum quæ *Ignatio* adscribuntur auctor, ἀνθρωπομόρφους dixit, quod tantum forma hominem referrent Ἀπὸ Συρίας μέχρι Ρώμης θηριομαχῶν ἔχ' ὑπὸ αἰγῶν θηρίων βιβρωσκόμενοι ἀλλ' ὑπὸ ἀνθρωπομόρφων. A Syria Romam usque cum bestiis pugnavi; non earum quæ ratione carent, sed quæ formam habent hominis, morsibus petitus. Intelligit autem militarem custodiam, quos decem *Leopardos* vocat, quibus noctu diuque erat alligatus, & qui etiam beneficio affecti evadebant pejores. Simile exemplum ex *Plutarcho* addit *Grotius*, qui in *Lycurgo* homines ferinos θηριώδεις τυράννους dixit. Sic & impii feris comparantur *Deut. xxxi 1: 33*. & passim Reges in libris Prophetarum. Erat etiam vulgo receptum, ut, quibus negotium erat cum hominibus efferatis, ii dicerentur θηριομαχεῖν. Metaphoricam istam interpretationem, ut propiorem vero, non contemnendis rationibus ita tuitus est *Baronius* ad *AN. LV. Num. vi. p. 422*. Quia & ipse *Paulus* alias cum Romæ esset, scribens ad *Timotheum* his verbis: Dominus mihi adstitit, & confortavit me, ut per me prædicatio impleatur, & audiant omnes gentes: & liberatus sum de ore leonis: per leonem significare voluit *Neronem*, ut interpretes omnes summa consensione confirmant; nec est aliquis qui dicat *Paulum* Romæ ad leonem fuisse damnatum. Rursus vero considerandum est, quod tradit idem *Paulus*, se *Ephesi* pugnasse cum bestiis, non autem se traditum bestiis: diversa quippe ratio utriusque pœnæ est habenda. Damnari enim dicebantur ad ludum, qui in Theatrum immittebantur armati cum bestiis pugnaturi; bestiis vero absque pugna mox devorandi alii tradebantur; sunt plura exempla utriusque supplicii, sed in his modo non immorandum. Cum itaque dicat *Paulus* se pugnasse cum bestiis, metaphora potius per bestias homines prævios significare voluisse, quam gladio accinctum cum leone in Theatro pugnasse, omnes arbitror perspicue intelligere. Ad hæc, cum confet dictum supplicium vilioribus tantum personis lege solitum irrogari: *Paulus*, qui alias flagellis cædendus, se esse Romanum Civem excepit; quanto justius & opportunius se ea exceptione liberare potuisset; cum præsertim (ut ipse scribit ad Romanos, & *Corinthios*, & *Lucas* in *Actis* testatur) jam animo concepisset, *Ierosolymam* primum, ac denique *Romam* proficisci? Atque demum, si *Paulus* ejusmodi supplicio affectus fuisset, non putamus ab ipso omitti debuisse, cum scribens post duos annos ad *Corinthios*, suorum certaminum coronas texuit: Qui cum cætera, ac multa his minora enumerat, eum non facile credimus, quod esse præclarus videbatur, silentio obvolutum reliquisse. Ex his videas; quanta cautela *Apocrypha* sint admittenda, etiam si ex *Scripturis Divinis* aliquam sibi fidem videantur adsciscere. Unde magis placet sententia *Tertulliani*, qui ait *Apostolum* per ea verba significare voluisse Asiaticas pressuras; & *Chrysostomi*, qui eadem sentire videtur. At vero nec assentimur *Theophylacto*, qui existimavit *Paulum* istis verbis significare voluisse illas pressuras, quas ultimo anno commorationis suæ *Ephesi* passus

passus est instigatione Demetrii argentarii : nam eo tempore quo scripsit primam Epistolam ad Corinthios, qua de pugna cum bestiis meminit, nondum ea de Demetrio contigerant : quod ea ratione facile demonstrari posse videtur, quod Lucas antequam illa recenseat, hac de eo dicat : His expletis proposuit Paulus in Spiritu transita Macedonia, & Achaia, ire Jerosolymam : nec aliter Paulus in dicta prima Epistola ad Corinthios : Veniam autem, inquit, ad vos, cum Macedoniam pertransiero : nam Macedoniam pertransibo : & paulo post : Permanebo autem Ephesi usque ad Pentecosten. Sic itaque ex his liquet, ea qua postea subdit Lucas de turbis per Demetrium excitatis, post dictam Epistolam scriptam ad Corinthios, contigisse ultimo anno commorationis Pauli Ephesi. Haetenus Baronius.

XXVI. Meam si quis desideret ἐπίκρισιν, ei fatebor, magis me ad me- XXVI.  
taphoricam interpretationem inclinare. Certe *Hammondi* argumenta rigi- Ε'πίκρι-  
dius examen non sustinent. I. Enim quod Apostolus dicit 2 Cor. 1: 8, 9. σικ-  
gravatum se fuisse supra vires, adeo ut prorsus animi, etiam quoad vitam,  
penderet, & habuisse jam in se decretum mortis, adeo est generale, & infi-  
nitis, quos nos ignoramus, applicari potest casibus, ut nulla ratione cogamur id de populi rabie intelligere, qua Paulum ad bestias poposcit. Præsertim, quum illud ipsum unquam factum esse, divinet magis Doctissimus *Hammondus*, quam probet. Sane nunquam dixit Paulus, se aliqua judicum sententia ad bestias esse damnatum, vel a plebe postulatum, quod utrumque singulari numinis ope evaserit : sed disertis verbis scribit, se *Ephesi cum bestiis pugnasse*. Id quum ne *Hammondus* quidem ipse velit revera contigisse, si feras in theatro intelligas, & tamen factum esse testetur Paulus ; quid super est, nisi ut per bestias ferinos homines, quibuscum sæpe, & aliquando quidem decretorie, dimicandum ipsi fuit, designatos esse credamus ? II. Phrasis κατ' ἄνθρωπον adeo nihil *Hammondum* juvat, ut obesse potius videatur. Alibi enim eam adhibet Paulus locutione impropria, cataphorica, & quando locutionis suæ aliquam quasi duritiem emollicum it. Ita Rom. 111: 5. μὴ ἄδικῃ ὁ Θεὸς, ὁ ἐπιφέρει τὴν ὀργὴν ; (κατὰ ἄνθρωπον λέγω) μὴ γένοιτο. Secundum hominem dico. i. e. ita de Deo rebusque Divinis loquor, quemadmodum nos homines de hominibus & rebus humanis loqui solemus. quod Rom. v1: 19. eadem mente, sic effert, ἀνθρώπινον λέγω. Adde Gal. 111: 15. videbisque passim τὸ κατ' ἄνθρωπον notare more humano. Pariter itaque & hic : secundum hominem, sit more humano, ut hominibus contingit cum feris certare. III. Ita historia quæ narratur Act. xix: 29. ne verbum quidem est de Paulo ad feras a plebe postulato. Quod vero alii de damnatione addunt, textui etiam adversatur. Faventes enim iudices habuit, & ita quidem faventes, ut ex Asiarchis quidam missis nunciis rogarint, ne se daret in theatrum : & scriba publicus a sacrilegio & contumelia in Dianam Paulum cum sociis absolverit. Ne dicam nunc, quod

quod tamen optime a *Baronio* est observatum, illam Paulinæ historiæ partem scripta priori ad Corinthios epistola posteriorem esse; ideoque narrari ibi non potuisse.

XXVII.  
Incestus  
Corinthia-  
cus Satanæ  
traditus.

XXVII. Verum & hoc paulo ante scriptam hanc epistolam contigit, quod Paulus sibi constitutum esse memorat 1 Cor. v. postquam indicatum ipsi esset, quendam in Ecclesia Corinthiaca tam abominando se polluisse incestu ut novercam uxorem haberet. *Enimvero, inquit, ego ut absens corpore, præsens autem spiritu, jam ut præsens judicavi, ut is qui hoc perpetravit, vobis & meo spiritu in nomine Domini nostri Jesu Christi congregatis, cum potestate Domini nostri Jesu Christi, ejusmodi* TRADATUR SATANÆ AD EXITIUM CARNIS, UT SPIRITUS SALVUS SIT DIE ILLO DOMINI JESU. Cui simile prorsus exemplum statuit in Hymenæum & Alexandrum 1 Tim. 1: 20.

XXVIII.  
An Eccle-  
siastica ex-  
communi-  
catione.

XXVIII. Qua locutione quid noveretur dissentiunt Interpretes. Plurimi ad supremum Excommunicationis Ecclesiasticæ gradum referunt, ut significet solemnem declarationem, Apostolica auctoritate, consensu Ecclesiæ, in nomine Jesu Christi, publice factam, quod talis facinorosus sit exfors regni Christi, sub imperio ac potestate Satanæ, ejus tyrannidi, nisi pro delicti sui gravitate insigniter resipiscat, æternum mancipandus. Frequens enim in sacris est, ut tum aliquid fieri dicatur, quando ita esse declaratur. Porro eo tendit horrida ista declaratio, ut incutiatur facinoroso terror, si forte perpensa criminis foeditate, & inevitabilis poenæ atrocitate, ad saniores mentem redeat, & destructo corpore peccati, quod *caro* dicitur, interior homo, qui vocatur *spiritus*, servetur die illo Jesu Christi. Ipse *Grotius* sic exponit: *ut ira Divinæ sensu carnales affectus in illo extinguantur. Ita σαρκὸς sumitur Rom. VII: 5. & VIII: 9. ὁλεθεῖτε σαρκὸς pari modo dicitur, quo διαβάτε τὰς πράξεις τῶ σώματος Rom. VIII: 13.*

XXIX. An  
speciali po-  
testate A-  
postolica.

XXIX. Alii vero traditionem satanæ referre malunt ad extraordinariam illam potestatem Apostolis a Christo factam, quo protervum Evangelii oppugnationem corporalibus etiam poenis, satanæ ope infligendis, ulciscerentur, ad incutiendum aliis terrorem, & procurandam, si pote, tam amara medicina facinorosorum poenitentiam. Nam & Satanæ ministerio aliquando morbos infligi exemplo Jobi constat, miseræque illius foeminae, quam a *Satana* vinctam fuisse testatur Christus. Luc. XI: 16. & Apostolos ea facultate præditos fuisse ut sæva etiam mala cum effectu imprecarentur Evangelii hostibus, historia Bar Jesu docet. denique *caro* hic opposita *spiritui* corpus notare videtur, ut opponitur animæ, & ὁλεθεῖτε σαρκὸς perniciem corporis per dolores, quibus procuraretur salus animæ. Ut sensus hujus loci sit, Apostolum constituisse incestum illum tradere Satanæ, qui corpus ejus contereret doloribus, ac duriter affligeret; ut hoc cruciatu tactus poenitentia fervaretur, & anima ipsius adipisceretur salutem. In hanc sane mentem exponunt, ex Recentioribus, *Scultetus, Grotius, Ludovicus Cappellus,*

*Cappellus, Seldenus, Lightfootus, Bochartus in Epistolis p. 1023. & prolixè Molinaus Vatis Lib. 11. Cap. xi. ubi monet in Synodo Nationali Alenfi cautum esse, ne quis deinceps in Excommunicationibus utatur formula tradendi Satanæ. Laudant autem assentientes sibi ex Veteribus Ambrosium, Hieronymum, Chrysostomum, Theodoretum, Sedulium, Oecumenium, Theophylactum, alios. Imo, inquit Bochartus, VETERES OMNES, quotquot mihi videre contigit, locum hinc sic interpretantur. Firmandæ expositioni huic ista potissimum argumenta faciunt. I. Excommunicatio Ecclesiastica, quantum deprehendere viri Doctissimi potuerunt, nunquam ea similive phrasi apud Hebræos, quorum idioma sequuntur Apostoli, designata fuit. Sed tradere Satanæ, est ei dare male multandum, aut occidendum. Exemplum adduxit Lightfootus ad Job. xx: 23. ex libro Succa. Duo Cushitæ steterunt coram Salomone. Die quodam vidit Salomō angelum mortis dolentem. Dixit ei, quid doles? Respondit ille, quia me obsecrant duo hi Cushitæ ut hic maneant. Tum TRADIDIT EOS SALOMON DIABOLO, מְסַרְנֵהוּ לַשַּׁעִיר, qui adduxit eos ad limites Luz, ubi mortui sunt. II. Distinguit Apostolus id quod Ecclesiæ incumberebat, nimirum Sublationem improbi e medio ipsorum, quæ est excommunicatio com. 2. ab eo quod ipse constituerat facere com. 5. sicut & traditionem illam Satanæ sibi soli attribuit 1 Tim. 1: 20. Nam quod addit, vobis & meo spiritu congregatis, non eo pertinet, ut quod decreverat penderet a consensu Corinthiorum; sed vult eos sententiæ suæ præbere assensum. III. Ut hæc verba ad Excommunicationem referantur, omnino necesse est non agi de tradendo corpore; nam Excommunicatio corpus non afficit: sed de tradenda anima Satanæ. At quo pacto hæc coherent, animam tradi Satanæ, ut servetur spiritus, hoc est, ipsa anima? ac si dicas, alicujus corpus tradi carnifici, ut servetur illud vivum ac incolume. Manifesta est contradictio in adjecto. Ut & in illis verbis 1 Tim. 1: 20. quibus ait se Hymenæum & Alexandrum tradidisse Satanæ, ἵνα παιδεύθωσι μὴ βλασφημεῖν. Neque enim est credibile, animam, quæ sit in potestate Satanæ, sub hoc magistro posse formari ad Dei cultum, & ad vitandam blasphemiam. Ita Bochartus. In hunc modum, atque his potissimum rationibus, interpretationem suam viri Doctissimi tuentur.*

XXX. Si mihi etiam sententiæ dicendæ jus sit, non tanti rationes istas  
esse arbitror, ut idcirco traditio Satanæ non pro parte aliqua gravissimæ  
Excommunicationis Ecclesiasticæ habenda sit; præsertim talis excommu-  
nicationis quæ sub Apostolica directione fiebat. Primo enim, quando lo-  
quentes audimus Apostolos non tam attendendum est an & Rabbini in scri-  
ptis suis eandem phrasin usurpaverint, & qua mente; quam quid ipsa in  
sermone Apostolico significare idonea sit. Quamvis igitur verum esset He-  
bræos ea phrasi in sua excommunicatione non esse usos, (de quo nobis pa-  
rum constat, qui non omnes veterum Hebræorum locutiones in explorato  
habemus)

habemus) certum tamen est, id quod in excommunicatione est præcipuum phrasi ista perquam commode & significanter exprimi. Qui enim in Christi nomine & auctoritate, solemni Ecclesiæ sententia, ejicitur ex regno Christi, is simul declaratur pertinere ad regnum Satanæ, & miserum illius esse mancipium. Sic *Tertullianus de pudicitia Cap. xiii*: *Illis traditis Satanæ, id est, extra Ecclesiam projectis*. Rursum *Cap. xx*. *Abjicitur extra civitatem in locum immundum, deditus scilicet Satanæ in interitum carnis*. In eandem sententiam *Hieronymus*. *Epist. i*. *In veteri lege quicumque sacerdotibus non obtemperasset, aut extra castra positus lapidabatur à populo, aut gladio cervice subiecta contemptum expiabat cruore: nunc vero inobediens spiritali mucrone truncatur, aut ejectus de Ecclesia rabido demonum ore discerpitur*. Multo profecto gravior & Apostolico sermone dignior ista videtur explicatio, plurimumque illi præferenda quæ ex nescio qua Talmudica de Salomone & Cushitis fabella arcessitur, quam ego cassa non emerim nuce. II. De ea excommunicatione agit Apostolus in qua & Ecclesiæ & sibi suæ essent partes. Sibi nullas tribuit, seorsim ab Ecclesia, nisi quod suffragii sui prærogativa quid faciendum sit præmonstret. Disertim etiam, quando de criminoso Satanæ tradendo agit, non aliter illud futurum esse indicat, nisi *Corinthiis & suo spiritu in nomine Jesu Christi congregatis*. Bene *Erasmus*: *collegium hoc ex tribus constituisse, ex Pauli decreto, consensu multitudinis, & auctoritate Christi*. Si sibi soli attribuire videatur 1 Tim. 1: 20. attendendum est, id quod ab Ecclesiastico fiebat cœtu singulari ratione adscribi posse præcipuo cœtus illius totiusque negotii directori. Pari ratione sibi attribuit impositionem manuum qua ordinatus est Timotheus 2 Tim. 1: 6. *διὰ ἐπιθέσεως τῶν χειρῶν μου*. attamen ea facta erat, suffragante operamque suam conferente synedrio. 1 Tim. 14: 14. *μετὰ ἐπιθέσεως χειρῶν πρεσβυτέρων*. Disertus admodum in hanc sententiam *Chrysostomus* est, omnia ad Ecclesiam Corinthiacam, quasi sub præsidio præsentis Pauli, referens. Sic enim commentatur ad ea verba, *& meo spiritu*: *Πάλιν ἐπέσχευεν αὐτοῖς ἑαυτὸν, ἵν' ὅταν δικάζωσιν, ὡς αὐτῶ παρόντι ἔτις αὐτὸν ἀποτέμωσι, καὶ μηδεὶς τολμήσῃ σωγυνώμης αὐτὸν ἀξιώσασθαι, εἰδὼς ὅτι Παῦλ' εἰσεται τὰ γέγονενα*. Quod vero additur, *ἐκτὴν potentia Domini nostri J. C.* sic exponit: *τῆς ἐν. ἢ ὅτι ὁ Χρῆστος δύναται τοιαύτην ὑμῶν χάριν δοῦναι, ὡς δύνασθε τῷ διαβόλῳ παραδιδόναι, ἢ ὅτι καὶ αὐτὸς μετ' ὑμῶν κατ' αὐτὴν φέρει τὴν ψῆφον*. III. Non est difficile explicatu, quomodo traditio Satanæ, qualis in excommunicatione est, tendat ad ὀλεθρον τῆς σαρκὸς, si ea notione qua frequentissime in sacris venit carnem intelligamus, nimirum de vitiosis cupiditatibus, quæ per diram illam sententiam, accedente, quæ nunquam abesse debet, excommunicantis Ecclesiæ oratione, & impetrata per eam Spiritus Sancti gratia, compesci ac mortificari possunt, dum ipsum etiam corpus dolore ac jejuniis emaciatur: *ut servetur spiritus*, interior homo renovetur, ipsaque tandem anima in æternum



eternum salva sit. Quum enim præcipuus excommunicationis scopus sit promotio poenitentiae, aut eo valere excommunicationem, aut in casum eam a Domino institutam esse oportet. Frustra igitur rogatur, quo modo hæc cohæreant, *animam tradi Satanae, ut servetur anima?* Optime cohærent, declarare totum hominem criminofum quoad animam & corpus sub potestate Satanae esse, ut dira ista declaratione ex lethargo suo excitatus per poenitentiam servetur. Quæ hic manifesta contradictio, imo quæ, nisi ludere velimus, contradictionis species est? Denique non tam per Satanam, quam per sententiam illam qua quis Satanae traditur, *παιδεύεται μὴ βλασφημεῖν*.

IV. Quid porro sibi volunt Viri eruditissimi, quum negant excommunicatione corpus affici? Putantne nullas unquam sequelas, nulla excommunicationis effecta in corpore deprehensa esse? Non id crediderunt Hebræi. Notissima & cui non dicta? Cabbalistica Rabbiorum observatio est, vocem *חור* literis suis conficere numerum 148: totidem dicunt corporis humani ossa esse, in quæ omnia & singula vim suam tremenda ista exsecratio exerat. Ipsa excommunicationis formula quam *Buxtorfius* exhibet *Lexic. Tal.* p. 828. hanc imprecationem habet: *ויהי עליו מכות גדולות וטאנים וחליים רבים ומשונים* *Sint super ipsum plaga magna & fideles, morbi magni & horribiles.* De Essæorum excommunicatione memorat *Josephus de Bel. Jud. Lib. 11. C. VII.* quod deprehensos in peccatis a sua communione repellant, & qui ita fuerint condemnatus miserabili plerumque morte consumatur. Illis si quidem sacramentis & ritibus obligatus neque capere ab aliis cibum potest, herbas autem pecudum more devorans, & fame exesus per membra corrumpitur. Sic quidem Hebræi. De Christianis vero non est mihi dubium, quin in Apostolica Ecclesia excommunicationem diri sæpe effectus in ipso etiam corpore consecuti sint: & quod viri Doctissimi per traditionem Satanae unice intelligendum pugnant, id ego excommunicationis severissimæ sequelam aliquando fuisse pro certo habeo. Præsertim si præside Apostolorum aliquo dira in criminofum sententia fulminata esset. Nimirum ne fulmina a fidelibus servis suis vibrata bruta esse censerentur, placuit Domino tremendam eorum efficaciam evidentissimis quandoque indiciis palam facere, & facinorosorum corpora Satanae vexationibus & excruciationibus in omnium conspectu exponere. Si scriptoribus Ecclesiasticis fidem derogare nefas sit, ferioribus etiam temporibus simile quid in Ecclesia visum fuerit. Proxime saltem accedit quod *Paulinus* memorat in vita *Ambrosii*. Quum sceleratus aliquis ad Ambrosium adductus esset, dixit Ambrosius, *oportet illum tradi Satanae ad interitum carnis; ne talia quis impofterum audeat committere. Quem eodem momento, quum adhuc sermo ille esset in ore Sacerdotis sancti, spiritus immundus arreptum cepit discerpere. Quo viso, inquit Paulinus, non minimo timore repleti sumus & admiratione.* Qua confidentia Viri Doctissimi Patres pro sententia sua laudent, supra vidimus. At pari confidentia *Baronius* ad

*Annum Christi* LVII. Num. XI. *Quod sic traditus Sātana*, inquit, *a communiōne fidelium haberetur abscissus*, & *quod communi usu loquendi fertur*, *excommunicatus*, PATRES OMNES CONSENTIUNT. Paulo post: *Eodem modo*, scilicet de excommunicatione, *Pauli sententiam explicant Hilarius, Hieronymus, Ambrosius, Augustinus, ac reliqui Latinorum: Græci pariter, ut Origenes, Chrysostomus, Theodoretus, & alii interpretes in dictum Pauli locum ad Corinthios*. Mihi nunc abs re mea tantum otii non est, ut singulos consulere vacet. Neque profecto est necesse.

XXXI. De  
Epistola ad  
Titum.

XXXI. At justo fortasse prolixius his immorati, pergamus inquirere, an & alias epistolas Epheso scripserit Paulus. Nonnulli de illa ad *Titum*, & ad *Galatas* suspicantur. Atque illud quidem non caret probabili ratione. Constat utique ad Paulum Ephesi morantem Corintho venisse Apollon, qui Paulo ad eam Ecclesiam scribente Corinthum redire abnuvit, ut nuper monui ex I Cor. XVI. 12. sed Cretam petere maluit, una cum Zena legis doctore, quos commendat Paulus Tito hac ipsa epistola. Porro jubet Paulus Titum relicta Creta quantocyus ad se accedere. *ibid. com. 12.* Habuit autem eum sibi comitem non diu postquam Epheso discessisset, eoque ad Corinthios internuncio usus est: de qua re mox plura. Secundum hanc expurationem Titus ultra quinquennium in Creta exegerit. Sed vide & confer in alia omnia euntem *Pearsonum. De Success. primor. Romæ Episcop. Dissert. I. Cap. IX. Num. VI.*

XXXII. Et  
illa ad Ga-  
latas.

XXXII. Epistola ad *Galatas* temporis sui hos characteres habet. Primum quod non diu post Pauli ab iis discessum scripta esse videatur. Sic enim ipse Cap. I. 6. *Miror vos ITA CITO, deserto eo qui vocavit vos in gratiam Christi, transferri in aliud Evangelium.* Affuerat autem iis Paulus paullo antequam proficisceretur Ephesum. *Act. XVI 11: 23. col. cum XIX: 1.* Unde, probabiliter saltem, infertur *Ephesi* esse datam. Specialius, datam esse *sub finem biennii* quod Paulus Ephesi exegit, inde colligit *Cappellus*, quod Cap. VI: 6. hortetur eos ad beneficentiam erga τὰς κατηχουμένας, & com. 10. πρὸς τὰς οἰκείας τῆς πίστεως (quibus verbis Ecclesiam Hierosolymitanam innuere videtur, maxime si id compareretur cum iis quæ scribit Rom. XV: 26, 27.) idque inquit, ὡς καιρὸν ἔχομεν, h. e. *dum occasio offertur*, quum jam Asia, Græcia & Macedonia in hanc liberalitatem conspirasse videantur, & ubique parentur collectæ Hierosolymam deferendæ. Quod confirmari putat ex I Cor. XVI: 1. ubi jubet Corinthios in eleemosynis colligendis sequi præscriptum quod Galatis dederat: in epistola quidem ipsa generalius, brevius, & obscurius; sed, specialius, latius & apertius explicatum viva voce eorum per quos lata est epistola. Unde infert, scriptam fuisse ante priorem ad Corinthios. Fateor sane argumenta ista demonstrationum vicem sustinere non posse. At quis dabit certiora? Utut de tempore sit, occasio scribendi hæc fuit: postquam Paulus purum putum Christi Evange-

*Evangelium fideliter Galatas docuisset, supervenerant eo absente falsi quidam doctores, bonum semen vitiosis dogmatibus corrumpentes. Docebant enim rituum Mosaicorum observationem ipsis etiam Christianis hominibus ad justificationem & salutis consecutionem rem esse apprime necessariam. Et quia aliam Paulo mentem esse ex toto doctrinæ ipsius instituto palam constabat; hinc auctoritatem ipsius omni calumniarum & cavillationum genere iminutum ibant. Consensum autem jactabant cum Petro, Johanne & Jacobo, Apostolorum citra controversiam celebratissimis. Et fortasse, quo melius se Galatis venditarent, tantorum Apostolorum nomina prætexuerunt, quasi ab ipsis missi forent. Huic se jactantiæ fortiter hac epistola opponit Paulus, ne locum cederet mendacio, veritatemve in sua persona opprimi sineret. Itaque non perfunctorie Apostolatus sui auctoritatem adversus nefariorum hominum calumnias tuetur. Eaque opera defunctus, doctrinæ suæ veritatem strenue asserit. Galatarum levitatem acriter increpat, eosque ad sinceræ fidei constantiam, & infucatæ pietatis praxin, validis argumentis hortatur.*

## S E C T I O IX.

De iis quæ a Paulo gesta sunt dum novissimo itinere proficiscitur Hierosolymam.

## B R E V I A R I U M.

*I. Paulus Epheso in Macedoniam proficiscitur. Aquila & Priscilla Romanæ. II. Hoc tempore ex Macedonia scribitur posterior ad Corinthios. III. An & prior ad Timotheum? Rationes affirmandi. IV. Rationes negandi. V. Ἐπίγειος. VI. Certe Corintho tunc data illa ad Romanos. VII. Unde repente Romæ tanta Judæorum, & Christianorum multitudo? VIII. Et, quod mirabilis, tam bene instituta, tam pulcre ordinata Ecclesia? IX. Petro id imputat Baronius; qui II Claudii anno Romam venerit. X. Sed invita veritate; quod fatentur Valesius, Pagius, XI. & Baluzius, Viri Clarissimi. XII. Non docuit Petrus Romæ, ante scriptam illam Pauli Epistolam. XIII. Quinam probabiliter Romanæ Ecclesiæ fundatores fuerint. XIV. Ingens terra tractus, ab Hierosolyma usque ad Illyricum, quem repetitis itineribus Paulus Evangelio implevit. XV. Propter insidias Judæorum Paulus per Macedoniam remeant. XVI. Troade Eurychum, ex lapsu mortuum, vita restituit. XVII. Miletæ Ephesinæ ecclesiæ Presbyteros affectuoso sermone alloquitur. XVIII. Tyri discipulos invenit, & de independentibus sibi Hierosolyma malis monetur. XIX. Ut & Cæsarea per Agabum. XX. Intrepido tamen animo Hierosolymam pergit.*

**S**edato tumultu facile cognovit Paulus, integrum sibi non esse ut diuturniores moras Ephesi neceretur: ut itaque meliori se tempori, iisque quæ alibi agendæ restabant rebus, servaret, convocatos Ephesi discipulos

sciscitur.  
Aquila &  
Priscilla  
Romam.

paterna pietate complexus, &, quod Syrus interpretes dixit, ex more illarum gentium osculatus, אַבִּי, אֲבִי, abiit, in *Macedoniam* profecturus Act. xx: 1. Credibile est eodem fere tempore *Aquilam* & *Priscillam* Epheso Romam revertisse; postquam pro salute Pauli suam ipsorum cervicem supposuissent. Rom. xvi: 3, 4. Nam Ephesi adhuc apud Paulum fuerunt, quum priorem ad Corinthios scriberet 1 Cor. xvi: 19. Nunc autem redeundi facultatem habebant, Claudii edicto, quo pulsi fuerant, post mortem illius exolescente. *Epheso* in *Troadem* venit Paulus, de qua dubitatur, sit ne nomen regionis, an urbis. Ubi apertum quidem sibi per Dominum ostium invenit, sed turbatus animo est quod non invenisset Titum. Iis igitur valedicto in *Macedoniam* abiit. 2 Cor. 11: 12, 13. quam perambulans multo sermone fratres cohortatus est. Act. xx: 2. Quumque interim afflictio ejus se non remitteret, dum foris erant pugnae, intus terrores, ingentem ipsi consolationem adventus Titi attulit, lætusque, quem apportabat, de Corinthiorum statu nuncius. 1 Cor. vii: 5, 16. Quorum exemplo Macedonas etiam provocavit ad expediendas Hierosolymam collectas: ab anno superiori Achajam paratam fuisse dicens. ib. ix: 2. Qua re Macedones commoti, in multa probatione afflictionis, etiam supra vires, liberales se præstiterunt. ib. vii: 1-5.

II. Hoc  
tempore ex  
Macedonia  
scribitur  
posterior  
ad Corin-  
thios.

II. Dubitandum non est, quin hoc tempore, dum in Macedonia versabatur Paulus, scripserit *posteriorem ad Corinthios*. Totus enim tunc erat in colligendis collectis, Hierosolymam deferendis; in quam rem Corinthiorum munificentiam ac liberalitatem tam accurate laudat, & laudando excitat. Ideoque Titum cum hac epistola e Macedonia mittit, & cum Tito fratrem illum cujus laus est in Evangelio per omnes Ecclesias (qui non immerito creditur esse Lucas) ut Corinthiorum collectas paratas esse curarent. 2 Cor. vii: 16, 18. ix: 3-5. simul etiam ut tantæ pecuniæ administratio omni suspitione careret. Oppido profecto laudabilis Pauli in hac re prudentia ac circumspectio est. Nihil enim magis sinistris oblocutionibus pater, quam publicæ pecuniæ attrectatio. Credibile est, non defuturos fuisse inter Corinthios, qui statim profiliissent ad male dicendum, si relicta iis fuisset occasio. Quare tot sibi hujus negotii testes ac socios esse voluit; neque tot solum sed & tales, quorum ubique perspecta & comperta erat fides; eosque non a se solum, sed & Ecclesiarum suffragiis delectos. Atque ita ostendit, se non tantum bonæ conscientiae curam apud Deum habere, sed & bonæ existimationis apud homines. Verum ad tempus scriptæ epistolæ revertamur, unde hæc Pauli prudens circumspectio paululum nos abduxerat. Omnia clamant, scriptam esse paucis mensibus ante Pauli adventum Hierosolymam, quem & annum *V. Neronis* refert *Spauemannius*, quamvis alii aliter.

III. Ad idem fere tempus refertur a Viris Doctissimis scriptio prioris ad *Timotheum*.

*Timotheum*. De qua *L. Cappellus*: Posterior epistola ad Corinthios & prior ad *Timotheum* certant de prioritate, & sub iudice lis est. Utraque scripta est, paulo post quam *Paulus Epheso* discessisset, adeoque dum *Macedoniam* peragraret. Quod quidem de illa ad Corinthios validis argumentis probat: de hac ad *Timotheum* non ita. Nulla enim fere ratione præter hanc unam utitur. *Liquet*, inquit, ex verbis *Cap. 1: 3.* sicut hortatus sum te ut maneres *Ephesi*, quam ego in *Macedoniam* profisciscer, *Paulum* loqui de re nuper gesta. Aliquanto diligentius eandem rem *Lightfootus* egit. *Chron. Temp. ad Act. xx. p. 89.* *Macedonia* regiones pergrans scripsit Epistolam priorem ad *Timotheum*: prout e sequentibus constat. I. Constat ex *1 Tim. 1: 3. & 111: 15.* scriptam fuisse hanc epistolam, postquam *Paulus Epheso* digressus fuerat, *Macedoniam* petens, quumque in animo haberet brevi *Ephesum* redire. II. Verisimile non est scriptam fuisse, dum in *Macedoniam* iter caperet, scilicet quum recens a *Timotheo* discessisset. III. Neque existimare licet scriptam fuisse quum e *Macedonia* rediturus *Graciam* peteret: tunc enim in animo habuit *Ephesum* ire, neque tunc opus erat aut nuncio, aut epistola: porro subinnuit *cap. 111: 15.* tardius forte an ad ipsum venturam. Merito igitur concludimus scriptam fuisse hanc epistolam nunc temporis, dum in *Macedonia*, aut partibus vicinis ageret. Et eo quidem usque argumentis istis fidit, ut subjungat: de tempore & loco, ubi hæc epistola scripta fuit, conjecturas varias & vagas reperire est. Dicitur hoc mirum est, quum de hac re liquido constet ex ipsa epistola collata diligenter cum hisce temporibus, & *Pauli* itineribus hoc loco memoratis.

IV. Cæterum mihi oppido mirum videtur, non cogitavisse virum doctissimum, *Timotheum* una cum *Paulo* in *Macedonia* fuisse dum scribebatur posterior ad Corinthios: ejus etiam nomine scripta. *Paulus Apostolus Jesu Christi per Dei voluntatem, & Timotheus frater &c.* *2 Cor. 1: 1.* Fuisse etiam apud *Paulum Corinthi*, dum, non diu post, scribebatur illa ad Romanos, quos *Timothei* etiam nomine salutat. *Rom. xvi: 2.* Et sane *Paulum*, quum post tumultum *Ephesi* excitatum valediceret discipulis in *Macedoniam* iturus, non rogavisse *Timotheum* ut *Ephesi* maneret, ibique suum præstolaretur reditum, invictis rationibus *Cestriensis Episcopus Pearsonus* addixit. de succes. primor. Romæ Episc. Dissert. 1. Cap. ix. Num. v. Certe *Paulus paulo* ante tumultum *Timotheum* & *Erastum* in *Macedoniam* premiserat. *Act. xix: 22.* Dedit etiam tunc *Timotheo* in mandatis, ut peracto in *Macedonia* negotio perveniret ad *Corinthum* *1 Cor. iv: 17.* Præterea dum *Apostolus* remansit ad tempus in *Asia*, scripsit primam ad Corinthios epistolam, eo ipso tempore quo *Timotheus* erat adhuc in *Macedonia*, in qua eum *Corinthiis* commendat his verbis, si autem venerit *Timotheus*, videte ut sine timore sit apud vos, opus enim Domini operatur, sicut & ego. Et quoniam *Apostolus ipse*, mutato pro re nata consilio, non primo *Corinthum*, deinde in *Macedoniam*, sed primo in *Macedoniam*, dein *Corinthum* proficisci statuerat; in ipsa *Macedonia* *Timotheum*

*motheum Corintho venientem recepit. Neque diu post ex Macedonia scribit secundam ad Corinthios epistolam. 2 Cor. vii: 5. viii: 1. ix: 2. Simul cum Timotheo 2 Cor. i: 1. Dein ex Macedonia Timotheus secutus est Paulum in Achajam, eique in Achaja comes fuit; quum scripsit epistolam ad Romanos, Rom. xvi: 21. & Achajam simul cum Paulo reliquit. Nihil igitur certius, aut exploratius ea observatione esse potest, qua asserit in secunda professione in Macedoniam Paulum non rogasse Timotheum ut permaneret Ephesi. Et quum nec in reditu per Macedoniam Timotheum Ephesi permanere iusserit, suum quippe in toto isto itinere usque ad Hierosolymam comitem Act. xx: 4. concludit Doctissimus Præsul, eam professionem in Macedoniam, de qua hic agitur, & consequenter scriptionem hujus epistolæ, factam non esse, nisi post biennalem Pauli in Romanis vinculis custodiam. Ejusdem sententiæ Usserius est Annot. p. 686.*

V. *Επι-  
στοις.*

V. Mihi sic videtur: satis quidem constare, epistolam priorem ad Timotheum scriptam esse ex itinere Pauli in Macedoniam. Neque posse illud intelligi de primo itinere. Act. xvi: 10. tunc enim comitem habuit Timotheum, neque vel Paulus vel Timotheus Ephesi ante id tempus fuisse perhibentur. Neque de secundo aut tertio itinere, ob laudatas modo rationes. Non tamen idcirco æque constat, scriptionem epistolæ differendam esse ad solutionem Pauli e Romanis vinculis. Neque enim omnia Pauli itinera descripsit Lucas, sed notabilia quædam. Coccejus existimat, iter in quod nunc inquirimus commode referri posse ad biennium illud quo Apostolus dicitur prædicasse Ephesi Act. xix: 10. nempe ut inde ad paucas hebdomadas vel menses abierit in Macedoniam, & inde Ephesum reversus sit: quemadmodum in epistola promittitur Cap. i: 11: 14. iv: 13. Nam quam & alii comites Pauli & Timotheus ibi manerent, & ipse mox ad eos rediret, tantundem est, atque si toto tempore apud eos fuisset. Ingenue interim fatetur Vir optimus, incerta hæc esse, neque quidquam nobis restare præter conjecturas. Pronunciemus itaque, de tempore quo scripta est prior Pauli ad Timotheum epistola NON LIQUERE.

VI. Certe  
Corintho  
nunc data  
illæ ad Ro-  
manos.

VI. Ex Macedonia in Graciam, sive Achajam profectus Paulus, tres ibi menses exegit. Intra quos Corinthum venit, eleemosynas in Achaja collectas accepturus. Atque hinc tunc datam fuisse celebrem illam ad Romanos epistolam, dictatam a Paulo, scriptam manu Tertii, missam per Phœben Diaconissam Ecclesiæ Cenchreenfis, juxta Corinthum, omnes fere nunc consentiunt eruditi. Quod hisce argumentis post Origenem Ludovicus Cappelus probat. I. Quia subscriptio Epistolæ id habet: sed si nihil aliud esset, foret id leve; nam sæpe falsissimæ sunt Epistolarum subscriptiones. II. Ea commendatur Romanis Phæbe Diaconissa Ecclesiæ, quæ erat Cenchreis Corinthi portu, per quam & missa videtur Epistola, ut fert etiam subscriptio. III. In salutationibus quæ habentur Cap. xvi. eorum meminit, qui cum ipso iter illud Hierosoly-

mitanam

mutantem ingressi sunt, quique Act. xx. dicuntur Corintho cum Paulo esse profecti, puta Timothei & Sopatri, sive Sosipatri (Act. xx: 4.) Ubi observandum est, qui Rom. xvi: 21. Σωσίπατρις dicitur eundem esse cum eo, qui Act. xx: 4. Σώπατρις vocatur. Nam in edit. Gr. N. Testamenti Rob. Stephani typis regis majoribus, notatur in margine (Act. xx: 4.) in nonnullis codicibus legi Σωσίπατρις. Et sane sic eo loci legit Versio Arab. & Vulg. Vers. quæ est in edit. Græco-Lat. N. Testum. Erasmi. At Syr. translatio, & Vulg. Vers. Clementis VIII habent Σώπατρις. Præterea Gajus ille, quem (Rom. xvi: 23.) vocat ξένον suum, is omnino esse videtur, de quo 1 Cor. i: 14. qui alius est procul dubio a Gajo Derbeni, de quo Act. xx: 4. Erastus item quem Rom. xvi: 23. vocat οἰκονόμῳ τῆς πόλεως, is esse videtur, quem Paulus una cum Timotheo Epheso præmiserat in Macedoniam, & Achajam. Atque hæc sunt argumenta, quibus Origenes (Præf. in Epist. ad Rom. referente Baronio ad A. Chr. LVIII. sect. XLVI.) adductus est ut diceret scriptam esse Corinthi hanc epistolam. Quæ sane argumenta sunt validissima. Hæc L. Cappellus. Cui hætenus assentior, ut, quamvis vix singula seorsim, universa tamen junctim, id quod probandum erat haut infeliciter conficere existimem.

VII. Mirum fortasse videri queat, unde tanta tam repente Christianorum Romæ multitudo; quum Claudii edicto nuper Judæi omnes, quo nomine & Christianos comprehendi Aquilæ & Priscillæ exemplo liquet, Judæa pulsi fuerint. Sed sciendum est, edictum illud Claudii, fortean sub ignavo Principe ipso etiamnum vivente paulatim exolevisse; saltem ipsius morte vim suam prorsus, ut fieri solet, amisisse; novumque principem, damnata decessoris severitate, expulsis redeundi facultatem fecisse. Id quoque observandum, magnas Romæ fuisse illecebras, quibus omnes totius propemodum orbis nationes ad se pelliceret. Et Judæos peregrinationibus tunc assuetos, mercaturæ admodum deditos, ubique habitantes, Romanis commoditatibus ac deliciis pridem captos, non segnius rediisse, quam exiverant; neque sine adjunctione & comitatu novorum hospitem. Ad quam rem multum etiam conferre potuit late dedita clementiæ & benignitatis Neronianæ fama. Vulgatum enim omnium scriptorum elogiis, primum Neronis quinquennium est. Redeuntibus itaque Judæis, pariter Christiani Romam redire, ex quibus formata Ecclesia est cui epistolam hanc inscripsit Paulus.

VII. Unde repente Romæ tanta Judæorum & Christianorum multitudo!

VIII. Sed illud magis mirum, unde Romæ fuerit tam celebris, tam bene instituta, tam pulcre ordinata Ecclesia; ut fides ipsorum annunciata fuerit in toto mundo. Rom. i: 8. ut pleni fuerint bonitate, impleti omni cognitione, & qui potuerint etiam se mutuo admonere. xv: 14. ut habuerint ordinem Ecclesiasticum concinne constitutum, prophetas, doctores, rectores, diaconos. xii: 6, 7, 8. Quis tam insignem Romæ Ecclesiam primus fundavit? quis dissipatam recollegit? quis collectam tam pulcro regimine stabilivit?

VIII. Et quod mirabilius, tam bene instituta, tam pulcre ordinata Ecclesia!

IX. Petro id imputat Baronius, qui II. Claudii anno Romam venerit.

IX. Si hodiernam Romam roges, promte respondebit, PETRO cuncta deberi. Omnium loco audiat *Baronius ad Ann. Chr. XLIV. Num. XXV. Imprimis de Petro dicendum, quem anno secundo Claudii Imperatoris venisse Romam*, COMMUNIS OMNIUM SENTENTIA EST. Id enim *Eusebius in Chronico imprimis testatur, id ipsum sanctus Hieronymus, id denique ceteri omnes qui de ea re historiam scripserunt. Hæc enim habet Eusebius: Anno secundo Claudii Petrus Apostolus, quum primum Antiochenam fundasset Ecclesiam, Romam proficiscitur; ubi Evangelium prædicans viginti quinque annis ejusdem urbis Episcopus perseverat. Nec abludit Hieronymus: quo laudato, concludit Cardinalis: EADEM DE TEMPORE ET RELIQUI OMNES CONSCRIPSERE, UT NULLA DE HIS RELICTA SIT DUBITATIO, VEL PENES EOS CONTRADICTION.*

X. Sed invita veritate; quod fatentur Valeſius, Pagius,

X. Quæ quidem si vera essent, forent id nobis non invitis; sed falsitatis manifesta esse in tam liquida luce Theologi ac Chronologi nostri ex sacra Lucæ historia posuerunt, ut non difficilem ab æquioribus in ipsa Romana Ecclesia ejusce rei confessionem obtinuerint. Aquis & doctis accenseri jure suo meretur *Henricus Valeſius*, qui laudabili exemplo sectam hic suam relinquere maluit, quam veritatem. Is in *Annotationibus ad Euseb. Histor. Eccl. Lib. II. Cap. XVI.* hæc habet: *Eusebius quidam in Chronico, Petri in Urbem Romam adventum refert anno secundo Claudii Augusti; quam sententiam secutus est Baronius, & Petavius, aliique plures. Sed hæc sententia refelli videtur ex Actibus Apostolorum: ex quibus constat, Petrum in Judea ac Syria semper mansisse usque ad ultimum annum Agrippæ Regis. Qui quum Hierosolymis Petrum in vincula conjecisset, paullo post, Divina eum insequente justitia, extinctus est Casarea, ut refert Lucas. Quum igitur anno IV Claudii mortuus sit Agrippa, ut inter omnes convenit, Petrus ante hunc annum Romam proficisci non potuit. Ulterius procedit Pagius in Crit. Annal. Baron. ad Ann. Chr. LIV. p. 44. contendens non ante primum Neronis Petrum venisse Romam. Sic enim ille: S. Petrum Apostolorum principem, ante præsentem annum Romam non venisse, tertio Claudii Imperatoris anno, statuimus: ideoque primus ejus sedis Romana annus cum primo Neronis nobis est inchoandus. Qua in re sequitur Lactantius de Mortibus Persecutorum, Cap. II. Editionis Ultrajectinae p. 30. ita narrantem: cumque jam Nero imperaret Petrus Romam advenit, & editis quibusdam miraculis, quæ virtute ipsius Dei data ipsi ab eo potestate faciebat, convertit multos ad justitiam, Deoque templum fidele ac stabile collocavit.*

XI. & Baluzius, Viri Clarissimi.

XI. Non poenitebit Lectorem hic quoque invenire quæ Doctissimus pariter ac candidissimus, quatenus Romanæ ecclesiæ doctori licet & fas est, *Baluzius* ad hunc Lactantii locum annotavit. „ Ait Lactantius Apostolos, „ & in his Matthiam, & Paulum, qui post mortem Christi Domini reli, „ quis adjuncti fuerant, Evangelium per omnem terram prædicavisse per „ annos XXV usque ad principium Neroniani imperii, & Petrum Ro- „ mam profectum quum Nero illic imperaret. Et hanc quidem tum „ fuisse



„ fuisse communem de Petri ad urbem Romam professione opinionem, ta-  
 „ met si aliter post nonnullos Veteres senserit Eusebius, valde probabile est;  
 „ cum Lactantius nullam de ea re controversiam moveat. Fortassis ergo  
 „ ex his viginti quinque annis, qui ad prædicationem omnium Apostolo-  
 „ rum ex æquo pertinent, orta est opinio de viginti quinque annis, quos  
 „ quidam veteres, & innumerabile recentiorum agmen, Sancto Petro Apo-  
 „ stolo tribuunt in sede Romána. Sane licet frustra ac supervacaneæ a non-  
 „ nullis negari putem adventum ejus ad Urbem Romam, qui clarissimis  
 „ veterum testimoniis comprobatus est; de tempore tamen multum am-  
 „ bigo: cum videam tot tantasque difficultates habere eorum sententiam  
 „ qui illum Romam venisse volunt Claudio imperante, ut coacti sint du-  
 „ plicare professionem ejus in urbem, & duplex item ejus cum Simone  
 „ mago certamen comminisci, primo quidem temporibus Claudii, dein  
 „ principatu Neronis. Quæ res quam absurda sit, cum id a nullo Veterum  
 „ proditum sit memoriæ litterarum, pervident istarum rerum periti. Nam  
 „ quod a recentiore Auctore sine alicujus vetustioris auctoritate profertur,  
 „ contemnitur, ut monuit Illustrissimus Cardinalis Baronius. Itaque si  
 „ fas esset recedere a vulgari, & in animum hominum insita opinione, ei  
 „ Lactantianam lubenter præferrem: id est, Petrum quidem Romæ præ-  
 „ dicasse Evangelium facile concederem, non sub Tiberio Claudio, ut vul-  
 „ go putant, sed sub Nerone Claudio. „ Eadem fere habet *Pagius in Crit.*  
*Annal. Bav. ad ann. Christ. XLIII. p. 39. 40.*

XII. Sed neque hic subsistendum sibi esse putavit Illustris Scaliger, non XII. Non  
 veritus ad Joh. xviii: 31. sic commentari: *a Christi in celum receptu ad* docuit Pe-  
*IV annum Neronis certo certius est Petrum Romam non venisse.* Neque ego du- trus Ro-  
 bitem, intrepide asseverare, ante hanc Pauli ad Romanos epistolam, nun- scriptam  
 quam Petrum Romæ docuisse. Non potuisset enim inditum Paulo mansit Pauli Epi-  
 se, si quidem verum foret. Tota epistola eo comparata est, ut in Orthodo- stolam.  
 xæ fidei, cujus typus non solum ipsis traditus, sed & cujus typo ipsi tra-  
 diti erant, professione constanter perseverarent. Plurimum autem ponde-  
 ris hortationi isti conciliaffet auctoritas illius quem primum tam pretiosæ  
 veritatis doctorem nacti erant. Præsertim si fuisset unus ex Apostolis Do-  
 mini. Maxime si fuisset Apostolorum princeps, cum quo suum in doctrina  
 consensum tam sollicitè apud Galatas, quamvis nullo speciali vinculo Pe-  
 tro obstrictos, contestatus est. Nonne idem apud Romanos fecisset, si,  
 quod supponitur, omnia sua debuissent Petro? Timotheo suo scripsit Pau-  
 lus 2 Tim. i: 14. *At tu maneto in iis qua didicisti, & que tibi concredita*  
*sunt, SCIENS A QUO DIDICERIS.* An non idem apud Romanos valuisset?  
 An potuisset omitti? An non fere debuisset Paulus dicere: manere in sana  
 ista sanctaque doctrina, quam audivistis ab initio, scientes a quo audiveri-  
 tis: non ex vulgari aliquo doctore, sed ex uno illorum qui ipsam Domi-  
 num

num quotidie audiverunt docentem, ex Apostolo, ex eo qui columnis in Apostolico ordine accensus est, ex ipso denique Petro. Paulum in sua ad dispersos Judæos epistola diserte laudavit Petrus, 2 Pet. 111: 15. *sicut & dilectus frater noster Paulus pro sibi data sapientia scripsit vobis.* Et Petrum non laudasset Paulus, ubi invitabat occasio, suadebat utilitas, ausim addere, urgebat fere necessitas? Quum igitur ne nomen quidem Petri in tota inveniat epistola, exinde infero, non modo Petrum eo tempore Romæ non fuisse, sed nec Romanæ Ecclesiæ esse fundatorem.

XIII. Qui-  
nam pro  
babiliter  
Romanæ  
Ecclesiæ  
fundatores  
fuerint.

XIII. At quibus tandem rei tam præclaræ tribuenda laus est? Uti sæpe magnarum rerum initia in obscuro latent; fateor me ignorare. Neque quenkum esse mortalium arbitror, qui, si a Petro discesserit, a quo discedendum esse modo probavimus, asseverate aliquid de primis Romanæ Ecclesiæ fundatoribus determinare ausit. Nil nisi probabiles conjecturæ restant; quas pro probabilibus haberi, sed conjecturis tamen, facile patior. Nimirum in frequenti illa nationum multitudine quæ Apostolos SS. Spiritus plenitudine imbutos lætissima Pentecostis die Hierosolymis concionantes audiverunt, fuere etiam ἐπιδηµῶντες Ῥωμαῖοι, *advena Romani*, ad tempus aliquod ibi habitantes. Act. 11: 10. Ex his credibile est sermone Petri aliquos ad fidem Jesu efficaciter esse vocatos. Qui postliminio in patriam reversi gratiam sibi factam maligno silentio non occuluerunt; sed domesticis, cognatis, amicis, vicinis, cæterisque civibus suis admiranda illa quæ Hierosolymis audiverant, viderant, experti erant, magno cum affectu, uti merebantur, prædicarunt. Quod tuto & cum successu potuerunt facere, æquo tunc Christianis Tiberio. Id aliquas Christianæ fidei scintillas injicere animis potuit, mox exarsuras in luculentam flammam. Accedit, quod occasione afflictionis ortæ ob Stephanum multi fidelium ex Judæa quaquaversum dispersi, in iis ad quas veniebat regionibus evangelizaverint D. Jesum. Act. x1: 19, 20. Fieri potest ut in eis quoque fuerint *Andronicus & Junias*, cognati Pauli, *qui ante ipsum fuerunt in Christo*, qui & Romæ fuerunt, & *insignes inter Apostolos*, non solum fidei, pietatis, zeli nomine Apostolis notissimi & charissimi, sed & ipsi suo modo Apostoli, atque Evangelicæ doctrinæ strenuissimi propagatores Rom. xvi: 7. Qui quando primum Romam appulerint, non constat. Hoc constat, quando ibi fuerunt, non fuisse otiosos, sed ad amplificandum Christi regnum omnem impendisse industriam. Præterea *Urbanum*, quem Paulus *adjutorem suum in Christo* vocat, uti & *Aquilam* cum *Priscilla*, & *Apellem*, *probatum in Christo*, cæterosque plures, quos salutat nominatim, credibile est Romanæ Ecclesiæ presbyteros fuisse; olim fortassis cum cæteris Judæis & Christianis Claudii edicto pulsos, at sub Nerone reduces, qui dispersam Ecclesiam recollegerunt, auxerunt, & in eum statum promoverunt, ut tam insignia Pauli elogia meruerit. Non semper felicitas Ecclesiarum a fundatorum

datorum prærogativis pendet. Qui plantat nihil est; & qui rigat, nihil: sed Deus, qui incrementum dat, omnia.

XIV. Ad historiam Pauli pertinet id quod de sua infatigabili diligentia in Evangelii prædicatione, nulla equidem jactantia, sed sola veritatis conscientia, ad Dei gloriam, narrat Rom. xv: 19. *se ab Hierosolyma, καὶ κύκλῳ. & circumjacentibus regionibus, ad Illyricum usque Evangelium Christi implevisse.* Illyricum regio est inter Italiam, Germaniam, Macedoniam & Thraciam; quæ & Illyris dicta, nunc *Sclavonia*. Habet ab uno latere mare Adriaticum, ab altero Danubium. Et, nisi fallit Zegeri calculus, distat ab Hierosolyma xxv. gradibus, milliariibus Germanicis plus minus 350, Brabanticis 500, Gallicis circiter 545. Quod magnum profecto terræ spatium est, præsertim si interjacentes regiones, in latitudine, quod oportet, sua considerentur. Nam κύκλῳ se prædicasse testatur Apostolus. Non est ut nos fatigemur inquirendo, quando hoc iter in Illyricum a Paulo institutum sit: qua de re supra etiam aliquid monui. *Sect. V. Num. XI.* Omnia Pauli itinera, quæ in hoc usque tempus fecit, simul mente complectenda sunt; ut justam ingentis illius tractus ideam formemus. Neque pigebit cuncta in compendium redacta una veluti obtutu contemplanda præbere. Initium prædicationis Paulinæ a *Damasco* est. Inde in *Arabiam* profectus, ibique triennium commoratus, *Damascum* rediit, mox *Hierosolymam* iturus. Hierosolyma *Cæsaream* profectus est, hinc *Tarsum* patriam suam: unde a *Barnaba Antiochiam* accitus est. Quocum iterum *Hierosolymam* tetendit, sublevandæ necessitati pauperum. Hierosolyma *Antiochiam* regressi, inde *Seleuciam* adiverunt, mox *Cyprum*, & *Pamphylia* civitates quasdam, & *Antiochiam Pisidiæ* ab illa Syriæ diversam, denique *Lycaoniam*; inde *Antiochiam* reversuri, unde fuerant commendati gratiæ Dei ad opus quod impleverant. Antiochia iterum *Hierosolymam* missi sunt, Apostolos & Presbyteros illius Ecclesiæ consulturi super necessitate circumcisionis cæterorumque rituum Mosaicorum: quo officio defuncti *Antiochiam* una cum decreto Apostolico redierunt. De hinc *Phrygiam*, *Galatiam*, *Mysiam* peragravit Paulus, donec *Troada* pervenit; unde cœlesti visione in *Macedoniam* accitus *Europam* intravit, & itinere facto per *Amphipolin* & *Apolloniam*, ad mare Illyricum sitam, uti ex Grotio nuper observavimus, *Philippos*, & *Thessalonicam* Macedoniæ urbes, venit. Inde *Ephesum*; quo visitatis *Galatiæ* & *Phrygiæ* ecclesiis non multo post rediit. Epheso per tumultum Demetrii pulsus in *Macedoniam* & *Graciam* ivit, ibi dum tres menses peragit, hanc ad Romanos epistolam scripsit. Nullibi autem venit, quin asportaverit secum Evangelium Christi. Cuncta hæc animo complectenda sunt, ut universum eum campum nobis repræsentemus, quem semente Evangelii consperxit Apostolus: cujus unus terminus Hierosolyma est, alter Illyricum; ad cujus confinia aliquoties accessit.

*Meletem. Leid.*

O

XV. Nunc

XVI. In-  
gens terræ  
tractus, ab  
Hierosoly-  
mis usque  
ad Illyri-  
cum, quem  
repetitis  
itineribus  
Paulus Ev-  
angelio  
implevit.

XV. Propter insidias Judæorum Paulus per Macedoniam remeare.

XV. Nunc ad historiæ nostræ contextum redeamus. Quum Paulus tribus in Græcia mensibus exactis recta in Syriam cogitaret, ut collectas compendiosissima via deferret Hierosolymam, insidias sibi structas esse intellexit, a malevolis Judæis; fortassis thesauro, quem secum portabat, inhiantibus; magis tamen innoxium, at exosum sibi, sanguinem sitientibus. Eas insidias ut effugeret consultum duxit flexo itinere per *Macedoniam* remeare, inde in *Asiam* proprie dictam transiturus. Comites itineris habuit Sopatrem, qui Rom, xvi: 11. Sosipater dicitur, Berœensem, Aristarchum & Secundum Thessalonicenses, Gajum Derbensensem, & Timotheum, cum Asianis Tychico & Trophimo; quos Philippis in Macedonia præmisit, expectaturos ipsum *Troade*. Quo cum Luca, & reliquis, post dies Azymorum Philippis solvens, intra quinque dies & ipse appulit, septiduum ibi moraturus.

XVI. Troade Eutychem, ex lapsu mortuum, vitæ restituit.

XVI. Magno sane Ecclesiæ istius bono, cui ædificandæ universam indubie hebdomada impendit; ita tamen ut *prima die hebdomadis*, quam cum Johanne Ecclesia Christiana *κυριακήν Dominicam* dicit, solennem habuerit conventum, *ad fractionem panis*, sive sacrum epulum intelligamus quod ad fraternæ charitatis confederationem in Veteri Ecclesia frequentatum *Agape* vocabatur: sive sacratissimam Domini cœnam, in perpetuam mortis suæ memoriam institutam, sive, quod malim, utrumque simul. Quorsum enim cogitatione nostra divellamus, quæ jungi a priscis, præsertim in tali qualis nunc erat rerum constitutione, solent? Paulo postridie discessuro, quis dubitat quin cunctorum animi ad omnia charitatis Christianæ officia exarserint? Hinc etiam factum, ut sermonem suum Paulus in multam noctem protraxerit, sine fatigatione loquens, sine tædio auditus. Nondum ad sacra sua Basilicas habebant Christiani; privatis contenti ædibus, modo capaces multitudinis essent. Hic igitur in *cenaculo*, vilissima ædium parte, hic & alibi Apostolis, ut peregrinis & fortunæ tenuis, tributa (modo non fallat *Heinsii* observatio) congregati fuere; eoque, quod mox esset, *multis lucernis illustrato*. Sic enim non decoro solum, sed & conventuum suorum integritati & sanctitati consulebant: ne qua species esset calumniæ ac maledicentiæ; quam tamen omni prudentia ista sua effugere non valuerunt. Accidit eo tempore res omni commemoratione dignissima. Adolescens quidam, *Eutyckus* nomine, dum solito diutius Pauli dissertatio protendebatur, profundo obrutus somno, eoque deturbatus, ex tertia contignatione prolapsus est deorsum, & *sublatu mortuus*. Sunt qui diabolo casum istum imputant, & juvenis intempestive dormientis perniciem, & Paulinæ orationis turbationem molienti. Id an verum sit nescio; hoc scio, providentiam Dei, cunctorum rerum moderatricem, ita hæc disposuisse, ut ad juvenis salutem, ad Paulini ministerii confirmationem, ad insignem piorum consolationem, & Evangelii incrementum cuncta cederent. Paulus enim

enim subito descendens prolapsus est in mortuum, uti Elias olim in filium viduæ Sareptanæ, & Elisæus in illum Sunamitidis 1 Reg. xvi: 21. 2 Reg. iv: 34. arteque complexus, dixit, *ne tumultuamini: anima enim ipseus in ipso est.* Non profecto quod mortuum fuisse neget, aut quod otiosis scholasticorum disputationibus, an anima, soluto informationis, ut vocant, vinculo, in mortuo corpore queat esse superstes, occasionem dare voluerit: sed simpliciter testatur, ad fidem suam & preces experiri jam se redeuntis vitæ indicia. Optime Beza: *Sic Paulus locutus est, vel in ipso editi miraculi momento, vel de re mox secutura certissimus. Sic Christus, & quidem dominus vitæ & mortis, quamvis de vere mortua puella, Non est, inquit, mortua, sed vivit. Mat. ix: 24.* Mox adduxerunt puerum viventem, cum in genti cunctorum solamine.

XVII. Paulus autem, quod reliquum noctis erat piis colloquiis omnibusque sincerissimæ charitatis officiis impenso, prima luce decessit. Pedibus (sic enim constituerat; fortassis ut post diutinos cum hominibus sermones in solitudine liberius Deo & secum loqueretur) *Assum*, urbem in Mysia, profecturus. Quo Lucas cum reliquis sociis navigio eum præverterat, ibi recipiendum. Hinc pervenerunt *Mitylenem*, civitatem littoralem Lesbi, quæ obvia est ad dextram navigantibus in Chium insulam, vel, ut alii, insulam cum ejusdem nominis civitate in Ægeo mari. Inde post unius diei navigationem e regione *Chii*, notissimæ insulæ inter Lesbion & Samon, sequente die *Samum* insulam e regione Cariae, appulerunt, & quum diversati essent apud *Trogyllium*, promontorium e regione Sami, postridie venerunt *Miletum*, urbem maritimam in continenti Ioniæ sitam. Festinabat autem Paulus, ut, si fieri posset, die Pentecostes esset Hierosolymis. Quamvis enim nulla amplius festorum religione teneretur, amavit tamen in solemnitatibus istis esse Hierosolymis, ob immensam quæ tunc undique confluebat non hominum modo sed & nationum multitudinem; quæ Evangelii compendio propagandi lætam spem faciebat. Ephesum igitur præternavigare volens, ne tempus in Asia terreret, missis Mileto nunciis, Presbyteros Ephesinæ ecclesiæ eo accersivit, quibus suam primum in prædicando ipsis Evangelio alacritatem, fidem, constantiam commemoravit, mox promptitudinem suam exposuit ad ea omnia animose subeunda quæ Hierosolymis sibi imminere Spiritus Sanctus oppidatim testificabatur: deinde gravissima oratione officii sui commonefecit, & cum proluxa suæ adversus eos pietatis protestatione Deo & sermoni gratiæ ipsius commendavit. Tum positis genibus precatus iiscum est; omnibus eam ob rem maxime dolentibus, quod dixisset (ita enim futurum tunc putabat) *ipso faciem ipsius post hac non esse conspecturos.* Act. xx: O mutuam sanctamque charitatem, quæ Christianismi non decus solum, sed & ipsa anima es, quid sine te inanis fidei jactatio, & prætenus veritatis zelus, & calidissimæ pro secta dispu-

XVII. Miletum Ephesinæ ecclesiæ Presbyteros affectuoso sermone allocuitur.

tationes, auctoribus suis proderunt? & si prophetiam habeas, & noveris mysteria omnia; & si linguis non hominum solum, sed & angelorum de iis loquaris; & si omnem fidem habeas, quæ vel ad montes loco movendos valeat, ne superbias miser: si charitatem non habeas, nihil es.

XVIII. Tyri discipulos invenit, & de independentibus sibi Hierosolymæ malis monetur.

XVIII. Sic DIVELLEBATUR Paulus a dilectissimis sibi Ephesinæ ecclesiæ Senioribus. Act. xx1: 1. Ipsa verò proficiscendi necessitate adactus, recto cursu cum comitibus *Comm* venit: quæ maris Mediterranei insula est prope Cretam, non modo Æsculapii cultu, & Junonis æde, sed & Hippocratis & Appellis natalibus celebrata. Sequenti die *Rhodom*, solis cultu & Colosso nobilem. Illinc *Patara*, Lyciæ metropolim, & portum. Hic navem naâti quæ trajeçtura in Phœniciam erat, ea conscensa provesti sunt, & *Cypro* ad sinistram relicta, navigarunt in *Syriam*, & appulerunt *Tyrum*, quæ civitas est maritima, metropolis Phœnices, quondam insula septingentis passibus divisa a continente mari præalto, sed vix credibili opere comportatis aggeribus per Alexandrum Magnum adjuncta continenti. Ibi navis onus suum erat expositura. Id occasionem Paulo, quantumvis festinanti, dedit, ut integrum septiduum moraretur. Leviozem autem moram fecit, quod discipulos inveniret, quibus non ipse solum cognitus erat, sed & eventura sibi Hierosolymis mala, patefacta ipsis per Spiritum Sanctum: quo auctore ea etiam Paulo prædicabant; quamvis de suo adderent illam ex mero pietatis affectu ebullientem hortationem, *ne ascenderet Hierosolymam*; ignari quippe specialis illius impulsus, quo Paulus, spiritu victus. Act. xx: 22. eo ferebatur. Hæc enim restrictione intelligenda esse puto Lucæ verba Act. xx1: 4. *Paulo dicebant per spiritum, ne ascenderet Hierosolymam*. Proficiscendum tamen Paulo erat. Itaque peractis illis diebus abiit, omnibus eum deducantibus cum uxoribus & liberis, ad extra urbem usque, ubi positus in litore genibus simul oraverunt. Et post mutuos complexus, Paulo navim conscendente, illi reversi sunt domum.

XIX. Ut & Casareæ per Agabum.

XIX. Tyro igitur delatus est Paulus *Ptolomaidem*, urbem Phœnices, quam Plinius testatur olim *Acen* dictam, id est, *Acco* Jud. 1: 31. ubi salutatis fratribus unum diem manserunt: postridie venerunt *Casaream*, Stratonis; & ingressi sunt domum *Philippi*, qui unus ex septem Diaconis fuerat, nunc autem insigni sibi promotione *κατὰ Βαβυλὸν* facta, 1 Tim. 111: 13. *evaserat Evangelista*, id est, ut breviter & acute *Grotius*, *presbyter προεδορυτής*, nulli certæ Ecclesiæ affixus. Huic quatuor filiæ erant, omnes ad eum usque diem virgines, & prophetico præditæ spiritu; quod domum, in primitiva ecclesia frequens, nulli sexui aut ætati adstrictum erat. His ex Judæa accessit *Agabus* propheta, pridem Paulo ex alia prædictione notissimus. Act. x1: 28. Qui, more prophetis sueto, accepta Pauli zona manus ac pedes sibi vinciens, vincula Hierosolymis ipsum manentia prædixit. Unde iterata piorum obsecratio est, ne pergeret Hierosolymam.

XX. Ve-

XX. Verum ipse destinationis certus, comiter quidem, ut par est, obtestationes illas admisit, sed de cætero animose respondit, *paratum se esse non solum vinciri, sed & mori Hierosolymis pro nomine Jesu.* Quo audito, fratres acquieverunt, Dei providentiæ res omnes committentes. *Hierosolymam* itaque perrexit: comitantibus eum ex Cæsarea discipulis, & adducentibus apud quem diversaretur *Mnaſonem* Cyprium, antiquum discipulum. A&. XXI: 16. tunc, uti credibile est, ad fidem Christi vocatum quando Paulus & Barnabas Evangelium Cypri prædicabant A&. XXI: 4. nunc autem ædes suas Hierosolymæ habentem. Non abs re est quod notaverit Lucas, ipsos apud Mnaſonem hunc fuisse diversaturos. Difficile enim fuit, in tanta undique ad festivitates annuas adventantium frequentia, commodum invenire hospitium. Tunc sane, si unquam, φιλοξενίας exercendæ occasio erat. Nam si non lege cautum, moribus certe valebat, ne quis incola Hierosolymitanus domum suam mercede locaret venientibus ad festa: gratis concedendam pio advenæ. Sic itaque sub Divinæ ductu Providentiæ Paulus Hierosolymam venit: magnum ipsi constantiæ ac zeli theatrum futurum.

## S E C T I O X.

De Pauli Vinculis in Judæa.

## B R E V I A R I U M.

- I. Paulus Jacobo & Presbyteris Hierosolymitanis exponit Dei gratiam suo ministerio gentibus factam.
- II. Falso traductus, quod defectionem a Mose docuisset.
- III. Ad cuius calumniæ refutationem a Presbyteris persuaderi se patitur ut in voti communionem veniat.
- IV. An recte sic suaſerint Presbyteri, recte auscultaverit Paulus.
- V. Exculpantur illi.
- VI. Et hic.
- VII. Paulus templi profanati mendacissime accusatus male mulctatur.
- VIII. A Claudio Lysia, tribuno, sævientium manibus bis ereptus.
- IX. Pauli cum Anania Pontifice disceptatio, multis pressa difficultatibus.
- X. Fieri facile potuit ut Paulus non nosset ejus temporis Pontificem.
- XI. Vel saltem nesciverit, se Pontificis jussu esse casum.
- XII. Dura Pauli oratio non ex animi impotentia, sed ex Spiritu Prophetico profecta fuit.
- XIII. Neque ullo pacto Apostolicis prærogativis quidquam derogat.
- XIV. Uti nec Apologia; qua culpam non fatetur, sed negat.
- XV. Senatus Judaicus compositus erat partim ex Phariseis, partim ex Sadducæis; quorum hi cæteris valde exosi.
- XVI. Quam ob rem se Phariseum esse proclamat, cui ob assertam mortuorum resurrectionem lis intendatur.
- XVII. An satis candide? Imo; sed & prædenter.
- XVIII. Dominus noctu Paulo apparens bono animo esse jubet, & Romæ de se testaturum esse pollicetur.
- XIX. Nefanda XL Judeorum contra Paulum conspiratio.
- XX. A Pauli nepote detecta, & a Tribuno elusa.
- XXI. Paulus apud Felicem accusatus.
- XXII.

*Caussam suam egregie perorat. XXIII. Drusilla historia. XXIV. Apud hanc quoque Paulus de religione ac virtute animose differit. XXV. Ab avaro Felice, nummorum spe, in vinculis biennium detentus; donec Felix successorem acciperet Portium Festum. XXVI. Quod quoto Neronis anno contigerit, aliter putat L. Cappellus. XXVII. Aliter Pearsonus. XXVIII. Paulus caussae apud Portium Festum dicta. XXIX. Caesarem appellat: iuste ac legitime. XXX. Interim & ab Agrippa ac Bernice magno cum animorum motu auditur.*

I. Paulus Jacobo & Presbyteris Hierosolymitanis exponit Dei gratiam suo ministerio gentibus factam.

**V**ix pedem Hierosolymam intulerat Apostolus, quin comiter, ut par est, a fratribus, una cum comitibus suis, exceptus sit. Postridie adventus sui invisit *Jacobum*, illum ex Apostolis qui columnis Ecclesiae cum Petro & Johanne accensus fuit Gal. 1:9. quique omnium postremus Hierosolymae mansisse, illiusque Ecclesiae curam singulari ratione in se suscepisse, videtur. Is, hujus rei in tempore certior factus, convocaverat omnes Ecclesiae Hierosolymitanae Presbyteros; ea ex Pauli ore audituros, eaque cum ipso consilia sociaturos, quae ad commune bonum rei Christianae quam maxime pertinerent. Paulus itaque eos Christiana pietate complexus, ordine singula exposuit, non tam quae ipse patraverat, quam quae ipsius ministerio Deus fecerat; cujus unius gloriae cuncta in solidum adscribi voluit. Praecipue ea narravit, quae in gentibus ad fidem Evangelii ac participationem bonorum foederis gratiae efficaciter vocandis, mirabilia ipsi acciderant. Tantum vero abest, ut vel gentibus eam salutem, vel Paulo eam Evangelii tam feliciter praedicati gratiam, inviderint fratres Hierosolymitani; ut omnes unanimi corde & ore glorificaverint Dominum, eique propter eam gratiae suae, tam late se extendentis, ubertatem gratias egerint gratissimas.

II. Falso traductus, quod defectionem a Mose docuisset.

II. Mansit tamen Judaeis istis fratribus suae potissimum nationis & avitorum rituum amor imis infixus medullis. Quem primo congressu aperuerunt. Vides, inquiebant Paulo, *vides frater, quot sint millia Judaeorum qui crediderunt* (adeo intra xxv annos auctum illud sinapi granum est) *qui omnes magno studio totius Mosaicae legis observanda tenentur*. Quumque illi primas in ecclesia Christiana partes, neque contemnendas prorsus sententiae suae rationes, habere videantur; tam prudentia quam charitas poscit, ut aliquid iis indulgeatur. Porro *de te audiverunt ex aliorum sermone*, (illorum credo Judaeorum qui Paulo tot molestias in Asia creaverant) *te defectionem a Mose docere omnes qui inter gentes sunt Judaeos, & dicere eos non debere circumcidere filios, neque secundum ritus ambulare*. In ea relatione, uti arbitror, aliquid veri erat, aliquid falsi. Quamvis eo potissimum tenderet Pauli praedicatio, fideles ex gentilibus Mosaicorum rituum iugo gravandos non esse; haut obscure interim indigitaverat, ne Judaeos quidem amplius iis teneri: quippe umbris quas corpori jam praesenti cedere decebat, & ejusmodi ceremoniis



moniis quæ ad justificationem consequendam nullius omnino efficaciarum aut utilitatis erant. Cæterum illud mera ac putida erat calumnia, quod idcirco defectionem a Mose doceret. Constanter enim professus est, Mosen esse fidelem Dei famulum in tota domo ipsius, etiam in testimonium eorum quæ postea erant dicenda. Heb. 11: 5. neque se quidquam unquam dixisse extra ea quæ prophetæ ac Moses futura prædixerunt. xxv1: 22. Duntaxat verum rituum Mosaicorum scopum, & genuinam Dei in iis olim populo Israëlitico præscribendis mentem indicaverat, eamque ex Mose & ipsa ritum istorum indole, prudenter, & ubi res ferebat, demonstraverat. Quod adeo non cedit in illorum dedecus, ut unicam quæ ex iis hauriri potest utilitatem, & Dei in eorum præscriptione sapientiam, manifestam faciat.

III. At dubitare nefas non est, an omnes illi fratres Hierosolymitani eo tempore accurate & distincte illa intellexerint. Ideoque Paulo dicunt: *Quid ergo est? oportet omnino convenire multitudinem*, universam quæ in hac urbe est ecclesiæ Christianæ plebem: fieri enim non poterit ut tuus adventus clam ipsos maneat. Ne displiceat igitur tibi consilium, quod nos, quibus status Ecclesiæ optime perspectus est, admodum tempestivum, ac prope modum necessarium est arbitramur. *Sunt nobis viri quatuor, qui voto se obstringerunt. His assumtis sanctificator cum eis, & adde ad eorum sumtus, ut radant capita, & norint omnes, nihil esse eorum quæ de te auditione exceperunt, sed te quoque ita incedere ut legem observes.* Difficile erit hæc recte intelligere, nisi ex Hebræorum Antiquitatibus aliquantulum clarentur. Vota quæ isthac ætate a Judæis concipiebantur non unius erant generis. Nonnumquam illi qui in itinere erant, qui in morbo cubabant, qui gravibus conficti erant afflictionibus, vota pro salute faciebant. Notabile est exemplum *Berenices*, *Josepho memoratum de bello Jud. Lib. 11. Cap. xv.* Ἐπεδήμει ἐν τοῖς ἱεροσολύμοις τότε, εὐχὴν ἐκτελῶσα τῷ Θεῷ. Τὰς γὰρ ἡ νόσω καταπονομένης, ἢ τισὶν ἄλλαις ἀνάγκαις, ἐβόη· εὐχέσθαι πρὸς τριάκοντα ἡμερῶν ἥς ἀποδώσειν μέλλοιεν θυσιάαι, ὅπως τε ἀφείξοιτο, καὶ ἐννήσασθαι τὰς κεφαλὰς. *Venerat Hierosolymam, ut vota Deo solveret. His enim qui morbo vel aliis necessitatibus implicantur mos est orare per triginta dies, antequam immolent hostias: abstinere quoque vino, & capillos radere.* Sed & vulgare erat *Nazireatus temporarii* votum; cujus ritus describuntur Num. xxv1. Utrius generis votum fuerit quatuor horum virorum, non exprimente sacra historia, tuto ignorare licet. Si tamen aliquis conjecturæ locus, inclino ad suspicandum votum *Nazireatus* fuisse; tum quia illud erat solemnius, validiusque observatæ legis Mosaicæ argumentum; tum etiam quia eo nos ducunt sequentia. Petunt enim a Paulo, ut velit *δανῆσαι ἐπ' αὐτοῖς, sumtus* vel pro illis, vel una cum illis facere. Hoc autem ex veteri Judæorum instituto est. Scribit enim *Maimonides Libro פ'למא, Tractatu נדרות, Cap.*

III. Ad cuius calumniæ refutationem a Presbyteris persuaderi se patitur ut in voti communionem veniat.

VIII: obtinuisse apud Judæos, ut, si quis dixisset, ידיו עלי לבנה נזיר id Græce diceretur, δωπανήσω ἐπὶ ναζαρίῳ, ἵνα ζυγῆσθαι τὴν κεφαλὴν, teneretur ille sumtus facere in victimas a Naziræo offerendas, peractis voti diebus: sive integros in se sumtus suscepisset, sive partem duntaxat, Naziræo ipso quod reliquum erat præstituro. Quæ præclare a *Petito* observata sunt *Variarum Lectionum Cap. ultimo*. Hujus nunc rei auctores Paulo sunt; ut isthac ratione ostenderet, se & votentibus favere, & voto. Paulus autem, qua erat facilitate, omnibus omnia fieri suetus, gnarusque cerimonias istas, quamvis mortuas, necdum tamen sepultas, nedum mortiferas esse, consilio paret, sanctificat se cum illis, ingreditur templum, denunciat se tantum pecuniæ destinasse in victimarum sumtus, offerendarum expletis diebus sanctificationis, quorum, ut ex com. 27. colligitur, septem duntaxat restabant.

IV. An re-  
ste sic sua-  
serint Pres-  
byteri: re-  
ste auscul-  
taverit Pau-  
lus.

IV. Ambigi fortasse posset, an non omnis iste apparatus hypocrisis & scenæ quam simplicitati & sinceritati Christianæ similior sit. Nam Seniores Hierosolymitani nimio gentis amore ad non probandam indulgentiam videntur fuisse prolapsi. Videntur etiam Paulum ad simulationem inducere. Nam neque de nihilo natus erat rumor quod Judæos a cerimoniis retraheret; nec ambulabat prorsus in observatione legis. Deinde ut ponamus Jacobum cum fratribus Hierosolymitanis Pauli sententiam & doctrinam de observatione rituum non prorsus habuisse perspectam; ipse tamen Paulus optime sibi conscius erat, se constanter docuisse, non solum fideles ex gentibus nulla eorum religione teneri, sed & Judæos ipsos Christum professos a pædagogica legis servitute in libertatem esse assertos. Cur igitur persuaderi sibi patitur, ut ea nunc agat, ex quibus cognoscere possint omnes, *nihil eorum verum esse*, quæ fama de ipso prædicaverat, quum aliqua saltem vera esse videantur? An pudet ipsum Hierosolymis profiteri, quæ in Asia & Græcia docuerat? Cur non solito candore suo usus est, ac sine circuitione declaravit, omnino hanc suam esse mentem, Judæos non teneri amplius circumcidere filios suos, circumcisionem nihil in Christo valere, nihil esse, sed fidem in Christum, & observantiam mandatorum Dei, esse omnia? Quæ profecto dogmata tanti ad omnem rem Christianam momenti sunt, ut nulla dissimulatione sint obscuranda. Imo & ex eventu patere videtur, infelicitè Paulo cessisse, quod novam & insolitam personam induens, minus constanter quam pro suo more libertatem a Christo partam asseruerit. Enim vero non sine specie hæc obijciuntur: & memini locutum esse viro docto & non pœnitendæ in republica litereria existimationis, cui tanti erant istæ difficultates, ut fere de totius sacræ historię, imo universæ religionis Christianæ divinitate dubitare se fateretur.

V. Excul-  
pantur illi.

V. Cæterum si quis penitus omnia introspeciat, occurrent, quæ tam seniores Hierosolymitanis, quam Paulo prorsus exculpando faciant. Primo

Primo quidem generatim est observandum, sincerum ac prudens hujus rei judicium ex circumstantiis pendere, quarum nonnullæ saltem uti nos hodie latent, ita omnes ipsis fuerunt perspectissimæ. Porro ingens multorum millium turba, legi Mosaicæ addictissima, & malevolorum calumniis seducta, sequiorem de Pauli ministerio suspensionem fovebat; quam evidenti ac fere palpabili argumento animis ipsorum eximi oportebat, ne crederetur Mosaicæ legis contemtor esse. Adde, quod Hierosolymæ multa habebant invitamenta ad servandas legis cerimonias; templum nimirum, totumque sacrificarum & sacrificiorum choragium, quæ quotidie ipsis ob oculos versabantur; ut major esset excusatio si tardius eas defererent. Deinde totum fere corpus Ecclesiæ Hierosolymitanæ constabat ex Judæis; ut minus periculum esset a scandalo gentium. Nam in aliis regionibus hæc discessionis causa erat, quod suo quisque mori addictus legem aliis imponere nitebatur. Porro non constat, Jacobum & seniores zelum illum immoderatum approbasse, eive favisse. Quamvis enim aperte non damnent, neque asperius de eo conquerantur, quia tamen se separant ab illorum affectu, tacite innuunt eum sibi non admodum placere. Etsi autem vitio non carebat zelus iste, curatio tamen, ut difficilis, tam subita, minus violenta, esse non potuit. Denique auctores Paulo non sunt quidquam faciendi, quod aut animi sui religioni, aut doctrinæ a se prædicatæ contrarium foret; sed solummodo, ut insigni aliquo exemplo dilueret calumnias malevolorum, quasi ipse Mosaicæ eas leges contemneret, & apostasiam a principe Prophetarum doceret. Nam uti nihil horum verum erat, ita & Pauli ipsius totiusque ecclesiæ intererat, ut isthac se suspicione exsolveret.

VI. Atque ita a senioribus ad ipsum Paulum oratio nostra delabitur. VI. Ethic. Cujus ingenuitas candidissima, & invicta constantia, tot tamque præclaris exemplis confirmata, ne hic quidem ipsum destituit. Cæterum uti columbinam simplicitatem ita & serpentinam prudentiam Christo magistro didicerat. Non omnia omni tempori ac loco æque convenientia esse norat: suam ut loquendi, ita & tacendi, esse oportunitatem: tribuendum aliquid consilio prudentum, etiam infirmitati fratrum, præsertim si numero plurimi sint: nihil quidem dissimulandum in præjudicium veritatis, sed expectandas quandoque oportunitates, quibus ea majore cum fructu doceri possit. Ita ergo se voluntaria subjectione rudibus & minus probe edoctis insinuare studuit, ut prodesset. Nam semel admissus commode ad moderandum istum zelum transisset. Magnam ergo laudem meretur ejus humanitas, quod non modo in gratiam imperitæ plebis comiter se demittit; sed & eorum infirmitati morem gerit, quibus indigne & contra rationem suspectus fuerat. Neque ex eventu de bonitate aut malitia actionum esse judicandum prudentiores omnes sciscunt. Ita enim concludendum foret, displicuisse Deo servorum suorum *παρρησίαν*, quam plerumque maximis

ximis afflictionibus redimere debuerunt. Atque hæc sunt quæ pro Jacobo & senioribus Hierosolymitanis, quæ pro Paulo etiam, dicenda habemus; magnam, fateor, partem ex gravissimis & sapientissimis *Calvini* commentariis desumpta.

VII. Paulus templi profanati mendacissime accusatus male mulctatur.

VII. Verum interim est, nihil Paulum sua ista humanitate atque indulgentia promovisse. Quum enim in templo illum conspexissent quidam ex pervicacibus Judæis Asiaticis, qui Hierosolymam ad festum adscenderant, magna vociferatione turbas concitaverunt: sive temere credito, sive conficto crimine, quod introducto in templum Trophimo, homine Ephesio & incircumciso, sacratissimum locum polluisset. Iterum historiæ huic ex hebræorum monumentis accendenda fax est. Templum Hierosolymitanum ab Herode ita constructum fuisse testatur *Josephus Antiq. Lib. xv: Cap. xiv: & de bello Jud. Lib. vi: Cap. vi.* ut duplici constaret quadrangulâ septo amplissimo, quorum alterum intra alterius ambitum, in medio, situm erat. In secundi, sive interioris septi medio collocatum fuit *קדש*, sive Templum stricte sic dictum, quo continetur locus ille qui dicitur Sanctus, & Sanctum Sanctorum. Utrumque septum, tam exterius, quam interius, undique latis & amplissimis cinctum erat porticibus, ad excipiendum populum. Inter utrumque septum spatium fuit sub dio, patente cælo, vacuum & apertum. In eo spatio lorica lapidea, sive humilis quidam paries, non nisi tres cubitos altus, quo septum interius ab exteriori separabatur. Ad exterius septum, non Judæi solum qui hant usque quaque mundi secundum legem erant admittebantur, sed & ipsis ibi gentilibus qui adorandi causa Hierosolymam veniebant suus erat locus. Verum lorica illa lapidea ab ingressu interioris septi gentiles omnes discludebantur. Quin & in lorica illa paribus intervallis dispositæ fuerunt columellæ quædam, *legem*, ut *Josephus* loquitur, *castimonia* præmonentes, aliæ Græcis, aliæ Latinis literis, in locum sanctum nefas esse alienigenis, sub pœna capitis irrumpere. Quum igitur Judæi isti Paulum cum suis quibusdam comitibus in interiori septo conspicerentur, scirentque Trophimum Ephesium nuper in ipsius comitatu fuisse; falso criminati sunt, quod hominem gentilem, contra omne jus & fas, violata templi sanctitate, in locum sacrum gentilibus interdictum, introduxisset. Tantum autem insanis clamoribus suis furiosi Judæi effecerunt, ut plebs effera Paulum templo extratū verberibus prope ad necem mulctaverit.

VIII. A Claudio Lysia, tribuno, convientium manibus bis ereptus.

VIII. Et interfecissent revera, nisi superveniente Tribuno Romano, Claudio Lysia, manibus ipsorum ereptus, & in castra ductus esset. Tribuno interim, quum Græce loquentem audivisset, interroganti, nunquid Ægyptius ille esset, qui nuper tantum barbarum dederat, & quatuor ficiariorum millia deduxerat in desertum, cujus historia videri potest apud *Josephum Antiq. Lib. xx: Cap. vi.* negat Paulus, asserens se Judæum religionem,

gione; civitate vero Tarsensem esse, urbis non obscuræ in Cilicia civem. Veniamque sibi petit alloquendi populum: qua impetrata, manumque silentio facto, Hebraica eos oratione compellat. Eaque totum vitæ suæ institutum, sed imprimis mirabilem sui ad Christianismum & Apostolatam vocationem, accurate exponit. Et quum in eo esset, ut hæc Christi ad se verba commemoraret: *Proficiscere, nam ego te longe ad gentes emittam*, non compescuerunt se diutius, insana vociferatione clamantes, tollendum e terra hominem istiusmodi: non enim convenire ut viveret. Clamantibus igitur Judæis, & projicientibus pallia, & pulverem jactantibus in aërem, tribunus Paulum in castra ductum flagris examinari jubet: a quo tamen supplicio, civem se Romanum esse declarans, liberatus est. Quumque vellet tribunus certo rescire cujus rei a Judæis accusaretur, solvit eum e vinculis, postera die primarios sacerdotes totumque ipsorum synedrium convenire jussit, ac deductum Paulum coram eis statuit. Act. xx i.

IX. Paulus, postquam sibi fandi facta esset copia, intentis in confessum oculis, omni bona conscientia ad eum usque diem Deo se servivisse protestatur. Ananias vero, Pontifex Maximus, non ferens istam in reo loquendi libertatem, imperavit adstantibus ut os ejus cæderent. Quam iniquitatem Paulus gravi oratione increpuit: *Futurum est*, ait, *ut percutiat te Deus, paries dealbate; tu sedes, ut judices me secundum legem, & legem transgrediens jubes me cedi? Valde sermo iste adstantibus displicuit: quorum unus, itane, inquit, Pontifici illi Dei maximo conviviaris? Cui sedata mente respondit Paulus, Nesciebam, fratres, Pontificem esse maximum: scriptum enim est, Principi populi tui non maledices. In ista Pauli sermocinatione multæ occurrunt magnæque difficultates, quæ interpretum ingenia mirum in modum exercuerunt. Primum enim qua ratione nescire potuit Paulus Pontificem Maximum, quum vix ulla in universa Hebræorum Republica persona existeret pluribus & insignioribus notata characteribus; præsertim in festivitatis solemnibus? Deinde, si vel nescivisset, quid hoc ad duræ orationis suæ apologiam facit? non enim certe nescire poterat, unum ex summis iudicibus, & consequenter ex Principibus populi esse, cui haut magis fas erat maledicere quam Pontifici Maximo. Denique dira illa in Ananiam oratio argumento esse videtur, destitutum eo tempore Paulum fuisse Divini spiritus assistentia, quæ & animum & sermonem regeret. Impotentis enim animi indicium est: quam impotentiam neque spiritus prophetiæ, neque patientia Evangelica Paulo inspiraverat. Quid quod & ipse sua excusatione crimen fatetur? Fieri autem nullo modo potest; ut idem spiritus primo diceret sermonem aliquem justo acerbior, & mox sermonis istius retractationem. Immo ne ipsa quidem excusatio bona esse videtur. Evangelium enim nemini permittit maledicere; sive is cui maledicetur in Magistratu sit, sive privatus aliquis ex plebe. Quibus difficultatibus quid respondendum sit, ordine videamus.*

IX. Pauli cum Anania Pontifice disceptatio, multis pressa difficultatibus.

X. Fieri facile potuit ut Paulus non nosset ejus temporis Pontificem.

X. Qui credunt Paulum non potuisse nescire Pontificem Maximum, illi nescire interpretantur non agnoscere; non habere pro Pontifice. Quod alii de officio, & munere Pontificio; alii de persona Ananiæ intelligunt. Priores volunt, Paulum nullum pontificem nunc agnoscere, præter Jesum Christum: quia manifestato nunc Christo Pontifice, omne sacerdotium, maxime quod se Christo opponebat, omni jure nullum esset; adeo ut quisquis pro Pontifice gesserit sese, parietis dealbati instar habeat, nomenque tantum inane. Posteriores satius arbitrantur Pauli orationem ad personam Ananiæ restringere, quem scilicet Paulus pro Pontifice non agnoscat. Vel quia revera Pontifex tunc non esset, sed in veri Pontificis, sive Josephi, sive Ismaëlis, partes se obtrusisset; nudo illi Pontificatus nomine relicto: vel quia sacerdotium, quod eo tempore venale erat, pecunia sibi comparaverat; didicerat vero Paulus a Gamaliele, judicem qui honoris consequendi causa pecunias dederit revera neque judicem esse, neque honorandum, sed Asini habendum loco, ut est in codice *Sanhedrim*: vel quod nihil in ipso Pontifice dignum comparuerit: saltem adversus Paulum se non pro Pontifice gesserit. Quæ quidam acute a Viris doctissimis observata esse quis neget? cæterum an cum Apostoli genio atque ingenio admodum convenient, non immerito dubitatur. Fateor me quoque ab ejusmodi commentationibus haut alienum olim fuisse: uti videre est ex *Miscellaneorum meorum Tom. 1. Lib. 1. Cap. xxii: Num. xxvii*. Sed uti dies diem docet, ita & me profecisse agnosco ex Doctissimi *Gatakeri Miscel. Sacr. Lib. 1. Cap. vi*. atque eas quidem interpretationes quæ simplicissimæ sunt reliquis nunc anteponendas arbitror. Cur autem incredibile nobis videatur Paulum simpliciter nescivisse, quod Ananias eo tempore Pontifex fuerit? quum & diu Hierosolymis abfuisset Apostolus, ipsumque inter alios multos confidentem conspiceretur, nullo admodum notabili indicio ab aliis distinctum: nam Pontificatus insignia non nisi in templo conspiciebantur. Accedit, quod iis temporibus Pontificia dignitas nunc a Præfectis Romanis, nunc a Regibus Judæis, modo huic, modo illi delata, eisdemque paullo post pro lubitu ademta fuerit, ut intra unius anni spatium tres quandoque Pontificatum gessisse ferantur. Atque huic quidem sententiæ calculus suum adjicit, quem modo laudavi, laudatissimus *Gatakerus*.

XI. Vel saltem nesciverit, se Pontificis jussu esse casum.

XI. Si tamen id minus placeat? en aliud quod æque simplex est, & *Riseto* nostro imprimis arrisit. In *Isagoge ad Script. Cap. xxi. Num. vii*. *Mibi*, inquit, *verisimilius est, audivisse quidem Paulum vocem emissam ab aliquo, ex his qui ad judicandum sederant, neque tamen scivisse a quonam illorum vox profecta esset. A Pontifice autem profectam non putavit, quum propter ejus auctoritatem, a qua indignam erat tam præcipitem offensionis significationem editum propter simulatam saltem sanctitatem, a qua tam iniqua vox non videbatur eruptura. Accedit; quod concilium hoc non fuerat coactum in loco consueti, ubi definitus*

definitus esset judicantium seu deliberantium ordo, pro cujusque dignitate & meritis; sed prope arcem, quo accersitum fuerat a Tribuno, & ubi Paulus erat. Quod indicat illud præcedentis Capituli, jussit sacerdotes convenire; pro quo Græce ἐλθεῖν, id est venire. Audivit ergo Paulus vocem in turba, & illi a quo emissa est denunciavit paratam esse a Domino penam. Eodem inclinare video Doctissimos Annotatores Anglos. Clericus pariter; Videtur tunc temporis Paulus alio convertisse oculos, ita ut non animadvertisset, quis jussisset ipsum cedi. Itaque supplendum hic ex superioribus, ὅς ἐπέταξε τύπτεσθαι αὐτὸν τὸ ῥόγμον, qui jusserat os ejus cedi. Nihil est simplicis, nodum in scirpo alii quarunt. Maneat ergo, vere & sincere Paulum dixisse, non novisse se sacerdotem Maximum; siue prorsus ignoraverit Ananiam eum esse, siue nesciverit eum cujus jussu percussus erat esse Pontificem. Atque hætenus respondit ei qui dicam impingebat violatæ dignitatis Pontificiæ.

XII. Sed quid hoc ad excusandam maledictionem? Enimvero nihil; XII. Dura siquidem verba Pauli eam maledictionem contineant, quæ lege & Evangelio interdicta est: quam neque in Pontificem, neque in judicem ullum, neque adeo in privatum qualemcunque fas est effari. At falluntur qui ita instituunt. Durus quidem Pauli sermo fuit: sed personæ suæ, ac rei præfenti conveniens. Optime Grotius: *utitur jure Prophetæ*. Nam I. Prophetarum est libere reprehendere, non viros tantum Principes, sed & Reges. 1 Reg. xviii: 18. 2 Reg. i: 13. Jes. i: 10, 23. Ezech. xxi: 25. II. Eorundem est indicare improbis Dei judicia. Jes. xxi: 17, 18. Jer. xxi: 18, 24. 28. Apostoli autem Prophetæ erant, & amplius. Merito itaque Paulus & hypocrisin hominis increpuit, & Dei judicia non quidem imprecatus est, sed denunciavit. *Τύπτει σε μέλλει*. Comprobavit Prophetiam eventus. Nam, observante Grotio, Ananiæ incertum mortuo, an amoto, non multo post hoc tempus suffectus est Ismaël Phabi. Non fuit ergo impotentia aut iracundia Pauli hujus sermonis origo, sed Spiritus Propheticus. Simile vid. Act. x: 9-11. Nihil hic contra institutum Evangelii, sed omnia ex auctoritate Apostolica. 2 Cor. x: 2-6. Nihil contra exemplum Christi, sed secundum illud Matth. xxiii: 27. Jussit quidem suis Christus, ut in sinistram maxillam percussi dextram quoque cederent. Mat. v: 39. sed non idcirco tale ab iis exegit silentium, quo improborum hominum audacia alatur: sed tantum voluit frenare animos ne illatam injuriam ferant impatientius. Parati potius alteram ferre, quam ulcisci priorem.

XIII. Unde consequitur, nullum hinc argumentum peti posse adversus Apostolorum in docendo ἀναμαρτησίαν. Si enim illatio illa procedat, verum erit, Paulum in tam illustri Apologia peccasse adversus prima Christianismi elementa, turpi iracundia abreptum ea fecisse quæ Evangelii ministerio, quæ Apostolo, quæ Christiano quovis indigna sunt, excusatione XIII. Neque ullo pacto Apostolicis prærogativis quidquam deusum rogat.

usum esse absurda atque inepta, si non & subdola : nam etiam si Pontificem esse ignoraret ; magistratum tamen esse ipse fatebatur : male , & contra Evangelium interpretatum esse Moſis mentem , quasi ita interdixisset magistratui maledicere , ut permiserit maledicere privato : consequenter passum esse ut κακοποιόν : denique prodidisse hisce omnibus causam Evangelii. Quorsum hæc tendunt ? Hoccine conciliari potest cum promissione Christi ? Math. x: 19. Luc. xii: 11. aut protestatione Pauli 1 Cor. iv: 12, 13. *convitiis affecti , bene precamur : si qui nos persequantur , sufferimus ; infamati precamur*. Tantane impotentia, atque imprudentia, consistere potest cum spiritu *δυνάμεως , καὶ ἀγάπης καὶ σωφρονισμῶ* ; quem sibi vindicat 1 Tim. 1: 7. Usque adeone Martyribus, & confessoribus e vulgo inferior nunc Paulus est ? Vide sodes quo non transversos agat homines improbæ disputationis æstus.

XIV. Uti nec Apologia ; quæ culpam non fatetur, sed negat.

XIV. At si nihil mali egit Paulus , quorsum ergo apologia ? Responsio facilis est. Non ea excusatione utitur Paulus, quæ crimen fatetur, uti præ-tendit cavillator ; sed quæ se exculpat. Protestatur enim se bene gnarum & memorem Divinæ legis, in hæc verba non prorupisse contra legem ; neque convitium dixisse lege vetitum. Quippe cujus sermo non sit iracunda imprecatio , sed justa increpatio , cum pœnæ denunciatione conjuncta, neque profectus ex animo malo, sed ex meliori & superiori principio. Atque ita apologia ista sapiens, prudens, sancta, neque indigna Spiritu Sancto est. Eaque observatione omnes cavillatoris sophisticationes cadunt. Hanc me defensionem Paulo adversus iniquos criminatores debuisse credidi.

XV. Senatus Judæus compositus erat partim ex Phariseis, partim ex Sadducæis ; quorum hi cæteris valde exosi.

XV. Qui non animum modo probe sedatum, sed & insignem prudentiam in orationis suæ persecutione ostendit. Compositus erat senatus ex Phariseis & Sadducæis ; quorum hi & Spirituum, tam Angelorum quam mentium humanarum, separatam a corpore existentiam, & corporum resurrectionem negant ; illi vero credunt & profitentur utrumque. Cui Lucæ observationi adstipulatur *Josephus Antiq. Lib. xvii: Cap. 11. Pharisei, inquit, animas credunt esse immortales, & sub terris earum judicia fieri : tum præmia cuique contingere ex virtutis aut malitiæ merito : & has perpetuis dam-nari carceribus, illis facilem esse ad vitam reditum. At Sadducæorum opinio cum corpore extinguit simul & animas*. Quæ sententia quum omnem prorsus religionem evertat, & spem atque expectationem Sanctissimorum Patriarcharum plane destruat ; mirum videri posset, quæ ratione tam profani homines, a veri nominis Israëlitis, non modo in eorundem sacrorum communione tolerati, sed & ad Magistratum admissi, imo in supremum populi senatum allekti fuerint. Equidem ante natum Zadocum, qui sectæ nomen fecit, fuerunt & alii in gente Judaica, quibus animorum immortalitatem & mortuorum resurrectionem inficiari collubitum est. Quod a Malachia

vate



vate iis exprobratur Cap. 111: 14. Narrant autem in *Talmude Babylonico*, Titulo *Berachot*, adversus hos homines formatum esse decretum in magno illo senatu cui Ezras præfuit. Nimirum stante Templo primo ad coronidem orationum dicere solebant, *Benedictus Dominus Deus Israël in seculum*. Quum vero irrumperent Hæretici; instituit Ezras & Confessus ejus ut diceretur, *מן העולם ועד העולם a seculo & in seculum*. Ad innuendum, duplex esse seculum, scilicet hoc & futurum: & ad extirpandum e corde opinionem eorum, qui mortuorum resurrectionem negant. Quæ si vera sunt, hæresin Sadducæorum, ante natos Sadducæos jam in concilio suo damnaverit Ezras. Seriorum temporum historiarum, quotiescunque de origine Sadducæismi agunt, toties fere exortas tunc hæreses esse conqueruntur, & Sadducæos infami stigmate *מנינים* id est *hereticorum* notant. Passim videas Zadocum, & Baithosum socium ejus, *ראשי מנינים* capita *hereticorum* dici. Ab illo tempore, scribit *Maimonides in Pirke Abbot*, *יצאו אליו הכתרים הארורות של מנינים* *egressa sunt secta illa maledicta Mineorum sive Hereticorum*. De quibus quid senserint, scitum Talmudicum docet in Titulo *Ros Hasschana*; *Epicuræi* (hoc quoque elogio, ob sententiarum convenientiam, Sadducæos notant) *& socii ipsorum descendunt in infernum, & puniuntur ibi in generationes generationum*. Adversus eosdem dirum illud carmen intonari solet: *Nomen improborum putrescat*. Solemnes etiam preces in Synedrio Jafnensi, cui Gamaliel Pauli nostri magister præfuit, contra eosdem conceptæ sunt. Quam orationis formulam vocant, *Imprecationem Mineorum, Sadducæorum, & Epicuræorum*: tametsi nonnulli Christianos eo convitio designatos esse contendunt. At repugnat *R. Judas Levita in Libro Coxi, part. 111: §. 65*. *הצדוקים והביקוסים אינם כי אם מנינים אפיקורוסים* *heretici Epicuræi non sunt nisi heretici Epicuræi, negantes seculum futurum, & sunt illi ipsi heretici contra quos idcirco in prece nostra oramus*. Certum quoque est, quamvis omnibus Israëlitis partem esse dictent in futuro seculo, communi tamen Doctorum decreto eos Israëlitarum eximi, qui mortuos in vitam revocandos esse negant. Ex quibus omnibus apparet, quantopere exosa cæteris Israëlitis Sadducæorum secta fuerit. Non tamen eo usque valuit Phariseorum auctoritas, ut magistratu eos excludere potuerint; quod & ipsi opibus pollerent, & magnatum multos haberent partibus suis faventes, *Josepho teste Antiq. Lib. XIII: Cap. XVIII*. Attamen si magistratum ipsos suscipere contingeret, ut plurimum Phariseorum decretis subscribere cogebantur: ni facerent, non ferendi a plebejorum multitudine. *Ibid. Lib. XVIII: Cap. 11*.

XVI. Quæ quum non ignoraret Paulus, oppido prudenter elata in confesso voce se Phariseum & Pharisei filium esse dixit, qui nunc de sperata mortuorum resurrectione in judicium vocetur. Nam in ea prædicationis

XVI.  
Quam ob  
rem se  
Phariseum  
ipsum

esse proclam-  
mat cui ob  
assertam  
mortuo-  
rum resur-  
rectionem  
lis intenta-  
tur.

XVII. An  
satis candi-  
de? Imo;  
sed & pru-  
denter.

ipsius summa consistebat, Act. xvi 1: 18. Quæ si nulla esset, omnem prædicationem suam omnemque Christianorum fidem, vanam esse, ne ipse quidem infitetur. 1 Cor. xv: 13, 14.

XVII. Verum profecto est in isthac agendi ratione qua Paulus utitur stratagemata aliquod latere. Neque enim causa ipsius in sola mortuorum resurrectione vertebatur. Alia erant quæ præcipuam ipsi constabant invdiam: nimirum quod Jesum, ab ipsis crucifixum, Messiam esse contendere, quod ceremoniis non admodum faveret, quod gentes ad communionem gratiæ admitteret. Nihil tamen in hoc stratagemate est, quod Apostolum Christi dedecet. Nam præterquam quod vera sint quæ dicit omnia, uti modo est ostensum, notandum est, sic exorsum fuisse Paulum, ut qui ingenue & sincere totam causam exponere cuperet, nec astute refugisse puram & integram confessionem, qualis a servis Christi edenda esset. Sed quid ageret? Obstructus erat aditus, non dabatur audientia, in ipso orationis exordio importunis alapis turbabatur. Sibi ipsi quidem optime conscius erat, nec difficile fuisset bonam causam æquis iudicibus approbare. Sed experiebatur eos qui pro iudicibus se gererebant cæco odio præcipientes ferri. Quum igitur sciret intestinis dissidiis laborare eos qui in se conspiraverant, extremo remedio usus est; ut scilicet hostes ipsos inter se committeret. Quod & ex animi sententia cessit. Tantum enim ista Pauli oratio valuit, ut scissis in partes patribus, Pharisei quidam doctores surrexerint, ac depugnaverint, nihil se mali in homine isthoc invenire: si autem Spiritus aliquis, per influxum Propheticum, aut Angelus, Divinæ voluntatis interpres, locutus ei fuerit; committendum non esse ut Deo repugnare videantur. Contradicientibus autem aliis, magna in senatu orta seditio est, mutuisque jurgiis ita excanduerunt togatorum seniorum animi, uti periculum esset, ne Paulus ab illis discerperetur. Quod veritus Tribunus, iussit militum manum descendere, eumque e medio ipsorum raptum in castra deducere.

XVIII. Do-  
minus no-  
ctu Paulo  
apparens  
bono ani-  
mo esse ju-  
bet, & Ro-  
mæ de se  
testaturum  
esse polli-  
cetur.

XVIII. Dominus interim afflicti servi sui non obliviscitur: sed sequente nocte, ubi animo in varia distracto cogitationes multiplicabantur, ubi ipsa fortasse terrebant insomnia, vel ardentibus precibus sanctisque meditationibus vigiliæ tedium fallebat, superveniens Jesus, bono animo esse iussit; non enim perituum ista hostium immanitate, sed *uti constanter de ipso attestatus erat Hierosolymis, ita oportere ut & Romæ testaretur*. Magna sine dubio res Paulo erat, tam illustri documento iterum experiri, adeo se curæ ac cordi esse Domino suo, cui unice placere nitebatur; & in quo uno omnem suam collocaverat fiduciam. Magna res erat, quod intelligeret, & actiones hætenus suas, & agendi quem servaverat modum, adeo probari supremo suo iudici; ut & similia alibi ab ipso fieri vellet, & quidem Romæ, amplissimo totius orbis terrarum theatro. Magna denique res erat,

erat, quod ad tam strenua generosæ militiæ exercitia se adservatum, sustentatum, roboratum iri, ex ipso Imperatoris sui ore certior redderetur, securus non defuturam eam gloriæ coronam, quæ tot tantisque certaminibus respondeat. Si folius naturæ ratiocinationibus, ex eo quod præsens est cuncta metiri solitis, locus detur; frigida & inanis consolatio ista censerî queat. Satis enim esse videtur semel perire, ac celeri morte defungi, quam longo temporis tractu in vinculis tabescere. Non enim liberationem ei promittit Dominus, ac ne lætum quidem in hac vita exitum. Tantum molestias, quibus plus satis urgetur, in diuturniores moras extrahit. Verum ita est ut dixi strenua in conspectu Imperatoris, incitantis, laudantis, victoriam ac coronam pollicentis, pugna majorem generoso militi voluptatem adfert, quam opimum, sed deses, otium.

XIX. Dum Dominus ita pro servo suo vigilat in bonum, hostes, so- XIX. Ne-  
mni impatientes, vigilânt in malum: quod orto die inter se communicant. fanda XL  
Prorsus ut illi quibus vae intentatur a Domino Mich. 11: 1. *Vacogitantibus iniquitatem, & dantibus operam malo in cubilibus suis; quod illucescente mane faciunt, quum est in potestate manus ipsorum.* Judæorum  
Nimirum quidam ex Judæis contra  
facta coitione devoverunt se, neque efuros, neque bibituros donec interemissent Paulum. Nimirum quidam ex Judæis  
facta coitione devoverunt se, neque efuros, neque bibituros donec interemissent Paulum. Non modo conspiracy-  
tionem hic habemus in tantum scelus, quantum est innocui, quid dico, innocui? imo & sanctissimi hominis  
parricidium; sed & conspiracy-  
tionem, juramento sancitam, ne quis a proposito desistat: cui & anathema ac diras addunt, omnia sibi mala sponte  
imprecantes, nisi quod animo conceperunt nefas effectum dent. In omni  
quidem jure jurando tacita subest execratio, si quis pejeret: sed quo magis se obstringerent hi scelerati, anathematis formulam conceperunt, ac capita sua diris devoverunt, quæ insolitum incuterent horrorem. Incredibile prorsus amoris in gentem suam exemplum Paulus edidit, quum in hæc verba scriberet. Rom. 1x: 1, 2, 3, 4. *Veritatem dico per Christum, non mentior, attestante mihi simul conscientia mea per Spiritum Sanctum: magnam mihi tristitiam esse, & sine intermissione cruciatum cordi meo: optarim ego ipse Anathema esse a Christo, pro fratribus meis, cognatis meis secundum carnem; qui sunt Israëlita.* At juxta fere incredibile est exemplum odii, quo iidem illi fratres, & cognati Pauli secundum carnem, illi Israëlita, tantopere ab ipso dilecti, in ipsum flagrant; ut non in vitam modo ipsius conspirent, sed & omni cibo potuque sibi interdican-  
tes, donec mala eum morte, & ipsorum quidem manibus inferenda, perire se cernerent. Tantum religio potuit suadere, si Paulum spectes, bonorum; si hostes ipsius, malorum. Et ne paucos fuisse suspiceris, plures quam quadraginta viri in hac conjuratione fuere: qui, consilio cum primariis Sacerdotibus ac Senioribus communicato, auctores iis fuerunt, ut a Tribuno Paulum ad confessum deduci peterent, veluti causam ipsius ex-  
Meletem. Leid. Q quiritius

quisitius percognituri: se interim paratos fore ad ipsum interimendum. Cui scelestæ ac nefandæ conspirationi dum subscribunt Sacerdotes, horribili documento produnt, se nec ullo Dei timore tangi, nec ulla humanitate esse præditos. Per eos certe non stetit, quo minus & sibi ipsis, & toti populo extremam accersiverint perniciem.

XX. A  
Pauli ne-  
pote dere-  
cta, & a  
Tribuno  
elusa.

XX. Sed aliter Divinæ visum Providentiæ est; cuncta ita moderanti ut consilium illud nefarium innotuerit filio sororis Pauli, & per eum ipsi Paulo. Adeo nullum est consilium, nulla prudentia contra Jehovam, vafriis populi sui hostibus non sine irrisione è cælo dicentem, *Inite consilium, & dissipabitur; proferte verbum, & non stabit.* Jes. vii: 10. Quis credidisset retendas esse per puerum insidias, quas tanta se vafritie excogitasse, & quarum se solos conscios esse, opinabantur conjurationis socii? Paulus quidem, vitæ non ita cupidus quin lubenter ad mortem properaret, si sic visum fuisset Domino; attamen ea se lege Christo servire gnarus, ut non minus illi vivat quam moriatur, patefactum sibi periculum non negligit, sed quæ clam Judæi moliebantur per nepotem suum Tribuno nunciari curat. Qui comiter exceptum adolescentem promte ac studiose audivit. Neque hoc sine Deo: qui solet mollire corda ferrea, feroces spiritus domare, & ad omnem humanitatem formare, quibus uti decrevit ad suorum defensionem. Tribunus igitur de veritate eorum quæ sibi ab adolescente nunciabantur persuasus, tertia hora noctis Paulum, militum satellitio septum, una cum literis præcipua causæ capita continentibus, ad *Felicem* Provinciæ præsidem misit. Felix iste, cujus prima hic est mentio, servili genere ortus, Claudii imperatoris, & matris ejus Antoniæ, libertus erat, & ab hac Antonii, ab illo Claudii prænomen acceperat. Frater erat *Pallantis*, quem apud patronum Claudium *flagrantissima gratia* tum fuisse, a *Tacito* notatum est *Annal.* xi. Fuit autem undecimus Judææ Procurator, qui cuncta malefacta impune sibi fore ratus, tanta fratris gratia ac potentia subnixo, *per omnem sevitiam ac libidinem jus regium servili ingenio in Judæa provincia exercuit*, ut & hæc *Taciti* verba mihi sumam ex *Histor.* v. Ad hunc Felicem Cæsaream deductus Paulus, ab eo jussus est in Herodis prætorio custodiri, audiendus quum adfuerint accusatores. Act. xxi: 11.

XXI. Pau-  
lus apud  
Felicem  
accusatus.

XXI. Qui non diu se desiderari passi sunt. Etenim quinque post diebus Hierosolyma descenderunt Cæsaream, Ananias Pontifex Maximus, suæ dignitatis prodigus, cum turba togatorum patrum, & Tertullo quodam oratore; ut auctoritati eloquentiam adderent. Ad judicem admissi, & citato Paulo, Tertullus accusationem orsus, ex artis suæ præscripto, Præsidis favorem ante omnia captat, profusis laudibus, & indigna adulatione. *Multa nos pace potiri per te, & ea quæ recte ac feliciter in hac gente providentia tua facta sunt, prorsus & ubique agnoscimus, præstantissime Felix, cum omni gratiarum actione.* Quod exordium uti paucula trahebat ex vero, ita putidis plerumque

plerumque mendaciis fœdum erat. Quamvis enim latrones aliquos pacem publicam infestantes coercuisset Felix, perquam tamen avare, crudeliter ac libidinoſe in tota provinciæ ſuæ adminiſtratione ſe geſſerat. Indolem porro ipſius manifeſtam fecit indigna nuper ac tragica cædes Jonathæ ſummi Pontificis, vel ſaltem alicujus *ἐκ τῶν ἀρχιερέων*, quem ſubornatis ſicariis crudeliter interemit: non aliam ob cauſam, quam quod ſe indomitæ ipſius tyrannidi libera oratione oppoſuiſſet. *Cujus facinoris*, ſic pergit *Joſephus Antiq. Lib. XX. Cap. VI.* quia nemo ultor extitit, invitati hac licentiâ ſicarii, per ſingula feſta ventitantes, & tela celantes, pari modo immixti turbis, alios confodiebant propter privatas inimicitias, alios conſucti pecunia, idque non modo in reliquis urbis partibus, ſed in ipſo etiam Templo. Nam & ibi interdum auſi ſunt cædes patrare; ac ſi nihil hoc modo pietatem læderent. Unde fas eſt credere, Deum tanta impietate offenſum, averſatum eſſe Hieroſolyma: temploque, ut non amplius puro domicilio, induxiſſe Romanos, flammis luſtralibus id purificaturos. Hæc ſcilicet erat præclara illa tranquillitas, qua Felicis providentia potiebantur. At perinde Tertullo erat quid diceret, modo faventem ſibi, contra Paulum, judicem efficeret; quem & brevitatis pollicitatione docilem reddere conatur. Mox in Paulum ſine modo ac menſura detonat, ut hominem peſtiferum, qui omnibus per orbem terrarum Judæis ſeditionem moveat, quique princeps ſit hæzeſis Nazæarum (ſic enim in Judæa dicebantur Chriſtiani, a Domino ac Magiſtro ſuo, Jeſu Nazareno) qui templum etiam tentaverit profanare: eamque ob rem prehenſus, & ſecundum Judæorum legem judicandus, violentia Tribuni Lyſia manibus ipſorum ereptus, & ad Felicem abductus ſit. Ubi & ipſi nunc, accuſatores quidem, ſed non niſi juſſi, compareant, rogantes, ut inſiſtione habita ipſe de re tota cognoscat. Æqua petitio; ſed ut iniquum auferrent. Sperabant enim Felicem talibus ampullis perſuaſum iri ut reum, ipſis a Tribuno extortum, ipſorum iterum libidini ſubjiceret.

XXII. Paulus quamvis tam immanes calumnias non ſine juſta indignatione audiret, nihil tamen præcipitanter agendum ratus, ſignum expectavit quo ſibi fandî copia a judice daretur. Innunte itaque Præſide, eo ſe alacriori animo deſenſionem ſui ſuſcipere præfatur, quod ei loquatur qui rerum Judaicarum ignarus eſſe non poterat, neque genium gentis non noviſſe; quippe cui a multis jam annis (quos Uſſerius decem putat, Pearſonus quinque cum dimidio, alii aliter) præfuerit. Porro ſeditionis crimen a ſe amolitur: quum non niſi duodecim dies ſint quod Hieroſolymam acceſſerit, non malo aliquo conſilio, ſed pietatis teſtandæ gratia, adoraturus in templo, ubi nemo ipſum comperit aut diſputantem cum aliquo, aut coitionem turbæ facientem, uti neque in urbe, neque in Synagogis. Quumque nihil eorum quæ objecerant præbare poſſent; merito pro falſis habenda eſſe contendit. Quod vero de hæzeſi Nazæarum criminati erant, ſine diſſimulatione ulla, non fatetur ſolum, ſed & gloriatur, ſe ſecundum viam illam, quam

XXII.  
Cauſam  
ſuam egre-  
gie pero-  
rat.

*hæresim isti vocabant, patrum Judeorum Deum, Deum scilicet Abrahami, Isaaci & Jacobi, colere, omnibus credentem quæ in Lege & Prophetis scripta sunt, adeo ut nihil ab Israëliticæ Ecclesiæ consensu diversum habeat. Quæcum communem ex scripturis spem conceperit, fore resurrectionem mortuorum, tum justorum, tum injustorum. Eam vero spem tantam in animo suo vim habuisse testatur, ut propterea exercuerit se ad inoffensam semper conscientiam coram Deo & hominibus servandam. Criminationem denique de Templi religione violata, ex eo refellit, quod post multorum absentiam annorum eleemosynas ad pauperum Hierosolymitanorum solatium apportans venerit; tantum abest ut nocere, ut etiam prodesse illis voluerit. Addit, tantum abfuisse, ut quidquam in Dei, Legis, aut Templi contemptum fecerit, ut etiam victimas obtulerit, & in legitimi voti communionem se sanctificaverit, idque agens in Templo ab iis deprehensus, & tam insana ferocia pessime habitus sit. Quasi diceret: si beneficia in populum conferre est pestilentem esse, si juxta legem purificari, oblationes offerre, & tranquille in templo agere, est templum profanare, aut seditionis auctorem esse; jam plane vera esse fateor quæ ab illis mihi sunt impacta. Si vero illi templum profanant, qui ejusmodi pietatis officia inturbant; sane Judæi reversa ii sunt, quem me credi postulant. Quia vero Judæi quidam ex Asia totius incendii hujus flabella fuerant, hos abesse queritur; causæ nimirum suæ diffisos, & convictos flagitii. Tandem quasi collecta fiducia, præsentis adversarios provocat, ut libere proferant, si quid probare se posse sperent quod inique ab ipso in eorum confesso actum sit. Quum constet, non alia de causâ tantum se molestiæ subire, nisi quod resurrectionem mortuorum se sperare aperte professus fuerit. Quibus utrinque auditis, Felix ampliandum censuit, & exquisitiorem causæ cognitionem ad adventum Lyfiæ Tribuni distulit. Paulum vero laxiori & liberiori custodia servari jussit.*

XXIII.  
Drusillæ  
historia.

XXIII, Interjectis aliquot diebus Paulum ad se & uxorem suam *Drusillam*, ejus audiendi cupidam, accersiri jussit. Felicem *trium Reginarum maritum* fuisse testatur *Suetonius, Claudii Cap. xxviii*. Quod nonnulli ad stuprum, alii, & rectius, ad matrimonium referunt; & per Reginas indigitari monent foeminas regio sanguine prognatas, Regum filias aut neptes. Istarum una prorsus ignoratur. Duas autem *Drusillas* habuit: quarum prior fuit *Drusilla*, Antonii & Cleopatæ neptis, Cleopatæ junioris, cognomento *Selenæ*, & *Jubæ*, Mauritaniae Regis, filia. De hac *Tacitus Histor. v. Antonius Felix Drusillam Cleopatæ & Antonii neptem in matrimonium accepit: ut ejusdem Antonii Felix progener, Claudius nepos esset*. Altera filia fuit *Herodis illius Agrippæ*, cujus tragicam mortem habemus *Act. xii*. Soror junioris *Agrippæ*, de quo mox. Cujus *Drusillæ* matrimonia exponit *Josephus Antiq. Lib. xx. Cap. v. Has donationes quum a Casare accepisset Agrippa, collocavit Azizo Emessenorum Regi, περιτέμνειν τὰς δαλίσαντις circumcisionem*

*cumcisionem suscipere volenti, sororem Drusillam. Epiphanes enim Antiochi Regis filius recusavit ejus nuptias, quod mutata sententia Judæorum religionem amplecti nolle, ut erat pollicitus puella parentibus. Drusilla autem non multo post dimissa est ab Azizo ex causa hujusmodi; Felix quum esset Judææ procurator, visa hac feminarum omnium pulcherrima, amore ejus captus, Simonem amicum suum, Judæum genere Cyprium, pro mago se gerentem, ad eam misit, qui mulierem sollicitaret ut relicto priore marito ipsi nuberet, Beatam fore pollicens si non fastidiret hominem. Illa male consultata volens evadere molestationes sororis Bernices, invidentis sibi formæ præcellentiam, consensit calcata religione patria Felici nubere.*

XXIV. Hæc est illa nostræ nunc considerationis Drusilla; quæ quamvis profano se coinquinasset conjugio, conjicere tamen ex hoc loco licet, non prorsus ex animo ipsius deletum fuisse quem ab infantia imbiberat religionis sensum. Lucas enim Drusillam nominans, satis innuit in illius gratiam vocatum fuisse Paulum, quem Felix fortasse colloquio cæteroqui suo dignatus non fuisset. Venit itaque Paulus, ac prædicavit fidem quæ in Christum est. Quum ad tribunal reus staret, objecta sibi crimina diluenda habuit; de religione Christiana ut prolixam institueret dissertationem, neque temporis illius, neque loci erat. Nunc vero ubi apertam sibi dicendi januam cernit, neque Præsidis offensionem formidat, nec discrimine ullo terretur, quo minus omnem Evangelii veritatem intrepide exponat. Itaque videmus hic tam infractæ constantiæ quam solertis prudentiæ exemplum in Paulo specimen: nec unquam Evangelii lucem ab eo fuisse consulto suppressam, sed judicio habitum fuisse temporis delectum. Ita porro de fidei Christianæ articulis disputavit, ut eos omnes ad virtutis studium comparatos esse doceret: nominatim de *justitia & continentia* differuit, quod apud homines, quales Felix & Drusilla erant, contrariis vitiis immergi, perquam judicabat esse necessarium, mentionem etiam *futuri judicii* injicit, ut securas mentes Divinæ severitatis metu percellat. In omnibus vero eam ostendit dicendi libertatem, eam docendi auctoritatem, eam persuadendi vim, ut tremefactus Felix ad id tempus abire ipsum jussit, opportuniore occasione iterum audiendum. Mirum enim vero spectaculum! Ex vinculis Paulus differit de judicio Dei. Is vero a cujus arbitrio vita & mors ejus pendebat, totos exhorrescit; nec aliud invenit solatium; quam si eum a conspectu suo submoveat.

XXV. Post illa Felix Paulum crebrius ad colloquia accersivit: non ut boni aliquid ex ipso disceret; sed nummos, si pote, eliceret. Quamvis enim de innocentia Pauli animo suo persuasissimus esset, homo tamen avarus & corruptelis deditus gratis infontem absolvere noluit. Non nesciebat sane, parum a captivo suo expectandum esse, homine egeno, & destituto; nec modica præda contentus esse potuit inexplibilis gurgis. Sed audiverat de collectis a Paulo Hierosolymam delatis, credebatque non defuturos ei

XXIV.  
Apud hanc quoque Paulus de religione ac virtute animose differit.

XXV. Ab avaro Felice, nummorum spe, in vinculis benium detentus; donec Felix

successio-  
rem acci-  
peret Por-  
tium Fe-  
stum.

amicos, ad eum redimendum sumtus libenter facturos. Verum quum ab eo nundinationis genere Paulus abhorreret, & fratribus parceret, factum est ut integrum biennium in captivitate manserit, donec Felix successorem acciperet *Portium Festum*. Cui Paulum judicandum reliquit, ut Judæis gratificaretur. Sed frustra fuit. Vix enim a Procuratore fuerat dimotus, quin Primores Judæorum Cæsaream incolentium Romam ad eum accu-  
sandum profecti sint; dedissetque omnino poenas injuriarum quibus Ju-  
dæos affecerat, nisi Nero eum donasset *Pallantis fratris precibus, qui tum in pre-  
tiorum erat apud Principem.* referente *Josepho Antiq. Lib. xx. Cap. vii.*

XXVI.  
Quod quo-  
to Neronis  
anno con-  
tigit, ali-  
ter putat  
L. Cappel-  
lus.

XXVI. Quo Neronis anno ista contigerint, nulli Veterum tradiderunt; quia tamen ea res ad Pauli historiam suis temporibus rite dimetiendam non parum facit, recentiores Chronologi conjectando annum illum assequi nituntur; singuli illud imprimis accurantes, nequid hic inveniatur quod hypothesebus suis obsit. *Ludovicus Cappellus* conjectat, Festum Felici successorem missum esse sub finem anni secundi Neronis; hac inductus ratione, quod Pallantis precibus, multum eo tempore apud Principem valentis, supplicio ereptus sit. Jam vero ex Tacito certum est, Pallantem, Agrippinæ Neronis matri charissimum, a Nerone primò imperii sui anno rerum cura fuisse demotum, eodemque anno Majestatis fuisse postulatam, sed absolutum, quod falsa esset illa criminatio. Nunquam postilla in Neronis gratiam rediisse videtur. Saltem ea non potuit esse diuturna. Nam anno quinto Nero matrem suam interfecit: octavo Pallantem veneno sustulit. Sublata matre Neronis, cujus auctoritate Pallas aliquid potuit, gratia omni plane eum excidisse existimandum est: Nerone jam pridem opibus ejus invidente atque inhiante, omnibusque ejus superbia offensis. Unde colligit Cappellus, ab omni verisimilitudine procul abesse eorum sententiam, qui anno demum quinto Neronis, post interfectam matrem, Festum Felici successisse volunt: quum jam antea imminuta esset Pallantis apud Neronem auctoritas.

XXVII.  
Aliter Pe-  
arsonus.

XXVII. Sed longe aliter rationes istas putat *Pearsonus*, qui ad sextum Neronis refert: quoniam Nero non nisi diu post initium imperii sui Pallantem in pretio habere cepit. Quod ita conficit: Nam ipso statim initio imperii Neronis tædium sui moverat Pallas. *Tacitus Annal. xiii. Cap. ii.* Secundo imperii anno ineunte a cura rerum demotus est. *ib. Cap. xiv.* Tertio ineunte læsæ majestatis reus fit, & quum absolutus esset, innocentia ejus grata non erat. Quarto imperii anno Nero Poppææ amore capitur, Agrippina contemnitur, tanquam ad libita Pallantis provoluta. Quinto Agrippina ipsa occiditur: & sic odii Pallantis apud Neronem, postquam est potentia exutus, unica causa sublata est. Post Agrippinæ cædem nulla Pallantis apud Neronem offensio memoratur. Nono tandem imperii anno veneno tollitur, nullius criminis reus, nullius novæ apud Neronem offensionis:



tionis: sed ex arbitrio Trigelini, & tantummodo quod immensam pecuniam longa senectia detineret. Tacitus Annal. Lib. XIV. Cap. LXV. Quid ni igitur, sic infert Reverendissimus Præsul, sexto Neronis anno exeunte, tanta Pallas apud eum gratia floreret, ut fratrem suum, quem Nero ipse Procuratorem fecerat, a paucis Judæis accusatum, liberaret? Eodem fere Spanhemii rationes recidunt; a quibus me non abhorrire pridem professus sum.

XXVIII. Portius Festus, Felicis Successor, ut pedem in Provinciam intulit, Cæsarea Hierosolymam adscendit; ubi mox coram eo apparuerunt Pontifex Maximus & primarii ex Judæis, accusationi in Paulum coeptæ insistentes, atque hanc, non tam justitiam adversus eum, quam gratiam sibi fieri obsecrantes, ut Paulum Hierosolymam arcessi juberet: eo animo ut insidiis factis in via ipsum interimerent; clandestina sicariorum usuri opera, quo defugere auctoritatem possent. Respondit autem Festus, Paulum Cæsareæ bene asservari, ibi non minus quam Hierosolymis accusari & a se judicari posse, se brevi eo esse profecturum, & quibus ex Judæorum proceribus commodum erat, licere ut una secum descendant, accusationes contra eum hominem, si quas habeant, intentaturi. Fortassis a Felice de infesto Judæorum in Paulum animo certior jam factus, dolum aliquem petitioni isti subesse suspicabatur; cautius itaque in negotio hoc procedendum ratus. Certe post dies non plures octo aut decem (variant enim Græca exemplaria) Cæsaream profectus, postero die in tribunali sedens (nam quæ de plano, ob rei momentum, fieri non poterant, pro tribunali agebantur) Paulum ad se duci jussit. Nec defuerunt accusatores ex Hierosolymis, multis ac gravibus criminationibus Paulum prementes; sed ad quas probandas idoneis destituebantur argumentis. Paulus autem innocentiae sibi suæ conficius, quidquam a se vel in Judæorum legem, vel in Templum, vel in Cæsaris auctoritatem, quæ tria accusationis capita fuerant, peccatum esse, strenue negabat, ac futilitatem accusatorum valide arguebat. At Festus gratiam a Judæis inire cupiens, nec quicquam tamen contra Romani Juris severitatem ausus, rogavit Paulum, num & ipse cuperet Hierosolymæ a popularibus suis judicari? Quod prudenter sane multasque ob causas Paulus abnuitt: & judices illos, & urbem, & iter ipsum reformidans. Protestatus se ad Cæsaris tribunal stare; ita enim, & recte quidem, vocat illud quod Procurator habebat nomine & mandato Cæsaris. Ibi se oportere judicari, quoniam Præsidis Romani erat, cognoscere de cive Romano. Præsertim, quum Judæos nulla affecisset injuria. Quod tam erat in liquido, ut latere Præsidi non posset. Addit, non deprecari se poenam, si culpa tentatur; imo ne mortem quidem, si eam meruerit. Si vero omnis criminis purus sit, uti se esse protestabatur, contra jus & fas esse, ut juratis hostibus suis donaretur. Denique, se appellare Cæsarem.

XXVIII.  
Paulus  
caussa  
apud Por-  
tium Fe-  
stum dicta.

XXIX. Cæ-  
sarem ap-  
pellat: ju-  
sto ac legi-  
time.

XXIX. Licuit id ipsi, ut *civi Romano*, in tali casu. Nam (ut consulse Grotius) ante sententiam appellari potest, si quæstionem in civili negotio habendam judex interlocutus sit: vel in criminali contra leges faciat. Erat autem contra leges Romanas civem Romanum Provincialibus hominibus judicandum tradere, id nolentem. Unde *Plinius*, in epistola de Christianis: *Erant & alii similis amentia, quos, quia cives Romani erant, annotavi in Urbem remittendos*. Licuit etiam, ut *Christiano*. Non enim Deus, qui ad suum potissimum tribunal respicere Christianos jubet, iisdem humani ac civilis judicii subsidio uti prohibet: quo minus, ubi res poscit, a legibus atque ordine Politico opem petant. Neque exemplo hoc suo evertere censendus est doctrinam quam Corinthiis tradidit Epist. I. Cap. VI: I. Non enim absolute in iis damnavit, quod auxilium Magistratus pro juris sui defensione implorarent: sed quod in iis rebus quæ ad vitæ hujus usum pertinent nihil possent ferre damni, & quod crebro, temere, & cupide nimis litigantes Evangelium multis probris exponerent. Licuit denique, ut *Apostolo*. Nam ex ipsius Domini ore intellexerat, non minus sibi Romæ de Christo testificandum esse, quam testificatus fuerat Hierosolymis. Act. XXI: II. Ei itaque officio ut semet ipsum reservaret, consilio Dei interveniens, omnem sibi honestam rationem tentandam esse existimat, ut crudelibus Judæorum manibus ereptus Romam veniat, & occasionem coram ipso Cæsare dicendi nanciscatur: cætera committens Deo. Nequaquam committendum sibi Festus credit, ut appellationi isti intercederet, sed paucula pro more cum Concilio collocutus, respondit, *Cæsarem appellasti, ad Cæsarem proficisceris*.

XXX. In-  
terim & ab  
Agrippa ac  
Bernice  
magno  
cum ani-  
morum  
motu audi-  
tur.

XXX. Interim dum expectatur oportunitas Paulum mittendi Romam, usu venit ut *Agrippa Rex & Bernice* Cæsaream appellerent, salutaturi Festum. Erat hic Agrippa abnepos Herodis Magni, sub quo natus est Christus; nepos Aristobuli, a patre necati; filius Herodis Agrippæ de quo Act. XXI: a Josepho dictus Agrippa Junior. Magna hic fuit apud Claudium Imperatorem gratia, a quo Herodis Chalcidis Regis, patrui sui, regnum accepit: quo deinceps ei ablato, ab eodem Claudio donatus est Tetrarchia Philippi eum Batanæa, Tachonitide & Abilena, quæ prius fuerat Lysaniæ Luc. III: I. Postmodum Nero ipsi dedit partem Galilææ, cum Tiberiade, Tarichæa & Juliade trans Jordanem, cum pagis XIV. Fuit hic Agrippa Regum Herodiadarum ultimus, qui capta vastataque Hierosolyma Romam concessit: ubi Prætoriis honoribus auctum scribit *Dio*. Certe cum Berenice sore re habitavit in Palatio. Eadem illa quacum nunc Cæsaream venit: prostituti pudoris fœmina. Quæ primum Herodi Regi Chalcidis, patruo suo, nupta, viduitatem ipso mortuo aliquamdiu coluit, sed parum honestam ac pudicam. Suspecta enim erat nimia ipsius cum Agrippa fratre familiaritas. Quod incestus probrum ut extingueret, Polemoni Ciliciæ Regi

Regi nupsit : rursus tamen, lubricini magis indulgens quam pudori, divortium cum eo fecit, & ad fratrem rediit : aucto hinc nefariæ conversationis rumore. *Joseph. Antiq. Lib. xx. Cap. v. Quam & Juvenalis taxavit Satyra vi.*

*Adamas notissimus & Beronices*

*In digito factus pretiosior ; hunc dedit olim*

*Barbarus incesta, dedit hunc Agrippa sorori.*

*Tacitus de eadem Histor. II. Nec minore animo Regina Berenice partes juvabat, florens atate formaque, & seni quoque Vespasiano magnificentia munerum grata. Gravior tamen Tito filio : de quo idem Tacitus : Neque abhorrebat a Berenice juvenilis animus. & Suetonius, Titi VIII. propter insignem Regina Beronices amorem, cui & nuptias pollicitus ferebatur. Hic est ille Agrippa, hæc illa Berenice, coram quibus Paulus Christianismi causam tam disertam, tam flexanimam oratione exposuit, ut, quamvis Festus, Romanis superstitionibus incantatus, præ nimio ipsum literarum studio insanire diceret, Agrippa tamen temperare sibi non potuerit, quin fateretur, propemodum sibi persuaderi ut Christianus fieret. In qua re iterum insignis est triumphus, tam veritatis Evangelicæ, quam innocentie Pauli. Nam & confessus fere integer, audita hac Pauli apologia, nihil ipsum morte aut vinculis dignum committere judicavit : & Agrippa Festum monuit, dimitti istum hominem potuisse nisi ad Cæsarem appellasset Act. xxvi.*

## SECTIO XI.

De navigatione Pauli versus Romam.

### BREVIARIUM.

- I. Paulus in itinere Romano singularem Dei favorem expertus est. II. Comitem gratissimum Aristarchum habuit. III. Et centurionem faventem. IV. Cum adversis ventis aliquamdiu luctati. V. Vehementi tandem tempestate fere oppressi fuere. VI. Sed insigni Dei in Paulum favore salvi evaserunt. VII. A Melitensibus comiter excepti. VIII. Novum in Paulo prodigium, quod fabulis occasionem dedit. IX. Publii pater a Paulo curatus. quem Publium primo Melitensis, dein & Atheniensis Ecclesiæ Episcopum factum esse contendunt. X. Insigne Castoris & Pollucis. XI. Paulus tandem Romam venit.

**C**onstitutum igitur est a Festo, consciscente Agrippa, ut Paulus in Italiam navigaret : ideoque cum quibusdam aliis vinculis traditus est centurioni alicui, nomine Julio, cohortis Augustæ. Non est mihi animus navigationem Pauli ita exponere, quasi urbium, marium, fretorum, scopulorum, ventorum, aut nauticæ artis peritiam Auditores meos docturus essem. Non est ea res nostri studii. Id nobis præcipue agendum, ut attendamus quam mirabiliter Paulus Dei manu Ro-

*Melitem, Leid.*

R

*mam*

mam perductus fuerit, & ut in ipso itinere gloria Dei in dictis factisque ejus illustris apparuerit, qua Apostolatus ipsius insigniter fuit sancitus. Traditur quidem ducendus cum vincitis aliis; sed mox eum Dominus a maleficis discernet, quibuscum ceteroqui communis ei vinculorum conditio erat. Ex quo portu solverint, non dicitur. Sed quum Adramytenam navim conscendisse ferantur, juxta Asiæ loca navigaturi, non improbabilem conjecturam esse censet Calvinus longius iter terra fecisse supra Sidonem: vel quia navis alibi non reperiebatur, vel quia ex illa regione sumendi erant vinciti illi quorum supra facta est mentio. Sed non admodum opus ea conjectura est. Nihil enim obstat, quo minus *Cæsarea* solvisse credamus: quæ & ipsa maritima est, & satis propinqua Sidoni. Multæ olim urbes *Adramytta* dictæ sunt: sed omnium celeberrima est illa *Africa* maritima, de qua *Procopius Vandalicorum Lib. II.* Quamque hic designari post *Hieronymum* opinatur *Grotius*. Navis itaque hæc ab Africa veniens, legebat oram Asiæ, urbes quasdam maritimas negotiorum causa adiens.

II. Comit-  
tem grati-  
ssimum A-  
ristarchum  
habuit.

II. Et Paulum nostrum excepit cum *Aristarcho* Macedone Thessalonicensi, qui prædicatione Pauli ad fidem Evangelii persuasus, eum ex Macedonia in Judæam usque fuerat comitatus, Act. xix: 29. xx: 4. Idem Paulum custodiæ jam datum sponte comitari voluit, Romæque primum adjutor ejus, Phil. com. 24. deinde & vinculorum particeps fuit. Col. iv: 10. Quantum ex tam fidelis amici contubernio solatii hauserit, non difficile cogitatu est.

III. Et Cen-  
turionem  
faventem.

III. Neque hac solum in parte benevolentiam suam erga Paulum declaravit Deus, quod solatii causa adjunxerit ipsi comitem conjunctissimum, sed & quod reddiderit ei centurionem amicum: qui, postquam Sidonem appulissent, comiter ipsum habuit, permisitque ut ad amicos inviseret, & ab illis curaretur. Potuisset fortasse Paulus in urbe ampla & maritima, inter tot amicos, morti se pro ipso exponere paratos, latebras nanefisci. Sed vincitus oraculo tenebatur, ne se Dei vocationi subtraheret. Deinde quia tam humaniter cum ipso egerat Centurio, ut amicis curandum permetteret, quem in navis pedore relinquere poterat, non debuit illius periculo vitæ suæ consulere: uti præclare a *Calvino* observatum est. Bona igitur fide in navim rediit.

IV. Cum  
adversis  
ventis ali-  
quamdiu  
hæsitati.

IV. Sidone provecti ita navigaverunt ut a *Cypro* non procul abessent: non quod rectum iter eo ferret, sed quod ventus adversus cogeret & sinus & iter obliquare. Porro pelagus quod est secundum Ciliciam & Pamphiliam emensi devenerunt εις Μυρα της Λυκίας *Myram Lyciæ* urbem. MS. & alii habent *Lystra*. *Grotius* putat utramque vocem esse corruptam, videlicet pro *Limura*, quod nomen & amni est & urbi ad amnem sitæ in Lycia. Quia Myra interiorius jacet. *Lystra* in Lycaonia est. Ego ad correctiones ejusmodi, nisi evidens cogat necessitas, paullo difficilior sum. Illic natus est

est Centurio navem Alexandrinam quæ in Italiam tendebat : sed cum adversis ventis dies aliquot conflictati vix tandem in locum aliquem pervenerunt quem *Pulcros portus* vocant , manentē in hunc diem eo nomine, prope Lasæam.

V. Ubi multo tempore peracto, quum jam *prateriisset* solemne illud *Judaorum jejunium*, sive annuus expiationis dies, incidens in decimam mensis Tisri , qui partim Septembri partim Octobri respondet , quo fere tempore maria claudi Veteribus solebant , Paulus , a Deo , uti credibile est, edoctus , rectores monuit , non sine magna injuria ac damno navis & oneris, imo & capitum ipsorum, navigationem fore. Sed nequicquam. Obnitentibus *gubernatore* , & *naulero* , sive naviculario , qui est proprietarius navis : quibus plus quam Paulo a Centurione tributum est. Quoniam igitur portus ille parum ad hiemandum commodus videbatur , in alio potius Cretæ portu , *Phanice* dicto , hiemare decreverunt. Quumque eo tenderent, adspirante primum Noto, sed mox orto vento turbulento qui Euroclydon vocatur, ad *Claudam*, parvam insulam, delati sunt. Inde abrepti, & vehemente tempestate jactati , jacturam fecerunt : ac tertia die suis ipsi manibus armamenta navis ejecerunt : & quum neque sol neque sidera per complures dies apparerent , durante interim tempestate , ablata tandem omnis salutis spes fuit.

V. Vehementi tandem tempestate fere oppressi fuerunt.

VI. Donec Paulus, increpita prius ipsorum pertinacia, bono animo esse jussit : apparuisse enim sibi ista nocte Angelum Dei, qui prædixerit, sisti ipsum oportere Cæsari, & gratificatum esse ei Deum omnes qui navigabant cum ipso ; futurumque ut in insulam quandam exciderent. Quartadecima igitur nocte ; dum adhuc in Adria jactabantur , nautæ circa medium noctis suspicati se non procul a terra abesse , metuentesque nequo modo in aspera loca exciderent, jactis e puppi anchoris quatuor, anxia sollicitudine diem opperiebantur. Et plus suæ arti quam Pauli promissis fidentes , demissa in mare scapha , fugam moliuntur. Non sine insigni perfidia ac scelere. Quum enim sperant se scapha incolumes ad litus evadere posse , neglecta vectorum omnium salute, suæ consulunt ; & quos in periculum suæ temeritate conjecerunt , eos in periculo perfidia sua volunt derelinquere. Quam perfidiam Paulus centuriori & militibus detexit ; addito, nisi isti in navi manserint, non posse ipsos servari. Ita hac rursus parte enituit specialis Dei circa Paulum cura. Cur enim non centurio potius , vel alius quispiam ex turba, fraudem olfecit ; nisi ut Paulus ad extremum usque liberationis sit minister ? Qui certe multa exercitatione harum rerum callentissimus, & vir in omnibus excellentissimus fuit. Prudenti igitur ipsius consilio qui aufugere conabantur retenti sunt : nam milites abscissis scaphæ funibus eam pelago permiserunt. Orto interim die , cibum eos sumere hortatur, quod quartus decimus jam dies esset quem impramisi atque incœnati

VI. Sed insigni Dei in Paulum favore salvati evaserunt.

exegerant: & ipse alacri exemplo præit, certus ipse, aliosque certiores reddens, neminem in navi esse, qui, non dico capitis, sed vel pili jacturam facturus sit. Qua alacritate cæteri animati corporis curæ aliquantulum concedunt temporis, mox servandæ quomodocunque navi omnem adhibaturi industriam. Qua tandem in locum bimarem impacta, prora infixa mansit, puppis autem solvebatur præ undarum vehementia. Nihil ergo super erat, nisi ut quisque quantum poterat natando vitæ suæ confuleret. Sed barbara militum crudelitas hanc qualemcumque fortunam victis invadebat: quos adacto in viscera ferro interemissent; nisi intercessisset centurio, Paulum servare cupiens, cujus beneficio servabantur omnes. Nam qui natare didicerant abjecerunt se in mare, reliqui partim in tabulis, partim in fragmentis navis, omnes salvi in terram evasere. Act. xxvi 1.

VII. A Melitenibus comiter excepti.

VII. Quam tandem cognoverunt esse insulam *Meliten*; quæ inter *Epirum* & *Italiam* sita, & *Siciliam* ad septentrionem spectans, hodie *Malta* vocatur. Ubi naufragi homines, spumis marinis lutoque fœdatis, frigore etiam rigidi, ac vix spiritum trahentes, a barbaris indigenis comiter admodum excepti sunt. Deo Melitenfium animus ad clementiam flectente, ut promissionem suam ratam faceret; quæ mutila potuisset videri, si cui exitialis fuisset naufragium.

VIII. Novum in Paulo prodigium, quod fabulis occasiorem dedit.

VIII. Probavit hic eventus Paulum verum Dei Prophetam esse; nunc Deus ut eum in terra, sicut nuper in mari, nobilitet, superiora oracula novo prodigio obsignat. Dum enim collecta quædam sarmenta in pyram ponit, vipera a calore prodiens manum ejus arripuit: quam viperam ut barbari a manu ejus pendentem videre, primo quidem homicidam esse suspicati sunt, quem postquam salvus evasit ex mari ultio non sivit vivere. Mox, ubi nihil incommodi ipsi accidere deprehenderunt, mutata sententia habuerunt pro Deo. Suspicati fortassis esse Herculem Ἀλεξίμακον. Utrumque temere atque absurde. Quæ de vipera & barbaris admirantibus adeo exacte & distincte Deum describi ob hanc causam curavisse, dicat *Baronius*, ut virtus Pauli per gratiam insula illi concessam magis magisque innotesceret: nec naturali ejus proprietati adscriberetur, quod ex eo tempore fuit loco Divinitus impertitum, nimirum ut serpentes omnes veneno carcerent, & quantum libet aliquem momorderint, nihil prorsus adferant detrimenti. Si enim, inquit, olim a natura, sicut & aliis locis, id datum fuisset, cur loci incola tam certi erant de interitu Pauli? Addit: sed & terra ibi, ejusdem merito, contra venena parat antidotum. Ego vero ista accenso fabulis.

XI. Publii pater a Paulo curatus, quem Publium Melitenfis,

XI. Veriori miraculo Paulus inclaruit, quando Publii, qui insulæ primas erat, patrem febribus ac dysenteria detentum lectoque affixum, solis precibus ac manuum impositione, repente sanavit. Quo factum est, ut & reliqui qui infirmitatibus tenebantur accederent ad Paulum; pari cum successu curandi. Eam ob rem insulani multis honoribus Paulum comitesque profecuti

profecuti sunt ; & discessuris de his quæ usui erant prospexerunt. Iterum quædam ex *Baronio* appingere lubet , quamvis æque magnam partem apocrypha , & incerta. Non ea tantum *Melitenfibus Paulus præstitit* , ut agritudine laborantes curarentur ; sed & *Christiana eosdem religione imbuir* , ipsumque *Publium ad fidem Christi conversum eisdem præfecit Episcopum*. Id quidem vetera quædam *Martyrologia attestantur*. Imo & eundem *publium inde postea evocatum* , in locum *Dionysii* , *Atheniensi ecclesiæ esse subrogatum Episcopum tradunt*. Putantes nimirum unum eundemque esse cum hoc illum *Publium* , quem *Dionysius Alexandrinus affirmat Dionysio Areopagita Athenarum Episcopo successisse* : quem & *Martyrio coronatum fuisse sanctus Hieronymus tradit*. Hæc *Baronius*.

dein & Atheniensis Ecclesiæ Episcopum factum esse continent.

X. Tribus post mensibus profectus est cum comitibus *Paulus navi Alexandrina* , quæ in insula ista hyemaverat , cui erat insigne *Διόσκουροι* , *Jovis filii* , *Castor & Pollux*. Fingunt Poëtæ , Jovem in Cygnum conversum , quum Venerem jussisset , mutata in Aquilæ speciem forma , se insequi , ad *Ledam* confugisse , quæ Cygnum gaudens excepit , & tutari sibi visa est : verum eandem , postquam obdormivisset , a cygno compressam , ovum peperisse , ex quo nati sunt *Castor* , *Pollux* & *Helena*. Duo hi fratres crediti sunt propitii esse navigantibus , & periclitantibus in specie geminarum stellarum adesse : hac de causa , quod quum navigarent cum cæteris Argonautis , orta tempestate , & reliquis misere timentibus , *Orpheus* , omnes bono animo esse jussit , ac votis diis *Samothracibus* susceptis , cœpit mare mitescere , duabus stellis super capitibus *Castoris* & *Pollucis* apparentibus. Quo miraculo læti , crediderunt se *Deorum* providentia liberatos : ac deinceps geminos ipsos implorare mos fuit. Crediderunt , si geminæ appareant stellæ , id esse salutare : non item , si solitariæ. Mirum itaque non est , si ex superstitione ista imaginatione hoc geminorum insigne navibus suis præstruxerint. Erat autem tale : duo juvenes , unicuique ovi pars dimidia , & stella superne eminens , & jaculum in imanu , & equus candidus , ut ex *Luciano* descripsit *Baronius*. Non temere dixi , insigne hoc præstruatum fuisse navi. Nam , ut erudite annotavit *Grotius* , aliud est *παρόρημον* sive insigne , aliud *Tutela*. *Tutela* in puppi est , ut *Minerva* in *Argo* , insigne in prora. Sic in navi qua vectus *Ovidius* *Tutela* erat , *Minerva* ; Insigne , *Cassius*.

X. Insigne Castoris & Pollucis.

XI. Tali itaque navi *Melita* provecti *Syracusas* appulerunt , notissimam *Siciliæ* civitatem , ubi merces quasdam exposituri manserunt triduum. Unde circum legentes devenerunt *Rhegium* ; quod , *Grotio* monente , Græci scribere solent *Ῥήγιον* , & populum *Ῥηγίους* : adduntque omnes , originem esse nominis , quod ibi ab *Italiæ* latere abscissa esset *Sicilia*. Regium vero , Latino nomine , oppidum est *Galliæ Cisalpinæ*. Hinc , flante austro , secundo die venerunt *Puteolos* ; quo appellere *Alexandrinæ* naves solent ; præ cæteris nobilitatæ , & a concurrente ad portum populo avidissime

XI. *Paulus* tandem *Romam* venit.

spectatæ: qua de re videri potest *Seneca Epistola LXXVI* 11. Ibique a fratribus rogati, quos, fortassis præter spem, invenerunt, septiduum morati sunt: inde Romam perrecturi. Christiani vero qui Romæ erant, quum de Paulo & comitibus ipsius audivissent, prodierunt iis in occursum, nonnulli quidem usque ad *Appii Forum*, alii ad *Tres Tabernas*: illi prius, hi serius. Nam *Tres Tabernæ* propiores sunt Romæ. Ab urbe ad *Appii Forum* numerantur miliaria *LI.* ad *Tres Tabernas*, *xxvi* 11. Videas ex his, qualia quantaque Christianorum Romæ agentium erga Paulum studia atque officia fuerint: quum non quasi victo homini, sed in Urbem cum triumpho advenienti, ultra quinquagesimum lapidem obviam iverint. Qua re visa, gratiis Deo actis, fiduciam, ut par est, sumsit.

## S E C T I O XII.

De Vinculis Pauli apud Romam.

## B R E V I A R I U M.

- I. *Varia carcerum Romanorum ratio.* II. *Paulo permissum manere in proprio conducto, ita tamen ut alligatus esset militi.* III. *Cum Judæis ad se accersitis de vinculorum suorum causa agit.* IV. *Epocha secundæ ad Timotheum an ad priora Pauli vincula referenda sit.* V. *An ad posteriora.* VI. *Responsiones ad prioris sententiæ argumenta.* VII. *Quomodo Paulus in prioribus vinculis de se ut morti jam vicino scribere potuerit.* VIII. *Ἐπίλογος.* IX. *De epistolis ad Ephesios, Philippenses, Colossenses.* X. *Prolixius de illa ad Philemonem. Qui, quis & qualis fuerit.* XI. *De Ecclesia quæ domi ipsius erat.* XII. *Onesimi historia.* XIII. *Is an in fuga sua excusandus an culpandus sit.* XIV. *An factus deinde Ephesiorum Episcopus, & Martyr.* XV. *Ufferius laudatus.* XVI. *Epistola hujus utilitas.* XVII. *De auctore Epistolæ ad Hebræos disputatur.* XVIII. *Multa sunt quæ eam Paulo attribuendam esse suadent.* XIX. 1. *Historica, quæ in ea inveniuntur.* XX. 2. *Epistolæ argumentum & scopus.* XXI. 3. *Phrases Paulo suæ.* XXII. 4. *Clausula.* XXIII. 5. *Dogmata & modus ea tractandi.* XXIV. *Accedit Petri auctoritas. 2 Pet. III: 15, 16.* XXV. *Et Græcorum Patrum consensus.* XXVI. *Uti & multorum Latinorum.* XXVII. *Non tanta probabilitas pro Luca est.* XXVIII. *Neque pro Barnaba.* XXIX. *Neque pro Clemente Romano.* XXX. *Neque pro Apollo.* XXXI. *An Demas Apostatis annuerandus.* XXXII. *Quis fuerit Crescens, & quæ Galatia, in quam dicitur esse profectus.* XXXIII. *Paulus ab omnibus desertus Dominum sibi adstitem habuit, ad certiorationem Evangelii apud omnes gentes.* XXXIV. *Ereptus ex ore Leonis.* XXXV. *Postquam vincula ipsius manifesta facta sunt in toto Prætorio.* XXXVI. *Fideles Christiani in ipsa Cæsaris domo.* XXXVII. *Onesiphori & Philippensium liberalitas in Paulum.* XXXVIII. *Qui fiducia sibi a Domino facta sui ex vinculis liberationem sperat.* XXXIX.



XXXIX. *Et libertati, una cum Timotheo, jam redditus videtur, quando ad Hebræos scribebat.* XL. *Ob quam rationem vinculis solutus sit, quid & ubi postea egerit, prorsus in obscuro est.* XLI. *Cur Romam redierit, & quid ibi fecerit, secundum Baronium ex Metaphrasæ.* XLII. *Chrysostomi incerta traditio de causis ultimæ Neronis adversus Paulum iræ.* XLIII. *An ante mortem virgis cæsus sit.* XLIV. *Apocrypha de velo Plautilla, & lacte ex venis Pauli fluente.* XLV. *De sepulcro Pauli.*

**I**ta tandem Paulus, post tot casus, post tot rerum discrimina, ROMAM venit, Anno VI I Neronis, mense Febuario. Cæteri quidem captivi traditi sunt τῷ στρατοπεδάρχῳ Præfecto Prætorii. Paulo autem, sine dubio ex centurionis commendatione, permissum est, ut seorsim habitaret. Quæ ut melius intelligantur, observandum est, custodiarum Romanarum triplicem fuisse rationem. Captivi enim vel in Carcere, vel apud Magistratus, vel in conducto liberoque hospitio, custodiebantur. In carcere rursus triplex custodia fuit. I. *Locus communior*, in cujusmodi detentus fuit Johannes Baptista, sic ut ab amicis adiri potuerit. Mat. x1:2. II. *Locus interior* tutiorque, qui Φυλακὴ ἐσωτέρα dicitur in quam conjecti Paulus & Silas Act. xvi: 24. III. *Locus depressus* in carcere, ut Barathrum Athenis, Profundum Cyzici, Tullianum Romæ. Omnia hæc carcerum genera expertus aliquando videtur Paulus. Cæsareæ in tolerabili carcere detentus biennium. Act. xx1v: 23, 27. Philippis conjectus in carcerem, ut modo audivimus, interiorē: at mox liberandus. Postremum Nero in carcerem trudi iussit; unde non liberatus, sed ad ultimum supplicium raptus est. Nunc vero permissum ei fuit ἐν τῷ ἰδίῳ μισθώματι in proprio conducto manere. Quæ ex Scipionis Gentilis in Epistolam ad Philemonem annotationibus a Sculteto excerpta, nos ex utroque hic etiam exhibemus.

II. Præfectus tunc Prætorio Burrhus erat, vir æqui & honesti tenacissimus, una cum Seneca moderandæ Neronis juventuti adhibitus: qui proximo abhinc anno, id est VI I I Neronis, vita concessit, incertum valetudine, an veneno; & civitati grande sui desiderium per memoriam virtutis reliquit. Tac. Annal. xiv. Non difficile Julio fuit ab homine tanta virtute prædito, singularem aliquem favorem Paulo exposita admirabili vitæ ipsius historia, impetrare. Cui itaque seorsim manere datum est; sed cum custodiente eum milite. More Romano: ita nimirum ut eadem catena & captivum & militem constringeret; quæ captivi dextro, militis sinistro brachio alligata erat. Sic enim Seneca, Epistol. v. *Eadem catena & custodiam & militem copulat. Et de Tranquil. Eadem custodia universos circum dedit. alligatique sunt etiam qui alligaverunt. nisi tu forte leviozem in sinistra catenam putas.*

II. Paulo permissum manere in proprio conducto, ita tamen ut alligatus esset militi.

III. Cum  
Judæis ad  
se accer-  
tis de vin-  
culorum  
suorum  
caussa agit.

III. Primum eorum quæ Romæ a Paulo gesta narrantur hoc fuit, quod tertio ab adventu suo die convocaverit Judæorum primores, quibus candidè exposuit, se, quamvis nullius criminis contra populum suum ritusque patrios convictum, a Judæis tamen vinculis onustum, & Hierosolymis in manus Romanorum traditum fuisse. Romanos causa cognita voluisse ipsum dimittere; idque facturos fuisse, nisi obstitissent Judæi. Inde se coactum appellare Cæsarem. Non eo tamen animo, ut gentem suam accusaret; quam tenerrimo semper pietatis affectu prosecuturus erat. Obque eam rem ipsos a se accersitos esse, ut cognoscerent, se non propter maleficio aliquid, sed propter spem Israël, de Messia & resurrectione mortuorum, catena ista circumdatum esse. Quibus auditis Judæi Romani responderunt, neque per literas se, neque per nuncios, quidquam de ipso mali intellexisse. Idcirco æquum esse ut ipse animi iis sui sententiam exponat. Id unum ipsos de ea quam profitebatur secta scire, multis ubique contradictionibus esse expositam. Cujus rei causam esse putat *Grotius* legatos illos, quos Justinus narrat ab Judæis Palæstinis post mortem Jesu ad Synagogas missos esse; *Κηρύσσοντας ὅτι αἰρεσίς τις ἄθεος καὶ ἀνομία ἐγγήγεται ἀπὸ Ἰησοῦ τινος Γαλιλαίου πλάνου, ἀνυμνιάτους sectam aliquam impiam & sacrilegam excitatam esse a quodam Galilæo, seductore.* Quarum literarum exemplar Judæi quidam ajunt asservari apud Synagogam antiquissimam quæ est Borbetomogi Vangionum. Non equidem inficior, vera hæc esse posse: attamen, & alia multa fuisse certum est, ex quibus Judæi, Romæ commorantes, cognoscere potuerint, Evangelii prædicationem multas ubivis terrarum contradictiones experiri. Hactenus tamen laude dignum est, quod & ipsi de ista Doctrina uberius erudiri cuperent. Itaque constituto die complures ad diverforium Pauli comparuerunt, quibus totam Evangelii doctrinam prolixè exposuit, & ex collatione Mosis ac Prophetarum, solita sibi accuratione atque ardore, confirmavit, a mane usque ad vespèram. Eo quem sæpius expertus est successu: ut alii quidem assentirentur, alii repugnarent; non sine mutuis altercationibus. Unde Paulo occasio nata, imo & necessitas quædam imposita fuit, commemorandi atque ipsis applicandi gravissimam illam Jesaiæ Prophetiam, de surditate, cæcitate, & amentia populi Israëlitiçi, quibus futurum erat ut audientes non animadvertant, videntes non cernant, neque corde intelligant, neque se convertant, neve sanentur. Gentilibus igitur eam Dei salutem missam esse; qui & audiri sint. Quo dicto, litigantes inter se Judæi discesserunt. Paulus autem biennium totum in conducto sibi proprio hospitio mansit, omnes qui ad ipsum ingrediebantur comiter excipiens; prædicans regnum Dei, & docens de Domino Jesu Christo, cum omni dicendi libertate, nemine prohibente Act. xxviii.

IV. Hactenus sacram Lucæ historiam pro commentationis nostræ Cynosura

nosura habuimus. Nunc vero ea tacente, quæ de Paulo dicenda porro sunt, aliunde colligere necesse erit. In quam rem Divinæ ipsius epistolæ multum nobis opis præstabunt: modo verum earum ordinem & epocham perspectam habere queamus. Quod quanta fieri potest industria conabimur. Quoniam vero epocha *Secunda ad Timotheum* maxime controversa est, ab ea ordiamur. In eo quidem omnes fere consentiunt eruditi, Paulum bis Romanis constrictum sub Nerone fuisse vinculis; quorum priora evaserit, posterioribus necatus. Certum etiam est, hanc de qua agimus epistolam a captivo Romæ scriptam esse. An vero ad priorem, an ad posteriorem captivitatem pertineat, hoc est quod disquiritur. Veterum plerique, & Recentiores sine numero, in eo conspirant, quod posteriorem ad Timotheum omnium Paulinarum epistolarum postremam, & in novissimis vinculis, paullo ante martyrium, scriptam esse credant. His potissimum ducti argumentis. I. Quia Timotheus in primis Pauli vinculis perpetuus ipsi Romæ comes fuit, συναϊχμάλωτ, vel saltem σύνεργ, si quidem epistolæ eo tempore Roma missæ Timothei non minus quam Pauli nomen præferunt. II. Quia 2 Tim. 1v: 12. Scribit se Tychicum mississe Ephesum. Per Tychicum autem missæ sunt epistolæ ad Ephesios & Colossenses. Eph. vi: 21, 22. Col. 1v: 7, 8. quo tempore Romæ jam erat Timotheus, uti ex inscriptione illarum epistolarum liquet. III. Quia ibid. x. 20. scribit Erastum Corinthi mansisse. Quæ monitio scribi non potuit a Paulo in prioribus vinculis; quum Timotheus præsens Paulo adfuerit, eo tempore, quo hæc gesta esse supponuntur: quippe Pauli in itinere συνέδημ, Act. xx: 4, 5. Quam ridiculum esset ipsum per epistolam moneri de re pridem sibi comperta, idque triennio, aut ut minimum biennio, post quam res facta esse creditur, lapsuque temporis aliam prorsus faciem induisset? IV. Quia narrat, se Trophimum ægrotantem Mileti reliquisse. ibid. x. 20. Quod spectare non potest tempus illud, quo Mileti fuit antequam Romam missus est. Tunc enim Trophimus una cum Paulo Hierosolymam venit. Act. xxi: 29. V. Quia jubet sibi adferri penulam quam Troade apud Carpum reliquerat, & libros maxime membranas Cap. 1v: 13. Ineptum autem est vel cogitare Paulum hæc Troade reliquisse, quum tot secum haberet comites, & collectas Hierosolymam perferendas, & navem ubique conduceret. VI. Quia testatur, inveniri se ab Onesiphoro non potuisse, nisi post sollicitam inquisitionem. Cap. 1: 17. Quod de prima captivitate intelligi non posse videtur: tunc enim habitabat in domo conductâ, omnibus nota, & vincula ipsius in toto prætorio celebra erant. Intelligenda igitur sunt de captivitate secunda, quando in carcerem conjectus arctaque custodia detentus fuit. VII. Quia x. 6, 7. expressissime monet, se jam libari, & præstitutum dimissionis suæ tempus instare, decertatum jam sibi certamen, peractum cursum, servatam fidem esse, nihil

que restare nisi ut repositam sibi iustitiæ coronam accipiat. Quæ in primis vinculis scribi non potuere; quippe quibus se solvendum sciebat. Hæc ego argumenta ex *Ludovico Cappello*, & *Johanne Pearsonio*, collegi: qui præ cæteris causam hanc egerunt accuratissime.

V. An ad  
posteriora.

V. Attamen non obstante veterum consensu, totque rationum pondere, reperti sunt viri eruditissimi, tam Romanæ quam nostræ communionis Theologi, *Baronius*, *Estius*, *Salmero*, *Hammondus*, *Lightfootus*, *Cavius*, alii, qui in alia sibi omnia eundum esse existimaverunt; contendentes epistolam hanc inter eas quæ Roma datæ sunt, vel primam esse vel secundam, missamque una cum ea quæ ad Ephesios scripta, vel non multo post. Et neque hi suis destituuntur argumentis, quæ pari fide ac sedulitate exponam. I. Pro certo habent, Timotheum initio priorum Pauli vinculorum Romæ non fuisse. Etenim in Actibus Apostolicis nihil ultra de Timotheo dicitur quam quod Paulum Hierosolymam proficiscentem in Asiam fuerit comitatus. Act. xx: 4. Exinde nulla Timothei mentio: de itinere Hierosolymitano, nedum de navigatione Romana, *ἡ δὲ γὰρ*. Quia vero res ipsius adeo Pauli rebus innexæ fuere, ipseque tam eximiam sustinuit personam, vix videtur præteriri potuisse in tanta rerum quæ Paulo acciderunt varietate. Porro quum ipsum in omnibus propemodum amicis præcipuum habuerit Paulus, oppido probabile est, ex primis quoque fuisse, quem eorum quæ sibi Romæ evenerant certior faceret. II. Observant, jussisse hæc epistola Paulum, ut festinato ad se accederet; & si fieri posset, ante hiemem; assumpto secum Marco. Cap. iv: 21, 22. Venit autem Paulus Romam, mense, ut creditur, Februario. Pone scriptam hanc epistolam esse ineunte æstate; potuit Timotheus cum Marco ante hiemem Romæ esse; uti fuit, quando illæ scribebantur epistolæ quibus præfixum illius nomen est: quemadmodum & Marcus ibi fuit quo tempore scribebatur illa ad Colossenses. iv: 10. & ad Philemonem x. 24. Quidquamne probabilius est, quam omnia ista ex mandato Pauli ita esse facta? III. Narrat hic Paulus, quid factum sibi sit in prima sua defensione. Cap. iv: 16. Credibile est, toto illo biennio primorum vinculorum nullam Paulo sui defendendi factam esse copiam? Labet hic Clarissimi Cocceji annotationem adscribere, ad laudatum modo textum ita differentis. *Narrat de prima sua Apologia. Apologiam nominat defensionem suam contra Judæos accusatores. Notum est enim, Apostolum senatui Judæorum fuisse exhibitum; & e medio illorum ereptum: tum paratis ei insidiis Casaream missum, & coram præsidibus causam dixisse, & ad Casarem provocasse: & ea de causa Romam missum. Ergo Roma in vinculis apud Tribunal Cesaris causam dixit. Id commemorat Timotheo. Quo tempore id factum sit non liquet, nisi quod non diu, postquam Romam venisset, id factum credibile sit. Neque enim solent tales causæ ad annos differri. Et Paulus hic loquitur, tanquam nuper Hierosolymam, & inde Romam profectus. Ita Coccejus.*

VI. Eas

VI. Eas vero quæ obijciuntur difficultates jam prospexisse viri eruditissimi videntur; adeo paratas responsiones habent. Et de I. quidem objectione plura dicere nihil attinet. II. Ad ea quæ de Tychici missione dicuntur, respondent, nihil ob stare quo minus hæc epistola cum ea ad Ephesios eodem tempore missa sit; & Apostolum præteritum tempus pro præsentibus usurpasse; sicut & quum ad Ephesios de eodem scribens ait. *v. 1: 22. Quem misi ad vos ob id ipsum, ut cognoscatis res nostras.* Cur non utraque epistola eidem eodemque tempore tradi potuit tabellario? Nisi quis cum Coccejo & aliis dicere malit: *Credibile est, Tychicum non semel missum.* III. Quod Erastum Corinthi mansisse scribit, non tanquam rem novam incognitamque Timotheo renunciat; refert tamen uti attinentem ad scopum suum. Nimirum Timotheum & Marcum Romam evocaverat. Ut eos ad hoc iter carpendum stimularet, duobus argumentis utitur. Primum conqueritur ab omnibus se necessariis suis desertum, aliis nunc adjutoribus indigere. *Æ. 9, 10.* Deinde monet, præsto esse qui ipsorum absentium vices supplere possent. Licet enim Marcus Corintho digrederetur, Erastum, qui ibi mansit, vicem ejus obire posse. Ita *Lightfootus. Chron. Temp. ad an. Ch. LIX.* Qui ad IV. de Trophimo addit: *Et licet Timotheus Epheso digrederetur, tamen Trophimus; quem Paulus Mileti ægrotum reliquerat, paratus erat qui ejus vicem præstaret.* At paullo fortassis plenior censei posset Cocceji commentatio; quæ paucis multa complectitur, atque ita se habet: *Hic Beza judicat, legendum Μελίτη. Id Grotius & Pricæus approbant. Ratio eorum est, quod Paulus Melitam quidem appulerit in itinere Romano, ut constat ex Act. xxviii: 1. non autem venerit Miletum. Syrus tamen legit Μιλήτω. Trophimus venerat cum Paulo Mileto Hierosolymam. Act. xxi: 29. Credibile est, eum ægrotantem se commisisse navi Miletum eunti, ut ibi curaretur. eo forte tempore, quum Myram Lycia venissent. Act. xxviii: 5. Unde in navi Adramyttina in Italiam ivit Paulus. Communicat autem hanc rem Timotheo, ut qui & de Erasto & Trophimo poterat esse sollicitus, & mirari, si ab iis non saluaretur.* Ad V. Non magis ineptum esse cogitare, Paulum penulam suam cum libris quibusdam & membranis Troade reliquisse in illo itinere quod Lucas narravit, quam in alio, quod supponitur, quocunque. Si enim id consulto factum sit; ratio consilii æque nobis semper in obscuro manet: quippe nullibi tradita. Si per oblivionem aliquam aut negligentiam ejus qui Paulo ministrabat; quo plures erant majorisque momenti sarcinæ, eo facilior esse videtur unius alicujus, & vilioris forsitan, neglectus. Adde, quod, tam anxium de adducenda sibi penula mandatum prioribus quam posterioribus vinculis convenientius esse videatur. Cui enim usui esse posset penula a tam longinquo asportanda homini qui arctissimo carcere inclusus mortem in horas expectat? certe longe plus utilitatis allatura ei qui ad diuturnam & remota se accingit itinera. Ad VI. Quando Onesiphorus Paulum Romæ

VI. Responsiones  
ad prioris  
sententia  
argumenta.

quæsitum invenit; non videtur invenisse in carcerem conjectum, arcta que custodia detentum, sed militi suo alligatum, in diverforiolo. Sic enim Paulus, καὶ τὴν ἄλυσίν μὲν ἐκ ἐπισηχύνθη. Id Grotius ita exponit: *Non producit eum catena hujus militaris, qua trahitur ut fontes solent. Quod alibi saepe vincula dixit, id distinctius ἄλυσιν, & Eph. vi: 20. Nimirum eodem modo iterum vinctus fuit Paulus quo quum primum adveniret. Act. xxvi: 11: 20. Addit Grotius, Paulum inventum esse ab Onesiphoro, in diverforiolo ubi erat cum suo custode. Et sane quamvis vincula Pauli nota fuerint in toto prætorio, non tamen inde consequitur, domum Pauli ita notam omnibus fuisse, ut homini peregre advenienti, in urbe quæ orbis compendium erat, ad captivi Judæi domum inveniendam diligenti inquisitione non fuerit opus. Præsertim si attendamus, facta hæc esse initio vinculorum Pauli, antequam eum celebritatis gradum esset nactus. Operæ pretium erit hic quoque Coccejum audivisse. Laudat Onesiphorum, quod non tantum aliàs, quum adhuc liber esset Paulus, eum sæpius recrearit, tanquam æstuantem, h. e. a tristitia & dolore ad lætitiā; sed etiam quum jam in vinculis esset, catenam ipsius (qua militi suo erat alligatus) non erubuerit: sed etiam Romam venerit, & Romæ cum studio eum quæstuerit, perreptans curiose urbem, donec invenerit. Et hæc de ipso testatus, denuo Timotheo in memoriam revocat, ut gæaro, imo melius cognoscenti, scilicet quam Romana Onesiphori officia, quot modis, vicibus, partibus sibi ministraverit Ephesi. Timotheus igitur Romæ non fuit, quum Onesiphorus ibi esset. Nec videtur hætenus Romæ fuisse: nam non fuisset ignotum, quid Onesiphorus Romæ egisset; aut melius notam, quid Ephesi egisset.*

VII. Quo-  
modo Pau-  
lus in prio-  
ribus vin-  
culis de se  
ut morti  
jam vicino  
scribere  
potuerit.

VII. Hætenus doctissimorum virorum objectionibus ita responsum esse videtur, ut nonnullæ etiam in auctores suos retortæ sint. At præcipua difficultas restat ex eo, quod jam se libari dicat Paulus, & dimissionis suæ tempus instare &c: verum ne hic quidem interclusam sibi evadendi viam esse ingeniosissimi homines ostenderunt. Baronius ad Annum Christi LIX. §. xiv. xv. sic respondet: *Dicant mihi velim: nome idem Paulus in eadem epistola testatur, sibi Dominum apparuisse, dum in summo illo discrimine versaretur, hortatumque esse, ac fore prædixisse, ut per ipsum in omnes gentes prædicatio impleretur? Quomodo igitur hæc coherent, ut instans Pauli consummatio esset; idemque ipse sic a periculo liberandus, in omnes gentes prædicationem Evangelii propagaturus esset? --- Quam ob rem non in alium sensum atque sententiam ea Pauli verba de instanti suo obitu intelligi posse videntur; nisi quod fortasse fuerat sibi Divinitus revelatum, se sub Nerone capite plectendum esse. Satis enim tempus illud instans videri poterat, quod sub eodem foro nosset implendum. Et quo modo non videri poterat breve ac fere momentaneum novem, quod reliquum erat vitæ suæ annorum spatium, si eadem plane mensura Salvatoris ad judicandum adventum post modicum tempus affore prædixit ad Hebræos x: 37. Adhuc modicum aliquantulumque, qui venturus est veniet, & non tardabit? Hæc quidem Baronius:*

ronius : verum *Lightfootus*, cætera licet *Baronio* ὁμολογῶν, minimi hæc momenti esse pronunciat : potuisse enim *Neronem* per ætatem quinquaginta aut sexaginta annos vixisse post exaratam hanc a Paulo epistolam. Existimat itaque ex ipso textu petendam esse rationem, qua lis ista dirimatur. Nimirum *Paulus* *Timotheum* tanquam præcipuum in Evangelii opere successorem suum spectabat, & sibi fore superstitem : erat enim juvenis, non tantum eximiis donis imbutus, & ad hoc opus capeffendum instructus, verum prophetiis quibusdam, & prædictionibus ad id muneris præmonstratus. 1 Tim. 1: 18. Hoc igitur eum hortatur, ut pro virili opus Evangelistæ impletet, & ministerio summa cura desungeretur ; eo quod ipse haud diu permansurus esset, senex jam factus, & labore fractus, captivus etiam tunc temporis, & in discrimine perpetuo positus. *Timotheum* ergo oportet semel se parare ad id numeris obeundum defuncto demum Paulo. At longe subtilius in Pauli verba commentatus est *Hammondus*, in *Præmonitione* ad hanc epistolam. Existimat verba, ἐγὼ γὰρ ἤδη σπένδομαι, optime posse verti, ego enim jam libatus sum, hoc est, nunc verfor in tanto periculo mortis (uti hominibus certe videbatur) ut jam sim instar vini effusi in caput victimæ, mox mactandæ. Credit autem Paulum id potuisse dicere postquam ad tribunal judicis productus fuerat, ut causam capitis diceret. Quæ sequuntur verba, ὁ καιρὸς τῆς ἐμῆς ἀναλύσεως ἐφύσκηκε, tempus mei discessus imminuit, in eam exponit mentem, ut notent maximum vitæ periculum jam præteritum, non brevi futurum. Quo sensu optime convenire putat cum eo quod x. 17. extat, liberatus fui de ore leonis, ereptus maximo periculo, sed jam præterito. Eodem modo interpretatur x. 7. bonum certamen certavi, nimirum vexationum quas pertuli ; magna pericula subii, quæ constantia mea superavi. Cursu contendi, non absolvi cursu (nam τελειῶν significare putat non semper finire, sed etiam facere) fidem servavi, nullo periculo ab eo deterritus fui. Ita ut cursus non referatur ad totum vitæ curriculum, sed ad certamen quod nuper decertaverat Romæ, cujus recens erat memoria. Si vero & hæc quæsitiora & duriora esse videantur quam ut facilem sibi in legentium animos illapsum impetrent ; omnium fortassis simplicissima eorum interpretatio cenferi queat, qui vel non loqui Paulum de se putant ut jam jam rapiendo ad martyrium ; sed solummodo testari, se jam senem esse ; & de tempore mortis incertum, paullatim autem per carceres & tribunalia parari ad victimam, & immolari incipere : vel si omnino de instante & propinquo sibi martyrio loquatur, non loqui illud ex instinctu Spiritus prophetici, sed ex rerum, uti tunc se habebant, consideratione : quemadmodum 2 Cor. 1: 8, 9. *Coccejus* : quem dicit, ἐφύσκηκε instat, significat quid ipse judicet ; scilicet ex argumentis idoneis, quæ id sibi persuadeant. Quandoquidem enim in vinculis erat, & eum cursum confecerat ut videretur Canonem suum absolvisse, prudenter judicat restare ultimum actum sui sacerdotii, nimirum libationem sui, sive effusionem sanguinis sui, & abitum

*abitum ex hac commoratione terrena. Ita cum argumentari ex sequentibus apparet.*

**VIII. E-** **VIII.** Et hoc quidem modo studiose conquisivimus, & candide lectori exhibuimus, quæ de epocha posterioris ad Timotheum epistolæ utrimque *πικρισ* ab eruditissimis hominibus prolata sunt. Mea si desideretur *ἐπίκρισις*, fateor equidem aliquamdiu me in rationum conflictu animi ancipitem hæsisse quæ quibus anteponendæ forent. Omnibus tamen expensis, non dissimulo eo me magis propendere, ut scriptionem hujus epistolæ ad priora Pauli apud Romam vincula referenda esse arbitrer.

**IX. De epistolis ad Ephesios, Philipenses, Colossenses.**

**IX.** Cui proxima esse videtur ea ad *Ephesios*: quippe per Tychicum missa, cui in mandatis datum erat, ut res Pauli notas Ephesiis faceret Eph. **VI: 21.** Missionis autem Tychici ad Ephesios mentio fit **2 Tim. IV: 12.** Unde colligitur, eodem fere tempore utramque hanc epistolam esse missam; quod & supra observatum est. Quod occasionem scribendæ huic epistolæ attinet, neque ex ipsa epistola, neque ex Sacra Lucæ historia, colligere licet, vel schismata & dissidia scriptionis causam fuisse, uti priori ad Corinthios, vel defectionem a pura Evangelii veritate, uti illi ad Galatas; sed piam potius pro hac Ecclesiâ curam ac sollicitudinem; quam Apostolo intendebat periculum, prophetico spiritu prævisum, quod Ephesiis ab hominibus seductoribus imminerebat. **Act. XX: 29, 30.** Huic occasione accedebat & alia, cujus expressam ipse mentionem facit: nempe ne puderet ipsos vinculorum ejus, quibus Romæ pro Evangelio captivus detinebatur: neve idcirco animus ipsis fatisceret aut languesceret, & a veritatis ac pietatis recto cursu metu pudoreve declinaret. Ita vero universam religionis Christianæ summam Divina hac epistola exponit, ut exuberantem quandam non sermonis tantum Evangelici *παρηγορίαν*, sed & Spiritus Sancti vim & sensum, & charitatis Christianæ flammam quandam ex electo illo pectore emicantem, & lucis Divinæ fulgorem quandam admirabilem inde elucentem, & fontem aquæ vivæ inde scaturientem, aut ebullientem potius, animadvertere liceat: idque tanta copia, ut superabundans illa cordis plenitudo, ipsa animi sensa intimosque conceptus, conceptus autem verba prolata, verba denique priora quæque subsequencia, premant, urgeant, obruant: ut emphatice in commentariorum suorum præfatione loquitur Doctissimus *Bodinus*. Hanc secutæ sunt illæ ad *Philippenses* & *Colossenses*: quippe Roma pariter ex vinculis scriptæ, quo tempore Timotheus jam Paulo aderat: uti ex inscriptione patet. Quas, quia vix quidquam continent quod ad historiæ illustrationem faciat, præter ea quæ mox ordine exponenda sunt, brevi nunc sermone transmittimus.

**X. Prolixius de illa ad Philemonem.**

**X.** Eas excipit illa ad Philemonem, a quo Paulus, jam spei de sui liberatione plenus, hospitium sibi parari jubet **Æf. 22.** Hæc, quamvis omnium quæ exstant Paulinarum brevissima, majorem tamen orationis nostræ moram



moram exigit; ut & eum cognoscamus ad quem, & eum de quo scripta est. Scripta est ad *Philemonem*, quem natione Phrygem, officio Colossensium, quod nobilissimum Phrygiæ oppidum est, Antistitem fuisse, veteres tradiderunt. Jungitur ei *Appia*; quæ uxor fuisse creditur, insigni pietate fœmina. Neque enim aliter videtur Paulus eam *Archippo* præpositurus fuisse, & viro, & diacono, & suo aliorumque Christi ministrorum commilitoni, ipsiusque Philemonis collegæ. Col. IV: 17. Certe Græcus Scholiastes Philemonem atque Appiam *δεσπότας τῶ ὀνησίμῳ* vocat. *Theodoretus* etiam rationem addit, cur eam Paulus hic compellaverit; nimirum ne, si prætermissa fuisset, repugnaret iis quæ dicebantur: unde & factum putat, quod Paulus pari eam, quo Philemonem, titulo ornaverit, ἀγαπητὴν nuncupans. Aliis tamen probabilius videtur, voluisse Paulum blandissima hac ratione sexum infirmiore honorare, & in fide confirmare, & ad charitatem, & cum marito ὁμόνοιαν excitare.

XI. Laude imprimis digna est privata utriusque pietas, quod *domi suæ Ecclesiam* quandam haberent. Quod non absurde de domesticis intelligas fidelibus, qui & numero frequentes, & pietate excellentes, & in religionis quotidianis exercitiis ferventes essent; quibus se & alii fortassis ex vicinia ad statorum exercitiorum communionem junxerunt. *Chrysostomus* in *Præfatione ad hanc epistolam*, Philemonem admirabilem virum fuisse hinc colligit, ἀπὸ τῆς τῆν οἰκίαν αὐτῆς πάσαν εἶναι πιστὴν, καὶ ἵτω πιστὴν, ὡς καὶ ἐκκλησίαν αὐτὴν ὀνομαζέσθαι, quod tota domus ipsius fuerit fidelis, atque ita fidelis ut & Ecclesia vocaretur. Non male. Ubicunque enim vel duo sunt in nomine Christi congregati, ibi Ecclesia est. Ideo *Nyssenus*, oratione de *eunibus Hierosolyma*, currum, quo cum paucis vehebatur, Ecclesiam vocat. Τὸ γὰρ ὄχημα ἡμῖν ἀντὶ ἐκκλησίας καὶ μοναστηρίου ἦν, διὰ πάσης τῆς ὁδοῦ συμφαλλόντων πάντων, καὶ συνησυχόντων τῷ κυρίῳ. Vehiculum enim nobis loco Ecclesia & Monasterii erat, toto itinere cunctis concinentibus & una jejunantibus Domino. Eadem locutio invenitur in *Ignatii ad Heronem epistola*. πρέσβευε δὲ καὶ τὴν σεμνοτάτην Μαρίαν, τὴν θυγατέρα μὲν τὴν πολυμαθεσάτην, καὶ τὴν κατ' οἶκον αὐτῆς ἐκκλησίαν, ἥς ἀντίψυχον γενομένην, τὸ ἐξεμπλάσιον τῶν εὐσεβῶν γυναικῶν. Quæ ita vertuntur: saluta autem & venerabilissimam Mariam, filiam meam, multimode eruditissimam, & eam quæ secundum domum ipsius Ecclesiam: cui consimilis anima fiam (inepte: melius, pro qua deoveat. Nam & sic ad Ephesios, sub finem: εἴην ὑμῶν ἀντίψυχον, utinam meam pro vestra liceat impendere animam) exemplarium piarum mulieram. Sed & nihil obstat, quo minus credamus totam Colossensium Ecclesiam, vel sane notabilem illius partem, conventum suum domi Philemonis habuisse: quippe qui & Episcopus esset, & locuples ac liberalis, & ædes potuit habere amplas, atque huic rei idoneas. Certe Philemonis domum istam, quam hic Paulus nominat, ad sua usque tempora integram mansisse, usibus publicis

Qui, quis  
& qualis  
fuerit.

XI. De Ec-  
clesia quæ  
domi ipsi-  
us erat.

publicis Ecclesiæ destinata, in Præfatione ad hanc epistolam testatur *Theodoretus*. Atque hæc quidem de Philemone dicta sunt, ad quem epistola hæc scripta est.

XII. Onesimi historia.

XII. Nunc de *Onesimo* videamus, de quo, & cujus gratia est scripta. Videtur fuisse natione Colossensis, ineunte Paulo Col. iv: 9. certe conditione servus fuit. Qua ratione autem civis civi servierit, in obscuro est. An ipse se Philemoni vendidit, participandi pretii causa, quo modo & apud Romanos civis in servitutem civis venire poterat? An verna Philemonis fuit, ex ancilla in domo ejus natus? An potius a patre venditus? Id enim patrium & usitatissimum apud Phryges fuisse ex *Philostrato* ostendit *Scipio Gentilis*. Incerta omnia. Sufficit fuisse Philemonis servum; & quidem ἀρχον domino suo, hominem nauci, qui, si quo pollebat ingenio, eo ad domini fraudem fuerat abusus, & denique infami fuga ac furto se subduxerat.

XIII. Is an in fuga sua excusandus, an culpandus sit.

XIII. Non enim eorum adstipulor sententiæ quam Baronius laudat, *non scelere aliquo ex adibus herilibus aufugisse Onesimum, sed Pauli amore, cujus prædicationem in Asia positus paululum degustasset, Romam se contulisse*. Causam profecto non video, cur Interpretes aliqui ita exculpare Onesimum conati sint, ut magnam culpæ partem in Philemonem rejicere maluerint. Onesimo scilicet ad fugam capeffendam, & secum aliquid absportandum, non tam nequitiae ipsius auctor duxque fuerit, quam Evangelii amor, & viaticuli necessariorumque rerum inopia: & quis scit, inquirunt, an etiam ipsius Philemonis sævitia aut importunitas? Id enim nonnulli cum ex veteribus, tum ex novis prodiderunt. Addit *Scipio Gentilis*, epistolæ hujus interpres longe doctissimus: *quid si e contrario (nihil enim certi nobis constat) dicamus nimia cum heri indulgentia corruptum fuisse? Quam non esse parvam injuriam, qua domini servos afficiunt, sed fere omnium maximam, disertissimus Orator, & Philosophus gravissimus, Dio Prusensis docet Oratione X. Quare pessimus sic a domino effectus jure ab eo profugit, ut idem Dio scribit, ut operaretur videlicet, & non otium, ut antea, agens, dormiensque & edens, indies semper fieret pejor. Si cui lubet tam precariis, & ab omni verisimilitudine abhorrentibus hariolationibus indulgere, is a sua sententia sejunctam sciat esse meam. Paulus enim, qui totus in Philemonis laudibus est, ad Onesimum excusandum prorsus obmutescit: in suis pro ipso deprecationibus, & in heri benignitate ac clementia, omnem reconciliationis spem fundans. Si tantum pro Onesimo dici potuisset, enim vero non omisisset Paulus tam probabile argumentum. Sed singulari Divinæ providentiæ ductu factum esse videtur, ut miser ille fugitivus, in frequentissima urbe latebras quaerens, animi inops, propriæque conscientiae lincinatione excarnificatus, tandem ad Paulum, pridem sibi in herili domo visum, se receperit: si qua forte ratione, eo deprecatore, in gratiam cum domino redigi posset.*

Longe

Longe vero plura per Paulum consecutus est, quam ipse unquam vel votis concipere valuisset. Tantum enim Sanctissimi Viri increpationes, admonitiones, institutiones, effecerunt, ut ex servo nequam in hominem frugi, & quod omnia complectitur, in vere Christianum transformatus sit; a Paulo filii loco unice dilectus, Philemoni accuratissime commendatus, ab ipso in gratiam receptus, libertate donatus, futurus denique insignis Ecclesiæ Christianæ Antistes.

XIV. Saltem si *Baronio* fides, in hæc verba commentanti: *Annuisse vero Philemonem votis Pauli, ut redeuntem Onesimum non ut servum suscepit, sed ut fratrem, ac libertate donavit, perspicue ex eo colligi potest, quod constat Onesimum, post Timotheum esse factum Episcopum primatis Ecclesiæ quæ est in Asia, nempe Ephesi. Ad Ephesios enim scribens Ignatius summa cum laude meminit Onesimi, tunc apud eos agentis Episcopi, sic dicens: Posteaquam itaque numerosam vestram multitudinem in Onesimo, viro nunquam satis ob charitatem prædicando, vestro autem Episcopo, exceperim; quem opto juxta Jesum Christum vos amare, omnesque vos illius similes esse: Benedictus Deus, qui donavit vobis, qui tales estis, talem habere Episcopum. Meminit rursus ejusdem, scribens ad Antiochenos, nec non ad Heronem Diaconum. Porro hunc Onesimum, Ephesiorum Episcopum, eundem esse cum eo de quo agit Paulus apud Philemonem, tam Græcorum Menologium, quam Latinorum Martyrologium fidem faciunt.*

XI. An factus dein Ephesiorum Episcopus, & Martyr.

XV. Hæc quidem *Baronius*: sed ex usu studiosæ juventutis erit, ne ignorent quæ Reverendissimus *Usserius* ad laudatum Ignatii locum annotavit. Hunc eum esse de quo *S. Paulus* ad Philemonem scribit, & post sanctum Timotheum Ephesiorum ordinatum ab eo fuisse Episcopum, in libello de festi-  
tibus Apostolorum ad xiv. Kal. Mart. affirmat *Ado*. Eundemque Philemonis servum a *B. Paulo* Ephesiæ Ecclesiæ post Timotheum constitutum fuisse Episcopum, in *Beda*, *Notkeri*, & *Romano martyrologio*, ad eundem diem similiter legimus. Quod si verum; non alius Ephesiæ Ecclesiæ querendus fuerit Angelus, cui in II. *Apocalypseos* capitulo scribenda a Domino mandantur literæ, quam hic ipse Onesimus. In Græcorum vero menseis, & *Symeone Metaphrasta*, die præcedente memoria ejus celebratur: sed Ephesus ipsius Episcopatus ab illis omnino non agnoscitur. Et vero in *Clementinis Constitutionibus*, Lib. vii. Cap. xlviii. ille Philemonis Onesimus Berhææ in Macedonia ab Apostolis constitutus fuisse dicitur Episcopus: & *Gajum*, cujus Apostolus meminit, post Timotheum Ephesiorum fuisse Episcopum, in *Synopsi* sua *Dorotheus* affirmat. Ut *Gajo* huic (quem Ephesi fuisse Episcopum, etiam in inedito *Hippolyti* de LXX discipulis libello legimus) successisse videatur ab *Ignatio* nostro laudatus Onesimus: seniore illo, ante hanc ab eo scriptam epistolam, sub *Domitiano* martyrio jam coronato; ut in libro III. historiae suæ cap. XI. *Nicephorus* significat. At *Nicephorus* erroris arguit *Baronius* ad Annum Christi CX. Sect. X. Nam quam certum sit, inquit, *Meletem*. *Leid*.

XV. Usserius laudat.

*supervivisse Onesimum Ignatio, qui sub Trajano martyr factus est, quomodo ante Ignatium sub Domitiano martyr potuit ex hac vita migrasse? Ipse itaque Baronius ex antiquis Ecclesiasticis tabulis refert, Onesimum ab Asia Proconsule vinciri jussum, Epheso Romam abductum, ibi lapidibus obrutum, martyrium egregie consummasse.*

XVI. Epistolæ hujus utilitas.

XVI. Laudanda profecto Dei benignitas est, quod ex tot Paulinis epistolis quæ perierunt hanc tamen, mole exiguam, & de re domestica agentem, superare voluerit. Nihil enim nobis exile videri debet, quod ad Apostolorum historiam pertinet. Et imprimis operæ prætium est hoc exemplo discere, ad quam minuta se demiserit, modo charitas exigeret, Apostolica sublimitas: & quam spiritali animo atque oratione res hujus etiam seculi tractaverint: ita ut excelsus ille Christianismi genius in omnibus eluceat. Optime Chrysostomus: ἀλλ' ἐπειδὴ τινὲς φασὶ περιττὸν εἶναι τὸ καὶ ταύτην προσκεῖσθαι τὴν ἐπιστολήν, εἵ γε ὑπὲρ πραγμάτων μικρὰ ἤξιωσεν, ὑπὲρ ἑνὸς ἀνδρός, μαθεύωσαν ὅσοι ταῦτα ἐγκαλεῖσιν, ὅτι μυρίων εἰσὶν ἐγκλημάτων ἄξιοι. ἢ μόνον γὰρ τὰς ἑτῶ μικρὰς ἐπιστολάς, καὶ ὑπὲρ ἑτῶ πραγμάτων ἀναγκαίων ἐπιστολὰς εἶδε ἐγγεγραῖφθαι. ἀλλ' εἴθε γὰρ εἴη τὴν ἰσορίαν ἡμῖν παραδιδόντων Ἀποστόλων, ἢ λέγω ὑπὲρ ὧν ἐγραψάν καὶ διελέχθησαν, ἀλλὰ καὶ τὴν ἄλλην αὐτῶν ἀναστροφὴν, καὶ τὴν ἐφαγον, καὶ πότε ἐφαγον, πότε ἐκάθισαν, καὶ πᾶ ἐβάδισαν, καὶ τί καθ' ἑκάστην ἡμέραν διεπραξάντο, ἐν παύσις μέρεσι γεγόνاسι, καὶ εἰς ποῖαν οἰκίαν εἰσῆλθον, καὶ πᾶ κατήχθησαν, καὶ μετὰ ἀκριβείας ἅπαντα διηγῆσασθαι. ἑτῶ πάντα τὰ παρ' αὐτῶν γεγόμενα πολλῆς οὐφελείας γέμει. Quæ Latine in hunc sensum sonant: *Quia non desunt qui hanc epistolam superfluo adjunctam putant, quando & pro re adeo parva, & pro uno homine conscripta est, discant plane qui hujus modi sunt innumeris se criminibus reprehensionibusque obnoxios esse. Non modo enim tam parvas epistolas, & pro rebus adeo necessariis oportuit scribi; sed utinam non desuisset qui nobis Apostolorum historiam diligentissime tradidisset; non tantum quid scripserint, quid locuti sint, sed ut sese per omnem vitam habuerint, quid & quando comederint, quando sederint, quo iterint, quid diebus singulis gesserint, & quibus in locis vixerint, quam ingressi fuerint domum, quo navigaverint, ubinam applicuerint, ceteraque diligenter exposuisset! Adeo eorum omnia eximia utilitate sunt referta. Mox singulatim ostendit Patrum disertissimus, quantum utilitatis ex hac epistola capere possimus. Ac primo quidem, discendam hoc exemplo diligentiam esse circa omnes & omnia. Si enim Paulus ὑπὲρ δραπετῆς, ὑπὲρ ληστῆ καὶ κλέπτῃ τοσαύτην ποιεῖται πρόνοιαν tanta sollicitudine fugitivi & latronis & furis causam agit, quomodo non magis nos dedecet socordes esse in talibus? Deinde, ne de servis quidem esse desperandum, quo minus Divinæ participes evadant gratiæ, etiamsi ad extremum nequitiae devenerint. Porro, homines servos, si ad Christi fidem religionemque accedant, non propterea liberos fieri, vel invitis eripi do-*

minis,

minis, etiam Christianis. Quibus omnibus adjici potest, quam admirabilibus prorsusque insperatis viarum anfractibus electos suos ad salutem deducat Dominus sospitator ipsorum. Atque hæc de epistola ad Philemonem, propter ea quæ ad historiam faciunt, prolixius disputata sunt.

XVII. Omnium novissimam arbitror ad HEBÆOS epistolam, cujus Divinam auctoritatem qui cum Catholica Ecclesia agnoscunt, eorum plerique *Paulum* illius scriptorem esse contendunt, alii a Paulo discedentes, eam vel *Lucæ*, vel *Barnabæ*, vel *Clementi*, vel *Apollo* vindicant. Priorum sententia multo mihi probabilior, certioribusque rationibus nixa esse videtur. In quibus exornandis omnium industriam superavit noster SHANHEMIUS, in suis de hoc ipso argumento Exercitationibus: quibus plurimum me adjutum esse, uti in aliis rebus compluribus, ita & hic, gratus profiteor. Quamvis autem videri possem Iliada post Homerum scribere; non patitur tamen instituti mei ratio, ut Pauli historiam tam notabili sui parte mutilem. Paucis igitur, & in uberi argumento quam fieri potest brevissime, Paulo epistolæ hujus scriptionem adseram. Et rationes hoc quidem ordine disponam. Primo ex ipsa EPISTOLA ea colligam quæ ad Paulum ducunt: dein PETRI auctoritate pugnabo: tum consensu PRISCORUM, & ECCLESIAE ferme CATHOLICÆ: denique ostendam, si a Paulo discesseris, neminem restare, cui vel decima tantæ probabilitatis parte attribui queat.

XVII. De auctore Epistolæ ad Hebræos disputatur.

XVIII. Ipsa, si accurate attendatur, Epistola multa pro Paulo argumenta suppeditat: sive consideremus *Historica* quæ in ea inveniuntur; sive totum *Epistola argumentum*, & *scopum*; sive *phrases* Paulo suetas; sive *dogmata* ipsa, in quibus pertractandis eximius est.

XVIII. Multa sunt quæ eam Paulo attribuentem suadent.

XIX. Ad HISTORICA hæc pertinent: I. Quod scripta sit ex *Italia*, unde salutatur. Heb. xiiii: 24. Quod in quem magis quam in Paulum quadret, quem in Italiam profectum docetur. Act. xxvii. Unde & plures dedit literas: ad Philippenses, Colossenses, Ephesios, Philemonem. II. Quod data sit ex *vinculis*. Heb. x: 34. Quod soli fere Paulo usu venit: qui omnes quas ex Italia misit epistolas vinculorum suorum mentione quasi distinxit. Vid. Eph. i: 1. iv: 1. vi: 20. Ad Philippenses etiam quater meminit τῶν δεσμῶν. Etiam Col. iv: 18. 2 Tim. ii: 9. Philem. 13. Neque ullum scriptorem sacrum novimus cujus tam nobilitata fuerunt vincula. III. Quod mentionem faciat *Timothei* tanquam itinerum & vinculorum suorum focii. Cap. xiiii: 23. quod Paulo in epistolis omnibus suetum, solis ad Galatas & Titum exceptis: quem etiam, ut hic, *fratrem* appellare solet. 2 Cor. i: 1. Col. i: 1. 1 Thes. i: 1. & quem itinerum suorum comitem plerumque solus habuit. Frigidum est quod Calvinus excipit, Paulum Timotheum *filii* magis nomine vocare solitum esse. Quamvis enim filium vocet, quando ipsi loquitur; fratrem

XIX. I. Historica quæ in ea inveniuntur.

tamen constanter dicit, quando de ipso loquitur: si unicum fortassis locum exceperis 1 Cor. 1v: 17. Frustra etiam alii coniectant, plures illa ætate fuisse Timotheos: quum neque Sacra neque Ecclesiastica monumenta id doceant. IV. Quod spem faciat, sui ad eos adventus, ubi solutus fuerit vinculis. Et hoc solenne Paulo. Philipp. 1: 26. Philem. 22. Hinc etiam tempus scriptæ epistolæ colligi potest. Nimirum post illam ad Philipenses; prioribus Pauli vinculis vel solutis, vel jam jam solvendis. V. Quod protestationem edat sinceritatis suæ ac bonæ conscientiæ. Heb. xiii: 18. Et hic Paulo mos est propemodum singularis. Act. xxi: 1. 2 Cor. 1: 12. 1 Thes. 1: 4. -- Cujus etiam singularem quandam rationem habuit. Audiebat enim apud Judæos, quasi διδάσκων ἀποστασίαν τῷ νόμῳ. Hinc in eum Judæorum invidia, exacerbatio, querelæ: contra quas bonæ conscientiæ protestatione se purgat. Hæc Historica sunt.

XX. 2. Epistolæ argumentum & scopus.

XX. Nunc SCOPUM & ARGUMENTUM totius Epistolæ consideremus. Ubi attende I. *Occasionem*. II. *Rem quæ tractatur*. III. *Tractationis methodum*, & scripti totius œconomiam. *Occasio* scriptionis fuit amor erga gentem Hebræam, cerimoniis Mosaicis, in templo, tunc adhuc stantē, observari solitis, nimis addictam: quarum externo fulgore præstrikti Judæi, a spirituali meditatione spiritualis regni Christi arcebantur. Nullus vero eo tempore ulla verisimilitudine adsignari potest, in quem hæc magis quam Paulum quadrent. Qui amore in suam gentem fuit eximius. Rom. ix: 3. Totoque Apostolatus sui ministerio id egit, ut Judæos a cerimoniis abstraheret, ad gratiam Christi: quod & ipsi vitio versum a Zelotis. Act. xxi: 21, 28. Certe huc tendunt Epistolæ ad Galatas, & Colossenses. Neque quisquam invenitur alius, qui tanto animo ac zelo caussam istam egerit. Frustra recurritur ad aliquem ex Pauli schola discipulum. Nata enim hæc epistola est, stante Sacerdotio Levitico. Heb. vii: 4. ix: 9. adeoque vivo Paulo. Quis autem discipulorum ejus tantæ tunc in Ecclesia auctoritatis fuit, ut tam sapientem, tam vehementem, tam Paulo dignam, illiusque genium spirantem epistolam, discipulo potius quam magistro transcribere debeamus? Neque opponi velim, Paulum gentium fuisse Apostolum: scrupulum enim hunc ipse eximit Rom. xi: 14, 15. *Res* ipsa quæ tractatur de Paulo magis quam quovis alio cogitare jubet. Hic enim Christi personam, officia, beneficia, totiusque Evangelii præstantiam, ac Christianorum circa illud officia, tam luculenter, tam sublimiter, tam sapienter describi, & ex Mosaicis institutis tanta ratiocinationum ac curatione deduci cernimus; ut nihil, si a Paulinis epistolis discefferis, in omnibus Evangelicis scriptis simile iis inveniatur. Qua de re mox plura. Denique *Œconomia* tractationis Paulinæ simillima est. Duabus siquidem partibus absolvitur: altera διδασκαλικῇ, altera παρανετηκῇ. Prior doctrinalis, de Christi persona, Cap. 1: 11: 111: 1v. de Christi sacerdotali officio,

officio, & beneficiis. Cap. v: — 1x. ex parte etiam x. de Fide & percipiendi modo Cap. x: xi. agit. Posterior, hortatoria ad Christianas virtutes, tolerantiam, constantiam, sanctimoniam, charitatem &c. postremis duobus capitibus pertractatur. Methodus autem hæc peculiaris Paulo est: in epistolis ad Romanos, Ephesios, Galatas, Colossenses. Quando canonicæ reliquæ, Jacobi, Petri, Johannis, in genere hortatorio fere consistunt: vel arbitrario ordine theoretica practicis miscent.

XXI. Quamvis Spiritum Sanctum Sacros Scriptores non solum circa res docendas, sed & circa dicendi rationem ac modum, direxisse credamus: accommodavit se tamen scribentis genio, & reliquit cuique suam loquendi rationem, quam sanctificatam suo applicuit instituto. Paulo autem singularis GENIUS SERMONIS est, quem & hic deprehendas; si epistolam hanc cum aliis conferre libeat, Prolixius in hac re *Spanhemius est Part. II. Cap. 11.* Nos pauciora, sed notabilia exhibebimus. Cap. 111: 1. κλήσεως ἐπικρανίς. Phil. 111: 14. τῆς ἀνω κλήσεως. Cap. 111: 6. κἀνυχμα τῆς ἐλπίδος. Rom. v: 2. κἀνυχμεθα ἐπ' ἐλπίδι. Cap. v: 14. τελείων δὲ ἐσιν ἡ σκευὴ τροφῆς. 1 Cor. 11: 6. σοφίαν λαβόμεν ἐν τοῖς τελείοις. Phil. 111: 15. ὅσοι ἐν τελείοις. Cap. v: 13. πᾶς ὁ μετέχων γάλακτος. 1 Cor. 111: 2. γάλα ὑμᾶς ἐπότισα. Cap. vi: 11. πληροφῶρία τῆς ἐλπίδος. & x: 22. πληροφῶρία πίστεως. Vox soli Paulo usurpata. Col. 11: 2. πληροφῶρία τῆς συνέσεως. 1 Thes. 1: 5. πληροφῶρία πολλή. Cap. vi 111: 6. ix: 15. alibi passim Christum vocat τὸν μεσίτην. soli Paulo expressum elogium. Gal. 111: 19, 20. 2 Tim. 111: 5. Cap. x: 33. ὀνειδισμοῖς καὶ θλίψεσι θεατριζόμενοι. Pauli phrasis. 1 Cor. iv: 9. ὡς θεάτρον ἐγενήθημεν τῷ κόσμῳ. Cap. x 111: 9. διδασκαίς ποικίλαις μὴ περιφέρεισθαι. Eph. iv: 14. περιφερόμενοι παντὶ ἀνέμῳ τῆς διδασκαλίας. Hæc suffecerint iis retundendis, qui tantam stili a Paulino diversitatem crepant: quum e contra multa horum Paulo singularia sint.

XXII. CLAUSULA quoque hujus epistolæ eadem quæ cæterarum Paulinarum. Solet ille suas claudere voto, salutatione, signaculo. Eadem hic. Clausula. Votum est Cap. x 111: 20, 21. Simile vide 1 Thes. v: 22. 2 Thes. 111: 16. Rom. xvi: 25, 27. Phil. iv: 19, 20. Subjungit salutationem, Paulo fere perpetuam. Cap. x 111: 24. Omnia denique solito terminat signaculo. Cap. x 111: 25. ἡ χάρις μετὰ πάντων ὑμῶν, ἀμήν. Hanc autem suam esse formulam, & quidem epistolarum suarum ab aliis distinctivam, monet 2 Thes. 111: 17.

XXIII. Denique in SENTENTIIS & DOGMATIS, & MODO ea TRACTANDI & probandi, insignis hujus epistolæ cum aliis Paulinis convenientia est. Dogmata & modus ea tractandi. I. Solet Paulus elogius quibusdam Christum insignire: quæ & hic reperias. Pro exemplo sint: Vocat Christum εἰκόνα τοῦ θεοῦ ἀοράτου. 2 Cor. iv: 4. δι. docet omnia δι' αὐτῶ καὶ εἰς αὐτὸν creata esse: Col. i: 16, & ἐν αὐτῷ συνε-

σηκίνας. *Nf.* 17. attribuit ei καθαρισμὸν Ecclesiæ. Eph. v: 26. & sessionem ἐν δεξιᾷ Θεοῦ ἐν τοῖς ἑπουρανίοις. Eph. 1: 21. denique hæreditatem Dei. Rom. viii: 17. Omnia autem dicta ista in limine hujus epistolæ coacervantur. Cap. 1, 2, 3. II. Solet Paulus quædam V. T. dicta laudare: quæ & hic laudantur. *Pf.* 11: 7. *Act.* xiii: 32. *Heb.* 1: 5. v: 5. *Hab.* 11: 4. *Rom.* 1: 17. *Gal.* 111: 11. *Heb.* x: 38. *Pf.* cx: 1. 1 *Cor.* xv: 25. *Heb.* 1: 13. *Deut.* xxxiii: 35. *Rom.* xii: 19. *Heb.* x: 30. *Gen.* xxi: 9. *Rom.* ix: 7. *Heb.* xi: 18. III. Solet Paulus obscura quædam oracula V. T. & prisca historias Christianæ rei applicare, pro insigni sua in his talibus sapientia. In qua re nemo tam frequens est. Idem autem spiritus per totam hanc epistolam elucet. Omnia hæc simul sumpta plus quam probabile reddunt Paulum epistolæ hujus esse auctorem.

XXIV. Accedit Petri auctoritas. 2 Pet. III: 15, 16.

XXIV. Multa etiam & valida argumenta colligi possunt ex 2 Pet. 111: 15, 16. *Domini nostri tarditatem ad iram salutem ducite, sicut & dilectus frater noster Paulus pro sibi data sapientia scripsit vobis; ut in omnibus fere epistolis, loquens de ipsis, in quibus sunt nonnulla difficilia intellectu, quæ indocti parumque stabiles detorquent, ut & reliquas scripturas, suo ipsorum exitio.* Unde primum invicte infertur, Paulum epistolam aliquam scripsisse Hebræis: hoc modo. Posterior Petri iisdem scripta, quibus prior. 2 Pet. 111: 1. Prior scripta ἐκλεκτοῖς παρεπίδημοις διασπορᾷς &c. 1 Pet. 1: 1. qua phrasi Judæos intelligi constat. Illi enim παρεπίδημοι, advenæ inter gentes, patriis sedibus moti, & alibi ut peregrini viventes. Illi *dispersi*: dispersione Assyriaca, Babylonica, Antiochena per Epiphanem, & Claudiana *Act.* xvi: 2. Accessit etiam dispersio non coacta, sed voluntaria; non exsulum, sed colonorum. Volentes enim multi inter gentes agitabant. Conferri etiam Jacobææ epistolæ inscriptio debet. Cap. 1: 1. & *Act.* 11: 1, 9. unde patet hos ex dispersione per Petrum primo fuisse conversos. Pergo, quibus Petrus scripsit; iisdem scripsit Paulus: ergo Judæis. Quod magnum jam pro sententia nostra præjudicium est. Procedo ulterius: Paulus in ea sua ad Judæos epistola de eodem quo Petrus scripsit argumento, λαλῶν περὶ τῶν. Quænam ista? Dubium non est quin commode id referatur ad *hortationem* proxime præcedentem. *Nf.* 14, 15. Ei similis invenitur; tam quoad officium. *Heb.* x: 22, 23. quam quad motivum, non tardaturum Dominum. *ibid.* 25, 36, 37. Unde infero, hanc ipsam designari Epistolam. Sed & ad eadem quæ utrobique tractantur referri debet *tota causa de qua agitur*: nimirum confirmatio Hebræorum in fide, perpenſa irreparabili miseria quæ voluntarie lapsos, & a fide deficientes manet. De qua Petrus Cap. 11: 10, 22. Paulus *Heb.* vi: 4—7. x: 26—31. Ubi tanta deprehenditur in materia difficili doctrinæ conformitas, ut nuspiam major; & vix ulla dubitandi ratio sit, quin hæc ipsa loca in memoriam Hebræis revocare Petrus voluerit. Eandem ergo hanc epistolam in mente Petrus habuit.



habuit. Quod & ex eo confirmatur: quod Paulum Judæis scripsisse adfirmat κατὰ τὴν δοθεῖσαν αὐτῷ σοφίαν. Eam sibi ipse Paulus attribuit. 2 Cor. x1: 6. Eam se prædicare dicit. 1 Cor. 11: 6, 7. Eam habebat suo studio. Gal. 1: 14. & donatam sibi a Christo. ib. 12. Nulla re maximis Apostolorum minor. 2 Cor. x1: 5. Si vero in ulla epistola splendeant Divinæ cujusdam sapientiæ radii, certe hic fulgent luculentissime: in sententiarum conspicua ubique majestate, in sublimitate mysteriorum, denique in stupenda vi ratiocinationum, quibus ex V. T. oraculis typisque, mira arte, N. T. res exponuntur, probantur, demonstrantur. Denique quod addit Petrus, περιτὴν δυσνοήτων, ubi magis quam in hac verat epistola? quum ipse fateatur auctor πολὺν sibi λόγον esse δυσσεμῆνευτον τῷ λέγειν. Cap. v: 11, & omnium id Interpretum, in enodandis difficultatibus magnopere semper sudantium, commentarii probent. Unde & Judæi occasionem sumserunt fidem epistolæ huic derogandi, Photiniani ei ogganniendi, Novatiani ad sua principia torquendi, profani cavillandi, & ad perniciem suam calumniandi. Cuncta hæc simul sumta, valide ostendunt Petrum hanc ipsam ad Hebræos epistolam, veluti Paulinam laudare.

XXV. Tertium argumentum ex Veterum petitur testimonio. Ubi potissimum occurrit GRÆCÆ antiquitatis consensus: quæ universa Paulo hanc epistolam adscribit. Triginta & amplius Græcorum in hanc rem testimonia collegit *Spanhemius*: Par. 1. Cap. vi. Unde *Hieronymus Epist. cxxix. ad Dardanum*: *Illud nostris dicendum est, hanc epistolam quæ inscribitur ad Hebræos, non solum ab Ecclesiis orientis, sed ab omnibus retro Ecclesiis, & Græci sermonis scriptoribus, quasi Pauli Apostoli suscipi.*

XXV. Et  
Græcorum  
Patrum  
consensus.

XXVI. In Ecclesia Occidentali LATINA publice neque agnita, neque rejecta fuit hæc epistola ante seculum iv. *Eusebius* & *Hieronymus* testantur Latinorum ad sua usque tempora consuetudinem ne quidem inter scripturas Canonicas recipere, tantum abest ut Paulinam esse determinaverit. Cujus rei hæc videntur fuisse causæ. I. Quod fortasse ejus exemplar nulum a Paulo Romæ relictum sit antequam in Orientem mitteretur. II. Quod Judæis scripta, Christianis ex gentibus videri posset minus esse necessaria. III. Quod contineret δυσνόητά τινα, unde tutius esse credebatur eam publice non prælegi. Ita *Jacobus Cappellus*. Sed & illud certum I. Existisse magnos illius Ecclesiæ doctores, qui Paulinam esse agnoverunt, quos citat *Spanhemius* Par. 1. Cap. vii. In quibus sunt *Clemens Romanus*, Apostolis coævus, quem *Hieronymus* testatur, multis de eadem epistola non solum sensibus, sed & juxta verborum ordinem usum esse: & *Gobarus* apud *Photium*, eam ταῖς ἄλλαις Πάυλου ἐπιστολαῖς annumerasse. *Cyprianus* etiam ut Paulinam citat, in Libro de Cardinalibus operibus Christi: qui liber si Cypriani non sit, certe antiquus est. *Arnobius* item in Pl. civ. allegans aliquid ex Heb. vi. *Paulus*, inquit, *clamat Hebræus ex Hebræis*,

XXVI. Uti  
& multo-  
rum Lati-  
norum.

*brais. Marius Victorinus Afer*, qui sub Constantio & Constantino claruit, in scriptis adversus Arrium Lib. 11. *Ipsam substantiam dicit Paulus ad Hebraeos*. alios vide l. citato. II. Cæteris exiguas, vel nullas potius fuisse dubitandi rationes; ex eo ortas, quod perperam putaverint eam favere quibusdam erroribus. Dum fervebant contentiones cum Novatianis, premi se credebant Patres Heb. vi: 4. & x: 26. & quum solvere non valerent nodum, secuerunt: epistolæ ipsi de auctore & auctoritate litem intendentes. Quum Arriani nonnulla ex epistola hac pro se allegarent; ex cap. 1: 3. colligentes filium esse participatum, essentiatum, Patre minorem. ex *¶* 4. *γενόμενον*, factitium, creatum; ex cap. 111: 2. *πιστὸν ὄντα τῷ ποιῶσanti αὐτόν*, esse creaturam: multi interpretationis difficultate territi, sequius de epistola senserunt. Mirum quam exigua veterum quibusdam ad id suffecerint. Sic quæ de Christi lacrumis & agonia narrant Evangelistæ, quum indigna ipso viderentur, *ορθόδοξοι ἀφείλοντο τὸ ῥητόν*, ait *Epiphanius* in *Anchorato*. De Jacobi epistola, etiam dubitarunt multi, quia cum Pauli doctrina conciliare nequibant. III. Denique iv seculo publice fuisse pro Divina & Paulina a Latinis quoque agnitam. *Synod. Carthag.* 111. 397. cui interfuit Augustinus, *capitula* 47. recensentur Pauli Apostoli epistolæ 13. ejusdem ad Hebræos una. *Paulinus*, Episcopus Nolanus, *σύγχρονος* Augustino & Hieronymo, aliquoties eam citat ut Pauli Apostoli. Plurimique post ipsum: de quibus prolixè *Spanhemius* d. l. Adde *Jac. Cappelli Prolegomena*.

XXVII.  
Non tanta  
probabili-  
tas pro Lu-  
ca est.

XXVII. Denique nullus est Divinus Scriptor, pro quo decima pars horum argumentorum pugnet. Quidam *Lucæ* attribuerunt, non abludente *Calvino*, & probante *Grotio*. I. Quia sic aliqui veterum. II. Quia Epistola bene Græca est, & florida, ut *Lucæ* sermo. III. Quia scripta ex Italia, ubi *Lucas* fuit, una cum *Timotheo*. Col. 1v: 14. 2 Tim. 1v: 11. IV. Quia habet vocabula & loquendi genera *Lucæ* velut propria. At hæc nihili sunt. Nam I. Multo plures Veterum pro *Paulo* sunt: quidam voluerunt *Lucam* transtulisse in usum Græcorum: ex translationis fama orta de descriptione suspicio. II. Scatet Hebraïsmis & Syriaïsmis, *Lucæ* non ita fueris. III. Et *Paulus* in Italia fuit. IV. Similitudo vocabulorum a *Grotio* laudata exigua est, præ ea quam nos assignavimus inter hanc cæterasque *Paulinas*: ut conferenti patebit.

XXVIII.  
Neque pro  
Barnaba.

XXVIII. *Tertullianus*, & Veterum alii, adscribunt *BARNABÆ*: adsentiente *Camerone*. At nullo argumento probabili. E contra. A. Non constat, *Barnabam* fuisse in Italia, nedum invinculis. B. Uti nec *Timotheum*, qui *Paulo* constanter adhæsit, *Barnabæ* comitem fuisse, post separationem illam de qua *Act.* xv: 39. C. Non tanta *Barnabæ* lux, nec tantus zelus fuit pro libertate Christiana, quanta hic demonstrantur. vide *Gal.* 11: 13. Apostolum stricte dictum fuisse negat *Spanhemius*, p. 246. D. A

*Barnabæ*

Barnabæ sermone (observante Grotio) multum distat, si vere Barnabæ altera illa epistola sit quam etiamnum habemus. Est enim illa Barnabæ dictio præ hac rudis & incompta & βαρβαρίζουσα.

XXIX. Alii CLEMENTI ROMANO vindicarunt; quod *Erasmo* allubuit. *XXIX. Ne-*  
**Clemens** hic Romæ natus esse fertur, ad montem Cœlium, patre Faustino, *que pro*  
 matre Mattidia: quod tamen incertum. Fuit Pauli συνεργός. Phil. 1v: 3. *Clemente*  
 cum Petro creditur laborasse in ædificanda Ecclesia Romana: tertius a Pe- *Romano.*  
 tro Pontifex, Lino & Anacleto brevi sublatis. Ejus mortem *Eusebium* re-  
 jicit in Trajani III. Christi C. scripsit Epistolam ad Corinthios: quæ Eu-  
 sebio μεγάλη καὶ θαυμασία, καὶ ἀνωμολογούμενη παρὰ πάντι. At nulla  
 probabili ratione Epistola ad Hebræos ei adscribitur. Solam sermonis con-  
 venientiam laudant aliqui. Cæterum de eo quisque pro suo ingenio judi-  
 cat. Contra Clementem est, I. Quo Clemens scriptoribus Ecclesiasticis an-  
 numeretur, non θεοπνεύστοις. II. Quod homo Romanus & alienigena,  
 non adeo immixtus videatur rebus Hebræorum. III. Quod ipsi non qua-  
 dret, Heb. xlii: 19. quomodo enim sperabat se ex Italia Hebræis resti-  
 tuendum?

XXX. Denique nonnulli de APOLLO cogitant. Quod *Lutherus* opina- *XXX. Ne-*  
 tus aliquando fuit, & *Beza* verisimillimum putat, si a Paulo recedendum *que pro*  
 foret. Revera Hebræus fuit, eloquens: cui Corinthiorum quidam plus *Apollo.*  
 quam ipsi Paulo adhæserunt. 1 Cor. i: 12. lli: 4. Potens in scripturis,  
 fervens spiritu, disputans frequenter cum Judæis. Act. xvi: 24, 28. At  
 nemo Veterum ei epistolam aliquam, nedum hanc adscripsit. Concludi-  
 mus pro nemine tantum adferri posse, quantum pro Paulo.

XXXI. Nunce ea quæ ad Pauli historiam pertinent ex omnibus hisce epi- *XXXI. An*  
 stolis collecta ordine disponamus. Non diu postquam Romam venit caus- *Demas*  
 sam suam ad Neronis Cæsaris tribunal dixit; ea tunc rerum suarum angus- *Apostatis*  
 tia, ea animorum consternatione, ut amicorum fidissimi, de successu de- *annume-*  
 sperantes, eum deseruerint; ne eidem involverentur exitio. 2 Tim. iv: *randus.*  
 16. Nominatim de desertione *Demæ* queritur; qui amore inductus præ-  
 sentis seculi Thessalonicam profectus fuerit. ib. com. 10. Nimis duram eo-  
 rum esse sententiam arbitror qui Demam Apostatis annumerant; quasi  
 non Paulum solum, sed & ipsum cum Evangelio Christum deseruisset, eo  
 præsentis seculi amore victus, qui omnem prorsus Dei amorem expectorat:  
 nedum ut nescio cui *Dorotheo* credendum sit, factum eum esse Thessaloni-  
 cæ ἱερέα εἰδωλῶν. Quod & ipsi improbatum *Baronio* est. Bene *Coccejus*:  
*Nihil cogimur amplius intelligere, quam quod & ipsis Apostolis accidit: qui,*  
*quem Christus comprehenderetur, fugerunt. Non semper eadem est animi præsen-*  
*tia, & constantia in fidelibus. Qui nostrum, recte se astimans, non mavult uti*  
*Divina longanimitate in hoc seculo, quam ad judicium ire? Ita aliquando fides te-*  
*nuis est in nobis, licet habeamus maximas promissiones, quem cor nostrum de nobis*  
*Meletem. Leid.* *judicem*

*judicem statuimus.* Ita profecto decet ad nostræ potius imbecillitatis confessionem erubescere, quam de aliorum, nobis fortasse meliorum, non factis duntaxat, sed & statu, inclementius judicare. Non possum mihi temperare, quin & alia ejusdem Cocceji adjungam: adeo mihi & erudita pariter & pia esse videntur. *In hoc exemplo, inquit, est speculum humani ingenii. Etiam si arduum sit hoc seculum; nihilominus tamen ab eo non libenter discedimus; & omnia tolerabiliora morte putamus. Ipsum verbum, quo hic utitur Apostolus, ἀγανακτῶν, non tam significat πόνον ac voluptatem ex presenti seculo, quam prælationem, ut minus incommodi. Eleganter enim & ἀγανᾶν & σέβειν dicitur, non, qui admodum appetit, sed, qui boni consulit, & ἀπερείται.* Ut ut sit, resipuisse Demam, atque ingentiore animo sumto ad Paulum rediisse, non absurda quorundam opinio est. *Beza: Videtur ille postea resipiscens ad Paulum revertisse: quum fiat ejus mentio in epistola ad Philemonem, quam probabile est post hanc scriptam fuisse; quum in ea fiat mentio Timothei ipsius in inscriptione, atque etiam Marci, quasi jam cum Paulo versantis.* In eadem sententia Grotius est: qui præterea conjectat, τὸ Demas & Demetrius idem nomen esse: & suspicatur eundem hominem laudari a Johanne Epist. 111: 12. *Demetrio testimonium perhibetur ab omnibus, & ab ipsa veritate.* Quod ego neque probare neque refellere habeo. Sed de Dema satis.

XXXII.  
Quis fuerit  
Crescens,  
& quæ Galatia, in  
quam dicitur  
esse profectus.

XXXII. Quod addit Apostolus, *Crescentem* profectum esse in Galatiam, Titum in Dalmatiam, non puto eidem adscribendum esse causæ. Credibilius est, eo profectos ministerii causæ, & Paulo ita volente. Quis *Crescens* ille fuerit, aliunde non constat. Qui libertum statuerunt fuisse Neronis, de quo *Tacitus Hist. Lib. 1. Cap. LXXVI.* eorum opinionem *audacem nimis conjecturam* vocat *Coccejus.* Uti nec certum est, an per *Galatiam*, quo profectus esse dicitur, intelligatur *Gallo-Græcia*, mediterraneum Asiæ minoris, ubi Ecclesias Christo collegerat Paulus; an ipsa *Gallia*, quod Grotio videtur suadere Italiæ, ubi tunc erat Paulus, vicinitas, & vetus apud Gallos fama. Quam tanti fecit *Baronius*, ut pro certo habuerit, *Crescentem* in Galliam fuisse amandatum, Viennensemque erexisse ecclesiam, nec non & *Moguntiam* venisse, & longe lateque fidem Christianam in istis oris propagasse: quamvis simul profiteatur, negari omnino non posse, quod & in *Galatiam* profectus sit. *Dalmatia*, quo Titus ivit, vicina *Illyrico* est, sita ad *Adriam*. Cujus urbs, olim *Epidauri* nomine celebris, hodie *Ragusa*, casibus suis & terræ motibus nobilitata est. Iterum hinc liquet, quod Apostolus scribit *Rom. xv: 19.* se ab Hierosolyma usque ad *Illyricum* annunciationem Christi implevisse. Nam ne in vinculis quidem eorum est oblitus, quibus liber Evangelium prædicaverat. Huc tamen tendit ista commemoratio, ut sciret Timotheus eo sibi studiosius Romam esse veniendum, quo, varias ob causas, major esset apud Paulum fidelium ministrorum solitudo.

XXXIII. Cæterum in ista solitudine Dominum sibi adfuisse, seque corroborasse, gloriatur. Sic enim solet omnium maxime præsto esse Divina gratia, ubi humana destituunt subsidia. Agnoscit, *εὐθυμία* illam alacritatem, magnamque animi præsentiam, quam in Apologia sua expertus erat, Divinæ benignitati acceptam esse ferendam: Dominumque sibi præstitisse id quod pollicitus suis erat Mat. x: 19, 20. Luc. xxi: 15. Eo autem pertinebant omnia, *ut per ipsum Evangelium certioraretur, quod audirent omnes gentes.* Puto hæc ad ea quæ Romæ tunc gesta sunt referenda esse. Ibi enim constitutus tunc fuit Paulus, ut in summo totius mundi loco, unde Evangelii ab ipso prædicati sonus, non tanquam buccinæ, sed tanquam tonitruui, quaquaversum audiretur. Erat autem ea in re non vulgaris præconii sui confirmatio, quod quum totus mundus furiose in eum insaniret, humana vero omnia præsidia ipsum deficerent, invictus tamen steterat. Sic res ipsa comprobabat, Apostolorum Pauli a Christo esse. Porro ea quæ Romæ, quæ in Prætorio, quæ ad tribunal Cæsaris dicebantur, vel agebantur, in tanta confluentium undique nationum multitudine, celeri fama per omnes totius propemodum orbis gentes vulgata fuere. Quibus non parum ponderis ex eo accessit, quod captivus iste tam mirabilium rerum annunciator, a popularibus quidem suis accusatus, sed a Cæsare absolutus, vel certe non damnatus esset.

XXXIII.  
Paulus ab  
omnibus  
desertus  
Dominum  
sibi adsti-  
tem ha-  
buit, ad  
certiora-  
tionem  
Evangelii  
apud  
omnes gen-  
tes.

XXXIV. Atque hoc est quod dicit: *Et ereptus fui ex ore leonis.* Per leonem aliqui diabolum intelligunt, qui circuit fideles tanquam leo rugiens, & quærens quem devoret. 1 Pet. v: 8. Alii Neronem, ita dictum, vel propter Imperii magnitudinem & robur, vel, quod malim, propter sævitiam, ut Ezech. xix: 6. Prov. xxvi: 11: 15. Alii denique volunt esse locutionem *παρουσίαν*, quasi diceret non minus circa se Divinam providentiam vigilasse, quam circa Danielelem, & se eripuisse ex præsentissimo mortis periculo.

XXXIV.  
Ereptus ex  
ore Leonis.

XXXV. Eodem pertinent quæ scribit Phil. i: 12, 13, 14. *Velim autem vos scire, Fratres, quæ mihi acciderunt magis ad profectum evangelii evenisse.* Credibile est malos operarios, qui minimis quibusque nocendi occasionibus imminebant, non cessasse quin calamitatibus Apostoli insultarent, ac inde contemibile redderent ejus Evangelium. Sed Divina providentia secus accidit. Hinc enim nata Paulo occasio est, quid esset Evangelium, & quantæ in animis credentium efficacix, non verbis solum, sed & exemplo suo, in amplissimo orbis habitabilis theatro palam faciendi. Nam revera *vincula ipsius*, quæ Christi nomine, & in negotio ac causa Christi, tam invicta fiducia ferebat, *manifesta facta fuerunt in toto prætorio.* Exstant de Prætorio nuperæ doctissimorum hominum disputationes, in quibus optarim tantum esse modestiæ ac lenitatis, quantum est eruditionis. Equidem non lubet mihi isti me liti immiscere. Si Prætorium circa controversiam notat

XXXV.  
Postquam  
vincula  
ipsius ma-  
nifesta fa-  
cta sunt in  
toto Præ-  
torio.

etiam militum prætorianorum in unis castris ad Urbem tendentium multitudine; non intercedo sane quo minus Pauli innocentia prætorianis militibus, apud quos custodiebatur, & quibuscum multum negotii ac consuetudinis habuit, maxime cognita fuisse censeatur. Qui quum cæteroqui minime pietati & sanctimonie, tum suæ, tum aliorum attenderent, in Paulo tamen eam vereri & venerari, vi virtutum victi, debuerint. Sed & sine invidia alias duorum magnorum Virorum commentationes adscribere liceat: *Calvini* nimirum, & *Grotii*. Calvinus ita habet: *Prætorium pro aula vel palatio Neronis accipitur; quod Fabius vocat Augustale. Nam quum Patoris nomen generale esset initio, ac magistratus omnes significaret qui præcipuum imperium haberent (unde factum ut & Dictator summus Prætor diceretur) mansit deinde consuetudo ut Prætorium vocaretur in bello tabernaculum vel Consul, vel ejus qui præerat; in urbe autem, palatium Cæsaris, ex quo Monarchiam Cæsares occuparunt. Alioqui Prætorium etiam vocatur Consessus Prætoris.* *Grotius* multa paucis, omnia erudite. *Prætor olim dictus is qui præiret exercitui, ut Varro explicat: hinc cohors prætoria, navis prætoria. Hinc prætorium dici capit, tentorium Imperatoris; inde etiam Præsidis provincie domus; duo prætoria coli, apud Tacitum. Romæ Cæsarium domus Palatium dicebatur: sed provinciales, assueti vocabulo prætorii, appellabant & hanc πραιτώριον. Profecto causam non video, cur ea explicatio, sprete omnium fere tam antiquiorum quam recentiorum interpretum auctoritate, rejiciatur. Nam Cæsarem appellaverat Paulus: ad Cæsarem missus erat: & si subscriptioni posterioris ad Timotheum aliqua fides est, παρὲς τὴν καίσαρι Νέρονι. ab ipso Cæsare auditus; præsentibus, uti credibile, Burrho præfecto prætorii & Seneca, qui officii ratione ab audientia illa vix poterant abesse, & qui n eo loco ubi Cæsar jus dicere solet? Ibi causam suam solus, sine avvocato & patrono, egit, & solita sibi animi præsentia ac παρρησία, Christi etiam spiritu verba dictante, locutus, sui admiratione totum auditorium implevit. Sic ut causam Dei in meliorem partem innotesceret, quum in ipso Prætorio apud Cæsarem, ejus præfectum, Assessores judicii, comitesque & reliquos ἐν τῇς καίσαρος οἰκίας ex domo Cæsaris, tum apud alios omnes qui affluerant auditores, totamque adeo urbem.*

XXXVI.  
Fideles  
Christiani  
in ipsa Cæ-  
saris do-  
mo.

XXXVI. Atque hinc factum ut & in ipsa Cæsaris domo reperti sint fideles Christiani, quorum nomine Philippenfes salutatur cap. iv. 22. in his *Torpem* quendam laudat *Baronius*, quem postea martyrio coronatum esse, Romanum testatur martyrologium. Aliqui etiam de *Sabina Poppæa* suspicantur, quam *Josepus* quoque pietatis nomine laudat, quod se Judæorum aliquoties protectricem præstiterit. *Antiq. xx. vii.* At ego *Tacito* malim credere, huic mulieri cuncta alia fuisse præter honestum animum. *Annal. xiii.* Majore cum veri specie, nisi forte temporis ratio obstat, *Pomponiam Græcinam*, nobilissimam matronam, Pauli triumphis annumeres. De qua *Tacitus*

*citus eodem Annal. Libro. Et Pomponia Gracina, insignis femina, Plautio, qui ovius se de Britannia rettulit, nupta, ac superstitionis externæ rea, mariti iudicio permissa. Isque prisco instituto, propinquis coram, de capite famaue conjugis cognovit, & insontem nunciavit. Longa huic Pomponiæ atas, & continua tristitia fuit. Nam post Juliam Drusii filiam dolo Messalinæ interfectam, per quadraginta annos, non cultu nisi lugubri, non animo nisi mæsto egit. Idque illi imperitante Claudio impune, mox ad gloriam vertit. Admodum probabile est, externæ superstitionis nomine Christianam religionem intelligi, qua sola plus offendeabantur Romani quam omni peregrinorum numinum cultu. Neque a vero abhorret, eum animi habitum, qui se, pio de admissis peccatis dolore, & generoso omnium terrenarum deliciarum & mundanarum voluptatum contemptu, prodidit, mœstitia hic vocari.*

XXXVII. Dubitari nequit, quin qui Romæ erant Christiani Paulo de rebus ad vitæ hujus commoditatem necessariis prospexerint. Sed nec alii committendum sibi existimaverunt ut officio hic suo deessent. Onesiphorus, vir locuples & beneficus, ex Asia Romam venit, Paulumque studiosissime quæsit, ut liberalitatis suæ muneribus recrearet. 2 Tim. 1: 16. Philippenses ex Macedonia Epaphroditum misere, Paulo futurum adiutorem & commilitonem, & tam uberis simul munificentiae latorem, ut abunde sibi esse cum gratissimi animi testificatione scripserit. Philip. 11: 25. 1v: 14, 18.

XXXVII.  
Onesiphori  
& Philip-  
pensium  
liberalitas  
in Paulum.

XXXVIII. Iisdem indicat, se, primæ Apologiæ periculo defunctum, spem & fiduciam liberationis ac dimissionis suæ concepisse, ex consideratione scilicet charitatis Dei ac misericordiæ erga tenellam suam ecclesiam: quantum ipsi licebat rationes Divinæ sapientiæ perspectas habere, & ex iis judicare. Phil. 1: 25. Addit, se sperare in Christo Jesu, fiducia sibi a Domino facta, quod Timotheum, cito ad ipsos missurus, imo & ipse cito venturus esset. Phil. 11: 19, 24. Eademque fiducia hospitium sibi a Philemone parari jubet; spero enim, inquit, me per preces vestras donatum iri vobis. Philem. com. 22.

XXXVIII.  
Qui fiducia  
sibi a Do-  
mino facta  
sui ex vin-  
culis liber-  
ationem  
sperat.

XXXIX. Videtur denique libertati jam fuisse redditus, quum Hebræis scriberet xiii: 22. Scitote fratrem Timotheum solutum esse, cum quo, si mox venerit, videbo vos. In quæ verba Chrysostomus: Απολευμένον, Φησὶ. πόθεν; ὁμαι, αὐτὸν καὶ εἰς δεσμοτήριον ἐμβεβλησθαι. ἢ εἰ μὴ τῷτο, ἀπὸ Ἀθηνῶν ἀπολευμένον. καὶ γὰρ τῷτο ἐν ταῖς πράξεσι κεῖται. Scilicet ambiguitate non caret vox Græca ἀπολευμένον. Significare enim potest, captivitate exemptum, vinculis solutum: quæ quamvis alibi non narrentur, ex hoc tamen loco supponuntur. Grotius: Timotheum cum Paulo Romæ fuerat, & eo digresso remanserat in Italia, datusque in vincula, ac deinde liberatus iter aliquo instituerat, in Galliam forte, inde redire in Italiam cogitans. Sed quum precario ista dici videantur, alii maluerunt ἀπολευμένον vertere

XXXIX. Et  
liberati,  
una cum  
Timotheo,  
jam reddi-  
tus vide-  
tur, quan-  
do ad He-  
bræos scri-  
bebat.

dimissum, scilicet ab ipso Paulo. Sic Jacobus Cappellus: Quippe Phil. 11: 19. pollicitus est, se quam primum eum in Orientem remissurum. Id nunc dicit a se factum. Emanuel Sa vult quidem hæc a Paulo dici; sed dimissum Athenis, non Roma, vult Timotheum: multos laudans auctores sententia sue, Chrysostomum, Theophylactum, Occumenium, Anselmum, Thomam. Sed certe series historia Paulina refellit hanc interpretationem, adeoque cum verbis Pauli non satis convenit. Ut enim DIMISSUM interpreteris, dimissum a me, id cujusvis lingue proprietates admittere potest. Quam autem Athenarum in hac epistola nullo modo meminerit Paulus; quo jure vocem Athenis potius, quam aliam quamvis urbem in qua modo commoratus fuerit Timotheus, subintelligendam censebimus? Non multum recedit Coccejus: Caterum in verbo ἀπολελυμένον hærent docti. Putant enim significari, eum e vinculis dimissum fuisse. Atqui de vinculis nihil legimus. Potest autem dimissio intelligi & Apostoli. q. d. ἀπολελυμένον ὑπὸ ἐμῶν, a me dimissum, sive alio eum siverit ire, sive, ipsius flagranti cupiditate motus, eum siverit abire a se ad Ecclesias omnes, ut eas obiens etiam Hebræos cum primis alloqueretur verbis hujus epistolæ & omni sermone adhortationis. Quod posterius si dicimus, facimus cum antiqua traditione; quæ dicit, hanc epistolam missam esse per Timotheum. Post pauca sic concludit: si hoc sequimur, hæc paraphrasis erit: Timotheus valde cupivit vos invisere. Eum igitur permisi discedere. Is vobis non incognitus est (γινώσκετε, cognoscitis, in indicativo.) Spero igitur vos & epistolam ex manu ipsius suscepturos cupide, & sermonem adhortationis patienter admissuros. Spero tamen, & me ad vos rediturum, quum is venerit; & quidem simul ac venerit, etiamsi cito venerit. Non diffiteor equidem subtiliter hæc a viris eruditissimis annotata esse; plenum tamen assensum hætenus a me impetrare non potuerunt. Quamvis enim haut ignorem, verbum ἀπολύειν dimittendi ad ministerii alicujus præstationem significatione nonnunquam venire, quando οἱ ἀπολύοντες simul indicantur, ut Act. x i i: 3. tamen ἀπολελυμένον, simpliciter sic positum, sine designatione τῶ ἀπολύοντος, magis videtur denotare aliquem e captivitate liberatum & vinculis solutum, quam a Paulo ad Ecclesias aliquas salutandas missum ac dimissum. Confer. Act. xxvi: 37. ἀπολεύσθαι ἐδύνατο ὁ ἄνθρωπος & τ. Probabile itaque est, Timotheum aliquo tempore iisdem cum Paulo compedibus Romæ adstrictum fuisse. Ut qui Pauli audiret sive discipulus, sive minister, sive socius. Nec desunt, qui prædicatum illud ὁ δέσμιος de utroque, & Paulo & Timotheo, conjunctim intelligendum esse sciunt Philem. 1. Quod si minus solidum esse censeatur; certum tamen est, in tanto historiæ Evangelicæ defectu, ex unius quandoque verbi designatione rei alicujus gestæ veritatem colligendam esse, de qua aliunde non liquet. Hebræos itaque læto illo nuncio exhilarare voluit Apostolus, carcere jam suo solutum esse Timotheum, atque adeo, communis rei Christianæ causæ, nunc absentem: sed cujus reditum brevi præstoletur, tunc ad ipsos amandandum,



amandandum, ut sui adventus prænunciatus esset. Huc, nisi fallor, nos ducit ipsa perspicui satis sermonis simplicitas.

XL. Qua vero occasione, quave ratione, Paulus vinculis suis solutus sit, quid postea & ubi egerit, ob quam rem dein Romam redierit, ibi condemnandus ac capite plectendus, si verum fateri volumus, prorsus in obscuro est. *Baronius ad Annum Christi LXI. Num. X.* conjectat, post nefandam Agrippinæ parricidium; quum publica adulatione, lætitia quoque publica omnium esset, fortasse ex ea causa accidisse, ut Paulus in carcere jam insensato biennio, una cum cæteris vinctis, solutus vinculis, liber abire juberetur. Celeberrimus Spanhemius noster ad Historiæ Christianæ seculum 1. p. 546. edit. in Fol. hæc habet: Dimissus nempe fuerat Paulus, ea lege ut in Asia coram accusatoribus suis sisteretur; aut Romæ rursus se sisteret, quam ante nulli in ipsam Romam missi a Judæis essent. Ea occasione adiit Corinthum, hinc Troada, Miletum, (nisi legas Μελίτην) Colossos, collatis locis 2 Tim. 1v: 13, 20. cum Colos. 1v: 9. Philem. xl. 22. Sed apparentibus Hierosolyma Judæis, Romam redire coactus est, antea, ut videtur, sequente; ubi conjectus in vincula, ibidemque ultima Pauli certamina &c. Quæ quam debili nitantur fundamento, non puto mihi esse ostendendum. Ufferius, Paulum, expleto in libera Romæ custodia biennio, in Asiam inde navigasse scribit, & Colossis, uti videtur, a Philemone exceptum esse. Hinc multa per Orientem itinera narrat, colligenda ex epistolis quas priore captivitate posteriores esse putat. Pearsonus ex Italia in Hispaniam, quam Clemens Romanus το τῆμα τῆς δύσεως vocat, profectum esse post Chrysostomum, Theodoretum, aliosque e Græcis opinatur. Inde in Cretam, hinc cum Timotheo in Judæam navigasse; e Judæa in Asiam venisse, Nicopolim, Troadem, Miletum &c. denique quum persecutio Romæ biennium & amplius cessasset, & Nero in Græcia esset, Romam petiisse: ubi ultimo Neronis anno, sub Præfectis in urbe, Nerone absente, capite plexus sit. Laudanda Baronii ingenuitas est, fatentis res Pauli a liberatione ex vinculis usque ad martyrium prorsus obscuras esse. Neque enim satis esse certum, an in Hispaniam profectus sit; quoniam, dum Romæ in vinculis teneretur, propositum consilium in Hispaniam proficiscendi mutasse visus est, & profectionem in Orientem instituisse. At neque illud certo adfirmari posse, an revera in Orientem profectus sit: quum præsertim olim Mileti Ephesios allocutus, numine Divino afflatus illis prædixisset, eos non esse visuros amplius faciem suam. Quot hanc potuisse contingere existimat Baronius, si in Orientem Paulus & in Asiam (ut pollicitus fuerat scribens ad Philemonem) iterum rediisset, quin ad optatissimam Ecclesiam Ephesinam, Asiæ totius metropolin, concessisset.

XLI. De ultimo Pauli in urbem Romanam adventu, ex *Metaphrasæ* aliisque, *Baronius* ita narrat ad *Ann. Chr. LXVIII. Num. 1.* Petrus & Paulus Divino consilio, ex diversis orbis partibus Romam se iterum contulerunt,

XL. Ob quam rationem vinculis solutus sit, quid & ubi postea egerit, prorsus in obscuro est.

XLI. Cur Romam redierit, & quid ibi

fecerit, fecundum Baronium ex Metaphrasie.

runt, ut afflictatæ nimis gladio Neronis Ecclesiæ succurrerent, & collabentem pene instaurarent. Gladio enim Neronis in Romanos proceres converso, occasione detectæ alicujus conjurationis, a sanguine Christianorum aliquantum temperatum esse videtur. Hac igitur bene usi opportunitate Petrus & Paulus, Romæ (ut licebat) rursus prædicarunt Evangelium. In qua prædicatione quum multa alia mira, tum etiam hoc futurum prædixisse memorat *Lactantius Lib. IV. Cap. XXI*, ut post breve tempus immitteret Deus regem, qui expugnaret Judæos, & civitates eorum solo æquaret, ipsos autem fame sitique confectos obsideret. Tum fore ut corporibus suorum vescerentur, & consumerent se invicem: postremo ut capti venirent in manus hostium, & in conspectu suo acerbissime conjuges suas vexari cernerent, violari & prostitui virgines, diripi pueros, allidi parvulos, omnia denique ferro ignique vastari, captivos in perpetuum terris suis exterminari; eo quod exsultaverant super amantissimum & probatissimum Filium Dei.

XLII. Chrysostomi incerta traditio de causis ultimæ Neronis adversus Paulum iræ.

XLII. Quæ novarum irarum causa Neroni contra Paulum fuerit, non satis constat. *Chrysostomus* in Oratione adversus vitæ Monasticæ vituperatores, *Tom. VI. p. 164.* narrat Paulum pellicem quandam Neronis, ipsi dilectissimam, ad Christianam fidem convertisse, & persuasisse ut relictis impuritatibus quibus assueverat castam vitam degeret. Quod indignatus libidinofissimus princeps, Paulum ut seductorem & planum vinciri primum jussit, dein & interfici. Verba Chrysostomi hæc sunt: ὅτι ὁ Νέρων τὸν μακάριον Παῦλον (καὶ γὰρ ἔτυχεν κατὰ τὰς αὐτὰς ἐκείνῳ γινόμενῳ χρεῖν) τοιαῦτα ἐγκαλῶν, ὡς ἂν περὶ ὑμῖν τοῖς ἁγίοις τῆς αἰῶνος ἀνδράσι (παλλακίδα γὰρ αὐτῷ σφίδρα ἐπέραςεν πείσας τὸν περὶ τῆς πίστεως δέξασθαι λόγον, ἐπειθεὶν οὐκ αὖ καὶ τῆς ἀκαθάρτου συνουσίας ἀπαλλαγῆναι ἐκείνης) τοιαῦτα γὰρ ἐγκαλῶ ἐνείνῃ, καὶ λυμῶνα καὶ πλάνον, καὶ τὰ αὐτὰ ἄπειρ ὑμεῖς φθέγσθε, τὸν Παῦλον ἀποκαλῶν, τὸ μὲν πρῶτον ἐδῆσεν. ὡς δὲ ἐκ ἐπειθε τῆς πρὸς τὴν κόρην ἀποσχίσθαι συμβαλῆς, τέλῃ ἀπέκτεινε. Sed hæc incertæ traditionis sunt.

XLIII. An ante mortem virgis cæsus sit.

XLIII. Uti & illud, an ante capitis truncationem virgis cæsus sit. Qua de re ita disputat *Baronius ad Ann. LXIX. N. VIII.* De Petro, quod vilis haberetur persona, nulla potest esse dubitatio; quum more majorum, qui ultimo supplicio damnati essent, antea virgis caderentur. De Paulo vero, quod civis Romanus esset, & lege *Valeria* primum, ac deinde lege *Porcia*, haberetur immunis; addubitari posset. Verum constat, tam ex lege *XII. Tabularum*, quam etiam lege *Sacra*, quum aliquid ab his immane fuisset perpetratum, tunc eosdem centuriatis comitiis condemnatos, affectos verberibus primum, capite deinde truncandos. Quum igitur apud omnes gravissimum omnium scelus haberetur impietas; Paulum ejus criminis judicio postulatam ac condemnatum, antequam ultimo supplicio subiceretur, virgis cæsum fuisse, nullus jure poterit dubitare: quum præsertim adhuc *Roma in Ecclesia S. Mariæ trans pontem* exstet & in honore habeantur columna illæ, quibus ambo Apostoli alligati & virgis cæsi feruntur.

XLIV. Ne-

**XLIV.** Neque pluris facio quæ de *Plautilla*, nobilissima femina, olim a **XLIV. A-**  
 Petro baptizata, narrantur: quam scilicet obviam habuerit Paulus, quan- <sup>pocrypha</sup>  
 do, comitantibus populorum turbis innumeris, ad locum passionis perge- <sup>de velo</sup>  
 bat: & a qua, quum flentem intuitus esset, velum petierit, quo feriendus <sup>Plautilla,</sup>  
 gladio ex more obduceret oculos. Quod illa liberaliter tradiderit, postea <sup>& lacte ex</sup>  
 receptura, ab Apostolo post mortem sibi apparente. Ejusdem commatis <sup>venis Pauli</sup>  
 esse cenfeo, quod ex sectis per carnificem cervicis Paulinæ venis non tam <sup>fluente.</sup>  
 sanguinis, quam lactis fluentia manarint: quamvis *Ambrosius* & *Chryso-*  
*stomus*, nimis sæpe creduli & superstitiosi, suis id rhetoricationibus amplifica-  
 verint, & ad mysteria detorserint. Nec melioris fidei sunt, quæ de tribus  
 dulcis aquæ fonticulis fabulantur, qui in loco martyrii Paulini tunc pri-  
 mum erupisse feruntur, quum excisum Pauli caput tribus se saltibus vi  
 quadam spiritus divinitus agitavit: quorum primus dulcior, lactis sapo-  
 rem aliqua ex parte reddat; cæteri, quamvis haut longe a primo distent,  
 paulo diversum gustui saporem adferant. Cujus rei ea ratio solet adferri,  
 quod in ipso primo fluxu lac venæ dederunt, ac inde sanguinem. Fabulæ,  
 nullis veterum scriptis consignatæ: quibusque res Christiana non indiget.

**XLV.** In eundem censum refero, quæ de sepulcro Pauli traduntur; **XLV. De**  
 corpus Apostoli a Lucina Clarissima femina Senatoria sublatum, & in suo <sup>sepulcro</sup>  
 prædio, via Ostiensi, honestissimo tumulto locatum fuisse. Sicut & de Pe- <sup>Pauli.</sup>  
 tro referunt, ejus corpus a Marcello Presbytero curatum, & aromatibus  
 conditum, magnificentissime more regio, in Viticano sepulturæ esse tradi-  
 tum. Quibus addunt, loca ubi eorum sacra corpora sepulta fuere, non qui-  
 dem obscura, sed (quod mirandum est) inter persecutores absque jactura  
 & contumelia aliqua, clarissima remansisse, eademque veluti nobilissima  
 tropæa victoriæ a Christianis summo honore habita esse. Et consuevisse  
 Christianos, etiam persecutionis tempore, non tantum qui Romæ erant,  
 sed & ex remotioribus tam Orientis quam Occidentis partibus, atque ex  
 ipsa adeo Perside, Romam venire, ut veneranda Apostolorum sepulcra in-  
 viserent, ac venerarentur. De qua re & *Chrysostomus* ita rhetoricatur: *in*  
*homilia quod Christus sit Deus. Editionis Saviliæ Tom. VI. p. 631.* Ἐν τῇ  
 βασιλικῇ πόλει Ῥώμῃ, πάντα ἀφιέντες, ἐπὶ τὰς τάφους τῶν ἀλίων καὶ  
 τῶν σκηνοποιῶν τέχνησι καὶ βασιλεῖς καὶ ὑπάτοι καὶ στρατηγοί. Καὶ ἐν τῇ Κων-  
 σταντινῇ πόλει δέ, ἕδὲ πρὸς τὰς Ἀποστόλους ἐγγύς, ἀλλὰ καὶ παρ' αὐτὰ τὰ  
 πρόθυρα, ἔξω ἀγαπητὸν εἶναι ἐνέμιζαν καὶ τὰ διαδήματα περικείμενοι τὰ  
 ὄψομα αὐτῶν κατορυττεσθαι, καὶ γεύεσθαι θυμῶν λοιπὸν τῶν ἀλίων καὶ  
 οἱ βασιλεῖς. In ipsa urbe Roma, quam maxime Imperatoria, relictis omnibus ad  
 sepulcra Piscatoris & Pellionis currunt & Reges, & Præsides, & militia duces.  
 Et Constantinopoli Reges nostri magnam gratiam putant, si non prope Apostolos,  
 sed si vel extra eorum vestibula, corpora sua sepeliantur, fiantque piscatorum ostia-  
 rii Reges. Quæ si vera, certe oppido superstitiosa sunt. Æque ac illud,  
*Meletem, Leid.* =X quod

quod Constantinus Augustus, ex suggestione, ut ajunt, Silvestri, Episcopi Romani, inter Viam Ostiensem & Tiberim Basilicam Paulo struxerit, eamque opulentissimis donariis ditarit: quam, quia propter loci interjacentis angustias amplioribus spatiis ædificari non potuerat, Valentinianus Imperator, prætergressus viam illam, amplissimam reddidit; ambitu murorum viam Ostiensem complexus.

## S E C T I O XIII.

De Pauli Profopographia, Dotibus, &amp; Cælibatu.

## B R E V I A R I U M.

- I. Profopographia Pauli. II. Eruditio. III. Eloquentia, improbe taxata. IV. *Qua mente se sermone idiotam esse fateatur.* V. *Quamvis non desit ipsi Prophetarum & Oratorum, ubi res poscit, sublimitas.* VI. *Beza judicium de ipsius stilo, & docendi ratione.* VII. *Chrysostomus de orationis Pauline efficacia.* VIII. *Eximia Pauli virtutes.* IX. *Cælibatus.* X. *Quid intelligatur per ἀδελφὴν γυναῖκα 1 Cor. ix: 5.*

I. Profopographia Pauli.

**A**Tque ita nunc vitam Pauli Apostoli, & quæ præclare ab ipso gesta sunt, quanta a me fieri potuit accuratatione exposui. Paucula adhuc de corporis statura, de animæ dotibus, de vitæ an cælibis an conjugatæ statu, de scriptis denique ipsi attributis, expedienda restant. Corpore non valde spectabilem fuisse, ipse innuit 2 Cor. x: 20. Chrysostomus alicubi ἀνθρώπον τρίπηχυν κομύχιον tricubitalem nuncupat. Lucianus, aut quicumque Philopatridis auctor est, Paulum in mente habuisse creditur, quando in scenam producit Γαλιλαῖον, ἀναφаланτίαν, ἐπίρρινον, ἐν τρίτῳ ὕψος ἀεροβατήσαντα, Galileum, recalvastrum, naso aquilino, qui in tertium usque calum per aërem ingressus est. At nemo diligentorem Pauli προσώπου φαφίαν reliquit quam Nicephorus Callistus Lib. II. cap. xxxvii. ὁ δὲ γε θεσπέσιος Παῦλος μικρὸς ἦν καὶ συνεσταλμένος τὸ τὸ ζῶμα μέγεθος. καὶ ὡς περ ἀγκύλον αὐτὸ κεκτημένος. σμικρὸς καὶ κεκυφώς. τὴν ὄψιν λευκός. καὶ τὸ πρόσωπον προφερές. ψιλὸς τὴν κεφαλὴν. χαροποὶ δὲ αὐτῷ ἦσαν οἱ ὀφθαλμοί. κάτω δὲ τὰς ὀφρὺς εἶχε νεύσας. εὐκαμπὴ καὶ ῥέπκωσαν ὅλῳ τῷ προσώπῳ περιφέρων τὴν ῥίνα. τὴν ὑπὲρ δασεῖαν καὶ καθειμένην ἀρκύντως ἔχων. ραινομένην δὲ ταύτην καὶ τὴν κεφαλὴν ὑπὸ πολιαῖς ταῖς θριξίν. Paulus autem corpore erat parvo & quasi incurvo atque paululum inflexo, facie candida, annosque plures præ se ferente, & capite calvo: oculis multa inerat gratia, supercilia deorsum versum vergebant: nasus pulcre inflexus, idemque longior: barba densior & satis promissa: eaque non minus quam capitis coma, canis etiam respersa erat. Quæ qua auctoritate Nicephoro tradita sint, meum non est præstare.

II. Cer-

II. Certiora & compertiora de eximiis animi dotibus habemus: qui-  
bus tam *intellectus* quam *voluntas* ipsius exornata verum fecere diverbium,  
in vili vasculo ingentis sæpe prætii uniones condi. Ingenio præditus fuit  
sagaci, judicio solido & subacto, memoria tenaci; in Tarsensi fortassis  
schola non segniter imbutus iis artibus quibus mentes ad humanitatem for-  
mari solent; ne Poëticæ quidem elegantiae rudis, &, si quæ a *Chrysostomo*  
narrantur credere fas est, Philosophiæ ad eum modum peritus, ut cum ipso  
contendere potuerit Platone. Verum hæc videri possunt *ὑπερβολικώτερα*.  
Dubium non est quin in Hebraica literatura magis excelluerit; uti in ini-  
tio a nobis est demonstratum. Sed quod Evangelii mysteria attinet; enim-  
vero hic fuit veluti aquila in nubibus. Neque meritis cujusquam laudi-  
bus detractum iri existimo, si quis arbitretur in omni Prophetarum & Apo-  
stolorum choro paucos admodum rerum Divinarum scientia pares Paulo  
fuisse, superiorem fortasse neminem.

III. Equidem non sine indignatione delicatulorum quorundam inter-  
pretum miniatulas lego, nunc ratiocinationes Apostoli, nunc stilum & lo-  
quendi modos, temeraria præsumptione fugillantium; quasi intelligi &  
exponi non possit, nisi frequenter ei veniam male connexeram argumen-  
tationu'n, & incommodarum locutionum faciant. Ita qui instituunt, sive  
illi Græci, sive Latini, sive Veteres, sive Recentiores sint, eos ego non  
Paulo solum, sed & ipsi Spiritui Sancto, cujus ductu & argumentatus est  
& scripsit, convitium dicere, nec veram ejus mentem in iis quæ criminan-  
tur unquam assecutos esse, fidenter assevero: sine ulla hæsitatione *Coccejo*  
nostro subscribens. *Init. comment. ad Rom. 1. §. 8. Cui videtur Apostolus*  
*confragose loqui, eum necesse est mentem Pauli non assequi, nec habere. & paulo*  
*post §. 9. Non est metuendum, ne non, quum attenderis, & te docilem Spiritui*  
*Sancto præbueris, & κατὰ τὴν ἀναλογίαν τῆς πίστεως secundum conformitatem*  
*fidei interpretatus fueris, ac salutare sermones retinueris, atque ita intellexeris,*  
*tum apparituum tibi sit, ita scripturam locutam esse, ut nos aliter locutam esse.*  
*Quare qui de stilo Sanctorum conqueruntur, se suspectos faciunt, quod pro verbis*  
*Spiritus Sancti parati sint sua, tanquam meliora, substituentes nobis imponere.*  
A quibus non multum abludunt Epiphanius ista *Hæresi LXIV. Num. xxix.*  
*Ὅσπερ ἀκοντιστῆς ὁ ἀπόστολος* Ⓢ *δεινὸς διεσπασμένα ῥήματα τῶν λόγων εἰς μέ-*  
*σον ἐμβάλλων, ἀσαφῆ μὲν καὶ ἐπικεκαλυμμένην ποιῆσθαι εἰς βάθος* Ⓢ *τῶν*  
*ἀναγνωσμάτων τὴν ἐξεργασίαν, ἀληθευτάτην δὲ, καὶ ὀρθόδοξον, καὶ μηδὲν*  
*ἔχουσαν ἀπημελημένον, ἢ ὁσφισμον. Τοῖς μὲν γὰρ μὴ μετὰ σπασθῆς, ἀλλὰ*  
*ἀγενῶς ἐκπίπτουσι τοῖς λόγοις, ἀσυνάρτητα εἰς ὅτε δοκεῖ καὶ αὐτομῶνα*  
*λέγειν. Τοῖς δ' ἀν' σπασδαίοις, καὶ λογισμῶν ἠέφοντι, ὁπόσης τάξεως ἐμπλεῖς*  
*καὶ ἀληθείας. Etenim Apostolus, velut peritissimus quidam jaculator, contortas*  
*verborum sententias in medium emittens, ut obscuram, profundissimisque sensibus*  
*occultatam orationem instituit; sic verissimam, rectaque fidei consentaneam, quæ*

II. Erudi-  
tio.

III. Elo-  
quentia,  
improbe  
taxata.

nihil aut negligentius dictum aut absurdum continet. *Qui enim non stultose, sed oscitanter, in illius sermones incurrunt; iis nonnunquam minus sibi consentanea, ac coherentia dicere videtur. Qui vero operam adhibent, & sobria, atque exacte mente in illos incumbunt, ex ordine omnia, ac rei veritate pronunciata judicant.*

IV. *Qua mente se sermone idiotam esse fateatur.*

IV. Fatetur quidem de se Apostolus, aut saltem videtur fateri, *se idiotam sermone esse* 2 Cor. xi: 6. Sed non idcirco fatetur, se inconsiderate, *ἀπαιδέως*, & contra legitimi discursus canones, indocte verba fundere. Non temnenda prorsus *Augustini* in hunc locum commentatio est: *Id, inquit, quasi concedendo obtrectatoribus sic locutus; non tanquam id verum agnosceret, confitendo.* At demum *Hieronymo*, improbe petenti, ut Paulus non de humilitate, sed de conscientia veritate dixisse statuatur: non tamen ob eam causam approbamus quæ *Algasia* scribit: *Profundos & reconditos sensus lingua non explicat, & quum ipse sentiat quid loquatur, in alienas aures puro non potest transferre sermone; quem quum in vernacula lingua habeat disertissimum, quispe Hebraus ex Hebrais, seipsum interpretari cupiens involuitur.* Præclarus omnino *Cocceji* in hanc Apostoli *ῥήσιν* commentarius est; dignus quæ ubique legatur. „Removet, inquit, quod ad ipsius deprecationem dicebatur a pseudapostolis: tanquam nihil detrahens perfectioni Apostolatus. IDIO-  
TA SERMONE, hoc est, loquens ut idiota, & *ἀγράμματος*. C. 10: 10.  
ὁ λόγος ἐξ ἐθνηγενή. Non est putandum Apostolum hic uti ironia.  
Puto enim vere loqui: quod & Hieronymus concedit. Et nisi id verum  
esset, non habuissent obtrectatores ipsius, quod carpèrent. Sermo alius  
est idioticus, popularis, omnibus auribus conveniens, doctorum, indo-  
ctorum, virorum, feminarum, senum, juvenum, sapientum, insipientium.  
Alius autem sermo est conveniens Poëtis & Oratoribus. Paulus  
sciebat se non esse missum ad Philosophos, ad Senatores, ad populum in  
concione detinendum, & mulcendum, ad pompam verborum exponen-  
dam, ad inanes tinnitus vocabulorum effundendos, ut esset tanquam  
*χαλκός ἢ κύμβαλον ἀλαλάζον*: sed se missum esse, ad humiles æque ac  
ad sublimes, Græcos ac Barbaros, ad totum mundum omnibus ætatibus  
vocandum, non per docte fictas fabulas, sed per sermones simplices ac cla-  
ros, ad implendum terram cognitione Dei. Ideoque elegit stilum idio-  
ticum, talem scilicet, qualem pater & mater ad filium aut filiam suam in-  
stituere possit: ut & patres ac matres & pueri & magni & parvi, & docti  
& indocti haberent, quod narrare & ad communem ædificationem alius  
alii in mentem revocare possent. Id vero non officit quo minus epistolæ  
sint *ἰσχυραὶ καὶ βαρεῖαι*. In quibus certe, etiamsi genus sermonis sit hu-  
mile & idioticum, invenimus magnam vim, sapientiam, & majesta-  
tem: & imprimis, quod potissimum erat, magnam aptitudinem ad  
docendum.

V. Quod

V. Quod vero non comtiori sermone uteretur Apostolus, ex eo profectum non est, quod non potuerit si voluisset; sed quod noluerit, quia censebat non expedire Evangelio. 1 Cor. 11: 2, 4. Cæterum ubi orationis sublimitatem res ipsa pœcebat, adeo mox eam assurgere deprehendas, ut neque prophetarum, neque oratorum ὑψὲς desideres. Quod & ipse agnoscere coactus est Hieronymus, ad Pammachium scribens epistola L. „Paulum „Apostolum proferam; quem quotiescunque lego; videor mihi non verba, sed audire tonitrua. Legito Epistolas ejus, & maxime ad Romanos, „ad Galatas, ad Ephesios, in quibus totus in certamine positus est; & vides eum in testimoniis quæ sumit de Veteri Testamento, quam artificem, quam prudens, quam dissimulatur sit ejus quod agit: videntur „quidem verba simplicia, & quasi innocentis hominis & rustici, & qui „nec facere nec declinare noverit insidias; sed quocunque respexeris fulmina sunt. *Ac rursus ad eundem Epist. LXII.* Ubi vocatur Electionis „vas, tuba Evangelii, rugitus Leonis nostri, tonitru Gentium, flumen „Eloquentiæ Christianæ: qui Mysterium retro generationibus ignoratum, & profundum divitiarum sapientiæ & scientiæ Dei, magis minatur quam loquitur. „

V. Quamvis non desit ipsi Prophetarum & Oratorum, ubi res poscit, sublimitas.

VI. Non possum mihi temperare, quin appingi curem *Βεζæ*, haut obesse profecto naris Critici, annotationem ad 2 Cor. x1: 6. „*Ἰδιώτας* alibi diximus proprie dici privatos, id est plebejos, & ex medio vulgo homines, „qui, quod non ita liberaliter sunt educati, fere sunt excellentium rerum, „ac præsertim oratoriæ illius facultatis prorsus rudes & imperiti. Quid igitur? an imperitus loquendi Paulus & elinguis, ut Hieronymus existimat? Imo vero Chrysostomum potius, & doctissimos quosque ex „Græcis, ipsam denique rationem secutus, quamvis nativa illa & masculinæ facundiæ germana ornamenta, ipsi videri possint non defuisse, fateor „tamen illum fucatæ istius Rhetorices pigmentis uti noluisse: nempe ut „vi Spiritus hominum animos ad Christum raperet, non autem sermonis „blanditiis, adulatorum more, alliceret. Sed quum orationis ipsius totam indolem & *χαρακτῆρα* propius considero, nullam ego in ipso Platone similem grandiloquentiam, quoties illi libuit Dei mysteria detondere, nullam in Demosthene parem *δεινότητα* comperisse me fateor, quoties animos metu Divini judicii perterrefacere, vel commonefacere, vel „ad contemplandam Divinam comitatem artrahere, vel ad pietatis ac misericordiæ officia constituit adhortari: nullam denique vel in ipso Aristotele & Galeno, præstantissimis alioquin artificibus, magis exactam „docendi methodum invenio. „

VI. *Βεζæ* judicium de ipsius stilo, & docendi ratione.

VII. Ut ut sit. Ille sua confessione Idiota tantum Evangelii prædicatione valuit, ut, opitulante Divina gratia, millenos triumphaverit philosophos, millenos ad silentium redegerit rhetores. *Ἀλλ' ὁμοῦς ὁ ἰδιώτης ἔτι μᾶλλον*

VII. Chrysostomus de orationis Paulinæ efficacia.

μυρίαις ἐνίκησε φιλοσόφους, μυρίαις ἐπιστόμισε ῥήτωρας, ἀπὸ τῆς αὐτῆς προθυμίας, καὶ τῆς τῆ χάριτος τοῦ πᾶν ἐργασάμενος. Chrysost. *Pref. ad Rom.*  
 Atque hæc est ratio, cur vel pulverem oris istius videre tanto opere desideraverit; illius, inquam, oris, per quod magna ista & arcana locutus est Christus, & majora quam per semet ipsum (sicut enim majora per Apostolos operatus, ita & locutus est) per quod Spiritus admiranda sua oracula promulgavit orbi habitabili. Quid enim non boni os illud patravit? Populit dæmones, solvit peccata, obmutescere fecit tyrannos, philosophorum linguas obstruxit, orbem terrarum adduxit Deo, Barbaris persuasit ut operam darent sapientiæ, omnia quæ in terra sunt reconcinnavit, & quæ in cælis sunt ad eum quem voluit disposuit modum. Si Græca mavis, sic habe: τὰς τῆς σώματος ἐκβολὰς τὴν κόνιν ἰδεῖν, δι' ἧς τὰ μεγάλα καὶ ἀπόρρητα ὁ Χριστὸς ἐλάλησε, καὶ μείζονα ἢ δι' αὐτῆς (ὡς περὶ γὰρ εἰργάσατο μείζονα διὰ τῶν μαθητῶν, ἢ τῶν καὶ ἐφθόγγατο) δι' ἧς τὸ πνεῦμα τῆ οἰκουμένης τὰς θαυμαστὰς ἐκείνης χρησμούς ἐδωκε. Τί γὰρ ἔκ εἰργάσατο ἐκεῖνο τὸ σῶμα ἀγαθὸν; δαίμονας ἤλασεν, ἀμαρτήματα ἔλυσε, τυράνους ἐπιστόμισε, φιλοσόφων γλώττας ἐνέφραξε, τὴν οἰκουμένην τῷ Θεῷ προσήγαγε, βαρβάρους φιλοσοφεῖν ἐπέισε, πάντα μετερρύθμισε τὰ ἐν τῇ γῇ, καὶ τὰ ἐν οὐρανοῖς, ὃν ἐβόλετο, διετῆκε τρόπον. *Ad finem Epistola ad Romanos.*

VIII. Eximie Pauli virtutes.

VIII. Quid cæteras Pauli virtutes memorem? profundam illam *Humilitatem*, qua se aliorum pedibus lubens submisit, omnium se peccatorum maximum, omnium sanctorum ἐλαχιστότερον *minimo minorem*, sponte professus: sublimem illam *magnanimitatem*, qua calcatis omnibus seculi illecebris, omnibus carnis commoditatibus, omnibus sævissimarum mortium terculamentis, non nisi spiritualia ac cœlestia cogitabat, loquebatur, & sectabatur super omnia: illum *Zelum*, quo totus ad Dei gloriam hominumque salutem flagrabat: illam *charitatem* prorsus incredibilem, qua paratus erat, si quidem fieri posset, anathema esse a Christo pro Judæis, fratribus suis secundum carnem: illam in obeundo munere *diligentiam*, nullis fractam laboribus: illam *constantiam* plane invictam, sub nullis fatiscentem periculis, opprobriis, cruciatibus: *prudentiam* illam prope Divinam, qua singula rerum, hominum, temporum momenta prospicienter expendens, quid, ubi, quando, quomodo agendum esset, sapientissime discernebat: *Sanctitatem* denique exactissimam, qua ipsum, quantum pote, Christum referens & exprimens, toti se Ecclesiæ in exemplum præstituit. Quid *liberalitatem* laudem curamque pauperum, quorum sublevandorum gratia tam longinqua & molesta aliquoties suscepit itinera? quid *sobrietatem*, & parsimoniam, per quam factum est ut solo victu & amictu contentus, non modo nihil opulentum in vita expetierit, sed semper in re tenui a licitis etiam abstineret? quid *Castimonie* puritatem, & abstinentiam ab omni specie mali, sic ut domitis pravis cupiditatibus corpus ipse suum precibus ac jejuniis



jejuniis contuderit, ac in servitutem redegerit, neque ad subjugandam libidinem matrimonii indiguerit capistro?

IX. Facile enim iis confisco qui in casto ipsum *calibatu* vitam transe-  
gisse credunt. Huc sane ducunt verba 1 Cor. VI: 7. *Θέλω γὰρ πάντας*  
*ἀνθρώπους εἶναι ὡς καὶ ἐμαυτὸν.* Palam utique est, toto fere hoc capite id  
agere Paulum, ut vitam solutam ac cælibem, propter instantem Evangelii  
confessoribus necessitatem, vincitæ ac conjugatæ anteferat; modo quis con-  
tinentiæ dono præditus carere matrimonii usu queat. Hac fini suum laudat  
exemplum. Nullis libidinum concupiscentiis agitatus vas suum in san-  
ctificatione & honore possidebat. Nullisque matrimonii officiis distractus,  
nullo conjugis amore obstrictus, solum Deum amabat ardentius, colebat  
liberius. Id quum perquam sibi commodum esse experiretur, idem donum  
aliis optat. Donum, inquam, perpetuæ abstinentiæ, de quo & Christus  
Mat. XIX: 11, 12. Quo sequentia etiam aurigantur *ψf. 8. Dico autem innu-*  
*ptis & viduis, bonum eis esse si manserint ut ego.* Postquam de nuptis & matri-  
monio junctis locutus esset, nunc de virginibus & viduis quoque subjun-  
git, cunctis se in exemplum proponens, idemque continentiae donum voto  
optans, quo ipse pollebat. Unde plus quam probabili collectione infertur,  
fuisse cælibem. Nam quod quidam ratiocinantur conjugatum fuisse, quia  
inter conjugatos mentionem sui faciat; id præstantissimis Interpretibus le-  
ve ac frigidum merito jure censetur: quia posset eadem ratione colligi fuisse  
viduum, quia viduos inter de se loquatur.

X. Ad eandem mentem expono 1 Cor. IX: 5. *An non habemus potesta-*  
*tem ἀδελφῶν γυναῖκα περιάγειν* *sororem uxorem circumducendi, quemadmodum*  
*& ceteri Apostoli, & fratres Domini & Cephas?* Non placet eorum inter-  
pretatio qui de honesta aliqua, pia, divite matrona explicant, quales Chri-  
stum comitatæ sunt, de bonis ipsi suis servientes. Si enim hoc voluisset  
Paulus quod illi volunt, non addidisset *γυναῖκα*: nam voce *ἀδελφῆς* jam  
sexum indicaverat. Quis ignorat, sorores esse mulieres? Neque est quod  
existimemus Pauli ætate cognitæ istiusmodi fuisse mulieres, quas *Cypriani*  
ævo & paullo post *συνοισάκης* dixere, quæ, Clericis ministrantes, sub  
conjugii prætextu virginitatem nihilominus illibatam conservabant: &  
nomine *uxores* erant, usu *sorores*. Sic de Anastasio Presbytero *Amphilo-*  
*chius*: *λέγει τῇ γυναίκὶ αὐτῆς, ὀνόματι μὲν ἀδελφῇ δὲ τῇ χρήσει.* Sic &  
*Basilius*: *γυνὴ μὲν αὐτῆς ὑπάσχει τῷ ὀνόματι. ἀδελφῇ δὲ τῇ χρήσει.* Talium  
enim feminarum cum presbyteris cohabitationem a primævi Christianismi  
simplicitate ac severitate alienam fuisse, docet Doctissimus *Dodwellius* *Dis-*  
*sertatione Cyprianica III.* Præterea confessum satis est Petrum, aliosque ex  
cognatis Domini fuisse conjugatos, qui uxores suas Ecclesiæ sumtibus cir-  
cumduxere. Voluit ergo ostendere, ut jure suo cesserit; quod, etsi non ha-  
buit, habere tamen potuit uxorem, quam, ut alii faciebant Apostoli, cir-  
cumduceret.

IX. Cæli-  
batus.

X. Quid  
intelliga-  
tur per  
*ἀδελφῶν*  
*γυναῖκα*  
1 Cor. IX:



II. Ejusdem furfuris est alia, nisi fallor, *Apocalypsis* Pauli, seculo quar- II. Apoca-  
to ab imperitis & credulis Monachis valde celebrata; at nulli veterum lypsis Pau-  
cognita. Ajunt tempore Theodosii Imperatoris, apud Tarsum Ciliciæ, in li.  
ædibus Pauli, arcam marmoream, Deo revelante, sub terra inventam fuisse, in qua hic liber esset reconditus. Verum *Zozomenus* postquam ea narra-  
set *Libr. VII. Cap. XIX.* sic pergit: *Mihi vero hac de re percontanti falsum id*  
*esse dixit Cilix quidam, Presbyter Ecclesiæ Tarsensis: quem quidem jam gran-*  
*dævum ipsa canities indicabat. Aiebat autem se nihil ejusmodi apud ipsos gestum*  
*comperisse; ac suspicari ne id ab hæreticis confictum esset.*

III. Laudati etiam multis Veterum sunt ACTUS sive περίοδοι PAULI & III. Actus  
THECLÆ: de cujus Theclæ vita duo pridem commentaria Græca edita Pauli &  
sunt Antverpiæ, a *Petro Pantino*, Decano Bruxellensi; quorum unum Ba- Theclæ.  
filii Seleucienfis, alterum Simonis Metaphrastæ nomen inscriptum gerit.  
Nuperrime autem ex Bibliotheca Bodlejana eorundem nobis exemplar  
Græce & Latine exhibuit *Johannes Ernestus Grabius*, in *Spicilegio Patrum*  
*Seculi Primi.* Inscriptio est, *Μαρτύριον τῆς ἁγίας καὶ ἐνδόξης πρωτομάρτυ-*  
*ρῆς καὶ Ἀποστόλης Θεκλας.* Summa historię huc redit. Paulo Iconium  
venienti occurrit Onesiphorus quidam cum conjuge & liberis, eum hospiti-  
tio excepruri. Quem prorsus ita, uti eum descriperat Titus, invenerunt,  
*μικρομεγέθη, ψιλὸν τὴν κεφαλὴν, ἀγκύλον ταῖς κνήμας, ἑυκνημον, συνό-*  
*φρον, ἐπίρρινον, χάριτος πλήρη, statura brevi, calvastrum, cruribus curvis,*  
*surosum, superciliis junctis, naso aquilino, plenum gratia.* Quæ non multum  
abludunt a *Luciani* descriptione, supra memorata. Nisi quod hic addatur,  
modo eum hominis, modo Angeli habuisse figuram, Ut vero Onesiphori  
domum introivit, oratio flexis genubus fusa, panisque fractus est; & ver-  
bum Dei de continentia & Resurrectione a Paulo prædicatum. Multis  
etiam encomiis laudata est pura virginitas, cum ingentis præmii promissio-  
ne. Hæc per proximam suæ domus fenestram audiebat THECLA, primæ  
dignitatis virgo, desponsata viro nobili & opulento, cui *Thamyridis* no-  
men. Tantoque mox Paulum audiendi desiderio exarsit, ut nulla ratione  
a fenestra illa divelli quiverit: animumque nuptias dissolvendi induxerit.  
Mater ejus Theoclia, totaque familia, sed imprimis *Thamyris*, tam inspe-  
ratam subitamque virginis mutationem mirati atque indignati, conquesti  
sunt apud Iconiensium Præsidentem Castellium, adversus Paulum præcipue  
detonantes. Ad quem in carcerem jussu Præsidis conjectum, corrupto do-  
nariis ostiario, noctu venit Thecla, ex Pauli ore auditura magnalia Dei.  
Hinc factum, ut Paulus, veluti magnus, flagellatus & urbe excedere jussus  
sit: Thecla vero, furibunda matre id postulante, ad vivicomburium da-  
mnata. Quæ a Christo, sub Pauli specie apparente, animata, facto crucis  
signo, alacriter conscendit rogam. Verum Deus Theclæ misertus, frago-  
rem subtus e terra excitavit, nubesque desuper aqua & grandine plena  
*Meletem. Leid.* Y obumbravit,

obumbravit, ac sinus terræ ruptus quasi se effudit, adeo ut multis pereuntibus ignis extingueretur, & Thecla salva evaderet. A Paulo Antiochiam abducenda; ubi novis iterum implicita fuit difficultatibus, per importunos amores nescio cujus Alexandri, sanctissimæ virginis forma capti. Quo accusante, & ipso munus edente, ad bestias damnata est, cum elogio, SACRILEGA. Leæna vero in eam immissa, pedes ejus reverenter lungebat, nihil præterea mali faciens. Hinc deducta fuit Thecla in domum Trifinæ, honoratissimæ apud Antiochenos femina: cujus filiam Falconillam, sine cognitione & fide Christi mortuam, precibus ex inferis liberatam, ad locum refrigerii & ad vitam æternam transtulit. Postera luce rursus in Theatrum producta est. Inde leones atque ursi in eam immissi. Sævissima vero leæna iterum ad pedes ejus procubuit; & invadentem concito cursu ursam discerpsit; uti & alterum leonem, hominibus devorandis assuetum. Ita tamen, ut & ipsa illa officiosissima leæna in conflictu illo necaretur. Thecla tot belluarum victrix, vertens sese, videt foveam plenam aquis, & ait, *Nunc tempus est ut abluar*, & præcipitem se dedit in aquam, dicens: *In nomine tuo, Mi Domine Jesu Christe, ultima die baptizor*. Hinc clamor spectantis turbæ, ipsiusque adeo Præsidis, metuentium ne ilico a phocis absumeretur. Sed phocæ splendore ignei fulguris percussæ, cunctæ emortuæ supernatarunt; Theclam vero ignea nubes circumdedit, ut neque bestię eam tangerent, neque nuda conspiceretur. At necdum defuncta suis certaminibus novis iterum & formidolosissimis bestiis objicitur. Quæ omnes, virtute unguentorum a mulieribus spectatricibus in caveam projectorum, quasi somno obrutæ, Theclam haut tetigerunt. Tandem & furentium taurorum impetum evasit. Tot prodigiis obstupefactus Præses, hoc decreto liberam esse jussit: THECLAM ANCILLAM DEI, LIBERAM VOBIS DIMITTO. Quæ, post Paulum Myris in Lycia quæsitum & inventum, Iconium patriam suam rediit; ubi Thamyrin quidem suum defunctum, matrem vero Theocliam vivam reperiit; sed a Christiana religione præfraçte alienam. Ea igitur relicta, Seleuciam se contulit, plurimosque verbo Christi illuminavit. Hic finem habuisse antiqua Theclæ acta, credit *Grabi*us. In eo tamen quod vidit exemplari porro narratur, Theclam in spelunca quadam prope Seleuciam per multos annos vixisse, ægrosque omni morborum genere correptos miraculose curavisse: hinc concitasse in se medicorum Seleuciensium invidiam, qui nefanda adversus sanctissimæ virginis puritatem machinantes, sceleratissimos nebulonum ad vim ei inferendam corruperunt. Verum hic quoque intercessit numinis benignitas, finem denique tot tentationibus impositura. Oranti enim vox de cælo audita est: *Ne timeas Thecla, fidelis serva mea: tecum enim sum. Respice & vide locum, qui coram te aperitur. Ibi enim perpetua domus tua erit, ibique visitaberis*. Et cum dicto vidit petram apertam, eo usque ut hominem introeuntem capere posset.

posset. Hanc ingressa, petra subito clausa coit: adeo ut neque compages appareret. Hic fertur fuisse finis Theclæ; quæ ad Christum conversa anno ætatis decimo octavo, in itinere & vita ascetica in monte septuaginta duos exegit annos; adeo ut nonagenaria esset, quando Dominus eam de terra assumpsit. Hæc summa est Actorum Theclæ.

IV. Quæ quo pretio sint habenda, nunc inquirendum restat. *Tertullianus*, Patrum Latinorum antiquissimus, *Lib. de Baptismo*, *Cap. xvi* i. contra eos qui jus docendi & tingendi muliebri sexui tribuebant disputans, hæc habet: *Quod si, qui Pauli perperam scripta legunt, exemplum Theclæ ad licentiam mulierum docendi tingendique defendunt, sciant in Asia Presbyterum, qui eam scripturam construxit, quasi titulo Pauli de suo cumulans, convictum atque confessum se id amore Pauli fecisse, loco decessisse, id est gradu Ecclesiastici muneris esse dejectum. Consentit Hieronymus in Catalogo scriptorum Ecclesiasticorum, in Paulo ita scribens: περιόδῳ Pauli & Theclæ, & totam baptizati leonis fabulam inter Apocryphas scripturas computamus. Quale enim est, ut individuum comes Apostoli inter ceteras ejus res hoc solum ignoraverit? Sed & Tertullianus vicinus eorum temporum refert, Presbyterum quendam in Asia, σπυδασὴν Apostoli Pauli, convictum a Johanne, quod auctor esset libri, & confessum se hoc Pauli amore fecisse, loco excidisse. Gelasius etiam Distinct. xv. Actus Pauli & Theclæ Apocryphis scriptis accenset. Nec quenquam hodie mortalium exstare arbitror, qui ullum ejus nominis librum pro genuino Pauli foetu agnoscat; nedum hunc cujus summam modo dedi. Attamen non, quia relatio ista Paulum auctorem non habet, ideo inferre fas est, nullam unquam in rerum natura fuisse Theclam, & quidquid de ea narratur pro mero habendum esse figmento. Etenim vix ulla persona in monumentis Patrum frequentius magisque celebrata est, quam hæc ipsa Thecla. Seculo III Cyprianus eam commemoravit, in Oratione pro Martyribus. *Assiste nobis, sicut Apostolis in vinculis, Theclæ in ignibus, Paulo in persecutionibus, Petro in fluctibus.* Et in alia oratione: *Libera me de medio seculi hujus, sicut liberaisti Theclam de medio Amphitheatro.* Seculo IV & V historiam Theclæ testimonio suo confirmarunt Gregorius tam Nazianzenus quam Nyssenus, Ambrosius, Chrysostomus, Isidorus Pelusiota: quorum verba in notis ad Acta Theclæ adduxit Clarissimus Grabius. Neque profecto validum contra Theclæ historiam Hieronymi argumentum est, quod ex Lucæ silentio petitur. Ipse enim Hieronymus in Commentariis ad Gal. i. i. ubi agitur de contentione Pauli & Petri Antiochiæ oborta, cujus Lucas in Actis nullo verbo meminit, bene monet: *non mirum esse si Lucas hanc rem tacuerit, quam & alia multa quæ Paulus sustinuisse se replicat historiographi licentia prætermiserit: & non statim esse contrarium, si quod alius ob causam dignam putavit relatu, alius inter cetera dereliquit.* Sed, quod maxime notandum, ipse Hieronymus Theclam alibi laudat: *Epist. xx* i. i. ad Eustochium, sub finem. *Qualis**

IV. Judicium de iis.

*erit illa dies, quum tibi Maria, mater Domini, choris occurret comitata virginis? Tunc Thecla in tuos lata volabit amplexus, &c.* Quamvis autem totam Theclæ historiam fabulis annumerari nolim, fabulis tamen valde conspurcatam fuisse non dubito: uti in talibus fieri amat. Neque tantum credulitatis domi habeo, ut pro genuino primi seculi scripto agnoscam toties nunc laudatum libellum: quidquid vel Baronius olim, vel Grabius nupér, argumentationibus suis contra nitantur.

V. Epistolæ Pauli & Senecæ.

V. In aliquo etiam veteribus quibusdam pretio fuerunt *Epistola Cassii* Senecæ ad Paulum, Pauli ad Senecam. Nimirum exstant *Acta* quædam *Passionis Pauli*, Lini nomine consignata; in quibus de Paulo & Seneca hæc narrantur: *Institutor Imperatoris adeo est ipsi amicitia copulatus, videns in eo Divinam scientiam, ut se a colloquio illius temperare vix posset. Quo minus si ore ad os alloqui illum non valeret, frequentibus datis & acceptis epistolis ipsius dulcedine & amicabili colloquio & consilio frueretur.* Quia vero epistolæ illæ raræ in juventutis studiosæ manibus sunt, paucisque eorum visæ; operæ pretium erit eas hic quoque exhibere, ex *Sixti Senensis Bibliotheca Sancta, Libr. II. pag. 102. & seq.*

*Paulo Annaeus Seneca Salutem.*

**C**REDO tibi, Paule, nunciatum, quod heri cum Lucillo nostro de Apocriphi, & aliis rebus habuimus. Erant enim quidam disciplinarum tuarum comites mecum. Nam in hortos Salustianos secesseramus; quo in loco, occasione nostra, alio tendentes hi, de quibus dixi, nobis adjuncti sunt. Certe quod tui præsentiam optamus. Et hoc scias volo: libello tuo lecto, id est de plurimis literis aliquas epistolas, quas ad aliquam civitatem, seu caput Provinciæ direxisti, mira exhortatione vitam moralem continentes, usque refecti sumus. Quos sensus non puto ex te dictos, sed per te, certe aliquando ex te, & per te. Tanta enim majestas earum est rerum, tantaque generositate clarent, ut vix suffecturas putem ætates hominum, quibus institui perficique possint. Bene te valere Frater cupio, vale.

*Paulus Senecæ salutem.*

**L**ITERAS tuas hilari heri accepi: ad quas rescribere potui statim, si præsentiam juvenis, quem ad te missurus eram, habuisssem. Scis enim, quando, & per quem, & quo tempore, & cui quid dari committique debeat. Rogo ergo ne te putes neglectum, dum personæ qualitatem inspicio. Sed quod literis meis vos refectos scribis; felicem me arbitror tanti viri judicio. Neque enim diceris Censor, Sophista, ac magister tanti Principis & etiam omnium, nisi quia vera dicis. Opto te diu bene valere.

*Paulo*

*Paulo Annaeus Seneca salutem.*

**Q**UÆDAM volumina ordinavi, & divisionibus suis statum eis dedi. Ea quoque legere Cæsari sum destinatus. Etsi modo fors prospere annuerit: eris forsitan & tu præsens. Sin alias, reddam tibi diem; ut invicem hoc opus inspiciamus. Decreveram non prius edere ei hanc scripturam nisi prius tecum conferrem, si modo impune hoc fieri potuisset, ut scires & te non præteriri. Vale Paule charissime.

*Paulus Seneca Salutem.*

**Q**UOTIESCUNQUE literas tuas audio, præsentiam tui cogito; nec aliud existimo; quam omni tempore te nobiscum esse. Cum primum itaque venire cæperis, invicem nos & de proximo videbimus. Bene te valere opto.

*Paulo Annaeus Seneca salutem.*

**N**IMIO tuo angimur secessu. Quid est, vel quæ res te remoratum faciunt? si indignatio Domini, quod a ritu & secta veteri recesseris & alios rursus converteris: erit postulandi locus, ut ratione factum, non levitate hoc existimet. Vale.

*Paulus Seneca, & Lucillo salutem.*

**D**E his, quibus, vel quæ mihi scripsistis, non licet harundine, & atramento eloqui: quarum altera res notat, & designat aliquid; altera evidenter ostendit, præcipue cum sciam inter vos esse, sicut apud nos, & in nobis, qui me intelligunt. Honor habendus est omnibus, & tanto magis his qui indignandi occasionem captant: quibus si patientiam ostendemus; omni modo eos ex quacunque parte vincemus; si modo hi sunt, qui patientiam sui gerant. Bene Valete.

*Paulo Annaeus Seneca salutem.*

**P**ROFITEOR bene me acceptum in lectione literarum tuarum, quas Galatis, Corinthiis, & Achæis misisti. Spiritus enim sanctus in te, & supra te excelsos, sublimiores, valdeque venerabiles sensus exprimit. Vellem itaque, cum res eximias proferas, ut majestati earum cultus sermonis non desit. Et, ne quid tibi, Frater, furripiam, aut conscientiaæ meæ debeam, confiteor Augustum sensibus tuis permotum: cui lecto literarum tuarum exordio, hæc vox fuit: Mirari etiam posse, ut qui non legitime imbutus sit, taliter sentiat. Cui ego respondi, Solere Deos ore innocentium effari; addens ei exemplum Vaticanæ hominis rusticuli; cui cum duo viri apparuissent in agro Reatino, qui Castor, & Pollux sunt nominati, divinitus instructus fuit. Vale.

*Paulus Seneca salutem.*

**L**ICET non ignorem Cæsarem nostrarum rerum admiratorem & amatorem esse, permittes tamen te non lædi, sed admoneri. Puto enim te graviter fecisse, quod in notitiam proferre voluisti, quod ritui & disciplinæ ejus sit contrarium: cum & ille gentium Deos colat. Quid tibi visum sit, ut hoc eum scire velles, non video: sed nimio amore meo facere te hoc existimo. Rogo te de futuro ne id agas. Cavendum est enim, ne, dum me diligis, offensam Domino facias: cujus quidem offensa, nec oberit, si perseveraverit; neque si non sit, proderit. Si est Regina; non indignabitur: si mulier est, offendetur. Bene Vale.

*Paulo Annaeus Seneca salutem.*

**S**CITO te non tam mei causa commotum litteris, quas ad te de editione epistolarum tuarum Cæsari feci, quam natura rerum: quæ ita mentes hominum ab omnibus artibus & moribus revocat, ut non hodie admirer, quippe ut is, qui multis documentis hoc jam notissimum habeam. Igitur nove agamus. Tu, siquid facile in præteritum actum est, veniam irrogabis. Misi tibi librum de verborum copia. Vale Paule charissime.

*Paulus Seneca salutem.*

**Q**UOTIES tibi scribo, & nomen meum tibi præfero, gravem & sectæ meæ incongruam rem facio. Debeo enim, ut sæpe professus sum, cum omnibus omnia esse; & idem observare in tuam personam, quod lex Romana honori Senatus concesserit, scilicet in epistola ultimum locum eligere, ne cum aporia & dedecore cupiam efficere, quod mei arbitrii fuerit. Vale devotissime Magister. Data quinto Kal. Julii. Nerone quarto & Messala Consulibus.

*Paulo Annaeus Seneca salutem.*

**A**VE MI Paule charissime, si mihi, nominique meo vir tantus & dilectus omnibus modis, non dico fueris junctus, sed necessario mixtus: apte actum erit de Seneca tuo. Cum sis igitur vertex & altissimorum omnium montium cacumen; haud te indignum in prima facie epistolarum nominandum censeas, ne tam tentare me, quam ludere, videaris; quippe cum scias civem esse te Romanum. Nam qui meus apud te locus; qui tuus, velim ut meus. Vale Paule charissime. Data X. Kal. Aprilis, Apriano & Capitone Consulibus.

*Paulo Annaeus salutem.*

**A**VE MI Paule charissime. Putansne me haud contristari, & non luctuosum esse, quod de innocentia vestra subinde sumatur supplicium? dehinc, quod tam obnoxios vos reatui omnis populus judicet, putans, à  
vobis



vobis effici, quod in Urbe contrarium sit? sed feramus æquò animo, & utamur foro, quod fors concessit, donec invicta felicitas finem malis imponat. Tulit & priscorum ætas Macedonem Philippi filium & Dionysium; nostra quoque Cajum Cæsarem: quibus quicquid libuit, licuit. Incendium Urbs Romana unde sæpe patiatur manifeste constat. Sed si efari humilitas humana potuisset, & impune his tenebris loqui liceret: jam omnes omnia viderent. Christiani, & Judæi, quasi machinatores incendii, supplicio affici solent. Grassator iste, quisquis est, cui voluptas carnificina est, mendacium velamentum, tempori suo destinatus est: & sicut optimi cujusque caput pro uno donatur capite; ita unum pro multis dabitur caput, & hic devotus pro omnibus igni cremabitur. Centum triginta duæ domus, Insulæ quatuor, sex diebus arserè: septimus pausam dedit. Bene te valere opto. Data quinto Kal. Aprilis, Frigio, & Basso Consulibus.

*Paulo Annaus Seneca salutem.*

**A**VE MI Paule charissime. Allegorice & ænigmaticæ multa a te usque-  
quaque opera conduntur: & ideo rerum tanta vis & muneris tibi tributa, non ornamento verborum, sed cultu quodam decoranda est. Sæpius te dixisse retineo, multos, qui talia affectent, sensus corrumpere, & rerum virtutes evirare. Cæterum hoc mihi concedas velim: Latinitati morem gere, honestis vocibus speciem adhibe, ut generosi muneris concessio digne à te possit expediri. Bene Vale. Data V. Nonas Julii, Leone & Savino Consulibus.

*Paulus Seneca salutem.*

**P**ERPENDENTI tibi ea sunt revelata, quæ paucis divinitas concessit. Certus igitur ego in agro fertili semen fortissimum sero, non quidem materiam, quæ corrumpi videtur, sed verbum stabile Dei, derivamentum crescentis, & manentis in æternum. Quod prudentia tua assecuta est, indeficiens fore debet: Ethnicorum, Israëlitarumque observationes censeo vitandas. Quæ propemodum adeptus es, Regi temporali, ejusque domesticis, atque fidis amicis insinuabis. Quibus etsi aspera & incaptibilis erit persuasio tua, cum plerique eorum minime flectantur insinuationibus tuis: sermo tamen Dei illis instillatus, novum in his hominem pariet, ad Deum hinc properantem. Vale Seneca charissime nobis. Data Kal. Augusti, Leone & Savino Consulibus.

VI. Cæterum dubitari non potest quin ficta & supposititia sint hæc VI. Utro-  
omnia. Nam neque Seneca Christianus unquam fuit, sed superbus Stoicus, <sup>que indi-</sup>  
tam in vita quam in morte; neque epistolæ vel Paulo vel Seneca dignæ <sup>guæ.</sup>  
sunt. De moriente Seneca narrat *Tacitus*, quod hausto frustra veneno potestremo stagnum calidæ aquæ introierit, respergens proximos servorum, ad-  
dita

dita voce, *Libare se liquorem illum Jovi Liberatori*. De Epistolis sic judicat *Lipsius*, eas quæ nunc sunt, tanti non esse ut memorentur: imo certum est, inquit, *ejusdem auctoris, & Pauli & Senecæ*, illas esse, & compositas a semi docto in ludibrium nostrum. Tentat Latine loqui, quisquis auctor fuit. Ulterius tendit *Baronius*, fictumque illum Senecam absurditatis & mendacii reum peragit, quod incendio isto Neroniano centum tantum & triginta duas domos ac quatuor insulas arsisse scribat: quum enim Tacitus ex quatuordecim urbis regionibus quatuor tantummodo integras remansisse testetur, longe profecto majorem exustarum domorum & insularum numerum existisse oportet. Rursus quum eadem epistola data habeatur *V. Kal. April. Apriano & Capitone Coss.* plane dicendum foret eam quinquennio ante incendium scriptam esse. Quinto enim Neronis anno hi Consulatum gessere. Quum alioqui, teste Tacito, qui res gestas Neronis per annos singulos accurate digessit, *Consulibus Memnio Regulo, & Virginio Rufo*, decimo Neronis anno, ea de Urbis incendio accidisse exploratum habeatur. Eam ob rem & reliquas tam illas ad Paulum, quam a Paulo, suspectas habet Cardinalis ad *Ann. Chris. LXVI. Num. XI.* Dissimulandum tamen non est, quod apud Sixtum Senensem, subscriptio Epistolæ qua Romanum memoratur incendium, habeat, *Frigio & Basso Consulibus*.

VII. Epistola Pauli ad Laodiceenses.

VII. Nihil propius ad Apostoli stilum accedere videtur ea quæ circumfertur ad *Laodiceenses Epistola*; cujus exemplar ita habet.

### Ἡ ΤΟΤ ἈΓΙΟΥ ΠΑΥΛΟΥ

Πρὸς Λαοδικέας ἐπιστολή.

1. ΠΑΥΛΟΣ ἀπόστολος, ἐκ ἀπ' ἀνθρώπων, ἔδε δι' ἀνθρώπων, ἀλλὰ διὰ Ἰησοῦ Χριστοῦ, τοῖς ἐν Λαοδικείᾳ ἀδελφοῖς.

2. Χάρις ὑμῖν καὶ εἰρήνη ἀπὸ Θεῷ πατρὸς, καὶ κυρίου ἡμῶν Ἰησοῦ Χριστοῦ.

3. Εὐχαριστῶ τῷ Θεῷ μετὰ τῷ Χριστῷ πάντοτε ἐν ταῖς προσευχαῖς μου, ὅτι ἐμμένοντες, καὶ προσκαρτερῶντες ὑμεῖς ἐς ἐν ἐργῶν καλῶν, προσδεχόμενοι τὴν ἐπαγγελίαν ἐν ἡμέρᾳ κρίσεως.

4. Καὶ μὴ ταραξῶσιν ὑμᾶς μαλακολογίαι τινῶν τῶν υποκρινομένων τὴν ἀλήθειαν, τῶ διαστρέψαι ὑμᾶς ἀπὸ τῆς ἀληθείας τῶ εὐαγγελισθέντων ἀπ' ἐμοῦ.

### EPISTOLA S. PAULI

Ad Laodiceenses.

1. PAULUS Apostolus non ab hominibus, neque per hominem; sed per Jesum Christum, Fratribus qui estis Laodiceæ.

2. Gratia vobis, & pax à Deo patre, & Domino nostro Jesu Christo.

3. Gratias ago Deo meo Christo in omnibus precationibus meis, quod permanentes estis, & perseverantes in operibus bonis, promissionem expectantes, in die judicii.

4. Neque disturbent vos quorundam vaniloquia insimulantium veritatem, ut vos avertant à veritate Evangelii, quod à me prædicatur.

5. Νῦν

5. Et

5. Νῦν δὲ ποιήσει ὁ Θεός, ἵνα πάν-  
τες ὅι ἐξ ἐμῶ εἰσιν ἐπὶ τὴν τελειότητα  
τῆς ἀληθείας τὰ εὐαγγέλιον φέρωνται,  
τὰ ποιῆσαι τὴν χρησιμότητα τῶν ἔργων,  
ὡς πρέπει τῇ σωτηρίᾳ τῆς ζωῆς αἰωνίας.

6. Καὶ τῶν φανεροῦ ἐγένοντο οἱ δεσ-  
μοί μου, ἐν οἷς δεσμιός εἰμι ἐν Χριστῷ,  
καὶ ἐν τούτῳ χαίρω, ἀλλὰ καὶ χαρη-  
σομαι.

7. Οἶδα γὰρ ὅτι τούτο μοι ἀποβή-  
σεται εἰς σωτηρίαν αἰώνιον, ὃ ἐγένετο  
διὰ τῆς ὑμῶν δεήσεως, καὶ ἐπιχρη-  
γίας τοῦ πνεύματος ἁγίου.

8. Ἐτε διὰ ζωῆς, ἔτε διὰ θανάτου,  
ἐμοὶ γὰρ τὸ ζῆν Χριστός, καὶ τὸ ἀπο-  
θανεῖν χάρα.

9. Αὐτὸς δὲ ὁ κύριος ἡμῶν, ἐν ὑμῶν  
ποιήσει τὸ ἐλεῆν αὐτὸς μετ' ὑμῶν, ἵνα  
τὴν αὐτὴν ἀγάπην ἔχοντες, σύμφυ-  
χοι τὸ αὐτὸ φρονῇτε.

10. Διὰ τούτο ἀγαπητοὶ, καθώς  
ἡκούσατε τὴν παρουσίαν τοῦ κυρίου, ὅτως  
φρονεῖτε, καὶ ποιεῖτε ἐν φόβῳ τοῦ Θεοῦ,  
καὶ ἔσται ὑμῖν ζωὴ αἰωνίου.

11. Ὁ Θεὸς γὰρ ἐστὶν ὁ ἐνεργῶν ἐν  
ὑμῖν.

12. Πάντα ποιεῖτε χωρὶς γογγυσ-  
μῶν, καὶ διαλογισμῶν.

13. Καὶ τὸ λοιπὸν, ἀγαπητοὶ,  
χαίrete ἐν τῷ κυρίῳ Ἰησοῦ Χριστῷ, καὶ  
ὁρατε, καὶ φυλάσσεσθε ἀπὸ πάσης  
ἀσυχροῦ κέρους πλεονεξίας.

14. Πάντα τὰ αἰτήματα ὑμῶν  
παρρησία γνωρισθέντω πρὸς τὸν  
Θεόν, καὶ βέβαιοι γίνεσθε ἐν νοί τοῦ  
Χριστοῦ.

15. Καὶ τὸ λοιπὸν, ἀδελφοί, ὅσα  
ἐστὶν ἀληθῆ, ὅσα σεμνά, ὅσα ἀγα-  
θὰ, ὅσα δίκαια, ὅσα προσφιλή, ταῦτα  
πράσσετε.

Meletem, Leid.

16. Καὶ

5. Et nunc faciet Deus, ut, qui  
sunt ex me, ad præfectionem veri-  
tatis Evangelii deferantur, ut fa-  
ciant benignitatem operum, quæ  
decent salutem vitæ æternæ.

6. Et nunc manifesta sunt vincu-  
la mea quæ patior in Christo: in  
quibus lætor & gaudeo.

7. Scio enim, quod hoc mihi est  
ad salutem perpetuam, quod factum  
est orationibus vestris, administran-  
te Spiritu Sancto.

8. Sive per vitam, sive per mor-  
tem: mihi enim, vivere, Christus  
est; & mori, gaudium.

9. Et ipse Dominus noster, in  
vobis faciet misericordiam suam vo-  
biscum, ut eandem dilectionem ha-  
beatis, & sitis unanimes.

10. Propterea dilecti, sicuti au-  
distis præsentiam Domini, ita sen-  
tite, & facite in timore Domini, &  
erit vobis vita in æternum.

11. Est enim Deus, qui opera-  
tur in vobis.

12. Omnia autem facite absque  
murmurationibus, ac disceptationi-  
bus.

13. Et quod reliquum est, dile-  
ctissimi: gaudete in Domino Jesu  
Christo, & cavete vobis ab omni  
avaritia turpis lucri.

14. Omnes petitiones vestræ  
cum fiducia manifestæ fiant apud  
Deum, & firmi estote in mente  
Christi.

15. Denique fratres, quæcunque  
vera sunt, & pudica, & casta, &  
justa, amabilia hæc facite.

Z

16. Et

180 SECTIO XIV. DE SCRIPTIS PAULO SUPPOSITIS.

Colossensibus & Laodicensibus dixisset: *non solum vestrum, sed & eorum qui me nondum viderunt, curam gero maximam.* Eam expositionem hac ratione firmat, quod Lucas testetur Act. xvi 11: 23. Paulum eodem tempore peragrassse & Phrygiam & Galatiam: Colossæ autem sunt Phrygiæ; hujus vero metropolis & vicina est Laodicea. Quomodo ergo fieri potuit, ut qui in Phrygiam venerat non iis Divinum tradiderit Evangelium? Nec vero dixerit quispiam, fuisse eum a Divina prohibitum gratia. Nam de Asia quidem & Bithynia id testatur Lucas est Act. xvi: 6. de Phrygia nullus.

XI. Non  
abludente  
Baronio.

XI. Ad quam Theodoretī ratiocinationem hæc annotavit *Baronius*: *Constat Luca testificatione Act. xvi: 6. Paulum una cum sociis, quum descendissent in Phrygiam, in qua Provincia erant Laodicea atque Colossæ, absque aliqua verbis predicatione prætereuntem venisse in Mysiam: vetati sunt enim, inquit Lucas, a Spiritu Sancto loqui verbum Dei in Asia. Quamobrem tum Paulum nondum eis fuisse cognitum existimamus. Verum post aliquot annos iterum est reversus in Asiam. Id enim est quod Lucas alibi ait. Act. xix: 1. Factum est, quum Apollo esset Corinthi, ut Paulus peragratis superioribus partibus (Asia scilicet) veniret Ephesum: ubi ipso manente factum est, ut idem ait com. 10. ut omnes qui habitabant in Asia audirent verbum Domini, Judæi atque Gentiles. Hac igitur ultima in Asiam peregrinatione Paulum Laodicensibus & Colossensibus Evangelium prædicasse, illisque probe notum fuisse, jure existimandum putamus.*

XII. *ἐπὶ  
χρησίσ.*

XII. Enim vero mihi secus videtur. Non enim quia Paulus plus semel in Phrygia fuit, ideo consequitur omnibus eum Phrygiæ urbibus Evangelium prædicasse. In primo per Phrygiam itinere, certum est prohibitum a Spiritu Sancto fuisse verbum Dei in Asia minore, cujus pars Phrygia est, loqui. Act. xvi: 16. In altero per Asiam itinere, quod describitur Act. xix: 1. incertum est an Phrygiam viderit. Partes enim superiores, quas peragrassse dicitur, sunt septentrionales, Pontus & Bithynia: uti suo loco exposuimus. Quod vero com. 10. asseritur, omnes qui in Asia erant audivisse verbum Domini, nequaquam significat Paulum illud in singulis Asiæ urbibus prædicavisse. Agitur enim de eo quod factum est Paulo Ephesi commorante; ex qua Asiæ urbe præstantissima late edita Evangelii fama est. Nimirum per auditores & discipulos Pauli, quorum aliqui forsitan mercaturæ gratia ad alias urbes excurrentes, eaque quæ Ephesi audierant viderantque narrantes, alii a Paulo ipso missi, totam Asiam salutaris doctrinæ præconio impleverunt. Nullo itaque indicio liquet, Paulum Colossis aut Laodiceæ inquam fuisse. Verum non indigemus hoc argumento, quod magis elucidandæ historiæ, quam probandæ causæ gratia, tam prolixè executi sumus: quam alioqui satis constet, nullam a Paulo datam esse occasionem aliquid de sua quadam ad Laodicensis epistola suspicandi. Atque ea profecto, quæ isthoc se nomine jactat, sine ullo salutaris sapientiæ detrimento carere possumus; quum quidquid ea continetur in iis quæ indubie Paulinæ sunt, non solum quod res, sed & iisdem propemodum verbis, inveniatur. Importuna igitur curiositas est circa supposititia satagere; quum germana ac genuina Pauli scripta, modo ea quæ par est meditatione in succum sanguinemque convertantur, cæteris authenticis voluminibus juncta, abunde nobis ad salutem erudiendis sufficiant.

# DISSERTATIONES S E L E C T Æ,

Maximam Partem  
E X E G E T I C Æ.

DISSERTATIO I.  
De Seditione & exitio Coræ.

B R E V I A R I U M.

I. Religio Mosaica validissimis se Divinitatis suæ argumentis commendat. II. In quibus est Coræ & conjuratorum nefandus interitus. III. Partitio Dissertationis. IV. Auctor conjurationis, Coræ. V. Socii conjurationis. VI. Initium criminis ambitio fuit. VII. Novatum Reipublicæ per Moysen statum pratexens. VIII. Et invidiosa oratione exagitans. IX. Hinc orta calumniosa Moysis insectatio est. X. Poëtice a Josepho exaggerata. XI. Pertinacia conjuratorum. XII. Moysis in faciem procidentis pietas. XIII. Læs Dei unius arbitrio dirimenda. XIV. Experimento in aromatum suffitu faciendo. XV. Moysis ad conjuratos sermo. XVI. Et modestia prope incredibilis. XVII. Dathanis atque Abiramii seditiosa in Moysen oratio. XVIII. A Moysen ad animum revocata. XIX. Prostante se ne unum quidem asinum ab iis summis. XX. Conjurati sistunt se ad tabernaculum cum acerris suis. XXI. Eas unde tot numero tam subito habuerint. XXII. Uti & ignem suffitus. XXIII. Dei adversus hanc protervitatem exandescencia. XXIV. Moysis & Aaronis pro seductis intercessis. XXV. Pia sane, & Deo grata. XXVI. Moyses conjuratis infandum prædicit exitium. XXVII. Quod creationem vocat propter novitatem & mirabilitatem. XXVIII. Quamvis terra hiatus causas suas naturales habeant; hic tamen Dei manus liquido cernitur. XXIX. Quid sit descendere ad inferos. XXX. Terra dehiscens seditionis auctores vivos absorbet. XXXI. Josephi rhetoricatio. XXXII. Seditionis socii absuntur igne. XXXIII. Quid One Pelethi filio factum sit. XXXIV. Quomodo, superstitibus Coræ filiis, omnes qui Coræ erant periisse dicantur. XXXV. An & ipse Coræ biatu terræ absorptus sit. Argumenta pro negante. XXXVI. Argumenta pro affirmante. XXXVII. Εἰς ἄπειρον. XXXVIII. Cur pleraque Veteris Oeconomiae miracula diu aliquid continuerint.

Colossensibus & Laodicensibus dixisset: *non solum vestrum, sed & eorum qui me nondum viderunt, curam gero maximam.* Eam expositionem hac ratione firmat, quod Lucas testetur Act. xvi 11: 23. Paulum eodem tempore peragrassse & Phrygiam & Galatiam: Colossæ autem sunt Phrygiæ; hujus vero metropolis & vicina est Laodicea. Quomodo ergo fieri potuit, ut qui in Phrygiam venerat non iis Divinum tradiderit Evangelium? Nec vero dixerit quispiam, fuisse eum a Divina prohibitum gratia. Nam de Asia quidem & Bithynia id testatus Lucas est Act. xvi: 6, de Phrygia nullus.

XI. Non  
abludente  
Baronio.

XI. Ad quam Theodoretii ratiocinationem hæc annotavit *Baronius*: *Constat Luca testificatione Act. xvi: 6. Paulum una cum sociis, quem descendissent in Phrygiam, in qua Provincia erant Laodicea atque Colossæ, absque aliqua verbi predicatione præteritum venisse in Mysiam: vetati sunt enim, inquit Lucas, a Spiritu Sancto loqui verbum Dei in Asia. Quamobrem tum Paulum nondum eis fuisse cognitum existimamus. Verum post aliquot annos iterum est reversus in Asiam. Id enim est quod Lucas alibi ait. Act. xix: 1. Factum est, quum Apollo esset Corinthi, ut Paulus peragratis superioribus partibus (Asia scilicet) veniret Ephesum: ubi ipso manente factum est, ut idem ait com. 10. ut omnes qui habitabant in Asia audirent verbum Domini, Judæi atque Gentiles. Hac igitur ultima in Asiam peregrinatione Paulum Laodicensibus & Colossensibus Evangelium prædicasse, illisque probe notum fuisse, jure existimandum putamus.*

XII. *ἐπι-  
κρίσις.*

XII. Enim vero mihi secus videtur. Non enim quia Paulus plus semel in Phrygia fuit, ideo consequitur omnibus eum Phrygiæ urbibus Evangelium prædicasse. In primo per Phrygiam itinere, certum est prohibitum a Spiritu Sancto fuisse verbum Dei in Asia minore, cujus pars Phrygia est, loqui. Act. xvi: 16. In altero per Asiam itinere, quod describitur Act. xix: 1. incertum est an Phrygiam viderit. Partes enim superiores, quas peragrassse dicitur, sunt septentrionales, Pontus & Bithynia: uti suo loco exposuimus. Quod vero com. 10. asseritur, omnes qui in Asia erant audivisse verbum Domini, nequaquam significat Paulum illud in singulis Asiæ urbibus prædicavisse. Agitur enim de eo quod factum est Paulo Ephesi commorante; ex qua Asiæ urbe præstantissima late edita Evangelii fama est. Nimirum per auditores & discipulos Pauli, quorum aliqui forsitan mercaturæ gratia ad alias urbes excurrentes, eaque quæ Ephesi audiverant viderantque narrantes, alii a Paulo ipso missi, totam Asiam salutaris doctrinæ præconio impleverunt. Nullo itaque indicio liquet, Paulum Colossis aut Laodiceæ nunquam fuisse. Verum non indigemus hoc argumento, quod magis elucidandæ historiæ, quam probandæ causæ gratia, tam prolixè executi sumus: quum alioqui satis constet, nullam a Paulo datam esse occasionem aliquid de sua quadam ad Laodicensis epistola suspicandi. Atque ea profecto, quæ isthoc se nomine jactat, sine ullo salutaris sapientiæ detrimento carere possumus; quum quidquid ea continetur in iis quæ indubie Paulinæ sunt, non solum quod res, sed & iisdem propemodum verbis, inveniatur. Importuna igitur curiositas est circa supposititia satagere; quum germana ac genuina Pauli scripta, modo ea quæ par est meditatione in succum sanguinemque convertantur, cæteris authenticis voluminibus juncta, abunde nobis ad salutem erudiendis sufficiant.

# DISSERTATIONES S E L E C T Æ,

## Maximam Partem E X E G E T I C Æ.

### DISSERTATIO I.

#### De Seditione & exitio Coræ.

#### B R E V I A R I U M.

I. Religio Mosaica validissimis se Divinitatis suæ argumentis commendat. II. In quibus est Coræ & conjuratorum nefandus interitus. III. Partitio Dissertationis. IV. Auctor conjurationis, Coræ. V. Socii conjurationis. VI. Initium criminis ambitio fuit. VII. Novatum Reipublica per Moysen statum pratexens. VIII. Et invidiosa oratione exagitans. IX. Hinc orta calumniosa Moysis insectatio est. X. Poëtice a Josepho exaggerata. XI. Pertinacia conjuratorum. XII. Moyses in faciem procidentis pietas. XIII. Læs Dei unius arbitrio dirimenda. XIV. Experimento in aromatum suffitu faciendo. XV. Moyses ad conjuratos sermo. XVI. Et modestia prope incredibilis. XVII. Dathanis atque Abiramii seditiosa in Moysen oratio. XVIII. A Moysen ad animum revocata. XIX. Protestante se ne unum quidem asinum ab iis sumsisse. XX. Conjurati sistunt se ad tabernaculum cum acerris suis. XXI. Eas unde tot numero tam subito habuerint. XXII. Uti & ignem suffitus. XXIII. Dei adversus hanc protervitatem excarescentia. XXIV. Moyses & Aaronis pro seductis intercessis. XXV. Pia sane, & Deo grata. XXVI. Moyses conjuratis infandum prædicit exitium. XXVII. Quod creationem vocat propter novitatem & mirabilitatem. XXVIII. Quamvis terra hiatus causas suas naturales habeant; hic tamen Dei manus liquido cernitur. XXIX. Quid sit descendere ad inferos. XXX. Terra dehiscens seditionis auctores vivos absorbet. XXXI. Josephi rhetoricatio. XXXII. Seditionis socii absuntur igne. XXXIII. Quid One Pelethi filio factum sit. XXXIV. Quomodo, superstitibus Coræ filiis, omnes qui Coræ erant periisse dicantur. XXXV. An & ipse Coræ hiatus terra absorptus sit. Argumenta pro negante. XXXVI. Argumenta pro affirmante. XXXVII. Ἐπίκρισις. XXXVIII. Cur pleraque Veteris Oeconomiae miracula diu aliquid continuerint.

I. Religio  
Mosaica  
validissimis  
se Divini-  
tatis suæ ar-  
gumentis  
commen-  
dat.

**I**Nsigne fuit Dei Optimi Maximi beneficium, & prolixissimi in popu-  
lum Israëliticum affectus argumentum, quod, dum cæteras mundi  
nationes in suis singulas viis ire sineret, hunc solum sibi in peculium  
elegerit, quem sui cognitione & communione, & cultus sibi decori  
arque placentis deformatione, bearet. Ps. cxlvi: 19, 20. Habuit  
profecto ista Israëliticæ religionis, per Moſen fidissimum Dei ſervum facta,  
institutio, ea in ſeſe Divinæ ſuæ originis documenta; quæ convincendis  
hominum attendentium, riteque arbitrari valentium, animis ſufficerent.  
Nam tanta ubique elucet ſapientia, tanta legum juſtitia & ſanctitas, tanta  
Legiſlatoris prudentia cuncta populi & genio & terræ & ætati attemperans,  
tanta tamque exacta omnium religionis partium ſymmetria, tam ſubli-  
mum myſteriorum ſub externo, vilium aliquando ſed & quandoque ſpe-  
cioſarum, ceremoniarum cortice, indigatio, & in his omnibus tanta *ἁγιότης*;  
ut nulla poſt natos in terra homines gens exſtiterit, cui adeo ſe  
familiariter patefecerit Deus. Psal. xix: 8, 9, 10. Deut. iv: 6, 7, 8. Ve-  
rum paucos admodum Iſrælitarum ea ſolertia ac ſagacitate præditos fuiſſe  
credibile eſt, ut iſtam Divinorum inſtitutorum præſtantiam pro rei digni-  
tate animadverterint, dignoverint, æſtimaverint. Deut. xxix: 4. Interfuit  
tamen cunctorum, ut, non Moſen de ſuo ſinxiſſe, ſed ex Dei ore quæcun-  
que iſtis exponere hauſiſſe, pleniffime apud animum ſuum perſuaſi eſſent.  
Idcirco palpabilibus argumentis, nullique contradictioni obnoxiiis, evince-  
re illud Deus voluit. In horum cenſum veniunt ſtupenda illa miracula, nu-  
mero pluriſima, varietate notabilia, prodigiis veneranda, quibus præſenti  
ſpectantique populo univerſo cœleſtem ad ipſos Moſis miſſionem compro-  
bavit. Deut. xxix: 2, 3. Neque tamen defuerunt perſcacia ingenia, in-  
credibili pravitate Moſi & religioni per ipſum traditæ obnitentia; quaſi  
non Dei, ſed ſuam duntaxat cauſam ageret, & ſe, cum fratre Aarone, ar-  
roganter ſuper populum Dei efferret. Verum, quod appriſe notari meretur,  
ita circa iſtam contradicendi proterviam verſata eſt Dei providentia, ut non  
modo nihil per illam auctoritati Moſaicæ detereretur, ſed & ipſa, præ cæ-  
teris fortassis argumentis omnibus, eidem ſtatuminandæ inſerviret.

II. In qui-  
bus eſt Co-  
ræ & con-  
juratorum  
neſandus  
interitus.

II. Pro exemplo eſſe poſſit CORÆ, cæterorumque conjuratorum, ad-  
verſus Moſen & Aaronem ſeditio, memorata Num. xvi. & à Joſepho *Antiq. Lib. iv. Cap. i.* tragice ſic exaggerata ut *ei parem vel apud Græcos, vel apud Barbaros, unquam auditam fuiſſe* neget. Scilicet huc tendebat malitioſo-  
rum hominum querula oratio: Moſen ambitioſis artibus, ſub Divinæ juſ-  
ſionis prætextu, cum aliorum injuria ſuæ tantum gloriæ ſtudere: ſibi prin-  
cipatum arrogaffe, fratri Aaroni ſummum ſacerdotium, contra priſcos mo-  
res, contra juſ & fas, ſine populi ſuffragio, dediſſe; aliaque dignitates,  
ad quas æquum cuique juſ erat, velut arrepta tyrannide, pro lûbidine di-  
ſtribuere. Neque deerant verſutis hominibus quæ ambitioni ſuæ prætexe-  
rent;



rent; mox fuffus exponenda. Accedebat conjuratorum numerus, dignitas, maximaque apud fuos exiftimatio. Parum denique abefle videbatur, quin de Mofe, de religione, & de republica actum foret. Tantum vero abeft ut quicquam per altercationes iftas divinitati Mofaicæ religionis decefferit, ut nunquam fortaffis illuftrioribus documentis afferta fit. Inaudita enim & incredibilia exempla in rebellionis auctores divinitus ftatuta, ab omni fraudis fufpitione Mofen vel apud pervicaciffimos abfolverunt.

III. Hanc ego mihi hiftoriam libero commentario illuftrandam fumfi; III. Partitio Dif-  
ei rei Exercitationem hanc daturus. Neque juftæ me methodi leges mi-  
gratarum efle puto; fi *primam* de CONJURATIS dicam, *tum* de conjurato-  
rum CRIMINE, *denique* de criminis iftius POENIS: ubi inquirendum erit,  
quod maxime in controverfiam trahi video, AN ET CORA TERRÆ VORA-  
GINE ABSORPTUS SIT.

IV. Conjuratiōis princeps auctor & concitor fuit CORÆ, (Hebraice IV. Auctor  
fcribitur קורא) filius Jizhar, nepos Caathi, fratrueis Mofis & Aaronis. Hi conjuratio-  
enim Amramo nati erant, fratre Caathi primogenito. Exod. vi: 19, 20.  
Adeo non fratrum modo gratia rara eft; fed & acerrima funt proquinquo-  
rum odia, & flagrantiffima invidia. Joſephus de ſuo addit, *opibus inter*  
*Hebraeos clarum, Mofe ditiores, & populari quadam ſacundia præditum fuiſſe.*  
Quæ res novas molientibus perquam oportune accidunt. Sed nos ipſam ſa-  
cræ hiftoriæ attendamus. Ea ſic incipit, קורא קרא. Id proprie ſonat,  
& *ſumſit Core.* At quid ſumſit? An ſemet ipſum, ut ſe à Mofe ſejungeret?  
Hoc Paraphraſtes videtur voluiſſe, qui vertit וַיִּפְּרֹד, & *diviſit ſe.* An ver-  
ba quædam, quibus concionabundus populum circumveniret? ſecundum  
illud Hoſ. xiv: 3. קרו עמכם דברים, *ſumite vobifcum verba.* Fortaſſe id  
cogitarunt Græci, transferentes, καὶ ἐλάληſε. An alios quofdam conjuratiōis  
ſocios, mox ſuis inſigniendoſ nominibus? Simpliciſſimum hoc efle arbi-  
tror: neque quicquam obſtat niſi particula conjunctionis præfixa voci Da-  
thanis, דָּתָן ET *Dathan.* Cæterum hoc ſerme nihil eſt. Commode enim  
ſic junguntur omnes iſti qui deinceps laudantur ſinguli: hoc ſenſu: *Sumſit*  
*& Dathanem & Abiramum & Onem.* Qualis dicendi ratio quum in elegan-  
tioribus quibuſque linguis obtineat, eo minus ab Hebræi idiomatici genio  
aliena cenſeri debet, quod conjunctionis particula ET adeo ibi frequenter  
redunder, ut vel ſermonem inchoet.

V. Prudenter judicavit Core, conſultum ſibi non efle, ut ſolus tanta V. Socii  
moliretur. Adſciſcendos efle ſocios, auctoritate & numero pollentes: qui conjuratio-  
& conſilio juvent, & invidiam demant, & periculum, ſi quod oriatur, aut  
propulſent, aut pariter ferant. Socios autem naſtus eſt commodiſſimos,  
DATHANEM, ABIRAMUM, ONEM, omnes *Rubenitas.* Qui & in viciniæ  
caſtra metabantur (nam & Rubenitæ & Kehatitæ ad meridiem tabernaculi  
erant collocati Num. 11: 10, & 111: 29. quod ad clauſteſtina colloquia  
perquam

perquam opportunum erat) & eidem causæ innexi, ademptis sibi, ut rebatur, per Mosen primogenituræ privilegiis. His associabantur, ex reliquis indiscriminatim tribubus, VIRI DUCENTI ET QUINQUAGINTA. Tam facile ex scintilla exigua magnum repente oritur incendium: quo non fructes duntaxat & virgulta, sed & arborum densissimæ, ipsæque corripiantur cedri. Erant enim נְשִׂאֵי עֵרָה, sive *principes familiarum*, aut cætus ex variis familiis constantis, sive judiciorum præsides, sive turmis militari- bus, majoribus minoribusve, præfecti. קְרִיאֵי מוֹעֵד, ad concilium *evocari soliti*, quoties de rebus arduis instituenda esset deliberatio. אֲנָשֵׁי עַם *Viri magna apud suos existimationis*, & sapientiæ fama incluti. Tales denique qui seditioni, ut ut nequissimæ, speciem & auctoritatem conciliare idonei erant, & singuli aliquid habebant quod ambitioni suæ prætenderent.

VI. Ini-  
tium cri-  
minis am-  
bitio fuit.

VI. CRIMEN ipsorum ita narratur, ut primo *occasionem* atque *initium* il-  
lius exponat historia, tum *progressum*, denique *pervicaciam*. *Initium* sumit  
ab insita mentibus humanis ambitione, & dominandi cupiditate; quæ  
etiam sapienti novissima exuitur. Gens Israëlita, nobilibus quidem orta  
majoribus, at in Ægypto inter lutum & lateres nata, servilibusque subacta  
ministeriis, plurimum de prisca majorum generositate desciverat. Sed si-  
mul atque in libertatem asserti fuerunt, dum incertis hæcenus sedibus per  
Arabizæ deserta palantur, mox animos sumunt, de principatu inter se con-  
tendunt, rationemque constituti à Deo ordinis ambitioni suæ posthabent.  
Quæ ambitio, paullo incitata momento, mirum est quid non mortalia pe-  
tora cogat. Non sinit modicis, & conditioni suæ convenientibus, conten-  
tos esse honoribus: plus ultra tendit, & quantumvis confragoso itinere ad  
præcipitia enititur; sui tandem & Dei oblita.

VII. No-  
varum Rei-  
publicæ  
per Mosen  
statum præ-  
texens.

VII. Favere ipsis videbatur nova reipublicæ constitutio, quæ non pa-  
rum à prisca distabat. Summa rerum penes duos fratres, Mosen & Aaro-  
nem, erat; sacra & profana supremo jure moderantes. Sacerdotii dignitas  
uni adstricta familiæ? amotis cæterarum tribuum primogenitis: quibus,  
more majorum, sine domorum discrimine, insulæ jus competiisse creditur.  
Plebs omnis, veluti profana, ab altari arcebatur; quamvis ipse aliquoties  
dixisset Deus, integrum *populum sanctum* esse, eumque *regni sacerdotalis* elo-  
gio ornasset. Levitis ipsis pro honore imputabatur, quod fratribus suis,  
qui sacerdotes se dici postulabant, ad ministerium adnumerarentur. Quis  
tam abjecti animi sit ut æqua id mente ferat? *Rubenita* præsertim, quibus,  
quæ nativitatis jure habebant, primogenituræ privilegia, aliorum ambitu  
adimebantur, partim Judæ, partim Josepho attributa. Sed & *Coræ* nomi-  
natim data videbatur justa querelæ materies. Qua enim in re minor erat  
Aarone, quum eodem propinquitatis gradu Levin patriarcham attingeret?  
Quid certe meruerat, cur in principatu familiæ paternæ postponeretur *El-  
zaphani*, filio Uzzielis; qui ex quarta Caathæorum familia erat, quum ipse  
esset ex secunda. Num. III: 30. com 27.

VIII. At-

VIII. Atque hæc quidem *occasione* & *initium* dedere crimini; *cujus* <sup>VIII. Et</sup> *exsecutio* & *consummatio* in eo consistebat, quod, quas animo voverant <sup>invidiosa</sup> *co-* <sup>oratione</sup> *gitationes*, eas mutuis sermonibus foverint, acuerint, & ad pestilentissimam seditionem maturaverint. Non abhorret à veri similitudine quod Josephus accidisse memorat: *Coram* apud contribules suos sermone ad modestiam composito diligenter disseruisse, non esse tantum Mosi permittendum ut veterem rerum formam pro lubitu innoveret; gravem hanc esse injuriam, quod homo novus ita se latenter in dominationem insinuet, ut, priusquam sentiri posset, populi libertas opprimatur. E republica esse ut istiusmodi in medium protracti puniantur: prius quam qui talia ausi è clanculariis insidiatoribus aperti hostes evadant. Quam enim rationem adferre Mosén posse, cur sibi principatum, Aaroni & filiis sacerdotium dederit. Nam principatum quod attinet, si antiquissimæ tribus ratio haberetur, optimo jure Rubenitis eam dignitatem deferendam; Dathani imprimis, vel Abiramo, divitiis juxta ac ætate inter contribules suos eminentibus. Sacerdotium vero si Leviticæ tribui ex Divina voluntate debeatur, quum Amramo natis sufficere deberet quem jam sibi arrogaverant principatus, æquum esse ut Izhari filiis committeretur sacerdotium. Rabbi *Salomo Jarchi* hunc ipsi apud contribules attribuit sermonem: *fratres patris mei fuerunt quatuor. Quorum primogenitus erat Amram: sustulerunt duo filii ejus eminentiam, unus rex est, alter sacerdos maximus. Cui competit tollere secundam? Nonne mihi, qui sum filius Izhari, qui secundus fuit ab Amramo? At ipse (Moses) מֹשֶׁה principem familiæ fecit filium fratris ejus minimi omnium. Ecce ego contendo adversus ipsam, & statuta ejus abrogari postulo. Fieri potuit ut publice ista prætexuerit; sed vix à me impetro ut credam, intra istam votorum modestiam ambiciosissimum hominem stetisse. Hæc, quamvis exerte Mosi haut memorata, clanculariis tamen sermonibus isto ferme modo agitata fuisse antequam res erumperet in nervum, oppido probabile est.*

IX. Istud certum, quod quando jam satis animati esse videbantur, junctis copiis stiterint se coram Mose & Aarone, iisque in faciem dixerint: satis superque esse debere utrique, si tanquam unus multorum haberentur in populo Israëlítico, qui totus Deo sacer, ejusque præsentia & incolatu honestatus esset. Ita nimirum, ut fieri assolet, reipublicæ utilitatem privatis commodis prætexebant. Speciosæ orationi veri aliquid inerat; sed quod maligno artificio subtruebatur calumniis. Verum erat, *totum populum esse sanctum*, quatenus eum sibi Deus à reliquis mundi nationibus segregaverat in peculium; ob quam rem, nefandis aliarum gentium Abominationibus ejuratis, purum se castumque Deo servare oportebat. Deut. VII: 6. Verum erat, *Deum in medio populi esse*, illustribus admodum gratiosæ ac gloriosæ præsentia suæ symbolis. Verum erat, *præsentia ista numinis totum quodammodo populum sanctificari*. Exod. XXIX: 42, 43. Sed omnia ista

IX. Hinc orta calumnia Mosis insensatio est.

non impediunt, quo minus dixerit Deus, *Aaronem & filios ipsius sanctificabo, ut sacerdotio fungantur mihi.* ibi. com. 44. Abutebantur itaque veritate seditiosi homines, fraudulentè inde elicientes, quæ ne elicerentur sua ipsè interpretatione caverat Deus. At Mosén atque Aaronem suo arbitrio cuncta ista sic disposuisse, atque ita ambitiosis artibus se extulisse super populum Dei, putidissima erat calumnia; quam mox solida oratione refutabit Moses. Sed ita comparati plerumque sunt homines, ut nullum, quantumvis detestabile, mendacium dicere reformident, dummodo aliquantulum inde emolumenti ad causam suam redundaturum sperare liceat. Alia longe res agebatur. Principatum sibi affectabant Rubenitæ. pontificatum Core. Sacerdotii vel magistratus communionem reliqui: quamvis non tam aperte, neque distincte, sua singuli vota explicuerint. Cuncta cætera nil nisi logi erant, & phaleræ ad populum.

X. Poëtice  
a Josepho  
exaggerata.

X. Josephus addit, eo furoris devenisse seditiosos, ut Coræ sequaces vociferati sint, sacerdotium fratri Mosi ademptum in Coram esse transferendum: populumque præterea tam fuisse concitatum, ut ad lapides conclamaretur, & insana inconditæ multitudinis vociferatio ante Dei tabernaculum audiretur, tollendum tyrannum, & populum è servitute eximendum, cui sub religionis prætextu dura imperata imponerentur. Sed illud Græcanica potius solertia, ab homine importunam sæpe eloquentiam ostentante, ita exornatum esse arbitror, quam ut accuratæ rerum veritati respondeat. Nec dum enim eo res devenerat; nec Moses Israëlitarum fidem implorat; aut ad populi panegyrim causam dicit; sed solis se accusatoribus suis placide purgat; & ad Dei iudicium, crastino die manifestandum, provocat; nemine è populo prohibente quin destinata exsequeretur.

XI. Pertinacia con-  
jurato-  
rum.

XI. Hæc de conjuratorum crimine, nunc eorumdem videamus *perveritiam*; quæ eo se potissimum prodebat, quod nulla Mosi oratione ad saniorē se mentem revocari patiebantur. Operæ itaque erit, ut quæ *fecerit dixeritque Moses* primum expendamus; tum quo modo *se illi erga Mosē gesserint.*

XII. Mosi  
in faciem  
prociden-  
tis pietas.

XII. De Mose narratur com. 4. quod *in faciem suam prociderit.* Id *Hiscani* interpretatur, quod *pudore suffusus in solum se prostraverit.* Sed bene observavit Drusius, aliud esse, *cecidit in faciem*, aliud, *cecidit facies ejus.* Hoc loquendi modo pudor & animi male sibi conscii consternatio, ipso se vultu prodens, innuitur Gen. iv: 6. non illo. Tum quæ causa pudoris Mosi erat? Nulla profecto; quum serena in omnibus gauderet conscientia, nihilque nisi deserto numinis mandato fecisset. Ego sic sentio: Mosē rei indignitate commotum, pro solita sua pietate, antequam vel loqueretur vel ageret quidquam, cujus eum fortassis deinceps pœnitere posset, os Domini consuluisse, ac devotis precibus animi moderationem ac prudentiam petiisse;

tiisse; tum etiam Dei in dirimenda hac lite bonitatem atque iustitiam implorasse. Neque dubitavit id facere, omni qui convenerat *catu teste*, uti hic, ita & alibi. Num. xiv: 5. xx: 6. Quamvis enim precibus ad iustitiam nunquam usus sit, non tamen earundem ipsum puduit. Uti Deo Magistro sapiebat, ita constare omnibus voluit, quo se modo in Dei disciplinam traderet. Nimirum orando discebat. In rebus dubiis atque arduis non humano consilio, sed cœlesti oraculo eruditus: quod roganti negare non solebat numinis benignitas. Nec aliunde ipsum hausisse arbitror hanc agendi fiduciam, quam, à precibus recens, animoso ad conjuratos sermone prodidit. Quis enim male sibi cessurum veretur quod Deo auctore facit?

XIII. Quum igitur surrexisset a precibus Corem compellavit, *totumque* XIII. Lis Dei unius arbitrio dirimenda. *catum ejus*, monuitque nullam dirimendæ controversiæ commodiorem esse rationem, quam si Dei arbitrio res committeretur com. 5, 6, 7. rursusque com. 16, 17. *Crastino*, inquit, *mane notum faciet Jehova, quis suus sit*, speciali titulo ipsi addictus; *quis sanctus sit*, sibi ad sacra segregatus; quod vos omnibus vindicavistis: & *quem*, non ego instituerim, sed *ipse elegerit*, ut *faciat eum ad se appropinquare*; quæ sacerdotalis dignitas est. Jer. xxx: 12. Judicium differtur in *proximum diem*, ut iustum ad *μετάνοιαν* & resipiscentiam spatium temporis haberent. Et *matutinis horis* pronuntiandum ac manifestandum esse dicitur; ea enim diei pars juri dicundo, ut maxime idonea, ita & destinata erat. Ps. ci: 8. Jer. xxv: 12. Quod ipsi quoque Deo in suis judiciis observatum est. Psalm. lxxiii: 14. Zeph:n. iiii: 5. Ut autem nihil hic de suo intervenire ostenderet Moses, in eodem ipsos statu coram Deo comparere jubet, quo & compariturus esset Aaron. Ipsi, inquit, periculum facite, *capite vobis thuribula, indite ignem, imponite thus, comparete omnes ad ostium tabernaculi. Idem faciet Aaron. Quem Deus tunc declaraverit sibi gratum esse, is sanctus*, is sine controversia summus sacerdos habetor. *Sufficiat id vobis filii Levi.* Quid enim amplius ulla juris specie exposcatis? Iniquissimum enim fuerit, Corem obstare, quo minus liberam Deus sacerdotis sui electionem habeat. Iniquissimum, eam conditionem recusare quam Aaron, eodem genere natus, sponte subit: nullam sibi ex eo prærogativam postulans quod pridem hunc à Deo honorem adeptus in hunc usque diem eo legitime functus esset.

XIV. Porro cur in experimento isthoc faciendo *aromatum suffitus* XIV. Experimento in aromatum suffitu faciundo, *pecudum oblationi præpositus sit*, illius rei non obscura videtur esse ratio. Nam præterquam quod thymiamatum accensio longe facilioris operæ esset quam ducentarum & quinquaginta pecudum mactatio, dignior etiam sacerdotalis functionis pars erat, intra prius velum in ipso peragenda sanctuario: 1 Chron. xxviii: 13. denique in eo ministerio ipsi Aaronidæ non factis ex præscripto agentes temeritatem suam morte luerant. Cujus diri

exempli meditatio Coræ & globo ejus, res novas molientibus, horrorem incutere debuisset.

XV. Mosi  
ad conju-  
ratos ser-  
mo,

XV. Mosi certe animo tam tremenda specie id in quod se conjiciebant periculum obversatum est, ut nihil inexpertum reliquerit ad curvas eorum mentes in rectitudinem flectendas. Ideoque sic eos allocutus esse fertur com. 9, 10, 11. Audi Core, audite Levitæ, cur vobis nefariæ seditionis hujus principibus esse lubuit? An non honorifico satis munere fungimini, quos ex omnibus Israël tribubus solos elegit Deus qui una cum sacerdotibus ad tabernaculum ipsius accederetis, totiusque populi Hebræi loco sacrorum suppellectilium gereretis curam; non tam fratribus vestris sacerdotibus quam Deo ministraturi? Prava profecto ambitio vestra est, quod ista statione non contenti, sacerdotium affectetis; quod non ipse sibi arrogavit Aaron, neque ego meo arbitratu Aaroni dedi; sed utrorumque nostrum, & vestrum omnium Rex & Dominus, Jehova Scitote igitur, & iterum iterumque animo perpendite, turbulentas hæc coitiones contra ipsum fieri Jehovam: Aaron enim tanti non est, ut in eum confrematis. Conf. Exod. xvi: 7, 8. 1 Sam. viii: 7.

XVI. Et  
modestia  
incredibi-  
lis,

XVI. Si Josepho credimus, addiderit Moses: neque fraterno affectu se motum quod aliis debebatur fratri contulisse. Nisi enim jus & fas præ oculis habuisset, nequaquam oblitum sui alteri id fuisse daturum. Quum nemo sibi se ipso sit propinquior, & sibi non minus quam illi bene velit. Et alioqui qualis fuerit prudentiæ, se violati juris reum facere, & hujus facinoris præmium alteri cedere? An innocentiae suæ argumento isto patrociniatus sit Moses, equidem ignoro. Hoc scio, validum esse argumentum: quod, si forte in oratione sua eo non sit usus, factis certe comprobavit. Nam ex omni ista quam in populum Hebræum habuit auctoritate, nulla vel honoris vel opum accessio in familiam ipsius facta est. Filii ipsius, nulla dignitate conspicui, gregarios inter Levitas ministraverunt. Quod, uti rarum modestiæ & *ἀνταρξίας* exemplum, æternis fastis ipse Dei Spiritus posterorum memoriæ commendat. QUANTUM AD MOSEN, VIRUM DEI, ATTINET, FILII IPSIUS NOMINANTUR IN TRIBU LEVI. 1 Chronic. xxi: 14.

XVII. Da-  
thanis at-  
que Abira-  
mi seditio-  
sa in Mosen  
oratio.

XVII. Quo tempore Moses ad Coren & globum ejus ista perorabat, abstantes fuerunt *Dathan* atque *Abiram*; ob quam causam, asseverate dici non potest. Attamen quum & eos præsto esse oporteret, accersiri Moses iussit. Verum, qua erant insigni superbia atque contumacia, venturos se negarunt: utque hæc obsequii detrectatio & justa esse videretur, & eo facilius in exemplum iret, seditiosa in Mosen dicta jecerunt: satis esse jactantes, quod, præcipiti consilio, populum Hebræum ex terra *Ægypti*, regione fertilissima, lactis & mellis copia redundante, in vastas Arabum solitudines horridaque deserta eduxerit: ubi, vel si malus temerarii ducis animus abesset,

abesset, male ipsis pereundum foret: neque profecto oportuisse tantum sibi tribuere, ut regio more populares suos haberet. Hastenus non steterisse promissis, tam speciose factis, tam crebro repetitis. Imo vero perniciem populo, quasi Dei nomine, nuper comminatum esse. Num. xiv: 35. Quam fidem ab eo in posterum expectent, qui tam manifesto mendacio credulitati ipsorum illuserit? Porro, quo auctoramento obstricti obsequiosos sese homini egeno præstarent, qui neque agros, nec prædia, nec vineas habeat, quas distribuere subjectis sibi posset, neque, si haberet, distribuere fortasse vellet? Denique eo comparata omnia, ut convocatis à se regio more viris OCULOS EFFODERET; sive illud de tyrannica sævitie proprie interpreteris, qualem Philistæi patnaverunt in Samsonem Jud. xv: 21. & qualem deinceps Nahasus Ammonita in Jabesitas palam affectavit. 1 Sam. xi: 2. sive, quod malim, παραμυωδῶς dictum existimes, de oculis principum virorum quasi fascino aliquo incantandis, ne, quæ cæteroquin obscuræ non erant, artes ipsius fraudesque deprehenderent. Quod ergo initio renunciaverant, concludendo repetunt: *non ibimus*. In Hebræo est *לֹא נִסְעָה* *non adscendemus*, qua phrasi notari solet comparitio coram Deo, & iudice, quorum locus censebatur esse editior. Deut. xxv: 7. Ruth. iv: 1. Elegantior est R. Salomonis observatio, quam ut silentio transmittatur. Notat igitur, suo ipsos ore fuisse condemnatos. Ominosa iis vox erat; *non adscendemus*; atque eheu! nimis vera; quum *descensuri essent in infernum*.

XVIII. Fieri non potuit quin Moses, quantacunque fuerit mansuetudine præditus, hæc tam superbe gesta, tam falso, tam acerbe, tam contumeliose dicta, ad animum revocaverit. Iusta itaque indignatione percitus oravit Deum, ne fuffitum eorum propitius acciperet, neve seditiosorum hominum pravis molitionibus ullo pacto faveret, sed suam potius displicentiam incontestabili signo demonstraret. Expostulatus, nulla se eos unquam vel minima injuria laceffivisse, nec *unico fraudasse asello*.

XVIII. A  
Mose ad  
animum  
revocata,

XIX. Juvat locutioni isti aliquantulum immorari, ad illius vim eo felicius eruendam. Verba Hebræa sic habent: *וְלֹא חָמַר אֶחָד מֵהֶם נִסְעָה* *ne* *quidem* *asinum* *ab iis* *sumsi*. Græci diversa prorsus mente interpretati sunt: *ἐκ ἐπιθυμίας ἔσενος αὐτῶν εἰληφα*. Quod mirum videri posset, nisi cogitarem ipsos pro *חָמַר*, quod *asinum* notat, legisse *חָמַר*, quod Græce sonat *ἐπιθυμία* *rem desiderabilem*. Secutusque eos hac in parte est, ut sæpe, Samaritanus Codex: aut illi Codicem Samaritanum. Ego non dubito, quin vera sit nostrorum codicum lectio, & interpretum error profluxerit ex facili confusione affinium literarum *ר* & *ל*. Quæ & alibi non raro miscentur. Plus latet efficaciæ in oratione Moïsis, quam primo intuitu videatur. Exprobraverant ipsi quod more prorsus regio, tyrannice, imperaret. At contra protestatur, nihil se eorum fecisse quæ Reges solent. Samuel, Regum consuetudinem & jus exponens, 1 Sam. viii: 16, inter alia sic

XIX. Pro-  
testante se  
ne unum  
quidem asi-  
num ab iis  
sumsisse.

fatur: *servos vestros, ancillas, & strenuos juvenes, & asinos vestros capiet, iisque in negotiis suis utetur.* Idem Propheta, quum se regio more usum negat, sic protestatur Cap. x i 1: 3. *cujus asinum accepi?* Moses igitur eadem loquendi formula docere vult, non modo se ab omni injuria abstinuisse qua privatum hominem afficere privatus potest; sed cum primis se nihil minus quam principatum in eos affectasse, quum ne tantillum quidem tributum quantum asini est, honori aut commodo suo inservituri, ab iis poposcerit. Non prorsus præter rem est, quod Salomo Jarchius opinatur, asini voce alludi ad angarias itinerum, quas subditi & provinciales regibus ac principibus suis præstare tenentur. At illud frigidum est, quod Moysen ad eum nominatim asinum respexisse velit, quo, Divinæ vocationi morem gerens, uxorem liberosque in Ægyptum vexit. Nos solidiora sectemur, & quæ tanti viri gravitate digna sunt.

XX. Conjurati sistant se ad tabernaculum cum acerris suis.

XX. Oportuisset profecto turbulentos homines tam bene composita oratione ad sedatam mentem, & pacatiora consilia flecti. Sed videte *invincibilem pertinaciam.* Orta luce cum acerris suis adfuerunt singuli, stiteruntque se ad ostium tentorii conventus, quo & Core cœtum omnem suum convocaverat, & sine dubio ingens ex toto Israëlë multitudo, eventus spectandi gratia, confluxerat. Adstabant Core, & qui partes ejus sequebantur, cum acerris, igne, & suffimentis. Stabat è regione Moyses & Aaron. circumstitebat populus universus, maximarum rerum expectatione suspensus.

XXI. Eas unde tot numero tam subito habuerint.

XXI. Unde ducentis & quinquaginta hominibus totidem acerræ tam subito exstiterint, anxie disquirunt Tostatus, Abulensis Episcopus. Qui postquam operose probasset non esse seditiosis è tabernaculo datas, tandem concludit, subitanea & levi unius noctis opera ruditer ad eum usum fuisse confectas. Mihi credibilius videtur in omnibus tribubus Israëlë inventas fuisse, antequam sacerdotium uni tribui atque familiæ adstrictum esset, & has remansisse prisce moris reliquias, quibus eam quoque ob causam libenter usi sint: quippe quæ veteris libertatis totidem erant argumenta.

XXII. Uti & ignem suffitus.

XXII. Ignem autem admodum probabile esse existimo, illum Coræ & sociorum ejus, non minus quam istum Aaronis, ex altari holocaustorum fuisse desumptum: ne vel ipsi, vel qui ipsis favebant, disparitatem causari possent; atque eam fortassis ob rem suffimenta ipsorum Deo displicuisse, non quod nullum ipsis ad sacerdotium jus esset, sed quod sacro igni prohibiti, profano adolere coacti fuissent: quæ res sacerdotibus ipsis, Aaronis filiis, tam male cesserat. Habuisset sane cavillatio ista aliquam speciem: quamvis revera nil nisi speciem. Nam si ignis qui in altari holocaustorum erat solus sacer, reliquus omnis profanus esset, ex eo sacrum esse oportuit, quod cœlitus descenderit: uti descendit. Levit. ix: 24. Eo autem ignis descensu, veluti certissimo argumento, comprobavit Deus, placere



cere sibi sacerdotium Aaronis: agnoscente id tota panegyri. ib. 25. Cujus rei meditatio, quantamcumque fiduciam vultu præ se ferrent, occultum animis horrorem incutere debebat. Utcunque sit, ultimum hic habemus perviciæ specimen.

XXIII. Dignum enim vero in quam justis iudicis ira excandesceret: quæ <sup>XXIII. Dei</sup> primum sese gloriosæ majestatis suæ apparitione, mox terribili ad Moysen & Aaronem alloquio patefecit. com. 19, 20, 21. Toti enim cœtui conspicua facta est gloria Jehovæ, in nube, credo, uti antehac frequenter: Exod. xvi: 10. Num. xii: 5. & xiv: 10. ne dubitarent, quin, quicquid agebatur, præsentem numine ageretur. Ex magnifica gloria ista feralis prodiit sententia; non conjuratis solum, sed & universo cœtui, qui seditionem vel palam vel silentio approbaverat, vel saltem non, uti par erat, improbaverat ac cohibuerat, præsentem intentans mortem. Quo exitio ne & Moyses cum fratre involveretur, seorsim secedere jubentur. <sup>adversus hanc protervitatem excandescencia.</sup>

XXIV. Qui eum ad modum moniti potuissent sane in sententia ista Dei, <sup>XXIV. Mo-</sup> veluti justissima, acquiescere, rebelles Deo reliquere, summi iudicis arbitrio puniendos, suæ interim consulere securitati, & de tam insigni triumpho non perfuntorie sibi gratulari. At novum prorsusque eximium incredibilis propemodum pietatis exemplum ediderunt: pietatis, inquam, non modo adversus Deum, sed & adversus populares suos; quos considerari nolebant ut rebelles, sed ut male consultos, & pravis pravorum artibus seductos. Itaque non mox se è medio perituri cœtus, meticulofo sui amore, proripiunt: sed facie in terram proni, quanto possunt animi ardore, clementiam numinis accuratis precibus implorant. O Deus, inquit, spirituum omnis carnis, qui universo generi humano corpus mira arte adaptasti & spiritum rationalem in iis formasti, & substantias adeo diversas artissimo vinculo junxisti: in cujus manu est anima omnis viventis, & spiritus omnis carnis humanæ. Job. xxi: 10. an bonum tibi est ut tam eximium manuum tuarum opus destruas, tam væsanam tot millium stragem, in populo tantis à te miraculis nobilitato, ipse faciens? Fatemur equidem te vitæ omnium hominum arbitrum esse, quos, quandocunque lubet, ad contritionem redigere fas tibi est: neque inficiamur commissum esse crimen, quod & Tuæ Majestatis, & rei nostræ publicæ interest, ne plane impunitum dimittatur. Attamen justitiam benignitate tempera. Lnat ille qui princeps harum barbararum auctor est: cæteris, qui non peccaverunt nisi seducti, pro infinita clementia tua parce propitius. <sup>XXIV. Mo-  
sis & Aaronis pro se-  
ductis in-  
tercessio.</sup>

XXV. Ita dum orabant Moyses & Aaron non obnitebantur Deo, nec <sup>XXV. Pia</sup> importuna misericordia cursum justitiæ conabantur sistere, nec male causæ inconsultos se præstabant patronos, nec summo iudici præscribebant æqui justique leges; atque ita sub prætextu charitatis adversus populares reverentiæ Deo debitæ terminos migrabant. Sed licebat ipsis suspicari, <sup>sane, &  
Deo grata.</sup> Deum

Deum non omne animi sui consilium minaci isthac oratione expressisse: decorus erat enixus ille in populares suos affectus: laudabilis admodum ista ignoscendi facilitas, circa peccatum quo, & quatenus ipsi læsi erant. Denique comperta Dei, non obstante simili comminatione, ad clementiam pronitas, precumque suarum in parili occasione valentia & felix successus, animum ipsis ad intercessionem hanc addebant. Quam non ingrati Deo fuisse, eventus docuit. *N. 24.*

XXVI. Mo-  
ses conju-  
ratis infan-  
dum præ-  
dicat exi-  
tium.

XXVI. Etenim exoratus isthac intercessione Deus, eos omnes quos aliqua salutis suæ cura teneret à tentoriis Coræ, Dathanis & Abirami secedere jussit, ne eodem cum ipsis involverentur exitio. Moses autem ipse, senioribus populi comitatus, ad Dathanem & Abiramum, frustra ad se accersitos, ivit: novissima increpatione & comminatione defuncturus. Ubi quum confertam populi multitudinem offenderet, ita uti à Deo jussus erat edixit, ut propere se ab improborum istorum hominum tentoriis amoverent, neque quidquam quod illorum erat attingerent: quippe una cum ipsis internecioni devotum, certissimoque exitio futurum iis qui quocunque consilio manum injicerent. Hac enim sola lege evadi calamitatem posse. Quo audito receperunt se Israëlitarum à tentoriis seditionis: Dathan vero & Abiram, quasi nihil metuentes, & vim, si qua forte iis à Mose intaretur, vi propulsaturi, egressi cum uxoribus, filiis & parvulis suis, quisque ad ostium tentorii sui stabant. Quam confidentiam detestatus Moses alta voce pronunciat, jam jam insolito prorsus ac prodigioso documento demonstratum iri, nihil à se in toto hoc, super quo litigabatur, negotio, suoque consilio aut auctoritate esse factum, sed omnia ex summi numinis voluntate, cujus ipse minister duntaxat & interpret esset. Si, inquit, ordinaria fati lege homines isti à vita exeunt, aut non nisi solitis plestuntur poenis, ne miserit me Jehova: sin vero novi aliquid patrabit Dominus, terraque dehiscens eos absorbuerit, ut vivi ad inferos descendant, tunc utique cognoscetis nullas iis hominibus causas fuisse cur tam petulanti & infesta seditione me impeterent, vos turbarent, &, quod potissimum est, Jehovam ipsum provocarent.

XXVIII.  
Quod crea-  
tionem vo-  
cat propter  
novitatem  
& mirabi-  
litate.

XXVII. Hæc quum Hebræo ad Hebræos sermone peroraret Moses, duabus utitur locutionibus quarum *ἐπέγειαν* vix aliæ linguæ assequantur. Quod enim nos dicimus, *si novi aliquid patrabit Dominus*, id ipse sic exprimit: *אם בריארה יברא יהוה*. Quod proprie sonat, *si creationem creabit Jehova*. Nempe *ברא* Hebræis non notat proprie & vi vocis aliquid producere ex nihilo; sed rem novam, raram, magnam, solo voluntatis suæ jussu perficere. Ea mente dicit Deus *אעשה נפלאות אשר לא נבראו בכל הארץ* faciam mirabilia quæ non sunt creata in universa terra. *Exod. xxxiv: 10.* Itemque *Jes. xlviii: 7, 8.* *השמעתך תרשות* audire feci te res novas. *כי הנני בורא עתה נברא* nunc CREATÆ sunt. Rursus *Jes. lxxv: 17.* *הנני בורא*

שמים חדשים וארץ חדשה. *Nam ecce ego CREBO celos novos & terram novam.* Denique Jer. xxxi: 22. כִּי־בִרְאָהּ חֲדָשָׁה בְּאֶרֶץ. *Nam CREABIT Dominus rem novam in terra, mulier circumdabit virum.* Ita & heic loci denotatur opus aliquod Dei prodigiosum, solo voluntatis suæ jussu patrandum, cui nihil simile ad eum usque diem Israëlita viderant.

XXVIII. Negari profecto non potest quin terræ hiatus, quæ chasmata Græcis dicuntur, ex naturalibus frequenter causis oriantur. *Latissime hoc malum patet, inevitabile, avidum, publice noxium.* Non enim domos solum, & familias, aut urbes singulas haurit, sed gentes totas regionesque subvertit: & modo ruinis operit, modo in altam voraginem condit: ac ne id quidem relinquit, ex quo appareat, quod non est, saltem fuisse: sed supra nobilissimas urbes, sine ullo vestigio prioris habitus, solum extenditur. Uti eleganter Seneca *Nat. Quas. Lib. vi. cap. i.* Cæterum ex Epicuro sapit, vel desipit potius, quum cap. i. id animo præsumere jubet, nihil horum Deos facere, nec ira naminis aut cælum concuti, aut terram. Non enim sine Deo fit, quod ex causis naturalibus oritur. Sed in eo se rectorem esse demonstrat universi, quod ita causarum ordinem æterno sapientissimoque consilio suo disposuerit, ut sibi iram suam adversus hominum peccata ostendere volenti in tempore præsto sint. Quod in hoc certe de quo nunc agimus negotio tam liquido lucet, ut solis radii non possint liquidius. Hic enim prædicta, & prædeterminata sunt omnia, tempus, locus, modus, personæ, ut nihil desit καὶ ἐκείνη. Atque in eo est prodigium; non quod causarum naturalium concursus plane excludatur, sed quod admiranda Dei in earum determinatione providentia, ante executionem, cum omnibus circumstantiis suis, præsignificata fuerit: causæque istæ naturales hoc præcise tempore, loco, modo, & circa has personas, effectum suum ediderint. In qua re qui Dei manum non cernit, is nihil cernit.

XXIX. Non minus emphatica altera phrasis est: וִירְדוּ חַיִּים שְׁאֵלִי. *XXIX. & descendent vivi ad inferos:* שְׁאֵל Scheol est à radice שָׁאָל *Schaal rogare, petere, querere:* itaque ex vi originationis suæ eum locum significat, in quo qui est, is in quæstione est, hoc est κατώτερα μέρος τῆς γῆς, quo non penetrant viventium in superficie oculi: confer Job. x: 21, 22. Atque hinc est quod, ad denotandam Dei, quem nihil fugit, omniscientiam, dicatur Job. xxvi: 6. שְׁאֵל גִּבּוֹר *nudus est infernus coram ipso.* Nisi mavis eum locum designari qui præditus est insatiabili desiderio omnia ad se trahendi, & sinu suo tenebroso involvendi. Hac enim mente parcemiastes annumerat שְׁאֵל Scheol tribus illis rebus quæ non satiantur, & quatuor illis quæ nunquam dicunt, sufficit. Prov. xxx: 15, 16. Opponitur autem cellitati cælorum, tanquam id quod depressissimum est. Jes. xiv: 11. & respondet ἐκ παραλλήλων fundamentis montium. Deut. xxxii: 22. *Ignis accensus est in furore meo, & ardebit usque ad שְׁאֵל Scheol infernum, absument terram & proventum ejus,*

*ejus, inflammabit fundamenta montium.* Intelligi potest tantus siccitatis ardor, ut non extimam solum terræ superficiem, sed & profundiores ejus partes, quales sunt montium radices, adurat. Frequentissime venit pro regione mortuorum, qualescunque illi fuerint, sive boni, sive mali: ideoque non tam pro receptaculo spirituum quam cadaverum haberi debet. Ita Tyrum alloquitur Deus Ezech. xxv 1: 20. *Demittam te cum descendantibus ad fossam, ad populum sempiternum, & collocabo te בארץ תחתיות in terra inferorum.* Quæ est descriptio תַּשְׁכּוֹל Scheol. Apud Jesaiam comparatur civitati alicui à multis habitatæ, cujus incolæ cum commotione insigni & fragore obviam procedebant Babylonis regi ad ipsos descendanti. Jes. xiv: 9. Omnibus, sine exceptione, defunctis suus ibi locus est, Job. 1: 12-18. etiam eximie piis, ut Jacobo Patriarchæ. Gen. xxxv 11: 35. & Ezechie regi. Jes. xxxv 11: 10. Ordinaria qua ad inferos itur via, mors est. Cæterum id singulare futurum seditiosæ huic turbæ erat, ut ad inferos descenderent *viui*; in regiam mortis venturi, non quia mortui, sed ut morerentur. Non absimilem poenam juratis Dei & suis hostibus imprecatur David Ps. lv: 16. *Agat exactorem mors invadens eos, viui descendant ad inferos.* Hanc puto veram Moïsis mentem esse. Nam de æterno animarum statu in loco supplicii, nihil omnino monet: neque modestiæ nostræ est nimis sollicita curiositate in eum inquirere; multo minus involare in arcana judiciorum Dei.

XXX. Terra dehiscens seditionis auctores vivos absorbet.

XXX. Nunc pergamus in historia. Quæ dixit Moïses, ita ut dixerat, extemplo facta sunt. Fissa est sub pedibus humus, hiansque terra absorpsit DATHANEM & ABIRAMUM *cum omnibus suis, uxoribus, liberis, & cunctis etiam rebus, OMNES ETIAM HOMINES QUI ERANT CORÆ, cum omnibus facultatibus suis*: qui vivi in terræ viscera descenderunt, & terra rursus coeunte oppressi ac suffocati sunt. Implorantes quidem, dum dehiscentem terram sentirent, magno cum clamore popularium suorum opem; sed frustra: quoniam quisque, vitæ suæ consulturus, pavide & propere aufugiebat.

XXXI. Josephi rhetoricatio.

XXXI. Simpliciter narrationis Moïsaicæ more suo sic exornat Josephus: Hæc cum lacrumis effato Moïse, terra horrendum repente contremuit, & undante superficie, non secus quam pelagus vento fluctuans, universum populum terruit, immani mox sonitu eliso, quæ seditiosi tendebant, solum subsidit, & eodem momento omnes ad unum absorbet. Sublatisque in hunc modum profanis, hiatus ille ita rursus clauditur, ut ne vestigium quidem illius superesset. Fuitque hic casus eo miserabilior, quod nemo, ne propinquorum quidem & cognatorum eos est miseratus, ut totus quantus erat populus, anteaكتورum oblitus, lætis acclamationibus Dei sententiam approbaret: ac ne luctu quidem dignos, ut pestem ac perniciem popularium, existimaret.

XXXII. Sic

XXXII. Sic periire seditionis duces. Quid ducentis illis & quinquaginta viris factum est, qui Coræ se aggregaverant, & cum acerris suis stabant ante tabernaculum? Illi igne à tabernaculo prodeunte, dum suffitum offerebant, absumti sunt. Josephus, nescio qua auctoritate, tradit, tantum repente ignem effulxisse, quantum nec homines ipsi unquam excitaverunt, nec in terris sponte ardentibus, nec in sylvis per æstum austri flatu collisis & attritis, excitatum viderunt: sed qualis divinitus accendi poterat, fulgentissimus simul ac flagrantissimus, cujus vi ducenti illi & quinquaginta ita cum Core sunt absorpti, ut ne cadaverum quidem reliquæ comparent. Solus Aaron superfuit illæsus, ut manifestum esset, divinitus coortum hoc incendium.

XXXIII. Restant dubia quædam & difficultates, paucis expediendæ. Et primo quidem loco quæri potest, qui factum sit, ut, quum ON, filius Peleti, initio historię principibus seditionis sit annumeratus, nulla illius hominis in progressu fiat mentio. Plerique existimant, eum, sive Mosis increpatione, sive spontanea conscientię convictione, providoque imminētis exitii metu, ad saniora consilia rediisse, à seditiosis se segregavisse, Mosi & Aaroni se subjecisse, istaque sua resipiscencia veniam à Deo esse consecutum. Quam ego conjecturam neque probare neque refellere habeo. Verum tamen, quum nihil omnino in historia existet quod ullam nobis occasionem suppediter de tali resipiscencia & exitii evasione cogitandi, quamvis ipso crimine longe esset memorabilior, plurimumque valuisset ad exemplum; propior veritati illa mihi conjectura esse videtur, quod in consortio criminis cum aliis perierit: quia vero cæteris conjurationis auctoribus ignobilior erat, & fortasse sub Coræ signis latebat, hinc nullam deinceps nominatim illius factam esse mentionem. Habet aliquid historia quod ejusce rei suspicionem injiciat. Narratur enim com. 32. terræ hiatu absorptos fuisse *אֲשֶׁר לִקְרֹתָ כָּל אֲדָמָה* omnes homines qui Coræ erant: quod quum de filiis ipsius intelligi nequeat, uti modo ostendemus, commodissime exponitur de focis conjurationis, qui in ejus se tentorium receperant, à ducentis illis & quinquaginta, qui igne perierunt, distincti. Tota enim seditionis turba *קָרַת עֲרֵר* *catra Coræ* com. 5. vocatur. Nihil vetat cogitare in his quoque fuisse Onem Peleti filium. At liberum per me suum cuique in re certa judicium esto.

XXXIV. Certe observatione isthac parata quodammodo via est ad alterius difficultatis solutionem. Nimirum, qua mente dicatur, omnes homines qui Coræ erant terra debiscēte periisse, quum posteri ipsius longa nepotum serie fuerint superstites. Disertis verbis dicitur Num. xxvi: 11. FILII CORÆ NON SUNT MORTUI. Imo fuit Coritarum familia inter Levitas celeberrima. Ex iis Samuel est, ejusque nepos Heman. 1 Chr. vi: 33, 37. At quanti viri! Ex eadem Coritarum domo, inter viginti quatuor Mus-

XXXII. Seditionis socii absumuntur igne.

XXXIII. Quid Onem Peleti filium factum sit.

XXXIV. Quomodo, superstitibus Coræ filiis, omnes qui Coræ erant periisse dicantur.

eorum ordines, ordines erant quatuordecim. 1 Chr. xxv: 4, 5. Atque hæc est ratio cur Psalmi aliquot, ab XLII. usque ad XLIX, & LXXXIV. LXXXV. LXXXVI. LXXXVII. LXXXVIII. nomen ipforum in fronte gerant. Non quod eorum fuerint auctores, sed depositarii potius & cantores. Mitto Rabbiorum fabulas somniantium Coræ filios principio quidem paterni criminis fuisse participes, sed tandem resipuisse, ideoque, paterno tentorio ad inferos descendente, in aëre pendulos remansisse, carmen Deo cecinisse, & spiritus Divini instinctu Israëlitas monuisse, quod exemplum signi hujus factum ipsis esset de futuro, vaticinatos etiam esse de captivitatibus Israëlitarum; & quæ ejus furfuris plura sunt. Verius arbitror, filios Coræ jam tum fuisse adultos, patres familias, seorsim à patre in suis singulos tentoriis habitantes, nec paterni criminis reatu implicitos, ob eamque rem nec una cum patre periisse. Per homines itaque Coræ intelligendos esse uxorem & parvulos, si quos haberet, & famulos, & seditiosos alios qui in cujuscunque fortunæ communionem ipsi sese adjunxerant.

XXXV. An & ipse Coræ hiatu terræ absorptus sit. Argumenta pro negante.

XXXV. At difficilior inquisitio de ipso Coræ est, an cum ceteris illis igne cælesti conflagraverit, an cum Dathan & Abiramo terra hiatu absorptus sit. Anceps quæstio, & probabilibus utrimque rationibus agitata. Quid igne consumptum arbitrantur, his potissimum argumentis pugnant. I. Quia, uti princeps eorum qui Aaroni de sacerdotio controversiam faciebant, præsto fuit iis ducentis & quinquaginta viris, qui cum acerris suis adfuerunt ad tabernaculum Dei, & temere affectati sacerdotii pœnas igne luerunt. com. 16, 17, 18, 19. Non fuit itaque in tentorio suo, quando illud absorbebatur. II. Quia absorpti dicuntur omnes homines qui Coræ erant com. 31. de ipso Coræ nihil. III. Quia ex seditiosorum acerris ductiles laminæ factæ sunt, obducendo altari, in memoriale filiis Israëlitis, nequis alienus fuffitum facere ausit, neque in eandem cum Coræ, & ceteris ipsius, noxam incidat, ut non sit sicut Coræ, & cæcus ejus, id est, ne cælesti igne pereat quemadmodum illi perierunt. com. 40. vel secundum alios codices Cap. xvi: 5. IV. Quia Dathan & Abiram, qui in ostiis tentoriorum suorum stabant, absorpti esse dicuntur, omisso Coræ. com. 27. Quod & confirmatur Ps. cvi: 17. *Aperiens se terra deglutivit Dathanem, & operuit cœcum Abiram.*

XXXVI. Argumenta pro affirmative.

XXXVI. Qui vero Coram, æque ac Dathanem & Abiramum, terra deglutitum credunt, istis nituntur rationibus. I. Quia Israëlitis non minus a Coræ quam aliorum tentorio recedere jussi sunt, & secesserunt. com. 26, 27. eam ob causam, quia improbi isti homines, quorum erant tentoria, non solita perituri erant morte, sed novo prorsus modo deglutienti à terra, & vivi descensuri ad inferos. Quod sine ulla discriminis nota de improbis illis dicitur, à quorum tentoriis discedendum erat. com. 29, 30. II. Quia de improbis illis indiscriminatum narratur, quod terra aperuerit os suum & absorplerit

absorpsit **וַתֹּאכַל** EOS, & domos ipsorum, omnesque homines qui Coræ erant. Ita descenderunt **ILLI** cum omnibus quæ ipsorum erant viri ad inferos. com. 32, 33. Innuitur primo absorptos esse Eos, in personis suis, tum &, qui & quæ ipsorum erant. Sub iis igitur comprehenditur etiam Core. III. Quia igne necati esse perhibentur non nisi ducenti & quinquaginta illi viri, non adnumerato Coræ. com. 35. IV. Peremptorium esse videtur Num. xxvi: 9, 10. *Hi sunt Dathan & Abiram, convocati cæsus, qui moverunt rixas contra Moysen & Aaronem, per cæsum Coræ, quando mota sunt rixæ contra Jehovah. Et aperuit terra os suum וַתִּפְתָּח אֶרֶץ וְאָכַל אֹתָם ET ABSORPSIT EOS ET CORAM: quam absumpsit igne ducentos quinquaginta viros. Ubi diserte Core accensetur in supplicio Dathan & Abiramo, terra haustis, discernitur ab aliis igne necatis. Quod interpretari non de persona Coræ, sed de hominibus illius, videtur clavis historiæ verbis vim inferre.*

XXXVII. Atque hæc quidem argumenta, ne quid dissimulem, potiora mihi esse videntur. Non enim deest quod respondeatur ad altera. Ad **ἐπίκει-**  
I. Fuisse quidem Coram aliquo tempore præsentem iis qui ad sacrum tabernaculum erant; sed nihil ob stare quo minus ad suum redierit; quo tempore Moyses cum senioribus Israël is ibat ad habitacula Dathanis & Abirami. Ad II. Coram ipsum comprehendere pronomine **וְאָכַל** EORUM. quod nos secundo nostro argumento ursumus. Ad III. Quoniam & Core, & qui ipsius hortatu fuffitum facere ausi sunt, utrique morte **ἀπὸ τοῦ** perierunt, (licet ea diversi generis fuerit) cujus rei monumentum erat in æneo tegmine altaris, ex acerris confectio; tam dira exempla idonea sunt ad alios à simili protervia absterrendos. Neque ideo necesse est, ut eadem lethi specie Core cum cætu suo perierit. Ad IV. Quod Ps. cv: 17. non negatur, sed siletur, suppleri potest & debet ex Num. xxvi: 10.

XXXVIII. Dignum est observatu, pleraque miracula, ad Veteris **οὐκ** nominiæ confirmationem facta, diri aliquid continuisse, & cum multorum **ἐκ** hominum, rebellium quidem, sed tamen hominum, tam ex Israël itica gente quam ex aliis quibuscunque, perniciæ fuisse conjuncta: talium enim exemplorum plena est omnis vetus historia. Ad Evangelii vero confirmationem nullum à Christo editum esse prodigium, quod salutiferum non fuerit, non amicis solum, sed & hostibus; nullum quod damnum aliquod, nedum perniciem, cuiquam mortalium attulerit, si unicam maledictionem exceperis, non infelicitis hominis, sed infrugiferæ arboris, & talis quidem arboris, quæ, ad publicam plantata viam, fortasse in nullius privatim bonis censebatur. Cui addi fortasse potest porcorum, permittente Jesu, a demonibus in mare præcipitatio. Tam notabilem diversitatem diversissimus utriusque foederis genius exigebat. Prius enim, quod legis erat, & cui respondebat spiritus servitutis ad timorem, severum esse oportuit, itaque comparatum ut animos terrore percussos in officio retineret, & lætioris

status sitim acueret. Posterius autem, quod totum quantum gratiæ est, & cui respondet generosior *ὑποθεσίας* spiritus, lætis decebat sanciri prodigiis, quæ incredibili Divinæ bonitatis demonstratione animos allicerent, credentesque ad Deo alacriter serviendum animarent *χαρὰ ἀνεκλάττω καὶ δεδοξασμένην*. Interim sic dispensavit numinis providentia, ut, initio prædicationis Evangelii per Apostolos, inter innumera benefica miracula aliqua quidem, sed rara admodum, extarent severitatis monumenta; qualis exercita est in Ananiam cum conjuge, Elymam Magum, & si quos alios: ne præfractionis indolis homines perpetuo Divinæ benignitatis tenore abuterentur ad *ἀσέλγειαν*, & pervicaciam; sed omnes doceremur salutem nostram conficere cum timore & tremore. Quo & Coræ, cum exitiosa sibi *ἀντιλογία*, exemplum refertur ab Apostolo Jûda, Epistolæ suæ commatæ undecimo.

## DISSERTATIO II.

*Ad Matth. II: 23.*

## De JESU Nazareno.

## B R E V I A R I U M.

- I. *Jesus habitavit Nazarethi, ut satisfaceret oraculis prædicentibus Messiam vocandum esse Nazareum.* II. *Quale oraculum neque ex traditione, neque ex deperdito libro arcessendum est.* III. *Ubi autem inveniat, discrepant interpretes.* IV. *Sententia Cocceji.* V. *Heinsij.* VI. *Claudii.* VII. *Lightfooti.* VIII. *Nazareni elogium quandoque ad decus pertinet.* IX. *Et deduci potest a נצר surculus.* X. *Vel נצר Naziræus.* XI. *Heinsij singularis observatio.* XII. *Objecta communiore interpretationi difficultas.* XIII. *Commode sublata creditur.* XIV. *Jacobi Altingii ingeniosa interpretatio, ex Ezech. xvi 1: 22.* XV. *& 23.* XVI. *Probabile videtur, Matthæum ad ea oracula attendere ubi Servator vocatur Notzer.* XVII. *Quod, ex parte saltem, Socino olim observatum.* XVIII. *Señtatores Jesu dicti Notzerim Jer. xxxi: 6.*

I. Jesu habitavit Nazarethi, ut satisfaceret oraculis prædicentibus Messiam vocandum esse Nazareum.

**I**N sacra vitæ Domini nostri Jesu Christi historia narrat S. Matthæus, Josephum cum Beata Virgine & puero Jesu, ex Ægypto reducem, divinitus in somnio monitum, secessisse in partes Galiliæ, & habitavisse in urbe quæ dicitur Nazareth; ubi nimirum a furore Archelai, in Judæa dominantis, tutiores habiturus esset latebras: cæterum & altius eam rem spectavisse, & sub simplicis historiæ cortice propheticum latuisse arcanum; quod Evangelista, non tam pandit, quam innuit, sedulique lectoris industriæ indagandum relinquit, in hunc modum scribens: **UT IMPLERETUR, QUOD DICTUM EST PER PROPHETAS, FORÈ UT NAZARÆUS VOCARETUR.** Cap. 11: 23. **Ænigmati isti explanando destinata**

hæc



hæc Exercitatio est. Qua doctissimorum hominum sententias candide primum exhibebo, judicium super iis meum modeste expromam, denique eam interpretationem subjungam, quæ præ cæteris omnibus animo meo maxime allubescit.

II. Quo oculos suos intendat Matthæus, dum Veterum Prophetarum de NAZARÆI nomine, quo nuncupandus Messias foret, oraculum, vel oracula, laudat, admodum in obscuro est. Atque hinc in diversa abeunt Interpretes. Nonnulli vaticinium, quod attendit Matthæus, in iis quæ habemus Prophetarum scriptis exstare negant, affirmant alii. Qui negant, eorum alii volunt, nunquam scriptum exstitisse: alii exstitisse olim, sed nunc periisse. Priores urgent, non dicere Matthæum: ut impleretur id quod scriptum, sed id quod dictum est per Prophetas. Potuit ergo constanti traditione apud Judæos notum fuisse tale vaticinium, a non uno Propheta prædicatum, quamvis non scriptum. Cui rei geminum prorsus exemplum in Henochi prophetia exstat: quam victuris in secula chartis primus mandavit Apostolus Judas Epist. suæ com. 14, 15. Cæterum in ea, quam iusto subtilius interpretantur Matthæi locutione, debile oppido causæ suæ præsidium habent: quippe qui alibi quoque dicta per Prophetas ait, quæ & scriptæ sunt indubie. Mat. 1: 22, 23. *Totum hoc autem factum est, ut impleretur quod ait Dominus per Prophetam dicentem, Ecce virgo illa prægnans erit.* Rursus Cap. 11: 15. *Ut impleretur quod ait Dominus per Prophetam dicentem, ex Aegypto vocavi filium meum.* Et com. 17, 18. *Tunc impletum fuit quod ait Dominus per Hieremiam Prophetam, dicentem, Vox in Rhama audita est.* Tum præterea non videtur vaticinium aliquod de Messiae habitatione in Nazareth, & cognomine Nazaræi, ex passiva traditione Judæis notum fuisse. Ne quidem scribis ac Pharisæis Joh. vii: 41, 52. Ipse Nathanaël id in argumentum contra Christum vertit. Joh. 1: 47. Qui scriptum olim fuisse arbitrantur, illi volunt vel librum illum periisse, vel certe pericopam hæc verba continentem. Verum enim vero saltem Matthæi ævo exstitisse probabile est. Cur enim uteretur testimonio, quod ἀγράφον & ἄδηλον, adeoque exigui ponderis esset? Cur non increpuisset Judæos violatæ scripturæ, a se autem restitutæ? Si vero exstiterit tunc, non potuit deinceps expungi: quum ab eo tempore sacri libri in Christianorum manibus fuerint.

III. Superest ergo, ut adhuc exstare credamus. At ubi invenitur? Con-  
sentiunt omnes, necesse non esse, ut quidquid ex V. T. citatur αὐτολεγει  
ibi exstet: sufficit si κατὰ τὴν διάνοιαν. Cujus rei plurima sunt exempla.  
Quæ hic congerere & examinare longum foret. Iis haud absimilis hæc ci-  
tatio est, quam frustra quoad litteram quæras. At ubi quoad sensum?  
Immensa hic est sententiarum diversitas; quæ tamen ad duo quasi summa  
genera revocari posse videntur: quorum altero illorum comprehenduntur  
interpretationes, qui totum hoc vaticinium ad Christi humilitatem ac vili-  
tatem,

II. Quale  
oraculum  
neque ex  
traditione,  
neque ex  
deperdito  
libro arces-  
sendum est.

III. Ubi  
autem in-  
veniatur,  
discrepant  
interpretes.

tatem, altero illorum, qui ad Christi dignitatem ac praecellentiam referunt. Qui de humilitate exponunt, vel subsistunt in generalioribus, vel descendunt ad magis singularia.

IV. Sententia Cocceji.

IV. Omnium quas vidi generalissima Celeberrimi Cocceji interpretatio est; qui non ultra procedendum arbitratur, quam ad vaticinia de Christi habitatione & revelatione extra Hierosolymam, & nominatim quidem in Galilæa. Sed ipsa Viri verba audiamus: *Innuat hic Matthæus eas prophetias, in quibus prædictum est, Christum primo revelatum iri cum verbo & factis salutaribus, partim in genere extra Hierosolymam, partim in specie in Galilæa. Nam qui Nazarenus dicit, Galilæum dicit. De qua re vide Zach. xii: 7. Jesh. viii: 23. & ix: 1. Prophetia quæ dicit aliquid tale futurum, impletur per aliquid tale. Quod secundum prophetiam fit, id illustrat prophetiam, non aliter ac si ea quid in specie ac nominatim diceret. Quæ quamvis vera sint, dubitare tamen licet, an tam notabilis observationis, qualis hæc Matthæi est, vim omnem exhauriant. Potuisset sane Messias extra Hierosolymam, potuisset in Galilæa, se omnium primo patefacere: neque tamen idcirco Nazarethæ habitare, vel propterea Nazaræus dici. Tum præterea describitur heic loci tempus pueritiæ & adolescentiæ Jesu, quo latere debuit sub specie fabrilis, ipsisque adeo cognatis suis esse ignotus: quod probe distinguendum à tempore, quo se manifestare debuit Israël. Ipse denique Matthæus noster laudatum Jesajæ vaticinium tunc impletum esse dixit (quod probe hic notandum autumo) quum Christus relicta Nazareth venit & habitavit in Capernaum, urbe maritima in consiniis Zabulon & Nephtalim, Cap. iv: 13, 14.*

V. Heinssii.

V. Non absimilia Coccejo habet Vir Nobilissimus Daniel Heinssius, sed ea aliquanto subtilius exsequitur, ut propius ad Nazaræum accedat. Non unum existimat tangi locum: imprimis vero eum, quem nos modo ex Cap. iv: 13, 14. produximus. *Quibus verbis, inquit, deserte Nazaræus habitatione ac loco dicitur futurus. Operæ præteritum est cognoscere, quomodo illud illustret. Dixit, inquit, Matthæus. Cap. ii: 23. κατέωκησεν εἰς πόλιν, quod est זבול. Unde Zabulon ab habitatione dicta. Quæ & hujus fuit, in hac enim tribu Nazareth, ad quam alludit. Porro. Sequitur, ὁ λαὸς ὁ καθήμενος ἐν σκοτεινῇ. Quo nihil aliud quam populum desertum & ignotum denotat. Ignotum autem populum & urbem recte dixit; cujus nulla in antiquo fœdere fit mentio: quod de Nazaretho omnes observarunt. At neque hic subsistit collectionum accumulatio. Τοῦ νοצר, unde Nazareni dicti, nihil aliud quam conservator, seu servator: a quo nomen Jesu vix recedit. Quemadmodum eadem vox & vastatorem, hoc est ἐρημωτή, sive ἐρημωτήν notat. Utraque enim significatio in נצר. A qua Christiani נוצרי, caussa duplici, & a Domino, & ab urbe obscurissima, per contemptum dicti. Nazareth ergo, ne quis dubitet, urbs ננוצר, in desertis habitata locis ac remotis. Unde Nazareth, urbs desolata ac deserta, ἐν σκοτεινῇ καὶ ἐρημῇ καθήμενη recte dicitur. Post aliqua: Habes ergo, ὅτι Ναζωραῖος, ut*

ut Evangelista loquitur, κληθήσεται, hoc est, Hebraeorum more, erit, aut futurus est. Sed occulte & prophetice. In quibus Doctissimi Viri observationibus, tam singulis quam junctis, tantum abstrusæ eruditionis, & critici acuminis est, ut captum eas meum superare fatear. Primum enim non capio, cur, quia נָצַר est habitare, κατώκησεν εἰς πόλιν Mat. 11: 23. significet præcise habitationem in Nazareth. Dicitur enim Mat. 14: 13. Καὶ καταλιπὼν τὴν Ναζαρέτ, ἐλθὼν κατώκησεν εἰς Καπερναῦμ. Præterea non capio, quo modo ὁ λαὸς ὁ καθήμενος ἐν σκότει, nihil aliud notet, quam populum desertum & ignotum, id est, cujus nulla in antiquo fœdere est mentio: quum ita nominentur incolæ Zabulon & Naphtali, & Galilææ gentium, quorum frequentissima mentio est; & disertissima Jes. 19: 1. & ob eam causam ita nominentur, quia versati fuerant in tenebris afflictionis & ignorantiae. Porro non capio, quomodo urbs נְצֻרָה sit in desertis habitata locis, ac remotis. Nusquam enim Hebræa vox significationem istam habet. Neque scio, ubi Nazareth vocetur urbs desolata ac deserta, obque eam rem ἐν σκότει καὶ ἡρεμία καθήμενη. Denique inter omnes istas precarias hypotheses, & conclusionem inde deductam, quantumvis omnes judicii nervos intendam, nullum queo deprehendere nexum. Non dissimulo itaque, iis me potissimum interpretationibus affici, quæ faciliores & magis perspicuæ sunt.

VI. In earum censum referenda est, quam Celeberrimus nostra ætate VI. Clau- Gallicarum Ecclesiarum Theologus, Claudius, exhibuit, Oper Posthum. T. dii. 111. p. 363. Vult prophetiam hanc exstare κατὰ τὴν διάνοιαν, dum Jes. LIII: 3. Ps. xxii: 7. LXXIX: 20. prædicatur Messiam variis scommatibus profcissum iri. Id quod contigit, quum Nazarenus ludibrii causa vocaretur, tum Judæis, tum Pilato. Joh. xix: 19. quasi diceret homuncionem nullius momenti, inutileque terræ pondus. Æque enim male Nazarethæ oriundi audiebant Judæis, Joh. 1: 46. ac Cretenses Græcis, proverbiali nempe scommate κατὰ θῆρμα & γαστέρες ἀργαὶ vocari soliti. Confer Tit. 1: 12. Ut igitur contumeliosissimum illud Nazareni nomen dari posset Servatori, Nazarethæ educari debuit. Quæ profecto simplicia sunt, nec absque veri specie dicuntur: modo constaret Nazaræi elogio, nil nisi ignominiam & contemptum designari: qua de re postea dispiciendum erit.

VII. At laudem insignitè suam meretur Lightfootus, qui eadem prope- VII. Light- modum mente interpretatur; sed Veteres Prophetias annotavit, propius footi. ad nomen Nazaræi accedentes. Observat enim, vocem Ναζωραῖ innuere separationem, & alienationem ab aliis hominibus, veluti hominis despicibilis, & societate hominum indigni. Qualis abjecta Christi conditio ab omnibus Prophetis prædicatur. Nominatim David in persona Christi dicit Ps. Lxix: 9. מִיֹּדֵי לְאֻמִּי alienus fui fratribus meis. Qui tamen locus, quod pace viri doctissimi dictum sit, ad vocem Ναζωραῖ nihil atti-

nere videtur. Nam ab alia longe radice est נזיר, ab alia נזיר. Magis apposite in eandem mentem exponit id, quod de Josepho dicitur, Genes. XLIX: 26. נזיר אהיו *a fratribus suis separatus*, spretus, venditus. Sensus ergo Matthæi esset; secessurum fuisse Josephum cum Christo Bethlehemum, civitatem Davidis, aut Hierosolymam civitatem regalem, nisi terror Archelai prohibuisset. Sed Divina Providentia, Angelo indice, in Galilæam amandatum esse, regionem contemptissimam; inque urbem Nazaretham, oppidum vilissimum; unde ex ipso hoc loco, locique nomine, ad apicem illud observes impletum, quod a Prophetis toties prædicatur, Messiam fore *Nazor*, alienum ac separatum ab hominibus, quasi honoratorum hominum societate indignum.

VIII. Nazareni elogium quandoque ad decus pertinet.

VIII. Omnes, quotquot hætenus recensuimus interpretationes eo nituntur fundamento, quod Nazaræi, vel Nazareni appellatione non nisi *vilitas*, & *contemptus* designetur. Illud autem quamvis alicubi, non tamen semper, obtinere constat. Non defuere quidem, qui contumeliose sic vocarunt Dominum: sed & alii, cum affectu & veneratione de ipso loquentes, eodem insigniverunt elogio. Vide sodes Marc. xv: 6. ubi Angelus piis istis Christi amatricibus dicit, *Jesum queritis, Nazarenum illum*. Sic & Petrus Act. 11: 12. ubi totus est in laudibus Jesu, *vocat illum Jesum illum Nazaraum, virum a Deo Israëlitis approbatum præstantibus factis &c.* Actor. 11: 6. *In nomine Jesu Nazarai, surge & ambula*. Rursus Act. 14: 10. *Notum sit omnibus vobis, & toti populo Israëlitis, per nomen Jesu Christi Nazareni, quem vos crucifixistis, quem Deus suscitavit ex mortuis, per hoc istum ad stare sanum in conspectu vestro*. Quod cum animo versarent Viri Eruditissimi, de talibus Prophetiis cogitare maluerunt, quibus Messiae *dignitas, sanctitas, & magnificum officium*, nomine aliquo quod Nazaræo vicinum sit exprimitur.

IX. Et deduci potest a נצר surculus.

IX. Huc tendit multorum certe magnorumque interpretum observatio, urbem Nazareth dictam esse a נצר *Netzer*, quia florida erat, & abundabat virgultis. נצר autem est epithetum Messiae Jes. x1: 1. Factum ergo est ut occasione inhabitationis in urbe נצר, ipse passim ab illa urbe denominetur, & sic, vel ab ignorantibus, & hostibus, idem esse prædicaretur, quem Jesaias sub nomine נצר *Netzer* promiserat. Quo nomine non solum *nativitas* humana Messiae, instar *surculi* e terra prodituri, sed & *viror, flos, odor, & fructus* suavis, tum doctrinæ tum vitæ Christi, indicari creditur, & quæ id genus alia in surculo inveniuntur. Insignia sunt quæ in hanc rem disseruit Ludovicus de Dieu ad Act. xxiv: 5. Porro quod Ναζαρενός sive Ναζαρενός dictus fuerit Christus, non ex errore vulgi, Nazarethæ natum eum opinantis, neque ex impiorum ludibrio, id ipsi contumeliæ esse opinantium, originem primam traxit, sed ex ipsius Dei consilio ac voluntate, ipsorumque piorum usu. Consilium Dei patet Matt. 11. ult. ubi Joseph, cum puero Jesu ex Egypto reversus, jubetur Nazarethæ habitationis sedem figere, ut, secundum monita prophetarum,

prophetarum, Nazareus diceretur. Et placuisse piis nominis istius usum liquet ex Joh. 11: 22. 111: 6. IV: 10. Quin & ipse Christus se ita nuncupat Act. XXI: 8. Gloriosissimum scilicet ipsi hoc erat nomen, quo declarabatur esse הנצר surculus ille, per prophetas promissus, qui in urbe, נצר surculus dicta, educatus, atque inde ad muneris functionem productus, multos נצרים Nazareos, id est e surculo oriundos protulit. Nihil equidem magnorum Virorum, interpretationem istam tuentium, judicio detractum velim: sed necdum a me impetro, ut in ea sola hærendum esse existimem. Utut enim concedatur & Christum vocari Netzer, quod verissimum, & Nazareth urbem derivari a Netzer, quod oppido incertum est; nodus semper manet, qui Christus Ναζωραϊ dictus a Prophetis fuerit, quod affirmat Matthæus: idem enim esse נצר Netzer & Ναζωραϊον vix persuaderi poterit hominibus qui suæ spontis sunt, minus Evangelii hostibus: uti judiciosissime arbitratus est incomparabilis Theologus Fridericus Spanhemius, Dub. Evang. Part. I i. p. 609.

X. Minus coacta videtur, quæ & plurimis recepta est, expositio, respectum esse ad Nazireos T. V. nominatim ad Josephum & Samsonem. Nam & Joseph dicitur נזיר אריו. Nazireus fratrum suorum. Gen. XLIX: 26. & Deut. XXXIII: 18. & de Simsone Jud. XII: 5. כי נזיר אליהם יחיה מן הכטן. Pro quo Græci, ὅτι Ναζωραῖ τῷ Ἰησοῦ τὸ παιδάριον ἐκ τῆς γαστρὸς. Uterque typum Christi Servatoris gessit, & in eo ipso gessit, quatenus utrique nomen Nazaræi hæsit. An mirum itaque ab Evangelista id antitypo applicari, quod olim de typo dictum erat? Addi potest, Matthæum non unum aliquem Prophetam, sed Prophetas laudare, qui hac de re loquuti sint. Nam de Josepho & Jacobus, & Moses sunt vaticinati, & Samsonis historia a Propheta narratur. Quoniam Luc. XXIV: 27. Prophetarum nomine comprehenduntur omnia V. Test. scripta præter libros Mosis, & Ps. 44. omnia præter eosdem libros Mosis, & Psalmos. Bene ex hac mente Grotius: dicit igitur Matthæus, ita dispositis à Deo rebus ut Josephus & Maria ab Egypto reversi Nazarethi sedem figerent, factum esse, ut ex ea habitatione Christo nomen illud adhæresceret, quo sanctimonia illius perfectissima, & votum pro nostra salute susceptum notaretur.

X. Vel נזיר Nazireus.

XI. Addit Heinsius, quod nescio an alibi invenias, Philippum, quum in benedictione Jacobi de filio Jepho legisset Gen. XLIX: 26. Benedictiones Patris tui fortiores erunt benedictionibus progenitorum meorum, usque ad terminum collium, erunt super caput Joseph, & super verticem Nazaræi fratrum suorum. Philippum, inquam, quum hoc legisset, duo exinde Joh. I. conclusisse, nimirum venisse Josephi filium, venisse Nazarenum. Qui & Josephi, ut alibi Davidis, dici filius potuit: quia & educatione, & secundum legem, Josephi esset filius. Cui accedebat quod Nazarenus diceretur. Jam autem נזיר, qui a Josepho expectabatur, Ναζωραῖ Hellenistis dicitur, a quo vix abit quum Ναζωραῖ dixit. Addit Philippus, Mosen id scripsisse.

XI. Heinsii singularis observatio.

Hæc rursus valde subtilia sunt; an æque solida, arbitrentur sacre *κελεύεις* periti. Ego certe, quod Philippus Nathanaëli dixerit, *invenimus illum de quo scripsit Moses in Lege & Propheta, nempe Jesum filium illum Josephi, illum ex urbe Nazarethæ*, hoc apud Johannem lego. Sed Philippum illa ex Jacobi de Josepho benedictione collegisse, nullus lego.

XII. Obje-  
cta com-  
muniore  
interpreta-  
tioni diffi-  
cultas,

XII. At speciali ista observatione Auctori suo relicta, non spernendum esse videtur, quod generaliore etiam interpretationi objici solet; nimirum id quod de Veteris Testamenti Naziræis, nominatim de Josepho & Samsonе legitur, nec verbis nec sensu convenire cum eo quod Matthæus hic scribit. Quandoquidem alia est vox נזיר, *Ναζιραῖος, Nazirai*, quæ separatim significat, alia נצר, *Ναζωραῖος*, aut *Nazarenus*, quæ notat incolam urbis Nazareth, quod oppidum a Syro N. T. interprete, & a Judæis, passim scribitur per ζ, quum Naziræus constanter per ι. Tum etiam, si rem spectemus, quid Naziræatus commune habet cum incolatu urbis Nazareth? Denique ubi dictum est, vel Josephum, vel Samsonem Nazaræos esse vocandos, quod tamen de Christo affirmat Matthæus?

XII. Com-  
mode sub-  
lata credi-  
tur,

XIII. Verum non desunt Viris eruditissimis, quæ ad objectas sibi difficultates respondeant. Et ad primam quidem, frequentem in ipsis sacris codicibus esse literarum ι & ζ inter se permutationem: quod longa exemplorum inductione probavit *Grotius*. Deinde, quum nomen oppidi Nazareth, aut vox Nazaræi inde deducta, in Veteris Testamenti libris non existeret, non posse certo determinari an per ζ, an per ι scribendum sit. Neque ex Syriaca versione validum peti argumentum pro antiqua scriptura Hebræa, quoniam Syri literas istas permutare amant. Denique recentiorum Judæorum auctoritatem tanti non esse, ut vadimonium propter eam deferendum sit. Ad alteram vero objectionem reponunt, nullum quidem ex rei natura nexum esse inter Naziræatum, & incolatum urbis Nazareth; attamen per Divinam Providentiam factum esse, ut Christus Nazarethæ habitaret, indeque Nazarenus, aut Nazaræus vocaretur, a vulgo quidem per contemptum propter oppidi vilitatem: sic tamen, ut, iis ipsis qui Christum ita appellabant ignorantibus, grande mysterium ei denominationi inesset, qua Deus innuere suis voluit, illum qui ita Nazarenus aut Nazaræus dicebatur, per Naziræos illos fuisse præfiguratum, de quibus locuti sunt Prophetæ; omniumque qui unquam Deo consecrati fuerunt facile principem. Occasio itaque nominis fuit habitatio in urbe Nazareth; sed vera causa, ratio ac significatio nominis, ex Dei instituto est *μυστηριώδης*, ut sæpius jam est indicatum. Tandem observant, non nimis urgendam esse vocem *κληθήσεται*. Quum ea ambigua sit, & vel proprie sumi possit, vel ex Hebraica consuetudine, pro erit, & esse demonstrabitur, & agnosceretur. Atque hac ratione Viri Eruditi oppositas sibi difficultates non incommode amoliri videntur. Dubito tamen, an animo sollicitè cuncta perpendenti, nullus

nullus adhuc relictus sit scrupulus. Quidquid enim dicatur, נָזִיר *Naziræus*, & נָזִירָא vel נָזִירִי *Nazarenus*, tam scriptione quam significatione, diversissimæ voces sunt; quæ nulla probabili ratione & auctoritate pro una eademque habentur.

XIV. Præter ea quæ hætenus isti interpretationi opposita sunt, hanc quoque difficultatem movit *Jacobus Altingius*, diligentissimus & sagacissimus Sacrarum Literarum interpres; nimirum quod Naziræis fuerit abstinendum ab omni fructu vitis: verum Christus, qui tamen sub legem factus, vino usus est. Matth. x1: 19. & xxv1: 22. Ideoque ulterius sibi inquirendum esse existimavit: & qua erat in hisce rebus *αρχινοία* in Ezech. xv1: 22. aliquid invenit, quod huc referri posse credidit. Verba Prophetæ ex versione Viri Doctissimi ita habent: *Sic dicit Dominus Jehova: summam ego de lanugine vestitis ramis tenerrimis cedri excelsæ, & dabo: de summitate tenerrimorum ramorum ejus tenerum decerpam, & plantabo ego super montem excelsum & aggestum.* Per *cedrum proceram* intelligit familiam regiam Davidis; per *ramos teneros* illius cedri, filios Davidis ex Nathane, ex quibus prognatum credit esse Christum; per *tenellum ramum inde decerptum*, Messiam ipsum, nulla specie decorum; per *sumptionem de cedro*, segregationem Messiae ad munera sua, libera Dei voluntate factam; per *dationem*, singularem Dei positionem, sive nativitatem miraculosam, ex maximo Dei amore profectam; per *deceptionem ex summitate tenerorum ramorum*, remotionem ex natali solo, non sine quadam violentia; per *plantationem*, collocationem in alio loco, ubi crescat & adolescat; per *montem excelsum atque aggestum*, urbem Nazareth, cujus topographiam dedit nobis Lucas Cap. iv: 29. ubi refert, Nazarethanos, concione Jesu offensos, eum ejeisse ex urbe sua, & deduxisse ad præcipitium aliquod montis, in quo urbs eorum ædificata erat, ut inde eum dejicerent præcipitem. Habemus igitur *montem*, eumque *altum*, unde lethale præcipitium; & habemus *aggestum* per ædificia, quæ super tumulum suum, in vertice ejus montis, structa erant. In hac urbe, atque adeo in monte alto, & aggesto, plantatus fuit Jesus, (qui Bethlemi decerptus fuerat) quando Josephus cum matre ejus iterum ibi domicilium fixit; atque in ea urbe constanter mansit, usque ad tricesimum Christi annum, & muneris auspiciū. Hinc Jesus ob habitationem tanti temporis, dicitur *filius Josephi de Nazareth* Joh. 1: 46. & Jesus *Nazarenus* Marc. 1: 24. & alibi passim. Habemus igitur hic apud Ezechielem prophetiam de habitatione Christi in urbe Nazareth, cujus occasione Nazarenus dictus est: quamvis Ezechiel nomina ista non exprefferit, sed rem ipsam, & circumstantias, pro ratione coeptæ similitudinis, seu ænigmatis, pingere satis habuerit, dum plantationem Messiae priorem descripsit.

XV. Cæterum & altera plantatio eodem nos ducere creditur, quæ deli- XV. & 17.

neatur *Nf.* 23. *Plantabo eum in monte celsitudinis Israël.* Nimirum iterum decerpi debuit Messias ut novæ plantationi locus fieret. Decerptio prior facta est propter persecutionem Herodis, quæ tuto manere Bethlehemi non sinebat. Decerptio posterior facta est propter persecutionem Nazarethanorum, quæ in urbe ipsorum tutum manere non patiebatur. Transplantatus itaque est, & quidem *in monte celsitudinis Israël.* Mons Nazarethanus erat quidem mons terræ Israël; sed particularis tribus, cujusmodi plures in omnium sorte erant: sed non erat mons Israël, universi nempe, communi jure. Hoc autem dici potuit de montibus Hierosolymæ, quæ censebatur juris publici, ob sedem templi & sacrorum. Designatur itaque collis in monte Moria *celsior*, qualis erat Zion, qui a siccitate nomen obtinuit, & Golgota, *κρανίον τέπ* *Θ* Joh. xix: 17. pariter a siccitate & figura ita nuncupatus; vel etiam, uti cranium summa capitis pars est, quod hic collis supra cæteros exstaret sublimior. Atque in hoc monte celsitudinis Israël plantandus fuit Messias, ut inde regnum ejus gloriosum surgeret. Plantandus scilicet passionibus & morte. Cujus rei interpretes, & testis læcuples ipse Christus esse perhibetur Joh. xi: 23, 24. *Hora venit ut filius hominis glorificetur. Amen, Amen dico vobis, si granum tritici non cadat in terram, & moriatur, manet solum, sed si moriatur, multos fert fructus.* Plantatus itaque fuit per sui crucifixionem, in aliquo montium Moria, qui toti Israël erat venerabilis, &, quod hic apprime notandum, adscripto tribus linguis titulo NAZARENI. Vide *Alting. Heptade* 111. *Dissert. iv. & in parallelis ad hunc locum.* Quæ mihi visa sunt adeo ingeniose excogitata, ut excerpere non piguerit. Sed quam solida sint, æqui lectoris arbitrium esto. Cui puto interdici non posse, ut ex textu elici & demonstrari postulet, quæ, ex Evangelio petita, ad textum erudire dicuntur.

XVI. Probabile videtur, Matthæum ad ea oracula attendere ubi Servator vocatur Notzer.

XVI. Si mihi tandem libere sententiam dicendi jus atque facultas est, in ea semper fui opinione, quærendum aliquid in sacris esse, quod propius accedat ad Nazareni vocem, & de Servatore generis humani prædicetur; non quidem evidentissime (tale enim vaticinium nunquam extitisse initio jecimus) attamen tali deductione qualis ænigmatico Prophetarum sermoni consentanea est. Negari non potest quin vocabulum נוצר *Notzer*, vel idem, vel ferme idem sit cum Nazareno; quando enim Judæi nostrum designant Jesum unius solum literulæ additione vocant נוצרי *Notzeri*. Investigandum itaque restat, an non talia existent oracula, ubi Messias *Notzer* vocetur. Exstant autem revera. Jobus fiduciam suam in Deum contestans vocat eum נוצר הארץ *custodem aut Servatorem hominum*. Cap. vii: 20. quod exile esset ad communem Dei circa genus humanum providentiam sic restringere, ut excludatur id quod in servatione præcipuum est, & quod a Goële suo potissimum expectabat Jobus. David pariter Ps. xxxi: 24. אמינים נוצר יהוה *fideles conservat Jehova*. Itemque Salomon. Proverb.



xxiv: 12. וְנוצֵר נִפְשָׁךְ הוּא יִדַּע *Servator animæ tuæ ipse novit.* Eadem voce Deus utitur quando sollicitam Ecclesiæ suæ curam describit Jes. xxv 1: 3. אֲנִי יְהוָה נֹצֵרָה, *ego Jehovah custodio eam.* In quibus omnibus locis Deus humani generis, & præcipue fidelium, atque Ecclesiæ suæ, custos & conservator, *Notzer* Prophetis dicitur. Conservator autem iste Dei filius, qui & idem filius hominis est, neque aliter Deus nisi in filio: illi ergo singulari ratione competit hoc elogium. Jam quid facilius, quid expeditius tali ratiocinatione: Jesus, Deo ita gubernante, multos annos Nazarethæ habitavit, ideoque vulgari nomenclatione dictus est נֹצֵר Nazarenus, ut ex intentione Dei mystice significaretur, Jesum eum ipsum esse quem Prophetæ, Jobus, David, Salomon, Jesaias, nomine *Notzer* indigitarunt.

XVII. Nunquam ego inventi hujus gloriam mihi arrogare volui: quamvis id acerbe, at præter omnem rationem, exprobratum mihi sit ab eo quem id fecisse nollem. At candide exponam quid rei sit. Fateor huic cogitationi primam mihi occasionem dedisse *Faustum Socinum*. Quum enim in Academia Ultrajectina studiorum gratia morarer, forte factum est ut admodum juvenis inciderem in librum aliquem Socini, quem dum fugitivis oculis percurreram, inveni interpretationem istam. Ea deinceps quoad summam rei animo meo firmiter inhæsit, quamvis libri, nedum loci ubi exstat, prorsus fuerim oblitus. Nuper admodum quum *Crellii* commentarios in Matthæum consulerem, vidi *Socinum* laudatum super obscurum hunc locum, & indicatas *Lectiones* ipsius, ut dicuntur, *Sacras*. Quas dum propere inspicio, invenio malefaustum cætera interpretem, non infeliciter in hæc verba commentantem *Oper. T. 1. p. 300. circa finem.* Quod si quis tamen plurimum hareat in interpretatione ista, propter unius literulæ diversitatem, videat, an fortassis quarta interpretatio addi possit, quam ego quidem apud neminem adhuc inveni. Ea est, quod dicamus istam appellationem Christo fuisse tributam, & miro Dei consilio factum esse, ut is in oppido Nazareth educaretur, unde *Nazaræus*, vel potius *Nazaræus* vocaretur, eo quod, sine ulla controversia, ipse *Servator* noster fuerit. Nam verbum *Nazar* Hebraice, idque per *Zade* scriptum, non minus quam oppidum Nazareth, servare significat, & Deus ipse nomine ex hoc verbo ducto, & in libro *Jobi* Cap. vii: 20. & in *Salomon. Prov. xxiv: 12.* modo *servator* hominum, si recte memini, modo *servator* animarum appellatur. Certum autem est, non tantum Christum fuisse revera, & esse servatorem nostrum, sed etiam id prædictum per prophetas fuisse: ut inter alia loca fidem faciunt *xxiii* & *xxxiii* caput *Jeremiæ*, &c. Hactenus Socinus. Nec male, quod *Notzer* Servatorem notare observaverit, ideoque Christum *Nazaræum* dici posse eo ipso quia est *Servator*; quod ubique docent *Sacræ* literæ. Sed non permittebant Socino hypotheses suæ, ut allegata loca, quibus Deus hominum vel animarum נֹצֵר *servator* dicitur, Christo applicaret. Quod quum nos nulli dubitemus, certo persuasi nullam veram salutem,

XVII.  
Quod, ex  
parte sal-  
tem, Soci-  
no olim  
observa-  
tum.

salutem, ullo tempore, extra Christum esse; ulterius nobis ire licet & decet, ipsaque illa loca, aliaque iis similia, ubi Deus נוצר appellatur, recte ad Christum referre. Qua re interpretatio nostra plurimum illustratur & confirmatur.

XVIII. Se-  
ctatores  
Jesu dicti  
Notzerim  
Jer. xxxi:  
6.

XVIII. Accedit Clarissimi *Altingii* observatio, quod sectatores Domini nostri, & praesertim Apostoli ipsius נוצרים, *Notzerim* dici videantur Jer. xxxi: 6. *Nam dies venturus est, quo clamabunt נוצרים custodes in monte Ephraim, surgite, & adscendamus Zionem ad Jehovam Deum nostrum. Ad quem locum Abrabanel, Altingio citatus: צפה הנביא ברוח הקדש שיאמרו: הרומיים בני אדום ומפני זה יקראו בשמו נוצרים Speculatus est Propheta per Spiritum Sanctum, futurum esse ut Romani filii Edom crederent (in Jesum Nazarenum) & propterea de nomine ejus vocarentur Notzerim, Nazareni. Addi potest quod in Talmude dies Dominica vocetur יום נוצרי dies Nazareni, ad cujus nominis declarationem glossa sic habet: Nazarenus is est, qui sequitur errorem istius viri, qui iis praecepit, ut sacrum sibi facerent primum diem hebdomadis. Vid. Lightfoot ad Matth. xxviii: 1. Quando igitur Jeremias Apostolos, & qui horum Evangelium annuntiaturi erant, vocavit Nazarenos de nomine Jesu Nazareni, simul vaticinatus est Jesum dicendum esse Nazarenum. Et cum hac quidem interpretatione, quam si non cæteris omnibus anteponendam, nulli certe postponendam censeo, Dissertationi huic impono finem.*

### DISSERTATIO III.

*Ad Job. I: 51, 52.*

De Cœlo aperto, & Angelis Dei adscendentibus & descendentibus super filium hominis.

#### BREVIARIUM.

I. *Philippi & Jesu cum Nathanaële colloquium.* II. *Quatuor capita hac Dissertatione tractanda.* III. *Quomodo ex verbis Jesu, subter sicum vidi te, colligere potuerit Nathanael, eum esse Messiam.* IV. *Quanam sint majora ista, quorum videndorum copiam pollicetur Jesus.* V. *Quid sit apertio cœli.* VI. *Quid motet adscensus & descensus Angelorum super Jesum.* VII. *Videtur alludi ad scalam Jacobo visam.* VIII. *Solvitur difficultas.* IX. *Magnam affinitatem cum hoc dicto habet representamen Danieli factum Cap. vii: 13, 14.* X. *Argumenti hujus evidentia & certitudo.*

I. Philippi  
& Jesu  
cum Na-  
thanaële  
colloqui-

**P**hilippus Bethsæidenſis, a Jesu Christo ad sui cognitionem gratioſe & efficaciter vocatus, quod de communi ſervatore compererat, cum Nathanaële familiari ſuo ac neceſſario, ex fide & charitate communi-  
cavit; gloriatus, inveniffe ſe illum de quo Moſes ſcripſerat in lege, & de quo  
carminibus

*carminibus suis vaticinati fuerant prophetae*: eumque esse *Jesum*, *filium illum Josephi ex urbe Nazarethæ*. Quæ quidem non displicebant Nathanaëli; sed difficultatem movebat *Nazarethæ* mentio; quam, homo cándidus ac priscæ simplicitatis, nullus dissimulavit. *Quicquamne boni*, inquit, *ex Nazarethæ prodire potest*? Instat tamen Philippus, ipsumque ad propiorem accessum & experimentum Jesu invitat; non equidem repugnantem. Interim dum alacriter ad Jesum contendunt, humanissimo sermone prævortit eum dominus, & quæsitissimo veri ac deli expertis Israëlita elogio ornat. Id præter spem Nathanaëli accidit, cum admiratione sciscitanti, *undenam ipsum nosset Jesus*. At majore mox admiratione correptus fuit, quum audiret Jesum dicentem: *priusquam te Philippus vocaret, quum esses subter ficum, videbam te*. Ea verba tantum valuerunt apud hominem sagacem, ac singulari quadam fidei *αὐχινός* alia ex aliis, quasi in puncto temporis, deducentem, ut mox exclamaverit, *Rabbi, tu es ille Filius Dei, tu es ille rex Israël*. Adeo vero ista fidei optime ratiocinantis promptitudo Jesu perplacuit, ut eam præclara hac pollicitatione exceperit: *Quia dixi tibi, vidi te sub ficu, credis: majora istis videbis: præterea dixit ei, Amen Amen dico vobis, ab hoc tempore videbitis cælum apertum, & Angelos Dei ascendentes & descendentes super filium hominis* Joh. 1: 51, 52. Quam Domini *πῦρ* brevi commentario illustrare, suisque difficultatibus, quantum pote, liberare, animus nunc est. Missis itaque ambagibus, mox ad rem veniamus.

II. Continent hæc verba Domini promissionem novorum & firmiorum *argumentorum*, quibus Nathanaëlis fides de Jesu, Filio Dei & Rege Israël, corroboranda foret. Interim neque paucis, neque exiguis laborant difficultatibus. Nam I. inquiri meretur, utrum ex *declaratione* Jesu de *viso* *à se sub ficu Nathanaële*, deque ipsius *minime fucata sinceritate*, firma satis deductione intulerit Nathanaël, eum *Filium Dei & Regem Israël* esse: vix enim in ea Jesu declaratione quicquam esse videtur, quod hominis perspicacis & prudentis, vel certe quod prophetæ, quales multos populus Israëliticus habuit, captum superet. II. Quænam *majora* ista sint, quorum visionem Nathanaëli spondet Jesus. III. Quid notet *apertio cælorum*, & *descensus* atque *adscensus angelorum super filio hominis*, quorum visionem Nathanaëli, cæterisque discipulis suis, pollicetur Jesus. IV. Quomodo in illis rebus firmissimum *argumentum* sit, quo probetur, *Jesum esse Filium Dei, & Regem Israelitarum*. Nonne & in gratiam *Ezechielis*, Cap. 1. & *Petri*, Act. x. apertum est cælum, saltem in repræsentatione prophetica? Nonne idem revera factum in gratiam *Enochi*, *Eliæ*, *Stephani*? quos tamen non nisi pios homines fuisse constat. Nonne & Angelos super se, id est in sui gratiam, descendentes & adscendentes *Jacobus* vidit? Gen. xxvi 11: 12. Et *Elias*, quum descenderent ad ipsum arcessendum, & adscenderent, ad ipsum

*Meletem, Leid.* D d *listendum*

sistendum in cœlo? 2 Reg. 11. Et *Elisæus*, 2 Reg. vi: 17. quum sui tuendi causa montem replerent?

III. Quo-  
modo ex  
verbis Jesu,  
subter si-  
cum vidi-  
te, collige-  
re potue-  
rit Natha-  
naël, eum  
esse Messi-  
am.

III. Ad Quæstionem *primam* respondeo, firmitus totum argumentum esse, quam prima fronte videatur. Nam 1. prorsus credibile est, sicum illam, sub qua invenit & compellavit Philippus Nathanaëlem, ibi fuisse, ubi a Jesu, ex isthoc quo tunc Jesus commorabatur loco, conspici naturaliter non posset. Ficus & Vites solebant antiqui prope ædes suas plantare; unde *sub ficu* esse, signum est animi tranquillitatis Mich. iv: 4. & *vocare aliquem sub ficu* signum amicitiae Zach. i: 11: 10. Probabile itaque est Nathanaëlem domi, & apud se fuisse, ubi familiariter eum quæsit, & invenit Philippus, fortasse sub ficu meditantem, aut orantem. Merito itaque miratus est Nathanaël, se ex eo loco visum esse a Christo, unde per naturam fieri non poterat, ut videretur: Admirationem augere debuit, si, quod valde probabile, simul ei indicaverit Jesus, quid sub ficu egerit, cogitaverit, desideraverit. II. Indicavit certe, se arcana cordis ipsius scire; nosse sermonem, quem clam cum Philippo habuisset; nosse etiam originem istius sermonis, qui non prodierit ex animo se opponente veritati, sed exmero candore, dum id diceret, quod sacris literis putaret convenientissimum. III. Quum conscientia Nathanaëlis, omnibus illis dictis Domini assentiretur, manifestissima sequela inferre debuit, Christum esse Prophetam, Conf. 2 Reg. vi: 12. Jer. xi: 18. Joh. iv: 19. IV. Porro quum eo tempore totus populus in magna expectatione esset maximi illius Prophetæ à Mose promissi, porro intulit, hunc quem Prophetam esse cernebat, esse magnum illum Prophetam, præsertim si cum iis, quæ ipse nunc experiebatur, conferret ea quæ modo à Philippo audiverat. V. Valde confirmari poterat hæc argumentatio, ex eo quod de Messia, ut illius *ὑπόσχεμα*, prædictum est Jes. xi: 3. *odoraturus est timorem Domini*, id est per semet ipsum, sine monitore, maxima cum animi sui voluptate, deprehensurus, & cogniturus reverentiam Jehovah, si quæ in animo lateat. Conf. Joh. i: 12, 25.

IV. Quæ-  
nam sint  
majora  
ista, quo-  
rum viden-  
dorum co-  
piam pol-  
licetur Je-  
sus.

IV. Non admodum obscurum est, quænam *majora* ista sint quorum videndorum copiam Nathanaëli se facturum pollicetur Dominus; nimirum innumera illa, ac fidem propemodum superantia prodigia, à Christo ad cœlestis suæ missionis probationem patranda, quæ totidem invicta argumenta sunt, quibus probetur ipsum esse Filium Dei, à Patre in hanc terram missum, ad salutem generis humani non annunciandam solum, sed & procurandam. Porro miracula ista Nathanaëli familiariter videre licuit: præsertim si verum sit, quod vero consentaneum esse, tam veteris, quam recentioris ævi, præstantissimi interpretes valde probabilibus argumentis addixerunt, Nathanaëlem à Christo in Apostolorum ordinem fuisse coopratum, eundemque cum *Bartholomæo* esse.

V. Eximium est quod promittit Jesus: *videbitis cælum apertum*. Pluries ea loquendi ratio in utriusque Testamenti tabulis invenitur. Nimirum Pl. LXXVIII: 23. Ezech. I: 1. Matth. I: 16. Act. x: 10. Apoc. IV: 1. & XIX: 11. At in ea explicanda seorsim abeunt Interpretes; uti in re obscura fieri solet. Nonnulli id referunt ad *fulmina & fulgetra*, quibus æther hominibus dividi & aperiri videtur. Estque is dictionis modus Poëtis non insolens. Sic *Silius Italicus Lib. 1.*

— *ruptoque polo micat igneus æther.*

*Statius Thebaid. Lib. 1.*

— *abrupta tremiscunt*

*Fulgura & attritus subita face rumpitur æther.*

*Ovidius Lib. Fast. 11.*

*Hinc tonat, hinc missis abruptitur ignibus æther.*

Alii concipiunt *Chasma* sive hiatus, qualem exponunt Physici in Meteorologicis; quando nimirum partes aëris extremæ & supremæ condensantur & lucidiore sunt, ut ad spectum terminent, intermedius autem aër rarior manens de more non videtur. Tunc se veluti hiatus quidam & apertura cœli spectantium oculis repræsentat. Alii pugnant factam esse supremi cœli *realem fissuram*, & distractionem partium ante continuarum. Alii denique existimant, notari *remotionem omnium impedimentorum* quæ visus aciem remorari poterant, ut id viderent sancti quod videre ipso volebat Deus. Quando nihil videtur sudo cœlo, nisi illud sublime candens, clausum videtur esse cœlum, sed quando in convexo, aut supra illud, aut ex illo descendens aliquid cernitur, illius objecti repræsentatione aperiri cœlum videtur. Non est mei moris in re ancipiti temere aliquid determinare; at si conjectandi venia detur, existimem pro circumstantiarum varietate variam esse posse hujus locutionis expositionem. Quum Ezechiel apertos sibi cœlos fuisse scribit, si aliquid oculis ipsius corporeis objectum fuerit, non est absurdum cogitare de *fulgetris*, aut saltem de coruscatione fulgetris similima, nisi quod durabilior esset. Ipse enim eo nos videtur ducere com. 4. *Vidi ergo, quum ecce ventus turbineus veniret ab Aquilone, nubem magnam & ignem sese accendentem, & splendorem ejus circumstantem &c.* In baptismo Christi Matth. I: 16. & Marc. I: 10. videtur aliquid præter naturæ ordinem contigisse, quod *Chasmati* non erat absumile: ut in suprema aëris regione sensibilibiter conspectus fuerit quidam hiatus, unde columbæ species descenderit. Non enim necesse, neque adeo verisimile est, illam sive columbam, sive columbæ speciem, in supremo cœlo formatam inde descendisse. In visionibus ecstaticis, quibus non res ipsæ sensibus, sed rerum emblemata phantasie objiciuntur, apertura cœlorum, non in *re*, sed sanctorum hominum *imaginatione* est. Ita expono Act. x: 10. Apoc. IV: 1. XIX: 11. In Stephani historia puto vel factam esse realem partium continuarum dis-

junctionem in supremo cœlo, vel saltem eas partes cœlorum quæ visum nostrum terminant factas esse transparentes, ut penetrare oculis suis potuerit ad ea corpora conspicienda quæ in supremis cœlis sunt. In hoc autem quem nunc tractamus loco apertio cœlorum notare videtur demonstrationem luculentam præsentiæ Dei in effecto aliquo prodigioso, quod, quum omnium subcœlestium caussarum virtutem exsuperet, originem sui cœlo asserat; præsertim si in locis mundi superioribus spectetur. Ita dicitur Deus *januas cœlorum aperuisse*, quando superioribus nubibus jubebat, ut Mannam super Israëlitas depluerent Psalm. LXXVIII: 23, 24. Hujus rei videndæ promissionem non Nathanaëli solum, sed & reliquis suis discipulis & sectatoribus facit Jesus. *Videbitis*, inquit; non videbis. Viderunt autem discipuli ab eo tempore cœlum frequenter apertum; non dico in baptismo ipsius: quippe qui præcesserat Mat. III: 16. coll. cum Joh. I: 32. sed in mirabili illa transfiguratione Christi, & apparitione Moïsis atque Eliæ, & voce cœlo & ex magnifica lucidæ nubis majestate audita. Mat. XVII: 3, 5. coll. cum 2 Pet. I: 18. Itemque in altera illa voce cœlesti, memorata Joh. XII: 27, 28. Etiam quando miracula in cœlo patrabantur Mat. XXVII: 47. Maxime quando ipse adscendebat in cœlum, fortasse cum iis quos resurrectionis suæ habuerat comites.

VI. Quid notet adscensus & descensus Angelorum super Jesum.

VI. *Adscensus & descensus Angelorum super Jesum*, notat ministerium, quod Christo frequenter præstitisse narratur, & propter Christum fidelibus, qui unum cum ipso corpus mysticum constituunt, & in quorum gratiam totum Mediatoris officium suscepit. Apparuerunt certe mox post natiuitatem ejus Luc. II. Accesserunt, ut seruirent in deserto Matt. IV: 11. Adstitit ipsi unus eorum in agonia ipsius Luc. XXII: 43. Cæterum de iis hic non videtur agi, quippe quorum primum jam pridem erat factum; reliqua non visa sunt ab hominibus. At visus Angeli in ministerio Christi, militibus cum resurgeret, & piis foeminis Matt. XXVII: 4, 5. & Apostolis, quum in cœlum adscenderet Act. I: 10. Frequenter etiam experti sunt eorum temporum fideles Angelos propter Christum, illiusque jussu ad ipsos descendisse, ut ministrarent, iterumque adscendisse ad Deum, ut rationem demandati sibi muneris redderent, novis jussis instruendi. Pro exemplo sit Act. X: 3. XII: 7. XXVII: 23. Non puto, Christum hic agere de eo, quod novissimo die futurum est: promittit enim quod visuri erant *in æt.*

VII. Videtur alludi ad scalam Jacobo visam.

VII. At quomodo hinc probatur, *Jesum esse Filium Dei & Regem Israël*? Plerique Theologi supponunt, alludi hic ad *Scalam* Jacobo visam, Gen. XXVIII: 12, 13. Quam duplicem credunt habuisse significationem; alteram generaliore, alteram magis specialem & mysticam. Generatim designari *Scala* ista potuit ordo rerum a Divina Providentia constitutus, imprimis circa homines, maxime circa pios & fideles. Quod illa ab imo

*ad summum* pertinuerit, innuit, *sapientiam Dei pertingere a fine uno ad alterum, & disponere omnia suaviter.* Sapient. vii: 1. *Deus in summo* repræsentatur; ut Moderator omnium. Pf. cxiii: 5, 6. *Angeli* apparent, ut Providentiæ Divinæ Ministri. Pf. civ: 4. Et quidem *descendentes*, ut iussa Dei exsequantur, custodituri fideles, & in iis Jacobum. Pf. xxxiv: 8. xci: 11. atque *adscendentes*, reddituri rationem Deo Job. i: 6. Zach. i: 10, 11. & nova iussa capeffituri. Ezech. i: 14. Ad *pedes* ejus *scalæ* suaviter dormiebat Jacobus. Sic fidelibus omnibus secure dormire licet, nixis fiducia tutelæ Dei Pf. lxi: 6. At credibile est, subesse plura, eademque *scala* repræsentatum esse *Messiam*, Jacobo com. 14. promissum. Analogia in hisce est. I. Christus *cælum & terram unit*: tam *Persona* sua, Divinitatem in cœlis habens, humanitate in terra assumpta: *Germen Jehovæ, & fructus terræ* Jes. iv: 1. *Dominus de cælo, & secundus Adam.* 1 Cor. xv: 47. quam *Officio*; dum homines peccatores cum Deo in gratiam redigit, *viamque* in cælum non monstrat solum, sed & in se ipso præbet Joh. xiv: 6. II. Ad *summitatem* hujus *scalæ* *Deus* est, Pater scilicet, *caput Christi.* 1 Cor. xi: 3. cui salutis nostræ debemus initium Eph. i: 3, 4. qui Christum nobis in *Mediatorem* ac *Servatorem* dedit. 1 Cor. i: 30. Ad quem *Accessus* nobis est per Christum Heb. vii: 25. Cui denique Christus regnum tradet, & fideles listet gloriosos. 1 Cor. xv: 24. III. Per Christum *Angeli descendunt* ad homines. Luc. ii: 9, 13. *adscendunt*, animam fidelium deferentes in cælum. Luc. xvi: 22. Per eum amicitia reparata est inter *Angelos & electos peccatores.* Heb. xii: 22. & i: 14. Qui Christi sunt, *sub tutela ipsius quiescunt* placide, etiamsi omni humano præsidio destituti forent. Pf. xxvii: 1. Equidem non diffiteor, tam prolixam, tamque accuratam analogiæ concinnitatem tantum apud me valere, ut piis istis cogitationibus contradicere non auserim. Ideoque pronus in eorum inclino sententiam, qui huc respexisse Dominum arbitrantur, quando de apertione cœlorum, & angelorum, adscensione & descensione super Filium hominis verba faciebat: eum se esse innuens qui sub illo *scalæ* emblemate olim repræsentatus Jacobo fuit.

VIII. Intercedit observationi huic PETRUS DU BOSC, cujus eloquentiam propemodum incredibilem Gallicæ nuper Ecclesiæ stupuerunt; & quem patria Evangelii causa extorrem, Belgica nostra non nisi cum sacro quodam horrore verba Dei detonantem audivit. Is in Epistolis p. 458. Christum Jacobi *scala* repræsentatum abnuit; ob hanc præcipue rationem, quia is, qui supra *scalam* visus est, Christus fuit. Hoc autem ita conficit. Citra controversiam est, quod qui compellavit Jacobum in insomnio dum quiescebat Bethelæ, idem sit cum eo qui ipsum compellavit in Mesopotamia. Ita enim exstat Gen. xxxi: 13. *Ego sum Deus ille fortis, Deus Bethelis, ubi unxisti statuam, ubi vocisti mihi votum.* Hunc autem Filium Dei, *Messiam* promissum, Angelum fœderis fuisse, colligitur ex ejusdem capitis

VIII. Sol-  
vitur diffi-  
cultas.

comm. 11. *Dixit autem mihi Angelus Dei per somnium.* Quod elogium Filio Dei bene convenit: Deo Patri non convenit. Fateor acute ista a Viro Doctissimo annotata esse: non tamen tanti videntur, ut ob eam rem laudata modo interpretatio deferenda sit. Nam quum Filius Dei unus cum Patre Deus sit, & Deus non sine Filio in priori isto insomnio Jacobo apparuerit, potuit Filius nunc apparens sub specie *angeli*, sibi attribuire priorem illam apparitionem sub specie *scalæ*, itemque votum illud, quod Jacob nuncupaverat Jehovæ, sine distincta consideratione personarum. Nam certe quod Jehovæ vowedetur, vowedetur etiam Filio Dei. Et quod Deus Pater gratiose hominibus dicit, id dicit per Filium; id Filius pariter dicitur. Unde fit, ut Majestas Dei, quæ sine dubio Patris est, aliquando speciali appropriatione adtribuatur Filio; aliquando etiam Spiritui Sancto. *Jes. vi: 1, 9. col. cum Joh: xii: 41. Act. xxviii: 25.* Hæc ergo explicatione admissa, vis argumenti hæc foret: ab hoc tempore cœlestibus testimoniis ac portentis, & ministerio Angelorum mihi exhibendo, & propter me fidelibus, cujus ipsi futuri eritis testes, clare apparebit, me eum esse qui in symbolo scalæ repræsentatus est Jacobo, ut cœlum terræ jungens, ac consequenter verum Mediatorem Dei & hominum.

IX. Magnam affinitatem cum hoc dicto habet repræsentamen Danieli factum Cap. vii: 13, 14.

IX. Non diffiteor interim fieri potuisse, ut & alio respexerit Dominus. Magnam affinitatem cum hoc dicto habet *Dan. vii: 13, 14.* ubi Messias vocatur *filius hominis*, & repræsentatur ut *Filius Dei*, veniens in nubibus cœli ad antiquum dierum; additurque, *datum ei esse dominatum ac Regnum.* Quum itaque professus esset Nathanaël, Jesum esse Filium Dei & Regem Israël, utrumque admittit Jesus, protestaturque se revera esse filium hominis, de quo prophetaverit Daniel, quod manifestum futurum esse prænunciat ex insigni illo ministerio sibi ab Angelis exhibendo. Nam sicut ad Majestatis divinæ gloriam facit, quod thronus Antiqui dierum myriadibus angelorum cinctus sit, ita & argumentum cœlestis regni in filio hominis est, quod iidem angeli ad ipsius nutum quaquaversum volent, adscendentes & descendentes prout jusserit.

X. Argumenti hujus evidentia & certitudo.

X. Cæterum etiamsi hæc ad nullum Veteris Testamenti five typum five prophetiam referantur; manet tamen vis argumenti. Cui enim aperitur cœlum ad talia testimonia ac prodigia, & cui Angeli ita inserviunt, ut §. 5 & 6. dictum est: eum necesse est ipsissimum Dei Filium ac Regem Israël esse. Quia vero ea res in se verissima ac certissima erat; tum etiam tanti ad religionis negotium momenti, ut universus ea Christianismus pendear; & præterea ab ea, in qua tunc conspiciebatur Jesus, humili conditione perquam videri poterat remota: idcirco vehementi asseveratione fidem ei adstruit Dominus, *Amen Amen dico vobis.* Adeo se suorum imbecillitati accommodat, qui ut suprema Veritas, ita & infinita Bonitas est.



DISSERTATIO IV.  
De Glorificatione JESU in Monte.  
B R E V I A R I U M.

I. Dissertationis hujus argumentum, & tractandi ratio. II. Partitio. III. Glorificationis Christi Tempus. IV. Locus: quando & ubi orabat. V. Cur oraverit id quod certo sibi eventurum sciebat. VII. Cur in solitudine. VII. Cur in monte & precatus & glorificatus sit. VIII. Personæ præsentēs, cur paucæ, cur tres, cur Petrus, Jacobus & Johannes. IX. Transfiguratio Christi, inter orandum facta. X. In facie & vestibus maxime conspicua fuit. XI. Et tam Christi causa facta est. XII. Quam nostra. XIII. Cur transfigurationi isti homines potius, quam Angelos, interesse voluerit Deus. XIV. Cur speciatim Moſen & Eliam. XV. Hi an in personis suis viſi ſint, an in ſpectris. XVI. Unde Apoſtoliſ cogniti. XVII. Cur conſpecti in gloria. XVIII. Cur cum Chriſto collocuti. XIX. Prædicentēs exitum quem impleturus erat in Jeruſalem. XX. Apoſtolorum ſomnolentia. XXI. Ex qua ad jucundiſſimum ſpectaculum expergificantur. XXII. Diſceſſus Moſis & Eliæ. XXIII. Petri de loci iſtius amenitate judicium. XXIV. Obſequioſa Dominica voluntatiſ exploratio. XXV. Prompta officiî ad tria tabernacula ſtruenda oblatio. XXVI. Ex ignorantia & inconsiderantia profecta. XXVII. Uti diverſæ frequenter humane cogitationes a Diviniſ ſunt. XXVIII. Glorioſa Dei præſentiæ ſymbolum nubes eſt. XXIX. Et hic quidem lucida. XXX. Quæ inumbravit Moſen & Eliam. XXXI. Et ex qua prodiit vox cœleſtiſ. XXXII. Quæ Jeſuſ declaratus eſt Filiuſ Dei dilectuſ, in quo acquieſcit Pater. XXXIII. Unice audiendus. XXXIV. Summa Evangelii eſt, Jeſum eſſe Filium illum Dei. XXXV. Veritas, plena conſolationiſ. XXXVI. Et valida ad pietatem. XXXVII. Maxime ad id, ut ab ipſiſ, veluti Supremi Doctoriſ, ore unice pendeamus. XXXVIII. Quippe qui veritatem intuſ docet ſine verborum ſtrepitu. Thomas a Kempis laudatuſ. XXXIX. Diſcipulorum pavor, & lapſuſ in faciem. XL. Unde eoſ erigit Jeſuſ. XLI. Vetantiſ timere. XLII. Poſt Moſiſ & Eliæ diſceſſum ſoluſ conſpectuſ eſt Jeſuſ. XLIII. Indiſtinctuſ Apoſtoliſ harum reruſ ſilentium. XLIV. Ab ipſiſ, quamvis inter ſe de Reſurrectione diſceptantibuſ, XLV. Religioſe ſervatuſ.

**A** Deam, quam Diſcipuliſ ſuiſ pollicituſ eſt Jeſuſ, cœloruſ aper-  
tionem, ipſiſ conſpiciendam, de qua ſuperiore Diſſertatione  
egimûſ, referri quoque poteſt debetque mirabilis illa Jeſu in ſa-  
cro monte glorificatio, tribuſ Evangelitiſ, Matthæo, cap. & tractandi  
xvii. Marco, cap. ix. Lucæ, cap. ix. unanimi conſenſu memorata; &  
Petro Apoſtolo tanti pretii habita, ut multo poſt tempore ea, velut rotiuſ  
prædicationiſ ſuæ validiſſimo argumento, uſuſ ſit, 2 Petr. i: 16.— Cujuſ  
hiſtoriam

I. Diſſerta-  
tionis hu-  
iſ argu-  
mentum,  
& tractandi  
ratio.

historiam præfenti Differtatione explanandam nobis sumimus. Atque ita quidem explanandam, ut procul omni exoticæ doctrinæ apparatu, sine anxia verborum *κρίσει*, ad mysticas præcipue observationes attendamus, iisque quæ ad Domini nostri gloriam, ad electorum consolationem, ad interioris Christianismi praxin, ac spiritualis vitæ activitatem pertinent, solito prolixius inhæreamus. Extat sane de eadem hac materia MOSIS AMYRALDI Disputatio, erudita certe, facunda, & auctore suo dignissima. Quam me ita usum esse ut abusus non sim, utriusque Dissertationis collatio liquidum, ut opinor, æquo lectori faciet. Fruatur Vir Doctissimus sua quam meritis est laude. At nec mihi fraudi sit, si post hanc candoris testificationem, partem aliquam eorum, quæ cunctorum publici juris fecit, in meos privatim usus vindicavero, meisque amplificavero observationibus.

II. Partitio. II. In historia admirandæ illius glorificationis, quæ Christo in terris adhuc versanti, ad sui consolationem, suorumque in fide confirmationem, Dei benignitate, contigit, QUATUOR potissimum observanda veniunt. I. Notabiles quædam rei gestæ CIRCUMSTANTIÆ. II. Mirabilis GLORIFICATIO JESU. III. Memorabilia quædam illius ADJUNCTA. IV. Denique SEQUELÆ. Circumstantiæ potissimum tres sunt. I. TEMPORIS. II. LOCI. III. PERSONARUM, quas tantæ rei testes Christus esse voluit. Glorificatio ipsa tribus etiam partibus absolvitur. I. TRANSFIGURATIONE Christi in VULTU & AMICTU. II. Commercio & COLLOQUIO MOSIS ATQUE ELIÆ. III. Augusto TESTIMONIO DEI PATRIS. Adjuncta comitantia pariter tria sunt. I. APOSTOLORUM INEIRMITAS. II. JESU ERGA DORMIENTES BENIGNITAS. III. PETRI EX SOMNO EVIGILANTIS INTERPELLATIO. Sequelæ itidem tres. I. Spectantium & audientium PAVOR. II. Jesu CONSOLATIO. III. Indictum Apostolis præstitumque SILENTIUM. Quæ omnia ordine excutiemus. Ordine, inquam, non eo semper quem nos rerum naturam distinguentes nunc delineavimus: sed quem rerum gestarum series indicat.

III. Glorificationis Christi Tempus.

III. A TEMPORE ordiamur. Illud Matthæus & Marcus sic finiunt: *post dies sex*. Lucas autem: *Factum est quum post hæc verba quasi dies octo intercessissent*. Ubi particula *ὥστε* quasi, docet eum loqui *παρρησιας*, uti nos solemus dicere, circiter post octiduum. Fieri potest ut Lucas annumeraverit diem quo sermones isti habiti fuerant, eumque quo transfiguratio contigit. Matthæus autem & Marcus numeraverint solos intermedios. Sextiduo ante locutus erat Christus de suis perpeffionibus & insecutura eas gloriæ: tanta quidem, ut *venturum se dicat cum gloria sua & Patris, sanctorumque Angelorum*. Ac tam repentina, ut quidam eorum qui præfentes erant occubaturi non sint, antequam conspexerint eum in regno. Horum alterum immane Petro videbatur, alterum propemodum supra fidem erat. Cæterum vix sextiduum elabitur, quin utrique parti sermonis istius coelitus Deus ipse mirabili

mirabili plane modo fidem faciat. Illud de passionibus, per Moſem atque Eliam confirmans. Gloriæ autem in Chriſtum conferendæ præclarum specimen atque præludium, ſpectantibus Apoſtolorum quibusdam, exhibens. Adeo omnibus Chriſti verbis ſua conſtat veritas. Et Deus rem quamque pulcræ facit ſuo tempore. Nec differt in longum diem quod mox concedi poteſt. At ſi gloriæ ſuæ interſit ut promiſſa felicitas aliquantulum procraftinetur, ne tamen ſpes dilata nimiam animo anxietatem adferat ſolet præludium aliquod promiſſi boni concedere, quod arrha ſit reliquorum.

IV. A temporis ad LOCI conſiderationem tranſeamus. Quem Lucas <sup>IV. Locuſ</sup> *Montem illum* ſimpliciter vocat: alii addunt elogium *Exceſſi* <sup>quando & ubi orabat.</sup> Utrum mons hic *Thabor* ſive *Ithabyrius* fuerit, quod conſtans veterum traditio habet, adſtipulantibus *Drufio*, *Grotio*, *Amyraldo*, aliſque primi ordinis interpretibus; an alius aliquis Cæſaræ Philippi, ubi nuperi illi ſermoneſ Chriſti habiti ſunt Math. xvi: 13. vicinior, quod contendit *Lightfootus*, non admodum in liquido eſt. Id vero obſervatu digniſſimum, quod, Luca memorante eo conceſſerit. Jeſus, *ut oraret*. Nimirum tam ſanctæ tempora ſua patiebatur Jeſus, ut alteram eorum partem hominibus daret, ſermone & opere ſuo ædificandis, alteram ſibi & Deo ad meditationes & preces. Dignum proſecto exemplum, quod Chriſtiani omnes, & nos præprimis quibus Divinarum rerum demandata tractatio eſt, accurate æmulemur.

V. Ex circumſtantia loci & temporis colligere licet, id præcatum eſſe Jeſum, quod obtinuit; ut in ſplendore novæ formæ viſibile Deitatis ſuæ ſpeculum Apoſtoliſ exhiberetur. Non quod gloriæ ſuæ partem precario aliunde petere opus eſſet: ſed quia toto humilitatis ſuæ curſu ad Patrem ſemper retulit, quidquid Divinitus agebat: & ut nos exemplo iſto doceremur eodem animo eſſe erga gloriam regni ipſius, & erga eos quibus illa nondum innotuit. Indubie ſciebat Dominus ſe eo tempore & loco glorificatum iri: ejus enim rei gratia ſecum in montem adſcendere juſſerat diſcipulos ſuos. Voluit tamen id ſibi oranti evenire, ut ſuis quoque precibus Divino inſerviret conſilio. Conf. Joh. xvi: 1. Enimvero peſſime de precum religione arbitrantur, qui ex Divinorum conſiliorum immutabilitate, & promiſſionum firmitudine, ſacræ orationis neceſſitatem atque utilitatem impugnatum eunt. Præterquam enim quod animæ Deum amanti nihil dulcius eſſe queat ea cum cœleſti Patre ſuo colloquendi familiaritate, quæ conſiliorum ſuorum executionem & promiſſionum præſtationem pari fiducia ac reverentia expoſcit: ſubmiſſis etiam precibus id quod ſibi deſtinatum eſt boni impetrare amat, ut cum prolixioribus dein gratiarum actionibus agnoſcat. Tantumque abeſt ut certa de conferendo ſibi bono aliquo perſuaſio orandi fervorem extinguat, ut nihil magis acuat. Vide ſodes exemplum Davidis 2 Sam. vii: 27. & Dan. ix: 1, 2. Adde Ezech. xxxvi: 37.

*Meletem. Leid.*

E●

VI. At

VI. Cur  
in solitudine  
ne.

VI. At nec illud omittendum, quod *Solitudinem* sibi Christus ad privatas preces quaesiverit. Secessit enim κατ' ἰδίαν, *Seorsim*. Aderant quidem tres discipuli, sed & ab iis fortassis aliquantulum se sejunxit oraturus: uti Matt. xxvi: 38. Certe somno obruti praesentes non praesentes intererant. Hoc quoque nobis pro exemplo est. Praeter communes preces cum Ecclesia, praeter domesticas cum familia, privatæ etiam & solitariae jucundæ oppido atque utiles sunt. Eo plerumque liberiores, quo secretiores, & a quorumcunque hominum commercio remotiores. Eleganter *Gregorius Moral. Lib. xxix: Cap. xii.* Sancti viri, qui exterioribus ministeriis deservire officii necessitate coguntur, studiose semper ad cordis secreta refugium, ibique cogitationis intimæ cacumen adscendunt, & legem quasi in monte percipiunt, dum, postpositis tumultibus actionum temporalium, in contemplationis suæ vertice, supernæ voluntatis sententiam perscrutantur. Huc Bernardi tendebat votum, in *Libro de domo interiore Cap. Lxvi.* Utinam nullus hominum esset mecum, ut familiarius cum Deo loqui possem interius! Ipse enim & secretum quaerit, & solitarium locum diligit. Fugiam ergo hominum solatia & colloquia, ut in secreto cordis mei Deum habitorem habere possim. Profecto extra strepitum & mundi turbam in abdito & tranquillo amat agere Deus; seque suis ultra quam dici aut credi ab inexpertis potest, familiariter manifestare ac communicare. Hac re Martyres in carcere solabatur *Tertullianus*. Id, inquit, praestat carcer *Christiano*, quod eremus Prophetis. Ipse Dominus in secessu frequentius: ut liberius araret, ut seculo cederet. Gloriam denique suam discipulis in solitudine monstravit. Auferamus carceris nomen, secessum vocemus. Et si corpus includitur, & si caro detinetur, omnia Spiritui patent. Idem se quoque expertum esse in *Epistola ad Eustochium grandiloquo sermone* sic gloriatur *Hieronymus*: scilicet concava vallium, aspera montium, prærupta rupium cernebam; ibi orationis mea locus. Et ut ipse mihi testis est Dominus, post multas lachrymas, post caelo inhaerentes oculos, nonnunquam mihi videbar interesse agminibus Angelorum, & letus gaudensque cantabam: post te in odorem unguentorum tuorum curremus.

VII. Cur  
in monte,  
& precatus  
& glorificatus sit.

VII. Hoc quoque dignum observatu est, quod in excelsa monte aliquoties oraverit Christus. Mat. xiv: 23. Luc. xxi: 37. & Deus in monte frequenter gloriose se suis patefecerit. Ex monte Lex data, in monte cum Mose locutus est Deus, in monte ostendit ei præstantiam terræ promissæ, indeque eum ad se adsumsit, in monte se patefecit Eliæ. O quam magnifice de montibus Moses! Deut. xxxiii: 2. *Jehova e Sinai prodiit, ortus est eis e Sehire, exiit e monte Paran, advenit cum myriadibus Sanctorum; a dextra ejus ignis edictalis ipsis fuit.* Quibus gemina sunt Habac. i: 3, 4. Non est quod cum crassis Syris opinemur Deum Israëlitis montium magis quam convallium Deum esse 1 Reg. xx: 28. Alia, eaque spiritualis magis & mystica subest ratio. Mons Christo ad precandum maxime idoneus videbatur: ut exemplo suo nos admoneret, eum qui erat animum suum a rebus

rebus humanis abstrahere debere, ut ipsa terræ cacumina sub pedibus calcans in sublimiore cœlo agat, & ad eum mente atque adfectu adsurgat ad quem preces diriguntur. Sed & ipsa transfiguratio videbatur montem possidere, eumque sublimem. Ut loci ratio responderet conditioni gloriæ in qua nunc Christus conspiciebatur. Quemadmodum montis illius summitas supra terræ planitiem plurimum eminebat, cœlo tamen multo adhuc inferior erat: ita & status ille Christi medius fuit inter carnis infirmitatem, & gloriam quam nunc habet in cœlis. Adeo sapienter Deus non tempora solum, sed & loca sibi seligit quæ rebus gerendis quam maxime idonea sint.

VIII. PERSONÆ comites fuere 1. PAUCÆ numero. Agebatur enim ea res, quam statim emanare nolebat, quæque propterea intra paucorum conscientiam contineri debuit. Facile enim in vulgus efferuntur quæ multis sciunt. Non tamen nullos adesse oportuit. Nimis enim hæc ad Dei Christi que gloriam faciebant, atque ad firmandam Ecclesiæ fidem, quam ut æternum ignorarentur. Ut autem Christus ipse tam magnifica de se ipso enarraret minus consentaneum erat modestiæ illi quam in statu suæ humiliationis tam constanter profitebatur. Alios ergo testes negotium hoc requirebat, testimonium oportuno tempore perhibituros: quod & fecerunt. Joh. 1: 14. 2 Pet. 1: 16. 11. TRES. Nam in duorum testium ore omnis rei veritas consistit. Tertium Christus *ἐν περὶβολῇ* addidit. Observa, veritatem Evangelii & gloriam qua Christus, ut unigenitus Dei filius, in cœlis nunc positur, confirmari tribus testibus cœlestibus totidemque terrestribus. 1 Joh. v. Totidem hic adesse Divina Providentia voluit. De cœlo tres, Patrem, Moysen & Eliam. De terra itidem tres, qui de transfiguratione testimonium dicerent. Nam in splendore illo qui in monte refulsit fuit imago quædam illius lucis quæ per Evangelii prædicationem coruscavit in toto orbe: & in transfiguratione Christi fuit glorificationis illius veluti rudimentum. 111. Nominatim PETRUS, JACOBUS, JOHANNES. Erant hi in Apostolis eximii. His nomina commutavit Dominus, ad demonstrandum operationum præstantiam quibus eos destinaverat, ad quas obeundas eos instruxit dotibus necessariis. Hos & alias sibi præ cæteris junxit. Marc. v: 37. Mat. xxvi: 37. Petrus zelo fervens Christum supra reliquos diligebat. Jacobus primus ex Apostolis suum atque aliorum testimonium sanguine suo obsignaturus erat. Johannes Christo eximie dilectus, futurus erat *μαρτύριον*, & post alios omnes Apostolos superstes, testimonium hoc ad ætatem sequentem viva voce transmissurus. Atque has quidem de testibus transfigurationis Jesu observationes, judiciosas sane atque elegantes, non mihi, sed *Amyraldo* se debere, æquus lector ne ignoret. Mihi hanc addere liceat, præcipuam causam cur præ aliis hos secum sumserit Christus, liberrimum ipsius atque immeritum esse favorem. Habet enim

VIII. Personæ præfentes, cur paucæ, cur tres, cur Petrus Jacobus & Johannes.

quosdam e suis velut interioris admissionis amicos, in quos eximias præ reliquis omnibus prærogativas confert. Nec est quod illud aut Domino, aut suis, invidemus. Exigit Ecclesiæ conditio, ne omnes aut donis pares aut officio æquales sint. Non omnia corporis membra possunt esse oculus. 1 Cor. XII: 14. Sufficiat nobis ad corpus pertinere, etiamsi vel pedum digiti, vel digitorum ungues essemus: modo quæ nostri sunt officii iis sedulo defungamur, & quæ nobis demandata est stationem fideliter tueamur.

IX. Trans-  
figuratio  
Christi, in-  
ter oran-  
dam facta.

IX. Sed ipsam Domini METAMORPHOSIM propius lustremus. Eam INTER ORANDUM factam esse, annotavit Lucas Cap. IX: 29. *Kai ἐγένετο ἐν τῷ προσεύχασθαι αὐτὸν.* Adeo se ad vota Filii promptum paratumque cælestis Pater exhibuit, ut petere atque impetrare eadem res Christo esse videretur. Quod & reliquis filiorum Divina promissit benignitas. Jes. LXV: 24. Vide Dan: IX: 21, 23. Atque adeo his ipsis usu venire solet, ut Deum, qui spiritus est, in spiritu & veritate orantes, Divinæ cujusdam gloriæ splendore circumdantur. Scilicet devota oratio animæ spirituali pro alis est; quibus in sublime evolet, ad familiarius cum Deo commercium admittenda: quem ubi e propinquo, intentis meditationibus, ac *relecta facie contemplatur*, eadem opera *ad eandem imaginem transformatur, ex gloria in gloriam, sicut a Domino Spiritu.* 2 Cor. III: 18. Facula ista soli propius admota novo lumine accenditur, suisque evoluta tenebris, & ipsa evadit lux in Domino.

X. In facie  
& vestibus  
maxime  
conspicua  
fuit.

X. METAMORPHOSIS Christi, mutatio non essentiae corporis, sed exterioris formæ fuit, quæ, positura particularum lineamentis & coloribus constans, visu percipitur. Hæc conspecta fuit non solum in FACIE CHRISTI, sed & in VESTIBUS. *Facies* ea pars hominis est quæ præ cæteris omnibus conspicitur: in qua formæ ac pulcritudinis potissima sedes, & sapientiæ potentiæque Divinæ in tam admirabili omnium diversitate eximium theatrum est. Eam nunc in Christo Deus non egregio solum nitore, sed & præfulgenti splendore decoravit. Utrum id factum sit, ita ut cutem ipsam faciei fulgentem ad tempus fecerit, an vero corpuscula quædam lucida cæcis ejus meatibus inferuerit, nimis otiose & Philosophice inquiritur. Sufficiat nobis simpliciter scire, fulgorem lucidissimi solis non potuisse superare hunc faciei Christi splendorem, qui ad ipsas quoque se diffudit vestes. Pro conditione hominis solet ipsius amictus esse. Gen. XLI: 42. Jes. XXXI: 21. Dan. V: 29. Esth. VI: 9. In communi vita vestitus Jesu, ut adsumptæ formæ servi & austeritati muneris Prophetici conveniebat, simplex quidem, non tamen sordidus, sed modestus ac gravis erat. Nunc nive ipsa candidior, & luci simillimus est: quem candorem nulla fullonis ars æquet. De Deo dicitur Ps. CIV: 2. *Operit se luce tanquam amictu.* Qui supra hominum sortem se extollere voluerunt mortales, hoc adfectarunt, ut fulgore vestium suarum astrorum ipsorum splendorem imitarentur. Talis erat vestis

vestis βασιλική, argentea Herodis Agrippæ, mirabili opere contexta, quæ radiis exorientis solis percussa, & Divinum quandam fulgorem emittens, venerationem cum horrore incutiebat spectantibus. *Joseph. Antiq. xix: C. vii.* *Drusius ex Juchasin* addit: ita fuisse comparatam ut ex ea prodire viderentur sol, luna & stellæ. Angelos certe, quum cœlestem terris gloriâ demonstraturi erant, *fulgida* ejusmodi veste circumposuit Deus. *Mat. xxviii: 3.* Eodem etiam eximio modo amictum esse voluit Angelum fœderis in hoc gloriæ suæ præludio. Vere præludio. Hæc enim transformatio non prorsus exhibuit Christum visendum discipulis, qualis nunc est in cœlo; sed gustum immensæ gloriæ præbuit, qualis œconomiam istam decebat, & qualem capere ipsi poterant. Resplenduit tunc facies veluti sol: nunc vero solis fulgorem longe superat. *Act. xxvi: 13.* Insolitus in vestitu candor enituit: nunc extra vestitum Divina in toto ejus corpore majestas refulget. *Phil. i: 21.* Non fuit tunc solida exhibitio cœlestis gloriæ ipsius: sed symbolis duntaxat, quæ carnis modulo congruerent, ex parte gustandum præbuit quod in totum percipi nondum poterat.

XI. Quorsum ea omnia? Et CHRISTI causa & NOSTRI. *Christi inter-* XL. Et tam  
Christi  
causa facta  
est.  
erat ut hæc ipsi evenirent: quippe quem Pater hac quadam cœlestis gloriæ anticipatione ad instans certamen animare constituit. Dederat quidem ipsi promissiones eximias *Jes. Liii: 10, 11, 12.* - Eas Christus firma fide amplexus; *Jes. xlix: 4.* & de iis, ut certissimis, nuper in Domino gloriatus fuerat. *Mat. xvi: 28. ult.* Neque metus erat ne ullo unquam culpabili deliquio fidei laboraret. Homo tamen erat; peccati quidem omnis purus, sed homo tamen. Ita vero comparatum est humanum ingenium, etiam sapiens & sanctum, ut validius moveatur, quando fidei & ratiocinationi sensus quidam bonorum & gustus accedit. Ideoque nec hoc Filio deesse Pater voluit. Quum difficultates *Prophetici* muneris suspiciendæ essent, apertura cœli, descensu Spiritus & compellatione Patris gratissima, mirabiliter animatus est. *Math. iii: 16.* Nunc quum instaret tempus quo se ut *Pontifex* Patri oblaturus erat, æquum fuit ut splendidis vestibus exornatus, ex earum ac faciei suæ fulgore experiundo disceret, quæ post sui oblationem gloria ipsum maneret in cœlis. Instabat hora, qua controversia ipsi de *regno* contumeliosissimum in modum movenda, & regni professio in crimen morte piandum imputanda, regiaque ipsius dignitas infami ludibrio exponenda erat. Sed insolita hac plus quam Regiæ splendoris exhibitione, clarior demonstravit Rex cœlorum quanto ipsum in honore haberet, quam Assuerus olim Mardochæo, in omni isto invidiosæ pompæ apparatu, quem ei per Hamanem præstari jussit. Ad *Veteris Œconomia* magnificentiam non parum faciebat splendor ille, quem in cute faciei suæ ostentabat *Moses*, recens a sacro monte & Dei contubernio veniens, cui ferundo impares se fassi sunt *Israëlitæ*. *Exod. xxxiv: 29.* At multo majorem esse *Nova Œconomia*

gloriam oportuit; adeo ut quod olim glorificatum fuit, ne quidem gloriosum esse videri potuerit, supereminens hujus gloriæ respectu. Quæ Divinæ executionis est Paulus. 2 Cor. 111: 7. & seq.

XII. Quam  
nostra,

XII. Sed & nostra hic potissimum causa agitur. Idque multifariam. A. Et primo quidem invictum hic nobis suppeditatur argumentum, quo confirmemur in fide fundamentalis istius veritatis, Jesum nostrum vere Christum Domini, Deum ac Salvatorem Israël esse. Ita enim se Sospitator Israël sub simili emblemate olim conspiciendum dedit Patribus Exod. xxiv: 10. Jes. vi: 1. Coll. cum Joh. xii: 41. Ezech. 1: 26, 27. Dan. x: 5. coll. cum Apoc. 1: 14. In quam similitudinem quum Jesus nunc a Deo transformetur, quid restat, nisi ut dicamus: *Ecce Deus noster hic est, expectabimus eum & salvabit nos: hic est Jehova quem expectavimus; exultabimus & letabimur de salute ejus.* Jes. xxv: 9. Hunc historiae hujus usum Petrus nobis suggerit. 2 Pet. 1: 16. B. Dein huc quoque glorificatio ista tendit, ne offendamur vilissima Christi exinanitione; quam tantis interdum Divinae Majestatis speciminibus intermicantem cernimus. Jes. Lii: 13, 14, 15. C. Porro exemplo Christi discimus, hanc esse Dei methodum, ut quos magnis pro Ecclesia & causa sua certaminibus exercere vult, eos non præstantissimis solum promissis, sed & coelestis gloriæ prælibatione quadam roborat. Ad magna destinaverat Paulum: sed & in Paradisum eum rapuit, & audire fecit verba ineffabilia quæ homini proloqui nefas est. 2 Cor. xii: 4. Soler his talibus coelestium utarum botrum dare, ut fortius se ad rapiendam supernam illam Hierosolymam accingant. Facit ut ea aliquando e caelo descendat in animam. Ap. xxi: 2. Vel alias animam Spiritu in sublime raptam per aureas illius plateas deducit, monstratque gloriam sanctæ illius civitatis, & lumen simile lapidi Jaspidi, splendenti instar crystalli, & portas & fundamenta ornata omni lapide pretioso, & si quid in ea humanæ imaginationis magnificentiam immane quantum superat, ut his animo præceptis quidquid in hoc seculo fulgore splendet, & vel allicit vel terret, animose despiciat. D. In hac etiam Christi glorificatione, non exemplar modo sed & arrhabonem habemus illius quæ nobis aliquando continget. Ad id enim destinavit nos Deus ut conformes simus Christo, Rom. viii: 29. Non anima solum, sed & corpore. Phil. i: 21. Multa de spiritali illo corpore Paulus. 1 Cor. xv: 40. Sed quis unquam illius instar vidit? Hic videmus: nam ad eundem fere modum splendebunt aliquando iusti. Mat. xiii: 43. Dan. xii: 3. E. At nemo præsumat se consummatæ glorificationis compotem fore in cælis, qui non eam inchoatam habuerit in terris. Deus in regno gratiæ, non minus quam naturæ, certis quibusdam gradibus omnia promovet. Initium glorificationis est Sanctitas. Ps. xci: 1: 7. ult. Qui fulgere se aliquando in cælis postulat, is ab hinc lux sit in Domino. Eph. v: 8. 14. Phil. ii: 15. Mat. v: 16.



v. 16. Qui faciei suæ gloriam pollicetur, is signaturam & nomen Dei in fronte gerat. Ap. vii: 3. xiii: 1. Qui candidas beatitudinis vestes expectat, is suas in hoc mundi luto puras servare nitatur. Ap. ixi: 4.

XIII. Dum ita glorificabatur Jesus, memorabile aliquid accidit. Ecce, <sup>XIII. Cur transfigurationi isti homines potius, quam Angelos, in-teresse voluerit Deus.</sup> Attendant huc omnium oculi, aures, animi. Conspecti ipsis sunt MOSES ET ELIAS CUM IPSO COLLOQUENTES. Multa hic occurrunt diligentiori acquisitione digna. Et primo quidem, cur *homines* potius quam *Angelos* adesse hic Filio suo Deus voluerit. Frustra profecto simus, si omnium nos Divinorum consiliorum rationes in numerato habere postulemus. Quorum causas sive ipse nobis exposuerit Deus, sive in suis reservaverit arcanis; id semper fixum nobis ratumque manere debet, ita sapienter disposita esse cuncta, ut non potuerint sapientius. Hujusce autem rei de qua nunc quaeritur ista probabilis assignari potest ratio. Quotiescunque Angelos filio suo ad obsequia præsto esse jussit Pater; toties demonstravit, omnibus eum Angelorum choris sublimiorem, omniumque Dominum esse. Sed quod nunc beati cœlites ex hominibus, & pii in terris militantes, in unius Christi consortio, adfuerint sibi invicem; in ea re exstare voluit exemplum quoddam illius *ἀνακεφαλαιώσεως*; qua summam omnia recolliguntur in Christo, tum quæ in cælo sunt, tum quæ in terra. Eph. 1: 10.

XIV. Dein, si ex beatis hominibus aliquos nunc Christo adesse oportuit, cur nominatim fuere *Moses & Elias*? Et hoc sapienter. Moses Legislator, Legem; Elias Prophetarum ferventissimus, Prophetarum ordinem repræsentat. Atque ita sua præsentia confirmant, Legem & Prophetas Christo testimonium præbere. Rom. x: 4. Act. x: 43. Rom. i: 21. Et in eo finiri. Mat. xi: 13.

XV. Sed hi ipsi num in *personis* sui visi sunt; num in *phantasmate*? Prius <sup>XV. Hi an in personis suis visi sint, an in spectris,</sup> verisimilius est. De Elia quidem nulla est difficultas, quem eodem glorificato corpore quo in cœlum adsumtus est, postulante id œconomia, in montem ad Christum descendere potuisse facile contipitur. Sed de Mose quid statuendum, quem mortuum fuisse constat? Unde ipsi corpus, & quale? Deo quidem immortalis difficile non fuit animæ Mosis glorificatæ corpus aliquod adaptare ad hoc ministerium; uti Angelis persæpe factum est. Sed num *proprium* id Mosis, num *adscititium* ad tempus fuit? Deum quidem corpus Mosis sibi privatim adservuisse, & sepelivisse, patet ex Deut. xxxiv: 5, 6. Judas xxi: 9. addit contentionem Michaëlis & Diaboli super eo. Qui diabolus quum Angelus mortis sit, & potiri corpore Mosis non potuerit; hinc colligunt quidam, integrum illud a corruptione adservatum fuisse: atque eo quidem fine ut huic nunc impenderetur ministerio. Ut ut est, quum proprium suum corpus habere potuerit Moses, eccur credemus induisse alienum? Quid absurdi, si statuamus Mosis a Deo redditum fuisse corpus suum, ut in eo illustrior typus esset resurrectionis fidelium qui

qui fuerunt sub Testamento veteri. Sed quando redditum? An paulo post mortem? an nunc demum in hunc usum? Quis dixerit? Posterius probabilius est. Quia Christus est primitiæ eorum qui obdormiverunt, & suscitati sunt ad vitam gloriosam & cœlestem, nulla iterum morte finiendam. 1 Cor. xv: 20. Quid corpore Mosis post hanc apparitionem factum? an iterum ab anima sejunctum, an cum Elia in cœlos assumptum? an in terra moratum, ut cum Christo in cœlum adscendente adscenderet? Curiosa omnia, quibus nulla solida responsione satisfacere potest. Rabbini quidam apud *Maimonidem* in præfatione sua ad Talmud, dicunt, *Moses Magister noster non est mortuus, sed Deo in cœlo ministrat*. Non negant iis verbis historiam mortis, sed adstruunt illius suscitationem. Ita sane eorum mentem interpretatur *Ludovicus Cappellus*; qui simul conjectat, haustam fuisse eam opinionem ex Evangelica hac historia.

XVI. Unde Apostolis cogniti.

XVI. At quo modo tandem ab Apostolis cogniti fuerunt, qui nullam unquam eorum speciem viderant? Vel ex revelatione Divina, vel ex signis quibusdam emblematicis, quibus personæ eorum indigitabantur, vel, quod probabilius, ex colloquio, quo vel ipsi sese, vel ipsos Christus indicabat.

XVII. Cur conspecti in gloria.

XVII. Utrumque, tam Mosen, quam Eliam, *conspectum fuisse in gloria* annotavit Lucas; id est, uti arbitror, in luce extra ordinem & super humanum modum splendida. Quod de Elia mirum non est; cuius corpus jam dudum assertum cœlo, cœlestibus quoque donari oportuit qualitatibus; qualibus ornata erunt corpora fidelibus in suscitatione mortuorum redhibenda. Hæc enim quæ nunc circumgestamus, quum animalia sint, carne & sanguine constantia, cœlesti beatitudini possidendæ idonea non sunt. At nec de Mose mirum videri debet: cui etiamnum in terris agenti, ex familiari numinis commercio in monte Sinai, insolitus splendor inhaesit. Eum vero nunc in utroque eximium esse decuit; partim quod Filio Dei, Domino suo, in hoc glorificationis suæ præludio veluti ministri honorarii, ad decus & gloriam, adessent; partim quod discipulis ipsius instar aliquod præbere debuerint eorum corporum, quibuscum Christo æternum affuturi sint in cœlis.

XVIII. Cur cum Christo collo-  
canti.

XVIII. Eisdem cum Christo *collocutos* esse, omnes Evangelistæ traderunt. Intererat enim ne id ignoraremus. Nimirum colloquium Mosis & Eliæ cum Christo, indicat consensum Legis & Prophetarum cum eodem. Neque ad privatas Mosis & Eliæ personas restringi debet; sed pertinet potius ad legationem ipsis olim injunctam. Voluit enim Dominus, quanquam pridem mortui erant, & confecerant vocationis suæ curriculum, voce tamen sua iterum sancire, quod olim dum inter mortales versabantur docuerant. Ita oportebat Apostolos confirmari, non esse novam doctrinam quam Christus iis prædicabat, sed testatam in lege & Prophetis.

Ime

Imo & eos ipsos Prophetas, qui nihil scriptum reliquerunt, qualis est Elias, in eandem tamen doctrinam consensisse.

XIX. Materiam colloqui mortalium nemo divinare potuisset; nisi eam explicasset Lucas: ἔλεγον τὴν ἔξοδον αὐτῶν ἣν ἐμελλε πληρῆν ἐν Ἱερουσαλὴμ. Legimus *introitum* aliquem Jesu Christi in Jerusalem, cum pompa quadam regia, præeuntium & sequentium turba acclamante, *Hosanna filio David, Benedictus qui venit in nomine Domini, Hosanna in altissimis*. Mat. XXI. Legimus etiam *exitum* Christi ex Jerusalem, cum maxima ignominia, portantis crucem suam ad locum ubi affigendus erat cruci, comitante magna multitudo populi, & plangentium lamentantiumque mulierum. Luc. XXI: 26, 27. Introitus prædictus fuit per Zachariam Cap. IX: 9. Exitus præfiguratus per ista animalia, quorum sanguis infertur pro peccato in Sacrarium per Pontificem, & quorum corpora exurebantur extra castra: quapropter & Jesum, ut sanctificaret populum per proprium sanguinem, extra portam pati oportuit. Heb. XII: 11. Causam non video cur non hunc Jesu ex Jerusalem *exitum* a Mose & Elia prædictum esse credamus. Cæterum quum ille *exitus* ad mortem fuerit, & mors ipsa *exitus* quandoque vocetur, 2 Pet. 1: 15. & *transitus ex mundo ad Patrem* Joh. XII: 1. eam hoc quoque loco exitus nomine comprehendere vero consentaneum est. Neque emphasi sua caret; quod exitum istum Christo *complendum* esse prænuncient. Id enim respectum habere videtur, tum ad antegressas prophetias, tum ad plenissimam hujus operis consummationem. Mortem Messiae Lex omnibus propemodum sacrificiis præfiguraverat: eandemque Prophetæ nunc obscurius, nunc disertius, prædixerant. Nihil autem prætermitti a Jesu debuit, quo minus omnibus figuris ac vaticiniis plenissimum responderet implementum. Mat. XXVI: 54. Luc. XXIV: 44. Præterea præscriptum Christo a Patre suo pensum aliquod fuit, quod nascendo inchoavit, vivendo continuavit, moriendo absolvit atque implevit. Quod ipse protestatur morti jam vicinus Joh. XVI: 4. *Ego te, Pater, glorificavi in terra: opus consummavi, quod dedisti mihi ut facerem*. Eam rem Christo nunc prædicunt Moses & Elias, non quod ipse ignoraret, aut de ea non cogitaret, minusve ad illam subeundam animi haberet: sed ut repeterent illam maximi momenti veritatem, in morte Christi totum salutis humanæ cardinem verti: neque aliter quam per mortem, aut ipsum, aut suorum quenquam, pervenire posse ad eam gloriam cujus tunc in ipso aliquod veluti tentamentum spectabatur. Omnes etiam hac admonitione docemur, in mediis consolationibus de futura cogitandum esse crucé. Fallimur enim si perpetuam nobis in hac vita tranquillitatem, & lætarum rerum constantiam polliceamur. Dum prospere agimus colligendæ vires, quibus fortiter utamur in adversis.

XX. Hic nunc inferuntur ea quæ præcipuæ rei concomitantia quædam *xx. Apo-*  
*Meletem. Leid.* *Ff* *adjuncta*

colorum  
somnia-  
tia.

*adjuncta* dici posse initio monuimus. Et primo quidem occurrit APOSTO-  
LORUM INFIRMITAS AC SOMNOLENTIA. De qua Lucas: *Petrus vero, & qui cum ipso erant, gravati erant somno.* Tantus erat Domini Jesu in piis de-  
votisque exercitiis fervor, tantaque constantia; ut omnis aliorum zelus  
præ iis languor merus esset. Patris sui cultus interdiu cibi, noctu somni  
quietisque loco erat. Vigor iste animi & alacritas incredibilis, & coelestis  
quam ex Dei glorificatione percipiebat voluptas, id corpori ejus quando-  
que præstitisse videntur, quod nobis cibus & somnus præstant. Nisi ma-  
limus vim Divinitatis, quæ humanam naturam ad passiones obeundas mi-  
rifice sustentavit, eidem insolitum robur ad continua devotionis exercitia  
indidisse. Ut ut est, dum Jesus sine intermissione orat, aut cum summi nu-  
minis legatis colloquitur, discipuli sopore gravati dormiunt. Fortassis  
quia nox erat, (quod colligi posse videtur ex comm. 37. & certe solebat  
Jesus post diurnas conciones, noctu ad preces secedere) aut quia lassī con-  
scendendo excelsū montem, aut quia preces Christi solitariae proli-  
xiores. Officii quidem ipsorum fuisset tantis rebus quæ ibi gerebantur in-  
vigilare: sed hæc est humana inbecillitas. Per quam fit ut vel ipsis piis,  
tum etiam quando de regno Dei agitur, somnolentia tam animi quam cor-  
poris obrepat. Mat. xxv 1: 40. Cant. v: 2. Mat. xxv: 1. Provenit id par-  
tim ex corporis constitutione, quod ubi a labore ad quietem sessionemque  
venit, & circa objecta corporea operari desinit, facile in somnum solvitur;  
partim ex vitioso animi habitu, qui se non satis adversus somnum munivit,  
proponendo sibi immensam Dei Majestatem, actuum religiosorum præ-  
stantiam, vigilantiae utilitatem, somnolentiae periculum & damnum.  
Nemo igitur ægre ferat, si quis ipsum ex tam importuno somno experge-  
faciat; aut si Doctores aliquando altum inclament, atque acriore dicto  
pungant, ut omnis iste sopor oculis animisque excutiat. Charitatis id est  
officium, quo animarum commodis consulitur; non convitium ex ira-  
cundia profectum. Neque tamen ausim dicere talem somnolentiam tan-  
tum esse peccatum, quod dormientem e statu gratiæ reapse ejiciat, indicio-  
que sit non pertinere ad eum res spirituales coelestesque de quibus agitur,  
aut eum nunquam Deum in sanctuario conspexisse, metuendumque esse  
ne talis ille, spiritali correptus lethargo, dormiturus sit donec excitetur  
ad judicium. Enimvero inconsulta mihi esse videtur ista judicandi da-  
mnandique temeritas.

XXI. Ex  
qua ad ju-  
cundissi-  
mum spe-  
ctaculum  
expergi-  
suntur.

XXI. Haut ita nobis præit Jesus, qui discipulos dormientes comiter  
excitat, & admittit ad videndam suam comitumque suorum gloriam.  
Nam quum evigilassent, *viderunt gloriam ejus, & duos illos viros stantes cum  
eo.* O beata evigilatio, quum mox gloriosa Christi species, oculis, ani-  
misque objicitur! Id contigit electis omnibus, quando per Evangelii præ-  
dicationem, & Spiritus sancti arcanam vim, expergefacti ex somno peccati,  
excitantur,

excitantur, ad contemplandam suorum primo criminum scditatem, tum mundi vanitatem, mox Christi ad salutem omnisufficiantiam. Eph. v: 14. Id contingit saepe piis, post nocturnum somnum mane evigilantibus, ut cum hujus solis radiis, simul justitiae solem laeti conspiciantur. Pl. cxxxix: 17, 18. Id perfectissime continget justis evigilantibus ad vitam aeternam. Pl. xvii: 8. ult.

XXII. Sequitur PETRI EVIGILANTIS INTERPELLATIO. De qua tria XXII. Di-  
narrantur. I. Illius occasio. II. Argumentum. III. Spiritus Sancti per Lu-  
cam de ea judicium. Occasio fuit discessus Moysis & Eliae: Luc. ix: 33, qui  
partibus sibi demandatis defuncti, redditum in caelum moliebantur, Deo  
factorum dictorumque suorum reddituri rationem. Adeo sublunaria  
omnia adventu abituque constant. Stabilis mansio in caelis erit. Aequum  
fuit ut ad Christum venirent, quippe quorum universum ministerium eo  
destinatum erat, ut homines adducerent ad Christum; sed & aequum fuit,  
ut recederent, quippe quorum Oeconomia locum cedere debuit meliori,  
per Christum in Ecclesiam introducenda. Luc. xvi: 16. Sed Petrus ho-  
rum mysteriorum ignarus, quum discessum moliri videt, de retinendis la-  
borare incipit. Adeo imprudenter saepe satagimus, tum etiam quum ma-  
ximo zelo Dei causam agere, Dei gloriam quaerere, nobis aliisque vi-  
demur.

XXIII. Interpellatio constat. I. Expositione judicii sui de illius loci boni-  
tate. II. Obsequiosa exploratione Dominica voluntatis. III. Prompta officii sui  
oblatione. Bonum est, inquit, hic nos esse. Non necesse est, ut existimemus  
iterum Petrum voluisse Christum dehortari ab itinere Hierosolymitano, de  
de quo locuti fuerant Moyses & Elias. I. Quia non patet Petrum eum ser-  
monem audivisse, vel intellexisse. II. Non constat ipsum tam cito obli-  
tum tam severae increpationis, quam nuper ex ore Domini audiverat Mat.  
xvi: 23. III. Verba alium sensum patiuntur, neque nostrae est modestiae,  
ut in sequiorem partem trahere amemus, quae mitius exponi possunt. Hoc  
nobis voluisse videtur: tanta quidem ego tam illustris consortii perfundor  
voluptate, ut nullum angulum existimem, qui amenitate cum hoc montis  
cacumine comparari possit. Facile nunc uxoris liberorumque, navis re-  
tiumque, patriae etiam, omniumque rerum quae unquam mihi in terris  
charae ac jucundae fuerunt, obliviscor. Liceat mihi modo cum Mose qua-  
draginta dies, imo vero tot annos, tot secula hic commorari. Profecto ni-  
hil optabilius contingere potest animae devotae quam Divinae in Christo  
gloriae contemplatio. Exod. xxxiii: 12. Gen. xxviii: 12-17. Pl. iv:  
7, 8. Quoties animae, potissimum post tentationum & desertionum spiri-  
tualium procellas, conspiciendum sese Jesus exhibet, eamque remoto si-  
pario ac diductis coeli cortinis in penetrale suum introductam, per amoenam  
gratiae ac gloriae suae spectacula circumducit; dici non potest quam incre-

dibili voluptate perfundatur : adeo quidem ut mirum merito videri queat, quod non aliquando per gaudiorum vehementiam sui impos mente prorsus moveatur. Utinam hominibus circa crassas fluxasque seculi voluptates perditæ infanientibus, amœnitatis hujus vel species aliqua objecta unquam esset ! Mox vilescerent ac sordescerent omnes mundanarum voluptatum illecebræ. Miseri occæcatique mortales, quid de popinis, cœnaculis, theatris vestris dicitis, bonum est esse hic ! O si ibi fuissetis, ubi suos quandoque deducit Jesus, tunc demum diceretis, hic, hic Paradisus est, alibi gehenna.

XXIV. Obsequiosa  
Dominicæ  
voluntatis  
exploratio.

XXIV. At neque de nihilo est, quod non dicat, bonum est *nobis esse hic*, sic enim sive duntaxat commoditati consulere videretur : sed bonum est *nos hic esse*. Na enim loquendo, suum Domino ministerium offert. Credebat aliquid factio opus esse, quod vel ipsi Domino, vel apparentibus ibi Prophetis, ex usu sit. Et existimabat, quod res erat, neminem propius eam curam tangere quam ipsum cum comitibus suis. Gaudebat itaque occasionem sibi dari, qua sua Domino & beatis illis cœlitibus obsequia probare posset. Sed prudenter nihil sibi tentandum credebat, nisi consulto prius Domini ore. DOMINE, inquit, *si vis*. Mat. xvii : 4. Optime. Nihil homini Christiano, sive in rebus magnis, sive in parvis, audendum agendumve est, nisi ad nutum Divinæ voluntatis. Eo ipso quod Deus Dominus sit, nos illius servi : qui secundum juris civilis scita voluntatem non habent. Pro nostra voluntate Dei voluntatem esse oportet : quæ semper sapiens, sancta, bona, nobisque in bonum est. Stulte nobis blandimur, si nostra nos sponte scire postulemus qua in re placituri simus Deo. Id sciimus, placere non posse, nisi agamus ex fide, & cum certioratione bonæ conscientiæ. Eam habere non possumus, nisi *dominusque probemus quæ sit voluntas illa Dei bona, placens ac perfecta*. Rom. xii : 2. Nihil itaque sanctius, nihil securius ac certius est, quam quavis occasione dicere, *Domine, quid me vis facere?*

XXV. Promta officii ad tria  
tabernacula  
struenda  
oblatio.

XXV. Operam denique suam Petrus ad *Tabernaculorum* structuram offert. Credebat aliquanto diutius duraturam eam in sacro monte commotionem. Existimabat, incommodam futuram esse sub dño, seu nocte gelida, seu die æstuoso. Domos in montis cacumine ædificare, nec loci, nec temporis, nec sumtuum ratio permittebat. Nihil ergo oportunius videbatur tabernaculis. Eorum conficiendorum artem non didicerat Galilæus piscator, scaphæ suæ assuetus. Sed amor docet omnia. Nihilque tam difficile aut insolitum fuit in negotio Jesu, quod ex ardenti illa charitate & placendi studio non alacriter susciperet. *Tria* autem tabernacula struenda arbitrat, totidem quot ibi erant venerabiles personæ ; ut sua singuli libertate fruerentur. Sui interim comitumque securus. Non multum refert existimabat, an ipse cum sociis aëris inclementiæ maneret expositus, adversus

versus quam multis exercitatus tempestatibus pridem obduruerat. Nihil penſi habebat, modo bene eſſet Domino ſuo, iſſque qui honoris ergo e cœlis ad ipſum deſcenderat. Niſi fortassis, Domini ſui benignitatem atque clementiam toties expertus, fide præceperit ſibi & reliquis duobus in Domini tabernaculo locum conſeſſum iri. Nunquam enim eos a ſe & charitate ſua ſeparari patietur Jeſus, qui tam ſincero tamque ardente communionem ſuam retinendi deſiderio flagrant.

XXVI. Dubitari non poteſt, quin omnia iſta Petri molimina ex ſincera erga Chriſtum charitate profecta ſint, atque haſtenus ipſi placuerint: ubi-  
 XXVI. Ex ignorantia & inconfiderantia profecta.  
 eunque enim promptus adeſt animus, ibi quis Deo acceptus eſt, pro eo quod habet. 2 Cor. VII: 12. Attamen ardor iſte amoris non ea qua decuit ſapientiae & prudentiae luce comitata fuit. *Nesciebat enim quid diceret*, ait Lucas, præ admiratione nimirum & ſtupore Marc. IX: 6. Habebat ſane iſta Chriſti metamorphoſis, iſta Prophetarum a multis ſeculis hominum commercio ereptorum apparitio, & inuſitata illa rerum ſpecies, tantam non modo peregrinitatem, ſed & cœleſtem quandam ideam, ut non potuerit non ſpectatorum animos admirabilitate ſua percellere. Admiratio autem talis, cum terrore conjuncta, mentem quodammodo de ſtatu ſuo dejicit, ut officio ſuo minus accurate fungatur. Id Petro nunc uſu venit. Non ſatis conſiderabat I. Alia Chriſto, alia ſibi quoque in mundo peragenda eſſe, quam ut illic morarentur. II. Non eſſe conveniens, ut glorificati cœlites diutinas in terra moras neſterent. III. Et ad nimis familiare commercium admitterent peccatores. IV. Aut glorificatos tentoriis adverſus aëris intemperiem nequaquam indigere. V. Seque miniſtros Chriſto Domino propemodum æquiparare. Et ſi quæ plura ſint quæ προπέτεια non ſatis conſideratam arguunt. Adeo etiam bona priorum opera ſuis laborant nævis. Jeſ. LXIV: 6.

XXVII. Sed quod imprimis hic nobis attendendum, diverſæ admodum humanæ cogitationes a Divinis circa res Divinas atque cœleſtes ſunt. Jeſ. LV: 8, 9. Neque id mirum. Homo enim, qua eſt ſtupiditate, neque  
 XXVII. Uti diverſæ frequenter humanæ cogitationes a Divinis ſunt.  
 fines Dei adſequitur, neque media ordine digerit ad fines iſtos ducentia: & ſimulac uberiore luce perfunditur, comperit ſe tum præcipue deſipuiſſe, quum maxime ſe ſapere exiſtimaret, &, ut ſacræ literæ loquuntur, *grandem coram Deo beſtiam* eſſe. Pf. LXXIII: 22. Deus autem eſt *Deus ſcientiarum*. 1 Sam. II: 3. Jeſ. XXVI: 11. ult. Qui fines ſanctiſſimos ſapientiſſimoſque ſemper ſibi proponit, mediaque omnia admirabili arte componit atque diſponit. Adeo, ut cuicunque ea rite perpendere datum eſt iſ in admirationem raptus exclamet cum Pfalte Pf. XCII: 6. *quam magna ſunt facta tua, Jebova! valde profunda ſunt cogitationes tuae*. Iſta Divinorum atque humanorum conſiliorum diverſitas luculento in hac historia exemplo demonſtratur. Petro bonum factum videbatur in monte commorari, Moſem

& Eliam præsentes sibi & Christo habere, singulis tabernacula facere. At longe aliter visum est Deo. Is volebat Christum quæ restabant Hierosolymis absolvere, Petrum ad condiscipulos reverti, Moſen & Eliam in cœlum redire: ideoque adhuc ipſo loquente, ecce *nubes lucida* in qua diſpaleſcebant.

XXVIII.  
Glorioſæ  
Dei præſentiz ſym-  
bolum nu-  
bes eſt.

XXVIII. Circa *nubem* hanc inveſtigandum. I. Quid *ſignificaverit*. II. Cur *lucida* fuerit. III. Cui *uſui* ſervierit. Sæpe nubem pro præſentiz ſuæ glorioſæ ſymbolo adhibuit Deus. Exod. xiv: 19. xix: 16. xxxi i i: 9. xl: 34. i Reg. vii i: 10. Neque ſine myſterio ea res fuit. I. enim ita oſtendit Deus ſe Dominum cœli eſſe, qui nube utitur pro vehiculo. Pf. civ: 3. II. Ita monemur multo majorem ſemper gloriam occultam eſſe penes Deum, quam ea eſt quæ quantumvis glorioſis ſymbolis ſe patefacit. Nubes enim nativum cœli ſplendorem oculis noſtris eripiunt. Sine nube conſpici in hac vita Deus nequit. Exod. xxxi i i: 20. i Tim. vi: 16. Et ubi quam maxime ſe conſpicuum præbet, plura ſui occultat. Hab. i i: 3, 4. III. Denique ita erudimur ad modeſtiam, ne temere in numinis ar- tana irrumpamus. Humani ingenii imbecillitas Dei gloriam ferre non poteſt. Nubes igitur pro tegumento eſt, aut pro amiculo, quo ſe veluti circumſplicat, ut curioſitatem & proterviam animis noſtris ingentem co- hibeat.

XXIX. Et  
hic qui-  
dem luci-  
da.

XXIX. Nubes T. V. pleræque omnes *opacæ* erant. Exod. xx: 21. i Reg. vii i: 12. Nonnullæ etiam *tonitrubus* & fulgētis turbatæ Exod. xix: 16. aut *turbinibus* vorticofæ. Job. xxxv i i: 1. Tunc enim Deus ſe tenebat abſconditum. Jeſ. xlv: 15. & habebat iſta œconomia multum ſibi admix- tum terroris. Heb. xii. 18, 19. Hæc erat *lucida* & *placida*. Nam Filius Dei cum nobis ἐξηγήσατο. Joh. i: 18. idque ea manſuetudine, quæ Evan- gelii comitateq; decet. Jeſ. xli i: 2, 3. Nubes T. V. ſignificabat illius glo- riam. Exod. xl: 34. i Reg. vii i: 10. Sed hæc, tam fulgida, eſt *μεγα- λοπρεπής δόξα*. 2 Pet. i: 17. & majorem infert. N. T. gloriam. Conf. 2 Cor. i i: 7-11.

XXX. Quæ  
inumbra-  
vit Moſen  
& Eliam.

XXX. *Uſus* hujus nubis geminus erat. Prior, ut *inumbraret Moſen & Eliam*. Ita enim colligo ex Luc. ix: 34. Hæc eo (Petro) dicente, *exſtitit nubes quæ inumbravit illos: metuerunt autem* (discipuli) ἐν τῷ ἐκείνῳ εἰσελ- θεῖν εἰς τὴν νεφέλην dum illi (Moſes & Elias) *ingrederentur nubem*. Videretur nubes iſta luce & ſplendore ſuo corruſcante magis magisque illos veluti cir- cumdediſſe, atque ita oculis diſcipulorum eripuiffe, perinde ac ſi umbra quædam fuiſſet intra quem ſenſim abdebantur. Noluit enim Deus diſci- pulorum curioſitatem paſcere, ut diſtincte cernerent, quid cœleſtibus iis corporibus fieret, qua & quo tenderent. Ob eandem deinceps cauſſam Je- ſum in cœlos adſcendentem ἀπειζόντων Apoſtolorum oculis nubes interce- pit. Act. i: 9.

XXXI. Alter



XXXI. *Alter* nubes ufus erat, ut ex ea prodiret gloriosissima Dei Patris **XXXI.** *Et* vox, quæ aliquando per Evangelii præconium totum orbem personatura, eundemque veritatis cœlestis admirabili luce collustratura erat. Dignum *ex qua prodit vox cœlestis.* Divina Majestate est loqui ex *latebris tonitru.* Ps. LXXXI: 8. Ita fecit dum legem promulgabat ex Sinai. Exod. xx: 22. ut œconomiae Mosaicæ gloriam adstrueret. Idem quoque faciendum sibi esse censuit, quum demonstranda esset gloria potioris œconomiae in Evangelio. Idcirco tam signanter annotavit Petrus, vocem illam prodiisse, ὑπὸ μεγαλοπρεπῆς δόξης, eamque esse ἐξ ὧραν ἐνεχθεῖσαν. atque ita Christum a Patre accepisse honorem & gloriam. 2 Pet. I: 17, 18. Id est declaratum esse, quod Patri similis, æquælis, & cum ipso idem sit. Non enim Deus gloriam suam alteri dat. Jes. XLII: 8.

XXXII. Quod patebit luculentius, si testimonium Dei de Filio voce **XXXII.** ista prolatum attente consideraverimus. Quod his conceptum fuisse verbis consentiunt Evangelia. *Et ecce vox e nube dicens.* HIC EST FILIUS ILLE MEVS, DILECTUS ILLE, IN QUO ACQUIESCO: IPSUM AUDITE. Quibus *Qua Jesus declaratus est Filius Dei dilectus, in quo acquiescit Pater.* verbis continetur I. *Declaratio gloriæ Christi.* II. *Præceptum ipsum audiendi.* Similis compellatio facta fuit, quum Christus qua Propheta patefacturus se esset Israël, ut animus ei adderetur adversus pravorum hominum mōlimina. Mat. II: 17. Eadem repetitur quum ultimus nunc prælii actus instaret, & ob confessam hanc ipsam veritatem blasphemiae damnandus esset. *Hic est,* inquit, FILIUS MEVS. ἐν δυνάμει. Rom. I: 4. ut si ipsi διαφορᾶτερον ὄνομα. Heb. I: 4. Quippe non creatus, aut adoptatus, sed genitus. Ps. II: 7. Primogenitus. Col. I: 15. Unigenitus. Joh. I: 18. Proprius Rom. VI: 1: 32. Deum ut proprium Patrem habens, eoque ei æqualis. Joh. v: 18. DILECTUS. Quippe eandem cum Patre amabilium perfectionum immensitatem habens, ἀπαύγασμα τῆς δόξης καὶ χαρακτὴρ τῆς ὑποστάσεως αὐτοῦ. Heb. I: 3. & in adsumta humanitate ea semper præstans quæ grata sunt Patri. Joh. VI: 1: 29. Vide Joh. v: 20. IN QUO ACQUIESCO ἐν ᾧ εὐδόκησα. εὐδοκία in Sacris nostris duo notat: aliquando amorem gratuitum, cujus nulla caussa sit in re vel persona amata, aliquando amorem quem rei vel personæ amatæ qualitates conciliarunt. Palam autem est de postremo isto amoris genere sermonem esse in hoc loco. Nihil enim in filio suo videt Deus, quod non voluntati suæ prorsus consentaneum, & sanctissimo amore suo dignum sit. Ideoque tanta ipsum prosequitur benevolentia, ut nihil reliqui facere velit, quominus omnem gloriæ, felicitatis, & omnimodæ amabilitatis plenitudinem in ipsum conferat; inde redundaturam in omnes, qui ipsius sunt. ὅτι ἐν αὐτῷ εὐδόκησεν πᾶν τὸ πλήρωμα κατοικῆσαι. Col. I: 19.

XXXIII. Concluduntur hæc omnia mandato: IPSUM AUDITE. Quod **XXXIII.** fundatum est in ipsius præcellentia supra reliquos omnes Dei ministros; diendus, *Unice audiendus, simulque*

simulque argumento est, ipsum esse magnum illum Prophetam quem per Moſen, & illius loco, populo Iſraëlitico pollicitus est Deus Deut. xvi 11: 15, 18. & Angelum illum de quo Exod. xxiii 1: 23. Subest tacita antithesis Moſis & Eliæ cum Christo: jubetque Deus discipulos unico Filio ſuo eſſe contentos. Neque enim majore populum beneficio afficere poterat, quam quod, olim majoribus ſuis per Prophetas locutus, nunc eos alloqueretur per Filium. Heb. i: 1. Perinde ergo hic eſt quaſi diceret: Quid vobis dolet diſcedere Moſen & Eliam? Omnia in hoc magiſtro veſtro, unico meo Filio, in quo ſolo per omnia mihi complacitum eſt, habetis. Ipſum modo audite; & nihil erit, quod vel Moſes vel Elias, vel alii quicunque Prophetæ, ultra vos docere queant. Etſi enim venit Chriſtus ut Legi & Prophetis fidem aſſerat: ſic tamen occupat ſummum gradum, ut fulgore ſui Evangelii abſorbeat ſcintillas illas quæ in Veteri Teſtamento micabant. Eſt enim ſol juſtitiae, cujus adventu plenus illuxit dies. Quum igitur ipſum audire jubet Deus, eo ipſo ab omnibus hominum doctrinis abductos, huic uni nos ſiſtit, ab uno omnem ſalutis doctrinam petere jubet, ab uno pendere, in uno hærare, denique unius voci auſcultare. Audire enim ſignificat non ſolum percipere doctrinam ejus auribus, ſed & accipere fide, eique ex animo ſe obedientem ſiſtere.

XXXIV.  
Summa  
Evangelii  
eſt, Jeſum  
eſſe Filium  
illum Dei.

XXXIV. In tanta cœleſtis hujus teſtimonii brevitate ſumma continetur totius evangelii, fundamentum omnis conſolationis, & compendium Chriſtianæ pietatis. Hic docemur quis qualiſque ille ſit, quem generis humani ſoſpitatorem conſtituit Pater, nimirum unicuſque & ſupra creaturas omnes dilectus Dei filius. Neque quiſquam alius tanto muneri par, ſive in terra, ſive in cœlis, inveniebatur. Non potuit in alio juſtitia & ſalus eſſe niſi in Jehova Deo noſtro. Neque fas eſt Iſraëli in quoquam alio gloriari, niſi in Deo ſervatore ſuo. Nemo nos in libertatem Dei filiis dignam afferre, niſi iſte Dei filius potuit. *Si Filius vos in libertatem vindicarit, vere liberi erit.* Joh. vi 11: 36. Hanc ergo ſervatoris noſtri *ῥιότης* diſtincte cognoscere & dignoscere, fideliter agnoscere, & contra qualcunque *δοκίμω* φων vanas ſuperbaſque argutationes conſtanter tueri oportet. Pro certo habentes, totam ſalutis noſtræ ſpem convelli, ubi negatur, Jeſum Mariæ filium, verum, proprium, æternum Dei filium, in omni vi validiſſimæ ſignificationis eſſe. *Nos vero ſpectavimus,* ait Johannes, *& teſtamur Patrem miſſiſſe Filium, qui eſſet ſervator mundi. Quisquis profeſſus fuerit Jeſum eſſe Filium Dei, Deus in eo habitat, & ipſe in Deo.* I Joh. iv: 14, 15.

XXXV. Ve-  
ritas, plena  
conſolationis.

XXXV. O vere Evangelicam, plenam conſolationis & lætitiæ ſpiritualis veritatem! Si enim Chriſtus unicuſque & dilectus ille Patri filius eſt, quam immenſa cenſeri debet iſta charitas, quod talem tantumque generi humano dederit, & pro eo tradiderit, ad tam duros cruciatus, tam diram mortem? Joh. iii: 16. I Joh. iv: 10. Et quid tandem non ſperemus ab eo qui tali filio

filio non pepercit, ut parceret nobis? Rom. vii 11: 32. Quanta etiam Christi ipsius *φιλανθρωπία* est, quod, talis tantusque quum esset qui non duceret rapinam parem esse Deo, adeo se nostri causa exinaniverit, ut assumpta forma, non hominis solum, sed & servi, Patri se suo obedientem sisteret ad mortem usque, neque quamvis mortem, sed eam quæ omnium terribilissima est, mortem crucis? quoque ipse unigenitus Dei filius, & hæres omnium, non erubuerit nos fratres vocare, & ad hæreditatis suæ consortium admittere? Porro, si Christus sit dilectus ille Dei filius, in quo complacitum est Patri, securis nobis esse licet, sponsores nostrum acceptum esse Deo, ac facile impetraturum quidquid pro nobis petierit; & nos quoque in ipso acceptos fore Deo, uti Josepho fratres sui in Beniamine.

XXXVI. Quid nobis denique restat, nisi ut tantum æterni Patris filium XXXVI. Re-  
summo honore ac reverentia prosequamur, & ad eum nos recipiamus? *valida ad pietatem.*  
Ps. xi: 12. Ut dilectum a Patre & ipsi diligamus, omni defæcatissimi amoris puritate ac vehementia? Ps. xvi 11: 2. quippe qui eo dignus est propter pulcritudinis incomparabilis eximium decus; eum meruit, dum nos indignissimos amore suo prævenit; denique eum ut sibi debitum merito exposcit virtute fraternæ propinquitatis. Tandem ut in quo acquiescit Pater, in eo nos quoque beneplacitum habeamus. Id demum pulcrum atque decorum esse judicantes, quod ei simile est; & nobis adeo ipsis displicentes, quatenus ei sumus dissimiles. Toties etiam, tantaque cum voluptate omnes ipsius virtutes, & quæ earum decus est sanctitatem, contemplantur, donec & ipsi ad imaginem istam transformemur, & ipse beneplacitum in nobis habeat.

XXXVII. Denique quum Christus unicus nobis Doctor a Deo datus XXXVII.  
sit, ejus nos disciplinæ dedamus, ejus pedibus assideamus, ab ejus ore pen- *Maxime ad id, ut ab ipso, veluti Supremi Doctoris, ore unice pendeamus.*  
deamus, ejus dicta omnia, sine exceptione omnia, patulis auribus, mentibus, animis recipiamus; continuaque meditatione quasi in succum & sanguinem convertamus. Licet enim Christus cælo receptus multis jam seculis inter homines versari desierit, quotidie tamen nos alloquitur in Læctione & Prædicatione verbi Evangelici: cui tum demum justum pretium suum statuitur, quando non ut Evangelistarum & Apostolorum, sed ut ipsius Christi verbum consideratur, dictante & impellente Christi Spiritu hominum istorum ore prolatum, calamo consignatum. Præterquam quod interna Spiritus sui virtute in cordibus electorum loquatur Christus, illuminans mentes ad salutarem salutarium veritatum intellectionem, & res ipsas verbo comprehensas ad sanctificationem & consolationem mentibus insinuans; sine qua mystica institutione, quæ solius Christi est, omnis Prophetarum & Apostolorum sermo, cortex duntaxat, insolubile ænigma, litera mortua, stultitia denique nobis esset. Ante omnia igitur expendenda nobis illa Christi institutio est, quæ arcana Spiritus informatione in

intimis animorum nostrorum recessibus peragitur : quæque ex verborum cortice nucleum extundit, ænigmata in liquidas demonstrationes vertit, ex litera mortua sermonem vitæ facit, & stultitiam illam omni humana sapientia tanto sublimiorem esse ostendit quanto celsius terra cælum est. Hæc est *unctio*, a Sancto illo profecta, quæ docet omnia. 1 Joh. 11: 20.

XXXVIII.  
Quippe  
qui verita-  
tem intus  
docet sine  
verborum  
strepitu.  
Thomas a  
Kempis  
laudatur.

XXXVIII. Pulcherrima sunt quæ in hanc mentem scripsit *Thomas a Kempis de Imitatione Christi Lib. III. Cap. 11.* cujus Capitis lemma est : *quod veritas intus loquitur sine strepitu verborum.* Ita autem ille : „ Loquere, „ Domine ; quia audit servus tuus. Servus tuus ego sum : da mihi intel- „ lectum, ut sciam testimonia tua. Inclina cor meum in verba oris tui : „ fluat ut ros eloquium tuum. Dicebant olim filii Israël ad Moysen : lo- „ quere tu nobis, & audiemus : non loquatur nobis Dominus, ne forte „ moriamur. Non sic, Domine, non sic oro. Sed magis cum Samuele „ Propheta humiliter ac desideranter obsecro : loquere, Domine ; quia „ audit servus tuus. Non loquatur mihi Moyses, aut aliquis ex Prophetis : „ sed potius tu loquere, Domine Deus, inspirator & illuminator omnium „ Prophetarum : quia tu solus sine eis potes me perfecte imbuiere ; illi au- „ tem sine te nihil proficient. Possunt quidem verba sonare : sed Spiritum „ non conferunt. Pulcherrime dicunt : sed te tacente cor non accendunt. „ Literas tradunt ; sed tu sensum aperis. Mysteria proferunt : sed tu re- „ seras intellectum signatorum. Mandata edicunt : sed tu juvas ad perfi- „ ciendum. Viam ostendunt : sed tu confortas ad ambulandum. Illi fo- „ ris tantum agunt : sed tu corda instruis & illuminas. Illi exterius ri- „ gant : sed tu fecunditatem donas. Illi clamant verbis : sed tu auditui „ intelligentiam tribuis. Non ergo loquatur mihi Moyses : sed tu, Do- „ mine Deus meus, Æterna Veritas ; ne forte moriar, & sine fructu effi- „ ciar, si fuero tantum foris admonitus, & intus non accensus : ne sit mihi „ ad iudicium verbum auditum, & non factum ; cognitum ; nec amatum ; „ creditum, & non servatum. Loquere igitur, Domine ; quia audit ser- „ vus tuus. Verba enim vitæ æternæ habes. Loquere mihi ad qualem- „ cunque animæ meæ consolationem, & ad totius vitæ meæ emendatio- „ nem : tibi autem ad gloriam & perpetuum honorem. „

XXXIX.  
Discipulo-  
rum pavor,  
& lapsus in  
faciem.

XXXIX. Restant gloriose hujus vocis SEQUELÆ : quorum prima fuit DISCIPULORUM PAVOR. Ita narrante Matthæo : *Et quum hac audivissent discipuli ceciderunt in faciem suam, & timuerunt vehementer.* Non absimile vero est, adfuisse huic voci insignem sonitus magnitudinem, quæ huma- nas omnes voces longo intervallo superaret : ita enim solet Deus loqui. Ezech. 1: 24. Dan. x: 6. Joh. x11: 29. Apoc. 1: 15. xiv: 2. Magnam etiam peregrinitatem habuit, quod non aliunde nisi ex nube vox articula- ta prodiret. Sed potissima consternationis causa fuit, quod in omnibus istis animadverterent præsentis Divinæ Majestatis symbola ; quibus fieri non

non potest, quin, in ista tam corporum quam mentium nostrarum infirmitate, animus valde percellatur. Cujus rei insigne in Israëlitis exemplum est. Deut. v: 30.- Quoties enim cunque Deus suam animis nostris Majestatem illustribus documentis ingerit, toties nostræ non vilitatis solum sed & impuritatis & omnigenæ indignitatis & condemnabilitatis conscientia vivide expergiscitur: unde fit ut ad tam sublimis puritatis & magnificentissimæ gloriæ præsentiam trepidemus. Neque id solis contingit improbis, quibus formidolosa semper Vindictis Dei cogitatio est: sed & piis, imo & amicis Dei ac familiaribus, quibus eo venerabilior semper summi Numinis Majestas est, quo clarius perspicitur ejus Bonitas: & qui nunquam sibi ipsius magis sordent, quam dum in liquidissima se Divinæ gloriæ luce contuentur. Hæc est causa cur Petrus potentiam Christi in prodigiosa piscium captura conspicatus, ad genua ipsius provolutus sit, dixeritque, *Discede a me: nam homo peccator sum, Domine.* Luc. v: 8. Quod & tunc locum habuit, quando non terribilis iræ, sed incredibilis gratiæ suæ luculentissima suis indicia Divina præbuit benignitas. Gen. xxviii: 17. Luc. ii: 9. Marc. xvi: 5. Nihil enim est quod majorem reverentiam conciliat, quam immensa Bonitas, cum pari Majestate conjuncta. Magnam animi perturbationem comitari solet ea corporis commotio quæ commoda ipsi ratione respondeat. Porro vix ullus animi affectus est, quo & corpus vehementius afficiatur, quàm timor; qui spiritus conturbat, cerebrum concutit, genus tremorem inducit, membra debilitat, & præcipitat ad lapsum. Ubi vero formidinis magnitudini pietatis reverentia accedit, nullus convenientior casus est, quam quo quis in faciem venerabundus prolabitur. Id uti hic Apostolis contigit, ita & de se testatur Daniel Cap. x: 9. *Quam audirem sonum verborum illius oppressus fui sopore, & facie mea adjecta in terram.*

XL. Quemadmodum vero manus suæ attactu Daniele blandè & clementer excitavit Angelus; ita & accedens ad suos Jesus tetigit eos, dixitque, *surgite, & ne timeate.* Fungitur hic officio suo Jesus, dum prostratos erigit. XL. Unde  
eos erigit  
Jesus. Ideo enim descendit ad mortales, ut quotquot in ipsum credunt eo duce in Dei conspectum intrepide prodeant: nec amplius terribilis sit illis Majestas, quæ omnem cæteroqui carnem absumeret. Accedit itaque ad discipulos, affectu & misericordia motus; ne quid gravius ex vehementi illa perturbatione paterentur. Duo autem adhibet, quæ animum attonitum excitare idonea sunt; *attactum* scilicet & *sermonem*: quæ pariter adhibuit in excitando Daniele, & Johanne Apoc. i: 17. Cæterum & concussionem validam, & vocis sonum vehementem esse oportet, si naturali efficacia ad ingentem stuporem discutiendum suffectura sint. Verum neque vehementer discipulos arripuisse, neque fortiter inclamasse Jesum, verisimile est. Nihil certe Evangelistæ habent, quod hoc innuat. Itaque reconditi aliquid hic esse videtur. Nimirum ut in miraculis patrandis, symbola sæpe

quædam adhibuit, quæ miraculorum effectiōni prorsus imparia, aliquam tamen caussarum similitudinem haberent; ita & mori isti hoc loco obsecutus, externa illa, signa potius quam caussas, admovit ad opus, ad cujus effectiōnem vim interiorem aliquam & miraculosam suppeditabat: ut scite observavit *Amyraldus*.

XLII. Ve-  
rans time-  
re.

XLII. Dixit autem Jesus, *ne timete*. Non quod pavor ille ad præsentis numinis indicia prorsus indecorus esset: nam & inanimatas res veluti sensu quodam Divinæ Majestatis affici par est, ubi eam illustribus documentis ostentat. *Quando procedebat coram populo suo Deus, & gradiebatur per solitudinem excellentissime; tunc terra movebatur, etiam celi destillabant a præsentia Dei; ipse etiam Sinai, a præsentia Dei, Dei Israël* Ps. LXVIIII: 8, 9. Non etiam quod plane inutilis esset ille terror; quo percelli discipulos ipse Deus voluit, ut omnium harum rerum memoriam fortius penitusque animis ipsorum imprimeret. Non denique quod displiceret Christo ea quæ pavori huic aderat profundissimæ erga Deum reverentiæ demonstratio, toties alibi inculcata. *Jehova regnat, commoveantur populi: insidet Cherubinis, nutret terra*. Ps. xcix: 1. Sed secerni voluit Christus id quod a carne hujusque infirmitate, ab eo quod a Spiritu illiusque virtute est. Noluit ut nimio metu externarentur, eove justo diutius cruciarentur: ne & fiduciæ in Dei Bonitatem officeret, & animum simul in attempta tantarum rerum meditatione impediret. Docere denique voluit quænam gratiosæ suæ œconomix excellentia sit præ illa veteri: non enim hic viget spiritus ille servitutis ad timorem, sed liberalior spiritus adoptionis, qui *παρρησίας* ac lætitiæ est. Ita Christus animi paterni interpretem agit, & mentes perterritas solatur. Hoc est quod dixit Deus Jesh. LXVI: 2. *In hunc intueor, in pauperem & contritum spiritu, ac trepidantem ad verbum meum*.

XLII. Post  
Mosis &  
Eliæ disces-  
sum solus  
conspicendus  
est Jesus.

XLII. Non caruit successu ea Christi compellatio: quippe qua expurgati velut e veterno aliquo Apostoli, accurate omnia circumspexerunt. Sed quocunque oculos verterent, nihil eorum deprehenderunt quæ nuper tam admiranda ipsis videbantur. *Neminem viderunt, nisi solum Jesum*: fœta forma, solito amictu. Non decebat diutius in terris commorari Moſen & Eliam; quorum ministerium neque cum Jesu magisterio, neque cum Apostolorum functione miscendum, aut confundendum erat. Lex & Prophetæ usque ad Johannem duraverunt; ab illo tempore regnum cœlorum, quod solius Christi est, prædicari oportuit. Luc. xvi: 16. Discessit igitur Moſes, discessit Elias; imo siluit vox ipsa cœlestis Patris; quæ semel locuta est, ut semper audiat Filius. Christus ipse deposita nuperæ transfigurationis gloria ad pristinum servi statum habitumque rediit: temporariam enim eam gloriam esse decuit, quæ non nisi præludium æternæ erat: multaque ad huc perpetienda restabant Christo, antequam æterna illa potiretur.

XLIII. Re-

XLIII. Restat TACENDI MANDATUM. *Et quum descenderent, mandavit eis Jesus, dicens, Nemini dixeritis quod vidistis, usque quo Filius hominis a mortuis resurgat.* Cur potius in clivo montis, quum descenderent, quam in caecumine, dum ibi morabantur, istud interdixit, causam puto assignari a nemine mortalium posse. Nisi fortasse quod aliquantulum spatii concedere perturbatis voluerit ad recolligendos animos, quo & attentiores essent & retinentiores interdicti. Sed indicti ad tempus silentii causæ non admodum in obscuro sunt. Quarum aliquæ fortassis ad ipsum Christum, aliæ ad Apostolos, nonnullæ etiam ad Judæos spectant. Christus durante infirmitatis suæ œconomia modestissime se gessit, & convenienter statui suæ exinanitionis. Ideoque quæ paullo magnificentiora erant semper studiosissime fugitavit, & publicari vetuit; nisi si quæ evitari non poterant: ne propriæ suæ gloriæ publicæque famæ vanus videretur esse captator. Apostoli nondum satis ad talia prædicanda idonei erant, antequam imbuti essent virtute ex alto; quæ non nisi post Christi ex mortuis resurrectionem & in cœlos adscensionem ipsis promissa erat. Imo ne reliquis quidem discipulis eo tempore propalanda hæc esse videbantur; ne videlicet vel sibi tantæ rei visionem negatam esse dolerent, vel aliis concessam inviderent. At neque Apostolis ea narrantibus fides a Judæis fuisset habita, donec publicum magis ac luculentius gloriæ suæ specimen Christus in resurrectione dedisset. Ideo negaverat paullo ante, ullum Judæis signum datum iri præter signum Jonæ prophetæ Mat. xv: 4. Verum postquam se palam exseruit Divina ejus virtus, locum etiam habere cœpit prædicatio temporalis illius gloriæ: ut certo constaret, quo tempore exinanitus fuit, Deitatem tamen suam integram illi semper stetisse, licet abscondita esset carnis velo. Atque hæc est ratio cur resurrectionis suæ tempus expectari voluerit, ut quod in monte seorsim gestum fuerat, ex rebus potioribus & illustrioribus fidem inveni-  
ret ac fructum.

XLIV. Mandato Domini paruerunt Apostoli, inter se quidem disputantes quid illud sit resurgere a mortuis, Marc. ix: 10. *nemini interim per id tempus annunciantes quidquam eorum, qui viderant.* Luc. ix: 36. Quorum illud in vitio, hoc in laude ponendum est. Non videtur tam stupidos tamque Judaicæ suæ religionis ignaros eo tempore fuisse discipulos, ut fundamentalem fidei Israëliticæ articulum de universali mortuorum resurrectione nesciverint. Verum id quod dicunt ad resurrectionem Messiae referendum esse arbitror. Quamvis enim & ea pro Veteris œconomiae ratione satis perspicue Prophetarum prædicta fuerit oraculis, quia tamen ea ætate velo obductæ erant populi Israëlitiæ mentes, & Pharisei ac scribæ clavem scientiæ, qua aperienda priscorum oraculorum arcana sententia est, e medio sustulerant; hinc & ipsi discipuli anticipatis de carnali Messiae regno illiusque æternitate opinionibus adeo erant mancipati, ut quotiescunque

XLIII. Indictum Apostolis harum rerum silentium.

XLIV. Ab ipsis, quamvis inter se de Resurrectione discipulantibus.

eum de morte sua, & quæ eam sequi deberet resurrectione, loquentem audirent, toties eum gryphos loqui arbitrarentur, quos neque ipsi intelligerent, neque quisquam fortassis mortalium. Deo, uti reliqua omnia, ita & hoc ipsum, sapienter sic dispensante: ut deinceps appareret ipsos suscitari Magistri sui historiam non e composito finxisse; sed animos ipsorum ineluctabili rationum efficacitate convictos fuisse de rei istius evidenti veritate, quam & ipsi tam absurdam olim tamque impossibilem esse rati sunt, ut, quando disertissimis verbis a Domino prænunciabatur, ne intellexerint quidem.

XLV. Religiose servatum

XLV. Id vero egregiam meretur laudem, quod dicto audientes, totam transfigurationis Christi historiam fideli silentio presserint. Nimirum in omnibus parendum est Domino. Loquendum ubi loqui jubet, tamen si cum capitis discrimine conjunctum foret. Act. 17: 20. Tacendum ubi silentium imperat: etiamsi fortassis nos, arcanorum Dei consiliorum non satis gnari, ex imaginaria carnis sapientia, loquendum esse censeremus. Sunt certe loquendi tacendique vices, magna semper sapientia observandæ: sed tum præcipue inviolabili religione tenendæ, quoties suam circa eas voluntatem patefecit Deus. Non minus prudenti ac religioso silentio, quam liberæ ac sapienti elocutioni sua laus est. *Si quis in sermone non impingit, hic perfectus est vir; ut qui possit freno moderari totum etiam corpus.* Jacob. 111: 2.

## DISSERTATIO V. QUÆ EST I.

DE

## MIRACULIS JESU.

Qua

Miracula Jesu ita exponuntur, ut ex iis probetur  
Evangelii veritas.

### BREVIARIUM.

- I. *Quid sint miracula.* II. *Jesu Miracula, quotuplicia.* III. *Miracula, Jesu causa a Patre facta.* IV. *Miracula longo tempore ante Christi adventum patrari desierunt: nunquam patrata a quoquam majorum Christi.* V. *Miracula Jesu numero plurima sunt.* VI. *Et genere diversissima.* VII. *Et sapientissimam gradationem notabilia.* VIII. *Non ex hominum, sed suo & Patris arbitrio præstita.* IX. *Benefica, & salutaria hominibus.* X. *Uno alterove excepto.* XI. *Prorsus denique admiranda.* XII. *Non aliena, sed propria sua potestate facta.* XIII. *Cui non præjudicat Marci observatio Cap. vi: 5. nec Christi dictum Joh. v: 19.* XIV. *Hinc & aliis potestatem miracula in suo nomine faciendi dedit.* XV. *Imo & majora faciendi, quam fecerat ipse.* XVI. *Quæ omnia eo tendunt, ut comprobaretur missio ipsius a Deo, & doctrina veritas.* XVII.



*XVII. Demonstratione solida. XVIII. Qua olim quoque asserta fuit missio Moſis. XIX. Virtus portentifica inter characteres Meſſia eſt. XX. A quo miracula petere ſuo quodam jure Judæis licuit. XXI. Cur miracula ſape ſua vulgari Chriſtus vetuerit. XXII. Uti in exemplo leproſi mundati. XXIII. Et cæcorum quibus videndi facultatem dedit. XXIV. Et hominũ, cujus arida manus eſt ſanata. XXV. Et Filia Jairi ex morte ſuſcitata.*

**J**Uvat Exercitationem hanc laudandis, explicandis ac vindicandis Do-  
mini & Soſpitoris noſtri JESU CHRISTI MIRACULIS dare; atque ex  
iis ineluctabili argumento conficere, quod Jeſus magnus ille Prophe-  
ta, patribus olim promiſſus, à Patre in terram demiſſus, atque adeo  
verus Meſſias ſit. MIRACULA quum dico, intelligo ſtupenda ejusmodi  
opera quæ præter aut contra communes naturæ leges facta, omnemque  
creatarum cauſarum valentiam ſuperantia, à Deo ad fidem verbis ſuis fa-  
ciendam adhibentur. Nimirum Deus, qui naturæ ordinem ſapientiſſimis  
legibus definivit, eam ſibi reſervavit libertatem, ut, quotieſcunque libi-  
tum eſt, præter fuerum iſtum ordinem ageret, atque ita ſe ſupremum abſo-  
lutumque naturæ Dominum eſſe demonſtraret. Vel potius: eodem æter-  
no conſilio quo ſingularum cauſarum ſeriem, & ad effectus ſuos produ-  
cendos concurſum conſtituit; eodem, inquam, æterno conſilio decrevit,  
ſtatis temporibus, ob rationes idoneas, ab ordine iſto recedere, eaque pa-  
trare quæ vel ob rei ipſius admirabilitatem, vel ob inſolitum efficientiæ  
modum, mentem hominum percellant, & præſentis in iſthac aſtione Di-  
vinæ omnipotentiaſ conſeſſionem extorqueant. Unde liquet, proprie &  
accurate loquendo, Deum ſolum eſſe qui mirabilia facit: quum ſolus ſit  
naturæ Dominus. Pf. LXXI: 18. Quotieſcunque ergo, vel homines, vel  
angeli, ſua agilitate & induſtria aliquid efficiunt, quod, ob incognitum  
nobis agendi modum, oppido peregrinum eſſe videatur, non id mox ob  
eam rem miraculis accenſendum eſt; quoniam creatæ naturæ vim nobis  
haut ſatis exploratam, neque ad noſtræ ſive imperitiæ ſive imbecillitatis  
modulum exigendam, non excedit; & ſi detegatur artificioſum, ſimul peri-  
bit, aut plurimum certe imminuetur, admirabilitas. Quotieſcunque etiam  
Deus miraculorum patratorum vi homines quosdam donaffe dicitur,  
exiſtimandum non eſt, ipſos reali aliquo influxu, ne quidem uti cauſas in-  
ſtrumentales, ad effectum iſtum concurrere; ſed ſolummodo Deum ad  
ipſorum præſentiam, dum ipſi non niſi verba quædam aut ſigna, ex ſeſe in-  
valida, adhibent, ſecundum potentiaſ ſuæ immenſitatem operari. Placet  
autem numini, qualemcunque hanc hominum iſtorum operam intercede-  
re, ut eos ſingularis iſta aſſiſtentiaſ ſuæ declaratione commendabiles face-  
ret, tanquam conſiliorum ſuorum adminiſtros. Nam iſti potiſſimum fini  
inſerviunt miracula, ut dictis Dei per ſidos voluntatis ſuæ internuncios,  
adſtruatur

I. Quid  
ſunt Mira-  
cula.

adstruatur fides. Atque hæc quidem generatim de Miraculis pro instituti nostri ratione dicta sunt.

II. Jesu  
Miracula,  
quotupli-  
cia.

II. JESU Miracula illa voco I. Quæ ipsius causa à Deo Patre facta sunt. II. Quæ ab ipso in nomine Patris sunt edita. III. Quorum in suo nomine patrandorum potestatem Apostolis, discipulis, & sectatoribus suis concessit.

III. Mira-  
cula, Jesu  
causa a  
Patre facta,

III. Multa nobis in Evangeliorum narratur monumentis quæ circa nativitatem, vitam, & mortem Jesu, prorsus præter naturæ ordinem acciderunt; notiora quam ut prolixè hic repeti debeant, certiora quam ut in dubium ab ejus ætatis hominibus vocari potuerint, confirmatoria quam ut nunc falsi postulari fas sit. Et hæc ipsa satis evincunt, eum, in cujus gratiam cuncta ista fecit Deus, Dei non nuncium solum, sed & filium esse. In cujus enim alterius gratiam virginis uterum sæcundasset, Gabrielem angelum tanti prodigii internuncium è cælo misisset, integros cælestium geniorum choros recens nato infanti genethliaca carmina accinere jussisset, stupentibus ad tantum apparentium angelorum fulgorem, quo noctis tenebræ pellebantur, & ad Divini carminis incredibilem suavitatem, pastores Bethlehemiticis? In cujus alterius gratiam nova, & ab omnibus cæli luminaribus diversissima, apparuisset stella; qua excitati ab ultimo Oriente Sapientes in Judæam properarunt, debitum nato Regi honorem exhibitori? In cujus alterius gratiam apertis repente cælis, sub columbæ specie descendisset Spiritus Sanctus, donis eum suis impleturus; vel auditus fuisset plus vice simplici Divinæ vocis fragor eum pro filio suo agnoscentis & commendantis? Quid denique notabat repentina illa solis in ipsa meridie, tempore plenilunii, per integrum trihorium, obscuratio, Phlegonti etiam, & Thallo memorata, & si Luciano martyri fides, gentiliū inserta Annalibus? Quid ista sacratissimi ruptura aulæ, & vehemens terræ tremor, & rupium scissura, & monumentorum apertura, eo tempore quo in cruce pendebat Jesus, mox spiritum redditurus Patri? Quid unquam à Deo in Mosis præstitum est gratiam, quod cum tot tantisque consiligi mereatur prodigiis? Enim vero nisi cæciores esse velimus homine gentili, aut obduratiores Romano milite, fateri oportet, eum, cujus causa tot simul ac tanta contigerunt prodigia, filium Dei esse.

IV. Mira-  
cula longo  
tempore  
ante Chri-  
sti ad ven-  
tum patrati  
desierunt:

IV. Cæterum de iis potissimum Jesu miraculis agendum est, quæ non ob ipsum, sed ab ipso facta sunt; quorum non occasio solum & objectum, sed & auctor & causa existit. Dignum notatu est, ante Jesu in carnem adventum miracula ab hominibus longo jam tempore patrari desiisse. Ultimum quod in sacris memoratur Elisæi est, cujus ossa à cadavere tacta vitam restituerunt mortuo. 1 Reg. xlii: 20. Ab Elisæo autem ad Christum anni numerantur præter præter octingenti. Non est profecto ista Providentiæ Divinæ œconomia inconsiderate transmittenda. Qui olim miraculis  
• fuerunt

fuerunt celebrati, eos palam est illo vixisse tempore quo Messiam venire non oportuit. Circa Messiae ævum à nemine facta leguntur miracula nisi ab ipso & discipulis ejus, ipsius virtute ac nomine. Accedit & hoc, non minus observabile: quod neminem ex majoribus Christi, non Enochum, non Noachum, non Abrahamum, non Davidem, ulla unquam miracula edidisse legamus; ne fortasse eorum aliquis Messias esse crederetur. Imo ne Johanni quidem Baptistæ id esse concessum, quamvis muneris dignitate cæteris omnibus Prophetis immensum antecellere perhibeatur: ne illum fortasse, ob cæteras virtutes, suspicio ista caderet.

V. Sed ipsa Jesu miracula, & quæ in iis potissimum consideratu digna occurrunt, propius aliquanto lustremus; facta passim eorum cum Mosais collatione. Et primo quidem loco notemus, Miracula Jesu *numero plurima*, & vere innumera fuisse. Elisæus, qui Prophetas reliquos miraculorum gloria anteivit, vix duodecim fecisse perhibetur. Eliás aliquanto pauciora, quibus si cæterorum omnium Prophetarum miracula addantur, excrescet numerus ad septuaginta quatuor. Mosi attribuunt septuaginta sex, quæ per ipsum aut propter ipsum facta sint. Cuncte, si in unam colligantur summam, efficient centum & quinquaginta; quæ à mundi principie usque ad excidium primi templi, annis ter mille trecentis & viginti octo, ut Judæi numerant, sive ab ipso Deo immediate, sive hominum interventu, sint patrata. Non lubet nunc ad calculos sedere. Unum hoc liquido affirmare ausim, Hebræorum magistros in annumerandis miraculis non admodum fuisse parcos. Sed & nobis religio est, ea quæ mirabiliter olim à Deo facta sunt, ulla ratione minutum ire. At quantula portio omnia ista sunt eorum quæ Jesus noster intra unius triennii aut quadriennii, vel quinquennii, si vis, decursum edidit? Inficias equidem non ivero, si ea solum attendantur quæ per species memorata Evangelistis sunt, haut vægrandem fore numerum: sed sciendum multa à Christo esse facta quæ non sunt memorata. Joh. xx: 30. ea vero quæ sunt memorata sic plerumque esse exposita; ut sub generali summa innumera propemodum continerentur. Quum Johannes suos ad Jesum discipulos sciscitatum mitteret; essetne Messias, an post eum expectandus alius, eadem hora sanabat multos à morbis & flagellis & spiritibus improbis; cæcis visum, claudis gressum, leprosis puritatem, mutis loquelam, surdis auditum, mortuis vitam, à dæmone agitatæ tranquillitatem gratificabatur. Luc. VII: 21, 22. Fuit quum turmatim urbes & regiones universæ suos ad ipsum agros sine ullo morborum discrimine adducerent, quorum neminem incuratum dimisit; Matt. iv: 24. Marc. I: 10. vi: 55, 56. & quamvis sola manuum impositione, vel unico sæpe verbulo, totam eam rem conficeret; fuit tamen quum occupatum in opere nox interciperet. Mat. vi: 16. Marc. i: 32. Luc. iv: 40. Quorum omnium historiæ si singulatim descriptæ fuissent,

Meletem, Leid.

Hh

quantum

nunquam  
patrata  
quoquam  
majorum  
Christi.

V. Mira-  
cula Jesu  
numero  
plurima  
sunt.

quantum conficerent volumen? Magnifice profecto, & hyperbolice, fateor, non tamen præter decorum, Johannes dixit: *sunt & alia multa quæ fecit Jesus, quæ si scribantur sigillatim, ne mundum quidem ipsum opinor capturum eos qui scribuntur libros.* Joh. XXI: 25. Quibus si addantur ea quæ à discipulis Jesu edita sunt in ipsius virtute ac nomine, non in Judæa solum, sed in toto fere terrarum orbe, non paucis annis, sed aliquot seculis; quam immensus tandem exfurret numerus?

VI. Et genere diversissima.

VI. Verum miracula Jesu, uti numero plurima, ita & genere diversissima fuerunt; non certæ alicui speciei adstricta, sed universalia, & potestatem atque imperium in omnes rerum species demonstrantia: in mare; in ventos, in pisces, in arbores, in panes, in porcos, in ipsos denique dæmones. Mare pavimenti instar stravit, ut in eo non secus quam in platea ambularet, & per altissimos gurgites pedes ferret inlutos. Matth. XIV: 25. Idem mare tempestatibus agitatum composuit, ventosque verbo silere jussit, ad spectantium stuporem dicto audienteis. Matth. VIII: 24. Pisces jussu suo in retia confertim, & velut agmine facto, compulit. Joh. XXI: 6. & si opus esset, cum nummo quem deglutierant, sponte, ut ita dicam, capiendos se dare jussit. Matth. XVI: 27. Arborem ficus momento fecit exarescere. Matth. XXI: 19. Panes pro arbitrio multiplicavit, ut pauci multis hominum millibus satiandis sufficerent. Matth. XIV: 19, 20, 21. & XV: 36, 37, 38. Porcos dæmonum arbitrio permisit, supplicantium ut in eos sibi ingredi bona cum ipsius venia liceret. Matth. VIII: 31, 32. Dæmones ipsos, ferocissimos etiam, quantumvis frementes freudentesque compescuit, ejecit, protestate sua exiit, nutibusque suis parere coëgit. Matth. VIII: 28. XII: 22. Marc. IX: 25, 26. Scripserit licet *Menasse Ben Israël*, Moesæ sine controversia Prophetas cunctos excessisse, quippe qui non in elementis modo, sed & mixtis, in mineralibus, in plantis, in animalibus rationis expertibus, in hominibus, cœlis, & angelis miracula ediderit: ego asseverare non dubito, immane quantum Jesum nostrum Moesæ hac quoque in parte excessisse. Quam enim Moesæ potestatem in curandis omne genus morbis, quam in mortuis suscitandis, quam in dæmonibus expellendis exercuit?

VII. Et sapientissima gradatione notabilia.

VII. In promiscua ista miraculorum varietate *sapientissimam gradationem* observavit Jesus: non quidem in temporum semper, sed in rerum ordine. Quam gradationem & in cunctis universim, & in specialibus quibusdam sigillatim, annotare juvat. Incepit miracula sua Jesus ab eo quod homini pro alimento concessum est, attamen ad jucunditatem magis quam necessitatem pertinet, transformando aquam in vinum: quo sane carere potuissent convivæ nuptiales, prolixè jam excepti. Dein necessitati consuluit esurientium, multiplicando panes & pisces: & sequentium se millia quinque, quinque saturavit à panibus, ac, *ne esse præstigia incredulis illis viderentur*

*ventur & duris, bis senarum sportarum sinus reliquiarum fragminibus aggeffit :* ut *Arnobii* id verbis enunciem. Atque hæc quidem sanis & valentibus gratificatus est. Perrexit ad curandos ægros. Sanavit qui laboraverant annis duodecim. Marc. v: 25. imo octodecim. Luc. xiii: 11. imo triginta & octo. Joh. v: 5. imo à pueritia. Mat. ix: 21. & ab ipsa denique nativitate. Joh. ix: 1. Neque eos solum morbos curavit qui ex naturalibus orti sunt caussis, sed & quibus miseros mortales dæmonum malitia infestavit. Palam enim est, Scripturæ eos obloqui, qui dæmoniacas affectiones cum naturalibus confundunt. Matthæus certe distinguit Cap. xv: 24. *δαίμονιζομένους καὶ σελήνιαζομένους καὶ παραλυτικούς.* Et quamvis ille qui Matthæo xvii: 14. *lunaticus* dicitur, Lucæ ix: 39. *dæmoniacus* vocetur, non exinde consequitur, affectionem istam mere naturalem fuisse; sed potius dæmonem, lunæ in corporis humani humores efficacia & influxu abusum, infelicem puerulum mirandum in modum torfisse. Quod ex Marci ix: 25, 26. liquido constat: nec male expressum est à Rustico Elpidio, Lib. v. *¶* 245.

*Repserat in miseram rabies borrenda furoris*

*Dæmonis afflatu, propria qui peste nocivus*

*Allidit captas fædo discrimine mentes,*

*Menstrua deciduos quam luna recolligit ignes.*

Neque ægros curare contentus, mortuis vitam restituit. Gradu sibi quandoque ab illis ad hos factò. Postquam enim centurionis famulum, morti vicinum, sanitate donasset, postridie vita donavit vere mortuum. Luc. vii: 10, 11. Eodemque die quo curavit fœminam ad duodecimum annum laborantem, ex morte revocavit duodecennem puellam. Marc. v: 25, 42. Imo & in mortuorum suscitatione gradationem quandam deprehendere licet. Excitavit enim recens mortuam Jairi filiam. Luc. vii: 49. Excitavit feretro impositum Naimiticæ viduæ filium. Luc. vii: 12. Excitavit sepulcro jam ad quartum diem conditum, putrescentem Lazarum. Joh. xi: 39.

VIII. Quæri posset, cur in tanta miraculorum varietate non placuerit VIII. Non Christo rogantibus ipsum Pharisæis & Sadducæis in eo gratificari, ut si ex hominum, sed in Legislatione, & Manna, cœlestis ille panis, quo pasti in deserto Israëlitis arbitrio præstita fuerunt. Mat. xvi: 1. & seq. Cujus rei ratio non ea profecto est, quod difficilius fuerit Jesu cœleste ejusmodi signum dare quam quidvis aliud: æqualis enim potentia ad omnia requiritur. Sed perspectam habuit Jesus pravam rogantium mentem, qui non docili animo suppliciter petebant, sed ex superbia, protervia, contumacia postulabant, ut non pro Dei & Christi voluntate, sed pro suo arbitrio, signum ipsis concederetur: quasi ea quæ hæcenus facta essent fidei faciendæ non sufficerent. Rogabant enim

*tentantes.* Id est, non discendi studio, sed per fraudem captantes, quod vel negatum sibi iri putabant, vel non credebant esse in manu Jesu. Quia enim nihil nisi humile & contemtibile sibi de illo persuaferant, non aliud illis propositum fuit, quam ut deprehensa ejus infirmitas quidquid hactenus acquisierat laudis apud populum abrogaret. Talibus autem hominibus respondet Dominus, non ut ipsi vellent; sed ut sibi ad tuendam numinis Majestatem commodum videtur: non æquum esse existimans, ut homines leges præscribant Deo. Illudebant Jesu procaces homunciones, non magis credituri iis quæ petebant signis, quam crediderant cæteris: non enim fidei vacillantibus fulcra, sed petulantiae nutrimenta quærebant. Adhæc, importunum erat tonitrua, fulgetra, tempestates pro signo iterum postulare; quod œconomiae quidem Mosaicæ consentaneum erat, non item mitissimi Messiae Evangelio; ubi Deus habitare mavult in fuxuro tenui silentii. Importunum erat Mannam iterum exigere; quod ea non nisi deserti panis esset, in omni alterius cibi indigentia; nunc autem Israëlita in terra degebant quæ lacte ac melle fluens omnium ipsis rerum copiam suppeditabat. Et ediderat jam Jesus signum suppeditationi mannae analogum in prodigiosa illa panum pisciumque multiplicatione. Jure itaque suo usus est, quum dixit, *Gens mala atque adulterina, degeneres Abrahamæ nepotes, signum requirit, ex mera postulandi protervia, sed signum non dabitur ei nisi signum illud Jona Propheta*, signum non è cælo, sed ex abyssio: unde uti Jonas vivus prodiit, ita & ego aliquando vivus prodibo tertioræ mortis meae die: quod invictissimum non innocentiae solum meae, sed & Divinae missionis, immo & Divinitatis ipsius, argumentum erit.

IX. Beneficia, & salutaria hominibus.

IX. Ex iis quæ hactenus disputavimus palam est, id quoque singulare habuisse Christi miracula quod *Beneficia* fuerint, & cum hominum salute conjuncta; secus ac pleraque Mosaica, ad terrorem incutiendum, multorumque, non hostium duntaxat, sed & Israëlitarum proterve agentium, perniciem comparata: quam ob rem, præter rationem equidem, sed tamen exprobratum ipsi à popularibus est, quod *morte affecerit populum Jeboræ*, Num. xvi: 6. Enimvero terrificum istud miraculorum genus apprimè idoneum erat, tam populi Israëlitici genio, præfracto & rebeli & vix aliter in ordinem cogendo, quam œconomiae Mosaicæ, quæ ministerium mortis haut immerito vocatur. 2 Cor. i: 7. Longe alia ratio miraculorum Jesu fuit, qui *obambulavit beneficiis afficiens, & sanans omnes sub potestate diaboli redactos, quoniam Deus erat cum eo*. Act. x: 38. Cui idcirco testimonium hoc à percussis supra modum spectatoribus perhibitum est, *Bene omnia fecit: facit ut surdi audiant, & muti loquantur*. Marc. vi: 27. Ita prædictum de Messia erat. Jes. xxxv: 5. Ita decebat eum, qui omnigenam mortalibus salutem suo in mudum adventu allaturus erat, & corporalium malorum ablatione, ac corporalium bonorum collatione, demonstraturus, se eum esse

esse cui perfecta animarum salus debeat. Mat. VIII: 16, 17. Ita conveniebat Oeconomiae Evangelicae, quæ tota gratiæ est, & miracula exigit salutifera: ad quæ tum videnda tum percipienda alliciantur homines, tummatimque advolent, laudantes & glorificantes Deum, quod tantam potestatem dederit hominibus, talēque iis excitaverit Prophetam Mat. IX: 8. Luc. VII: 16.

X. Unicum solummodo alterumve *Θαυματουργίας καλασιῆς*, ut Vt-  
 teres loquebantur, exemplum extare Dominus voluit; non in homines, sed in Gadarenorum portos, (inutile Judæis pecus, & quorum non usus solum interdictus, sed & nutritio infamis) Jesu permittente à dæmonibus in mare præcipitados, & in unicam arborem, quæ, ad viam plantata, in nullius fortasse privati bonis erat. Ut appareret, eum qui tam illustria semper miraculosæ suæ clementiæ documenta dedit, non tamen omnem severitatem suam adversus ingratos, pertinaces ac refractarios prorsus deposuisse: quam si rarius exercuerit, non ex potentiæ illud defectu, sed gratiæ abundantia provenire. Optime *Isidorus Pelusiota. Lib. I. Epist. LI. Ἐκ τῆς ἀψύχης τοίνυν εὐτίας πείθει τὸν ἀχάριστον δῆμον, ὅτι καὶ ἀμύνασθαι δύναται, καὶ ὡς ἀγαθὸς ἐβελένται.* Cæterum hac de re & alibi aliquid dixi, & deinceps ex professo dicendum erit. Paucula etiam Apostoli severitatis exempla in nomine Jesu statuerunt, quale erat illud Petri in Ananiam & Sapphiram Act. V. & Pauli in Bar Jesum Act. XII: 10. & in eos fortasse qui tradebantur satanæ. Neque abnuo si quis eo referenda existimet arma illa militiæ Apostolicæ, quæ Paulus 2 Cor. X: 4, 6. laudavit, ut *divinitus valida ad destructionem munitionum, quibusque in promptu habebat vindicare omnem contumaciam.* Sed contendo, rarissime Apostolos, nec nisi summa urgente necessitate, iis esse usos: quum infinita ubique extent tam in Jesu quam Apostolorum rebus gestis admirandæ beneficentiæ monumenta.

XI. Non sine causa *admirandam* dico Jesu beneficentiam; quæ admirabilitas non in ipsa solum re, sed & in modo eam conficiendi eluxit. Non enim lenta manu patrata Jesu signa fuerant, nec ad morbos curandos emplastra, pharmaca, cataportia magno molimine adhibita sunt; sed pleraque fere *ἐν ἀπόμω, ἐν ῥιπῇ ὀφθαλμοῦ*, verbo, nutu, contactu, ab eo, aliquando præsentē, nonnunquam & absente, confecta: aut, si quandoque quædam ipsi adhibere placuit media, ea talia fuerunt ut nullam ad ejusmodi effectus productionem efficaciam habere per se liqueret; quin & si non dicis causa, eo saltem sine adhiberentur, ut demonstrarum daret, qualibet re se curare & perficere posse quod veller. Nemo Prophetarum ante Jesum sua sic unquam miracula fecit. Pleraque quæ Moysi adscribuntur, aut speciali Divino jussu, aut conceptis ad Deum precibus fecisse legitur. Elias item, cæterique ex prophetarum ordine. Quanto molimine Eliseus usus

X. Uno alterove excepto.

XI. Prorsus denique admiranda.

fit ad excitandum Sunamitidis filium, prolixè exponitur 2 Reg. iv. At Jesus noster ventos objurgavit, & mari dixit, *Sile*, & mox facta est tranquillitas magna. Matth. vii: 26. leproso dixit, *volo, purgator*, atque è vestigio purgata est lepra ejus. *¶* 3. centurionis paralyticum puerum curavit absens, perspectaque & laudata heri fide, dixit centurioni, *Abi, & ut credidisti fiat tibi*; sanatusque est puer ejus eo ipso momentp. *¶* 14. Dixit surdo & muto, *Ephphata*, & ex templo apertæ sunt aures ejus, & solutum linguæ vinculum. Marc. vii: 34, 35. Dixit mortuæ, *Talitha Kumi*, & mox surrexit puella, atque ambulavit Marc. v: 41, 42. Dixit Lazaro jam ex morte olenti, *prodi foras*, & sine mora qui fuerat mortuus prodiit pedes & manus vinctus fasciis. Joh. xi: 43, 44. Fimbriam vestimenti ejus in turba comprimentium tangit *ἀντιπορῶσα*, & dictum factum à duodecennali fluxu sanatur. Marc. ix: 20. Ubi, quando, post ultimam hominum memoriam facta, visa, audita sunt similia? Matth. ix: 33. Joh. ix: 32. & xv: 34.

XII. Non  
aliena, sed  
propria sua  
potestate  
facta.

XII. Quarum rerum observatione eo paulatim deducimur, ut asseverare ausimus hoc esse Jesu nostro singulare, quod *non potestate aliena*, externa, sibi assistente, ut alii Prophetæ omnes, *sed sua propria*, id est suæ Deitatis virtute, miracula fecerit. Postulat ea res aliquam *ἐπιμονήν*; indiga quippe uberioris expositionis. Nimirum considerari Jesus noster in triplici differentia potest; qua *homo*, qua *Mediator*, qua *Filius Dei*. Humanæ ipsius naturæ; nequidem glorificatæ, veram, realem, & propriam miracula faciendi virtutem communicatam esse, dicere non sustinemus. Ea enim, quamvis supra creaturas omnes eximiis decorata privilegiis, est tamen semperque manet in ordine creaturarum; neque magis Divinæ omnipotentiae quam ipsius Deitatis capax. Mediatorium officium includit quidem *ὑπεροχήν* Deitatis, sic ut à non-Deo præstari non possit, attamen Mediator qua talis Patris nuncius & servus est, qui Patris nomine & auctoritate omnia facit, ipsaque adeo miracula ad probandum sui à Patre missionem. Ideo dixit, *se a se ipso nihil facere* Joh. vii: 28. sed quæ facit opera, ea *se facere in nomine Patris sui*. Joh. x: 25, atque adeo *opera Patris sui esse*, ibi. vers. 37. quippe *qua dedit ipsi Pater ut faceret*. Joh. v: 36. Eodem pertinet Petri illud Act. i: 12. *Jesus ille Nazarenus, vir à Deo approbatus apud vos, præstantibus factis & prodigiis & signis qua edidit per ipsum Deus*. Hoc intuitu dicitur *invisus Spiritu Sancto & potentia*, & miracula fecisse, *quoniam Deus cum ipso erat*. Act. x: 38. Et sub eadem Mediatoris sive nuncii *σχέσει*, Patris sui opem imploravit: & pro ea impetrata gratias egit, cuncta ad Patris honorem referens. Joh. xi: 40, 41, 42. Attamen non impediunt hæc omnia, quo minus is qui voluntaria œconomici officii susceptione Patre se minorem exhibuit, alio intuitu *parem se fecerit Deo*, eandem sibi cum Patre virtutem, easdemque operationes attribuens: quatenus nimirum idem  
cum



cum Patre Deus est. Huc tendit pulcherrima ista, ac prorsus Divina adversus incredulos Judæos disputatio, quæ extat Joh. v: 18. ubi ex operibus suis non id tantum probat quod alibi, se a Patre missum, sed Patri Deo parem esse: nam *quæcumque Pater facit, hæc Filius pariter facit*, id est æque ac non minus, atque adeo una & conjunctim. Non dicit *τάτοις ὁμοία ποιεῖ, his similia facit*, sed *ταῦτα ὁμοίως ποιεῖ, eadem ista pariter facit, & κατὰ τὴν τῶν γινομένων ὁμοίωσιν, ἀλλὰ κατὰ τὴν τῆς ἐξουσίας ὁμοτιμίαν*, uti explicat Nazianzenus. *Sicut Pater suscitavit mortuos & vivificavit: ita & Filius quos vult vivificat. Sicut enim Pater habet vitam in se ipso, & Filio dedit habere vitam in se ipso.* Atque hac sane ratione optime dicitur, Jesum Filium Dei Divina sua virtute, quæ quamvis ipsi propria, à virtute Patris tamen nunquam sejuncta est, miracula sua patrassè. In cujus potentia & honoris confortium nemo est admissus mortalium. Nimis enim Moysen supra cæteros Prophetas in eo quoque Hebræorum magistri extollunt, quod quum hi nulla nisi precum interventu miracula fecerint, ille etiam sine precibus, pro lubitu. Quo pertinuisse volunt portentificam illam virgam, de qua incredibile est quas narrent nœnias, fabulantes veluti pro sceptro ipsi datam, in symbolum auctoritatis, cui tota se rerum natura subjiceret. At secus se res habet. Ipsa enim ejus historia docet, non fecisse ipsum miracula nisi vel ad preces suas, vel ad expressum numinis mandatum.

XIII. Non est existimandum, vel Marcum potentia Jesu quidquam XIII. Cui detrahere, quum dixit Cap. vi: 5. *neque potuit illic virtutem ullam edere*: non præjudicat Mar- vel ipsum Jesum, dum sic loquitur Joh. v: 19. *Amen, Amen dico vobis, non* ci observa- *potest Filius à semet ipso operari, nisi viderit Patrem operantem.* Marci enim tio. Cap. dictum non de absoluta intelligendum est potentia, sed ea quam sapiens VI: 5. nec Christi di- moderatur voluntas. Non poterat, id est per leges quas ipse sibi posuerat, ctum Joh. non licuit ipsi, non fuit ei decorum, miracula ibi edere. Non id solebat fa- v: 19. cere, nisi rogatus, & ubi credebatur posse id ab ipso fieri. Non enim miracula faciebat ad ostentationem, aut captandam sibi gloriam; quod impostorum & circumforaneorum est; neque benefacere volebat invitis ac beneficia sua repellentibus. Oppido eleganter Hieroclis verba huic rei accommodavit Clericus: *Τῷ τῆς προαιρέσεως & τῆς φύσεως μέτρῳ τὴν δύναμιν καὶ νομίζει.* Jesu apud Johannem sermo ex connexionione exponendus est. Litem ei eo nomine intenderant Judæi quod ægrum sanasset Sabbato: ille exculpatur factum, quum non suum solum, sed & Patris sui esset; cujus ipse proprius erat Filius. Eam ob rem postulatur à Judæis blasphemia, quod ita loquendo parem se Deo faceret. Non negat sequelam Jesus, sed admittit, & vindicat à crimine blasphemiae, probatque se & recte egisse, & recte locutum esse. Et quia magni momenti res erat, seria asseveratione utitur. Non male egi, inquit, curando ægrotum, neque male dixi, me operari sicuti pater meus: nam profecto ego qui Patris filius sum, non possum à memetipso

memetipſo operari, mea vel potentia aliqua vel voluntate privata, quæ à potentia vel voluntate Patris ſejuncta ſit, nedum ei adverſetur; eadem enim Patris & Filii potentia & voluntas eſt. Cæterum quum is qui Patris Filius idem ejusdem internuncius ſit, in ea relatione oſtendit ipſi Pater omnia opera ſua, & in eadem relatione facit ea quæ viderit Patrem facientem, neque latum unguem à Patris exemplo recedit: ut ne hac quidem parte quaſi officii male obiti accuſari queat. Nec iſta nuncii obſequioſitas quidquam deterit de dignitate Filii: quam ſatis ſibi aſſerit, dum ὁμοίως cum Patre facit omnia, & ad Patris exemplum quos vult vivificat. Quæ voce ſignificatur Filium habere poteſtatem διαποτικὴν καὶ ἀρχιτεκτονικὴν, verbum imperans, vocationem æa quæ non ſunt adducentem, & εὐδαιμίας circa bonum hominis, ut id poſſit donare cui velit, tanquam Dominus Divinorum munerum: Vide *Goccejum in h. l.*

XIV. Hinc  
& aliis po-  
teſtatem  
miracula  
in ſuo no-  
mine fa-  
ciendi de-  
dit.

XIV. Verum & in eo Moſe ſuperior Jeſus fuit, quod quum in Moſis nomine nulla ab aliis miracula edita ſint, in *Jeſu* nomine plurima. Multo minus portentificam potentiam cum aliis Moſes communicavit. Equidem Deus ſepoſuit aliquid de Spiritu qui in Moſe erat, quod poneret ſuper LXX Senioribus: at neque Moſis hic aliqua actio intervenit, neque de miraculis patrands agit, ſed de iis Spiritus donis quibus designati Judices obeundo muneri ſuo idonei redderentur. Num. xi: 17, 25. Moſes ipſe, fateor, manus impoſuit Joſuæ, & ſimul aliquid ei de gloria ſua impertitus eſt, ſuique Joſua filius Numis plenus ſapientiæ, poſtquam ipſi manus ſuas Moſes impoſuiſſet. Num. xxvi: 18. Deut. xxxiv: 9. Cæterum id unicum exemplum eſt; neque ex Moſis arbitrio, ſed ſpeciali Dei mandato; nec ad ſpiritum portentificum, ſed ad ſpiritum ſapientiæ refertur: quamvis & ad Joſuæ preces grandia deinceps miracula Deus ediderit. Jeſus autem noſter non modo XII Apoſtoliſ ſuis dedit poteſtatem adverſus ſpiritus impuros, ut ejicerent eos; & ſanarent omnem morbum, & omnem languorem Matth. x: 1. ſed & LXX diſcipuliſ dixit, Ecce, do vobis poteſtatem calcandi ſerpentes & ſcorpiones, & ſupra omnem vim inimici, & nihil vos lædet. Luc. x: 19. Imo & ſectatoribus quibuſcunque ſuis indifcriminatim eſt pollicitus: Signa eos qui crediderint hæc conſequentur: per nomen meum demonia ejicient, linguis loquentur novis, ſerpentes tollent, &c. Marc. xvi: 17, 18. Et quod omnia iſta excedit, ac fidem propemodum ſuperat, majora à ſuis præſtitum iri prænunciat quam ab ipſo facta ſint. Joh. xiv: 12.

XV. Imo  
& majora  
faciendi,  
quam fece-  
rat ipſe.

XV. Nec intra verba reſ ſtetit: nam Apoſtoli ac diſcipuli Jeſu, ipſo adhuc in terris commorante, miraculiſ inclareſcere cœperunt, Luc. x: 17. præcipue tamen ea ad omnium ſtuporem patraverunt, poſtquam Jeſus ad dextram Dei Patris exaltatus imbuiffet ipſos virtute ex alto. Ab eo enim tempore profeſſi prædicarunt ubique, Domino cooperante, & ſermonem confir-  
mante per ſigna ſubſequentia. Marc. xvi: 20. Quorum quaſi primitiæ fuerunt  
in

in prodigiosa illa curatione hominis ab utero materno claudi, cui in nomine Jesu Christi Nazaræi per Petrum Apostolum repente data est solidatio plantarum ac malleorum ipsius, ut exiliens steterit, & ambulaverit; & cum Apostolis templum ingressus sit, ambulans, & saliens, & laudans Deum, adspectante, & agnoscente toto populo Act. III. & fatente senatu, *negari non posse quod conspicuum per Apostolos signum editum sit, quum id manifestum sit omnibus habitantibus Hierosolymis.* Act. IV: 16. Quid singulis commemorandis immoror? Pro omnibus ad absolvendam Jesu fidem sufficiunt duo illa quæ Lucas annotavit; quorum alterum extat Act. XIX: 11, 12. *Virtutesque non vulgares edobat Deus per manus Pauli: ita ut etiam ad infirmos deferrentur à corpore ejus sudaria seu semicinctia, & discederent ab eis morbi, & exirent spiritus improbi.* Alterum vero Act. V: 15, 16. *Adeo ut in plateas adferrent infirmos, & ponerent in lectis ac grabbatis, ut venientis Petri vel umbra inumbraret aliquem eorum — qui sanabantur omnes.* Quæ aliquo saltem intuitu majora sunt iis quæ patrasse legitur Jesus. Denique donum illud sanationum, & operatio virtutum, & varia linguarum genera, & prophetia, similiaque portentificæ potestatis effecta, longo tempore in Ecclesia viguerunt. I Cor. XII: 9, 10. Omnia vero pertinuerunt ad Evangelicæ doctrinæ confirmationem: *quæ quum primum enarrari cepit per ipsum Dominum ab iis qui ipsum audierant fuit nobis confirmata: testimonium illis præbente Deo & signis & prodigiis, variisque virtutibus, & Spiritus Sancti distributionibus, pro sua voluntate.* Heb. II: 3, 4.

XVI. Id enim ultimo loco de miraculis Jesu observandum est, huic fini XVI. Quæ facta esse omnia, ut ex iis tanquam invincibili argumento comprobaretur omnia eo divina ipsius missio, & doctrinæ totius veritas. Ita & ipse sæpius argu- tendunt, ut mentatus est. Joh. V: 36. & X: 37. Mat. XI: 2, — 5. Ita judicavit populi comprobaretur missio ipsius a turba. Mat. XII: 23. Joh. II: 23. & VI: 2. & VII: 31. Luc. VII: 16. Deo, & doctrinæ veritas. Ita & sapientiores è populo, qualis Nicodemus ἀρχὴν τῶν Ἰουδαίων. Joh. III: 2. & catus ille cæcus cui visum dederat Jesus, qui argumentationum suarum subtilitate & soliditate pervicacibus Judæorum proceribus multum facessivit negotii. Joh. IX: 29. ipse denique Romanus centurio. Matth. XXV: 54. Et post Jesu ex mundo excessum, qui aliud tam innumerabilem hominum, sine discrimine nationum, linguarum, ætatis, sexus, conditionis, multitudinem, ad amplectendam Christi crucifixi fidem commovit, quam continuus ille miraculorum conspectus, quæ ab Apostolis eorumque comitibus quotidie edebantur.

XVII. Quæ argumentatio quam certa fuerit ac solida, uberiori nunc XVII. demonstratione clarandum est. Sic autem conficitur: quum miracula, ut monstratione solida. initio diximus ejusmodi operationes sint, quæ naturæ leges superant, divinæ semper omnipotentiae certissima sunt argumenta. Non est autem probabile, ut Deus, qui suprema veritas est, & veritatis studium hominibus

adeo commendat, & ad veritatis cognitionem adsequendam idonea ipsæ media suppeditat, ut ille, inquam, veracissimus Deus omnipotentiam suam nequam hominibus mutuetur ad confirmationem mendacii, & deceptionem piorum ac veritatis amantium. Si quis ergo Dei nomine se venire narret, ut aliquid notabile Dei populo annunciet, si idem doctrinam adferat sapientem, piam, sanctam, Deique virtutibus consentaneam, neque repugnantem ulli anteriori doctrinæ quam olim Deus indubitatis miraculis approbavit; idemque missionem suam tali effectu probet in quo manifeste Dei digitus eluceat: causa dici non potest, cur non talis ille ut à Deo missus fidei obsequio recipiatur. Ad eum vero modum comparata hic sunt omnia. Venit in mundum Jesus, profiteretur se à Deo missum esse ad monstrandam æternæ salutis viam, exponit Moïsis & Prophetarum oracula, illustrat ea clariore mysteriorum elucidatione quam ulla unquam ætate auditum sit, advocat hominum mentes ab omni rerum vanarum studio ad meditationem & quæstionem regni Dei, facit ea omnia quæ maximum Prophetarum, Messiam, facturum esse antiquissimi prænuntiaverunt Prophetæ; tum vero ad missionis suæ confirmationem ea edit prodigia quibus paria nulli ante ipsum Prophetæ ediderunt: obtestor nunc quamvis conscientiam, quo certiori argumento evinci potuerit ipsum ex Deo esse.

XVIII.  
Qua olim  
quoque af-  
ferta fuit  
missio Mo-  
sis.

XVIII. Præsertim quum eadem olim ratione asserta populo Israëlítico Moïsis ad eum missio fuerit. Dicenti enim Moïsi, *at ecce non sunt credituri mihi, neque auscultaturi voci meæ, nam dicent, non apparuit tibi Jehova*, respondet Jehova, instructum eum iri potestate edendi portentum coram oculis ipsorum, *ut credant*, inquit, *apparuisse tibi Jehovaham, Deum patrum suorum*. Si unum portentum non sufficiat, addit & alterum: *hoc fiat*, inquit, *si non crediderint tibi, neque auscultaverint voci tuæ, & signo priori, ut credant voci, & signo alteri*. Imo & tertium subjungit; ut incredulitas, quantumvis pertinax, ad fidei subjectionem edometur. Exod. iv: 1, 2, 5, 8, 9. Neque caruit ea res successu. Nam edente Moïse signa ista ante oculos populi credidit populus. *Nf. 30, 31*. Quod autem Israëlita crediderunt, & credere debuerunt, de Divina Moïsis ad ipsos liberandos missione, ad conspectum trium miraculorum, id etiam de Jesu credi oportuit ad plus quam trecenta miracula. Si Sareptana vidua, cujus filium Elias ex morte suscitavit, eo convicta argumento dixerit ipsi, *jam hoc experior virum Dei te esse, & verbum Jehovah esse in ore tuo verum*. 1 Reg. xvi: 24. quid non Jesu dicere oportuit sceminam illam Nainitidem, quum filium; aut Jairum, quum filiam; aut Mariam & Martham, quum fratrem suum Lazarum, vitæ à Jesu restitutos cernerent? Si Naaman Syrus à lepra sua miraculo curatus, reversus ad virum Dei agnoverit, *nullum esse Deum in tota terra nisi in Israël*, & Elisæum ut magnum illius Dei ministrum veneratus est 2 Reg. v: 15. quid non decuit facere tot leprosos, multo compendiosiore via, solo verbo

verbo & nutu Jesu, sanatos? Ingratissimi profecto fuissent mortalium, nisi in prodigiosa ista Jesu beneficentia Dei manum fuissent exosculati, agnitis in ipso Divinitatis characteribus.

XIX. Nam & illud hic imprimis attendendum est, portentificam hanc <sup>XIX. Vir-</sup> virtutem inter characteres Messiae esse, & pertinere ad <sup>tus porten-</sup> *celaturas* istas, ut <sup>tifica inter</sup> Zacharias loquitur 11: 9. quibus insigniri hunc lapidem oportuit. <sup>characteres</sup> *Jes.* xxxv: 5, 6. Unde factum est ut Jesu tempore omnes ingentem miraculo- <sup>Messiae est.</sup> rum vim à Messia expectaverint; ipsique adeo Pseudo-Messiae, quorum eadem fere ætate vilis annona erat, vix aliter nisi miraculorum jactatione commendabiles se facere conati sint. *Abarbanel* in commentariis ad *Jes.* x. enumerat decem Messiae proprietates, quæ totidem conditiones sint, adeo in Messia requisitæ, ut, si vel una desit, pro Messia haberi non debeat. Harum sexta sunt הנסים והנפלאות שעשה מלך המשיח כנגד הטבע *signa & miracula quæ faciet Rex Messias contra naturam.* Idque probat ex Joël. 11: 18. *Dabo prodigia in cælo & in terra.* Recte, & ex *καταχρησι* veterum. A qua sine dubio recessit *Maimonides* in *Tractatu de Reg. cap. xi.* ubi vetat cogitare, quod Messias necesse habeat signa & prodigia facere, & natura ordinem innovaturus, aut mortuos in vitam revocaturus sit, similiave patraturus, quæ stolidi sibi Christiani imaginantur: quoniam sapientes Judæorum à Ben Cozba, qui se Hadriani Imperatoris ætate pro Messia gerebat, nullum signum poposcerint. At mirum non est, quod nulla admodum prodigia à Messia expectet, qui de Mosis etiam miraculis perquam tenuiter sentit: neque asseverare veretur, in *Tractatu de Fundamentis legis*: *Israëlitas non credidisse Mosi propter ea quæ patravit miracula, quia qui propter signa credit, illius animo facile oboriri potest suspicio, magiam fortassis & præstigias subesse: ideoque Mosén, quæ in deserto fecit miracula, ea fecisse quod necessitate cogeretur, non ut suam inde missionem probaret.* In qua sagacissimum Hebræum fugit ratio. Aliter enim historia sacra habet. *Exod. xiv: 31. Quum vidissent Israëlita opus illud maximum, quod edidit Jehova contra Egyptios, timuerunt populus ipse Jehovam, credideruntque Jehova, & Mosi servo ejus.* Et quorsum quæso pertinebat prodigiosa illa feditioforum poena? Nemo id melius ipso Mose dixerit *Num. xvi: 28. Hac re cognoscetis Jehovam misisse me ad faciendum omnia opera ista.*

XX. Sed ad Jesum redeo. Neque diffiteor, jure quodam suo Judæos <sup>XX. A quo</sup> miracula ab ipso proposcisse, modo modeste & sincero id fecissent animo. <sup>miracula</sup> Quamvis enim, si doctrinæ summam spectes, Jesus, non secus ac Paulus, <sup>petere suo</sup> nihil dixerit extra Mosén & Prophetas; constat tamen, quod, adducto <sup>quodam</sup> per ipsum & in ipso legis complemento, cessaturam veterem œconomiam <sup>jure Judæis</sup> monuerit, locum facturam œconomiae meliori. <sup>licuit.</sup> Quum vero vetus illa, quam antiquandam docuit, indubitatis fulta fuerit miraculis; æquum est ut novam illam suam non minoribus certe, neque paucioribus, muniret: quo Judæorum animus, æquali ad minimum evidentiâ, de posteriore ista

Divinæ voluntatis parte convinceretur. Nec eo in casu miracula miraculis opponuntur, ut alia aliorum valentiam retundant; non magis quam Divina voluntas opponitur sibi. Sed sicuti Deus, pro sapientiæ suæ immensitate, omnia disponens suaviter, quemadmodum unicuique ætati concedet, æterno suo consilio constituit nonnulla ad tempus præscribere, quæ illi temporis consentanea erant, iis vero deinceps alia substituere, convenientiora temporis correctionis: ita eidem placuit tam primam institutionem, quam sequentem correctionem, miraculis firmare, ut utraque pari fidei promptitudine reciperetur. Atque hæc est vera ratio, cur Jesus & Apostoli ipsius, doctrinam suam, in qua Mosæi cultus antiquatio erat, miraculis firmare debuerint; nimirum ut palam facerent, se non minus à Deo missos esse, ad prædicationem Evangelii, quam Moses ad prædicationem Legis. Quod quum factum sit adeo luculenter, & eodem quidem miraculorum genere quod prædefiniverat Jesajas; quid restat, nisi ut eum pro Messia, Prophetarum omnium principe, agnoscamus?

XXI. Cur  
miracula  
sepe sua  
vulgari  
Christus  
vetuerit,

XXI. Disquiri hac occasione meretur, quoniam Christus pleraque miracula sua in multorum hominum conspectu patravit, & eo quidem fine ut Divina ipsius missio ex iis probaretur, cur frequenter & vehementer eorundem divulgationem interdixit? Quomodo enim latere poterat quod turba teste patravit, aut cur patravit in turba, quod cupiebat celari? Et cur celari voluit, quod tantæ ad Judæorum animos convincendos & fidem doctrinæ suæ salutiferæ conciliandam erat efficacis? Nescio an nobis hominibus liceat in arcanas Divinorum consiliorum rationes inquirere; quibus sufficere debebat ad credendum id quod factum est sapientissime factum esse, ob eam rationem quia à Jesu factum, etiam si fortassis facti speciales causas non assequeremur. Attamen, quum plerumque Jesus consiliorum suorum rationes non prorsus celaverit, sed vel factis vel dictis suis, si non palam indicaverit, saltem attendentibus subinnuerit; diligentis nostræ est singula excutere: si forte ad eas rationes intelligendas, & in iis sapientiam Jesu conspiciendam, eniti liceat. Non occurrit equidem generale aliquid quod motis modo difficultatibus tollendis sufficiat: nisi quis hac observatione satisfieri sibi patiat, quod Jesus quorundam signorum à se editorum famam spargi ad tempus noluerit, non quod eam penitus suppressi vellet, sed ut acta radice maturiorem deinde & liberiorem fructum proferrent. Paulatim enim in lucem prodiit, & per certos gradus; neque aliter quam se rebat ordinatum à Patre tempus. In ipsis etiam latebris non ita desinit fulgere ejus gloria, quin in justum suum splendorem magnifice erumperet. Verum satius erit ad specialiora descendere: quia quotquot de hac re Jesu interdicta extant, ea ex circumstantiis singula suis sunt æstimanda: quod si gnaviter fecerimus, non admodum in obscuro manebit sapiens interdicti ratio. Conemur itaque,

XXII. Pri-

XXII. Primum talis interdicti exemplum occurrit Matth. vii 1: 4. **XXII.** Ut Marc. 1: 43. ubi Jesus leproso a se mundato dixisse legitur, *ἔρα μνηδὲν εἰ- in exemplo*  
*πες*, & quidem ut Marcus ait *ἐμβριμῶσάμεν αὐτῶν*, graviter, & cum fre- *leprosi*  
 mitu quasi, interminatus ei. Verum si ad ea quæ sequuntur attendamus, *mundati*  
 manifestum fiet, non esse indictum huic homini perpetuum silentium: sed  
 duntaxat usque dum purgationem sui probasset sacerdotibus, eamque re-  
 statam fecisset doni imperati oblatione. Nimirum non modo volebat Je-  
 sus Divinæ legis retinens videri, quod erat revera: sed & miraculo suo fi-  
 dem fieri ab ipsis sacerdotibus, & tum demum illud publicari. Ut autem  
 fides ei fieret à sacerdotibus, præveniendi erant antequam fama miraculi  
 in Galilæa facti ad Hierosolymitanorum aures perveniret, ne sacerdotes,  
 quorum ea notio erat, invidiæ veneno tacti, aut leprosum eum fuisse, aut  
 à lepra bona fide curatum esse, negarent. Ideo eum Jesus *ἐνθίως ἐξέβαλε*  
 protinus facessere iussit, ne fama anteverteret, & silentium imperavit do-  
 nec se sacerdoti explorandum stitisset, & permissum ipsi esset munus suum  
 offerre; quod non licebat nisi post solemnem sacerdotis declarationem. Ab  
 eo tempore fas sanato fuit in urbem ingredi, & in societate hominum con-  
 versari; quod quum fieret, simul palam fieri necesse erat, eum à Jesu cura-  
 tum esse. Idcirco addidit Jesus, hæc à se ita juberi *εἰς μαρτύριον αὐτοῖς*, ne  
 deinceps ulla specie negari miraculum posset, & ut, dum eorum judicio  
 approbatus munus obtulisset, testimonium contra se haberent, impie se  
 facere quod Christo oblucentur.

XXIII. Alterum indicti silentii exemplum invenitur Mat. ix: 30. καὶ **XXIII.** Εὗ  
*ἀνεβριμῶσατο αὐτοῖς ἰησοῦς, λέγων. ὁρατε, μὴδεὶς γινωσκέτω.* Hic alia *cæcorum*  
 prorsus interdicti ratio est, rursus ex textu elicienda. Duobus cæcis viden- *quibus vi-*  
 di facultatem dederat Jesus. Factum id erat domi, intra privatos parietes, *cultarem*  
*dedit.*  
*Mat. 28.* Idcirco divulgari vetuit, ne fraudis aliqua subesset suspicio, ac si  
 cæci illi, revera non cæci, subornati fuissent abs Jesu aut suis, ut miracu-  
 lose se sanatos esse mentientes illustriorem Jesu famam redderent. Nempe  
 calumniæ & cavillo omni ansam præcidere voluit, certus, miracula quæ  
 in publico faciebat, exceptione omni majora, abunde sufficere ad doctrinæ  
 suæ assertionem, & Patris sui glorificationem, ut non opus haberet quid-  
 quam fœnerari ex iis quæ in privatum paucorum commodum privatim fa-  
 ciebat. Idem fortasse applicari potest surdo illi & muto, quem oblatum  
 sibi ad mare Galilææ *abduxit Jesus à turba privatim*, ibique curavit Marc.  
 vii: 33, 36. Itemque cæco, quem *extra vicumeductum* sanatumque do-  
 mum suam misit, cum interdicto ne in vicum illum ingrederetur, neque  
 cuiquam in vico quæ sibi contigerant enarraret. Marc. vii 1: 23, 26. For-  
 tassiss etiam indignos judicavit vici istius incolas, qui nova miracula vide-  
 rent, aut fieri audirent, ob ingrati & perveracis animi duritiem. Non enim  
 assensum à me impetrant, qui innocua quadam simulatione Jesum usum  
 fuisse

fuisse contendunt, & indixisse silentium ut acueret vulgandi desiderium. Sic enim fere comparatum esse, ut ruamus in vetita, & nihil minus tacere queamus, quam quæ tacere iussi sumus. Cæterum non solet Jesus ad eum cum auditoribus suis modum ludere, aut vetando jubere: & quacunque mente beneficium in se collatum homines isti vulgaverint, ego illos male fecisse non dubito: quum longe sanctius sit simpliciter obedire, quam ex nescio qua *δοκίμοσις* de mandatis Dei pro nostro lubitu arbitrari. Quod quam care olim Sauli constiterit, omnibus notum est.

XXIV. Et hominis, cuius aridam manus est sanata.

XXIV. Tertium exemplum extat Mat. XI 1: 16. ubi homini cuius aridam manum sanaverat, aliisque multis è turba similia expertis beneficia, *interminatus* esse perhibetur, *ne se manifestum facerent*. Quo autem interminatio ista tetenderit, melius cognoscemus, si comparaverimus Marci narrationem Cap. I 11: 1–11, 12. *Et spiritus impuri quum eum conspexerant, accidebant ei ad pedes, & clamabant, dicentes Tu es filius ille Dei. Ipse vero multum interminabatur iis, ne ipsum manifestum facerent*. Observo igitur I. Non generatim, neque diserte, interdicere hic Jesum gratam prædicationem miraculorum curationum quibus quam plurimos beaverat, sive illi dæmoniaci fuerint, sive alii quicunque. Quorsum id vetuisset? Fieri enim non poterat, ut quæ in tanta hominum frequentia faciebat non dispalescerent ad alios, silentibus licet iis quibus silentium impositum esse creditur: Nec verba Domini tale interdictum important. Non vetat ne publicarent miracula, *sed ne se manifestum facerent*, clare enunciantes eum esse Dei filium. Non enim veritatis istius disertam prædicationem tempestivam esse iudicavit, ante sui ex mortuis suscitationem. Matth. XVI: 20. XVII: 9. II. Minime omnium voluisse ut tale sibi testimonium diceretur à spiritibus impuris per obsessos homines loquentibus: ne ullum sibi cum iis commercium esse videretur. III. Si quod de manifestatione Jesu dicitur ad opera etiam ejus miraculosa extendendum sit, observandam hic esse censeo temporis rationem; quam Matthæus indicat. Nimirum conjuraverant jam Pharisei in necem Jesu, neque opportunum arbitratur nequitiam eorum intempestiva miraculorum suorum jactatione provocare, ne ante tempus rabioforum canum instar in ipsum irruerent. Sic ut indicti silentii, & secessionis Jesu, eadem fuerit causa.

XXV. Et Filie Jairi ex morte suscitatz.

XXV. Addi potest exemplum filie Jairi, quam quum ex morte suscitasset Jesus, *multum imperavit domesticis ne quis id resciret*. Marc. v: 43. Luc. VIII: 56. Quorsum illud? Nam tametsi non omnes promiscue ad spectaculum resurrectionis admiserit, non poterat tamen diu latere miraculum. Forte igitur non tam rem ipsam quam modum taceri voluit; & quidem ad tempus. Videmus enim, ut aliis quoque locis quæsierit opportunitatem. Spatium aliquid dari voluit, quo quieti & compositi Dei opus expenderent. Adhuc, noverat Jesus hinc curiositatem vulgi, inde sacerdotum pessime



peffime erga ipsum affectorum invidiam, vulgatione magnorum istorum miraculorum irritari: ut illi nescio ad quem terrenum honorem ipsi præstandum impellerentur, isti vero magis ad insidias struendas accenderentur. Accedit, quod nondum tempus esset quo pro Christo Dei palam ipsum vulgari oportebat. Concludo verbis Grotii: *imperium suum in mortem ipsam molebat hoc tempore evulgari, ut quod post resurrectionem demum ipsius omni mundo esset publicandum. Interim aliqua ejus potentiae signa nonnullis cognita esse voluit, quæ mox ipsi quoque resurrectioni fidem adstruerent.* Non incommode hæc à Viris eruditissimis annotata esse arbitror. Credibile tamen est, alias quoque Christo causas fuisse, & fortasse longe majores, nobis incognitas, cur miracula quædam sua ad tempus publicari interdixerit.

## DISSERTATIO VI. QUÆ EST II.

D E

## MIRACULIS JESU.

Qua

Eorum veritas contra Judæorum & Gentilium exceptiones vindicatur.

## B R E V I A R I U M.

- I. Orobii exceptiones contra miracula Jesu. II. Quæcumque miraculis Jesu obijciuntur, eadem specie opponi possunt miraculis Moïsis. III. Omnes idonei testis conditiones in Apostolis inveniuntur. IV. Et primo quidem accurata rerum de quibus testantur scientia. V. Quam asseverata narratione probant. VI. Dein Probitas ac Fides. VII. Porro omnis proprii commodi abnegatio. VIII. Impetita quidem ab Orobio. IX. Sed improbe, & malitiose. Nam neque honores sibi ex Evangelio polliceri potuerunt. X. Cujus ministerium, quamvis in se dignissimum, cum mundi opprobrio conjunctum erat. XI. Neque ipsis se discipulis suis commendabiles reddere, valuerunt, nisi per demonstrationem spiritus & potentia. XII. Nec divitiarum spe illecti Evangelium promulgarunt. XIII. Denique invictam in veritatis assertionem constantiam malis omnibus opposuerunt. XIV. Quam arrodit quidem Orobio. XV. Sed contra rerum lucem. XVI. Nunquam Paulus Evangelii causam trepide aut dissimulanter egit: nec apud Judæos. XVII. Nec apud Gentiles. XVIII. Talia sunt Christi miracula, ut, si non extiterint, ne fingi quidem potuerint. XIX. Rursus obnitente Orobio. XX. At frustra. XXI. Miracula Jesu celebrata sunt scriptis Hebræorum. XXII. Et Gentilium: ipsius etiam Juliani. XXIII. An & celsi? XXIV. Ea certe ætate crebra adhuc fuisse Christianorum miracula asseverat Origenes. XXV. Et Tertullianus.

Atque

I. Orobii  
exception-  
es contra  
miracula  
Jesu.

**A**Tque hæc quidem de Miraculis Jesu ex Evangelicâ historia simplici sermone differuimus : nunc ea excutiamus quæ tam Judæorum quam Gentilium pervicax opposuit incredulitas. Quæ quamvis & numero multa, & genere diversa sint, ad duo tamen summa capita referri posse videntur. Nam & facta esse negant miracula quæ ab Evangelistis Jesu attribuuntur, & si facta esse concederent, non tamen Divinam ex iis missionem, & doctrinæ veritatem, multo minus ipsius personæ Divinitatem, probari posse contendunt. Primo itaque loco observari jubent, Apostolos, quorum narrationi tota illa miraculorum historia ininitur, plerumque fuisse ex infima plebe homines, nullius apud populares suos auctoritatis & fidei; saltem fuisse Jesu magistro suo obnoxios, & domesticos testes, qui quibus inducti fuerint ad ea narranda rationibus, sive simplicitate sua decepti, sive calliditate sua deceptores; non admodum nunc liquere: certe Judæorum sapientiores neque Jesu viventi credidisse, neque post ipsius mortem Apostolis, quantavis se prodigiorum admirabilitate jactarent; & si qui ipsos sectarentur, ii qui fuerint, aut cujus indolis, & conditionis, neminem nunc nosse: constare autem, quod plerique ex infima plebe fuerint: ceteros fortasse fuisse Samaritanos, & Idumæos, qui nil præter nomen Judæorum habebant. Nec aliud probari, eo quod dixerint se vidisse, audivisse, & manibus palpassse: idem enim dictum esse de miraculis Virginis Mariæ, hostiæ sacratæ, omniumque qui Papistis coluntur Divorum; quibus non minus fidei præstitum est à Romano-Catholicis quam Evangelico, idque per plus quam mille secula (voluit dicere annos); ita credidisse avos nostros, proavos & atavos: quo tempore si quis fuisset oblocutus eum non minus quam pro perfido Judæo aut pessimo hæretico fuisse habendum: quamvis eo tempore exactior fuerit ordo miraculis discernendis quam Christi & Apostolorum ætate: nec à rudi solum incultaque plebecula miracula ista fuisse credita; sed & à Christianis Monarchis, Regibus, Principibus, & viris doctissimis; qui nec falli se credebant, nec alios decipere ex malitia volebant. Vide Orobii tertium scriptum Ad Quart. Lugsit. Numm. III. p. 153.

II. Quæ-  
cunque mi-  
raculis Jesu  
objiciun-  
tur, eadem  
specie op-  
poni pos-  
sunt mira-  
culis Mo-  
sis.

II. Verum enimvero non desunt nobis Christianis quæ Judaicis istis cavillationibus solide reponamus. Et primo quidem mirum merito videri queat, quod animo suo non reputaverint Judæi, eadem quæ miraculis Jesu objiciunt, eadem specie, vel etiam majori, opponi posse miraculis Moïsi. Horum enim ipse unicus testis est: quædam etiam ipsi soli apparuerunt, uti illud de ardente rubo in deserto Midian, quod tamen cæterorum fere omnium fundamentum est: alia partim in Ægypto patrata, omnium artium Magicarum celeberrima sede ac schola; partim in horridis Arabiæ desertis, in conspectu unius populi, & quidem rudis ac stupidi, cui non dederat Jehova oculos ad res sacras perite discernendas: omnia vero crassissimæ caliginis & profundæ ignorantie temporibus facta sunt. Nonnulla etiam causis naturalibus adscribi posse à quibusdam naturæ mystis censentur. Aliorum narratio specialibus premitur difficultatibus, quibus vel

vel solertissimi Hebræorum interpretes vix se expediunt. Nulla tam valida fuerunt in Ægypto, ut Pharaonem de Divina Mosis ad liberandum populum Israëliticum missione convicerint. Nulla etiam tantum effecerunt in deserto, quin frequentes non populi solum Israëlitici sed & procerum querelæ, & murmuraciones, & seditiones contra Mosem auditæ ac visæ sint, quasi non Dei jussu, sed suoapte arbitrio, res populi ac religionis constitueret. Si recentiorum seculorum miracula, non facta, sed ficta, demant aliquid de fide priscorum, prisca illa, quo antiquiora rudibusque & ἀδι-  
 Λοις temporibus propiora sunt, eo minus certitudinis habere videntur. Quæ non eo à me dicuntur, quasi auctoritati Mosaicorum miraculorum quidquam detractum vellem: nos enim Christiani non minori ea admittimus reverentia quam religiosissimus quisquam Judæorum. Sed ut ostendam, suorum se quibus gloriantur miraculorum fidem destruere, dum impugnant nostra (nostra enim censemus quæ Jesu sunt): & ut responsiones ab iis exigam, quibus motæ contra Mosis prodigia difficultates tollantur. Eas si commedas ab ipsis accepero, nihil restabit quam ut eandem Jesu prodigiis applicem: & confecta res erit.

III. At non est cur opem à Judæis poscamus, quum nostræ nobis copiæ III. Omnes  
 sufficiant. Contendimus itaque, non posse meliores rerum à Jesu gestarum idonei tes-  
 testes haberi, vel requiri etiam, quam fuerint Apostoli. Quatuor potissi- stis condi-  
 mum res sunt, quas in idoneo teste, etiam si summo jure experiaris, cum tionibus in  
 ratione exigere queas. I. Accurata rerum de quibus testaturus est scientia. Apostolis  
 II. Probitas & Fides. III. Omnis proprii commodi abnegatio. IV. In- invenia-  
 victa animi in asserenda testimonii veritate constantia. Horum autem ni- tur.  
 hil est quod in Apostolis & Evangelistis non abundantissime extet.

IV. Constat enim fuisse, ex quo semel in consortium Jesu adsciti sunt, IV. Et pri-  
 perpetuos ejus convictores, & non publicarum solum, sed & privatissima- mo qui-  
 rum actionum inspectores; non interdum duntaxat, sed & noctu: sic ut ni- dem accu-  
 hil ipsis latere potuerit eorum quæ à Jesu dicta vel facta sunt. Nisi ipse for- rata rerum  
 tassis quædam eos clam habere voluerit. Sed noluit: habuit enim non ut de quibus  
 famulos, sed ut amicos, quibus indicavit quod à Patre audiverat, & quos testantur  
 constituit ut testes sibi essent & Hierosolymis, & in tota Judæa, & Sama- scientia.  
 ria, & usque ad ultimas terras. Nemini ergo mortalium res Jesu notiores  
 esse potuerunt quam ipsis. Et quamvis simplices artiumque seculi ignaros  
 fuisse fatear; non tamen fatuos fuisse, nec stolidos, omnis ipsorum histo-  
 ria clamat. Multaque sibi comperta fuisse narrant, in quibus fieri non po-  
 tuit ut ulla ratione deciperentur. Taceo nunc quæ omnium testimonio  
 sensuum cognoverunt; quibus si certitudinem abroges, nulla in convictu  
 hominum restabit cognitionis evidentia. Id certe quod in admirabili ista  
 animi sui mutatione experti sunt, quando ex rudibus & illiteratis, quales  
 nuper fuerant, multarum repente linguarum exoticarum, & arcanissima-

rum rerum, incredibili peritia uno momento imbuti fuere, quod ex eo momento per totam ipsis vitam proprium mansit, id, inquam, neque figmentum, neque somnium, neque illusio esse potuit. Hoc autem si verum est, uti est verissimum, consequitur itidem vera esse quæ narraverunt cætera. Ad hæc enim sapienter quibusvis gentibus prædicanda tam stupendo dono instructi fuere. Itaque summa cum fiducia prædicaverunt ea quæ ex quotidiano Jesu convictu erant ipsis compertissima. Neque magis exprobrari ipsis debet quod domestici testes sint, quam Thucydidi, Xenophonti, Polybio, Cæsari, res quibus ipsi ut pars magna interfuerunt summo cum judicio & optima fide exponentibus.

V. Quam  
asseverata  
narratione  
probant.

V. Hinc est quod tanta cum fidei πληροφορία, tanta oris παρρησία, locuti esse deprehendantur, quotiescunque ipsis de actionibus Jesu sermo instituendus fuit. Quam confidenter de se Johannes? Evan. xxi: 24. *Hic est discipulus ille qui de his testatur, & hac scripsit, & scimus firmum esse testimonium ipsius.* Iterumque i Epist. i: 1, 3. *Quod erat a principio, quod audivimus, quod vidimus oculis nostris, quod spectavimus, & manus nostra contrectaverunt de sermone illo vitæ: quod, inquam, vidimus & audivimus id annunciamus vobis.* Quam animose Petrus? ii Epist. i: 16. *Non enim arte compositas fabulas secuti notam vobis fecimus Domini nostri Jesu Christi potentiam & adventum: sed ut qui oculis nostris adspeximus illius majestatem &c.* Enimvero non cadit ejusmodi fiducia nisi in animum probum, optimeque sibi conscium.

VI. Dein  
Probitas ac  
Fides.

VI. Et fuerunt profecto Apostoli, quamvis Evangelii nomine multis exosi, inculpatae tamen famæ viri, quorum vita nulla unquam criminis labefædata, imo ne calumniæ quidem moribus lacerata fuit: sed quam aliis inculcarunt castissimam sanctitatem, ejus in semetipsis exemplum præbuerunt. Homines interim fuerunt, suis etiam infirmitatibus obnoxii; sed in hac ipsa virtutum imperfectione, illiusque confessione, veræ prorsus & inusitatae ingenuitatis argumentum videre est. Apostoli ipsi si quid minus fortiter, si quid curiose, si quid ambitiose, si quid parum apte fecerunt dixeruntve, id in Evangelicam historiam in acta regestum est. Filii Zebedæi, Johannes & Jacobus, dextram & sinistram poscunt in regno Christi. Quis hæc prodere cogebat, arcana domus, & quæ detecta auctoritati suæ detrahare viderentur? Deteguntur tamen. Petrus imprudenter Domino obloquitur, dein labitur turpius, abnegat Dominum, plus vice simplici. Taceri hoc poterat. Attamen Marcus, discipulus ipsius, qui Petro distante Evangelium conscripsisse traditur, victuris æternavit chartis. Quorsum? quum ob alias rationes sapientissimas, tum etiam ne fraus aliqua fieret ingenuitati. Itane animum suum induxissent scribere, si scripsissent aliter quam dictante veritate? Sed & in eo argumentum sinceritatis est, quod de miraculis Jesu differentes circumstantias omnes enarrent, tempus,

tempus, diem, horam; locum, urbem, pagum, domum; personas, viros, mulieres: quæ quo plura, eo ad convincendum faciliora. Si mentiuntur, quid facilius est quam ut coarguantur, qui adversariis ea tela, eos ipsi gladios ministraverunt? Non ita profecto solent quibus volupe est auditorum aut lectorum suorum animos arte compositis fabulis pascere.

VII. Porro  
omnis pro-  
prij com-  
modi ab-  
negatio.

VII. Ad hæc, eo etiam Apostolorum & Evangelistarum fides valide adstruitur: quod non commodi alicujus, non lucri, non honorum spe ad ea tradenda induci fuerint; sed pro diligentiae suæ mercede contraria potius omnia metuenda habuerint, odium plebis & primatum, carceres, flagra, exilia, mortes dirissimas. Locum sane hic habere oportet Ovidii illud *Trist.* III. *Eleg.* x.

*Vix equidem credar, sed quum sint præmia falsi  
Nulla, ratam testis debet habere fidem.*

VIII. Tuendus hic mihi Apostolorum honor est adversus improbas Judæi criminationes, quas tamen non sine indignantis animi horrore adscribo. *Quod Apostoli, inquit, nec famam, nec honorem ex sua prædicatione quæsierint, dubium est: id tamen certum, quod neque famam neque honorem amittere poterant; quippe non habebant. Quum homines infima plebis, & abjectissima fortuna essent, ut constet ex Evangelio, pauperes piscatores, & Paulus coriorum sutor: non enim solent tales proprio decori & fama maxime consulere. Præmium erat pauperibus piscatoribus, pro divinis habitis, omnia tradi, omnia à suis credentibus subjici. Reliquit Petrus tria retia, laceram (fracassatam Barbare dixit) cymbam, stolidos comites: & postea à plurimis præ oraculis ejus verba observabantur. Quocumque diverterent Apostoli, certissimum hospitium. Propterea non erat parvi pretii transitus ab eo misero statu ad divinarum rerum magisterium: & quamvis non apud omnes famam & honorem adquirerent, saltem iis qui suis verbis auscultabant in magno pretio habebantur, ut solent omnes qui nova dogmata introduxerunt: uti ex epistolis Pauli satis liquet. Divitias non adquirebant, quia non nisi inter infimam plebem vagabantur: sed neque aliquas habebant, quas quo Evangelio enunciendo perderent. Saltem commodum victum ex eadem prædicatione consequentur: ut ex plurimis Epistolarum locis constat; si quidem spontanea collationes ab Ecclesiis tunc enascentibus flagitabantur; quas collectæ nemine Paulus appellabat. Atque pro spiritualibus quæ ipse largiebatur temporalia petebat, textum sacra pagine explicans, non obturabis ora bovis trituranter. Fortasse tales gratiæ non erant admodum exigua: si quidem vendebant omnia quæ habebant, & imponebant pretium pedibus Apostolorum. Non erant divitiæ, fateor, sed erat quod sufficeret ut commode vivere possent. Et quanta, & qualia pro hoc solo fine homines cum mortis imminentis periculo committere solent, quamvis experiantur plurimos pro eisdem capitali pœna puniri? nec omnes alieno periculo emendantur. Hæc Orobius Script. III. Num. III. p. 133, 134. Quæ eo tendunt, ut demon-*

VIII. Im-  
petita qui-  
dem ab  
Orobio.

stretur fieri facile potuisse ut Apostoli honorum aut commodorum spe illi Evangelicas historias finxerint.

IX. Sed improbe, & malitiose. Nam neque honores sibi ex Evangelio polliceri potuerunt.

IX. Examinemus singula, ea quæ Christianos pro mansuetissimo Jesu loquentes moderatione ac lenitate decet; attamen & eo zelo quem Deo & Servatori nostro in vindicanda fidelium servorum suorum innocentia debemus. Et de *honore* quidem & *fama* primo dicamus. Quo nomine si intelligat Judæus existimationem, virtutis, probitatis pietatisque studio partam, nullas equidem causas habet cur eam Apostolis derogat: qui, quamvis piscatores, non minus honestæ inter suos famæ fuerunt, quam olim bubulcus Amosus; non tamen vel à Judæis, vel à nobis eo minus pro Propheta habitus. Et habebant sane quod hic *amittere possent*, laudabili ista *Φιλοτομία* ducti ut famam vitæ anteponerent; quod & Petrus ostendit, dum se comitesque suos ab impacto sibi ebrietatis convitio tam accurata apologia purgat. Act. 11: 14. & Paulus, dum satius sibi esse dicit mortem optetere, quam ut gloriationem suam inanem reddi patiatur. 1 Cor. 15: 15. At si per famam & honorem eam Judæus celebritatem intelligat, quæ ex familiæ, opum, aut dignitatum splendore profisciscitur, fateor Apostolos eo non fuisse conspicuos: sed & illud addo, nec potuisse eum sibi splendorem ex Evangelio polliceri. Vide, Judæe, quam ingenue agam. Dabo tibi, quod ne petisti quidem. Fateor, fuisse ipsos olim, quamvis pauperculos, væfana ambitione agitados, ut & ea sibi concupiscerent, quæ sortem suam immensum excedebant. Nimirum habebant id ex genio gentis, præsertim qui ex familia & posteritate Davidis erant, habebant ex genio religionis Judaicæ cui erant innutriti, ut sublimia sibi quæque in hoc seculo a Messia sua pollicerentur: & quum Jesum magistrum suum pro Messia agnoscerent, a quo omnes ad familiare adsciti erant commercium, quem aliqui etiam proximo cognationis gradu attingebant, fieri vix aliter potuit quin quandoque cresceret ipsis animus, & principales sibi opes ac dignitates sponderent. Tantum valebat inolita animis opinio de externo regni Messiae splendore. Mat. 23: 20. Verum postquam accurate à Magistro edocti erant, aliam prorsus regni sui indolem esse, à regnis mundi diversissimam; uti non promissas, ita nec sperandas esse ex Evangelii prædicatione dignitates aut opes; sed vel eo ipso nomine futuros esse communis odii victimas, tam Judæorum quam Gentilium purgamenta & rejectamenta, aut si quid iis vilius nominari potest, stultissime sane fecissent, si honorum spe Evangelii, de cujus divina veritate, secundum Judæum, convicti utique non erant, suscepissent præconium. Nemini fucum blandis pollicitationibus facere. Jesus voluit: eo ipso tempore quo ad Apostolorum suos vocavit, prædixit non quid mundani honoris, sed quantum molestiarum atque afflictionum inde reportaturi essent. Quod & ipsis muneris sui primordiis experti sunt, mox in carcerem coniecti, & virgis objurgati; cum interminatione

interminatione senatus Judaici, ne quidquam post hac in nomine Jesu dicerent facerentve. Nonne stultissimi fuissent mortalium, si contra tam disertas Domini sui præmonitiones, contra propriam experientiam, sub spe dignitatum & honorum, in Evangelio, quod pro figmento ipsi habuissent finguntur, prædicando perrexissent?

X. Audio non parvi pretii transitum esse ab eo misero statu, in quo fuerant olim, ad rerum divinarum magisterium. Nihil verius, certiusve. Verum id in solidum suo debebant Domino, vocanti ipsos ad officium quod omni sacerdotio sanctius, omni regali fastigio sublimius erat; & cuius omnis honor in eo consistebat, quod magni Regis principes ministri erant, ad exuendos miseros mortales errorum & vitiorum laqueis, ad pellendas crassissimas idololatriæ & superstitionis tenebras, ad accendendam novam veræ sapientiæ lucem, ad monstrandam certissimam æternæ salutis viam, & ad multarum animarum ex quavis gente & lingua myriadas ad Unius Dei cognitionem & cultum adducendas. Quo manere quid dignius, quid magnificentius, quid augustius, cogitari potest? Sed omnis ista dignitas plane spiritualis fuit, conjuncta cum contemptu & opprobrio hujus mundi. Quod nemo melius Paulo nostro dixerit: *In omnibus nos approbamus ut Dei ministri, tolerantia multa in afflictionibus, in necessitatibus, in angustiis, in verberibus, in carceribus, in exagitationibus, in laboribus, in vigiliis, in jejuniis, cum castitate, cum notitia, cum ira cohibitione, cum benignitate, cum Spiritu Sancto, cum charitate minime simulata: per sermonem veritatis, per virtutem Dei, per arma justitiæ à dextris & sinistris, per gloriam & dedecus, per contumelia & laudes, ut impositores & tamen veraces, ut ignoti & tamen noti; ut morientes, & ecce vivimus: ut qui castigamur, nec tamen morte afficimur: ut tristes, semper tamen gaudentes: ut pauperes, sed multos ditantes: ut nihil habentes, sed omnia obtinentes.* 2 Cor. vi: 4. & seq. Hæ sunt illæ opum atque honorum lautitiæ quas ex Evangelii prædicatione sperare Apostolis fas erat.

X. Cujus ministerium, quamvis in se dignissimum, cum mundi opprobrio confusum erat.

XI. At habuerunt, inquit, quocumque diverterent certissimum hospitium. Habuerint. Magnumne est hospitio ab iis excipi, ad quos coelo beandos ab extremis terris magno cum discrimine & molestia accesseris? Sed nec semper habuerunt: ejecti aliquando, & cum ignominia expulsi. Pergit: *quamvis non apud omnes famam & honorem acquirerent, iis saltem qui verbis suis assentabant in magno pretio habebantur: eorumque verba observabantur præ oraculis.* Jure meritisimo: erant enim plus quam Prophetæ. Sed scire aveo, qua tandem ratione infimæ plebis homines, pauperesque piscatores, aut coriorum fatores, eam sibi existimationem parere, partamque tueri potuerint, apud homines, si non sapientissimos, certe rationis usum non profusus destitutos. Respondet, *sic solere fieri in omnibus iis qui nova dogmata introducunt.* Profecto neque in omnibus, neque semper aut ubique. Fateor

XI. Neque ipsis se discipulis suis commendabiles reddere valuerunt, nisi per demonstrationem spiritus & potentia.

tamen magnum esse novitatis illicium: sed quando novitas illa à cæcis hominibus exornatur verborum illecebris, & speciosis rationibus. Quæ si defuerunt Apostolis, quo se tandem pacto tot millenis animis insinuarunt? Si adfuerunt, unde stolidi piscatores tantam repente nacti sunt dicendi & persuadendi solertiam? Nimirum hæc res est. Non parum in schola Jesu profecerant; & spiritu ipsius imbuti in alios subito mutati sunt homines, ex piscatoribus peritissimi rerum divinarum interpretes uno momento facti. Quod unum miraculum æquis rerum æstimatoribus sufficere debebat ad fidem cæteris faciendam. Et sic quidem demonstrasse me arbitror, nequaquam Apostolos spe honorum allectos fuisse, ut contra animi sui religionem novum Evangelium prædicarent.

XII. Nec divitiarum spe illeſti Evangelium promulgarunt.

XII. Nunc de *divitiis* videamus. Quarum spem tantum abest ut unquam iis fecerit Dominus, ut potius ad domos & agros cæterasque possessiones suas deferendas hortatus sit. Neque abnuvit Judæus. *Saltem commodum victum*, inquit, *ex prædicatione sua consequuntur*. Sed eundem ante sua consecuti fuerant piscatione: in qua si pergere licuisset, habuissent fortasse, si non *Plus dapis, at rixæ multo minus invidiaque*. Præterea tunc *collectæ*, inquit, *ab ecclesiis enascentibus flagitabantur*. Flagitabantur. Sed in usum *pauperum*, non *Apostolorum*: ad quos vel teruncium ex iis pervenisse, non probabit Judæus. Habebant sane sibi flagitandi jus: nam æquum est ut qui Evangelio serviunt ex Evangelio vivant. Sed jure isthoc suo Paulus, in quem potissimum hæc vibrantur spicula, parcissime usus est, uti prolixè protestatur 1 Cor. ix. nec unquam vincetur falsi; quum manibus ipse suis aliquoties victum sibi parare maluerit, quam ut oneri esset Ecclesiis 1 Theſſ. ii: 9. In collectarum autem distributione quam fuerit circumspectus, ex eo liquet, quod socium sibi peregrinationis omniumque actionum suarum, nominatim in re ista nummaria, testem sumserit, qui ad id suffragiis Ecclesiarum delectus erat: *vivantes*, ait, *hoc, ne quis nos vituperet in hac ubertate quæ administratur à nobis: ut qui procuremus honesta, non solum in conspectu Domini, sed etiam in conspectu hominum*. 2 Cor. viii: 19, 20, 21. Pergit Judæus: fortasse tales gratiæ non erant valde exigua: siquidem vendebant omnia quæ habebant: & imponebant pretium pedibus Apostolorum. Nonne hoc erat satis honorificum & proficuum? Malignè admodum, & invidiosè. Proficuum Apostolis fuisse nego. Nam distribuiebantur illa bona *egenis, prout cuique opus erat*. Honorificum fuisse, concedo, quod ea probitatis estimatione homines Galilæi apud Hierosolymitanos essent, ut bonorum suorum in pauperes distributionem nullorum fidei securius committi posse arbitrarentur. Quem tamen honorem mox sponte sua Apostoli deposuerunt, substitutis sibi septem diaconis ab ipso coetu deligendis; partim ut eo liberius vacarent precibus & administrationi sermonis, partim ut omnem *πλεονεξίας* speciem ac suspicionem longissime a se amolirentur. Poruitne quidquam honestius?

XIII. De-



XIII. Denique Apostolorum de miraculis Jesu testimonio fidem concipiat invicta ipsorum in ejusdem veritatis assertione constantia; nullis vel Judæorum vel Gentilium minis, nullis cruciatibus, nulli denique mortecedens. Non eo solum adduci nunquam potuerunt ut quidquam priori testimonio suo contrarium affirmarent; sed ne quidem ut silerent veritatem de qua erant persuasissimi, cujusque propagationem tanti ad generis humani salutem momenti esse credebant. Notior ea res est, quam ut ulteriore deductione indigeat. Jam vero ut quis sensus sui compos talia toleret ob conceptam animo opinionem, fieri fortasse possit: at ut ob falsum, quod falsum esse norit, tam dura pati velit, non unus aliquis, sed plures, quorum id credi nihil interfit, res est plane incredibilis. Ullusne ex omni hominum memoria monstrari poterit Historicus, qui ad fidem narrationi suæ adstruendam tantum unquam cruciatuum subire animum induxerit? Vide fodes quæ in hanc rem prolixè, eleganter & fortiter disputavit *Eusebius Demonstr. Evangel. Lib. III. Cap. v.*

XIV. Mirum est quantopere hæc extenuentur ab *Orobio*, cujus proluxa commentatio huc denique redit pag. 134. „Vitæ periculum Apostolis haut adeo magnum fuisse: nullum enim timuisse nisi in Judæa, quam propere fugientes ad Græcos recurrerint. Porro nec a Græcis, nec a Romanis manis multum fuisse metuendum, quippe qui in novis diis novoque cultu admittendo non fuerint oppido scrupulosi. Accessit, quod Christiani Judæis accenserentur, & pro peculiari aliqua Judæorum secta haberentur: Judæis vero non obstante religione sua secure inter gentes habitare ea tempestate licebat. Tum & Apostolos non sine fraude ac dolo impendentia sibi pericula evasisse: quod Pauli exemplo liquere possit; qui coram Festo ac Agrippa causam dicere coactus, omnia sibi impacta strenue negavit, causatus nihil se contra circumcisionem aut patrios ritus docuisse, sed in Judæorum odium incidisse quod mortuorum resurrectionem prædicaret, & poenitentiam confuleret, & cœlestem quandam visionem sibi contigisse memoraret: quum tamen vera odii causa esset, quod Jesum crucifixum Messiam esse contenderet, populumque a circumcissione cæterisque legalibus averteret. Ecce, inquit, quomodo pro viribus periculum effugerint. Eadem arte usos esse pugnant inter gentes: non enim publice contra Deorum cultum esse concionatos, asserentes Deos gentium falsos esse Deos, & nequaquam adorandos: profelytis quidem suis hoc religionis arcanum instillasse, ubi tuto fieri poterat; sed & ipsum latenter & maxima cum prudentia: at nunquam professos esse publice, non in foro, non in plateis, non coram sacerdotibus & principibus, à quibus puniri possent: ideoque si qui ex profelytis creditum id sibi arcanum revelabant eos falsos fratres dictos fuisse. Hinc factum esse, ut quando Paulus Ephesi argentarios urgebat, divinitatem imagine re-  
„ præsentari

„ præsentari non posse, discipulus quidam ejus, captus à populo, excusa-  
 „ tus fuerit à judice, pronunciante nihil istum hominem peccavisse, quum  
 „ nec contra Deam suam nec contra templi majestatem quicquam fuerit lo-  
 „ cutus. Ex quo, inquit, evidenter colligitur, idololatriam gentium nun-  
 „ quam clare & publice palam omnibus reprehendisse, aut ut profanam  
 „ damnasse. Aliud enim est filium Dei natum, & injuste mortuum, & ex  
 „ mortuis suscitatum enunciare, qualibus narrationibus assuetæ erant gen-  
 „ tes: aliud, asserere omnes gentium Deos falsos esse & adoratione indi-  
 „ gnos. Profecto si hoc aliquando publice fecissent, mox fuissent crucifixi.  
 „ Sed nunquam hoc ausi fuerunt tentare. „ Hæc summa est Orobianæ di-  
 „ sputationis: qua contendit, non tantam fuisse, quantam nos credimus,  
 „ Apostolorum in asserenda veritate constantiam.

XV. Sed  
 contra re-  
 rum lu-  
 cem,

XV. Sed & hæc ærugo mera & succus atræ loliginis sunt: uti ex sin-  
 gulorum examine constabit. Quantum vitæ periculum non in Judæa so-  
 lum, sed ubivis terrarum, Evangelii causa Apostoli subiverint, ex uno  
 Paulo constare potest, labores, plagas, carceres, mortes toties experto:  
 qui a Judæis quinquies accepit quadragenas plagas minus una: ter virgis  
 cæsus fuit, semel lapidatus, ter naufragium fecit, noctem ac diem in pro-  
 fundis egit; in itineribus sæpe fuit, in periculis fluminum, periculis latro-  
 num, periculis a gentilibus suis, periculis a gentibus, periculis in civitati-  
 bus, periculis in solitudine, periculis in mari, periculis inter falsos fratres,  
 & quæ ejus generis plura diserta oratione memorat 2 Cor. xi: 23. Quæ  
 omnia obsequioso redimere potuisset silentio, & quietam honoratamque  
 apud suos ætatem exigere. Verum quidem est, licuisse Judæis in medio  
 gentium sine discrimine habitare; neque diffiteor Christianos aliquando  
 Judæis accensitos fuisse. Sed & illud verum, Judæos, insanæ adversus  
 Apostolos eorumque discipulos odio flagrantés, calumniis suis & crimina-  
 tionibus innocentissimos homines apud gentiles traduxisse ut pessimos se-  
 ductores, & turbatores orbis terrarum, ac pestes denique generis humani.  
 Act. xxiv: 5. At si quidquam, illud est falsissimum, astu usos esse Apo-  
 stolos, & dissimulasse veritatem, ut evaderent pericula. Prædicarunt mira-  
 cula Christi in plateis Hierosolymæ, in foro, in templo, in ipso senatu Ju-  
 daico. Examinantur ab Anna Pontifice Maximo, & Cajapha, & quotquot  
 erant ex genere Pontificio, ab eodem denique Synedrio quod Jesum neci  
 dederat. Respondent intrepide quod res erat. Interminatur iis senatus, ne  
 ulli post hac hominum loquantur in nomine Jesu. Petrus & Johannes  
 nulla circuitione usi, vos ipsi ajunt judicate, justissime sit in conspectu Dei vobis  
 potius auscultare quam Deo: nos enim quod attinet, non possumus non loqui ea  
 quæ vidimus & audivimus. Quid sit? dimissi a senatu loquuntur sermonem  
 Dei cum libertate: eumque plurimis & inauditis confirmant prodigiis.  
 Ringuntur invidia sacerdotes, Injiciunt manus in intrepidus Evangelii  
 præcones,

præcones; compinguntque in carcerem. Sed hi catenis ab Angelo exuti remeant in templum, docentque ut antea sermonem vitæ. Iterum ad senatum adducti, severeque a Pontifice increpiti, animose respondent, *Deo potius obediri oportere quam hominibus*. Virgis etiam cæli gaudent & Deo gratias agunt, quod digni habiti essent, qui pro nomine Jesu contumelia adficerentur. Et quotidie in templo & domatim non cessabant docere & evangelizare Jesum Christum. Act. iv. & v. Hoccine est hominum latebras quærentium, quibus cum præjudicio veritatis se adversus procerum crudelitatem abdant?

XVI. At Paulus, inquit. Quid, Paulus? Illene unquam prævaricatus est in caussa Jesu, ullave trepidantis nec constantis sibi animi signa edidit? Imo, inquit, propter legalium prævaricationem accusatus, omnia de quibus accusabatur negavit. Quid ni, si falso accusaretur? Sed accusatus est falsissime. Comperimus, sic accusator Tertullus, hunc hominem esse pestem, & qui moveat seditionem omnibus Judæis per orbem terrarum, & principem hæresis Nazaræorum: qui templum quoque tentavit profanare. Mera mendacia, si unum illud de hæresi quam vocat Nazaræorum exceperis. An non licuit Paulo pro sui defensione dicere, nihil horum de quibus accusabatur probari ab accusatoribus posse? quippe quem non invenerint in templo cum aliquo disferentem, neque coitionem turbæ facientem, neque in Synagogis, neque in urbe. Quum vero eo provecta est oratio, ut ad id quod de Nazaræorum hæresi cavillatus fuerat Tertullus respondendum foret, quod sane præcipuum erat; an hic trepidat Paulus? an subterfugit? an latebras circumspicit? Nihil minus. Hoc, inquit, tibi fateor, me secundum viam illam, quam hæresis dicunt, ita colere patrium Deum: quibus verbis præclaram totius Christianismi professionem edidit. Sic causam apud Felicem egit Act. xxiv. Quo modo apud Festum Præsidentem, & Agrippam Regem? Pari animi & sermonis fiducia. Jesum, Jesum Nazaræum prædicat, cujus doctrinam supra modum furens olim fuerat persecutus, qui ipsi minas mortesque spiranti in via e coelo fuerat conspectus, jusseratque testem esse eorum quæ viderat, & eorum in quibus porro ipsi esset appariturus. Hujus Jesu passiones, mortem & resurrectionem ex morte, uti Judæis gentibusque annuntiaverat, ita nunc rursus tanta animi contentione, tanta orationis vehementia, celebrat, ut Festus ipsum insanire clamaret, Agrippa verò fateretur, propemodum sibi persuaderi ut Christianus fieret. Iterum rogo, hoccine est causam Jesu tepide ac trepide agere?

XVII. Verum, inquit, Gentilium idololatriam palam, publice, in foro, in plateis coram sacerdotibus & principibus redarguere ausus non est. Non ausus? Quid ergo est quod Lystris fecit, quum Jovis sacerdotem cum tauris vittatis ad sacra facienda accedentem cerneret? inclamaretque ut à vanis rebus converterent se ad Deum illum vivum qui fecit cælum, & terram, & omnia quæ in iis sunt. Cui sanctissimæ doctrinæ quum favere debuissent Judæi ex Meletem, Leid. L I Antiochia

XVI. Nunquam Paulus Evangelii causam trepide aut dissimulanter egit: nec apud Judæos.

XVII. Nec apud Gentiles.

Antiochia & Iconio venientes, maluerunt turbam ad Paulum lapidandum concitare, ut & extra urbem traxerint, existimantes esse mortuum. Act. xiv. Quomodo non in urbe solum Ephesina, sed & per Asiam universam, contra idololatriam declamaverit, & quo successu, doceat Demetrius ille Act. xix: 26, 27. *Speſtatis & auditis Paulum iſtum non ſolum Ephesiſinam, ſed prope totius Aſia multam turbam perſuadendo avertiſſe, dicentem Deos illos non eſſe qui manibus ſiant. Non ſolum autem periculum eſt, ne iſtud quod nobis eſt peculiare nobis probroſum evadat, ſed etiam ut Magna Dea Diana templum pro nihilo reputetur, futurumque ſit ut etiam deſtruatur majeſtas ejus, quam Aſia tota & orbis terrarum colit.* Quam prolixè etiam increpuit Gentilium Idololatriam in ſuis ad Romanos, ad Corinthios, ad Galatas, ad Ephesios, epistolis? Nonne idem graviffima oratione Petrus fecit, dum ἀθεμίτας εἰδωλαλατρείας detestatur i Epist. cap. iv: 3. Imo apud disciplina ſua myſtas; ait Judæus, ἀ quibus nihil metuendum habebant mali. Sed quales Apoſtoli in Epistolis fuerunt, tales etiam erant in prædicatione. Et Epistolæ ipſæ non intra paucorum ſervabantur conſcientiam, ſed prælegebantur publice, & volitabant per ora & manus virorum. Denique quibus magiſtris ipſi illi Chriſtiani, olim gentiles, de idolorum vanitate fuerunt convicti, niſi Apoſtolis? qui dogmata ſua non inſufurrarunt auribus, ſed ex Domini mandato prædicarunt in tectis. Neque proſecto hæc arcana quadam erant, paucorum fidei commiſſa; quæ qui temere in vulgus efferebant falſorum fratrum diſterio notabantur; quod Judæus ſomniat: ſed erant τὰ τῆς κοινῆς σωτηρίας, omnibus qui ſalvos ſe fieri poſtulaſſent ex æquo ſcienda, credenda, obſervanda; ideoque ſine diſcrimine publicanda. Falſi autem fratres Paulo ſunt Pſeudo-Judæi quidam, qui ſub nominis Chriſtiani profeſſione male ſanis dogmatibus Eccleſias turbabant, interimque Judæis ſe aſſimilabant, ne ob crucem Chriſti perſecutionem paterentur. Gal. vi: 12. Atque hac quidem ratione Apoſtolorum in tradendis Jeſu miraculis fidem & auctoritatem contra recentiffimas Judæi exceptiones ſatis me aſſerviffe arbitror.

XVIII. Talia ſunt Chriſti miracula, ut, ſi non extiterint, ne fingi quidem potuerint.

XVIII. Ea proſecto talia fuerunt Jeſu & Apoſtolorum miracula, ut, ſi non extiterint, nec fingi poſſe videantur. Quippe non in uno loco facta, ſed pluribus; non in hypogæo, ſed frequenti foro; inſpectante toto populo, & in populo multis eruditis, qui ut Chriſto illiusque diſcipulis male volebant, ita cuncta ipſorum opera obſervabant; eademque ſæpe repetitis; & quorum effectus non momentanei fuere, ſed permanentes, ne quis præſtigias fuiſſe cauſſetur. Eo etiam tempore & loco memorata, quo facta ſunt. Non enim in Judæa de rebus in India geſtis locuti ſunt Apoſtoli & Evangeliftæ; ſed ad portas urbis, apud Berhaniam & Bethſaidam, in ſuburbiiis, in urbe ipſa, eo vico, ea porta, ea piſcina. Vivebant teſtes, videbant cæci, loquebantur muti, ambulabant mortui. Quisquamne tam impudenti præditus eſt mentiendi lubidine, ut tam aperte falſa, ſi falſa ſunt, fingere auſit, & credi ſibi poſtulet?

XIX. Re-

XIX. Regerit Judæus, quod in eo loco ubi hæc fuisse narrantur fidem non prastiterint Judæi, si quidem Christum crucifigendum tradidere, & pauci vel nulli ipsi viventi credidere. Post vero etiam paucissimi. Postea & synagogis, & per totam Græcam & Romanam ditionem Paulus & discipuli ab Judæis abjicebantur: & unus vel alter infima plebis dicitur eam novam doctrinam secutus, toto Israël penitus negante, vel etiam despiciente. p. 132, 133. Alibi aliquanto disertius: si miracula hæc aut similia fecissent Apostoli in omnibus regionibus quibus Judæis Evangelium enuntiabant, fortassis persuasi fuissent ad credendum: tamen verisimile est talia non egisse, siquidem pugnis & verberibus eos frequenter ex Synagogis ejiciebant. Profecto Rex ille Pharao Moſen ita rigore tractare non ausus fuit, quamvis ab eo totum regnum desolatum atque everſum periclitatus fuerat. Sed abs dubio Judæi nil viderant Divinitus effectum quo ad legem diverſam accipiendam dimoverentur. p. 92.

XIX. Rurſus obniente Orobio.

XX. Cæterum hac quoque in parte ratio Judæum fugit. Non enim, uti par est, distinguit inter res natura sua diversas. Potuerunt Judæorum multi convicti esse de veritate miraculorum Jesu, & convicti fuerunt revera; etiamſi non crederent idcirco ipsum esse Prophetam de cælo miſſum, & promiſſum patribus Meſſiam. Enimvero non turbæ ſolum ad miracula iſta in omnibus propemodum Judææ urbibus ſtupuerunt, ſed & proceres faſſi ſunt ea a ſe negari non poſſe, & invidia perciti quidvis ſibi potius tentandum putaverunt, quam ut rem ſic ſinerent abire. Coëgerunt primarii Sacerdotes & Phariſæi concilium, & dicebant, *Quid agemus? Nam hic homo multa ſigna edit. Si omittamus eum ita, omnes ei credent: venientque Romani, & delebunt tum locum noſtrum, tum gentem.* Joh. xi: 47, 48. Idem & Apoſtoliſ accidit: de quibus integer Judæorum Senatus, *quid faciemus hominibus iſtis? conſpicuum enim ſignum editum eſſe per eos manifeſtum eſt omnibus habitantibus Hieroſolymis, nec id poſſumus negare.* Act. iv: 16. At ſi ita ſe res habeat, qui factum eſt ut non crediderint Jeſu vel Apoſtoliſ, niſi oppido pauciſſimi? Primum non adeo pauci fuerunt; ut Judæus narrat. Aliter Phariſæi inter ſe dixere, vivente Jeſu, *videtiſne nos nihil proficere, ecce mundus ipſum ſecutus eſt.* Quod credibile eſt ſua ipſos lingua ſic dixiſſe, כולו עלימה אול בתרייה Joh. xi: 19. Aliter compertum eſt, Jeſu mortuo. *Vides, frater, quot ſunt millia Judæorum, qui crediderunt: ſuntque omnes accenſi zelo legis,* ait Jacobus Paulo in ipſa urbe Hieroſolymitana. Act. xx: 20. Unde apparet & plurimos fuiſſe qui in Jeſum crederent, eosdemque optime erga Moſis legem animatos; non Samaritanos, aut Idu-mæos, qui nihil præter nomen Judæorum habebant, uti alibi cavillatur. Deinde quod ex proceribus pauci doctrinam Jeſu ſuſceperint, licet miracula ipſius viderent, ortum eſt ex præjudiciis quibus jam a longo tempore imbuti erant; ex odio & invidia quæ mentes obnubilabant; denique ex fatali illa gentis cæcitate, ſtupore ac pervicacia, quibus ſub id ævi ipſam

XX. At frustra.

laboraturam esse toties prædixit Jesaias VI: 9. XIX: 10. XLII: 18, 19, 20. LIII: 1. Non tamen eo deveniunt, ut miracula Jesu vel Apostolorum prorsus negarent: sed ea vel Magiæ & artibus Diabolicis, vel alteri cuiunque causæ, adscribere maluerunt, quam ut pro Divinæ missionis argumentis agnoscerent. *At certe, inquit, si talia conspexissent miracula, non ausi fuissent Christum crucifigere, quod ne Pharaon quidem adversus Moysen ausus est.* Sed de Pharaone videtur esse oblitus, quod præsentem Mosi mortem intentaverit, si ad eum conspiciendum rediret. At ego missum faciam Pharaonem: id solum in memoriam revocabo, quod contra Moysen ausi sunt, non Pharaon Tyrannus, non hostiles Ægyptii, sed Israëlitiæ, ipsi, inquam Israëlitiæ, fratres Mosi, qui tot ejus miracula, in ipsorum favorem edita, tanta cum admiratione conspicati fuerant: hi ipsi Israëlitiæ, & ipsorum proceres, quales erant Core, Dathan, & Abiram, in Moysen surrexerunt, eum ut Tyrannum populique seductorem calumniati sunt, imo fuit quum de ipso lapidando consilia inirent. Exod. XVI: 4.

XXI. Miracula Jesu & Apostolorum celebrata sunt scriptis Hebræorum.

XXI. Porro tanta fuit miraculorum a Jesu & Apostolis patratorum claritudo, ut tam in *Hebræorum*, quam in *Gentiliis*, quamvis juratorum hostium commentariis eorum extet memoria. Memorabile est quod Raimondus in *pugione fidei Part. II. Cap. VIIII.* allegavit ex *Midras Cobelet*, & *Aboda Zara*: ubi narratur, *Rabbini quendam Eleazarum filium Damab, morsum fuisse a serpente, & venisse ad ipsum Jacobum virum de villa Seebania ad curandum eum ex nomine Jesu filii Pandera; sed scrupulum Eleazaro injectum esse a R. Ismaele ne id fieri permetteret.* In quem Raimondi locum observavit Josephus de Voisin, vir doctissimus & candidissimus, in editis exemplaribus *Midras Cobelet* non legi nunc, in nomine Jesu, sed בשם פלוני in nomine Talis. Verum id de nomine Jesu intelligendum esse colligit ex glossa Talmudica ad cap. II. *Aboda Zara*: ubi dicitur, יקריב איש בפר שבניו מתלמידי ישו, *Jacobus vir ex villa Seebania, ex discipulis Jesu.* Aperte vero glossa *En Mishpa* de nomine Jesu exponit. בא לרפואת בשם רבו ישו *Venit ut sanaret eum in nomine Jesu Magistri sui.* Unde claret, discipulos Jesu eo tempore ægros in nomine Domini ac præceptoris sui curavisse.

XXII. Et Gentilium: ipsius etiam Juliani.

XXII. Hæc *Hebræi*. E *Græcis* autem *Julianus* desertor, etiam tum quando ex professo Christianos impugnât, & facta Jesu extenuat, miracula tamen ipsius negare non sustinuit. Ipsa callidi Imperatoris verba dabo, prout extant apud *Cyrrillum Lib. VI. p. 191. edit. noviss. Lipsiensis.* ὁ δὲ Ἰησοῦς ἀναπέσας τὸ χεῖρις οὖν τῶν παρ' ὑμῖν ὀλίγοις πρὸς τοὺς τριακοσίοις ἐν-αυτοῖς ὀνομάζεται, ἐργασάμενος παρ' ὃν ἔζη χρόνον ἔργον ἔδει ἀκοῆς ἀξίον. εἰ μὴ τις διέται τὰς κυλλὰς καὶ τυφλὰς ἰάσασθαι, καὶ δαιμονώοντας ἐφορᾶ-ζειν ἐν Βηθσαῖδᾳ καὶ ἐν Βηθανίᾳ ταῖς κάραις τῶν μεγίστων ἔργων εἶναι. *Jesus autem paucis vestrorum ac deterrimis quibusque persuasus, trecentos aut circiter annos celebratur. Hic toto vite tempore nihil admodum memoratu dignum egit.* Nisi

*Nisi quis claudos ac cecos curare, & demonio correptos adjurare, in pagis Bethsaida & Bethania, magni alicujus facinoris numero habeat.* Videte vclanum hominis in Christianos odium: quod effecit ut tam contemtim de utrisque loquatur, & ea, quæ negare non audet, extenuare præter omnem rationem conetur. Sed & videte vim veritatis, quæ invitis etiam pectoribus sui confessionem extorquet.

XXIII. Simile quid in *Celfo* deprehendere visi sunt Viri eruditissimi, ut qui pariter confessus sit Jesum cæcos & claudos curavisse. Sed, ut verum fatear, dubitare licet an non justo liberaliores hac in parte sint. Operæ pretium me facturum esse arbitror, si ingenuitati litans, & ne juniores crebra hujus loci allegatione in fraudem inducantur, integrum Origenis contextum describam. Is sic habet *Lib. 11. contra Cels. pag. 87. editionis Spenceriana.* Πολλάκις δ' ὁ Κέλσος ἤδη μὴ δυνάμεν ἀντιβλέπειν αἰς ἀναγέγραπται πεποιημένα δυνάμεσιν ὁ Ἰησοῦς διαβάλλει αὐτὰς ὡς γοητείας. Καὶ πολλάκις τῷ λόγῳ, κατὰ τὸ δυνατόν ἡμῖν ἀντείπομεν. καὶ νῦν δὲ φήσιν οἰονεῖ ἡμᾶς ἀποκρίνεσθαι ὅτι διὰ τῆς ἐνομίσαμεν αὐτὸν εἶναι υἱὸν θεοῦ, ἐπεὶ χολᾷς καὶ τυφλῆς ἐθεράπευσεν. προσίθῃσι δὲ καὶ τὸ, ὡς ὑμεῖς φάτε ἀνέστη νεκρῶς. Illud non novimus est *Celfo*, dum non valet virtutibus quæ a Jesu facta prodiciuntur resistere in faciem, calumniari eas quasi prestigias: ad quod jam sæpe respondimus ut potuimus. Addit ex *NOSTRA PERSONA*, ipse sibi respondens; ideo nos putare eum esse Dei filium, quia claudos & cecos curavit: & quia resuscitavit mortuos, sicut vos, inquit, *CREDITIS*. Quibus verbis contineri videtur non quod *Celsus* dat, sed quod Christiani sibi sumunt. Cæterum perinde nobis est, quid *Celsus* vel negaverit vel fuerit passus.

XXIV. Id certum est, *Celsi* ætate crebra adhuc fuisse apud Christianos in Jesu nomine patrata miracula. Non enim ea impudentia fuit *Origenes*, cum tam arguto tantæque auctoritatis disputans adversario, ea se vidisse asseveraret, quæ nusquam tunc gentium existere constabat. Sic autem ipse scribit *Lib. 111. p. 124.* In his, qui credunt Jesu, quidam in signum acceptæ per fidem virtutis mirificæ sanat egrotos, invocato tantum super eos universorum Deo, ac Jesu nomine, recitataque de rebus ejus quæpiam historia. Τῶν τοῖς γὰρ καὶ ἡμεῖς ἐωράκαμεν πολλὰς ἀπαλλαγέντας χαλεπῶν συμπτωμάτων, καὶ ἐκστάσεων, καὶ μανιῶν, καὶ ἄλλων μυρίων, ἅπερ ἔτ' ἀνθρώποι ἔτε δαίμονες ἐθεράπευσαν. Vidimus enim ipsi multos sic liberatos à gravibus malis, alienatione mentis, insania, aliisque innumeris, quibus nunquam homines vel demones opem attulerunt.

XXV. Imo eousque confidentiæ procedit *Tertullianus*, ut ad ipsa gentium tribunalia provocet, neque vereatur Christianos noxæ dare, nisi suam in demones potestatem iudicibus publicis probent. Sic enim ille *Apol. Cap. xx111.* Edatur hic aliquis sub tribunalibus vestris, quem demone agi confitet: jussus a quolibet Christiano loqui spiritus ille, tam se demonem confitebitur

de vero, quam alibi Deum de falso. *Æque producat*ur aliquis ex iis qui de Deo pati existimantur, qui aris inhalantes numen de nidore concipiunt, qui ructando curantur, qui anhelando profantur. *Ista ipsa virgo caelestis, pluviarum pollicitatrix; iste ipse Æsculapius, Medicinarum demonstrator, alias demerituris Scordii & Donatii & Asclepiodoti subministrator, nisi se demones confessi fuerint, Christiano mentiri non audentes, ibidem illius Christiani procacissimi sanguinem fundite. Quid isto opere manifestius? quid hac probatione fidelius? Simplicitas veritatis in medio est. Virtus illi sua assistit, nihil suspicari licebit, magia aut aliqua fallacia fieri. Distis non stetis, si oculi vestri & aures permiserint vobis. Quid confidentius, quid animosius dici potuit? Multa alia, & quidem illustrissima, Justinii Martyris, Irenæi, Cypriani, Lactantii, aliorumque ad miracula suis adhuc temporibus frequentata passim provocantium, testimonia brevitate causa omitto. In ipso Niceno Concilio aliqui adhuc comparuisse narrantur Episcopi miraculis incluti, Paphnutius Thebaidis, qui vix Apostolis cessisse dicitur *Ruff. Lib. I. Cap. IV.* Spiridion *ibid. Cap. V.* Jacobus Nisibensis. *Theodor. Lib. I. Cap. VII.* Eo autem tendunt hæc omnia, ut, nisi omnis historiarum fides è mundo petiisse censenda sit, de miraculis à Christo & sectatoribus ipsius præstitis nulla ratione dubitari posse appareat.*

## DISSERTATIO VII. QUÆ EST III.

DE

## MIRACULIS JESU.

Qua

Argumentum pro adstruenda Evangelii veritate inde petitum,  
adversus Gentilium & Judæorum objectiones  
vindicitur.

## B R E V I A R I U M.

- I. Absurde Miracula Jesu attribuuntur virtuti alicui Magica. II. Nunquam paria iis fecerunt gentium Dii. III. Multo minus homines, Deorum monita. *Vespasiani historia.* IV. Fraudis convicta. V. Qui similis illa *Adriani.* VI. Et *Pyrrhi.* VII. *Apollonius Tyaneus*, iniqua comparatione Christo collatus. VIII. Insignis impostor. IX. Imaginarius Propheta. X. Et ridiculus præstigiator. XI. *Philostatus* autem facundus nugator. XII. *Orobii* objectiones. XIII. Præmonitio Dei contra miracula falsi Propheta *Deut. XIII.* exponitur. XIV. Ea Jesu nostro applicari non potest. XV. Quid enim non jussit colere sub alia idea quam *Moses.* XVI. Neque leges *Mosaicæ* speravit ut inutiles: sed eas perfectissime implevit. XVII. Conclusio.



**H**actenus Miracula quæ Jesu in Evangeliiis attribuuntur vere ab ipso facta esse, contra adversantium exceptiones, evicimus. At vel hoc ipso dato, nondum tamen vicisse Christianos, tam Judæi, quam Gentiles cavillantur, quum portentosa illa a Christo aut Apostolis facta, virtuti alicui *Magica* adscribi queant. Rancida calumnia, ab ipso Jesu in Evangelio olim explosa, atque omni prorsus colore destituta: quam à Judæis reponi, præter omne decorum est. Nonne vident miseri, majore cum veri specie suo id Mosi objici posse, qui omnibus Ægyptiorum artibus, in quibus principem locum Magia habet, innutritus imbutusque fuisse perhibetur? Jesu autem nostro ecquid unquam cum Magis, sceleratissimis hominibus, commercium fuit? Adde, quod doctrina Christi, cui probandæ opera ista adhibebantur, malis spiritibus plane adversetur, hominesque avocet ab eorum cultu, & ab omni morum immunditia, qua tales spiritus impenſe delectantur. Et quantumcumque valuerit olim magia, quæ tamen, *Curtio* judice, *non tam ars est quam vanissimi cujusque ludibrium*; constat utique invicta Christianismi valentia vim illius plurimum fractam atque imminutam esse. Vide sodes quæ in hanc rem prolixius a me disputata sunt in *Diatribæ de Legione Fulminatrice* §. xxxiv. & seq.

I. Absurde  
Miracula  
Jesu attri-  
buuntur  
virtuti ali-  
cui Magi-  
cæ.

II. Faceſſat itaque inepta iſta de magicis Jeſu artibus calumnia. Attamen, inquiunt, ſi Divini aliquid in operibus iſtis agnoſcendum ſit, *quid eximii habuit præ aliis gentium diis qui paria feciſſe narrantur*? Et hæc quoque vetus obſectio eſt, quam eleganter expoſuit, ſed & refutavit *Arnobius*, *Lib. 1. p. 28.* *Sed fruſtra*, inquit, *neſcio quis, tantum arrogas Chriſto, quem ſape alios ſciamus & ſcierimus Deos, & laborantibus pluribus dediſſe medicinas, & multorum hominum morbos valetudineſque curaffe.* Reſpondet *Arnobius*: *non inquiri, non exigi, quis Deus, aut quo tempore, cui fuerit auxiliatus, aut quem fractum reſtituerit ſanitati: illud ſolum audire deſidero, an ſine ullius adjunctorum materia, id eſt medicaminis alicujus, ad tactum morbos juſſerit ab hominibus evolare, imperaverit, fecerit & emori valetudinum cauſſam, & debiliſſima corpora ad ſuas remeare naturas. Chriſtus enim ſcitur, aut admotæ partibus debilitatis manu, aut vocis ſimplicis juſſione, aures aperuiſſe ſurdorum, exturbaſſe ab oculis cecitates, orationem dediſſe mutis, articulorum vincula relaxaſſe, ambulatum dediſſe contractis, vitiligines, querqueras, atque intercuties morbos, omniaque alia valetudinum genera, quæ humana corpora voluit ſuſtinere neſcio quæ inhumana crudelitas, verbo ſolius imperioque ſanare. Quid ſimile dii omnes, à quibus opem dicitis agris & periclitantibus lata?* *Qui ſi quando, ut fama eſt, agris attribueret medicinam, aut cibum aliquem juſſerunt capi, aut qualitatibus alicujus bibi potionem, aut herbarum & graminum ſuccos ſuperponere inquietantibus cauſſis, ambulare, ceſſare, aut re aliqua qua officiat abſtinere: quod eſſe non magnum, nec admirationis alicujus ſtupore condignum, promptum eſt, ſi volueritis attendere;*

II. Nun-  
quam pa-  
ria iis fece-  
runt gen-  
tium dii.

attendere; medici enim sic curant. . . . Nulla autem virtus est, medicaminibus amovere quæ noceant: beneficia ista rerum, non sunt curantium potestates: & ut sit laudabile scire quæ quos conveniat medicina aut arte curari, locus huius laudis non Deo, sed in homine constitutus est. Vide cætera apud Auctorem, quæ & diserta sunt & fortia.

III. Multo minus homines, Deorum monitu. Vespasiani historia.

III. Urgeri fortasse possit, etiam sine remediis quosdam repente fuisse sanatos, non à Diis solum, sed & ab hominibus, Deorum monitu. In quam rem illustre est Vespasiani exemplum, quod Suetonius commemorat Cap. VIIII. & Tacitus Hist. IV. Cujus verba non pigebit appingere, ut sincerius de tota re judicari queat. Sic ergo ille, non procul a fine. Per eos menses quibus Vespasianus Alexandria statos æstivis statibus dies, & certa maris operiebatur, multa miracula evenere, quis celestis favor, & quadam in Vespasianum inclinatio numinum ostenderetur. Ex plebe Alexandrina quidam oculorum tabe notus, genua ejus advoluitur, remedium cecitatis exposcens gemitu, monitu Serapidis Dei, quem dedita superstitionibus gens ante alios colit: præcabaturque principem, ut genas & oculorum orbes dignaretur respergere oris excremento. Alius manu æger, eodem Deo auctore, ut pede & vestigio Caesaris calcaretur orabat. Vespasianus primo irridere; aspernari: atque illis instantibus, modo famam vanitatis metuere; modo obsecratione ipsorum, & vocibus adulantium in spem induci; postremo æstimari a medicis jubet, an talis cecitas & debilitas ope humana superabiles forent. Medici varie differere: huic non exesam vim luminis, & reddituram si pellerentur obstantia: illi elapsos in prævum artus, si salubris vis adhibeatur, posse integrari. Id fortasse cordi Deis, & divino ministerio principem electum. Denique patrati remedii gloriam penes Casarem; irriti ludibrium penes miseros fore. Igitur Vespasianus cuncta fortuna sua parere ratus, nec quidquam ultra incredibile, lato ipse vultu, erecta quæ astant multitudo, jussa exsequitur. Statim conversa ad usum manus, ac cæco relaxit dies. Utrumque qui interfuere nunc quoque memorant, postquam nullum mendacio pretium. Ecce rem prodigiosam; Alexandriæ, frequentissima post Romam urbe, gestam, palam pro concione, ut ait Suetonius; ab orbis tessarum principe; testimonio eorum qui viderant confirmatam; etiam post principis mortem, cessante jam omni adulatione; narratam denique historicis prudentissimis ac fide dignissimis.

IV. Fraudis convicta.

IV. Attamen utcunque hæc speciosa esse videantur, ego fucum undique pellucere contendo. Ubi enim hæc facta esse perhibentur? In Ægypto, gentæ ad fraudes & imposturas, præsertim in re religionis, nata. Alexandria, urbe superstitionibus deditissima. Apud templum Serapidis Dei, quem Ægyptii ante alios colebant: & Romano principi cupiebant esse venerabilem. Quæ vero ratione compendiosissime id fieri potuit? Miraculo: quo & numini sua potentia asseratur, & Cæsari concilietur nova auctoritas, quasi commercium cum diis habenti. Concurrent igitur superstitio & adulatio;

adulatio : quæ ubi artes suas junxere, quid est quod non fingant & ausint? Quid sit? prodit ex plebe Alexandrina quidam, venalis utique, totus a nutu superiorum pendens, facileque ad quævis subornandus. Qualis ille? An cæcus natus? non, sed *oculorum tabe laborans. Non tamen exesa omni vi luminis. Vitio illo notus.* Quibus? An Vespasiano? aut comitibus ejus? non: quippe qui recens appulerant. *Ægyptiis itaque, commenti artificibus, ista testantibus.* Accedit alius, manu æger. An incurabiliter? Si medicis fides, vi aliqua salubri integrari poterant artus. Hi Vespasianum pariter adierunt, orantes opem valetudinis. Medendi modum ipsi præscribunt. Cujus monitu? Serapidis, ut ajunt. At in insomnio. Forſan inſtinctu sacerdotum ficto. Vespasianus quid? primo irridet, & aspernatur. Quippini? Nullius sibi virtutis portentificæ conscius. Mox consulit medicos, an talis cæcitas & debilitas *ope humana superabiles* forent. Quorum hæc, quum non de humana sed Divina hic ope agatur: cui nihil arduum nimis, aut difficile est. Denique cedit, experturus quid futurum esset. At cui rei cedit? An instinctui alicui, aut impulsui Divino? Nihil tale: sed obsecrationibus opem petentium, & vocibus adulantium, quibus in spem adductus fuit. Evicit tandem axioma Politicum, *patrati remedii gloriam penes Cæsarem, irriti ludibrium penes miseros fore.* Sic scena ex arte structa. Nec eventus defuisse dicitur. Non sollicito fidem aut Suetonii aut Taciti: uti nec testium quos hic laudat. Ex vero enim narraverunt rem quæ geri visa est. An gesta autem, disquiri meretur. Dubitandi rationes, nec paucas, dedi. Utut sit, obtestor omnem conscientiam, an in toto isthoc scenico apparatu quidquam inveniatur quod cum simplicitate miraculorum Jesu comparari queat?

V. Sed plane geminum ei est quod de *Adriano Cæsare* *Ælianus Spartianus* ita narrat. *Cap. xxv.* „Ea tempestate supervenit quædam mulier, quæ V. Cui similis illa Adriani. „diceret, somnio se monitam, ut insinuaret Adriano ne se occideret, quod „esset bene valiturus: quod quum non fecisset, esse cæcatam. Jussam tamen iterum, Adriano eadem diceret, atque genua ejus oscularetur, receptura visum si id fecisset. Quod quum insomnium expleſſet, oculos „recepit, quum aqua, quæ in fano erat, ex quo venerat, oculos abluisset. „Venit & de Pannonia quidam natus, vel ut alii, vetus cæcus ad febriem „tem Adrianum, eumque contigit: quo facto & ipse oculos recepit, & „Adrianum febris reliquit. „Quæ ubi narrasset Spartianus, caute subjicit: QUAMVIS MARIUS MAXIMUS HÆC PER SIMULATIONEM FACTA COMMEMORET. Artis autem istius & simulationis auctorem Antoninum fuisse, pulcre in notis suis ostendit *Cl. Salmasius*.

VI. Labet ob materiæ affinitatem conferre id quod de *Pyrrho* tradidit VI. Et *Plutarchus*, in ipsius vita, non procul initio. p. 384. *Τοῖς δὲ σκληραῖσι* *Pyrrhi.* *ἐδόκει βοηθεῖν, ἀλεκτρυόνα θύων λευκόν, ὑπτιὸν δὲ τῶν κατακειμένων τῶν* *δεξιῶν*  
*Meletem. Leid.* M m

δεξιᾷ ποδὶ πιέζων ἀπρέμα τὸ σπλάγνον, ὅδεῖς δὲ ἦν πένης ἔτε ἀδοξοῦν ἔτακτο, ὥστε μὴ τυχεῖν τῆς ἰατρείας, δεηθεῖς. . . . λέγεται δὲ τῷ ποδὸς ἐκείνου τὸν μέζονα δάκτυλον ἔχειν δύναμιν θεῖαν, ὥστε μετὰ τὴν τελευταίαν, τῷ λοιπῷ σώματι κατακαίεντι ἀπαθὴ καὶ ἀβικτον ὑπὸ τῷ πυρὸς εὐρεθῆναι. *Lienosis* EXISTIMABATUR OPITULARI, *quum gallum gallinaceum album immolans supinis jacentibus lienem pede dextro premeret leniter. Neque erat adeo pauper quisquam aut abjectus, cui petenti denegaret curationem. . . . Illius pedis PERTUR POLLEX DIVINA VIRTUTE PRÆDITUS FUISSE: ac cremato post fata ejus reliquo corpore, repertus inviolatus est & intactus ab igne.* Prudenter non asseverat Plutarchus, ita se rem habuisse, sed ita dictum existimatumque esse. Qualibus narratiunculis quisque pro arbitrio addit aut demit fidem.

VII. Apollonius  
Tyaneus,  
iniqua  
compara-  
tione Chri-  
sto colla-  
tus.

VII. At neminem tota gentilitas invenit digniorem qui cum Jesu nostro comparatur, quam APOLLONIUM TYANÆUM, cujus ætas ad illam Christi proxime accedit. Mirum est quantam sui æstimationem singulari vitæ instituto, rerum futurarum præsentatione ac prædictione, itemque prodigioforum operum patratiōe, apud plurimas quibuscum versatus est gentes, pepererit. *Eunapius in proœmio de vitis Philosophorum* p. 11. non tam *Philosophum quam media inter deos & mortales natura participem* fuisse jactat; ἐκείνῳ φιλόσοφῳ, ἀλλ' ἐν τῷ θεῷ τε καὶ ἀνθρώπων μέσον. Ejus Apollonii historiam prolixè, accurate, eleganter descripsit *Philostratus Lemnius*, editis libris quibus titulum fecit,  *vitam Apollonii*, quum debuisset inscripsisse verius, iterum Eunapii verbis utor, ἐπιδημίαν ἐς ἀνθρώπους θεῶν, *Accessum Dei ad homines.* Hierocles quidam, hostis religionis Christianæ infensissimus, ex hoc potissimum Philostrato librum compilavit sub titulo *Philalectis*, in quo contentione inter Jesum & Apollonium facta hunc illi & vitæ instituto, & operum admirabilitate longe præcelluisse pugnat: ridetque Christianorum levitatem, οἱ δὲ οὐλόγως τερατείας τινὰς τὸν Ἰησοῦν θεὸν ἀναγορεύουσι, qui ob paucula quedam prodigia Jesum Deum prædicent. Hieroclem istum integro libro confutavit *Eusebius Cæsariensis*, atque ita contudit, ut Domino nostro illibata manserit gloria, Apollonium autem dolosum magnum esse demonstraverit.

VIII. Infi-  
gnis im-  
por-

VIII. Ego in juventutis nostræ gratiam paucula quedam specimina excerpam, ex quibus judicium formari poterit de cæteris. θεῖαν τινὰ καὶ ἀβήρητον σοφίαν Heroi suo adscribit Hierocles, & ab ipsa protinus genitura, sine artis impendio, velut homine potiore effingit. Et ne dubitemus, ipse de se Apollonius, Ego, inquit, *amice, vocem omnium & linguarum conscius, licet nullas didicerim.* Imo ad eam quoque scientiam pervenisse fertur, qua brutorum intelligeret animalium voces, &, ne quid desit, ipsas τὰς διαλέξεις θεῶν sermocinationes deorum. At qui illa finxerunt, iidem narrant, quibus magistris ab ineunte ætate rhetoricen ac philosophiam didicerit. Narrant item, cum Phraate, Indiæ Rege, per interpretem egisse, quod lin-  
guam

quam non calleret, & obstupuisse quod Indum Græce sibi loquentem audiret. Quæ de *intellectis* brutorum vocibus finguntur, per se ridicula sunt, & ridiculariora evadunt, si pro arcanæ illius sapientiæ argumento adferri videas, quod passerem subinde intellexerit crebro pipillatu reliquas suæ speciei aves ad pastum concire, magnamque ea de re admirationem adstantibus præbuerit. O rem mirabilem & Propheta dignam! Modum quo quis *Deorum colloquiis* fruatur, ex Pythagora se didicisse jactat. Quum vero Pythagoras nullum hac de re monumentum reliquerit, ab eo id ipsum hausisse oportet quem in Pythagoricis præceptorem habuit. Is fuit Euxenus quidam, ἔπ' αὐτὸν σπαρδαίῳ, ἔδ' ἐνέργω τῇ φιλοσοφίᾳ χράμεν, γὰρ εἰς τὴν τέττων καὶ ἀφροδίσιον, homo parum officiosus minimūque ipsa philosophans, utpote qui gula ac veneri deserviret, uti describitur ipsi Philostrato. Quid stultius fingi potest, quam à tali præceptore rationem cum diis agendi edoceri?

IX. Sed & Prophetam fuisse memorant: quippe qui instantem pestilentiam Ephesiis civibus prædixerit. Uti & Nervæ fertur prædixisse imperium, & mortem instantem. Ephesi etiam in Xysto docens, subito exclamavit: πᾶϊς, πᾶϊς τὸν τύραννον, *percutite, percutite tyrannum*. Aliquot post id diebus renunciatum est Ephesi, Domitianum a Stephano, eadem qua Apollonius exclamaverat hora, fuisse confossum. Quæ an vera sint, & si vera, unde habuerit Apollonius, fateor me nescire. Sed quali prophetico Spiritu fuerit imbutus, colligi potest ex iis quæ de præfensione pestis, apud Domitianum reus in Apologia sua his ipse verbis exposuit: *Dieta*, inquit, *magis tenui, magisque sobria quam ceteri mortales usus, primus omnium qualitatem aëris vitiumque deprehendi*. Hocce propheticum est?

X. Miracula etiam aliquammulta ei attribuuntur; sed quorum vanitas ex ipsa narrationis futilitate patescit. Ephesios memoratur peste, quam prædixerat, liberasse. At quo modo? Ipsum audiamus Philostratum: Lib. I v. ubi pestilentiam narrat apparuisse in figura senis mendici, laceri ac pannosi. Quem quidem senem quem lapidibus cædi Tyaneus jussisset, primum pestilenti obitu flammam luminibus ejaculatum, tum vero coniectis obrutum saxi in effigiem obscæni canis se transformasse, cui rabidorum more tetræ circa rictum spuma undarent. Nec dissimulavit in sua ad Domitianum Apologia Apollonius. Eodem libro narratur, quum Athenis esset Apollonius, sanatum ab ipso esse adolescentem arreptitium; dæmonemque jussu aliquod discessus sui signum edere, respondisse, se statuam quæ erat in porticu regia everfurum: quo dicto statua illa ilico concidit. Sed lepidum imprimis est, quod in nuptiis Menippi Lytiii Philosophi, adolescentis formosi, quibus intererat Apollonius, accidisse ferunt. Ibi attentè contemplatus sponfam, exclamavit: *Hæc quidem una est Lamiarum, quas aliqui larvas, alii lemures indigetant, suntque ad venerem prona, & avida humanarum carniū, venereorumque cupidine*

IX. Imaginarius Prophetæ.

X. Et ridiculus præstigator.

dine alliciunt eos, quos postea expleta libidine devorant. Quibus dictis pocula, & mundus sponsæ, & tota suppellex illico evanuerunt. Ipsa vero sponsa ad pedes Apollonii provoluta oravit ne se torqueret. Ita Menippus liberatus est, fuitque ex eo inter Apollonii discipulos. Addatur & aliud ex *Lib. vi. sub finem*. Tarfi Ciliciæ adolescens aliquis a rabido cane morsus, in caninos mores transferat, adeo ut latraret, & manibus veluti pedibus incederet. Tarsenses remedium petunt ab Apollonio. Ille canem capi iussit, qui adolescentem momorderat. Hi negare, se nosse canem. Tum Apollonius: canis est albus, & stat tremebundus prope fontem, ite & cum adducite. Mittitur ergo qui canis auri infusurraret: *Apollonius te vocat*. Venit canis, & ad Apollonii pedes procumbit. Apollonius vulnus adolescentis lambere eum iussit. Quo facto & adolescens & ipse canis sanati sunt. Quis non cachinnetur ad talia præstigiatoris miracula? Et hæc digna sunt, quæ cum Jesu miraculis comparentur?

XI. Philo-  
stratus au-  
tem facun-  
dus nugator.

XI. Et qui talia memorat Philostratus, Apostolis, & Evangelistis nostris non æquiparandus modo, sed & immensum anteponeendus erit? Sed & idem scripsit, *imbres & ventos apud Brachmanas in doliis asservari, quorum indigenis pro lubitu copiam faciant: terram scipione percussam in gibbum exsurgere, Indosque in vacuum aërem excutere, ubi pensiles aliquandiu bareant; pincernas aeneas pocula ministrare: tripodes vina fundere: calices in gyrum altos velut vorticoso flumine impelli, phialam aliquam mirabilium fontium more aquam baurientibus jugem sufficere*. Sed desino ineptiarum, quarum dudum piguit. Hæc tamen illa sunt quæ gentium sapientissimi composuerunt, aut opposuerunt, Evangelio. O mirabilem, ac propemodum incredibilem cæcitate? cui iusto numinis iudicio mancipati sunt, qui sponte se ingentem Dei veritatem proterviter spernunt & pertinaciter repellunt. Hic est etiam ille sapiens, ille præclarus, ille fide dignus Philostratus, præ quo Evangeliorum nostrorum scriptores bardi sunt & blenni, vix digni qui legantur vel audiantur. Fateor non ea ipsos arte, non iis pigmentis esse usos; quum simplex sit veritatis sermo. Sed quæcunque de Jesu narrant, ea gravia sunt ac Θεοπρεπῆ. Nihil abjectum. Nihil vile. Talia denique, quæ non atramento solum scribere, sed & sanguine suo subscribere parati fuerunt. At qui Philostrati commentarios paullo attentius perlegerit, facile deprehendet, maluisse eum lectoribus eloquentiæ atque industriæ suæ admirationem, quam historiæ fidem facere. Qui si sacramento de singulis apud iudicem respondere debuisset, satius procul dubio duxisset artem confiteri, & fictitio heroi suo renunciare, quam illius causa exquisitissimas subire poenas.

XII. Orebii  
objectiones.

XII. Atque hæc quidem *Gentilibus* responsa sunt. Nunc ad *Judeos* veniamus. Nihil moror insulam fabellam quam ne memoratu quidem dignam iudico, de virtute *המפורש שם* *nominis arcani* & sacratissimi, cujus veram

veram pronunciationem incredibili audacia didicerit Jesus, eaque omnia prodigia sua ediderit. Absint ejusmodi nœniæ & blasphemiæ ab omnibus cordatis hominibus, sive Græci, sive Judæi fuerint. Cum solo mihi nunc **Orobio** res sit; qui serio Judaismi caussam, neque profecto indiligenter, egit. Is frequenter inculcat, „ etiamsi à Jesu & Apostolis ejus ea facta fuissent miracula quæ in historia Novi Testamenti memorantur, non tamen „ potuisse nec debuisse Judæos eum pro Messia agnoscere. *Scripto Tert. ad Quæst. III. Num. VIII. p. 109.* Quod constare inquit, ex *Cap. XIII. Deuteronomii*. Ubi qui somniator aut Propheta miracula faciens, populum à Deo avertere tentaverit ad cultum alium, is quam primum lapidandus esse dicitur, ut id malum de medio tollatur: quia tentat depellere te à via, quam præstituit tibi Dominus Deus tuus, ut ambules in ea. Hæc via est Lex Dei per Moſen Israëlī præstituta: qua Israëlē semper incedere voluit, ut ad Deum suum sine errore pervenire posset. Quicumque igitur miraculis aut prodigiis suis nos ab hac Lege seu via distrahere conatur, aliam viam securiorem perfectiorem aut breviorē esse docens; præsertim si simul ad Deos alienos nos provocaverit, est Pseudopropheta, à Deo in hoc capite damnatus, & nullatenus credendus. Quæ ad rem præsentem, post aliquam multa interposita, sic applicat: *p. III.* Propheta qui in se ipsum, ut in verum Deum Israëlī, fidem exegerit, qui Dei omnipotentiam sibi arrogaverit, qui verba sua, ut à se præcepta, populo indixerit, admitti non debet, neque ut verus Dei Propheta recipiendus est. Quippe Deus jussit servis suis Prophetis auscultare, qui verba quæ eorum ori indiderit enuntiaverint, non ei qui se æqualem Deo, vel Deum ipsum esse prædicaverit, aut aliis prædicandum commiserit. Quo prætextu à via quam Deus Israëlī dederat eum pellere conatur, & aliam docet viam, divinis Legibus, ut inutilibus, plane spretis. Et dato impossibili, quod Messias quem expectamus eam doctrinam Israëlē edoceret, jure foret, ut Pseudopropheta lapidandus. „

XIII. Profecto dignus hic est vindice nodus. In quo solvendo ita verifari oportet, ut nostræ primum conscientiæ satisficiamus, tum & aliorum. Et primo quidem non illubenter id Judæo damus, quod postquam Deus voluntatem suam clare explicuit, eandemque miraculis obſignavit, nullius faciendæ sint prodigia, quantavis se miraculorum specie venditent, quæ contrariæ doctrinæ obtenduntur. Id enim fixum manere debet, non posse non à Deo profectum esse id, cui ipse verorum miraculorum signaculum impreſſerit: neque posse non falsum esse, quod veritati ita confirmatæ palam adversatur: & consequenter prodigium ad oppositæ doctrinæ confirmationem obtensum, non esse verum miraculum, sed præſtigias fallacium spirituum, quas Deus ita fieri permittit ad explorandam suorum constantiam. Hoc docetur Deut. XIII. Nimirum Deus Israëlī certissimis

XIII. Præmonitio Dei contra miracula falsi Prophetæ Deut. XIII.

exploratissimisque miraculis comprobaverat, sibi soli religiosum cultum deberi. Fixum illud indubitatumque Israëlitis manere debebat. Si quis exsurgat qui Prophetam se esse jactet, & Israëlitas ad alieni cujuscunque Dei cultum sollicitet, idemque signa edat, quibus mirabiles mirabilesque ludos mentibus mortalium faciat, quicumque tandem ille fuerit, neminem prorsus excipio, is non pro vero Propheta, sed pro diaboli mysta habendus, adeoque ne audiendus quidem est, neque digna ejus miracula sunt quibus attendatur. Quum enim falsitas doctrinæ cui confirmandæ adhibentur patere possit ex collatione cum doctrina vera, & Deus potentia sua nunquam abutatur ad confirmationem mendacii; merito concluditur, admiranda illa præstigias & ludos esse, humanam fortassis valentiam & solertiam superantes, non Diabolicam. Vide, Judæe, quam candide, quantaque cum fiducia agam!

XIV. Ea  
Jesu nostro  
applicari  
non potest.

XIV. Nunc ad Jesum nostrum pergo, clarissime demonstraturus, nihil eorum quæ Deut. xxi. notantur ulla ratione imputari ipsi posse. Tantum enim abest ut ad alienorum numinum cultum quenquam seduxerit, ut contra unus in mundo fuerit, cujus nomine & auctoritate totus prope modum mundus à falsorum Deorum veneratione ad veri & unius Dei agnitionem conversus sit. Cujus enim alterius doctrinæ acceptum est ferendum, quod tot nationes, tam diversæ lingua, indole, institutis, superstitione; aliæ quidem secularis sapientiæ disciplinis probe excultæ, aliæ vero crassis barbaræ ignorantiae tenebris involutæ, nonnullæ etiam ferocitate terribiles & fere inaccesæ; ejurata majorum suorum nefanda idololatria, repressa inanis scientiæ jactantia, expulsa mentium caligine, deposita feritate, emaculatis criminum scelerumque sordibus, repente cognoverint, agnoverint, coluerint, unicum illum æternumque Deum, qui lucem habitat inaccessam, quam nemo mortalium vidit unquam aut videre potest, creatorem gubernatoremque universi; Deum Abrahami, Isaaci & Jacobi; Deum populi Israëliti; eundem qui arcana sua Mosi cæterisque post eum Prophetis patefecit: atque ita quidem ut oracula ista prona fidei alacritate suscipiant, nocturna diurnaque manu versent, in eorum mentem non minori diligentia & religione inquirant quam unquam à prisco factum est Israël, denique ad sanctissimarum illarum legum amussim, quantum humana patitur infirmitas, vitam ac mores suos componant, & in Dei istius gratia & communionem omnem beatitudinem suam collocent? Quis ex omnibus retro seculorum Prophetis est, qui vel centesimam hujus rei partem institutione sua confecerit? Nos certe, qui natura peccatores sumus ex gentibus, & expertes fœderum promissionis, tam insignem nostri transformationem, & ad Deum Israëlitis conversionem, unius Jesu disciplinæ acceptam ferimus. Qui quod tam admirandam mundo metamorphosin induxerit,



duxerit, ideoque meritis est falsis illis Prophetis accenferi qui à vero Deo abducunt?

XV. Instat Judæus, *at abducit à vero Deo, qui cum sub alia idea colere jubet, qui se ipsum Deo aequalem, aut Deum esse dicit, qui Dei omnipotentiam ceterasque virtutes attribuit, qui sibi ut Deo fidem haberi postulat.* Videamus igitur sub qua idea Deum Israëlitis proposuerit Moses. Sine dubio inculcavit non nisi unum esse Deum, *Jehovam*. Sed & idem Moses *Angelum* aliquem repræsentavit, qui *Jehovæ* nomine venit, quem Jacob ut *Goëlem* suum sive *Vindicem* adoravit, qui se ipsum Deum *Abrahami, Isaaci & Jacobi* nuncupat, in cujus medio Dei nomen est, qui facultatem condonandi habet, qui *Dei facies* dicitur, & à *Jesaja angelus faciei Dei*; & *servator populi* Israëliti vocatur, à *Malachia Angelus* non Domini sed *Dominus*, in suum templum venturus, & quæ id genus plurima in Mose & prophetis inveniuntur. Quibus accedit, quod *David & Salomo* Deo peculiarem *filium* adscribant, quod *Messias* eo nomine veniat, quod idem *Deus fortis* nuncupetur, & *Jehova justitia nostra*, & *Immanuel*, & *Dominus Davidis*, quamvis alioquin ipsius filius. Qui ergo Deum ita repræsentat, ut non obstante sua unitate *Angelum* habeat, nominis, domini, & virtutum suarum participem, *filium* etiam, in quem *fiduciam* collocari, quem *osculari*, cui *obtemperari* jubet, is non sub alia idea Deum repræsentat quam *Moses & Prophetæ*. Prolixum esset allegata testimonia exponere & vindicare: quod alibi præstitum est copiosissime. Suffecerit probasse, quod non recesserit *Jesus* à doctrina *Mosis & Prophetarum*, quando sibi attribuit ea quæ de *Angelo Jehova*, & *Filio Deo forti*, ab iis scripta sunt.

XVI. Instat: *at qui recessit certe à via Israëlitis per Mosem præscripta, ab eaque abduxit populum, dum Divinas leges ut inutiles plane sprexit, prætexnitque aliam viam, securiorem, perfectiorem, brevior.* Quod de *spretis legibus, ut plane inutilibus*, Judæo excidit, mera calumnia est. Nihil unquam tale ex sanctissimo Domini ore auditum. *Paulus* equidem quibusdam legibus adscribit *ἀσθενὲς καὶ ἀνωφελές*: at non absolute, & in se consideratis, sed ex opinione atque abusu *Judæorum* sui temporis, qui frustra in iis justificationem & veram peccati expiationem quærebant: at plurimum ex iis utilitatis percepissent, si ad eum quo oportebat direxissent finem. *Jesus* autem nullas *Mosis leges* sprexit: omnibus se subjecit, easque implevit exactissime. Sincere protestatus, *non venisse se ut solveret legem, sed ut imple-ret: minimumque vocatum iri in regno colorum, qui solverit quidquam ex mandatis minimis, atque ita homines docuerit.* Matth. v. 17, 19. Constat vero, & apud ipsos *Judæorum magistros* in confesso est, leges *Mosaicæ* in tres classes dispelci, *Morales, Cerimoniales, & Politicas*. *Morales* *Jesus* constanter docuit, inculcavit, novis argumentis urfit, suoque imprimis exemplo commendavit. *Politica*, destructa *Judæorum* in Canaanæ Theocratia, per

XVI. Qui Deum non iussit colere sub alia idea quam *Moses*.

XVI. Neque leges *Mosaicæ* sprexit ut inutiles: se ea perfectissime implevit.

se cessant. Præcipua difficultas circa *Cerimoniales* est. De iis vero nihil docuit Jesus extra, nedum contra Moſen & Prophetas. Docuit Cerimonialia præcepta moralibus poſtponenda eſſe. Sed idem Samuel docuit 1 Sam. xv: 22. & Jeſaias i: 11. & David Pf. L: 9, 10, 11. & Jeremias vi: 2. & Hoſeas vi: 22. & Moſes ipſe Deut. x: 12. Docuit Jeſus cum & per Apoſtolos ſuos, cerimonias Moſaicas typos eſſe rerum ſpiritualium atque celeſtium: quod proſecto multum facit ad earum decus, & ad gloriam ſapientiæ Divinæ in iis latentis, quam ſibi in abdito patefactam fuiſſe gloriatur David Pf. LI. Hinc eſt quod toties Prophetæ res ſpirituales ſub cerimonialium locutionum involucro repræſentent: & Moſes ipſe, quando, exempli gratia, de auferendo cordis præputio loquitur. Docuit Jeſus: futurum eſſe ut cum introductione gentium in Eccleſiam, & deſtructione templi Hieroſolymitani, cerimoniarum obligatio ceſſet. Idem & Moſes innuit; quando earum obſervationem certo populo, & quidem לדורותי ad generationes ipſorum, certæ terræ, certæ urbi & ædi adſtrinxit. Sed clariſſime prædixit Daniel. ix. com. ult. cæterique Prophetæ, ea de Meſſiæ diebus vaticinantes, quæ veteribus inſtitutis plane repugnant. Sed non lubet nunc in locum illum communem expatiari, alibi à nobis cum cura tractatum. Id ſolummodo demonſtrandum erat, nihil unquam à Jeſu dictum factumve eſſe quod in Legum Moſaicarum dedecus cederet, neque, ipſum avocare Iſraëlitas à via abs Deo per Moſen præſcripta. Monſtravit enim viam charitatis & fidei in Deum, Deiſque filium, eandem quam Moſes & Prophetæ commendarunt.

XVII.  
Concluſio.

XVII. Quum itaque prolixè nunc demonſtratum ſit, Jeſum per ſe & per diſcipulos ſuos infinita patraviſſe miracula, quæ neque negari in ſolidum poſſunt, neque arti alicui magicæ aut diabolicæ adſcribi: quum miracula divina virtute edita ab ipſo Deo in argumentum Divinæ miſſionis data ſint: quum a Jeſu ea facta ſint miracula, quæ per Meſſiam fieri oportuit: quum doctrina Jeſu non modo non abducatur à Deo Iſraëlitis, ſed nationes quamplurimas ad unius illius Dei religionem adduxerit, cui geminum nullo unquam tempore ab ullo prophetarum, imo nec ab omnibus ſimul prophetis, factum eſt: quum denique nihil unquam docuerit Jeſus quod non in Moſe & Prophetis ſit fundatum, imo veram ænigmatum Moſaicorum clavem ſuis dederit: invicte conſicitur ex miraculis Jeſu, ipſum à Deo miſſum, adeoque Meſſiam

eſſe.

# DISSERTATIO VIII.

De

Prophetia Jesaiæ XLII: I.

Impleta in Jesu Matth. XII: 16.

## BREVIARIUM.

I. *Dissertationis occasio.* II. *Partitio.* III. *Oraculi argumentum.* IV. *Persona heic designata est Messias: fatentibus Hebræorum præstantissimis.* V. *Quippe cui omnia ista elogia; & quidem soli, competunt.* VI. *Ut & muneris ipsi demandati functio.* VII. *Et fungendi modus.* VIII. *Ac successus denique felicissimus.* IX. *Matthæi allegatio aliquantulum diversa.* X. *Non adversa tamen, sed exegetica potius.* XI. *Concinna Oraculi ad Jesum applicatio.*

**I**N nupera de MIRACULIS JESU Dissertatione V. Sectione XXI. & sequentibus, inquirendum mihi esse existimavi, cur tam vehementer aliquoties eorum divulgatione interdixit; quum tamen publice pleraque patriverit, & omnia ad confirmandam Divinæ missionis suæ totiusque Evangelicæ prædicationis veritatem destinata ac comparata fuerint. Ea occasione usu venit, ut inter alias aliquammultas interminationes Christi illa quoque excutienda fuerit quæ extat Matth. XII: 16. ubi Christus Dominus, postquam aridam miseri hominis manum integritati restituisset die Sabbathi, ut scelerata invidorum Pharisæorum molimina frustraretur, illinc discessisse narratur; ita tamen, ut quotquot in sequente ipsum turba malo correpti erant morbo curaverit: cæterum cum ea ad omnes interdictione *ne se manifestum facerent.* Cujus interdicti hanc reddit Matthæus rationem, oppido notabilem com. 17. & seq. *Ut impleretur quod dictum erat per Esaiam prophetam, dicentem. Ecce servus ille meus, & nescitis, quod Beza vertit, quem elegi; dilectus ille meus, in quo acquiescit anima mea; ponam Spiritum meum super eum, & judicium gentibus annuntiabit. Non litigabit, neque clamitabit, neque audiet quisquam in plateis vocem ejus. Arundinem quassatam non confringet, & linum fumigans non extinguet, usque dum protulerit ad victoriam judicium: & in ejus nomine gentes sperabunt.* Quoniam vero instituti tunc nostri ratio ferebat, ut, in tanta rerum tractandarum ubertate, paucis duntaxat super hac historia defungeremur; quod tum non licuit, hac Exercitatione copiosius exsequi conabimur.

II. Tria autem potissimum nostra hic commentatione digna sunt. I. II. Partitio. MENS ORACULI, uti a Jesaiâ prolatum est. II. DIFFERENTIA VERBORUM quæ in Matthæi allegatione deprehenditur. III. ALLEGATIONIS AD SCOPUM APOSTOLI CONCINNITAS.

Meletem, Leid.

III. Ora-

III. Ora-  
culi argu-  
mentum.

V. Perso-  
na hic desi-  
gnata est  
fateantibus  
Hebræo-  
rum præ-  
stantissi-  
mis.

III. Oraculum Jesaiæ exstat Cap. XLII: 1, 2, 3, 4. Ubi iterum notan-  
da sunt tria. I. *Designatio personæ.* II. *Administratio muneris.* III. *Ejus  
eventus.*

IV. PERSONA heic designata, non est *Cyrus*, quod Scultetus prolixo in-  
ter eum & Messiam parallelismo evincere voluit: non *Jesaias* ipse, quod  
Grotius in suis ad Jesaiam commentariis opinatur: non *populus Judaicus*,  
quod post LXX interpretum audaciam, *Jacobi & Israël*is nomen de suo in-  
farcientium, Hebræorum aliqui nugantur: nemini enim horum pericopæ  
istius attributa conveniunt. Sed MESSIAS, Rex & Propheta. Quod &  
Chaldæus animadvertit, inserto Messiae nomine, & Kimchi agnoscit, &  
Abarbanel adversus gentis ac religionis suæ proceres operoso probat com-  
mentario: de Illustri illo Saadia, & eruditissimo Aben Ezra suo, aliisque,  
locum hunc de Cyro, vel justis ex Israëlë interpretantibus, non veritus in  
hæc veba fari: *וראוי שכל אלה החכמים הוכו בסגורים ולא ראו*  
*שזכתובים האלה כולם אי אפשר לפרשם כפי הסברה הישרה כיום על*  
*מלך ישראל מבית דוד* *Videntur omnes hi sapientes percussi esse cecitate, quod*  
*non animadverterint, omnia quæ hic scripta sunt, rite & orthodoxe exponi non*  
*posse, nisi de Rege Israël ex domo David.* Et, ne quid ambigui relinquatur,  
post pauca interjecta addit: *וזהו המשיח* *Atque hic est Messias.* Qua cæci  
cæteroquin Judæi observatione in ruborem eos ex nostris dari oportet,  
quibus tam insigne vaticinium aliovorsum torquere religio non est. Enim-  
vero Messiae hæc omnia, Messiae, inquam; neque alteri cuicunque, com-  
petunt. Quod ex totius orationis *παράφρασις* & singularum *ῥήσεων* atten-  
ta consideratione patebit.

V. Quippe  
cui omnia  
ista elogia,  
& quidem  
Soli, com-  
petunt.

V. Ut autem nihil intactum relinquamus, ab ea ordiamur vocula qua  
audientiam sibi Deus facit. Ecce. Non modo notabilis hæc res est, digna  
que quæ quanta fieri potest mentis applicatione attendatur; sed & novum  
validumque continet argumentum ad controversiæ inter Jehovam fideos-  
que gentium deos determinationem. Exprobraverat iis Jehova quod nec  
futura prædicere, nec cultoribus suis bene, nec contemtoribus ægre facere  
possint; sibi autem omnia hæc in promptu esse demonstraverat. Cap. XLII:  
21. &c. Ecce novum verissimæ assertionis argumentum, nimirum Ser-  
vus ille meus, olim prædictus, nunc iterum delineatus, suo tempore pate-  
faciendus tantamque mei amantibus salutem allaturus. Quem talem no-  
runt, habent, prænunciant, daturi suis sunt dii gentium? SERVUS MEVS,  
natura Filius, sponsione Servus; non vile mancipium, sed Servus volun-  
tarius, Legatus honorarius, *ὁ ἀγγεῖός τοῦ πατρὸς*, illud Dei consilium, a quo  
generis humani salus pendet, magnificentissime quamvis cum sui ipsius  
exinanitione, exsecuturus. Cui dictum est, *levius est quam ut sis mihi servus*  
*ad erigendum tribus Jacobi, & custoditos ex Israëlë reducendum: constitui te in*  
*lucem gentium, ut sis salus mea usque ad extremitatem terræ.* Jes. XLIX: 6.

אתמך בו.

אֲתִמְךָ בּוֹ. Quod aliqui vertunt CUI INNITAR. R. David Kimchi: דָּרַךְ  
 לִי כְמוֹ הַמֶּלֶךְ נִשְׁעָן בְּעֶבְרֵי הַנְּאֻמָּן לִי *parabolice sic dicitur, uti quem Rex  
 innititur servo suo, qui fidus est ipsi.* Eadem habet Abarbanel, id solum ad-  
 dens, כָּלִי נֶאֱמָן רִחוּי רִאיוֹ לִסְמוֹךְ עָלָיו q. d. *fidelis est Spiritus ipse, dignus  
 est cui quis innitatur, & fidat.* Id si sequamur, pulcherrimus hinc & Deo  
 Christoque dignissimus oritur sensus: iste nimirum, committam illi  
 omnem potestatem, ut dispenset sine exceptione cuncta, tam in coelis quam  
 in terra, prorsus securus nulla in re mandati fines migraturum, ideoque  
 rata quæ fecerit habebō omnia. Præfero tamen *tenendi, apprehendendi, su-*  
*stentandi* significationem, quæ voci Hebraicæ in sacris frequentissima, si  
 non perpetua, est. Verto igitur, QUEM TENEO. cui potentia mea adsum,  
 quem apprehendo dextra iustitiæ meæ. quem adversus omnem vim hosti-  
 lem tueor, quem non destituam unquam, nec relinquam solum. Joh.  
 viii: 29. ELECTUS MEUS, æterno meo consilio ad hanc dispensationem  
 destinatus, eximius, unus ex millenis, incomparabilis, unicus, solus in-  
 jungendo sibi muneri idoneus. IN QUO PLACET SIBI ANIMA MEA. In cu-  
 jus persona, virtutibus, actionibus, nihil invenio quod non sit gratissi-  
 mum. Matt. i: 17. in quo & per quem beneplacitum meum in homini-  
 bus est. Luc. i: 14. cujus gratia diligo quos diligo. Eph. i: 6. DABO  
 SPIRITUM MEUM SUPER EUM. Spiritum sapientiæ & intelligentiæ, spiri-  
 tum consilii & potentiæ, spiritum scientiæ & reverentiæ Jehovæ. Jes.  
 xi: 2. Faciam ut descendat ille spiritus super ipsum in specie columbæ,  
 quæ simplicitatis & mansuetudinis symbolum est, & maneat super ipsum.  
 Matt. i: 16. Inungam ipsum illo spiritu supra confortes suos, tam ab-  
 unde, sine modo ac mensura Joh. i: 34. ut plenitudine ipsius replean-  
 tur omnes electi. Joh. i: 16. Atque hæc quidem designatio *persona est,*  
*tam expressa tamque accurata, ut ignota amplius esse non possit; neque*  
*dubitari debeat quin sit Jesus noster in Evangelio laudatus. 2 Petr. i: 16,*  
*17, 18.*

VI. Quod porro evincitur ex demandati sibi MUNERIS administratio- VI. Ut &  
 ne: quæ describitur I. Quoad REM. II. Quoad MODUM. RES in eo sita <sup>muneris</sup>  
 est, quod JUDICIUM מִשְׁפָּט, quidquid verum, rectum, justum, sanctum <sup>ipso deman-</sup>  
 est, ipsam etiam recti justique normam perfectissimam, jus Dei in damnan- <sup>dati fun-</sup>  
 dis servandisque peccatoribus, modum denique consequendæ illius justitiæ <sup>ctio.</sup>  
 qua consistere miseri peccatores coram tribunali Dei queant, PROFE-  
 RET נִיחַיָּה: e sinu Patris, ex arcanis Divinorum consiliorum, ex prisco-  
 rum rituum atque ænigmatum involucris, in lucem producet, ut non Is-  
 raëlitis solum patefiat, quibus Moses olim & Prophetæ dati sunt; sed &  
 GENTIBUS, quondam a republica Israël, & communione testamentorum  
 gratiæ, omnique salutis spe, remotissimis. <sup>his, sine linguarum nationum-</sup>  
 ve discrimine, ita per ministros Spiritumque <sup>suum loquetur, ut omnis caro</sup>  
 N n cognoscat,

cognoscat, quid sit verum, sanctum & Deo dignum, & qua tandem via justitiæ Dei, & juris ad vitam æternam, consortes evadere queant qui ea videbantur exclusivissimi.

VII. Et  
fungendi  
modus.

VII. Uti tam eximii muneris functio re ipsa præclara est; ita non minus est notabilis fungendi MODUS. I. In *patientia*. NON CLAMITABIT. Regnum ejus a mundanorum regnorum strepitu est diversissimum. Nihil pompæ habebit, nihil violentiæ. Non contendet, non tyrannice imperabit. Abarbanel: *כל יעשרת בנחת ולא יצטרך לקולות* *omnia placide aget, neque vociferationibus indigebit*. Nihil iracunde faciet, sed miti sermone, qui mitis ingenii character est, mansuetudinem & patientiam docebit. II. In *humilitate*. NON EFFERET *לֹא יִשָּׁא*, vel *semet ipsum*, superbe & arroganter agendo; vel *vocem suam*, facta sua ebuccinando: sed erit *ταπεινός τῇ καρδίᾳ* Mat. XI: 29. nulla in re suam, in omnibus mittentis se Patris gloriam, quæsiturus. III. *Procul omni tumultu*. NON FACIET AUDIRI IN PUBLICO VOCEM SUAM. Non coget turmas, non convocabit cœtum, non concitabit plebem, non colliget faventium sibi hominum manum, non jactabit se sectatorum frequentia, sed solitudinis amans, quantum demandati sibi muneris ratio patitur, hominum conspectum fugiet: loquetur domi, in desertis, ad maris litora, in locis ejusmodi qui sacris orationibus destinati sunt, denique nullibi, nisi ubi cuivis modesto loqui licet. IV. In *magna equitate & συμπαιδείᾳ*. CANNAM QUASSATAM NON CONFRINGET, ET ELLYCHNIUM HEBES, sive FUMIGANS. NON EXTINGUET. Accommodabit se infirmis, quos tantum abest ut torvo vultu aut truci sermone a se repulsurus, & pusillum quod restabat iis animi porro depressurus sit; ut contra afflictos, ægros, vixque animam trahentes consolationum suarum dulcedine erecturus, demulsurus, & ad melioris conditionis spem excitaturus ac vivicaturus sit. V. In *veritate & fidelitate*. AD VERITATEM PROFERET JUDICIUM. Quamvis infirmos commiseratione suasublever, longe tamen semper aberit a blanditiis quibus vicia foventur. Ex veritate administrabit omnia, nihil sui affectus permiscens. Hoc modo munere suo fungetur Messias. Functus est Jesus.

VIII. Ac  
succensus  
denique fe-  
licitissimus.

VIII. At quo EVENTU? Is docetur com. 4. NON HEBESCET vel NON CALIGABIT *לֹא יִכְהוּ*, non retundetur ipsius alacritas: nequicquam obstrepentibus inferorum portis, prudenti promptitudine, animo imperterritus, & æquabili semper constantia perget nullæ unquam tenebræ, neque ipse tenebrarum princeps, infernalibus suis technis, fumove ex abyssis prodeunte, offuscando tanto doctrinæ lumini, tanto virtutum fulgori, tanto tot prodigiorum splendori erunt. *לֹא יִדּוּךְ* Secundum Coccejum ET NON CURRET, non præceps fugiet, territus hostium potentia, sed contra animosior ibi: nunquam in *παρρησία* sua admirabilior, quam eo tempore quo maxime fremebant fredebantque adversarii. Negari non potest

IX. Haftenus Jefaiaꝝ oraculum paraphraftica commentatione illustravimus: cum quo si Matthæi allegationem conferamus, non contemnendam deprehendemus **VERBORUM DIVERSITATEM**. Com. 1: pro **בְּיָמֵינוּ** habet **ὁν ἡρέτισα**. com. 2. pro **רָצִי** **ἐρίσει**. pro **יִשְׂרָאֵל** **κραυγᾶσει**. pro **וְיִשְׂרָאֵל** **ἔσθ' ἀκούει τις**. com. 2. pro **מִשְׁמַח לֵב יִשְׂרָאֵל** **ἕως ἀν ἐκβάλῃ εἰς νύκτ' τὴν κρίσιν**. Ex com. 4. multa sunt omiſſa, & pro **וְלִתְּוֹרָתוֹ** **καὶ ἐν τῷ ὀνόματι αὐτῶν ἔθνη ἐλπιῖσι**.

X. Nemini hanc qualemcunque orationis diversitatem scandalo esse oportet, ut propter eam Matthæi fidem vel proterve sollicitet, vel temere in dubium vocet. Non enim in literis & syllabis, sed in sensu consistit scripturæ vis. Eum si non modo non perverterit neque imminuerit Apostolus, sed & optime expresserit, imo & illustraverit, non est quod ipsi ulla male habitæ orationis Propheticæ dica scribatur. Ita autem ipsum egisse ex singularum variationum examine liquebit. *Ἀιρετίζειν*, ut Junius & Grotius observarunt, non tam significat eligere, quam, uti Varinus exponit, *προσλαμβάνειν, καὶ εἰς αὐτὸν αἰρεῖν*. Et sic optime respondet tam Hebræo *בָּחַל*, quam Græco *ἀντιλαμβάνεσθαι*, quod hic adhibuerunt LXX. *Ἀιρετίζαὶ* dicuntur qui stant ab alicujus partibus; quique, si potiores sint, Latinis vocantur *susceptores*. Atque ita, Grotio judice, erudite & efficaciter expressit Matthæus vocem *בָּחַל*. Eandem laudem mereretur, quando pro *רוּחַ* clamabit, scripsit *ἐρίσει litigabit*, ut ostenderet de eo hic agi clamore qui irati animi signum est. *Πικρία καὶ θυμός, ἔργη καὶ κραυγὴ* junguntur

Eph. 1v: 31. Eadem mente Quintilianus *clamosum altercatorem* dixit. Et Justinus, ad Zenam & Serenum, τῶν δὲ κεκραγόντων ἰδίαις σόφρων ἐστὶ. Quam observationem eidem me Grotio debere fateor. Optime etiam pro נשׁוֹ קְרָאֲנָאִים posuit, agitur enim de *vocis* non minus quam de *animi elatione*. Absolvere Apostolum possunt Hebræorum magistri, qui eadem mente interpretati sunt. Kimchi: פִּירוּשׁ וְלִישָׁנֵי קוֹלִי. *sensus est, non tollet vocem suam*. Jarchi: לִישָׁנֵי יִבְרִי קוֹל. *non exaltabit vocem*. Abarbanel similiter. Cætera verba secundi commatis sensu æquivalent. Quid enim interest, an dicas, *non faciet audire vocem suam*, an, *nemo vocem ejus audiet*? Idem statuendum de Græca phrasi, κρείσσιν ἐκβάλλειν εἰς νῆα. Quid enim hoc aliud est quam jussa sua manifesta facere, ut quovis judice victoriam referre possit? Id sane Christus fecit, manifestatione veritatis & sinceritatis suæ ad quamvis conscientiam, vel inimicis judicibus. Mat. XXI: 16. Ex com. 4. palam est aliqua fuisse omissa, sine quibus scopum se attingere suum posse arbitratus est Apostolus. Neque necesse est omnia semper describere. Nihil vulgatius est in Talmudicis & Rabbinicis citationibus. Cætera sensu conveniunt. *Insula* apud Prophetam notant ἔθνη τῶν νησῶν, אִיֵּי הַנְּחִימָה *gentes insularium*, sive, quod eodem recidit, *insulas gentium*, ut est Gen. x: 5. suntque ea mundi pars quæ terræ Canaan ad occidentem est, & à gentibus incolitur. ὄνομα Matthæo significat Religionem, ab auctore suo denominatam, neque abludit a notatione vocis וְדָרֵךְ, quæ est doctrina Divini cultus, & demonstratio viæ, qua eundum est ut placeatur Deo. Conf. Act. xx1: 13. & Mich. 1v: 5. Atque hac quidem ratione non diffculter Apostolum cum Propheta conciliavimus.

XI. Con-  
cinna Ora-  
culi ad Je-  
sum appli-  
catio.

XI. Nunc denique SCOPUM Apostoli in hac allegatione attendamus. Is tria de Christo narraverat. I. Discessisse ipsum tacite, ut evaderet insidias vel vim Phariseorum, quibus resistere nolebat favente sibi populi turba. II. Curavisse omne genus ægros, atque ita ostendisse animum benignum proumque ad misericordiam: simulque infatigabilem in obeundo munere diligentiam ac fidem, nullis fractam contumeliis. III. Tanta quum faceret, interdixisse tamen ne vulgarentur: aut saltem, ne manifestum ipsum facerent ante tempus. Sic demonstravit, quam alienus a captatione vanæ gloriæ esset, simulque eripuit Judæis occasionem in se peccandi. Non debebant innoxio Christi sanguine se pollueri, eaque sceleris atrocitate gravissimas sibi pœnas accersere, nisi consummato primum doctrinæ Christi cursu. In his omnibus complementum est prophetiæ illius, quæ Christi patientia, benignitas, humilitas & animosa constantia maxime prædicatur; & prædicatur, non esse eum excindendum, donec sufficienter propagata, & confirmata doctrina ipsius sit. Palam est, plura illustri hoc vaticinio contineri: attamen ea omnia diserte complectitur ad quæ probanda a Matthæo allegatur.



# DISSERTATIO IX.

De

Jesu Portante morbos quos sanabat:

Ad

Matth. VIII: 16, 17.

Collat. cum Jes. LIII: 4.

## BREVIARIUM.

I. De alia re Jesaias videtur loqui Cap. LIII: 4. quam Matthæus Cap. VIII: 16, 17. II. Dissertationis Partitio. III. Jesaias isto capite de Christo vaticinatur. IV. Analysis oraculi. V. Cujus emphasin imminuere videtur Matthæus. VI. Sed revera apposite allegavit. VII. Neque quidquam detraxit vi verborum. VIII. Et ex stilo scripture impletum dixit vaticinium; quando incipiebat impleri. IX. Johannes Ludovicus VVoltzogenius laudatus.

**M**atthæus Apostolus postquam narraffet Dominum nostrum ad I. De alia ferum usque diei occupatissimum fuisse in curandis dæmonia-  
 re Jesaias  
 cis, ejiciendis solo verbo suo spiritibus malis, & sanandis qui-  
 videtur lo-  
 buscunque qui ipsi offerebantur ægris; factum illud esse testa-  
 qui Cap.  
 LIII: 4.  
 tur, ut impleretur, quod dictum est per Jesaiam Prophetam dicentem; ipse inva-  
 quam Mat-  
 letudines nostras accepit, & morbos portavit Matt. VIII: 16. Verba ab Evan-  
 thæus Cap.  
 gelista laudata extant Jes. LIII: 4. Quod caput si quis ulla cum animi ap-  
 VIII: 16,  
 plicatione legerit, atque hanc ipsam orationis Propheticæ partem paullo  
 17.  
 attentius consideraverit, facile deprehendet, de longe alia re Prophetam,  
 alia Evangelistam agere. Unde animo Lectoris non perfunctorie res sa-  
 cras tractantis difficultas oriri posset, num forte Matthæus a Jesaiæ mente  
 aberraverit, & judicio non satis accurato verba Prophetæ alio quam quo  
 spectant torserit. Qua in re non Matthæi solum sapientia, sed & totius  
 Evangelii ipsius Divina auctoritas vertitur. Homini itaque Theologo  
 omni ope nitendum est, ut Apostolum cum Propheta in gratiam redigat.  
 Quod hac Exercitatione, quantum fieri potest compendiosissime, cona-  
 bimur.

II. Ad difficultationis enodationem tria facienda. I. Exponenda vera II. Differ-  
 ac plena pericopæ Propheticæ mens. II. Explicandum, quatenus Mat-  
 thæus a Prophetæ mente abire videatur. III. Ostendendum quam amice  
 Partitio.  
 convenient, & quam apposite Prophetam Apostolus citaverit.

III. Suppono Jes. Cap. LIII. de Messia sermonem esse. Nam A. omnia III. Jesaias  
 ei competunt quoad status, officia, beneficia. B. Quædam nulli alteri in  
 isto capite  
 sua ἐμψάσει competere possunt. Verbi gratia, quod non sua sed aliorum cri-  
 de Christo  
 mina lacerit, totius populi iniquitates tulerit, castigatione sua aliis pacem &  
 vaticina-  
 tur.

vibice

vibice suo incolumitatem attulerit, ex mortuis resurrexerit, generationem ejus nemo enarrare possit, dolus in ore ipsius inventus non sit, cognitione sui multos justificaverit, semen viderit aeternum: & si quæ id genus alia. C. Veteres Judæi, fatentibus recentioribus, de Messia exposuerunt. Pro omnibus solus nunc audiat R. Moses Alshech: commentario in hanc sectionem: כי הנזה ריזל פרה אחד קיינו וקבלו כי על מלך המשיח ידבר Nam ecce omnes doctores nostri pia memoria uno ore statunt & tradunt Prophetam de Messia loqui.

IV. Analysis. IV. Analysis laudati capitis hæc est: vers. 2, 3. describitur humilis Messiae status. vers. 4. ne is scandalum præbere merito videatur, editur illius causa: ἀρνητικῶς, remotione falsæ, nos, carnales Judæi, existimavimus eum נגרע, plaga θελήτω, qualis est lepra, percussim, & malæ conscientiae furiis exagitatum, verberatum Dei, juste & secundum Legem Dei, ומענה, & subactum, qui postquam occubuerit, non surrecturus sit. Θετικῶς assignatione veræ, אכן חלינו הוצא נשנו ומכאבניו סבלים verumtamen ipse morbos nostros pertulit & dolores nostros bajulavit. Observa hic I. quid per morbos & dolores intelligatur. II. Cur illi nostri dicantur. III. Quid circa eos fecerit Christus. Morbi & dolores significant pœnas peccatis debitas, quibus tam anima quam corpus, imo totus homo, qui totus in peccato est, affligitur. Jonathan ad peccata refert ועוונותינו חובבנו delicta nostra & iniquitates nostras LXX. ἀμαρτίας καὶ ὀδύνας. Quod & Petrus imitatus 1 Pet. 1: 24. causam cum effectis copulans. Proxime tamen de pœnis intelligendum videtur. A. Quia voces id proprie sonant. B. Ita sumuntur vers. 3. איש מכאבתי וידוע חלי. C. A peccatis vers. 5. ut a causis meritoriis distinguuntur. Et morbi dicuntur, quatenus hominem impotentem reddunt ad sui liberationem, imo ad quidquam faciendum, quod creatura rationali dignum sit. Dolores, quatenus in iis vehemens sensus est Divinæ iræ. Dicuntur nostri: qui nobis, non Christo, innocenti & Sancto, debebantur. Estque in his verbis humilis confessio miseriæ per peccatum contractæ. Et sane nullorum pœnas fert & aufert Christus, nisi eorum, qui se eas esse meritos ex animo confitentur ac dolent Matt. 1x: 12. x1: 28. Hos morbos ac dolores nostros Christus נשנו in se suscepit, ut auferret, 1 Pet. 1: 24. sicut hircus emissarius Lev. xvi: 21, 22. נשנו חשעיר עלי ארץ כל. Eosdem סבל, velut grave onus bajulavit, cum suo labore, molestia, lassitudine. Nam סבל onus quod portantis humeros premit. Sustulit autem Christus, sive suscepit, ut auferret. Conf. Lev. x: 17. עון העדרה לבפר עליהם ad ferendum iniquitatem catus, ad expiationem faciendam pro iis.

V. Cujus emphasin imminuere videtur. Matthæus:

V. Tam augustum Prophetæ sensum imminuere sua allegatione videtur Matthæus. I. Dum quod plurima apud Prophetam complectitur, & ad animam maxime, illiusque æternos cruciatus pertinet, coarctat ad morbos corporis.

corporis. II. Dum tollit vim verborum מָוֶן & סָבַל : neque enim Christus quos morbos curavit eos in se suscepit. III. Dum àfferit illa miraculosa curatione impletum esse Jesaiæ vaticinium, videtur lectorum animos a sublimioris rei cogitatione abstrahere.

VI. Cæterum si omnia rite perpendantur, patebit, Matthæum apposi-  
te hanc pericopam allegasse. Nam cum morbi, vexatio Diaboli, mors  
ipsa, pars sint pœnarum, à quibus liberari per Messiam debuimus, non in-  
congruum est, ut Matthæus, quod de omnibus pœnis simul sumptis præ-  
dictum est, huic pœnarum parti aut speciei applicatum eat. Idque eo ma-  
gis, quod in tam mirabili cura argumentum validissimum sit, curæ ejus au-  
ctorem eundem esse, qui & morbos animi sit sanaturus. Nam utrumque de  
Messia prædictum : utrumque eadem potestate fit : utrumque sæpe con-  
junctum fuit Mat. 1x: 5, 6. Imo ea auctoritate Christus morbos sustulit,  
quia pro peccatis, morbi causis, spoponderat, & satisfacturus erat. Acce-  
dit quod corporis curatio symbolum & arrha fuerit curationis animæ. Si-  
cut veterum res gestæ rerum Christi figuram habuerunt; ita & Christi  
ipsius actiones aliæ aliis denotandis inservierunt. Ne itaque quis existi-  
maret, Christum corporis solius esse medicum, monuit Matthæus in cor-  
porum sanatione impletum esse Jesaiæ vaticinium, id est, demonstratum  
veluti in symbolo esse, quam præterea animarum salutem à Christo expe-  
ctandam habeamus. Liquida enim ratiocinatione colligitur, eum, qui sta-  
tu miserior erat omnibus inter Israëlitas, ad cujus tamen verbum & morbi  
& dæmones & mors ipsa fugiebant, non propter sua peccata pati; sed exe-  
crationem fieri, ut alii in ipso fierent benedictio. Et sic sensus est: ex tali  
morborum curatione evidenter patescere, eum qui hæc facit porro in omni  
emphasi impleturum esse, quod Jesaias prædixit.

VII. Nec imminuit Matthæus vim verborum מָוֶן & סָבַל, quamvis VII. Ne-  
non omnia eo pertinentia dicat. Nam docet, non ita morbos abstulisse  
Christum, quin earum occasione multas subierit molestias; nullos labores,  
quantumvis intempestivos, defugiens. Nam quod hic, neque minus apud  
Marcum & Lucam, tempus exprimitur, *post solis occasum*, habet profecto  
suam ἑμφασιν. Sed neque altera circumstantia est omittenda, quod Chri-  
stus inter hæc pene oblitus sit hominum concurrentium turba Marc. 11: 2.  
Luc. v: 18, 19. Quæ præclare a Grotio observata sunt.

VIII. Impletur vaticinium aliquod, quando incipit impleri, & quando VIII. Et ex  
initium illud arrha est consummatæ impletionis; quod variis exemplis  
doceri potest. Una enim eademque prophetia in notabili temporum varie-  
tate complementum suum invenit. Sic quod prædictum est Es. Lix: 20.  
*Veniet Sioni Vindex & conversis a defectione in Jacobo*, cœptum est impleri,  
quando Christus in carne veniens adduxit justitiam æternam; sed & por-  
ro implebitur in futura Judæorum ad Christum conversione universali impleri.

Rom. xi: 26. Sic & Jes. Lxv: 17. *Ecce ego creaturus sum cælos novos & terram novam*, impletum est in renovatione Ecclesiæ per præconium Evangelii & effusionem Spiritus Sancti; sed & implebitur die novissimo. 2 Pet. iii: 12, 13. Et Jer. xxxi: 31. *Ecce dies venturi sunt, quo pangam cum Domino Israël, & cum domo Judæ fœdus novum*, cœpit impleri, quum abrogato V. T. substitutum est Novum Heb. viii: 13. sed & porro implebitur, quando domus Israël & domus Judæ junctim bonis fœderis illius potientur, nunquam iis iterum defraudandi. Et parabola de collectione ossium disperforum, & vivificatione aridorum Ezech. xxxvii. cœpit impleri per educationem populi ex captivitate Babylonica; sed finis complementi est in utroque adventu Christi. Eodem modo & hic cœpit impleri vaticinium Jes. Liii: 4. quando Christus ipse, in misero statu vivens, morbos ac malos dæmones verbo fugavit, sic probans sui status miseriam nonnisi ob aliorum peccata esse: sed perfecte impletum est, quum dirissimas pro nobis passiones subiit. Non in primo illo nos sistere voluit Matthæus: tum enim luculentiora potuisset producere vaticinia, ut Jes. xxxv: 5, 6. sed à consideratione morborum corporis ad meditandos animi morbos voluit evenire.

IX. Johannes Ludovicus Woltzogenius laudatus.

IX. Labet coronidis loco appingere commentarium *Johannis Ludovici Woltzogenii*, Viri Nobilissimi & Doctissimi, at Socini placitis plus æquo addisti, hanc tamen pericopam non incommode explicantis. „ Esaias propheta protulit hæc verba de doloribus & morbis, quos Christus ipse in „ proprio corpore & anima sua sentire ac sustinere nostri causa debuit. „ Quod autem Matthæus ea ad morbos corporales populi accommodet, id „ fit ideo, quia corporis morbi plerumque sunt signa morbi spiritualis, id „ est, peccatorum. Adeo ut locus hic Prophetæ bis fuerit adimpletus: semel, quum Christus corporis morbos abstulit ab hominibus; non sine „ summa molestia ac defatigatione: dum ad vesperam usque circa ægrorum curationem occupatus, quodammodo ipsas hominum ægritudines „ in se recipiebat. . . . Altera vice, quando suis perpeffionibus ac morte „ spirituales morbos nostrorum peccatorum à nobis sustulit, dum, ut Petrus ait I Pet. ii: 24. *peccata nostra ipsemet sursum tulit in corpore suo super lignum.*

## DISSERTATIO X.

### De Ficu diris a Christo Devota.

#### BREVIARIUM.

- I. *Historia Ficus a Christo maledictæ multis magnisque laborat difficultatibus.*
- II. *Fames Christi vera, naturalis, sed & pura fuit.* III. *Non sine ratione ad ficum deflexisset Christus, etiamsi scrivisset fructibus esse destitutam.* IV. *At probabilis*

probabilius est, nescivisse. V. Heinsii lectio, ἐν γὰρ ἡν, καὶ ρὸς σὺκων, examinatur. VI. Hammondi interpretatio, non erat annus ficuum ferax. VII. Gemina ficorum tempestivitas, altera verna, altera aestiva. VIII. Lightfooti singularis observatio. IX. Placuit Christo arbori huic maledicere, ad indicium efficaciae suae vindictivae. X. Frustra obloquente Episcopo. XI. Quum ipsa arbor nihil mali merita fuerit, cogitandum est de mysterio. XII. Ex scripturarum analogia colligitur, representari statum populi Israëliti in sua culpa & pœna. XIII. Quod tamen Christus subinnuit potius, quam diserte exponit. XIV. Quomodo commune factio de efficacia & necessitate fidei cum miraculi huius narratione cohereat. XV. Episcopi laudatus. XVI. Quod de montis in mare translatione dicitur, non videtur proprie intelligendum. XVII. Mirabilis historia, fabulæ propior. XVIII. Locutione proverbiali notatur narratio rei ardua & fidem propemodum superantis.

**S**I quis historiam ficus, diris à Jesu Christo devota, sicuti victuris vivificisque chartis eam consignaverunt Matthæus Cap. xxi: 18. --- & Marcus Cap. xi: 12. --- cum mediocri mentis attentione legerit; maledictæ fieri vix poterit, quin inter legendum multæ grandæque difficultates animo ipsius oboriantur: quibus commodè solvendis enixa & repetita aliquoties meditatione opus erit. 1. *Mirum* merito videri queat, quo modo Jesus, Bethania exiens, ubi tam amicos liberalesque habebat hospites, summo mane, nullo adhuc diei labore fatigatus, adeo *esurierit*, ut cibi capiundi ac famis sedandæ causâ à via ad arborem aliquam deflexerit. Neque mirum duntaxat; sed & *indecorum* illi, qui exquisitissimæ sobrietatis perfectum erat exemplar, qui appetitibus omnibus naturalibus, sic uti rationi consentaneum est, absolutissimo moderabatur imperio, qui denique Salomonis olim ore ipsius dixerat, *va tibi terra cujus principes mane comedunt*, Eccl. x: 16. 11. Non minus mirum est, quod Dominus famis sedandæ causâ *fructum in arbore ista quasi verit*. Vel enim fructu eam carere sciebat, vel nesciebat. Utrumvis dixeris, ex æquo prudentiæ ac sapientiæ ejus derogare videris. Prudentis est, nihil frustra facere. Frustra ac sine ratione facit, qui quærit id quod non exstare, ideoque nec inventum iri, certo prænovit. Nescivisse ergo Christum probabilius est: eoque Marci verba ducunt: *ἤλθεν, εἰ ἄρα εὐρήσεται τι ἐν αὐτῇ*. 111. At qui potuit id nescire, is super quem recumbit spiritus sapientiæ, intelligentiæ, & consilii, & omnigenæ scientiæ; qui necesse non habet ad conspectum oculorum de re quaque judicare; qui occultas hominum cogitationes in explorato habet; verbo ut absolvam, *qui novit omnia*? Nunquid *fructuum tempus ignorat fructuum & arborum temporisque creator*? percommode rogat Eusebius Emissenus. 14. At seponamus, si lubet, considerationem Divinitatis Christi, eumque qui revera Deus est nunc nobis ut *ψιλὸν ἄνθρωπον* repræsentemus,

temus, *qui potuit id Christus homo ignorare*, quod cuivis ex pullata plebe, quod pueris & puellis duodecim tredecimve annorum, notissimum erat, non fuisse tunc tempestatem maturarum ficorum? Contigit enim hæc historia die quarto ante Pascha, qui erat undecimus mensis Nisan, adeoque diebus aliquot anterior nostris Calendis Aprilis. Constat autem ficos, in ipsa etiam Judæa, ad maturitatem non pervenire nisi adulta ætate. Vix igitur expectes aliquam ficorum maturitatem, imo, testibus Talmudicis, aliquam foliorum protrusionem, ante Pascha. Id ipse Christus, tantum abest ut ignoraverit, ut expresso nos sermone condocescerit. Mat. xxiv: 32. Luc. xxi: 30. v. Perquam mirum est, unde cœlesti mansuetissimi Jesu animo tantæ iræ, ut *innoxia arbori maledixerit*. Quid enim commiserat ira atque execratione Domini, & quæ inde oriebatur, subita sui arefactione dignum? Si forte frustrata Domini fuerit desiderium; at patrocinium invenit *in importunitate temporis*, ipso Evangelista importunitatem istam allegante. Οὐ γὰρ ἦν καιρὸς σὺνικων. vi. Nunquid, si fami suæ consultum voluisset Dominus, satius suæque bonitati convenientius facturus fuisse videtur, si arbori hæcenus sterili repentinam plurimos præstantissimosque fructus proferendi facultatem verbo dedisset? Ita enim æque grande fuisset miraculum, æque splenduisset Christi divina potentia, æque confirmata fuisset Apostolorum fides, potuissetque arbor ita multos in annos pluribus prodesse, quæ, nunc arefacta, & Christo ipsi, & cæteris omnibus, facta est inutilis. Adde, quod tum miraculum illud cunctis aliis à Christo portentose factis magis fuisset consentaneum. Reliqua enim omnia in mirifica boni alicujus collatione consistunt. Hoc unum in maledictione situm est. vii. Quum historiam hanc *in rei arcanioris significationem* contigisse plus quam probabile sit, acquisitu dignum est, *quid tandem ea representare* Dominus voluerit: quomodo illa quæ de *fide* illiusque *efficacia* hac occasione prædicavit isti rei convenient: denique an iis *omnis historia hujus significatio mystica* absolvatur.

II. Fames Christi vera, naturalis, sed & pura fuit.

II. Dignæ profecto difficultates istæ sunt, quibus, si pote, expediendis omnis se nostra impendat industria; ut sanctitas, sapientia, æquitas & mansuetudo Domini nostri Jesu Christi factæ testæ maneant. Experiamur ergo, quid possimus: initio à *fame Christi* facto. Enimvero assensum meum non impetrant quotquot ex veteribus statuerunt, esuriem istam Christi non *veram*, sed *simulatam* duntaxat fuisse; neque retulisse Evangelistas quid Christus *revera* senserit, sed quid Apostolis *sentire visus* fuerit. Quum enim Evangelistæ Christum esuriisse simpliciter hic narrantes eodem utantur vocabulo, quo veram Davidis sociorumque Matt. xxi: 3. Marc. xi: 25. & Apostolorum Matt. xxi: 1. ipsiusque adeo Christi esuriem Matt. iv: 2. exprimunt; causa dici non potest, cur hic à significationis genuinitate recedendum sit. Sed inquirendum restat, fueritne fames ista

ista *œconomica*, id est voluntaria, & sponte accersita, ut causam miraculi edendi haberet; an *naturalis*, ex iis quibus solet causis orta. Non admodum iis refragari lubet, qui œconomicam quandam libereque susceptam agnoscunt famem: attamen nec idoneas video rationes, cur eam ex causis naturaliter agentibus excitatam negemus. Ponamus enim id quod vero simillimum est, Christum die proxime præterlapso docendi laboribus fuisse occupatissimum; sub vesperam Hierosolyma pedestre iter confecisse in Bethaniam; ibi aut parum, aut nihil fortassis, cibi sumsisse; totam noctem, vel certe maximam ejus partem, ardentibus precibus, intentisque animi meditationibus, quibus ad instantem se mortem præparaverit, insomnem traduxisse: rursus summo mane iter facere cœpisse: mirum utique non est, si matutino tempore aliquem spirituum defectum, & nervorum in stomacho vellicationem, indeque cibi appetitum senserit. Imo mirum foret, legibusque naturæ dissonum, si non sensisset. Neque repugnat illud, vel *liberalitati amicorum* ejus in Bethania; qua non nisi quando lubuit usus est: vel *ipsius sobrietati*; cujus ex hac nostra hypothesi luculentissima in diuturno isthoc jejunio exhibuit specimina: vel *Ecclesiasticis* laudato oraculo: nam post diuturnum jejunium, & noctem incœnatam, eandemque in precibus & meditationibus, spiritus animales valde absumentibus, exactam, matutino tempore cibi aliquid virium reficiendarum causa expetere, toto cœlo distat à luxuriola eorum voracitate, qui, genio indulgentes suo, ciborum delicias summo mane sectantur, & hesternam crudelitatem matutina crapula suffarcinant: quales illi sunt, in quos invehitur Salomon. Fames ergo ista quæ Christum incessit, *vera* fuit, & conditionis humanæ argumentum; sed & *pura* fuit, omnisque vitii expers: neque nunc dedecuit magis Christum, quam olim in deserto, quam somnus in navi, quam sitis in cruce. Atque hæc quidem primæ difficultati tollendæ sufficere arbitror.

III. Ad secundam accedamus. Ea hoc dilemmate constat, vel *scivit* Jesus, nullum in ficu fuisse fructum, vel *nescivit*. Respondeo, neutrum esse absurdum, neutro prudentiæ aut sapientiæ Christi quicquam derogari. Si statuamus, scivisse Christum; non idcirco frustra, aut sine ratione fuit, quod ad arborem defleckeret, fructumque in ea quæreretur. Habuit enim tanta ista Christi actio, uti deinceps ostendemus, arcaniorem significatum. Nimirum placuit Christo, occasione famis suæ materiam sumere differendi esse fidei in Deum efficacia. Ne vero materia ista nata, vel oblata videretur, sed sponte quæsita esse appareret; fieri potest ut videri voluerit quærere in arbore ficos; quum tamen & ipse sciret, & discipulos suos scire nosset, tempus ficorum non esse: ut, quum deinceps ficui isti maledicturus esset, discipulis, ejus rei causam sciscitaturis, sola fidei in Deum efficacia id factum esse declararet. Quare quod quævis *de industria*, fieri potuit. Eo

III. Non  
sine ratio-  
ne ad fi-  
cum desse-  
xisset Chri-  
stus, etiam-  
si scivisset  
fructibus  
tutam.

aurigantibus, ut quidam putant, Marci verbis, *non enim erat tempus ficorum*: ut indicaret, aliud à Christo actum animoque propositum fuisse, quam prima specie appareret. Hanc loci istius interpretationem olim sibi commodissimam fuisse visam fatetur *Episcopus*; quamvis deinde aliam sit amplexus. Vide *responsionem ipsius ad LXIX. Quaestiones. Quaest. 1X. p. 8.*

IV. At  
probabili-  
us est, ne-  
scivisse.

IV, Mihi quoque in exponendis Divinis voluminibus ingenuitate & candore nihil est antiquius. Ideoque haut illubenter in eam me propendere sententiam profiteor, *revera ignoravisse Jesum*, an ista ad quam deflecebat ficus fructus haberet, atque eam ob rem serio venisse visum ecquid inveni- ret. Neque ea re quicquam de præstantia & honore Domini nostri deterit- ur. Non enim de eo hic agitur uti *Deo*, immo ne quidem ut *Mediatore*, sed unice ut *homine*. Qua *Deus* est, nihil est tam grande tamve minutum, tam sublime aut tam humile, quod cognitionem ejus effugiat. Quatenus est *Mediator*, Deitas ipsius, humanitati arduissimo nexu juncta, earum rerum omnium scientiam humanæ etiam naturæ impertiit, quarum cognitio ad tam eximii muneris functionem requirebatur. Atque huc per- tinet abundantia illa sapientiæ, intelligentiæ, ac prudentiæ, quam ex un- ctione Spiritus Sancti consecutus est; adeoque & illa in dignoscendis men- tium humanarum arcanis cogitationibus perspicacia, quam ex Deitatis suæ revelatione habebat. Cæterum ad eam classem referendæ non sunt omnes vitæ hujus animalis res, quarum usus Christo ut *homini* duntaxat fuit. In iis aliquid ignorare, neque Mediatori nocet, & humanæ naturæ, nobis in omnibus, demto peccato, similis, argumentum est. Demus ergo, Christum, uti qua homo vere esurivit, uti vere ad arborem accessit, uti vere inquisivit ecquid in ea inventurus esset; ita id vere ignoravisse, ante- quam cepisset experimentum.

V. Heinsii  
Lectio,  
ὅ γὰρ ἦν,  
καιρὸς  
σύκων,  
examina-  
tur.

V. Non tamen idcirco dandum est, Christum in id genus rebus proleta- riis hominibus, aut grandioribus pueris, fuisse ignorantiorum. Neque colligi id ex eo potest, quod fructum in ficu quæsierit, quando *tempus fi- corum non erat*. Nam certe anni tempestates, & quis quaque tempestate fructus maturus esset, nominatim quæ esset tempestatas ficorum, optime ipsum discrevisse, patet ex Mat. xxiv: 32. & Luc. xx1: 30. Quæ loca supra quoque laudata sunt. Alia igitur quærenda est dicti istius interpreta- tio. Eam se primum convenientissimam ac verissimam invenisse putat *Daniel Heinsius*, suis in Marcum Exercitationibus Sacris. Nimirum sola trans- positione unius spiritus & accentus, sine ulla vocom, vel levissima, muta- tione, in alium, immo contrarium sensum, exhibet oratio: si legas, ὅ γὰρ ἦν, καιρὸς σύκων. Ubi enim erat, *tempus erat ficuum*: vel, tempestivæ, ac maturæ erant ficus. Quæ lectio, neque textui dissona, & rerum veritati atque historiæ nexui admodum videtur esse consentanea. Accentus enim spiritusque, quos, ut & distinctiones, omittebant veteres plerumque (quod



(quod antiqua docent exemplaria) aut negligebant, sæpius mutatos, non est cur miretur quisquam. Minime autem, qui antiquos codices, vel obiter, inspexit. Porro eo tempore & loco quibus hæc contigerunt, ficus præcoces ad esum idoneæ, atque maturæ erant. In Oriente, primo mense, qui Hebræis Nisan, Martius Romanis, ficos nasci *Plinius* testatur: neque paullo certior majorque auctor, Salomo, in Cantu Nuptiali Cap. 11: 13. inter argumenta veris & indicia, ficorum grossos ponit. *Ficus protulit grossos suos.* Et præcessit, *Hyems enim transiit.* Ab istis *Betphage*, ad quam tum versabatur Dominus, videtur dicta. Hebræis enim פִּיטָה *grossi*; quod non modo plures ibi, sed maturius, & præcoces, aut citius quam alibi in Oriente, provenirent. Ubi nihil gratius quam ὄνυξ πρέσπον. Ita autem præcocem, & ante tempus solitum maturam, Hellenistæ dicunt. Quam repertam quisvis avide vorabat: neque quicquam minus quam frustrari spem atque expectationem in hoc fructu suam Orientis filii ferebant. *Jes. xxviii: 4.* Ex quibus omnibus sic infert Vir Illustis: *Quis ergo dubitat, quin, ubi Dominus tum fuit, maturas fuisse ficos Evangelista dicat? istam autem, ideo damnatam, quod dissimilis tum ceteris spem dubitantis ac esurientis Domini eluderet aut frustraretur.* Negari profecto non potest, quin ingeniosa admodum sit ista interpretatio, quæ sola accentus unius & spiritus & interpunctionis mutatione, si mutatione, & sensum gignit commodum, & difficultates omnes tollit. Unum obstat, quo minus ei suæ hæsitacione assentiar, quod constanti Veterum, quotquot sunt, omnium lectioni, omnibus, quotquot exstant, ulla in lingua eruditæ nota, antiquis versionibus repugnet. Novam autem lectionem pro arbitrio sibi fingere, quantumvis plausibili prætextu, ab hominis Theologi modestia alienum esse arbitror.

VI. Videamus igitur, num, servata constanti codicum lectione, sapientiæ pariter & æquitati Domini nostri consuli possit. Sunt qui ita rem concipiunt: quum καιρῶς, temporis aut tempestatis, latissima sit significatio, qua non modo *pars aliqua anni*, sed & *annus integer* notari queat; nihil absurdum fecerit, qui sic interpretetur, *non enim erat annus ficuum ferax*: quod nos Belgæ diceremus, *want het en was geen goed Dyge jaar*/ Galli, *car ce n'étoit pas une saison favorable aux figues.* Quemadmodum ab horatio *pomifer*, & *locuples frugibus annus* dicitur. Admissa hac interpretatione, totam hanc pericopam perspicuam esse putant. Christus esuriens prospicit ficum. Videt eam virentibus foliis luxuriantem. Inde spem fructuum concipit. Hac spe de via desectit, visurus ecquas ficos inveniat, sive præcoces, sive alias. Accedit proxime. At præter folia nil invenit. Cujus inexpectatæ rei hæc adfertur ratio: *neque enim erat tempestas ficibus abundans.* Quod non observatum fuisse à Domino, majorum semper cogitationum pleno, neque absurdum, neque mirum oppido est. In hanc mentem, post alios, *Hammondus*. Sed non immerito similis locutionis exempla requirit

*Clericus.*

VI. Ham-  
mondi in-  
terpretatio,  
non erat  
annus fi-  
cium fe-  
rax.

*Clericus.* Etenim in sacris nostris *καιρὸς θερισμῷ* Mat. xiii: 30. *καιρὸς τῆς καρπῆς τῆς ἀμπέλων* Luc. xx: 10. eam anni tempestatem notant, quæ maturæ ad messem fruges, maturæ ad vindemiam uvæ esse solent.

VII. Ge-  
mina fico-  
rum tem-  
pestivitas,  
altera ver-  
na, altera  
æstiva.

VII. Ea sine dubio omnium optima interpretatio est, quæ neque receptam textus lectionem sollicitat, neque à sueta verborum significatione recedit, & tamen cunctis historiæ partibus est consentanea. Ast ubi talem inveniemus? Meditemur aliquantulum. Nuper ex *Heinsio* intelleximus, notas duum generum ficus in Judæa fuisse, alteras præcoquas, quæ primo vere maturefcerent, alteras serotinas, non nisi adulta ætate ad manducandum idoneas. Quæ observatio tam sacrarum literarum, quam exoticorum scriptorum auctoritate confirmatur. Præconium ficorum, quæ Hebræis dicuntur *בכורות*, mentionem facit *Hoseas* ix: 10. *Ut uvæ in deserto inveni Israël, ut בכורות præcoci in ficu.* Item *Jeremias* xxiv: 2. *Canistrum unum ficorum optimarum, ut sunt fici præcoci.* Adde *Jes.* xxviii: 4. *Mich.* vii: 1. De serotinis ficis agitur *Num.* xiii: 24. quæ à speculatoribus cum uvis in Cananæa decerptæ, & in Israëlitarum castra allatæ sunt. De iisdem differit Dominus *Matt.* xxiv: 22. *Theophrasti* ac *Plinii* in eandem rem testimonia excerptis, post alios, *Clericus.* Gemina itaque fuit ficorum tempestivitas, altera verna, altera æstiva. Applicemus hæc ad rem præsentem. Vidit D. Jesus ficum foliis suis insigniter luxuriantem; inde collegit, fuisse ex præcoquis, quæsititque in ea fructum. Non invenit tamen, quia non erat ex præcoquarum genere; ideoque hujus arboris intuitu non erat *καιρὸς σύκων*, sic enim Evangelistæ verba haud incommode limitari posse videntur. Neque quicquam hic indignum aut indecorum Domino Jesu occurrit, si statuatur, è longinquo, secundum humanam suam naturam, non recte discrevisse, utrum ficus ista ex præcoquarum an serotinarum genere esset.

VIII.  
Lightfooti  
singularis  
observatio.

VIII. Si hæc nondum satisfaciant, nullus intercedo quin addantur *Dottissimi Lightfooti* annotata: quorum summa huc redit. Si Talmudistarum standum sit testimonio, varia ficuum genera in Judæa fuerunt: ex quibus quædam fructum unoquoque anno ferebant, aliæ non nisi bienno aut triennio. Atque hæc quidem primo quoque anno protrudebant fructus, sed ad maturitatem non perducebant nisi secundo aut tertio. Et quum reliquæ ficus vento aut hyeme orbari foliis suis soleant, hæc præteriti & præsentis anni folia, tam hyeme quam ætate, retinuerunt. Fortassis suspicatus est Christus, hanc quam tam frondiferam cernebat ficum ex eo genere fuisse, ab eaque ficos expectasse, non utique præsentis anni (longe enim tempus ficorum aberat) sed præteriti, quæ totam hyemem, vel forte biennum, arbori adhæserant. Atque ita verba ista Marci *ἐν γὰρ ἦν καιρὸς σύκων* non præcise rationem reddunt cur fructus non invenerit Christus, sed ad totam Christi actionem referenda sunt; cur scilicet in monte isto ficubus abundanti

abundanti unam duntaxat conspexerit ἔχουσαν φύλλα (nam peculiare ali-  
quid iis indicari verbis videtur, ac si reliquæ ficus sine foliis fuissent, tali-  
bus saltem quæ fructum pollicerentur) & cur eam, conspectam è longin-  
quo, adierit, ab eaque sola fructus quæsierit: non enim erat tempus or-  
dinariarum ficorum. Atque hæc quidem modestiis suffectura ingeniis ar-  
bitror.

IX. Nunc expendamus, cur placuerit mansuetissimo Jesu, *arbori isti IX. Placuit*  
*maledicere*, eo effectu ut mox à radicibus arefcere cœperit; & arbori quidem, Christo ar-  
uti videtur, *immola*, quam haud mirum est fructum non tulisse, quum bori huic  
tempus fructuum non esset. Respondet *Chrysostomus*, Jesum, ubique alias maledice-  
beneficum, voluisse ut aliquod saltem potestatis suæ punitivæ extaret re, ad indi-  
exemplum: ut exinde, non Apostoli solum, sed & Judæi, discerent, cium effi-  
quod is qui crucifigentes ipsum arefacere potest, gratiæ & clementiæ suæ vâ. vindicati-  
imputari velit, si non arefaciat. Maluit autem efficaciam suæ vindictivæ  
exemplum in arborem quam in hominem edere. Ipsa disertissimi oris ver-  
ba hæc sunt: ἐπειδὴ πανταχῶ ἐνεργεῖται, ἡ δὲ ἐκίλασεν, ἔδει δὲ καὶ  
τῆς τιμωρητικῆς αὐτῆς δυνάμεως ἀποδείξιν παρασχεῖν. ἵνα μάθωσι καὶ οἱ μα-  
θηταί, καὶ οἱ Ἰουδαῖοι ὅτι δυνάμενος ἑξαῖναι τὰς σαυρῶντας αὐτὸν, ἐκὼν σηχα-  
ρεῖ καὶ ἑξαῖναι. ἐκ ἐβόλετο δὲ τὸ εἰς ἀνθρώπους ἐνδείξασθαι, εἰς τὸ φυτὸν  
τῆς ἐνεργείας αὐτῆς τῆς τιμωρητικῆς τὴν ἀπόδειξιν παρῆσχετο. Addit facundis-  
simus Interpretes: ἔδε ἐν ἄλλῳ φυτῷ, ἀλλ' ἐν τῷ πάντων ὑγροτάτῳ τὸ σημεῖον  
ἐποίησεν, ὥστε πάντεσιν μείζον φανῆναι τὸ θαῦμα. In ficu autem potius, qua  
omniū succosissima est, quam in alia quacunque planta, signum hoc extare voluit;  
ut vel hinc majus appareret esse miraculum. Enimvero portentificæ Christi  
potentiæ validum argumentum est, quod tam subito hæc arbor, tam suc-  
culenta, tamque frondosa, non appposito igne, non ferro cedente, non  
evulsa vento, non defossa radicibus, solo omnipotentē Domini verbo,  
tota exaruerit.

X. Quæ non incommode, uti ego quidem arbitror, annotata, nescio X. Frustra  
cur adeo displicuerint *Simoni Episcopo*, in alia omnia eunti. Res, inquit, obloquen-  
quam *Christus* discipulorum animo insigere voluit, non erat demonstratio potentiæ te Episco-  
sua, nedum potentia in punienda ista arbore. Enimvero si potentiam suam facto pio.  
aliquo demonstrare *Christus* propositum sibi habuisset, multo verisimilius videtur,  
facturum eum fuisse, ut arbor ista, reperta frugibus vacua, frugifera reddita fuis-  
set, imprimis quia ista ratione fami suæ succurrere potuisset. Nec enim minus  
facile fuisset *Christo*, eam verbo frugiferam quam aridam fecisse. Ut vero vel  
impetu aliquo, vel pænæ arbori infligendæ causa, eam potentia sua ad eam are-  
faciendam usum esse dicatur, nimis est absurdum & stolidum. Hæc *Episcopus*.  
Cui facile largior, absurdissimum esse & stolidissimum, si quis retur,  
*Christum* ex irati animi impotentia, quod suo vescendi desiderio infelix  
arbor non respondisset, diris eam devovisse, sed non propterea absur-  
dum

Meletem, Leid.

A  
P

dum est & stolidum, si quis credat voluisse Christum, instante jam extrema sui inanitione, & eo ipse tempore quo se naturam nostram una cum illius infirmitatibus assumisse palam faciebat, portentificæ suæ potentiae novum edere circa hanc arborem exemplum: & quidem, cui simile nunquam viderant Apostoli, exemplum θαυματουργίας κολαστικής, ut loquebantur Veteres, potentiae suæ punitivæ: ut appareret, eum qui tam illustria multoties miraculosæ suæ clementiae documenta dedit, non tamen severitatem suam adversus ingratos, pertinaces ac refractarios prorsus deposuisse: quam si non tam frequenter exerceat, non ex potentiae illud defectu, sed ex gratiae abundantia provenire. Immo ne hic quidem gratiae demonstratio deest: quum severitas ista non circa homines exerceatur, sed tantum, sine cujusquam hominis detrimento, circa ficum, quæ, ad viam posita, nullius fortasse hominis propria erat; idque ad salutarem hominum commonefactionem. Sicuti porcos à dæmonibus in mare præcipites dari permisit; sed ab iis dæmonibus, quos humanis exire corporibus iusserat. Pulcre Hilarius: *In eo quidem bonitatis Dominica argumentum reperimus. Nam ubi adferre procurat à se salutis exemplum volebat, virtutis suæ potestatem in humanis corporibus exercuit; spem futurorum & animæ salutem curis præsentium aegritudinum commendans. Nunc vero, ubi in contumaces formam severitatis constituerebat, futuri speciem damno arboris indicavit, ut infidelitatis periculum, sine detrimento eorum in quorum redemptionem venerat, indicaretur. Potuisset utiq; arborem illam frugiferam efficere, ut haberet quo vesceretur. Sed noluit, & sapienter noluit. Ratus, satius hoc tempore esse, ut justitiæ suæ vindicativæ portentosum etiam symbolum ac monumentum aliquod exstaret: ostenderetque se alium, præter corporeum istum, habere cibum, quem cæteri homines ignorabant. Et quis carpat illud, nisi qui sibi homuncioni licere vult omnia, Domino non vult? Præclare Grotius: Clementissimus Dominus, quum innumeris miraculis sua in nos aeterna beneficia signasset, severitatem judicii, quod infrugiferos homines manet, uno duntaxat signo, idque non in homine, sed in non sensura arbore, adumbravit; ut certi essemus, bonorum operum sterilitatem gratiæ fecundantis ademptione puniri.*

XI. Quum ipsa arbor nihil mali merita fuerit, cogitandum est de mysterio.

XI. At quid tandem commisit infelix arbor, ob quam rem tam inopinato mulctaretur exitio? Si verborum proprietatem sectemur, omnino nihil. Creaturæ enim rationis expertes, uti virtutis ac vitii, ita & præmii ac pœnæ, proprie & stricte loquendo, incapaces sunt. Potest tamen in creaturis istis aliquid existere, quod, analogica & symbolica quadam ratione, & vitio & pœnæ respondeat. Defectus fructuum in arbore cæteroquin generosa, succulenta, bene plantata, frondosa, multa pollicente, symbolice respondet vitio animi degenerantis, luxuriosi, ingrati, simulati, superbi, vera tamen virtute destituti. Subitanea arboris ex imprecatione Christi arefactio, qua tollitur quidquid in arbore videbatur esse boni, analogiam quandam

quandam habet cum iustissima Christi vindicta, qua in eos animadvertit qui benignitate sua abutuntur: Quemadmodum igitur peccata ista hominum vere merentur poenam, ita κατ' ἀναλογίαν dici potest, arborem, ita uti descripsimus comparatam, mereri exitium. Cui apologiam non facit Marcus, illo suo, ἐγὰρ ἦν καιρὸς σύκων. Quod cuivis patebit attendenti ad ea quæ de genuina istorum verborum mente disputavimus §. VI. VII. VIII. hic non repetenda. Denique, quum hæc non propter arborem, sed ad majoris rei significationem facta sint; non tam in arbore hærendum, quam ad mysterii meditationem enitendum est.

XII. *Mysterium* autem *geminum* historiæ huic subesse arbitror: quorum XII. Ex alterum, utpote evidentius, ex scripturarum analogia suis colligendum reliquit Jesus, alterum ipse disertiore sermone exposuit. Sub *arborum* emblemate *gentem Israëliticam* proponi, tralatitium, non in Veteris solum, sed & Novi fœderis oraculis est. Nominatim autem comparatur *ficui*. Jer. xxiv: 2. Luc. xiii: 6. arbori in Judæa notissimæ, gratissimæ, æstima-  
tissimæ. Ficus ista plantata fuit in *montibus* Judæ, loco fertilissimo. Popu-  
lus Israëliticus, in felici ista terra habitans, multis à Deo auctus est benefi-  
ciis, quibus obligatus fuit ad ferendos virtutis ac pietatis fructus uberri-  
mos & præstantissimos. Eorum videndorum & percipiendorum *desiderio* flagravit Dominus Mich. vii: 1. *Præcocem fructum desiderat anima mea*. Quamvis nondum *æstivarum* ficorum, quales non nisi post exaltationem Christi, & ubertim in suos effusa Spiritus Sancti dona, erant expectandæ; attamen *præcocium tempus* erat: nam præterita jam prisca rigoris hyeme, sub novi veris adventum, grossulos suos proferre ficum oportuit. Cant. ii: 11, 13. Venit igitur ad ipsos Christus, visurus quid fructuum ferrent. Sed invenit *foliorum* plurimum: *fructuum* nihil. *Folia* sunt, jactatio legis; templi, cultus, cerimoniarum, pietatis denique & sanctimonix; quarum se specie valde efferebant. *Fructus* sunt, resipiscentia, fides, sanctitas, quibus carebant. Parabolica ficus *maledictio* significavit, futurum esse ut populus Israëliticus, iusta Dei indignatione, omni virore & succo spiritualis fœcunditatis privetur: & quia fructus bonorum operum proferre isthoc tempore noluit, deinde nec possit. Ac veluti maledictionis sententiam ficus *arefactio* protinus excepit: sic & Judæorum natio, mox post spretum proterve Messiam, exaruit: decussis etiam illi foliis. Arefacti sunt ritus sacrificiorum, totusque cultus Leviticus: exaruit gloria templi. Exaruit vigor reipublicæ. Et instar aridæ arboris, pabulum superest æterno igni. Heb. vi: 7, 8. *Stupebant* Apostoli, tam subitanæ frondosæ ficus arefactionem conspicati. Judaicæ nationis excidium stuporem incussit omnibus quotquot viderunt, vel audiverunt. Deut. xxix: 24. Cæterum in eo discrimen aliquod esse videtur inter maledictionem ficus, & reprobationem populi Israëliti-  
ci, quod ficui dictum sit, *Ne post hac fructus ex te nascatur in*

*sempiternum*; quodque *exaruerit radicitus*: populus autem Israëliticus re-germinaturus sit, jucundissimisque veræ resipiscentiæ fructibus exuberaturus. Rom. xi: 25, 26. Atque hæc quidem sacrarum literarum vel mediocriter gnaro satis videntur esse liquida, ut etiam sine exserta Domini commonefactione cognosci potuerint.

XIII. Quod tamen Christus subinnuit potius, quam diserte exposcit.

XIII. Neque enim iis assentior, qui statuunt, non fuisse Christo expediens visum, odiosam illam atque invidiosam miraculi significationem, Juda potissimum præsentem, directe explicare: quia in historia passionis maximi probri loco illi objicitur, quod se templum Dei destruere posse dixerit Mat. xxvi: 61. ac Stephanus hoc nomine coram Synedrio graviter accusatur, quod adversus locum illum sanctum non cesset loqui. Act. vi: 13. Christum ergo, invidiæ hujus declinandæ causâ, maluisse discipulis suis hoc cogitandum relinquere, donec eventus ipse miraculi hujus finem revocaturus iis esset in memoriam. Longiuscule hæc petita esse arbitror, & à Christi Domini consuetudine abhorrentia. Quippe qui paulo ante, Hierosolymæ exidium disertissimis verbis in Regio suo introitu prædixerat: & paullo post, principibus sacerdotum & Phariseis alia parabola scelera ipsorum in os exprobravit, cum tam evidenti everfionis ipsorum prænuntiatione, ut in se ea dici facile intellexerint, Mat. xxi: 33, 45. denique urbis & templi instantem destructionem, cum antegressuris eam signis, prolixo sermone, discipulis suis postridie exposuit. Ne dicam nunc, quod ab aliis judiciose est observatum, in hac ipsa Christi concione mysticam illam arefactæ ficus significationem subindicari. Dum enim hinc occasionem sibi sumit fidem discipulis commendandi, subinnuit, populum Judaicum propter incredulitatem in ista crimina istamque pœnam incidisse.

XIV. Quomodo commonefactio de efficacia & necessitate fidei cum miraculi hujus patratione cohareat.

XIV. Cæterum ista Christi *de fidei necessitate ac virtute commonefactio*, quomodo *cum patratione hujus miraculi cohareat*, & ex ea fluat, obscuriusculum est; ideoque curatius indagandum. Non desunt qui existiment, Christum per accidens, uti loquuntur, doctrinam illam repetiisse propter admirationem discipulorum ex incredulitate ortam. Quibus ego profecto nequaquam adstipulor. Res enim ipsa clamat, Christum hoc sine miraculum illud edidisse, ut occasionem haberet informandi discipulos suos de virtute & efficacia fidei. At quo *rerum nexu*? Eum dupliciter assignari posse existimo. Et primo quidem sic: Mirabantur discipuli, sola verborum Christi virtute sicum repente exaruisse. Admirationi isti occurrens Christus, promittit se virtutum iis daturum esse, eadem, vel majora etiam, miracula patrandi, quotiescunque Dei gloria, vel publica privatave Ecclesiæ utilitas illud exigit. Quia vero ad miracula ejusmodi facienda fides requiritur, qua in Deum, veracem & omnipotentem, quivis credens recumbit; hinc generatim commendat fiduciam in Deum, mox specialius illam fiduciam quæ isti œconomix erat consentanea, qua sperare Apostolis licebat,

bat, quidquid Dei nomine atque instinctu, etiam præter solitum resam ordinem, moliantur, id iis esse successurum.

XV. Sed & alium nexum subtiliter, si quid judico, invenit *Episcopus*: XV. Episcopus cuius verba appingere non pigebit. Sic ergo ille: *Quare rem istam, de qua erudiendi discipulos suos occasione sumere voluit Christus, ego arbitror hanc fuisse: nequaquam se diffidere Patri suo, etiamsi fame premebatur, & fami sedanda remedium non reperiebat. Tantum abesse ut propterea Patri suo diffideret, & ei se minus charum ac dilectum esse crederet, ut, quia Patri suo ita videbatur, famem illam libenter se sustinere ac tolerare velle ostensurus esset. Arborem nempe illam non frugiferam reddendo (quod vel vi sua Divina efficere, vel precibus à Patre suo impetrare, sine dubio potuisset) sed exsuccam potius & aridam illico faciend.* Eo enim ipso ostendebat, se Patri suo fidere; ac firmiter credere, non ex solo pane, id est, qualibet re, ac proinde etiam ex ficu, ad nutrimentum idonea, sed ex omni verbo, id est, ex re qualibet, quia Deus uti vult ad nutriendum, hominem vivere: & cum qui sic Deo fidit difficillima quaque superare posse: quin & ista virtute à Deo donatum iri, ut non minus nec difficilior, si modo in fide ista constanter perseveret, & precibus apud Deum pro ope ac auxilio contendat, gravissima quoque obstacula atque impedimenta, licet altissimorum montium instar sint, sublaturus atque amoturus sit, quam ficum istam verbo solo aut jussu suo exarefecerit Christus. Hactenus Episcopus. Equidem causam non video quominus admonitionis Dominicæ cum antegressa historia utramque hanc connexionem recipiamus: quum neutra alteri præjudicet, & utraque æque pro-

XVI. Unum adhuc expediendum restat, quo sensu dixerit Dominus, XVI. Quod etiam si monti tui dixeritis, tolle te, & projicitor in mari, fiet. Matt. XXI: 21. de montis in mare translatione dicitur, non videtur proprie intelligendum. Marc. XI: 23. Cui similis locutio exstat Mat. XVI: 20. I Cor. XIII: 2. Qui secundum literam hæc intelligenda esse pugnare, multum super ea re Christianis facessiverunt negotii. De quorum aliquibus conquestus aliquando Hieronymus est, suis in hunc locum commentariis. Latrant, inquit, contra nos gentiliū canes in suis voluminibus, quæ in impietatis propria memoriam reliquerunt, asserentes Apostolos non habuisse fidem, quia montes transferre non potuerint. Quibus nos respondebimus, multa facta esse signa à Domino, juxta Johannis Evangelistæ testimonium, quæ si scripta essent, mundus capere non posset. Non quod mundus volumina capere non potuerit, quia potest, quamvis multiplicia sint, unum armariolum, vel unum capere scrinium, sed quod magnitudinem signorum præmiraculis & incredulitate ferre non possit. Igitur & hæc credimus fecisse Apostolos; sed ideo scripta non esse, ne infidelibus contradicendi major daretur occasio. In eandem mentem Chrysostomus ad Matth. XVI: 20. Εἰ δὲ λέγεις, πᾶς ὄρος μεταθήσεται, post alia aliqua sic respondet: εἰκὸς δὲ καὶ γεγενῆσθαι τὸ καὶ μὴ γεγραῖσθαι. ὅς ἐστι πάντα αὐτῷ ἐθαυματοεργῶσαν ἐγγράφῃ. Paulo ante dixerat: λέγονται δὲ μετ' ἐκείνων ἅγιοι τινες, ἐκείνων ἐλάττω

πολλῶ, καὶ ὅρη χρείας καλεσάσης μεταθεῖναι. Sic quidem præstantissimi illi interpretes: at difficulter rei nusquam memoratæ fidem inventuros esse credo. Et si vel maxime montem aliquem ab Apostolis eorumve successoribus, sede sua motum, & in mare translatum esse, constaret; necdum tamen satisfactum esset verbis Domini: qui non de quolibet monte, sed de illo nominatim, locutus est, quem præsentem tunc intuebantur omnes, montem nimirum Oliveti, qui ex Bethania Hierosolymam proficiscentibus superandus erat. Eum vero montem suo etiamnum loco extare compertissimum est.

XVII. Mirabilis historia, fabulæ prior.

XVII. Non paullo pressius argumentum hoc urfisse *Sarracenum Calipham* narrant *Marcus Paulus Venetus*, & *Gulielmus Postellus*, & ex utroque in Harmonia sua *Johannes Gerardi*. Memorant illi, Calipham istum Christianis, qui circa Taurisium in Perside erant, doctrinæ Christianæ falsitatem objecisse, hoc argumento, quod Christus dixerit, fore, ut si quis fidem haberet, montes moveret suo loco. Itaque coëgisse illos, ut vel fide & oratione dogma hoc verum esse ostenderent, vel Mahumetis reciperent doctrinam, vel omnes misere perirent. Terribilis profecto disputandi ratio. At quo se tandem modo expediunt pressi tam inique Christiani? Audite rem miram, modo veram: cunctis ad preces ardentissimas converfis, surrexisse ajunt quendam fide ac spe plenum, dixisseque, *Abi mons hinc in Nomine Domini nostri Jesu Christi*; confestimque montem emotum sede sua, permultis Sarracenis amplectandæ religionis Christianæ occasionem dedisse. Quæ profecto oppido forent notabilia, modo narratio ista idonea auctoritate fulciretur. At, nequid dissimulem, tantum mihi credulitatis domi non est.

XVIII. Locutione pro-verbiali notatur patratio rei arduæ & fidem promodum superantis.

XVIII. Nullus equidem dubito, quin tanta aliquando fide præditi fuerint Apostoli, ut, si Spiritus Christi, cujus ductu regebantur, impulsu montes loco cedere, & in mare se præcipitare, jussissent, id etiam reapse fuerit futurum. Cæterum usu non venisse credo, ut eam rem expedire judicaverint. Majora interim fecerunt. Nam unius mortui excitatio, plus est quam multorum montium translatio. Quum illud omnes naturæ vires exsuperet, hoc vero ingenti terræ motu naturaliter quandoque contingat. Cæterum non eam hic rem agi existimo; neque presse nimis urgendum esse literæ sonum. Utitur Christus locutione proverbiali, ex communi gentis atque ætatis suæ consuetudine petita. Solebant enim Judæi φράσει ista rei cujusque arduæ, inexpectatæ, & fidem prope modum superantis patrationem indicare. Crebroque de illustribus Doctoribus suis, maximas quasque difficultates, ingenii sui vi, & orationis facundia, è medio tolerantibus, dicere consueverant, *הוא עוקר הרים ipse est eradicator montium*. Imo & amplificant locutionem istam hyperbolicam. *Vidit*, inquit in Talmude, *Resh Lachisk in Schola*, ac si eradicaret, & hunc illo commoleret.

Plura



Plura exempla congeffit Doctissimus *Lightfootus* ad hunc locum. Non procul hinc recedunt *proeis* istæ scripturariæ, quibus magnorum remotio impedimentorum, montium complanatione, & in planitiem reductione, exprimitur. *Jes. xl: 4. Zach. iv: 7.* Quando igitur promittit Apostolis suis Dominus, futurum esse ut fidei suæ virtute *montes transferant*, hic videtur esse sensus, nihil tam arduum fore, tam sanctis ipsorum conatibus adversum, quantumvis illud validum, & montis instar immobile esse censeatur, quod fidei suæ constantia ac precum ardore non superent. Cui explicationi favet generalior illa promissio, speciali huic addita, *omnia impetraturos qua credentes petierint.* Atque hac interpretationis simplicitate ego equidem contentus esse possum: subtilioribus aliorum, sive Veterum, sive Recentiorum, expositionibus, suis auctoribus suoque loco relictis.

## DISSERTATIO XL

Qua acquiritur

An Christus eodem quidem cum Judæis die, sed non eadem diei parte, ultimum suum Pascha manducaverit.

## B R E V I A R I U M.

- I. An diverso, an eodem cum Judæis die, Christus ultimum suum Pascha comederit, discrepant Interpretes. II. Sunt qui eodem quidem die id factum esse contendunt, sed non eodem diei tempore. his nixi hypothesis: III. Quoniam præcisum diei tempus primæva lege definitum non est. IV. Et Ægyptiacum Pascha celebratum est incipiente die xiv. circa vespertam. V. Serior Lex Deut. xvi: 6. adstringit ad tempus occidentis solis. VI. Parasceve Paschatis & Pascha non duo distincti dies, sed ejusdem diei distincta sunt tempora. VII. Quoniam redemptio ex Ægypto est typus redemptionis per Christum, conveniens esse videtur ut Christus eodem diei tempore ultimum suum Pascha celebraverit quo Israëlita primum in Ægypto. VIII. Ad quod probandum adducitur Matt. xxvi: 18. IX. At omnes hæ hypothesis incertæ sunt, aut falsæ. X. Inter duas vespertas notat partem aliquam diei pomeridianam. XI. Pascha Ægyptiacum mactatum est ad finem diei xiv. XII. Egressus Israëlitarum ex Ægypto factus sub auroram diei xv. XIII. Cui non repugnat Deut. xvi: 6. XIV. Neque præceptum de non egrediendo ex ædibus usque ad matutinum. XV. Inter mactationem Paschatis & egressum Israëlitarum ex Ægypto plus temporis poscitur quam necesse est. XVI. Nam multo breviori conscribi omnia potuerunt. XVII. Deut. xvi: 6. Non extat nova Lex quæ abroget priorem. XVIII. Parasceve festi, non est ipse dies festus. XIX. Analogia typica liberationis ex Ægypto, & vera per Christum, non est querenda in horariam minutis. XX. Tempus Christi Mat. xxvi: 2. notat horam passionis & mortis.

I. An diverso, an eodem cum Judæis die, Christus ultimum suum Pascha comederit, discere Interpretes.

**D**E tempore, quo Dominus noster Jesus Christus novissimum suum cum discipulis Pascha celebravit, fueritne id eodem cum Judæis die, an diverso, antiqua & anceps est quæstio. Ubi tam Historiæ Sacræ obscuritas, vel, si mavis, diversæ Evangelistarum locutiones, quam mentium nostrarum caligo, effecerunt, ut in tres potissimum partes interpretes secesserint. *Prima* eorum est, qui contendunt, Christum, uti Dominum Legis, **DIEM LEGE DEFINITUM**, ob idoneas rationes **ANTICIPASSE**: & quamvis Lex Mosaica diem **XIV** mensis Nisan Paschati sacraverit, Christum tamen suum **XIII** die celebrasse. Hac mente fuisse dicuntur ex Græcis antiquissimis *Clemens Alexandrinus*, *Hippolytus* Ponti Episcopus Irenæi discipulus, *Apollinarius* Hieropolitanus, & si quis alii. Quibus accedunt recentiores Græci plerique omnes; præferim ex quo controversia de *pane azymo*, an *fermentato*, in cœna adhibendo, & à Christo adhibito, ipsos inter & Latinos, undecimo seculo, valide agitari cœpta est. Ut enim panem suum fermentatum propugnarent, Christum ante azymorum diem Pascha suum comedissee pugnant. Cæterum sententia ista, quum nulla nitatur probabili ratione, variis laboret absurdis, & Evangelio palam sit contraria, paucos hodie, aut nullos fortassis, in Occidente asseclas habet. *Secunda* sententia eorum est, qui credunt, **CHRISTUM UNO** quidem **DIE ANTICIPASSE JUDÆORUM PASCHA**; sic tamen ut ille **DIE XIV**, a **LEGE PRÆSCRIPTUM**, observaverit, hi vero ob certas quasdam causas, præcipue ad vitandum, incommodum sibi, duorum dierum feriatorum concursum, Pascha suum in **SEQUENTEM REJECERINT**. Sive id ab ipsis in *fraudem legis* factum sit: sive excusare se potuerint ope *intercalationis*, aut *diversa calendarum computationis*, vel à *luna* cum sole *coniunctione*, vel ab illius *Phœni* sive *apparitione*. Denique non desunt, qui Christum **EODEM CUM JUDÆIS DIE PASCHA** suum celebrasse autumant. Utraque hæc sententia auctores habet, & numero plurimos, & eruditione præstantissimos. Utraque se probabilibus oppido tuetur argumentis: dum pro illa Johannes stare videtur, pro hac cæteri Evangelistæ. Sed & utraque validis premittitur difficultatibus. Quod haud scio an aliunde melius didiceris, quam ex amicis super hac re collationibus **JOHANNIS CLOPPENBURGII**, & **LUDOVICI CAPELLI**, erecti ingenii & generosæ indolis Theologorum.

II. Sunt qui eodem quidem die id factum esse contendunt, sed non eodem diei tempore.

**II.** Quum igitur nondum sibi in hoc negotio satisfactum esse crederent viri quidam eruditi, ulterius sibi meditandum esse arbitrati sunt: & in eam inciderunt cogitationem, an non fortassis componi possint omnia, si statuatur, Christum **EODEM** quidem cum Judæis **DIE**, at non **EODEM DIEI TEMPORE**, Pascha comedissee; Christum, **DIE INCIPIENTE**, Judæos, **DIE VERGENTE AD FINEM**. Hujus se mentis esse declarat Vir Clarissimus, **JOHANNES HOORNBECKIUS**, in *Dissert. de Cœna Vet. Sæc.* 11. §. 2.

ubi

ubi se id alias, Deo dante, prolixius probaturum esse pollicetur: cæterum an, & ubi id præstiterit, equidem ignoro. Operam istam sibi datam esse credit FERRANDUS, Juris Consultus, & causarum in Gallia patronus: in libro vernaculo, quem insignivit titulo *Animadversionum in Religionem Christianam*, Parisiis edito MDCLXXIX. Tom. I. Sect. VI. Quumque causam hanc non indiligenter, neque infelicitè, agat; lubet cogitata ipsius, in summam contracta, primum exponere, dein æquo & placido animo examinare.

his nixi  
hypothe-  
sibus.

III. Sententiam itaque suam quadam ratiocinationum serie hoc ferme modo exponit ac probat Ferrandus. I. Jussi sunt Israëlitarum in Ægypto Pascha suum jugulare die XIV. mensis, INTER DUAS VESPERAS. Exod. XII: 6. Id significare putat totius illius *νύκτας* ambitum, à vespera qua incipit dies XIV, usque ad vesperam qua desinit. Confer Lev. XXIII: *A vespera, ad vesperam celebratores cessationem vestram*. En duas vespèras: intra quas si mactaretur agnus, mactabatur rite.

III. Quoniam præcisum diei tempus primæva lege definitum non est.

IV. II. Porro Ægyptiacum Pascha mactatum est initio diei XIV. incipiente illius vespera, id est, secundum nostram supputationem in fine diei XIII. ante mediam noctem. Quod ita probatur. I. Profecti sunt post celebratum suum Pascha ex Ægypto. Profecti autem sunt nocte. Deut. XVI: I. & sole occidente. vers. 6. Inciditque illa profectio in diem XV. post die ipso Paschatis Num. XXXIII: 3. Ergo fieri non potuit ut ea vespera qua inchoatus est dies XV. Pascha suum manducaverint; quum sole occidente jam egressi sint. Sed oportet id eos fecisse ea vespera qua inchoatus est dies XIV. II. Interdictum Israëlitis erat nocte Paschali domo egredi. Exod. XII: 22. Multo minus itaque fas ipsis fuit eodem tempore magnum illud iter ingredi. III. Post manducatum Pascha tot tantæque res Israëlitis ante suum exitum faciendæ erant, ut vel integri diei mora vix iis sufficere videatur. Consideretur historia. Exod. XII: 29. Sub mediam noctem occidit Deus primogenitos Ægyptiorum. Surrexit Pharaon nocte, & accessit Moyses & Aaronem. Pharaon fuit in Regia sua: quæ non solet esse Regibus ad extremos regni sui fines. Sed ita potius, ut urbibus, vicis, villis, quas subiecti ac cives incolunt, ad septem aut octo miliaria in ambitu, cincta sit. Moysen atque Aaronem probabile est cum popularibus suis Pascha celebrasse in Gosen, sive Rameses, unde exiverunt Israëlitarum. vers. 37. qui erat locus, non ab Ægyptiis, sed Israëlitis habitatus, ideoque à Regia aliquantulum saltem, fortasse duodecim aut quindecim miliaribus, remotus. Horarum itaque aliquot spatio opus fuit, antequam nuncius à Pharaone ad Moysen & Aaronem venire potuerit: totidem horarum, antequam Moyses cum Aarone veniret ad Regem: & rursus totidem antequam cum regiis jussis redirent ad Israëlitas. Nam certe quadraginta aut quinquaginta miliarium iter non admodum exiguo tempore conficitur. Ut nihil nunc de intermedia mora

IV. Et Ægyptiacum Pascha celebratum est incipiente die XIV. circa vesperam.

Meletem, Leid.

Q9

dicam,

dicam, quam cum Rege in Regia exegerunt. Adde quod *Israëlitas* ante discessum petierint ab *Aegyptiis* instrumenta argentea, aurea, & vestes. Aliquanto etiam tempore ad illa petenda, accipienda, opus fuit. Et quantumvis festinato peracta credas omnia, concipi ea res aliter non potest, quin quod restabat noctis iis impensum sit. Quomodo ergo exire potuerunt eadem nocte qua comederant Pascha, & quidem sole occidente?

V. Senior  
Lex Deut.  
xvi: 6.  
adstringit  
ad tempus  
occidentis  
solis.

V. III. Observat novam de Paschate Legem exstare Deut. xvi: 6. *Ma- stato Pascha vespere, quum occidit sol, stato tempore exitus tui ex Aegypto.* Si autem exitus ex *Aegypto* factus est in fine xiv. diei, & continuatus die xv: Pascha vero *Aegyptiacum* maclatum est initio diei xiv. ut jam demonstra- tum, consequitur, posteriorem hanc legem, qua adstringitur Pascharis maclatio ad horam exitus, derogare legi priori. Adeo ut quod olim lici- tum fuerat facere à vespera quæ inchoat diem xiv. per hanc legem adstringa- tur ad horas pomeridianas proxime antecedentes vesperam diei xv. At- que hæc est ratio, cur recentiores Interpretes phrasin *inter duas de tempore pomeridiano* subtilius exposuerint, suorum seculorum praxin attendentes.

VI. Para-  
sceve Pa-  
scharis &  
Pascha  
non duo  
distincti  
dies, sed  
ejusdem  
diei di-  
stincta  
sunt tem-  
pora.

VI. iv. Monet quod *Parasceve Pascharis* & *Pascha* non distinguebantur uti duo distincti dies, sed ut *ejusdem diei distincta tempora*. Qui dies, *para- sceve* dicebatur, a parte *majori*, quæ impendebatur præparationi ad festum; *Pascha*, à parte *digniore*, qua offerebatur Pascha. Nam, observante *To- stato*, *Pascha* non durabat per diem integrum, sed per tres quatuorve horas: antecedentia diei pertinebant ad *parasceven*. *Parasceve* Sabbati incipiebat ab hora ix. diei Veneris. *Augustus* apud *Joseph. Antiq. Lib. xvi. Cap. x.* placet mihi de communi jurati senatus sententia *Judeos uti propriis ritibus ac legi- bus* --: neque cogi ad præstanda *vadimonia Sabbatis*, aut *PRIDIE SABBATO- RUM* POST HORAM NONAM IN *PARASCEVE*. At *parasceve Pascharis*, jam *hora sexta* erat. Joh. xiv: 14. Imo incipiebat à diei initio.

VII. Quo-  
niam re-  
demtio ex  
*Aegypto*  
est typus  
redemti-  
onis per  
Christum,  
conveni-  
ens esse  
videtur ut  
Christus  
eodem  
diei tem-  
pore ulti-  
mum su-  
um Pascha  
celebrave-

VII. v. Jubet notare, redemptionem ex *Aegypto* insignem typum fuisse redemptionis spiritualis per Christum: quem in finem profert *eximium* tes- timonium *R. Bechai*: quod non absque ratione ex veterum *אֱלֹהִים* arcessit, quum ipse *Bechai* vocet *כְּלָרַן בִּיר הַנְּבִיאִים*, & hanc fere habet men- tem: *Redemptionem per Messiam multis in rebus similem futuram esse redemptioni ex Aegypto: imo & longe excellentiorem; quandoquidem conciliatura homini- bus est uberiorem & sublimiorem cognitionem Dei.* Notumque est Christi illud Mat. v: 17. & Pauli I. Cor. x: 11. Unde infer, id quod factum est in *Aegypto* sub *Mose*, renovandum fuisse per Christum. Sicuti ergo, quum *Moses* liberaturus esset *Israëlitas* ex *Aegypto*, *Pascha* celebratum est initio diei xiv. similiter *Pascha* à Christo, quum jam in procinctu staret ad suos vindicandos è servitute peccati & Diaboli, eodem tempore celebrari debuit.

VIII. Probat hoc assertum suum 1. Ex Matth. xxvi: 18. *TEMPUS MEUM prope est: apud te facio Pascha.* Tempus meum, distinctum à com- muni

muni *Judaorum tempore*. Quo illa mihi facienda sunt, quæ mysterium Paschatis ad plenum exponant. Ita ut meum Pascha respondeat Paschati Exodico, & me ipsum ut verum Pascha immolem tempore deinceps in Deuteronomio definito, & Judæis passim usitato. 11. Quia ex hac hypothesis facile conciliantur τὰ ἐρασίου Evangeliorum. Nam Matthæus, Marcus, Lucas, clare docent, Christum eodem cum Judæis die Pascha suum celebrasse. Nec minus clare docet Johannes Judæos suum manducasse post Christum. Joh. XVIII: 28. XIV: 14.

IX. Quis inficietur, ingeniose hæc à Jurisconsulto esse inventa & disposito? Si tamen justa judicii lance ponderentur, patebit non æque solida esse quam speciosa: quippe nixa hypothefibus incertis, aut falsis. Quod singularum examen demonstrabit.

X. Ac primo quidem neutiquam admittendum esse cenfeo, quod phrasis ista inter duas vespervas totius νύκτας spatium notet intercedens inter vespervā prætergressi & vespervā sequentis diei. Tunc enim obscura ista & ambigua locutio (קשר מלך dictionem duram vocat Aben Ezra) prorsus esset supervacua: sufficisset diei numerum indicasse. Nam quidquid sit, secundum hanc expositionem, semper inter duas vespervas sit; five inter quotidianum viginti & quatuor horarum decursum. Notat igitur locutio ista partem aliquam pomeridianam diei, quæ opponitur matutino. Quod, ne Judæorum nunc auctoritate pugnem, invicte probatur ex Num. XXVIII: 4. Agnorum il-

lorum unum parato mane, agnumque alterum parato INTER DUAS VESPERAS. Tam perspicua verborum istorum mens est, nulla ut ulteriori commentatione, quoad hanc saltem controversiam, indigeant. Id unum superest, an ea diei pars indigetur quæ à declinante sole incipit, an quæ proxima occidenti est. Illud Rabbanista, hoc Karai olim pugnaverunt. De quorum dissentientibus, etiam circa hunc temporis articulum, opinionibus multa nos præclare docuit TRIGLANDIUS noster in *Diatrise de Secta Karaorum*, reconditæ & exquisitæ eruditionis libro. Cap. IV. In Rabbanistarum principibus erat domus Hillelis: שאמרו שבין ערביים חותם משערי נמור השמש למערב מערב משש שעור ומחצת מתבוקר inter duas vespervas sit à tempore quo sol inclinatur ad latus occidentis, id est à sexta hora & dimidia, si diem numeres ab ortu. Huic se cum plurimis nostratium jungit Coccejus in Lexico. Nemo tam absurdus fuerit, ut cavilletur, si inter vespervā præcedentem & sequentem manducandus agnus, ergo agnum potuisse recte manducari nocte & mane præcedente ante meridiem. Neque INTER DUAS VESPERAS idem notat quod à VESPERA AD VESPERAM, sed tantum nomen id datur parti diei quæ post meridiem superest ad vespervā, & non habet nomen aliud, ut nox, mane, meridies. Karaorum autem sapientes definiverunt Pascha manducandum esse post occasum solis, שיקעו שמש שמש quod hanc diei partem inter duas vespervas diei autumarent. Eorum-



Moses dixit Num. xxxiii: 3. *Decimo quinto die mensis ipsius primi, post die Paschatis egressi sunt Israëlita, manu sublata, ante oculos omnium Aegyptiorum: Aegyptiis sepelientibus primogenitos.*

XIII. Cui non repugnat Deut. xvi: 6.

XIII. Hallucinatur itaque Ferrandus, dum Israëlita sole occidente egressos esse putat; idque dixisse Moysen Deut. xvi: 6. Verba enim Moysi sic habent: *Maſſato Paſcha vespere circa occaſum ſolis מועד צאתך ממצרים, qua tempeſtate egreſſus es ex Aegypto.* Enimvero amplioris extenſionis eſt vox מועד, quam ut ad hora ſpatium reſtringi debeat. Alibi ad totam ſeptem dierum feſtivitatem refertur. 2. Chron. xxx: 12. וַיֵּצְאוּ מִן הַמִּוֶּעַד שִׁבְעָה יָמִים. & comederunt ſtato illo tempore ſeptem diebus. Conf. Exod. xxxiv. 11. Non peccabimus igitur ſi hic de die intelligere malimus quam determinatius de diei hora. Præeunte ipſo Moſe Exod. xii: 17. *In eadem ipſa die educam exercitum veſtrum.* Rurſus Cap. xiii: 3. *Memento diei huius quo egreſſi eſtis ex Aegypto.* Meretur hic appingi Aben Ezra commentatio ad Exod. xii: 31. *Inceperunt egredi matutino tempore. Et hoc eſt tempus adſcenſionis columna aurora, quando ſol incipit oſtendere lucem in nubibus. Eſt autem inter principium huius momenti & ortum ſolis hora aquabilis, & tertia pars hora: idque dicitur nobis mane, quamvis adhuc ſint profunda tenebra. Fuerunt igitur ex Iſraël, qui exhibant in principio columna aurora, quum adhuc nox eſſet, ſecundum modum Legis uſque ad ortum ſolis. Hi erant propinqui Aegypto: ſed alii longius poſiti egrediebantur die ipſo, quia congregatio magna erat. Porro eſt à principio Rameſſis uſque ad finem ejus plus octo paraſangis. Idcirco ſcriptum eſt. Deut. xvi: 1. Eduxit te Jehova Deus tuus ex Aegypto noctu: Et alia Scriptura Exod. xiii: 4. HOC DIE VOS EXITIS. Amplius, ubi ſcriptum eſt, & Filii Iſraël egreſſi ſunt manu excelsa Num. xxxiii: 3. ibi mox adjungitur. com. 4. Aegyptiis ſepelientibus primogenitos. At de die ſepeliunt. Haſtenus Aben Ezra.*

XIV. Neque præceptum de non egrediendo ex ædibus.

XIV. Porro non obſtat expoſitioni huic interdictum de non egrediendo ex ædibus uſque ad matutinum. Quæ enim adjungitur ratio, ſatis docet, quo modo hoc intelligendum ſit. Nimirum nefas erat egredi domo, ne inciderent forte in angelum primogenitorum percufforem. Eam ob rem, patrata jam ſtrage omnium primogenitorum in Aegypto, & ceſſante Iſraëlitæ periculo, quod interdicto cauſſam dederat, ceſſabat etiam interdicti religio. Præſertim quum accederet facultas Aegypto exeundi, Deo procurante, à Pharaone data. Denique ipſa proſectio vix eſt inchoata niſi primo diluculo, exacto fere interdicti tempore,

XV. Inter maſtationem Paſchatis & egreſſum Iſraëlitæ ex Aegypto

XV. Majores certe difficultates naſcuntur ex conſideratione tot tantarumque rerum, quæ inter Paſcha Iſraëlitæ & proſectionem ex Aegypto mediæ interceſſerunt. Et prout difficultates iſtas Ferrandus nobis ſuggerit, ne ipſe quidem iis ex ſua hypotheſi ſolvendis par eſſe comperietur. Faciat periculum. Non ante mediam noctem quiritari apud Pharaonem de primogenitorum

plus temp-  
poris po-  
scitur  
quam ne-  
cesse est.

mogenitorum suorum mortibus Ægyptii potuerunt. Nuncius à Pharaone ad Moſen in Rameſes, duodecim quindecimve milliarium iter emenſurus, quatuor ad minimum horis indiguit. Aliquanto fortasse pluribus Moſes & Aaron in itu : totidem in reditu. Exſurgunt horæ duodecim, Duas præterea *Ferrandus* attribuit moræ in Aula, quando de exitu inter Regem & Moſen tranſactum eſt. Habemus ergo Horas quatuordecim. Fuit juxta illum calculum hora diei octava, quum libertas exeundi promulgata Iſraelitis in Goſene eſt. Tempore opus fuit antequam iſtius rei fama à proximis ad remotiores, in tanta populi frequentia, dimanaverit. Sumamus, requiri horam, aut bihorium : vix enim eſt ut minori id tempore fieri quatum ſit. Ita attigerimus horam diei decimam. Poſtea Hebræos ab Ægyptiis petiſſe credit vaſa aurea & argentea. Ei rei tribuit duas treſve horas. En jam occaſum integra hora ſolem, antequam pedem movere Hebræi ad exeundum potuerint. Sic ſuis ipſe ſe retribus *Ferrandus* implicat. Quem ſibi, ſi volet, relinquentes, de noſtra evaſione cogitemus.

XVI.  
Nam  
multos  
brevio-  
ri conſeri  
omnia po-  
tuerunt.

XVI. Et primo quidem reputemus, non abhoruiſſe à moribus antiquorum regum, ut præter eam quam in metropoli habebant regiam, ordinariam fortassis commorationis ſuæ ſedem, alias quoque ædificarent in extremis regni limitibus, ut pro munimentis etiam eſſent. Nota eſt *Maſſada*, ingenti ſumtu ab Herode magnifice inſtaturata, & de nomine ſuo *Herodium* vocata, ſita in monte juxta Arabiam, deſcripta Joſepho. de *Bello Jud. Lib. I. Cap. XVI. & Lib. VII. Cap. XXVIII.* Nota *Macherus*, in ultimo *Perea* limite verſus Moabitim. Notæ *Jothami turres & Palatia in ſaltibus* ædificata. 2. Chron. xxvii: 4. Nota *turris Libani ſpectans verſus Damascum* Cant. vi: 14. Nota *domus ſaltus Libani*, in extremis terre ſanctæ finibus; à Salomone ſtruſtæ. 1. Reg. vii: 2. Nihil itaque alienum à veritate ſtatuemus, ſi exiſtimemus Pharaonem quoque arcem munitam in confinio Goſenis habuiſſe; qui locus & natura amœniſſimus erat, & ubi tantæ extraneorum multitudini rerum ſuarum ſedem majores ipſius aſſignaverant. Quumque nunc res novas peregrini iſti molirentur, incredibile non eſt ipſum, regni ſui ſecuritati conſulentem, iſthuc ad tempus diverſiſſe, exercituum ſuorum corona cinctum; ut gliſcenti rebellionem (ſic enim interpretabatur) vel ad remedium, vel ad poenam, cum copiis ſuis, præſto eſſet. Atque ita quæ finxit ſibi *Ferrandus*, de perpetua Regiæ ab extremis finibus diſtancia, non niſi ſomniorum ſuaviludia ſunt, quæ ſponte evaneſcunt. At nec illud diſſentaneum vero eſt, Moſen & Aaronem, futuri conſcios, ibi in Goſene egiſſe, ubi Regiæ arcis proximi erant. Et ſic duodecim ferme horas lucrificimus, prolixo iſti itui ac reditui impendenda. Sed & alias duas facile lucrabimur, ſi attendamus Pharaonem, quum feſtinato opus eſſe cerneret, verbo Moſen & Aaronem expediſſe; quos *clamabat, dicenſ; ſurgite, exite de medio populi mei &c.* Nec ſane mortis ſibi



sibi tunc nesciendas esse ministri Jehovæ crediderunt. Adde, eas quoque horas eximi posse, & forsan debere, quas petendis, excipiendis, condendis Ægyptiorum vasibus, attribuit Ferrandus. Etenim plus quam probabile est, dudum id ab Hebræis esse factum, mox atque à Mose jussi erant. Vide Exod. xi: 2. Quod & Augustino observatum est. *Quæst. XLV. in Exod.* Jam, inquit, hoc factum fuerat ante mortes primogenitorum Ægyptiorum. Sed nunc per recapitulationem repetitur. Non narratum est, quando factum est. Modo enim fieri quomodo posset in tanto luctu ex mortibus suorum, ut accommodarent ista filiis Israël? Profecto tanta sarcinarum moles, quibus Ægyptum spoliassè dicuntur, brevi colligi non potuit. Sic rursus tres horas in lucro ponimus; in universum septendecim, quas sine idonea causa poposcerat sibi Ferrandus. Adde, Israëlitas, professionis hac sibi nocte suscipiendæ gnaros, omniaque in promptu habere jussos, in procinctu jam stetisse, bene calceatos, cum baculo in manu, & ad primum signum exitum festinasse, eos comprimis qui in prima futuri erant acie, urgentibus etiam & ejicientibus Ægyptiis. Neque necesse fuit expectare, ut fama concessi exitus ad postremos dimanaverit, antequam iter inciperent primi. Hac ratione fieri commode potuit, ut eadem nocte in viam sese darent.

XVII. Frustra itaque speravit Ferrandus, se legem Deut. xvi: 6. de Paschate non nisi vespere mactando, quam opinioni suæ è diametro videbat esse contrariam, sola hac exceptione elusurum, quod hic nova feratur Lex, quæ abroget priorem. Ne quis enim in eam forte cogitationem incideret expressit Deus in prima Paschatis institutione, qua Paschatis tempus inviolabili & in ævum perennaruro instituto definivit. Exod. xii: 14. *Quamobrem ille dies vobis erit in monumentum, ut celebretis ipsum festum Jehova: PER ÆTATES VESTRAS STATUTO PERPETUO CELEBRATE IPSUM. Quod repetitur vers. 17. & 41. NOX PLURIMUM OBSERVANDA EST JEHOVÆ QUAE EDUXIT EOS E TERRA ÆGYPTI. Hac est illa nox Jehova plurimum observanda omnibus Israëlitis PER ÆTATES.* Unde pater noluisse Deum, ut, quam diu Mosaica duratura erat OEconomia, ulla in die Paschatis fieret novatio.

XVIII. In eo quoque fallitur Ferrandus, quod *Parasceven* Paschatis ipsius Paschatis diei priorem partem esse existimet. Semper enim Parasceve festi alicujus ad eum refertur diem qui festum antecedit: sive integer dies, sive pars aliqua diei isthuc nomine veniat. Voci Græcæ Parasceves respondet Hebræa ערב *vespera*, quæ, quando ad Sabbatum refertur, integrum sæpe Veneris diem notat. In *Bereschit Rabb*, cap. xi: dies Hebdomatis sic numerantur. *Feria prima, secunda, tertia, quarta, quinta, Parasceve, Sabbatum.* Eadem mente dixit *Marcus* cap. xv: 42. *παρασκευή, ὁ δὲ ἑπομένον ἑσπέρην.* & *Lucas* cap. xxiii: 54. *ἐν τῇ παρασκευῇ.* Sin strictius fumatur, ut parte

XVII.  
Deut.  
xvi: 6.  
Non extat  
nova Lex  
quæ abroget  
priorem.

XVIII.  
Parasceve  
festi, non  
est ipse  
dies festus.

*ἡμέρα ἢ μέρος*  
Nisi significet, semper pro parte  
ultima

ultima præcedentis diei venit. Quod & locus *Ferrando* ex *Josepho* laudatus evidentissime docet.

XIX. Analogia typicæ liberationis ex Ægypto, & veræ per Christum, non est querenda in horarum minutiis.

XX. Tempus Christi Matth. xxvi: 18. notat horam passionis & mortis.

XIX. Convenientia, quam ex *R. Bechai* annotavit *Ferrandus*, inter Typicam Israëlitarum liberationem ex Ægypto, & Mysticam per Messiam, memorabilis quidem, sed non in horarum minutiis collocanda est. De qua re nec ullum apud *Bechai* verbum exstat. Adde, quod Pascha Israëlitarum in Ægypto non fuerit typus Paschatis celebrandi à Christo, aut SS. Coenæ ab ipso instituendæ, sed Christi ipsius, mactandi pro electis: docente *Paulo* 1. Cor. v: 7.

XX. TEMPUS Christi Matth. xxvi: 18. non notat diem agendi Paschatis, diversum ab eo quem Deus perennaturo iustituto definiverat; sed horam passionis & mortis, confer. Joh vii: 30. viii: 20. Quid multis? Interpretem habemus hoc ipso capite Christum xl. 45. Ecce appropinquavit hora: & filius hominis traditur in manus peccatorum. Quomodo *Johannis* & aliorum Evangelistarum *ἡρασιονοφαν* optime concilientur, alterius disquisitionis est, quam, a viris doctissimis summa accurate tractatam, ingredi jam non lubet. Mihi duntaxat id operæ hac dissertatione sumsi, ut ostenderem, non esse idoneam satis conciliationis viam, quam cæteris prætulit *Ferrandus*.

## DISSERTATIO XII.

IN JAC. IV. 5, 6.

*De Spiritu concupiscente, aut non concupiscente ad invidiam.*

### BREVIARIUM.

I. Dissertationis argumentum. II. Difficultates explananda. III. Sententiarum qui totam pericopam de Spiritu malo ad malum concupiscente interpretantur. IV. Quorum quidam fatentur se nescire quem Veteris Testamenti locum *Jacobus* in mente habuerit. V. Alii cogitant de Gen. vi: 5. & viii: 21. VI. *Grotius* refert ad Gen. vi: 3, 5. VII. Cujus mens fusius claratur. VIII. Adstipulatur *Hammondus*. IX. *Heinsius* quatit *Proverb.* iiii: 34. & iv: 9. X. Sed omnes in eo falli videntur, quod opinentur de spiritu malo hic esse sermonem. XI. *Grotii* & *Hammondi* interpretatio oppido torta est. XII. Neque illa *Heinsii* satisfacit. XIII. Alii malunt de spiritu bono & obdore laudabili *Jacobum* loqui: sive intelligatur amulatio, qua nos prosequitur Deus. XIV. Sive sancta nostra in orando importunitas. XV. Sive bona amulatio nostra adversus omne id, quod inimicum est Deo. XVI. Coccei notabilis interpretatio, XVII. Aliis quidem prælata; non tamen pleno assensu probata. XVIII. Vera mens hac esse videtur: Ecquid Spiritus Sanctus in nobis habitans, facit, aut permittit, ut ad invidiam concupiscamus? XIX. Quod scriptura fieri negat *Nam*, xii: 29. XX. Neque frustra id docet.

Memorabilia

**M**emorabilia imprimis Jacobi Apostoli verba sunt, Epistolæ suæ Cap. IV: 5, 6. Ἡ δουλία ὅτι κενὸς ἡ γραφή λέγει; πρὸς φθόνον ἐπιποθεῖ τὸ πνεῦμα ὃ κατόικουν ἐν ἡμῖν. Μείζονα δὲ δίδωσι χάριν. I. Differtionis argumentum.

In quam pericopam *plaustra interpretationibus onusta* à Theologis inducta esse, non minus vere quam eleganter dicit *Erasmus*. Quorum immensam varietatem, post *Franciscum Lucam Brugensem*, solita sibi diligentia congeffit diffusissimæ eruditionis Vir, *Thomas Gatakerus*, *Adversariorum Miscellaneorum posthumorum Cap. XIX.* Mihi equidem, non nisi summa rerum fastigia secuturo, per minutias ire non lubet: sed tria duntaxat difficultatum capita expedienda sumo. Primo, *quis genuinus dicti à Jacobo laudati sensus sit*: deinde, *an dictum illud ex Scriptura allegetur*: denique, *si allegetur ex Scriptura, an etiamnum exstet, & ubi.*

II In dicto quod laudavit Jacobus tot fere occurrunt dubia quod verba: quaeritur enim I. de quo *Spiritu* sermo sit, *malo*, an *bono*; an *humano*, an *Divino*. II. Quid φθόνος notet; an *emulationem culpabilem*, an *laudabilem*. III. Quid intelligatur per ἐπιποθεῖν *concupiscentiam* spiritus. IV. Quid hic significet proposito πρὸς, an *ad*, vel *contra*. V. An tota ista sententia *affirmative*, an *interrogative*, sensu negante, legenda sit. VI. Quomodo altera pericopæ pars, *sed majorem dat gratiam*, cum hac cohereat.

III. Non exiguus interpretum, & quidem illustrium, qua veterum qua recentiorum, numerus est, qui *malum* à Jacobo *spiritum* designari existimant: sive *diabolus* intelligatur, spiritus ille nequam & impurus, qui ingressus habitat in homine Matth. XII: 45, & exorat mentes eorum qui peccant 2. Cor. IV: 4. & agit in hominibus contumacibus Ephes. II: 2. sive *pravus* hominis *pravitatis*, crebris actionibus malis roborata, quæ Hebræis ex Genes. VI: 5. & VIII: 21. פֶּשַׁע הַלֵּב figmentum malum cordis humani dicitur, & spiritus *scortationem* Hof. V: 4. cujus reliquæ in ipsis etiam supersticiant renatis, secundum illud Pauli, ἡ οὐκ ἐστὶν ἐν ἡμῶν ἀμαρτία Rom. VII: 17. sive denique ipsa hominis mens; (*Spiritus ille quem formavit Deus in homine*, Zach. XII: 1.) sed quatenus peccato inquinata, & necdum prius sanctificata est. Quæ quidem expositiones quamvis verbis & loquendi ratione aliquantum distrare videantur, si tamen rem ipsam spectemus eodem propemodum redeunt. Et qui ita spiritum interpretantur, ii per φθόνον intelligunt vel *malum quodvis*, vel specialius pravam *invidia* affectum, quo ægris oculis adspicimus Divinæ in alios liberalitatis munera, vel *Dei irritationem*, quod ex Hellenistarum usu poscit *Heinsius*. *Enimodia* idem ipsis est quod ἐπιθυμία, validus & pravus rei pessima appetitus. πρὸς notat ad designandum. Totaque enunciatio affirmans. Meletem, Leid.

Ex quibus simul junctis hic conficitur

DIFFERENTIA. DE DE SPIRITU

Conficiuntur factus : spiritus a Deo hominibus datus, ut  
habuerunt, sed Diabolus datus corruptus, utpote in  
per est obloquens, & male conceptus prout per  
peyor factus, et deficiunt quae non dicitur, sed in  
quam spiritus malus magis graue malis est, utpote  
sic exponunt frequentius perinde prout scriptum est. Dixit Spiritus  
qui tacite nominatur sic in Scriptura. Dixit Spiritus  
cor : quod enim haec dicit, Deus dicit.

IV. Postquam haec dicit, loci in exponitur, ubi etiam haec dicitur  
plures, sicut vis, qui verba ista, An peris Scripturam  
audienti videntur, quae cum 4. aduersus alios referuntur  
anecdota videtur, quae verba ista, Al inueni  
maverat, quam ad nosram hanc sententiam referunt per  
Jacobum Capelo, magnocelestroque Theologo, factum videtur  
si lucum. Jacobo Capelo, magnocelestroque Theologo, factum videtur  
Jacobus in illi ascosum impetrant, qui peris, verba ista, Al inueni  
puente ha spiritus &c. Jacobi verba esse, non Scripturam aliquid aliud  
buerit

ipso laudatum : Scripturae autem testimonium exhibere in seipso  
Volunt itaque verba quae primam interrogationem prout  
hoc fore modo parentesi includenda esse : An peris qui in  
pura dicat (ad invidiam concupiscit Spiritus qui habet in sub  
sermone dei gratiam) hic parenthesin claudunt, & contra quoniam  
Tum sermonem Jacobi sic continent, Propter, inquam, ubi  
pura scilicet quae sequitur, Quid ergo ? An existit alius  
dura & torca hac esse arbitror. Deus superis resistit &c. Enimvero  
in mente sua Jacobus habuit Scripturam locum, nunc deperditur  
etiamnum ? & ubi ? Secutus in Lect. Sac. p. m. 306. non verum  
se habent credere, Apostolum in sua ista citatione non respicit  
ipsum, qui hodie in libris Veteris Testamenti legatur, & necesse est  
ex causis fuisse, cur non apud omnes Epistola illa Jacobi ab ini  
fuerit, quod nimirum non haberetur. Erasmus faceret, non Epistolam  
peruria Canonica non inueniretur. Nec abluat Episcopos in Respons. ad  
et queratur hoc scriptum, qui hodie in quoque loco illi Scriptura ad quae resistit  
dicitur Jacobi, mo id noscitur.

V. Nulim equidem culpare doctissimos hominum modestiam :  
quo tamen eorum laudem diligenter, qui quidvis sibi prius committit  
ulla abstinere, quam ut in hac desperata praedictos esse ostenderunt illi  
punitur. Atque ea se generositate praedictos esse ostenderunt illi  
quam laudatam expulsi interpretacionis auctores ; quamvis non eade  
minime instanti videntur. Quicunque aliqua saltem cura Divina veritas  
volunt.

XIX  
Analo  
typica  
berat  
ex A  
pro  
vers  
Ch  
nor  
qu  
yt  
n

V. Alii  
quidam  
sunt  
qui  
dici  
solent  
et

iis in liquido est, quod aliquoties à Novi Testamenti scriptoribus quædam Veteris Testamenti allegentur, quæ præteritus nusquam exstant, sed solum κατὰ τὴν διάνοιαν, aliquando etiam ex scriptis, hic illic sparsis, colliguntur. Id genus allegationibus immerandam esse, non sine ratione existimatur. Qui itaque Jacobi mentem credunt, animum hominis, diaboli & sua neque corruptum, ad mala quævis, imprimis ad invidiam, & odium proximi, magno concupiscentiæ impetu ferri; iis enimvero diffidendum est, Scripturæ loca invenire; quæ sane plurima sunt, eandem sententia. Imprimis huc notissima Dei apud Moysen dicta pertinent

Exod. 15. & VIII. 21.

Quæ quoniam obvia sunt, ideoque à plurimis observata, nova interpretatione exornanda sibi sumpsit Illustris Grotius; cujus verba appin-  
on pigebit. *Non sunt ipsa verba, inquit, sed sensus, sumtus ex* Gen. vi. nempe com. 3. & 5. *Nam quod ibi est* סְחַסְחָס, hic est ὀφθόνος. *Illud τὸ πνεῦμα ὃ κατένευσε ἐν ἡμῖν est ex com. 3.* *valet quod commate 5. לוֹ. Quod eodem com. 5. est πῦρ in Græco* πύρρα, hic est ὀφθόνος: quia in malorum genere invidia non minimum est; *proxime ei affines erant illi ad quos hac epistola scribitur. Spiritus ille à* hominibus datus, & ejus jussu in hominibus habitans, id est animus, *per mala exempla pejor erat factus, & ea desiderans, qua non dilectio,* invidia suggerit. *Nam ὀφθόνος hic πῦρ καὶ ὀφθόνος sumitur, ut modo innotat.*

VI. Grotius refert ad Gen. vi: 3. 5.

II. Quæ quum obscuriuscula sint, dum brevitati studuit ὁ Μήγας, *proxi sermone illustranda esse videntur. Nimirum verba Moysis Gen. 3. לֹא יָדֹנָה רִחוּי כְּנָדָם לְעוֹלָם. Spiritus à me datus homini non manebit in homine diu inclusus, velut* vagina ensis. *Nam נָרָן est vagina* 1. Par. xxi: 27. & *Corpus Chal-* *ice sic dicitur. Dan. vii: 15. nempe quod spiritum intra se contineat.* *optata igitur interpretatione Græcorum ὃ μὴ καταλείψει nequaquam com-* *abitur spiritus meus diu in homine, credit Jacobum hunc locum in mente* *habuisse, quando de spiritu inhabitante loquitur. Porro, eum spiritum* *Dei dicitur versu 3. contendit cor hominis vocari versu 5. cui Moyses* *scribit cogitationes, Jacobus concupiscentiam; Moyses figmentum malum,* *Jacobus invidiam; quæ eodem redeunt. Hæc mens est viri illustris*

VII. Cujus mens fufius declaratur.

VIII. Ex quo, ut solet, Hammondus sapuit, dum ita commentatur.

VIII. Ad stipulatur Hammondus.

*Nullus est locus in V. T. ex quo hac citatio peri queat melius, quam ex* Gen. vi: 3. *ubi in versione Lex Interpretum est πνεῦμα spiritus, & παραμένον, quod perinde est ac κατοικεῖν, habitare. Quum autem spiritus ille dicatur hic* *ἐκ τοῦ ὀφθόνος ἐκ ὀφθόνος concupiscere ad invidiam, primo constat πνεῦμα μὴ spiritum* *hominis esse illic spiritum hominis, seu ejus mentem ei Deo datam, qua de causa* *dicatur spiritus Dei. Sed significat mentem hominis, qualis in homine est,*

nimiram corrupta habitibus pravaram cupiditatem : qua non possunt dici de sancto Dei spiritu. . . . Secundo hac παράλλα sunt iis qua habentur com. 3. & 5. simul. Ubi de antediluvianis hoc iudicium fertur, hominem esse carnem, & cogitationes animi ipsius semper esse malas, hoc est carnalibus ipsius cupiditatibus satisfieri non posse, deditamque esse omni generi nequitia. Cupiditates hic distincto designantur verbo ἐπιποθεῖν. Earum vero nequitia & insatiabilitas, verbo φθόνος, quod quandoque apud scriptores Græcos contrarium est liberalitati; significatque omne genus cupiditatis qua urimur, quam videmus cupiam aliquid esse, quod nos non habemus, & quandoque malitiam, vim, & similia. Sic Hammondus.

IX. Hein-  
sius quæ-  
rit Prov.  
xii: 34. &  
iv: 9.

IX. Aliam sibi viam ineundam esse censuit Daniel Heinsius; qui postquam conquestus esset, vix esse locum in quo minus nervos intenderant veteres, ideoque magis astutiarum & recentiores, pollicetur se visurum esse, quid & ipse hic possit. In eo quidem cæteris assentitur, quod de spiritu humano, & malo, loquatur Apostolus, & quod non adducat ψῆον, sive locum, qui non extat; sed διάνοιαν, seu sensum loci aut sententiam, quæ extat. Cæterum uti per φθόνον aliud intelligit, id nempe quod Hæbreis, ~~אין~~ dicitur, sive ira Dei qua peccatis excitatur, ut sensus sit, spiritum hominum, aut qui habitat in homine, adversus Deum, & cum indignatione ejus, cupiditates suas exercere, ita alium sibi locum quærendum esse videt, qui huic sententiæ παράλλα sit. Hunc autem invenisse sese putat, una cum altero sequenti, partim Prov. iv: 9. Dabis capiti tuo augmentum, quod esset, μεῖζονα δὲ τῇ σὺ κεφαλῇ δώσει χάριν; partim cap. iii: 34. Profecto illis ubi ipse illudat, & hominibus dat gratiam. Unde ista totius hujus pericopæ oritur παράφρασις. Machi ac Macha, an nescitis, mundi amicitiam, inimicitias cum Deo esse? An putatis frustra à Scriptura dici, ad irritandum Deum concupiscere illum spiritum qui in nobis est? An vero frustra majorem dari ab eo aut promitti gratiam existimatis? Minime vero. Inimicos enim vere odit, quem admodum quum dicitur, Dominus superbi se opponit, humilibus dat gratiam.

X. Sed  
omnes in  
eo falli  
videntur,  
quod opi-  
nentur de  
Spiritu  
malo hic  
esse sermo-  
nem.

X. Atque sic quidem Doctissimorum hominum mentem qui Jacobi ψῆον de malo spiritu & prava illiusdem concupiscentia exponunt, optima me fide rerulisse confido: nulla re omissa, nulla saltem dissimulata, quæ expositioni isti probabilitatem conciliare idonea est. Artamen ab animo necdum meo impetrare possum, ut in ea proffus acquiescam. Primo enim, durum dictu mihi esse videtur, ut per spiritum in nobis habitantem, vel Diabolum designetur; qui quando spiritus dicitur in sacris, solet mali, impuri, mendacis, aut simile aliquod elogium addi, & nusquam describitur ut in hominibus sanctificatis, quamvis ex parte sanctificatis, adhuc habitans: vel nativa hominum pravitas, quæ carnis nomine plerumque venit, in oppositione ad spiritum, aut si pravi habitus alicubi spiritus vocentur, dignoscitur illud ex epithetis saporis, contumacia, scortationis, similibusve: vel ipse hominis animus, à

Deo

Deo ipsi inditus; quem sæpenumero *spiritum* vocari constat, quatenus est *substantia immaterialis* & intelligendi facultate prædita, nuspiam autem, quantum scio, quia & *quatenus est vitiosus*. Deinde, non satisfaciunt etiam loca allegata, ad quæ Jacobum attendisse contenditur; quippe quæ oppido sunt generalia, neque exhaurientia vim sententiæ à Jacobo laudatæ, & in *invidiam* nominatim directæ. Quo nomine omnem appetitum pravum, nescio qua metonymia, intelligere, nulla necessitate jubemur. Maxime quum Apostolus invidiam nominatim iis exprobraverit com. 2. & capitis præcedentis com. 4, 16.

XI. Procul denique ab omni probabilitate repulsum mihi esse videtur, quod Jacobus de spiritu in nobis habitante scribens alluserit ad Gen. vi: 3. qui locus, salva magni nominis reverentia, cum hoc nostro nihil habet commune. Enimvero ex omnibus quibus vexatur interpretationibus, nulla se minore veri specie commendat eâ quæ post Hebræorum, fateor, aliquos, Grotio & Hammondo allubuit: de qua judiciose Vatablus: *Violenter nimium detorta est hac expositio*. Primo enim vehementer addubito, an ullibi in sacris nostris per *Spiritum Dei* intelligatur *animus hominis*, qui רוח בני אדם *spiritus filiorum hominis* Eccl. 11: 21. & τὸ πνεῦμα τὸ ἀνθρώπου τὸ ἐν αὐτῷ, vocatur I. Cor. 12: 11. *Spiritus autem Dei*, quantum scio, nuspiam vocatur. Quod in hanc mentem allegant aliqui Ezech. xxxvii: 14. & Ps. civ: 30. id profecto conficere magnum istud postulatum nequit. Ibi enim spiritus Dei non animum aut vitam creaturarum, sed vitæ istius auctorem notat: eundem de quo Elihu Job. xxxiii: 4. Deinde vox Hebræa רוּחַ, unde est futurum ירוּחַ, cum omnibus derivatis suis, *disceptandi, judicandi, litigandi*, significationem constanter habet: *commorandi*, non habet. Quod adeo verum est, ut viri eruditissimi, patrocinio suo Græcam versionem tuituri, conjecerint ipsos in exemplari suo legisse ירוּחַ, vel ירוּחַ vel ירוּחַ, aut simile quippiam. Itaque longe melius τοῖς Lxx. vertit Symmachus, ἀγινέει τὸ πνεῦμά μου τὰς ἀνθρώπους αἰώνως. Hieronymus etiam fatetur: *in Hebræo scriptum esse, non iudicabit spiritus meus homines istos in sempiternum*. Porro vox רוּחַ, quæ *vaginam* notat, prorsus hic est aliena. Etenim, quod Viri harum literarum callentissimi observaverunt, nec apud Talmudistas, nec apud Chaldæos, nedum in sacris Veteris instrumenti libris, verbum ullum inde derivatum exstat, quod *detineri in vagina* significat. Certe Mosis vocabulum רוּחַ hinc arcesci nulla ratione potest: quippe quod invita fieret omni analogia Grammatica. Ea enim exposceret ירוּחַ; non permetteret ירוּחַ. Unde colligo, quomodocunque tandem exponendum hoc Mosis dictum sit, istam quam nunc examinamus expositionem valde contortam esse: atque idcirco omni probabilitate carere, quod eo respexerit Jacobus.

XII. At neque *Heinsii* interpretatio satisfacit, jubentis ut per *οὐδὲν* non pravam aliquem hominis affectum, sed justissimam sanctissimamque Dei

XI. Grotii & Hammondi interpretatio oppido torta est.

XII. Neque illa Heinsii adversus satisfacit.

adversus hominum peccata indignationem intelligamus. Quod mirum est, qui probet. *Primo*, inquit, *sciendum erat*, φθόνον, *mōre Hecraorum*, פִּקְחָן *hic esse*. Quid um porro? פִּקְחָן enim tam in malam quam in bonam partem sumi: r; tam hominibus quam Deo attribuitur. Vide sodes Ps. xxxvii: 1. Jes. xi: 13. Job. v: 2. Eccl. ix: 6. Hastenus ergo indecisa res est. Pergit Illustis Criticus: *Ira Dei qua peccatis excitatur*, *Hebrais est* פִּקְחָן יְהוָה, φθόνος κυρίου. Quis non expectet congeriem aliquot testimoniorum quibus probetur Hebræorum more פִּקְחָן יְהוָה dici φθόνον κυρίου; At vide sodes, quomodo Vir Illustis argumentatione sua defungatur. Ne unum quidem ejus generis testimonium laudat. Sed pro φθόνον κυρίου mox substituit παροργισμὸν κυρίου: *de quo*, sic pergit, *tota loquitur Scriptura*. At unum tandem audiamus exemplum. Ecce illud: *ut quum παροργισαν τὴν Μωϋσῆν* Ps. cvi: 16. *ubi pro פִּקְחָן, quod est*, πρὸς φθόνον ἤγαγον. *in Hebræo*. Cæterum neque de Deo ibi sermo est, sed de Mose: Neque Hellenistæ habent πρὸς φθόνον ἤγαγον, quod pro arbitrio sibi suo fingit Criticus, sed παροργισαν. Eam sane operam Lectoribus debebat suis, quorum plerosque linguæ Hellenisticæ non nesciebat esse paullo imperitiores, ut uno saltem alterove exemplo doceret, ubi in Hebræo est פִּקְחָן יְהוָה, ibi Hellenistas dixisse φθόνον κυρίου. Quod quum non libuerit Viro Illustri, relicta nobis est inquirendi molestia. Inquisivi itaque quanta potui diligentia, nullum ut locum inexcussum me reliquisse putem, ubi פִּקְחָן Deo adscribitur. Cæterum, ignorem mihi manes Heinsiani, nusquam, prorsus nusquam, inveni illud ipsius, τὸν φθόνον κυρίου. Semper Hellenistæ habent ὄλον. Causæ itaque nil est, cur per φθόνον *Divinam potius indignationem intelligamus*, quæ nupiam in Sacris nostris eo nomine venit, quam pravum humanæ invidia affectum, qui genuinus vocabuli istius significatus est. Atque hoc fundamento sublato, sponte sua corrui assignatio veteris oraculi quo collimaverit Jacobus, quasi illud exstet. Prov. xii: 34.

XIII. Alii malunt de spiritu bono & φθόνον laudabili Jacobum loqui: sive intelligatur æmulatio qua nos prosequitur Deus.

XIII. Nunceorum examinemus sententias, qui per *Spiritum in nobis habitantem Spiritum Dei bonum* intelligunt: sive ipsam personam Spiritus Sancti, uti Rom. viii: 9. 1. Cor. xii: 16, sive novas illas sanctasque qualitates, quas Spiritus fidelibus impartitus est, uti Gal. v: 17. Eorum aliqui vocem φθόνον interpretantur *in partem bonam*, eamque vel Deo tribuunt, vel hominibus. Qui tribuunt Deo, exponunt de *amulatione qua nos prosequatur Deus*. Quali dixerit: Spiritus Sanctus Dei, qui in nobis habitat, æmulator nos æmulatione bona, nec mundo tanquam æmulo suo paritur adhærescere. In hanc sententiam à Gathakero laudantur Faber, Catharinus, Cæjetanus, Fevardentius, Salmeron, Lorinus, aliique. Nec abludit in Paraphrasi sua Erasmus. *An putatis sine causa scriptum esse in Sacris Voluminibus, quod Spiritus qui habitat in vobis concupiscit ad invidiam? In Lege Mosaica nonnihil dabatur humanis affectibus &c. Sed Spiritus Evangelicus, qui nunc habitat*



*abitat in vobis, zelotypus est. ut ita loquar, invidus, plus exigit, vult remanari vehementer, usque ad uxoris, usque ad liberorum, usque ad visa conematum. Non fert domicilium mundanis cupiditatibus inquinatum: pura tenuit, requirit celestia, resistit, aufugit, offenditur, si mundi huius sordes in ipsius templum invexeris. Cæterum interpretationi isti repugnat id quod nodo observavimus, nimirum æmulationem illam Dei ζήλον quidem in sacris dici, quem ad se quoque transfert Apostolus 2. Cor. xi: 2. φθόνον non dici.*

XIV. Eadem difficultate laborat eorum explicatio, qui per invidiam intelligunt sanctam sancta petendi importunitatem; quæ quasi ad invidiam usque pertinax sit. Ita Zuinglius: *Spiritus fidelis ad invidiam usque petit. Nec intermittit, donec acceperit.* Atque hoc modo de Spiritu dictum foret, quod importunitas de eo dixit Apostolus Rom. viii: 26. de importunitate. quod ipse dixit Dominus, Luc. xi: 6 & xviii: 5, 7. Fatendum equidem est, invidia vocem Latinis ea quandoque notione usurpari. Sic Tacitus Annal. xi. *Invidiam repellere nequivit, quin multa cum invilia flagigaret.* Cui ex Terulliano similia junxit aliquoties nunc laudatus Gathakerus; ex quibus pater, solemnem isti Afro formulam fuisse, qua invidia fieri supplicatio dicitur, quoties enixius aliquid poscitur. Cæterum quamvis Latinis Scriptoribus invidia importunam petendi constantiam, utut rarius fortasse, significet φθόνον tamen Sacris auctoribus eo sensu nupiam, nisi fallor, venit.

XV. Non longe hinc recedunt qui invidiam interpretantur de amulatione bona, sive de contentione adversus omne illud quod inimicum est Deo. Ita ut Jacobum affirmantem faciant, Spiritum illum Divinum, qui in fidelibus habitat, omnino ferri ad invidiam, seu contentionem potius, nempe quatenus assidue contra carnem ejusque studia concupiscit. Locum autem ad quem respexerit Jacobus, volunt esse eum qui exstat Gen. vi: 3. *Non disceptabit Spiritus meus in homine in perpetuum, eo quod etiam caro est.* Hanc interpretationem Episcopus testatur semper sibi visam fuisse vero simillimam, quia sanctissimum, & scopo Apostoli convenientissimum sensum habet. Sed & simul fatetur, duram semper sibi visam fuisse vocem φθόνον, si ea exponatur de invidia sancta. Quoniam itaque interpretationes istæ à mente Apostoli alienæ esse videntur, nihil est quod de prisco aliquo oraculo eas sententias continente solliciti simus.

XVI. Propius ad verum accedere arbitror, qui per φθόνον id intelligunt quod vox ipso tinnitu suo audientibus quasi ingerit: eum nempe affectum, prorsus Diabolicum, quo aliorum bonis conciliatur agritudo. Sed & hi ipsi in diversa abeunt, pro diversa significatione voculæ πρὸς, quæ & contra, & ad notat. Hæc quidem præpositionis istius notio frequentissima est: sed & illa aliquoties in sacris occurrit. Ut Luc. xx: 19. Act. xxi: 30. Eph. vi: 11. Hebr. xii: 4. Eamque elegit Celeberrimus ævi nostri Interpres, Johannes Cocceus;

XIV. Sive sancta nostra in orando importunitas.

XV. Sive bona æmulatio nostræ adversus omne id quod inimicum est Deo.

XVI. Coccei notabilis interpretatio.

Coccejus; ita commentans: *Providebat S. Jacobus, eos, qui volunt esse amici mundo, indignaturos, si inimici Dei dicerentur. Persuafos apud se, quod verbo Dei credant; quod Christum habeant pro Salvatore unico, quod Evangelii praconium audiant, & quod faciant cum iis qui effugerunt in errore versantes; & si qua sunt similia, qua homines habent ostentui. Ideo adjungit, Spiritum Dei habere nobis, & efficere nobis vehementem, qui flagret contra invidiam, qui ardentissimus anima affectus est. Hoc est, Spiritum Dei concupiscere adversus carnem Gal. v: 17. atque adeo ponere filios Dei in lucta & certamine cum carne; neque facere tepidos, sed implere zelo, Apoc. III: 15, 16, 19. Spiritum charitatis Spiritum zeli, & scintillas zeli esse ut scintillas ignis, flammam Dei Cant. VIII: 6. Zelus autem eodem vocabulo dicitur quo invidia, nempe זֵלֻז. Debet igitur zelus Spiritus aequè ardere ac zelus invidia. Confer. Rom. vi: 19. Testatur, hoc Scripturam dicere. Et vero Sanctus Paulus hoc reuera dicit 2. Tim. 1: 7. Imo eo ipso quod זֵלֻז conjungitur cum אֱלֹהִים in Cantico, intelligitur, spiritum charitatis; quem accepimus, operari etiam zelum, & cum non minus ardentem, quam invidia flagrat in hominibus carnalibus. Haecenus Coccejus: cujus mens huc redit: Spiritus in nobis habitans, est Spiritus Dei, Spiritus charitatis. Is habet & facit nobis, id est vehemens desiderium, זֵלֻז, flagrantem zelum. Zelus iste est πῶς contra, ἐβίον, flagrantissimum pravi animi affectum. Estque enuntiatio S. Jacobi affirmativa, non interrogativa. Testimonium Scripturae quod Jacobus laudat partim quaerendum est in testamento Novo 2. Timoth. 1: 7. partim in Veteri Cant. VIII: 6.*

XVII.  
Alii quidem præ-  
lato non  
tamen  
pleno as-  
sensu pro-  
bata.

XVII. Multa profecto interpretationi huic adsunt quæ admodum eam faciunt commendabilem: neque dubitem cæteris quas hæcenus audivimus omnibus immensum quantum anteferre. Nam & sensus sanctissimus, commodissimus, plenissimus est: & servata singulorum verborum proprietate, totiusque sermonis simplicitate, sponte sua fluere videtur. Duo tamen potissimum obstant, quo minus pleno animi assensu eam amplectar. Primum quod non satis commode cum ea connectatur pericopa sequens; quæ adversativa est, *Majorem autem dat gratiam.* Duæ enim istæ sententiæ, *Spiritus Dei efficit vehementem zelum contra invidiam, & Majorem dat gratiam,* nullam adversationis speciem habent; meliusque connecterentur particula conjunctiva, cave quæ gradationis notionem includit. Deinde parum hæcenus probabile mihi est, alluisse Jacobum Apostolum, vel ad Pauli, vel ad Salomonis in Cantico, oraculum; non ob eam solum causam, quod haud soleant Novi Instrumenti auctores ad aliam aliquam ejusdem instrumenti sententiam sub communi Scripturae nomine provocare; sed præcipue, quia laudata testimonia & verbis multum distant à Jacobi dicto, & sensum illius non nisi admodum generali notionem complectuntur.

XVIII. XVIII. Ne nimia sententiarum congerie Exercitatio hæc nostra laboret, Vera mens ad eam tandem deveniamus, in qua præ cæteris acquiescere liceat. Nimi-

rum

rum sic accipi verba S. Jacobi possunt, ut etiam postrema ista *interrogandi* sensu dicta sint. *Ecquid ad invidiam concupiscit Spiritus?* Cui responderi debet, Minime. Hac mente: Spiritus Sanctus, qui in fidelibus habitat, quo reguntur, ducuntur, aguntur, nequaquam *ἐν πῶδῃ*, id est, vel *ὀψιμῶς* ingenti desiderio fertur, vel *ἐν πῶδῃ πῶδῃ*, facit ut ingenti desiderio ferantur, (sicuti Rom. VIII: 26. *ἐν τυχῶν*, id est *ἐν τυχῶν πῶδῃ*) *πρὸς φθόνον* ad invidiam; quo pravo prorsusque Diabolico affectu optimo huic spiritui nihil magis est contrarium. Sed ex adverso, idem ille sanctissimus Spiritus *magis* potius *dat gratiam*: efficit, ut quisque fidelis non modo non invidet fratri ea quæ possidet bona, iisque ipsum carere, optet, sed majora etiam ac plura appretetur, & si possit, reapse conciliet. Neque hoc tantum; sed & homini fidei, ita comparato, insignia gratiæ suæ augmenta confert: ut ista in proximum liberali propensione, non solum nihil ipsi decedat, sed vel ob eam ipsam rem Divinæ gratiæ muneribus largiter locupletetur. In hac demum interpretatione ex facili fluunt omnia: servatur & singulorum verborum sueta significatio, & integræ orationis concinnitas: nihil hic corti, nihil duri, nihil hiulci: iusto ordine connectuntur omnia: denique sensus hinc exsurgit, qui & in sese verissimus dignissimusque & scopo Apostoli apprime consentaneus est.

hæc esse videtur: Ecquid Spiritus Sanctus in nobis habitans, facit, aut permittit, ut ad invidiam concupiscamus?

XIX. Cæterum, ubi Scriptura id dicit, quod dicentem hic audivimus Jacobum? Facile conscisco *Junio, Piscatori, Ludovico Cappello, Gashakero*, aliisque Viris Doctissimis, nusquam illud clarius & plenius inveniri, quam in historia illa quæ exstat Num. XI. Nimirum populus Israëliticus insana carniū in deserto edendarum concupiscentia flagrans, improbe eas à Mose efflagitavit. Quod indignatus Moses ea de re apud Deum conqueritur. Deus Mosi, nimio onere regundi populi Israëlatici pressio, septuaginta regiminis focios dedit. Stetit eos Moses, ex mandato Dei, ad tentorium conventus: ubi locupletati sunt Spiritu Sancto, quo ad tanti muneris functionem redderentur idonei. Irruentis in ipsos spiritus indicium atque argumentum fuit, quod prophetarent. Interim usu venit, ut Eldad & Medad, qui quamvis ex conscriptis essent, non tamen prodierant ad tentorium, sed remanserant in castris, eodem Spiritu donati, uti alii circa tabernaculum, ita ipsi in castris prophetarent. Id quum renunciatum esset Mosi, Josua, zelo non satis castigato motus, rogavit Mosē, ut cohiberet ipsos. Prudentissime autem & sanctissime respondit Moses com. 29. *An invidet tu mea causa? atque utinam totus populus Jehova essent Propheta, indente Jehova Spiritum suum illis!* Agitur hic de *Spiritu Dei*, quo præ cæteris omnibus opulenter auctus fuit Moses, com. 25. quique idcirco in Mose quam validissime, & sicuti genio suo dignum est, operabatur. Quid autem operabatur? An imperum aliquem carnalis concupiscentiæ, qualis in crasso populo dominabatur, aut invidiæ, adversus ejusdem Spiritus consortes?

XIX. Quod scriptura fieri negat Num. XI: 29.

Nihil minus. Ne tum quidem, quando à Josua temere ad eam incitabatur. Imo vero acriter Josuam eo nomine increpat: *Tunc mea causa invides? Hoccine te dignum est? hoccine me? hoccine spiritu, quo duci nos oportet, & cujus non parcum distributorem videmus esse Deum? Adeo etiam ab omni invidiæ speciei aberat Moses, ut, faciente qui in ipso habitabat Spiritu, majorem, non iis solum qui prophetabant, sed & universo populo, apprecaretur gratiam. Ullusne in tota veteri Scriptura invenitur locus, propius ad Sancti Jacobi argumentationem accedens? Cujus concisam orationem laculenta paraphrasi Ludovicus Cappellus in hunc ferme modum illustravit: Q. D. An non videtis, Moysen, Spiritu Dei motum atque ductum, similem non fuisse reliquo populo, qui prava motus fuit rerum carnalium concupiscentia; adeoque ne invidia quidem ulla tactum fuisse adversus eos qui Spiritu Dei acti prophetabant, licet contra eos excitaretur à Josua? Quam ergo vos, ô mundani, adulteri & adultera, dedecet consimiliter populo illi rebeli concupiscere carnalia & mundana hac bona, adeoque ista aliis invidere, & pro virili ereptum ire, pugnis & libibus & concertationibus mutuis! quam Moses, homo Dei, & Spiritu ejus ductus, ne quidem inviderit Eldato & Medado partem Spiritus illius, quo à Deo donatus fuerat, quaque ab ipso in eos translata fuerat. Addo ego: Imo vero majora melioraque, non ipsis modo, sed & universo populo, ex animo optaverit.*

XX.  
Neque  
frustra id  
docet.

XX. Idem ergo quod Jacobus dicit, dixit olim Verus Scriptura, non quidem *πρὸς*, sed *κατὰ διόρισιν* evidentissimam. Neque *vanū*, in vanum, frustra, id dixit. Omnia enim quæ scripta sunt, non ad illius solum ævi homines, sed ad omnem posteritatis memoriam pertinent; ut inde quisque sibi exempla sumat, discatque quid fœdum factum, tristeque eventu, quod vitet; quid honestum ac pulcrum, & laude præmiisque decoratum, quod sequatur. Nominatim Israëlitarum in deserto typi nostri fuerunt, ut ne concupiscamus res malas, sicuti illi concupiverunt. Et qua ipsis evenerunt, omnia typice evenerunt; scripta vero sunt ad nostri admonitionem, in quos fines seculorum deveniunt. 1. Cor. x: 6, 11. Prudentissime igitur factum est à S. Jacobo, quod sui temporis Hebræis, initio Testamenti Novi, in memoriam revocaverit, tam tetra priscorum Israëlitarum exempla, quam præclarum illud Moysi, quæ acciderunt initio Testamenti Veteris: quæque nequaquam existimare debebant in cassum esse scripta, sed quam maxime facere ad ipsorum commonefactionem.

COMMEN-

# COMMENTARIUS IN EPISTOLAM JUDÆ.



DIVINAM JUDÆ APOSTOLI EPISTOLAM, sermone brevem, sed & gravem; sensibus fecundam, tractatione reconditam; ab aliquibus tam Veterum quam Recentiorum Apocryphis, sed injuria, accensitam, insigni vero se majestate sua asserentem cœlo; denique Catholicæ Ecclesiæ in omnem ætatem utilissimam, quod Deus O M. bene vertat, brevi commentario illustrare aggredior. Uti vero ad cujuscunque propemodum epistolæ intellectionem; ita & hic quinque potissimum notanda veniunt: I. SCRIPTOR. II. LIAD QUOS SCRIBITUR. III. Scriptionis TEMPUS. IV. OCCASIO. V. ARGUMENTUM.

II. SCRIPTOR Epistolæ JUDAS est: quem quum nunc supponam ejus nominis Apostolum esse, quod mox demonstraturus sum, lubet in antecessum historiam Judæ Apostoli succincta disputatione exsequi. Omnibus notum est, duos ejusdem nominis in ordine Apostolorum fuisse, quorum alter, *Isariotes*, proditor Domini factus, abominabilem sui memoriam bonis omnibus reliquit: alter, *Jacobi frater*, sanctis annumerari meritis, est. Et de hoc nobis nunc est sermo. *Judas non Isariotes ille.* Johanni XIV: 22. Tria ei nomina in sacris attribuuntur, *Juda*, *Thaddai*, *Lebbai*. Primum à Patriarcha illo desumptum, cui suos debebat natales Alterum, *תְּחַדַּי* THADDAY, an à *mammis* deductum sit (nam *תְּחַדַּי* Chaldeis papillam notat) & quam ob causam ita dictus fuerit, incertum est. Non desunt quibus harrolari lubet, quod ab uberibus sit denominatus, quasi dicas Mammeum, Uberalem, Dulcem, Misericordem, Benignum. Alii malunt *תְּחַדַּי* derivare à *תְּחַדַּי* *Thoda*, ut ejusdem notionis sit cum *Jebuda*. Qua de re audire juvat *Franciscum Junium*, Theologum gravissimum, suis in hunc locum commentariis. *Thaddai vel Thaddæus Syrus idem est qui apud Hebræos Jehuda: quemadmodum ex longis Hebræorum vocalibus Syri breves solent efficere, & omnes fere lingua nomina externa, qua sibi peregrina sunt, corrumpere. Quam ob rem etiam apud Matthæum hæc verba, ὁ ἐκ τῶν κληθεὶς θαδδαῖος, perinde accipi possunt, atque si dixisset, ὁ ἐκ τῶν κληθεὶς ἐπιχρυσὸν γλῶσσαν, qui insuper patria suorum lingua vocatus est Thaddæus. Sive vulgus fuerit hujus appellationis auctor, sive ipsi Apostoli, aliqua ratione ducti: nempe cum ut eo facilius à proditore Juda hunc omnes facile distinguerent, tum ut constantiam hujus in confessione Christi facerent testatam populari voce qua hoc significat.* Quod quidem

Judas

alias  
Thaddæus

dem à *Drusio* rejicitur, propter duplicatam, præter morem, radicalem mediam; *Grotius* tamen observat, novum non esse, ut pro vocali longa ponatur geminatio consonantis. Et cum *Junio* existimat, eum qui vetusto nomine *Judas*, eundem ab aliis *Taddæum* fuisse dictum, flexione diversa, at significatione eadem. Addit, Judæos quosdam à pronuntiatione nominis *Jehudæ* abstinuisse, ad vitandum concursum literarum *תַּדְדָּאָA*

& Leb-  
baus.

Quod plerique derivant à *לב*? Hieronymus *corculum* interpretatur. Quo nomine Romæ P. Nasica appellatus fuit. Plinius masculina terminatione Corculos dictos scribit qui sapientia præstabant. Alii malunt accersere à *לבי* *Labi*, quod Hebræis *Leonem* notat: quo nomine eos vocabant, qui cæteroqui Judæ dicebantur, ex Jacobi vaticinio Gen. XLIX: 9. Addit *Bolducius de Eccl. post. leg. Cap. VII.* fuisse Synagogam aut Scholam aliquam quæ se *Labiam* vocabat: atque ad eum coetum Judam nostrum pertinuisse, qui idcirco *Labi*us, aut corrupta voce *Lebbæus* dictus fuerit. Cæterum conjecturas has evertit ista observatio *Drusius*, quod nomen hoc non ex puriore Hebraismo, sed ex Syriasmō sit. Leo autem Syriace vocatur *ܠܝܘܐ*, non *ܠܒܝܐ*. *Lightfootus* itaque *Lebbæum* dictum arbitratur ab oppido *Lebba*, Galilææ maritimo: de quo *Plin. Lib. v. Cap. XIX.* Verum *Cavius* observat in omnibus quas viderit *Plinii* editionibus oppidum illud non *Lebbæum* sed *Jebbam* appellari. Mihi, dum hæc animo volverem, mirum visum fuit, quamvis nec mirum, tam difficulter homines eruditos ad ignorantia suæ confessionem adigi: adeo ut quævis fingere malint, quæ nulli se conscientia approbare idonea sunt, quam fateri, quod tamen res est, se de antiquis illis, & nullius etiam momenti nominibus, & de causis ob quas alicui imposita sunt, tantundem scire, quantum modo nati infantes. Ego me, & auditores meos, modestos esse & audire malo, quam sciolos.

Frater Ja-  
cobi,

ideoque  
& Do-  
mini.

III. Satius est ut in *prosapiam* nostri *Juda* inquiramus, quæ profecto nobilissima est. Fuit enim FRATER JACOBI: non illius qui *Zebedai filius* & frater *Johannis* erat: Matth. x: 2: sed qui minor dictus fuit, fortassis ob ætatem, Marc. xv: 40. & frater Domini. Gal. i: 19. Quod quo sensu intelligendum sit, variant interpretes. *Cavius* in *vita Jacobi minoris*, veterum aliquos, contendit Jacobum & Judam fuisse filios *Josephi* ex priori matrimonio, his argumentis. I. Quia Matth. XIII: 55, 56. non solum *Christi fratres* dicuntur *Jacobus* & *Josès*, *Simon* & *Judas*; sed & una cum ipso *Fabri filii*, quod magis erant quam *Christus*: hic enim solummodo ex Judæorum opinione, illi revera. II. Quia *Maria Mater Domini*, etiam *Mater Jacobi* & *Josè* dicitur Matth. XXVII: 56. Marc. XIV: 40. Ubi tres pias sceminas cruci *Christi* adstitisse narratur; nimirum *Mariam Magdalenam*, *Mariam matrem Jacobi* & *Josè*, & *Matrem filiorum Zebedæi*. Ubi per secundam illam nulla facilius quam *Beata virgo* intelligitur; quum præbabile

habile non sit eam ab Evangelistis omiffam, quæ certo præfens fuit, & memorari præ cæteris debuerit; unde & Johannes earundem fœminarum catalogum texens, diferte eam Matrem Domini nuncupet. Joh. XIX: 25. Quod & à Gregorio Nyffeno animadverfum; de Resur. Chr. Orat. II. & probatum est *Voffio in Harm. Evang. p. 313.* ac fufius in *Differt. de genere & fratribus Chrifti*. Volunt autem Jacobi & Jofæ matrem effe dictam, quia noverca erat; atque ab iis potius quam à JEFu denominatam, partem ex fua modestia, ne fuperbire videretur miraculofa nativitate Filii Dei; partim ex prudentia, ne fe & Divinum filium fuum, citra neceffitatem, odio atque invidiæ malevolorum Judæorum exponeret. III. Quia *Josephus* Historicus, quem in Genealogiis exactiffimum fuiſſe pugnant, *Jacobum* hunc fratrem JEFu vocat. *Antiq. Lib. v. Cap. VIII.*

IV. At quamvis *Eusebius*, *Epiphanius*, *Gregorius Nyffenus*, plurimique veterum, in eandem conceſſerint ſententiam; non videtur mihi ea probabilibus niti argumentis. Rectius *Hieronimo* accedemus, arbitranti eos qui Domini fratres dicuntur, fuiſſe ejus conſobrinos, loquendi genere, etiam Græcis & Romanis noto. Nam. I. Exprefſum Matthæus notat *Jacobum*, cujus frater Judas eſt, fuiſſe *filium Alphæi*. Matth. X: 3. Joſephum autem, ſponſum beatæ virginis, ſuo iſthoc nomine in Evangelio notiſſimum, Alphæum dictum fuiſſe, ſine ulla auctoritate aſſeritur. Neque de Jacobo & Juda, ſed de ſolo JEFu dicitur Matth. XIII: 55. quod *Fabri filius* fuerit; de cæteris ſolum, quod *fratres JEFu* ſint. Qua generali voce non determinatur ſpecialis ſenſus. Idem ad Joſephi de Jacobo hiftoriam obſervandum eſt, II. *Maria mater Jacobi & Joſæ*, non eſt *mater Domini*, ſed *ſoror matris* ipſius, quæ aliàs *Maria Cleopha* dicitur. Sic enim Johannes Cap. XIX: 25. *ſtabant autem juxta crucem JEFu, mater ejus, & ſoror matris ejus, Maria Cleopha, & Maria Magdalene.* Enimvero debiles admodum, & à veri ſimilitudine repulſæ ſunt rationes, ob quas alii pugnant, matrem Domini ab iis qui filii ſui non erant, quam à Divino iſto filio ſuo denominari maluiſſe. Maria autem Cleophæ cur ſic dicta fuerit, admodum in obſcuro eſt. Grotius conjeſtat filiam fuiſſe Cleophæ, uxorem Alphæi. Bezæ cum aliis uxorem Cleophæ mavult. Cleopham autem volunt fuiſſe *fratrem Joſephi*, qui qui quum uxorem habuerit Mariam ſororem beatæ Virginis, hinc inter Chriſtum, & Cleophæ filios duplicem cognationem interceſſiſſe. vid. *Euseb. Lib. III. Cap. XI.* Verum quum *Jacobus Maria filius*, vocetur *filius Alphæi*, Matth. X: 3. Matth. III: 18. Luc. VII: 15. quomodo potuit eſſe Cleopha filius; Reſpondent aliqui, Mariam primum in matrimonio habuiſſe Alphæum, unde ſuſceperit Jacobum & Joſen, poſtea vero demortuo Alphæo nupſiſſe Cleophæ, ex quo ſuſceperit Judam & Simonem. vid. *Joh. Gerh. Harm. Evangel. in Paſ. Cap. XVI. pag. 186.* Alii malunt Cleopham & Alphæum idem nomen eſſe diverſimode pronuntiatum, Nimirum Hebræice ſcribitur

Filius  
Cleophæ.

Qui eſt  
Alphæus.

scribitur ~~Αλφαι~~, vel ~~Ιακωβ~~. Litera autem η interdum, imo passim, abjicitur, quando nomina in aliam linguam transferuntur, unde ex ~~Αλφαι~~ facile fit Alphæus, quomodo Matthæus scribit. Aliquando etiam, licet rarius, pronuntiatur per ~~Καθη~~, ut ex ~~Παυλ~~ fit ~~Καυλ~~ toto secundo libro Paralipomenon: juxta quam rationem ex ~~Αλφαι~~ fieri potest ~~Κληα~~. Sic Cappel. in Spicil. ad Marc. vi: 3. Lightfootus ad Joh. xix: 25. Et Spanhemius Disput. de Apost. §. 14. Quæri autem posset, cur Judas hic & alibi Jacobi potius frater quam Alphai filius dicatur, quum usitatus sit, & honestius videatur, à patre, quam à fratre denominari. Respondet Junius, duas hujus appellationis assignari posse causas: unam, quod magis sit ~~διακερταίν~~ Jacobi fratrem dici quam Alphæi filium, quum alii quoque Alphæi, & forte nobiliores, inveniri potuerint; Jacobi autem nomen esset in summa existimatione: alteram, quod hæc solemnitas fuerit, non modo sanguinis, sed & consensionis in sana doctrina testificatio, prout alter alterius auctoritatem apud Ecclesias confirmabat. Cæterum & hoc inquisitu dignum est, cur non & ipse frater Domini dicatur, quum idem ad denominationis istius dignitatem jus haberet, quod frater ipsius Jacobus. Eam difficultatem sic tollit ex Epiphania idem Junius: duobus nominibus Jacobum fratrem Domini esse appellatum, ~~διὰ τὸ ἑμμεναι καὶ διὰ τὸ ἐμὲν ποσιν~~, propter conjunctionem sanguinis & vitæ. Conjunctionem sanguinis habuit cum Christo Judas Jacobi frater, sed non adeo familiarem vitæ consuetudinem: in qua prælati ipsi Petrus & Johannes sunt. In Jacobo autem utrumque fuit, sanguinis & vitæ conjunctio: utroque ergo nomine consecutus est fratris Domini appellationem. Quam adeo ipsi non invidit Judas noster, ut ex modestia ipse se Jacobi quam Domini fratrem dicere maluerit.

Cur à fratre quam patre denominari maluerit:

& minus frater Domini dicatur quam Jacobus.

Non est, ille à quo Abgarum curatum & conversum fuisse narrant.

V. De rebus à Juda gestis, & ubi potissimum locorum Apostolatu suo functus sit, quasve Ecclesias Christo collegerit, altum est in Sacris silentium. Sed & Ecclesiastica historia vix quidquam certi suppeditat. Eusebius Hist. I. Cap. xiii. Thaddæum, unum ex septuaginta discipulis, quem aliquoties Apostoli nomine insignit, mox à resurrectione Domini, ad Abgarum Edessa Regulum, secundum quosdam Syrum, secundum alios Arabem, qui gentibus trans Euphratem positis præerat, à Thoma Apostolo missum tradit, ut Edessenis Evangelium prædicaret, Abgarum ipsum incurabili morbo laborantem prodigiose sanaret, & ad fidem Christi converteret. Quod & mira sedulitate, atque optima fide, & incredibili propemodum successu ab ipso præstitum fuerit. Hæc autem habere se testatur Eusebius ex scripto Syriaco in Archivis Edessenorum ad suam usque ætatem conservato. Hunc Thaddæum Hieronymus in Matth. x. Judam nostrum fuisse asserit. At non ex mente Eusebii: qui quum eum ex LXX. Discipulis unum, & à Thoma missum narret, eo ipso ex XII. Apostolorum choro satis evidenter eximit. Apostolum autem non nisi generaliori significatione vocat: eo more quo



no singula gentes & urbes, eos à quibus Evangelii primum veritatem ac-  
 ceperant, *Apostolos* nominabant. At tota ista Eusebii narratio subleste fidei  
 fit; cui fucum factum esse ab aliquo aut seductore, aut seducto, ego non  
 dubito. Hæc enim tam sollemnis gentium ad fidem Christi invitatio mox  
 est Christi ascensionem in cælum facta esse perhibetur. Nos autem ex in-  
 dubitate fidei literis scimus, primitias gentium in Cornelio dedicatas esse.  
 Alii probabilius tradunt, Judam cum cæteris Apostolis Evangelium primum  
 in Judæa & Galilæa prædicasse, mox apud Samaritanos, hinc in Idumæa  
 & Arabum tractu, unde in Syriam & Mesopotamiam profectus sit. *Nice-  
 bornus* addit, tandem Edessam appulisse, ubi opus ab altero Thaddæo in-  
 choatum feliciter consummaverit, stabilitaque Christi religione, placida  
 tandem morte functus sit. At *Dorotheus* eum Berythi cæsium, ibidemque  
 honorifice sepultum tradit. Latinorum plerique in Persiam penetrasse, mul-  
 tisque ibi annis Evangelium Prædicasse scribunt, donec à Magis, quorum  
 impios ritus libero sermone exagitabat, crudeli morte necaretur.

Peregri-  
 nationes  
 ejus.

VI. Memorabile est, quod de Judæ nostri ἀποστόλοις posteris ex *Hegesippo*  
 narrat *Eusebius*. Lib. III. Cap. XIX, XX. Hos à nonnullis delatos, quod  
 ex Regia Davidis familia essent, ad se acciri jussit Domitianus. Quod post-  
 quam ingenue fuerant confessi, porro ex iis sciscitatus est quantas possessio-  
 nes, quantumve pecuniæ haberent. Ipsi vero novem tantummodo denario-  
 rum millia sibi ambobus suppetere dixerunt, quorum dimidia pars compete-  
 ret singulis: eas vero se facultates non in argento habere, sed in æstimatione  
 agrorum ex quorum fructibus & tributa persolverent, & sibi ipsis non sine  
 proprio labore victum compararent, simulque manus ostenderunt; duritiem  
 cutis, impressumque alte callum ex laboris assiduitate in testimonium ope-  
 ris sui proferentes. De Christi etiam regno responderunt, non esse id hujus  
 mundi, sed Angelicum & cœleste, cujus majestas in fine tandem seculorum  
 revelanda foret, quando Christus vivos & mortuos judicatum veniet, uni-  
 cuique retributurus secundum opera sua. Quibus auditis, Domitianus  
 nihil adversus ipsos asperius decrevit; sed vilitatem hominum aspernatus  
 liberos abire jussit; missoque edicto persecutionem adversus Ecclesiam mo-  
 tam compescuit. Illos vero Ecclesiis posthac præfuisse narrant, utpote  
 Christi Martyres simulac propinquos: & pace demum Ecclesiæ reddita, ad  
 Trajani usque tempora viram perduxisse. Cæterum eam Hegesippi narra-  
 tionem non admodum exploratæ fidei esse, censet *Josephus Scaliger*: quum  
 numerosa admodum fuerit etiam isthoc tempore Davidis posteritas, ex qua  
 alii *Echmalotarchæ*, alii *Principes* fuerint. *Echmalotarchæ*, qui à masculino  
 sexu: *Principes*, qui à foeminino posterorum David prognati erant. Veri  
 etiam posteri David, non à Juda fratre Domini, qui nullus fuit, & quem  
 somniavit Hegesippus; sed à Salathiel genus deduxerint. Unde concludit,  
 Hegesippum istum in istis posteris David nihilo veraciorem fuisse, quam in  
 passione

Judæ ne-  
 potes  
 apud Do-  
 mitianum.

passione Jacobi, fratris Domini. Vide *Scaligeri Animadversiones ad Chronicum Eusebii*. Pag. 201. Hegesippum tamen & Eusebium tuerur in Annotationibus suis *Henricus Valesius*, putatque Scaligerum nimio reprehendendi studio abreptum merito in reprehensionem incurrisse: quum neque Hegesippus posteritatem David ad duos tantum homines tunc esse redactam dicat; & Judæ fratris Domini non *Epiphanius* solum meminerit, *Hæres.* LXXXIII. sed & *Matthæus* Cap. XIII: 55. & *Marcus* Cap. VI: 3.

Judas A-  
postolus  
Epistolæ  
hujus scri-  
ptor.

VII. Hunc Judam potius quam quemvis alium Epistolæ hujus credimus esse auctorem. Ipsi enim præ cæteris, imo soli, conveniunt epitheta, JESU CHRISTI SERVUS, FRATER JACOBI. *Servum* se *Jesu Christi* appellat, non solum quod ad Evangelii prædicationem totumque sacri ministerii opus à Christo vocatus esset; sed & quod in illius functione omnem fidem, diligentiam atque industriam constanter hætenus præstitisset, atque etiamnum hujus Epistolæ scriptione præstaret. Neque hujus tituli præscriptione Apostolatui suo, quamvis hic exserte non laudet, quidquam derogat. Nam & frater ipsius Jacobus, eodem titulo contentus, illum Apostoli in Epistola sua reticet. Quin etiam Paulus se aliquoties servum *Jesu Christi* vocitavit, omisso interdum Apostoli cognomento: Consule Epistolas ad Philippenses, Thessalonicenses & Philemonem. Acute à *Coccejo* observatum esse arbitror. necesse non fuisse ut Judas se Apostolum hic vocaret, quia non id agitur hac Epistola, ut testetur quid Christus fecerit, aut dixerit, & imprimis resurrectionem ipsius ex mortuis, quæ præcipua Apostolorum functio erat; sed id agit, quod omnibus Servis Domini commune est; nimirum monet fratres ut pro fide fortiter dimicent. *Fratrem Jacobi* dum se nuncupat, palam facit se eum esse Judam, cujus ut Apostoli frequenter meminit Evangelium. Maluit autem se fratrem *Jacobi* quam *Domini* ipse dicere, ne videretur eo honore superbire, eo potissimum tempore, quo nemo nunc amplius Christum cognoscere secundum carnem debet. 2. Cor. v: 16. Jacobo autem se fratrem adjunxit tanquam pari. Et revera plus est, servum esse *Jesu Christi*, quam fratrem secundum carnem. Accedit, quod & Patrum Antiquissimi atque doctissimi Epistolam hanc Judæ Apostolo adscripserint. *Tertullianus de habitu mulierum*, postquam de *Enochi* prophetia aliquammulta disputasset, tandem in hæc verba concludit: p. m. 504. *Eo accedit, quod Enoch apud Judam Apostolum testimonium possidet.* *Origenes* in *Matth.* XII. pag. 223. *Καὶ Ἰὼδὰς ἐγγράψαν ἐπιστολὴν, ὀλίγος ἔστι μὲν; περιλαμβανὴν δὲ τῆς ὑφαντοῦ χαρίτος ὑπομνήτων λόγων, ὅς τις ἐν τῷ προοίμῳ εἴρηται. Ἰὼδὰς Ἰησοῦ Χριστοῦ δούλος, ἀδελφὸς δὲ Ἰακώβου.* *Es Judas Epistolam scripsit paucorum quidem versuum, plenam vero efficacibus verbis gratia celestis: qui dixit initio: Judas JESU Christi servus, frater autem Jacobi.* *Hieronymus in Catalogo Scriptorum Ecclesiasticorum* hæc habet: *Judas, frater Jacobi parvam quidem, qua de Septem Catholicis est, Epistolam reliquit: & quia de libro Enochi, qui Apocryphus*

Cur se  
fratrem  
Jacobi  
potius  
quam Do-  
mini vo-  
cet.

*Grotium utinam jam & usu metui, & iniet sacras scripturas computatur.*  
**Adde**, quod infirma oppido sint aliter sentientium argumenta. Ridicula propemodum est *Grotii* conjectura, scriptorem Epistolæ hujus esse Judam quartum decimum Episcopum Hierosolymitanum, qui fuit *Adriani* temporibus, paullo ante *Barcochebam*. Nulla ratione addita, quæ opinioni isti vel minimam probabilitatem conciliet. Nam quæ profert, eo solum tendunt, ut credatur Epistolam non esse Apostolicam. Verum prolixius eam causam egerunt *Magdeburgenses*; quorum argumenta solide refutavit *Gomarus*, & post eum *Coccejus*. Id quod maximam speciem habet desumptum est ex *Æf.* 17. ubi se ab Apostolis distinguit, iisque posteriorem facit, eorum etiam verba allegat, & nominatim Petri. Cæterum nihil hinc aliud inferri potest, nisi Judam Epistolam hanc suam scripsisse post aliorum Apostolorum prædicationem & præmonitionem; eumque testem esse eorum quæ Apostoli docuerunt, & monuerunt. Neque magis indignum censi debet Apostolo *Juda*, citare verba quædam ex Epistola Petri, quam Petro indignum fuit provocare ad Epistolas Pauli. 2. Petri III: 15, 16.

**VIII.** **II** QUIBUS SCRIPTA EST EPISTOLA, illis designantur Epithetis, quæ sine Gentium distinctione Christianis omnibus competunt; quamvis credibili sit, potissimum eos spectari qui ex *Israelitis* in Christum crediderant. Iis enim sæpiusculè argumentis utitur, quæ ex Judæorum libris; vel etiam traditionibus, desumpta sunt *Æf.* 5, 7, 9, 11, 15. Videnturque prorsus iidem esse cum illis quos Petrus posteriore sua Epistola compellat. Vocat autem eos, VOCATOS, IN DEO PATRE SANCTIFICATOS, ET IN JESU CHRISTO ASSERVATOS. Non lubet nobis, obscuriora duntaxat explanaturis, iis immorari quæ ubique prostant. Hoc solum observabo, inesse his Epithetis argumenta, quibus suam Apostolus intentionem urgeat. Quum enim vocati essent ad cœleste regnum & gloriam, & sanctificati non solum a, se & in Deo Patre, ut unum cum ipso sint, Joh. XVII: 21. & asservati Divina potentia in Christo Jesu, nihil erat æquius, quam ut vocationi isti obtemperarent, neque neglectu sanctitatis se à communione Dei se jungerent neque asservatio Christi injuriam facerent sua ab ipsius puritate secessione.

Epistola hæc Christianis quidem universim, at potissimum Hebræis scripta est.

**IX.** **TEMPUS** scriptæ hujus Epistolæ uti ad postremam Apostolorum ætatem referendum est; quod colligitur ex *Æf.* 17. ita ad extremam quoque Judæ senectutem pertinet. Observatu dignum est, quod præstantissimi servorum Dei, instantem sibi mortem spiritus alacritate imbuti, omnes suas vires cura gravissima reliquerint scripta, postquam Dominus prospexit, nova curæ excusserint, & singulari cura ex hoc mundo migrationem, Ecclesiæ æternum profutura. Nota sunt ex hoc tempore *Mosis*, *Davidis*, *Petri*, *Johannis* exempla sunt; quibus in hanc tem-  
*Meletem. Leid.* *Tt* *tenferi Judas* *noster, ob Divinam*

Scriptio- nis tem- pus, & occasio.

vinam hanc Epistolam, meretur. Beatus servus ille quem invenit Dominus ita facientem ! OCCASIONEM præbuit spurcissimorum hæreticorum impietas, quales erant Simoniani, Menandriani, Nicolaitæ, Gnostici &c. qui, sive sub his, sive sub aliis nominibus, certe obtentu nominis Christiani, & prætextu Christianæ libertatis, impuris dogmatibus suis & scelerata vita plurimum invidiæ Christianæ religioni creabant. Hinc enim credibile est ortas esse atroces illas calumnias, quibus innocentissima ceteroquin Christianorum natio à Gentilibus olim inessebatur. Id autem operæ sibi datum esse crediderunt Apostoli, non solum ut suos adversus eam opinionum morumque profanitatem munirent ; sed & sanctissimum gregem Christi ex doctrinæ suæ genio ab impuritatibus istis vehementer abhorretere palam facerent ; utque ita impactas ei calumnias prudenter & efficaciter amolirentur. Huc pertinet 1. Petri 11 : 1. & 13, 14. &c. Apoc. 11 : 14, 15. Et in hac Epistola x. 4, 11, 12. ubi aperte satis indicatur, quid necessitatem scribendi Apostolis creaverit.

Argumentum  
Epistolæ.

X. ARGUMENTUM Epistolæ tribus partibus absolvitur. - I. *Voto Apostolico* x. 2. II. *Causa pertractationis*. a x. 3. usque ad 23. III. *Doxologia*. x. 24, 25.

Verf. 11.  
Votum  
Apostolicum.

XI. *Votum* ita habet x. 2. *Misericordia vobis, & pax & charitas multiplicetur*. Ubi supponitur aliqua jam optabilem bonorum possessio ; & optatur eorundem multiplicatio. Bona quibus jam potiebantur, sunt MISERICORDIA, ex qua vocati erant. PAX, ad quam vocati. Pax nimirum cum Deo, conscientia, proximo. Et CHARITAS, tam Dei erga ipsos, jam sibi reconciliatos, & ad amicitiae familiaritatem admissos : quam ipsorum erga Deum, & proximos. Quæ bona, quoniam in se valde desiderabilia, & in ipsis adhuc imperfecta erant, optatur eorum MULTIPLICATIO ; tam respectu bonorum possessorum, quam respectu possidentium. Sic ut misericordia multiplicetur, in beneficiis ex ea profluentibus : pax, in sensu jucundissimæ tranquillitatis : charitas Dei erga ipsos, in sui beatissima manifestatione, & uberiori communicatione : charitas ipsorum erga Deum & proximum, in officiorum pietatis constantiore frequentia. Utque hæc omnia à paucioribus diffundantur in plures.

Verf. 11.  
Propositio.

XII. In *pertractatione causæ* observa 1. *Propositionem* x. 3. II. *Confirmationem* x. 4. - 16. III. *Adhortationem* x. 17. - 23. In *Propositione* occurrit 1. *Blanda compellatio* ad conciliandam benevolentiam & audientiam. DILECTI. Comitas ista Evangelii præcones decet 1. Thef. 11 : 7. cujus rara ac fere nulla apud Moſen, Veterisque œconomiae prophetas, exempla existant. II. *Protestatio* perpetuæ & omnigenæ diligentia in procuranda Ecclesiæ ædificatione. QUUM OMNE STUDIUM ADHIBEAM. Officium quoungebatur tantæ erat dignitatis : res quas tractabat, tanti momenti :

Diligentia  
Judæ.



hensa, de qua 1. Timoth. 1: 15. *πρὸς ὁ λόγος &c.* Conf. Gal. 1: 23. Ea TRADITA est, à Deo *Apostolis*, & per Apostolos SANCTIS. 1. Cor. XI: 2, 23. XV: 3. id est Electis, per veritates fide receptas sanctificatis, Deo istiusque ministerio dicatis, & imaginem puritatis ipsius referentibus, SEMEL autem tradita est: *πολυτρόπως* quidem multis vicibus, nunc illa pars, nunc altera, & *πολυτρόπως* multis modis, obscurius, clarius, nunc cum, nunc sine iugo, nunc uni genti, nunc pluribus. Hebr. 1: 1. Attamen quoad rei substantiam *semel*, id est invariata: non nisi una salus, unus servator, una in eum fides; cui nihil addere licet, nihil demere; & qua *semel* repudiata, nulla altera restat. 1. Cor. III: 11. Gal. 1: 7, 8. Pro hac fide *παρρησιάζομαι*, blande, pathetice, efficaciter HORTATUR. Conf. 1. Thes. II: 11. *παρρησιάζομαι* DECERTARE, eam fortiter tueri adversus hostes quoscunque, non vi armata; & secus sentientium persecutione; 2. Cor. X: 4. sed fidei constantia, professione perpetua, argumentis ex scriptura petitis, patientia, & vitæ integritate.

Verf. IV.

Impuri  
hæresici,

X: I. Verius 4. continet confirmationem eorum quæ dixerat de necessitate scriptionis & admonitionis suæ: quippe pestilentissimi se hæretici latenter veris Christianis miscebant, doctrinam & vitam eorum terra labe, quantum in ipsis erat, inficientes. Hos primo *generatim* describit *χρ.* 4. tum *specialim*, tam quoad *judicium* quod ipsos manet, quam quoad *crimina* quibus se obstringunt. *Παρεστώσαν γὰρ τινες.* NAM SUBREPSE-  
RUNT QUIDAM HOMINES. Valde hæc conveniunt cum iis quæ Petrus scripsit 2. Petri II. notanturque iidem homines, Gnostici, Nicolaitæ, Carpocratiani, similesque excetræ, quamvis iisdem fortassis nominibus, quibus deinceps inclaruerunt. Apostolorum ætate non noti. Sceleratam ipsorum doctrinam; moresque impurissimos prolixè exsecutus est Epiphanius, & ex eo *Maresius*, *Dissert. singulari Tom. II. Dissut. p. 646.* Mihi animus meminisse horret, dictuque refugit. Hi latenter & callide se veris Christianis miscebant, subdole profitentes nomen Jesu, & quædam sibi sumentes ex Evangelio. *Ὁ πάλαι προγεγραμμένοι εἰς τὸ τοῦ καὶ μα.*

Jam olim  
præscripti  
ad nanc  
damnatio-  
nem.

JAM OLIM PRÆSCRIPTI AD HANC DAMNATIONEM. *Κρίμα* est *κατάκριμα*, ut passim. Matth. XXIII: 14. Marc. XII: Rom. II: 3. Condamnatio vero ista partim ad *crimen*, partim ad *pænam* pertinet. Hoc enim est justissimum Dei judicium, ut qui amorem veritatis rejiciunt, tradantur in mentem reprobant, sibi reliqui ac diabolo mancipati, in pessima dogmata & flagitiosos actus prolabantur, meritamque sibi apud Christianos arcessant infamiam; æternis deinceps suppliciis à Deo puniendi, accersentes sibi celerem perniciem. Ad id olim *præscripti* sunt. 1. Divina prædestinatione: qua non solum generatim talibus hominibus decretum est exitium, sed & hi nominatim constituti sunt ut talia patraturi, & propterea juste damnandi: sicut ex adverso Clementis & reliquorum

in verbis Christi, & Apostolorum ejus, imprimis 2. Petri 11: 3. de corruptione Ecclesiæ, & de ortu hæreticorum, & de falsis dogmatibus, eorumque pœna. Protestatur itaque Judas, se nihil novi dicere de hostibus fidei: sed vetera ac prædicta iis solum applicare quibus competunt. Idem dicuntur ἀσεβείς IMPII. ut & 2. Petri 11: 6. à vero Dei cultu, impiusque communione & justitia alienissimi; omni autem profanitati ad dicti; contemtores numinis, sectatores scelerum. Quod ostendunt, τῷ τῷ Θεῷ ἡμῶν χάριν μετατιθέντες εἰς ἀσέλγεια. Dum DEI NOSTRI GRATIAM TRANSFERUNT AD LASCIVIAM.

Noster ille Deus est, qui vere ipsius foederati sumus. Non est ipsorum Deus. Quidquid jacent, ἄθροισμα sunt in mundo. Χάρις Gratia hic est doctrina Evangelii, exponens gratuitum Dei Patris & Christi erga miseros peccatores amorem, & indebita beneficia ex amore isto profluentia. Gratia ista suapte indole ad omnem nos virtutem ducit. Tit. 11: 11, 12. Immensa illa Dei Christique charitas in mentibus bene dispositis reciprocationem ardentissimæ charitatis efficit: neque compensari potest, nisi totali hominis ditione ad obsequium Dei, 2. Cor. v: 14. Pietati isti opponitur ἀσέλγεια. De qua voce Junium rursus audire juvat, ita commentantem: Ἀσέλγεια proprie est indefinens lascivia, effeminata, cinadica, ea denique intemperantia, qua homo voluptatum omne genus venatur & colit, atque in eum diffuit: dicta ex ἀ intendenti significationis, & nomine εἰλγα. Fuit autem Selga oppidum Cappadocia, vel potius Pisidia, Ulpiano teste, in finibus Cappadocia & Galatia, cujus cives luxu & perditionis nomine fuerunt infames, maxime quod sua ipsorum corpora contabescerent, enervarentque mutui libidinibus. Quamobrem, ut vires amissas reciperent, nervosque debilitatos confirmarent, invenerunt oleum nervis utile, quod de nomine illorum veteres appellaverunt Selgiticum, cujus meminit Plinius Nat. Hist. Lib. xv. Cap. vii. & Lib. xxiii. Cap. iv. Quam quidem ego Etymologiam suo relinquens loco, observare malo, ἀσέλγειαν dici posse omnem tam ingenii, quam morum, proterviam, petulantiam, lasciviam, quæ ab Æschine, uti Budam annotavit, opponitur τῇ μετριότητι καὶ σωφροσύνῃ. Ἀσέλγειαν ingenii est, quando quis suæ mentis ratiocinia opponit Divinæ revelationi, quasi non esset in Deo verum quod non habet in natura exemplum, & quasi pusilli animi sit disciplinæ Prophetarum & Apostolorum sine ulla restrictione fidem suam submittere. Hoc erat eorum viciū, qui non contenti φρονεῖν εἰς τὸ σωφρονεῖν, amabant ὑποφρονεῖν Rom. 11: 3. 11: 20. Ἀσέλγειαν morum est impuræ concupiscentiæ externæ demonstratio. Utraque infames fuere hi seductores, 2. Petri 10, 13. Epiphanius de iis narrat, quæ impuriora sunt quam chara nostra in-  
quinetur,

Qui Dei nostri gratiam transferunt ad lasciviam.

Ἀσέλγεια

2. Petri 11: 3. 11: 20. Ἀσέλγειαν morum est impuræ concupiscentiæ externæ demonstratio. Utraque infames fuere hi seductores, 2. Petri 10, 13. Epiphanius de iis narrat, quæ impuriora sunt quam chara nostra in-  
quinetur,

propter incredulitatem suam foeda strage periisse in deserto, exclusos terra Canaan? Historia exstat. Num. XIII. & XXIV. Conf. Psal. XCV. & Hebr. III: 17, 18, 19.

Verf. vi.  
Angelo-  
rum culpa  
& poena.

XVI. Major difficultas in altero exemplo est. *Nf. 6.* Ubi Angelorum apostatarum culpa describitur & poena. *Et angelos qui non conser-  
varunt suam originem, sed reliquerunt suum domicilium, iudicio magni illius  
vinculis aeternis sub caligine reservasse.* Mihi quidem dubium non est, quin ANGELI hic, ut passim in sacris, notent Spiritus ab omni materiae communione sejunctos, & creaturas rationales ab humano genere distinctas: illorum culpa est quod NON SERVAVERINT τὴν ἰαυρὴν ἀρχαίαν. Verti id potest *principium*, ut significetur primigenia illa naturae suae puritas, à qua desciverunt; vel *principatus*, dignitas; qua se exuerunt sua adversus creatorem superbia. Quod sequitur, RELIQUERUNT DOMICILIUM SUUM, ad an poenam magis quam culpam referendum sit, non adeo liquet. Intelligi potest utrumque: quasi dixerit Judas; non contenti sua felicitate, & quasi pertaesi coelestis beatitudinis, res novas moliti sunt, & sic gloriosam rerum suarum sedem inconsiderate ac proterviter reliquerunt. Sed & justissima Dei indignatione, gloriosa regia ista exturbati sunt; quippe qua sua se rebellione fecerant indignos. Sic Judas edisserit locum felicitatis, unde exciderunt. Petrus 2. II. 4. addit locum miseriae, *tartarum*, in quem praecipitati sunt. Tartarus autem est ima inferorum abyssi. Conf. Apoc. IX: II. Ibi RESERVANTUR SUB CALIGINE, valida Dei manu & incumbenti iis vindicta detinentur in statu miserrimo, ubi nulla lucis sive honestae, qua ad bene agendum utantur, sive jucundae, quae consolationem aliquam, illiusve spem suppeditet, iis affulget. ASERVANTUR AUTEM VINCULIS, Petrus *catenas caliginis vocat*. Quibus intelligi potest partim virtus illa irati Dei, qua constricti tenentur ut supplicium evadere nequeant: partim miserabilis illa quae iis incumbit male agendi necessitas; sic ut eluctari non possint, ex amore mendacii atque iniustitiae, ex odio Dei & hominum, ac maledicta voluptate in criminibus. Conf. 2. Tim. II: 26. Addi potest ineluctabilis horror conscientiae, trepidantis ad flagellum Dei, & novissimum iudicium. Jacobi II: 19. Vincula ista AETERNA SUNT, ubique enim iis & semper urgentur; durabuntque AD JUDICIUM MAGNI ILLIUS DIEI: non tollenda tunc, sed aggravanda. Haec enim veluti in foedo carcere sunt. Maxima eos poena manet post latam publice sententiam. Matth. VIII: 29. quando intensior erit irae Divinae sensus; & privabuntur insana illa voluptate noxam inferendi electis Dei Apoc. XX: 10. Magna enimvero exempli huius debet esse vis: sive deficientium praestantiam, sive criminis aestimationem, sive poenae atrocitatem spectes.



Batavus; quæque huc fere redit: *Angeli* non notant ibi spiritus qui sub imperio Diaboli, ejusque in rebellionem successores, sunt. A. Quia illis nomen *Angelorum* proprie & accurate loquendo non competit. *Nuncii* enim non sunt; neque ante peccatum, neque in, neque post: quippe qui describuntur ut catenis vincti usque ad diem judicii. B. Exemplum malorum spirituum non convenit scopo Apostoli. Is erat fideles adhortari ad constantiam, & dehortari à similitudine eorum qui Dei nostri gratiam transferunt ad lasciviam &c. vs. 4. idque metu judicii Divini, cujus exempla tria adfert: Primum est *Israëliitarum infidelium* ac rebellium, juste punitorum vs. 5. Tertium *Sodomæ ac Gomorrhæ* vers. 7. Intermedio loco collocat hoc de *Angelis*. De quo quum nihil habeant sacræ literæ, congruum non est, ut exemplis ex Scriptura petitis ignotum aliquod interferat. Quid ergo? *Angeli* hic sunt *primates tribuum*, & capita filiorum Israël Num. xii: 1, 3. qui ad terram Canaan explorandam missi sunt. His enim competunt omnia prædicata, quæ vel *crimen* ipsorum spectant, vel *pœnam*. Crimen in eo consistit, quod non ἐτήρησαν τὴν ἐαυτῶν ἀρχήν, id est, dignitatem eam ac dominationem qua alios præcellebant: quod deliquerint τὸ ἴδιον οἰκητήριον, terram Canaan ipsas à Deo addictam, quam abnuebant occupare. Pœna est, quod *judicio magni illius diei* *vinculis æternis* sub caligine reservantur. Caligo notat statum mortis Job. x: 21, 22. *Vinculum*, immobilitatem insuperabilem, qualis est mortuorum. Ea *æterna* dicuntur, id est, duratura quam diu hic mundi status, ut colles æterni Gen. xlix: 16. Ad *judicium magni illius diei*, notatur tempus duraturæ mortis, non certitudo æternæ damnationis. Fieri enim potest ut animæ ipsorum correctæ pœnis hujus vitæ, requiescant in pace apud Deum, & *judicium* hoc contigerit ad *interitum* carnis, ut *spiritus* servetur in die Jesu. I Cor. v: 5. Eodem torquent Petri dictum Epist. secun. Cap. ii: 4. *Si Deus Angelis qui peccaverant non pepercit, sed in tartarum detrusos catenis caliginis tradidit, damnationi servatos.*

XVIII. Cæterum hæc, ut mollissime loquar, abducunt nos à simplicitate & ἐνσπρηγία sacrarum literarum. Mihi sane placere non potest, ut loca tam palam de Angelis loquentia, & constanter de iis exposita, nulla necessitate, alio trahantur. Cui bono? Si Judas ac Petrus notissimam de exploratoribus historiam narrare voluerunt, cur verbis usi sunt quæ à Mosaicis tam longe discedunt; & tam insolentibus, intricatis, ut in hoc usque seculum à nemine moveantur, intellecta esse probentur? Enimvero argumenta quæ contra recedunt, nullius videntur esse valoris. Nam *Angeli* dici possunt qui eo fine sunt creati ut Deo à ministeriis & à nunciis ministerio aut legatione Meletem, Leid.

tione ipsorum nunquam fortasse usus sit. II. Exemplum spirituum deficientium ac Apostatarum convenientissimum scopo Apostoli esse, nostra expositione modo probavimus. Et quid validius ad homines à defectio-  
ne & Apostasia deterrendos excogitari potest, terribili hoc iudicio? Quod si effugere non potuerunt Angeli, natura cæteroquin præstantiores, viri-  
bus validiores, numero plures; quo demum pacto pauculi aliquot *scelera*-  
rati homunciones effugient, eodem impliciti crimine, & ad omnia exem-  
pla obdurati? Ordinem temporis non servat Apostolus, neque ut servet  
necesse est; rem non ignotam narrat, sed apud Hebræos communiter re-  
ceptam: & maximi ponderis. Explicatio nova est mera torsio. I. In-  
solens est, exploratores à Mose missos Angelos absolute dici, sine ulla de-  
signatione mittentis, aut eorum ad quos, aut operis ad quod missi sunt.  
Fateor Jacobi 11: 25. exploratores Israëlitarum ἀγγέλους dici: sed addi-  
tum Rahabæ nomen sermonem facit intellectu facillimum. II. Ἀρχὴ usi-  
tatissima significatione *principium* notat. Quid nō hic? At detur significare  
præstantiam ac dignitatem; an suam illam magis conservarunt Angeli de-  
fectores, quam Legati Moysi. III. Απολυπεῖν ἴδιον οἰκητήριον, magis  
proprie dicitur de Angelis cælum relinquentibus, tam voluntario peccato,  
quam deturbatione & expulsionē Dei iusta, quam de exploratoribus,  
quorum οἰκητήριον nunquam fuit terra Canaan; & qui eam non tam ἀπέ-  
λκον, quam occupare neglexerunt. IV. Pœnæ descriptio cum Mosaica  
narratione de morte exploratorum nihil commune habet: talisque illius  
explicatio est enervatio verborum manifesta; quam vix sine indignatione  
audias. Quis unquam animum induxit, ut *vinculis æternis sub caligine re-*  
*servari ad iudicium magni illius diei, & catenis caliginis, in tartarum detrusos,*  
*damnationi servari,* nihil aliud notat, nisi mortem corporalem eorum,  
quorum animæ fortassis in quiete apud Deum sunt? At non lubet hic esse  
iusto prolixioribus. Ad contextum nostrum redeamus.

Sodomita-  
rum.

XIX. Tertium exemplum sceleratæ lasciviæ est. vers. 7. Ubi obser-  
va. I. Lascivos. II. Lasciviam. III. Pœnam. Lascivi sunt SO-  
DOMA, ET GOMORRA, ET VICINÆ HIS CIVITATES: nimi-  
rum *Adama & Zeboim*. Deut. xxix: 23. Hof. xi: 8. Quæ fortassis Gen.  
xix. ideo omissæ sunt, quod Sodomæ & Gomorræ vestigiales, atque ita  
earum quasi appendices essent, quam forte ob rem *filiae Sodomæ* dicuntur.  
Ezech. xvi. Sitæ erant urbes istæ in tractu amœnissimo & fertilissimo.  
Gen. xiii: 15. Quæ cœli solique ubertas quum mentes incolarum ad  
supremi numinis benignitatem agnoscendam impellere, & liberalissimi  
creatoris amore accendere debuisset; contra accidit, ut bene passi in im-  
purissimas libidines præcipites ferrentur. Sed & aliis se sceleribus obstrin-  
xerunt. Ezech. xvi: 46. &c. Unde impietas ipsorum in proverbium  
abiit, Jes. i: 10. Judas hic eorum potissimum *lasciviam* taxat. Ἐπαρνέ-  
σασαι.

**ἐκ ἡρεμίας.** Fornicatio omnem vetitam libidinem notat, quā quis corpus suum Deo subtractum mancipat impuritati. Cæterum emphasis est in Lascivia. præpositione ἐκ, quæ vel ad Deum referri potest, à quo scortando defecerint. Ps. LXXIII: 27. vel ad modum ac mensuram; q. d. in fornicationem effusæ; scortantes præter & extra modum naturæ. Τὸν ὁμοίον τῶ τοῖς τρόποις. AD CONSIMILEM ILLIS MODUM. Id nonnulli ad Angelos referunt, de quibus vers. 6. qui cum fœminis impurati creduntur ex loco Gen. VI: 2. male intellecto. At hoc somnium est. Satiùs sic interpreteris, vicinæ civitates, quæ ad eundem quo Sodoma & Gomorra modum fornicatæ sunt. Id est perquam nefarie & scelestè. ἀπελθῆσαι ὀπίσω σαρκὸς ἑτέρας. CARNEM ALTERAM SECTATÆ. Caro altera, generatim quidem omnis illa est quæ homini cuicunque matrimonio juncta non est: at speciatim caro mascula, non eum in finem à Deo condita. Verecunda paraphrasi infandum scelus innuit potius quam describit. Sodomorum habitatores, sicut & Carpocratiani, in omnem venerem erant projecti. Pœna respondens criminibus, ignis est: quem è coelo in eos una cum sulphure depluit Jehova. Gen. XIX: 24, 25. Forfan vehementia fulmina intelliguntur, quasi dicas sulphur ignitum, vel ignem sulphureum. Persius Sat. II. fulmen sacrum sulphur vocat. Et Plinius Lib. xxxv. Cap. xv. Fulmina, & fulgura quoque sulphuris odorem habent, ac lux eorum sulphurea est. Conf. Ps. XI: 5. Ezech. xxxvIII: 22. Credibile est fulmina ista sulphurea magno impetu vibrata, illapsa esse in puteos bituminis ac naphthæ, qui frequentes erant in isto tractu: incensa autem magna bituminis copia, excitatum esse ingentem terræ motum; hinc partes terræ à se invicem divulsas, ingentes moles, ipsasque adeo urbes subsedisse, erumpentibus alibi laticibus. Hinc horrenda illa urbium subversio, & lacus Asphaltites, sive mare salsum. Gen. XIV: 3. Recentiores mare mortuum dixerunt; non propter aquæ immobilitatem, quod Justinus vult: Lib. xxxvi. Cap. III. sed potius quia est ἄγρονος, & caret piscibus, quod Josephus testatur. Addit Pausanias, ἀντοπτης, Lib. v. Pisces eo forte delatos retro fugere ut è manifesto periculo in solitas aquas. Quod & Hieronymus confirmat in Ezech. XLVII. Porro ignis iste dicitur æternus: quia per tot secula ex bituminosa materia arsit; & fortassis etiamnum ardet. Brocardus in Descript. Terr. S. Part. I. Cap. VII. §. 35. Mare mortuum, inquit, est semper fumans & tenebrosus, sicut os inferni; sicut oculis meis vidi, ob tetrum vaporem inde fumantem. At externus ille, atque hoc sensu æternus, ignis, conflagarunt, est ὑπὲρ τῆς γῆς, EXEMPLAR, aliis ad validius inde monelam ob oculos positum, 2 Petr. I: 2, 6. & simul figura igni æterni, quo, dum hæc scribebat

bat Judas, exercebantur scortatorum animæ. Urbes ipsæ habent ὀρέ-  
*δερμα*, vel ἀντίτυπον αἰωνίου πυρός, sed improbi homines sustinent δίσον  
 αἰωνίου πυρός. Grotius: Sensus est, eas urbes incensas instar exhibere ignis  
 æterni, qui expectat impios.

An Sodo-  
 ma & Go-  
 morra olim  
 sint resti-  
 tuendæ:

XX. Expendi hic meretur insignis difficultas, a paucis rite animadver-  
 sa; nimirum, qua mente Judas æterni ignis poenam Sodomæ ac Go-  
 morræ attribuat; quum Deus earum urbium restitutionem in meliorem  
 statum haut obscure promittere videatur Ezech. xvi: 53. Ubi verba He-  
 bræa, si nihil textui addere ausimus, sic sonant: *Et reducam reducem tur-  
 bam earum, reducem turbam SODOMÆ ac filiarum ejus, ac reducem turbam  
 Samariæ ac filiarum ejus: etiam reducem turbam captivorum tuorum inter  
 illos. Iterumque versus 55. secundum Hebraicam veritatem ita habet.  
 Et soror tua SODOMA & filia ejus revertentur ad pristinum statum suum; ac  
 Samaria & filia ejus revertentur ad pristinum statum suum: & Tu quoque  
 & filia tua revertemini ad pristinum statum vestrum.* Dici non potest quanto-  
 pere hæc vaticinia torserint interpretes; qui quum concipere non possent  
 quomodo restituenda sit cum filiis suis Sodomæ, ac de Samaria restitutione  
 nihil admodum determinati haberent; nescio quid non commenti sunt,  
 ut in sensum aliquem tolerabilem tam inexpectata Prophetæ verba exi-  
 rent. Vide sodes ea, quæ Cornelius à Lapide congeffit. Multi ex In-  
 terpretibus, quorum nos fidem, diligentiam, ac judicium plurimi fa-  
 cimus, arbitrantur enuntiationes has conditionatas esse, sic ut postre-  
 mæ pericoparum partes cum primis per particulam hypotheticam con-  
 necgendæ sint; hoc sensu: *si reducam Sodomam, & Samariam, etiam  
 te reducam.* Porro subsumendum putant: atqui *non reducam Sodomam &  
 Samariam.* Ergo nec te. Et sic plane contraria mens esset illi, quam  
 verba Hebræa primo obrutu exhibere lectori videntur: neque habere-  
 mus hic promissionem ullam boni, sed denegationem irretractabilem.  
 Verum non puto interdictum nobis esse, ne eas rationes expendamus,  
 ob quas alii Viri doctissimi professi sunt se in istam sententiam descendere  
 non posse. I. Quia nihil tale portendit phrasis, & sermo Propheticus,  
 sed plane contrarium. II. Quia certum est Deum aliquando reductu-  
 rum esse eum populum, quem per Prophetam alloquitur. Id hoc ipso  
 capite dicitur v. 60. *Et recordabor fœderis mei tecum initi temporibus pue-  
 ritia tua, & præstabo tibi fœdus perpetuum.* III. Quia ipse se Deus ita ex-  
 ponit, ut cum Hierosolymis Sorores suas Sodomam, & Samariam se resti-  
 tuturum dicat vers. 61. Nam recordata viarum tuarum, pudore suffunde-  
 ris, assumendo sorores tuas majores te cum minoribus te. ET DABO TIBI EAS  
 IN FILIAS, quamvis non ex fœdere tuo. Potuitne diseruius? At quæ tan-  
 dem qualisque futura est ea Sodomæ & Gomorræ restitutio? Quidam de  
 Ammonitis & Moabitibus cogitant, quos ex incestuosa, & Sodomiticis fœ-  
 ditatibus

Et qualis  
 restitutio  
 ista futura  
 sit.

ditatibus ſimili, mixtura Lothi cum filiabus ſuis ortos eſſe conſtat, idque in tractu Sodomitico. Sunt qui ſuſpicari malunt, emblematicè alias gentes deſignari, quibus aliqua cum Sodoma ſimilitudo intercedit. Sed quum hæc à contextu Prophetico palam aliena ſint, qui de Sodoma proprie ſic dicta clariſſime agit, probabilior eorum videtur eſſe obſervatio, qui monent hic non tam cogitandum eſſe de urbibus, quam de reliquiis & poſteritate earum urbium. Non enim omnes homines πενταπόλεως interierunt. Servata eſt Tſoar, & fortasſe quidam αποδημῶντες reliquarum civitatum. Moab vocatur שארית אדמה *reſiduum Adama* Jeſ. xv: 6. LXX. Τὸ κατάλοιπον Ἀδὰμ. *Qualis autem Hieroſolyma & Samaria & Sodoma reſtitutio futura ſit, ex verſis 61. intelligitur. Significatur enim vocatio gentium; quarum inſtar, & quaſi mater eſt Sodoma. Ita Coccejus. Sed aliter Altingius ad Rom. ix: 29. Hæc datio Sodoma non eſt incolarum; inquit, qui in Sodoma omnes perierunt; aut illius generationis quæ interiit: ſed terra, ut Iſraélite fideles ibi commorentur, uti Zeph. 11: 5. additur: reſidui populi mei diripient illos, & reliqui ejus poſſidebunt illos. Cui obſervationi hoc addo: tractum Sodomæ poſteris Abrahami: uti partem hæreditatis ſuæ, promiſſum eſſe. Dixit enim ei Deus: Genef. xiiii: 15. Totam hanc regionem quam vides tibi daturus ſum: & ſemini tuo uſque in ſeculum. Unde inferitur, etiam Sodomæ tractum Abrahamo datū eſſe: quippe quem, non minus quam Lothus, ex loco ubi conſiſtebat, oculis tunc ſuis poterat uſurpare. Quid autem profuit illius poſſeſſio Iſraëli, donec terra illa adeo deſerta & maledicta manſit? Unde videtur conſequi, iſtam promiſſionis partem ſuum adhuc complementum exſpectare. Si ne hæc quidem, ob inſuetam auribus noſtris peregrinitatem, omnem animo ſcrupulum eximant; litemus modetiæ, & dicamus cum Caſtatione, cujuſmodi futura ſit ea reſtitutio, ſciatur ſuo tempore. Sufficiat, aliquam Sodomæ reſtitationem exſpectandam eſſe non minus quam Samariæ & Hieroſolymæ. Neque tamen male dixit Judas, Sodomam & Gomorram ignis æterni pœnam ſuſtinere. Nam & id ex Prophetis eſt. Apud Zephaniam Cap. 11: 11. hæc exſtant. Idcirco ut vivo ego dictum Jehovah exercituum, Dei Iſraëlis, Moab tanquam Sodoma erit, & Ammonitæ ut Gomorra, locus dereliſtus urtica, & fodina ſalis, ושמה עד עולם & Quomodo tamen ignis æterni pœnam ſuſtineant.*

DESOLATIO IN ÆTERNUM. Attamen hoc ipſum vaſtationem, rite expenſum, ſatis evincit, non eſſe hic abſolutam æternam deſolationis intelligendam, quæ nullo unquam tempore in lætæ ſtatum exeat. Ejusdem enim generis æternitas vaſtationi Sodomæ ac Gomorræ attribuitur, cujuſ generis eſt æternitas vaſtationis Moabitarum atque Ammonitarum. Atqui eorum vaſtatio aliquando habitura eſt finem. Ita enim Jeremias, qui eodem cum Zephania tempore vixit, breviores hujus prophetiæ ſuis prolixioribus expoſuit. Jer. xlviii: 47. Attamen reducam

Uu 3

multitu-

multitudinem captivam Moabi, ultimis temporibus, dictum Jehova. Et XLIX: 6. Verum tamen postea reducam captivam multitudinem Ammonitarum. Designatur igitur vastatio, multis quidem seculis duratura, attamen aliquando finienda. Sed ad Judam nostrum revertamur.

Verf. VIII. XXI. Qui cum justissima indignatione nequissimos istos animarum seductores increpat, vsf. 8. quod tam tremendis non territi exemplis, ad Sodomæorum instar SOPITI, tam naturali somno, quam vanis lascivarum mentium imaginationibus & delusionibus, CARNEM QUIDEM POLLUANT, DOMINATUM VERO ASPERNENTUR, ET DIGNITATES VITUPERENT. Non lubet spurcitiei isti inhærere: quæ adeo explicationis indiga non est, ut ne quidem nominari apud nos debeat. Paucula duntaxat de eorum ἀταξία notabimus, qua publicam tranquillitatem nefarie turbabant; indignissime se gerentes, contra eos quos κυριότηας καὶ δόξας Apostolus nuncupat. Sunt qui Angelos hic designari existimant, quod eorum apparitiones soleant vocari δόξα Θεῷ vel Κυρίῳ, quando splendentibus induti nubibus conspiciendos se præbebant. Tum etiam, quia Paulus Col. 11: 8. de Angelis loquens, eos iis rebus accenset quas homo μὴ εἶδρακε, innuens esse naturas inconspicuas, ac proinde hominibus parum notas: similiter Judas com. 10. περὶ τῶν δόξων pluribus agens, eodem ferme modo eas describit, ὅσα ἐκ ὀφθαλμοῦ. uti & Petrus 2 Epist. 11: 21. ἀἀγνοῦσι. Sed hæc longe petita sunt. Neque apparet, quantum scio, ullos ejus temporis existisse hæreticos, qui, Angelorum ordines agnoscetes, minus iis quam par est attribuerint. Imo vero *Aeones*, qua voce Angelos signabant, in ipsorum Theologia utramque fere fecerunt paginam. Idcirco *Junio*, versum quartum & historiam veterem cum hoc sermone conferenti, videtur nomine κυριότης designari potentissima illa dominatio atque auctoritas quam Jesus Christus accepit a Patre, Satanæ vero hæreticorum istorum opera jam inde ab Evangelii initio labefactare cœpit. Mihi vero probabilius est, utramque vocem ad Politicum in hominibus ordinem spectare. Atque ita distingui posse, ut per κυριότητα intelligatur quivis magistratus, etiam inferioris ordinis; per δόξας, ii qui in summis sunt honoribus. αἱ ἐξουσίαι αἱ ὑπερέχουσιν. Rom. XIII: 1. Gradatio est, uti & 2 Pet. 11: 10. Sed uti crescit sermo in dignitate honorum; ita & in indignitate criminum. Ἀθετεῖν κυριότητα, idem est quod Petro καταφρονεῖν, spernere, contemnere. Conf. 1 Thess. IV. 8. Tertius est, dignitates βλασφημεῖν, calumniosis sermonibus incessere. Quod fieri potest bifariam: primo si quis ipsam functionem Magistratus tanquam iniquam, & Christianis hominibus indignam, & libertati Ecclesiæ inimicam, & à diabolo inventam, traducat: dein, si quis homines ea dignitate præditos adspernetur, eorumque mandata, & res gestas quaslibet, in calumniæ ac maledicentiæ materiam rapiat.

Quod

Dominatus & Dignitates.

Ἀθετεῖν  
καὶ  
βλασφημεῖν.

stratus omnes gentiles & Christianis adversi essent; quanto indignius est, quum iidem Christianismum profitentur, & Ecclesiæ nutritii sunt: licet cuncta fortassis ad nutum quorundam Ecclesiasticorum facere abnuant. Contemptus magistratuum pessimi exempli res est, in nostri potissimum ordinis hominibus: at malevolum de eorum actionibus iudicium, maledicus sermo, quamvis zeli prætextu fucatus, non procul abest à blasphemia.

XXII. Cujus blasphemiae indignitatem exaggerat Apostolus comma-  
te 9. exemplo MICHAELIS ARCHANGELI, qui *quum adversus diabolum altercans, disceptaret de corpore Moſis, non ausus est illi impingere notam maledicti. Sed dixit, increpet te Dominus.* Ad cuius dicti explanationem tria hæc explicanda veniunt. I. Quis sit ille Michael Archangelus. II. Quid sibi velit altercatio illa super corpore Moſis. III. Quorsum hujus rei hoc loco commemoratio spectet.

XXIII. Michaelis nomine quidam creatum aliquem Angelum intelligunt, sed qui qualitatibus præstantia præ reliquis eminens proxime ad Divinam accedat, & cui à Creatore præfectura aliqua in cæteros omnes concessa sit. Alii eo nomine designatum putant ipsum Dei Filium, Dominum nostrum Jesum Christum, Angelum faciei Dei, Angelum fœderis, Angelum non Jehovæ solum, sed & Angelum Jehovam, in cuius medio nomen Jehovæ est, quique omni præeminentiæ jure, & constitutione Patris sui, omnium Angelicorum ordinum princeps & Dominus est. Utriusque interpretationis rationes non segniter me excussisse memini in Dissertatione quæ huic materiæ elucidandæ unice destinata est. Ex qua illud nunc mihi sumere liceat, non contemnendis eos argumentis niti, qui de Domino Jesu quam de creato aliquo angelo hic cogitare malunt.

Michael  
Archangelus.

XXIV. Michaeli igitur, sive Filio Dei, attribuitur ALTERCATIO aliqua SUPER CORPORE MOſIS: quod an in propria, an translata notione, capiendum sit, variant interpretes. Qui propriam præferunt, illud imprimis urgent, quod in sepultura Moſis aliquid ipsi contigerit, quale ante & post eum mortalium nulli. Funerationis enim curam omnem in se suscepit Deus; nullius hominis interveniente opera perficiendam. Voluit etiam Deus sepulturæ locum mortalibus omnibus incognitum atque inaccessum esse. Cujus rei quum sapientes rationes Deo indubie constiterint; non improbabiler conjicitur potissimum fuisse duas, partim ne expositum Sanctissimi viri cadaver foret hæc libidini, & magicis malefactorum hominum superstitionibus foret hæc partim ne Hebræi, ut gentis erat indoles, aut alii quicunque, reliquis cultum religionis fragmentum deferrent. Atque huc pertinet.

Ejus altercatio super corpore Moſis, ex propria verborum notione.

Prophetae  
credidit  
fragmen-  
tum,

tum, quod Judas Divinæ suæ epistolæ inseruit. Nimirum partes altercantes sunt, hinc *Michael Archangelus*, Moſis Dominus, Doctor, & Ductor ab initio; inde *Diabolus*, Deus & Princeps hujus mundi, Michaelis per omnia adversarius. Altercationis subjectum & causa, fuit *corpus Moſis*; quod Michael volebat abscondere, consulens quieti servī sui, & impediturus superstitionem atque idololatriam: Diabolus autem in apertum proferre, ut illudens Prophetæ reliquiis, populum ad idololatriam alliceret. Porro in illa altercatione credibile est, Diabolum plurimas contra Jehovam, & Michaelē evomuisse blasphemias. Michael autem *ἐκ ἐτόλμησε non sustinuit*, non induxit animum, impingere ipsi notam maledicti, id est, ultionem maledicendo sumere. Non quod timuerit Diabolum, sed quod ex decoro omnia agere voluerit, personam Angeli quam susceperat rite tueri, Diabolo se dissimillimum demonstrare, & hominibus, quibus hæc erant patefacienda, patientiæ exemplar relinquere. Non negant interim conferendum hoc Judæ dictum esse cum Zach. 111: 1, 2. Ubi repræsentatur Josua Sacerdos Maximus stans coram Angelo Jehovæ, & Satanas stans ad dextram ejus, ut adversaretur ei: dicebat autem Jehova Satana, increpet Jehova te, ô Satan! increpet te Jehova; qui eligit Hierosolyma. En Angelum Jehovæ, qui & ipse Jehova, cum Satana altercantem, & dicentem, *Increpet te Jehova, ô Satan!* Non sustinet ipse sententiam convitii proferre aliter quam postulando judicium Patris. Nimirum, quia Filius nihil potest dicere & facere, nisi quod audiverit Patrem dicere & facere. Joh. v: 29, 30. Ratio est, non minoritas, sed unitas. Creatura potest, aliud volendo quam quod creator vult, & aliud dicendo præter id quod vidit & audivit, deficere & abire à Creatore: qui id nullo modo potest facere, ejus & voluntas, & bonitas, & *φύσις*, est eadem cum Deo, ut gignente aut spirante. Adeo in tota hac re nihil est quod infra præstantiam Filii Dei sit. Quemadmodum igitur Angelus Jehovæ, qui & ipse Jehova est, alia occasione judicium Jehovæ postulare, quam suum proferre maluit: ita Judas colligit, quia idem semper est *φρόνημα* ipsius, in illo quoque certamine eum similiter locutum esse, neque aliter sententiam pronunciasse, quam postulando judicium Patris. Ex hac itaque collatione infertur, primum indignum non esse Filio Dei ita agere, ut eum agentem repræsentat Judas; deinde, Michaelē iisdem verbis urentem, quibus utitur Angelus Jehovæ, Angelum quoque Jehovam esse. Vide sis Coccej. ad Zach. 111. 3. & ad hunc Judæ locum.

Eam unde  
habuerit  
Judas.

XXV. Cæterum quum nihil de tali concertatione super corpore Moſis in sacris nostris inveniatur; quærent Interpretes, unde hæc habuerit Judas. *Grotius* hac occasione laudat librum Hebraice dictum *מסירת משה* Græce *Ἀνάβασις* vel *Ἀνάληψις Μωσέως*, unde Judas ista desumserit, velut



sis; sed insubidam plane, & indignam quæ cum Divina Judæ observatione contendatur. *Lightfootus* ad Luc. 111: 36. opinatur Judam non tradidisse historiam hanc pro authentica, neque tamen idcirco falsi postulandum: quia, inquit, non dicit de suo, sed revocat tantum ad dicta ab aliis, atque argumento utitur ad Judæos, ex ipsorum codicibus & traditionibus desumpto. Verum enimvero vix esse arbitror, ut cordatis hominibus satis fieri ista ratione queat. Nam præterquam quod credibile sit, id genus scripta Apostolorum ætate inferiora esse, tam inficetis plerumque conspurcata sunt nœniis, ut verisimile non videatur tam Apocrypha auctoritate Apostolos pugnavisse. *Aben Ezra* ad Exod. 1v: 20. librum memorat Hebræum, רברי הימים של משה *Chronicum Mosis*: sed & simul asserit, כי הכל כל הכתוב בו *vana esse quæ in eo constant omnia*. Neque profecto traditionarii Judæis, sed Ecclesiæ Christianæ scripsit Judas, iisque utitur argumentis quæ apud omnis ævi Christianos valere debent.

XXVI. Quæ quum ita sint, de alia sibi interpretatione cogitandum esse viri eruditissimi existimarunt: & naturali ac mortuo Mosis corpori substituerunt, mysticum, spirituale & anagogicum. Sed & hi in diversa abire. *Junius* per corpus Mosis intelligi posse putat verum Christi sacerdotium, cujus umbra fuerit in Mosaico. Operæ pretium erit ipsa Magni Theologi verba audire. Sic igitur ille, suis in hunc locum commentariis: Si cui tamen hac interpretatio non satisfacit, altera mihi in mentem venit; argutior fortasse illa quidem, sed quæ amplius quarendi viam præmonstrare possit. Quid igitur, si figurate accipiamus hæc verba, de corpore Mosis? Corpus Mosis potest intelligi illud ipsum Sacerdotium, non typicum, sed anagogicum, de quo adversus Jehovam disceptabat Satanas, *Zacharia* 111: 2. &c. nam in eo argumento versatur totum illud caput, & sequentia. An ergo licebit intelligere per corpus Mosis sanctissimum illud sacerdotium, cujus umbra in lege præferebantur populo, & instauranda erant populo reduce, & consummanda adventu Christi? nam in banc sententiam dicit Paulus, *Coloss.* 11: 17. illas res umbram esse rerum futurarum, corpus autem esse Christi. Sic omnino inter se narrationes, re, modo, eventu respondebunt. Mihi certe non displicet. Docti viderint. Hoc enim à nobis προβλημα, non solutio est, neque κατάφασις. Eadem propemodum, sed aliquanto explanatius, atque asseveratius, habet ad finem Parallelorum. Quam ad rem, inquit, attendo diligentissime, indies magis confirmor in ea interpretatione, que ante problematice in notis nostris ad Epistolam Judæ adducta est: nempe, quæ respicere hunc locum ad *Zach.* 111. eum qui Michael Archangelus appellatur, qui Michael quidem Hebraica origine compositæ appellatur, cuius nomen significat, eum qui revera Deus est fortis, ut Pater: Archangelus vero, quia Princeps Angelorum est; Meletem. Leid.

Junii figurata Interpretatio.

qui idem & Angelus Jehovæ Zach. III: 1. & Jehova vers. 2. appellatur. Eum, qui Diabolus hoc loco dicitur, eundem esse, qui illic appellatur Satan. Corpus Moſis non proprie, ſed figurate accipi oportere: puta non de illo corpore, quod in monte Nebone, in vertice collis qui ſitus eſt e regione Jerichuntis, a Deo ſepultum eſt; ut narratur Deut. xxxiv: ſed de veritate & complemento legis a Moſe data. Cuius complementi, quod eſt in Chriſto, anti-typus alter fuit Joſua, ſacerdos ille maximus, ad cuius dextram ſtetit Satan, ut adverſaretur ei. Eſt enim corpus Moſis idem corpus, quod Moſes prædixit Lege, & præſignificavit Cerimoniis, idemque corpus, quod poſtea temporibus Zacharia Joſua, Sacerdos maximus adumbravit. Hæc Junius.

Alia Ham-  
mondi.

XXVII. Hammondus Judam ad eundem Zachariæ locum reſpexiſſe credit, ſed corpus Moſis interpretatur de Populo Iſraelitico. Id enim, de quo diſceptabant Angelus & Diabolus, erat inſtauratio Hieroſolymæ & publici cultus Divini inter Judæos; quod erat viſionis illius argumentum. Unde conſequens eſt, idem a Juda vocari corpus Moſis: quam locutionem deſumferit Judas ex uſu Apoſtolorum, qui populum Chriſtianum ſolebant appellare Corpus Chriſti.

Tertia Vi-  
ri doctiſſi-  
mi.

XXVIII. Alius Vir longe doctiſſimus, multisque mihi nominibus Venerandus, quum in nulla harum interpretationum acquieſceret, pro eximia ingenii ſui ſolertia, quantum excogitavit, quæ huc fere recidit: *Περὶ τῆς Μωſαϊκῆς*, commode intelligi poſſe *Legem Moſis*, ſive legum, quas in libro ſuo obſervandas præſcripſit ſyſtema. Huic enim *σύνταξις* appellationem recte convenire, & ratio & uſus docent. Ratio quidem, quia ut corpus variis ex partibus, membris, elementis compoſitum eſt, ſic etiam vaſtum illud Moſaicarum legum ſyſtema ex varii generis, naturæ, ſcopi & uſus legibus eſt coagmentatum. Accedit uſus, huic expoſitioni admirabili conſpiratione adſtipulans; non Græcæ tantum linguæ, ſed & Hebrææ, Romanæque. Quod ubi variis ſingularum linguarum exemplis probatum dediſſet, concludit, legum Moſaicarum ſyſtema, non minus corpus Moſis dici poſſe, quam apud Romanos uſitatiffima locutione venit *corpus Theodoſii, Juſtiniani, Papiniani*. Porro & illud conſtat ex Zach. III: Michaëli & Satanæ diſceptationem ſuper lege Moſaica fuiſſe; eamque triplicem. I. De legis auctoritate, per publicam Politicæ & Cultus in populo Judaico reſtitutionem. II. De legis obſervantia, cuius violatæ reus peragebatur Joſua. III. De legis *δικαιώματα*; & jure, quod habet in peccatorem: quo fretus Satan Joſuam in tribunali Dei poſcebat ad pœnam. Quæ, more ſuo, fuſe atque eleganter Vir doctiſſimus exſequitur.

Επίλογος  
816

XXIX. In tanta ſcientiarum varietate, per me quidem ſuum cuique pulcrum, omnibuſque libera eligendi facultas eſto. Ego, ſi liceat, indidem in hac controverſia, quam judicem agere mallet, Si vero deſa-  
gere

penus ea immo interpretatio maxime arduet, quæ simplicissima est, & textum Judæ legenti ex naturali dictionis genio sua quasi sponte in mentem venit. Atque illud quidem primo loco observavi, quod quotiescunque de hominis alicujus corpore in Veteri instrumento sermo est, quocunque demum Hebraico nomine vocetur, toties eam hominis partem significet, quæ ab anima distinguitur, sive ea animæ juncta, sive ab ea separata sit: quod & verum est de voce *σῶματος* in Testamento Novo, quando ea de homine aliquo prædicatur. Nusquam autem sive Mosis, sive alterius cujusvis hominis *σῶμα*, vel typi alicujus complementum, vel populum ab eo dependentem, vel scriptorum ejus syntagma in sacris notat. Unde vix est, ut, qui Judam de Mosis corpore loquentem audit aliter illud, quam proprio significatu intelligat, & de Christi sacerdotio, vel populo Israëlítico, aut lege Mosaica cogitet, nisi aliunde motus atque inductus multis meditationibus simplicem dictionem vexaverit. Et quæ tandem probabilis ratio assignari potest, cur tam obscuro sermone, & a nemine forsan mortalium per quindecim secula intellecto, uti voluerit Apostolus, & vocem *σῶματος* alia mente usurpare, quam in omni sacrarum literarum contextu habet? Magis autem in usitata interpretatione confirmabitur lector, si in animum sibi revocaverit de Mosis corpore singulare aliquid narrari, quod nulli mortalium præter ipsum contigit, nimirum, illud ab ipso Deo, incognito cunctis hominibus loco, conditum esse. Quod mox eam cogitationem injicit, rei tam insolitæ notabiles esse rationes: & quis probabilior assignaverit, quam justissimum metum, ne vel Israëlitz, vel alii, tanti Prophetæ cadavere, si nolis ad idololatriam, certe ad *εἰδωλολατρίαν* aliasque magicas superstitiones abuterentur? Id enim ea ætate familiare vicinis gentibus fuisse, ex Deut. XVIII: 11. res est notissima; neque a genio populi Hebraici ahhorruisse, Samuelis & Saulis historia evincit. Quæ nunc addit Apostolus de Michaelis Archangeli cum Diabolo super Mosis corpore disceptatione, ea, fateor, in sacra historia non exstant. Sed nihil vetat credere, mansisse ista in memoria Israëlitarum *ἐκ παραδόσεως* veterum, quæ longinqua traditione ad Apostolorum ætatem devenerit, eam autem traditionem erroneam non esse, Spiritus Sancti instinctu didicisse ac docuisse Judam. Quod eo minus mirum videri debet, quum non aliunde illam Henochi prophetiam habeat, de qua mox nobis erit dicendum. Undecunque habuerit, ex Deo certe habuisse, Christianis omnibus, epistolæ hujus auctoritatem agnoscantibus, in confesso est. Atque ex hac ipsa traditione fortassis originem traxere fabulosæ istæ Hebræorum narrationes, quæ a nobis exhibentur; uti fictionibus solet involvi veritas. Porro *ἡ ἀρχὴ* non dicitur solum Dei, sed & acta ejus, sapienti analogia sibi invicem respondere non est absurdum cogitari.

cogitatu, voluisse Deum in restauratione politiæ Israëlis, post reditum ex captivitate Babylonica, Josuæ sacerdoti visionem aliquam exhibere, in qua replicatio analogica esset rei antiquissimæ circa ejusdem politiæ primordia gestæ: ubi occurrit idem contendendum par, & Michaël eodem contra Diabolum sermone utens: quippe idem semper habens *Φρόνημα*. Neque propterea necesse est, ut idem fuerit contentionis argumentum. Neque enim apud Zachariam de corpore Mosis agitur: neque alibi in saceris verum Christi Sacerdotium, vel populus Hebræus, vel Legum Moisaicarum volumen, corpus Mosis vocatur, vel analogo ei nomine indigitatur. Atque hæc est ratio, cur propriam significationem figuratæ & analogicæ præferam: quippe quum illi nihil admodum opponi possit præter silentium scripturarum, quod aut hic nihil valet, aut contra Henochi prophetiam pariter valebit; hæc autem novas vocum significationes cudat, nullo exemplo aut analogia scripturarum firmandas.

Historiæ  
huius ad  
Judæ scopolum  
applicatio.

XXX. At quorsum tandem ista Judæ observatio tendit? Nimirum id agit Apostolus, ut doceat, quam abominabile Deo crimen sit dignitates adspernari & convitiis incescere; quandoquidem ne ipse quidem Michaël sustinuit notam maledicti impingere principi dæmonum, quasi reveritus eam imperii, principatus ac potestatis speciem, quam in malis spiritibus agnoscit Paulus. Eph. vi: 12. Neque abludit Petri argumentatio, 2. Petr. ii: 10. 11. qui homines audaces & pertinaciter sibi placentes, nec veritos dignitates probris incescere, eadem ratione redarguit, quod *ne ipsi quidem angeli, qui sunt viribus ac potentia majores, maledictionis judicium adversus eos ferant apud Dominum*. Negat Petrus angelos maledicendo ultionem sumere, ubi cum imperiis, quanquam impiis, certandum habent; addit Judas amplius, ne tum quidem id facere Michaëlem, nedum inferioris ordinis angelos, ubi certamen habuit cum Diabolo. Qui & ipse, quantumvis impius, potestatem quandam in mundum a Deo accepit; unde *ἀρχὸν τῶ ἀϊώνος τῶν ἐν ἐμῇ, & κοσμοκράταρ* dicitur.

Verf. x.  
Ignorantia.

XXXI. Comma 10. ostendit quantum pessimi isti hæretici ab angelorum & potissimum Michaëlis exemplo deviant. *At isti, quæcumque non noverunt, vituperant: quæcumque vero naturaliter, ut animalia rationis expertia, sciunt, in iis sese corrumpunt*. Adscribitur iis quarundam rerum ignorantia, aliarum *φυσικὴ ἐπιστήμη*, doceturque quomodo circa utramque animati sint. IGNORANT, quanta sit honestas, jucunditas, utilitas veræ virtutis; ignorant specialius: Deum, supremum rerum omnium Dominum, magistratus tanquam suos in terra vicarios constituisse; ignorant majestatem, quam sua ipsis constitutione conciliavit; ignorant officia ipsis propter Divinam istam constitutionem debita; ignorant arcana imperii, & veras rationes, propter quas multa a magistratibus ita fiant. Ea vero, quum revereri deberent, quatenus a Deo sunt; & in bonam, si pote, partem

lestiam, ut è contra, quæ non intelligunt VITUPERENT, & convitiis ac maledictis incessant, in Deum pariter illiusque vicarios injurii. Alia SCI-  
UNT NATURALITER, non tam solida & homine digna ratiocinatione, mul-  
to minus per illuminationem Divini spiritus, quam solo sensu corporis:  
quomodo & bruta animalia cognoscunt, quid conveniens sibi ac jucun-  
dum sit; quo etiam magno impetu feruntur. In hisce amplectendis & ap-  
petendis SE CORRUMPUNT. Dum ex præjudicio sensuum de rebus judicant,  
ultra modum ac mensuram indulgent ebrietati & commensationibus; va-  
riisque ac vagis libidinibus & corpora sædant, & animum vitiant, & di-  
gnitatem humanæ conditionis dehonestant, seque ipsos æterno exitio man-  
cipant. Conf. 2 Petr. 11: 16.

Naturalis  
scientia.

XXXII. Commate 11, pergit Apostolus & scelera eorum hominum e-  
narrare, & miserabilem, qui ipsis impendit exitum. Facit autem id  
comparatione instituta cum hominibus palam impiis, & a Deo in justæ se-  
veritatis suæ exemplum propositis: quorum dum imitantur crimina, iis-  
dem etiam involventur suppliciis. *Væ ipsis: nam Viam Cain ingressi sunt,*  
*& deceptione mercedis, qua deceptus fuit Balaam, effusi sunt, & contradic-  
tione Core perierunt.* Incipit ab increpatione: VÆ IIS. At dum ita instituit,  
nonne dememinisse videtur exempli Michaëlis, quod laudaverat nuper?  
Enimvero, inquit aliquis, quamvis pessimi essent hæretici isti, non ta-  
men nequiores erant diabolo. Si itaque ne Diabolo quidem maledicti no-  
tam impingere sustinuit Michaël; rectene factum est, quod tot convitiis  
atque imprecationibus homines inceserit Judas, ejusdem secum naturæ  
participes? Cæterum distinguendum est inter rancorem animi ac maledi-  
centiam; & inter increpationes veras ac severas, & interminationem justii  
judicii Divini, profectam ex instinctu Spiritus Sancti. Prius illud impro-  
bat & vetat Judas, exemplo Michaëlis; alterum ipse nunc facit, exem-  
plo Prophetarum, & ipsius Michaëlis, id est Christi Domini. vid. Psal.  
LXIX: 23. & seq. Mat. XXIII: 13. &c. Porro comparat illos cum  
CAINO, BALAAMO & CORE. CAIN primogenitus Adami & Evæ Via Cain.  
erat, qui parentum vota & spem insigniter frustratus est. Mater certe in  
ipso, ut eximia possessione, vehementer exsultabat; in eo sibi vel Messiam,  
vel Messiae typum pollicita. At contra accidit, ut impium & fratricidam  
experiretur. Utinam piis parentibus, utinam omnium nostrum matri  
Ecclesiæ, non frequenter idem eveniret, ut quos summo dolore enixæ  
sunt matres, quos maxima sollicitudine nutulerunt, & de quibus præcla-  
ra quæque ominatæ sunt, ii noxæ & carcinomata evadant.  
VIA CAIN erat I. hypocrisis, quod san-  
ctimonia, placere se postularet Deo, & carinomata evadant.  
ut quos summo dolore enixæ  
sunt matres, quos maxima sollicitudine  
nutulerunt, & de quibus præcla-  
ra quæque ominatæ sunt, ii noxæ  
& carcinomata evadant.

Verf. 11.  
Væ ipsis.

quem

quem se acceptiorem Deo deprehendebat. III. *Fratris persecutio & tandem cades.* IV. Denique *desperatio* obtinendæ remissionis, diræ animi male sibi conscii, fuga à Deo, & deditio sui ipsius ad omnem improbitatem. Viam eandem ingrediebantur hæretici isti, iisdem se obstringentes, aut certis consimilibus criminibus; eodem exitu.

Via Ba-  
laam.

XXXIII. BALAAM, si ætatem spectes, potissimum inter suos floruit, Israëlitis in deserto agentibus; si prosapiam, fuit filius Beor ex Petora Num. XXI: 5. cujus historiam non segniter explicatam dedi, in *Systemate de Prophetis Lib. I. Cap. XVI. §. XXI. & seq.* VIA autem BALAAMI, de qua etiam 2 Pet. II: 15. erat I. Intolerabilis *vanitas*, atque ambitio, se ipsum magis quam Deum. Deique in se gratiam prædicantis. Huc enim tendunt Thrasonici sermonis cothurni: *Dictum Bileami, filii Beor, & dictum audientis sermones Dei, qui visiones omnipotentis videt. excidens, sed relictus oculis* Num. XXIV: 3, 4, 15, 16. II. *Sacra auri fames*: quidquid enim spernere se jactaret oblatos Moabitici Regis thesauros, omni tamen ratione palam fecit, amari à se mercedem injustitiæ. 2 Pet. II: 15. eoque fuisse deceptum. Judæ *Æt. II.* Hinc reperitæ illæ sacrificiorum præstigiæ, si quo modo impetrare posset facultatem maledicendi populo Dei. III. *Metus* potius *servilis* animi ad Dei flagellum trepidantis, quam reverentia numinis cum amore sanctitatis ejus conjuncta, qualis filios Dei decet. Minis enim subigi debuit, ne loqueretur alia, quam quæ Deo placerent: animo interim ad ea anhelante, quibus devoratam spe prædam revera nancisci posset. IV. *Odium in Israëlitas.* Quamvis enim eorum felicitatem quæsitis elogiis prædicaret, & labentibus seculis continuaturam prædiceret, artisquæ suæ circa eos vanitatem fateri cogeretur, invidio tamen hæc cuncta animo spectabat. Hinc ferale illud consilium, quo plus iis nocuit, quam si omnibus carminibus suis devovisset. V. *Projecta animi profanitas*, ex eodem consilio elucens. Postquam enim incantationibus, & divinationibus nihil se adversus Israëlitas valere deprehendisset, auctor fuit Midianitis, ac Moabitis, ut filias nurusque suas exponerent lascivis Israëlitarum amplexibus; quæ à parentibus informata meretriciis artibus ad propudiosum Baalis cultum eos pellicerent. Quod Bileami consilium multa sermonis elegantia *Philo*, ac *Josephus* exornarunt. Et sane non caruit funesto suo successu. Dum enim Sittimis morabantur Israëlita, misæ in eorum castra Moabiticæ, & Midianiticæ virgines, scitulæ, comptulæ, bellulæ, faciles se juvenibus Hebræorum præbuerunt, accensisque eorum animis, ac stabile conjugium promittentibus, ea se demum lege obsecuturas respondent, si ad eorundem Deorum, in quorum terris confederint, transirent cultum. Parent temerarii Israëlita. Invitari se patiuntur ad epulas sacrorum, vescuntur idolothytiis, copulant se cum Baal Peor, veneranturque propudium illud. Hinc accensa ira Dei

in populum, tam fœdam apostasiam non ferentis: jussitque Mosen primores populi tanti sceleris apertos ad solem, id est, palam suspendere: prius nimirum, uti lex de Idololatriis jubebat, lapidatos. Cæteri quoque judices, certo numero constituti, interfecerunt quotquot suarum partium copulati erant cum Baal Peor. Num. xxv. Tanti Israëlitis constitit Diabolica Bileami astutia: quam multis post eam rem seculis in memoriam iis revocat Deus Mich. vi: 5. *Popule mi, recordare jam quid consilii iniverit Balac, rex Moabitarum, & quid responderit ei Bileam filius Beoris, & agnoscas justè facta Jehovæ à Sittimis Gilgalim usque.* Sed & debitas sceleri poenas luit; una cum Midianitis Israëlitarum gladio trucidatus. Huic similes sunt homines sui pleni, Dei amore vacui, religionem quæstui habentes, spe mercedis omnia aufuri, & voluptatum illecebris incautos decipientes. Quales etiam notantur Ap. ii: 17. **HI ERRORE EFFUSI SUNT**, abducti in labyrinthos inextricabiles: vel *everfi*, tanquam per lubrica, abrupta, aut cæcas voragines incedentes.

**XXXIV.** KORE fuit filius Ishar, nepos Caath, fratrueis Mosi & Aa-<sup>Via Koræ.</sup>ronis, dux præcipuus & concitor seditionis adversus Mosen & Aaronem motæ in deserto. Cui se adjunxerunt Dathan & Abiram, Rubenitæ, & quinquaginta supra ducentos ex principibus cæterarum tribuum. Crimen ipsorum erat ambitio & æmulatio, indeque orta querimonia adversus Mosen & Aaronem. Illum, quod sibi dominatum & Dei alloquia affereret; hunc, quod sacerdotium, a fratre sibi datum, quasi divinitus delatum usurparet. Totam Israëlitis congregationem sanctam esse clamabant, Deumque in illius medio incolere. Male Mosen sibi rerum summam vindicare. E populi arbitrio pendere ducis & pontificis electionem, & collationem sacerdotii. Probabile est, Corachum præcipue ob sacerdotium litigasse, Dathanem cum socio ob ducatum: reliquos partem sibi dominationis, quam republica, despondisse. Oppido injuriosum illud in summum numen fuit: Deus enim ipse, ut populi Israëliti Rex, ordinem istum ita constituerat: quem inviolatum servari voluit. Hinc seditionem istam exemplari poena ultus est. Tellus magno hiatu scissa, Dathanem & Abiramum, cum tentoriis, hominibus, omnique possessione absorpsit. Ita vivi ad inferos, id est, profundam sub terrarum superficie cavitatem, descenderunt. Dubitatur de Core, an igne cum 250 illis perierit, an hiatu terræ cum suo tentorio. De quibus rebus consuli potest *Dissertatio nostra de Seditione & Exitio Coræ*: ubi materiam hanc prolixè exsecuti sumus. Ejusdem cum Core & conjuratis genii Hæretici illi erant, quos hoc loco infectatur Judas; pleni superbix & ambitionis, obstrepentes fidis Dei ministris, & dominatum sibi affectantes in populum Dei; quibus similem perditionem ominatur non quidem præcisè quoad modum; at certe quoad rem ipsam.

**XXXV.** Com-

Verf. XII.  
Agapæ  
Christianorum.

XXXV. Commate 12. sic pergit Apostolus. *Hi sunt in Agapis vestris macula, dum vobiscum convivantur, secure semet ipsos pascentes; nubes aqua carentes, ventis circum actæ; arbores emarcidæ, infrugifera, bis emortuæ, eradicatæ.* De singulis dicamus aliquid. AGAPÆ erant convivia fraterna Christianorum, tam pauperum quam divitum, in publico conventus loco, ad conservationem atque excitationem mutuæ charitatis celebrata. Origo earum ab Epulis, tam civilibus quam sacris, uti apud *Ethnicos*, sic & apud *Judeos*, receptis. Mos vetus erat in *Græcia*, ut divites quædam offerrent diis, quæ deinde in usum cedebant pauperum; aut ut fieret *παιδαγωγία*, ubi alius plus, alius minus conferebat, omnes autem de omnibus pari jure epulabantur, vide Grotium ad 1 Cor. x: 17. Habebant etiam convivia quæ *Φιλίτια* & *Φιλητικά* dicebantur. Affines erant convitiis *Lacedæmoniorum* publici, *ευσσίτια*, à Lycurgo instituta, sic dicta quod quisque symbolam conferret secundum capita: postea *Φιδίτια*, ut Plutarchus ait, *παρὰ τῆς Φιλίας*, mutata litera λ in δ, quod ad amicitiam & benevolentiam pertinerent. Vide *Cragium de Rep. Lacedæmon. Lib. 1. Cap. 19.* & imprimis *Stuckium Antiquitatum Convivialium Lib. 1. Cap. xxxi.* Templis etiam suis ad convivia utebantur Græci: *χρῶνται τοῖς ἱεροῖς πρὸς εὐχρίαν.* De Romanis *Valerius Maximus Lib. 11. Cap. 1.* Convivium etiam solenne Majores instituerunt, idque *Charistia* appellaverunt, cui præter cognatos & affines nemo interponebatur; ut si qua inter necessarios querela esset orta, apud sacra mensa, & inter hilaritatem animorum, fautoribus concordie adhibitis tolleretur. Festus iste dies celebrabatur 11 Kal. Mart. de quo *Ovidius in vastis Lib. 11.*

*Proxima cognati dixere Charistia Patres.*

*Et venit ad socios turba propinqua Deos.*

Sed & *Judeis* sua sacra epula erant; videlicet quando decimæ edebantur cum Levitis coram Domino, & post oblatum sacrificium. Deut. XII: 18. XXVI: 12. *Συνδείπνια* vocant Josephus & Philo: apud Grotium ad Mat. XXVI: 26. Accessit & Christi Paschalis cum discipulis cœna, & præceptum de vocandis ad convivium pauperibus. Luc. XIV: 13. Ad horum imitationem Agapas suas habuerunt Christiani, sive ex Hebræis ii, sive ex Græcis essent, patrium facile morem, sed in melius reformatum, retinentes. Quæ Agapæ statis temporibus, & præsertim diebus Dominicis, sub vesperam, sive ante cœnam Dominicam, sive post eam celebrabantur; divitibus cibos conferentibus, pauperibus vero ab ipsis vocatis, & omnibus simul convivantibus. *Chrysostomus* & alii tradunt præcessisse mysteria, secutum convivium. Quod convenisse Græcorum moribus, apud quos præcedebant sacra, sequebantur epulæ, observat *Grotius*. At in Oriente, congruenter Judaico mori, præcedebat convivium, in fine ejus sequebatur panis & vini distributio. Sed & aliquando ab iis mysteria segregata fuisse conjectat



conjectat Grotius ad Mat. xxvi: 26. ex eo quod *Justinus* τῆς τῆς εὐχαριστίας μετοχὴν extra convivii formam describit: & *Clemens Alexandrinus* in *Pedagogo*, istis quæ suo tempore celebrabantur conviviiis de nomine ἀγάπης controversiam movet, quod non satis ad memoriam Dominicæ passionis referrentur. *Tertullian.* in *Apol. Cap. xxxix.* ita agapas describit, ut nullam mysticæ illius cœnæ mentionem faciat. Ut ut sit, habebantur in ipso loco Christianorum conventuum, ac super sepulcris martyrum, adhibitis orationibus, lectione scripturarum, & sermonibus religiosis. Nec discumbebant, vel accumbebant, propter permixtas viris fœminas; sed sedebant, antiquo more. Hoc est de quo *Plinius ad Trajanum* scribit, stato die corvisse ad capiendum cibum promiscuum, & innoxium. Fines erat I. Ut essent symbolum fraternæ charitatis & communicationis; unde ἀγάπαι. II. Ut pauperes reficerentur, communi his convivio. Hinc convivium promiscuum. III. Ut in iis fierent commemoratio mortis Christi, & frangeretur panis Eucharisticus. Nam ordinario conveniebant ad panem, tum sacrum, tum communem. Verum uti optima quæque facile corrumpuntur, ita & corruptelæ in Agapas irrepserunt. De quibus *Maculæ* in jam suo tempore conquestus est *Paulus.* 1 Cor. xi: 22. & *Petrus* 2 Epist. Agapis. xi: 13. & noster *Judas* hoc loco. Nam sane tales epulæ insigniter dehoneſtabantur luxuria hominum dissolute semet ipsos pascentium. Erat enim apud vere Christianos summa frugalitas. *Tertullianus* l. c. *Nihil vilitatis, nihil immodestiæ admittit, non prius discumbitur quam oratio ad Deum prægustetur. editur quantum esurientes capiunt. bibitur quantum pudicis est utile. ita saturantur, ut qui meminerint etiam per noctem adorandum Deum sibi esse. ita fabulantur, ut qui sciant Dominum audire. Post aquam manualet & lumina, ut quisque de scripturis sanctis vel de proprio ingenio potest, provocatur in medium Deo canere: hinc probatur, quomodo biberit. Æque oratio convivium dirimit.* Hinc facile colligitur, fas non fuisse gurgites illuc admitti, qui intemperanter abdomen suum replerent. Docet *Historicus Socrates*, in *Ægypto* introductam in illas ἀγάπας ἀναρσίαν, cujus origo hic ostenditur fuisse à *Carpocratianis*. Quibus applicari posset, quod *Tertullianus* *Psuchicis* exprobat. de *Jejun. Cap. xvii.* *Apud te Agape in cacabis fervet, fides in culinis calet, spes in ferculis jacet: Sed major his est agape, quia per hanc adolescentes tui cum sororibus dormiunt, &c.* *Gnostici* saturi, uxores suas aliis de sua secta subjicientes, dicebant surge soror, & fac agapen cum fratre. *Epiphan.* *Heresi xxvi.* Propter illos similesque abusus, agapæ postea è templis remotæ sunt, à *Concilio Laodicensi Can. xxviii.* Et *Synodo Trusana Can. lxxiv.* & *Concilio Carthaginensi sub Aurelio. Can. xlii.* Ut nulli *Episcopi* vel *Clerici* in Ecclesia conviventur, nisi forte transeuntes hospitiorum necessitate ibi reficiant. Populi etiam ab ejusmodi conviviiis quantum fieri potest prohibeantur. At *Concilia* ista topica fuerunt, non oecumenica; unde

eorum hac de re decretum non fuit ubique observatum. Certe *Chrysostomi* & *Augustini* tempore, agapæ adhuc in templis fiebant. Et de hisce Judæ heic sermonem esse interpretes fere omnes crediderunt.

Lightfooti  
de Agapis  
sententia.

XXXVI. At aliam longe viam instituit *Lightfootus* ad 1 Cor. xi: 21. qui non diffitetur, quod res ipsa loquitur, convivium illiusmodi charitativa, Eucharistiæ in V. Ecclesia conjuncta fuisse; sed negat ea *Agapæ* voce fuisse designata. Agapæ autem fuisse arbitratur, quum exciperentur peregrini hospitio in singulis Ecclesiis, idque sumtibus Ecclesiæ; tralatamque laudabilem istam consuetudinem è Synagogis Judæorum. Hac finis allegat dicta quædam Talmudica, ex quibus conficit, propinquum vel contiguum Synagogæ Xenodochium quoddam fuisse, quo communibus Synagogæ sumtibus hospitio excipiebantur viatores & peregrinantes. Et conferri jubet Act. xvi: 7. Porro quum Ecclesiæ Apostolicæ pleraque ex moribus majorum transsumerint, conjectat credibile non esse eas omisisse morem tam pium, tamque necessarium. Rom. xvi: 23. Gajus *hospes totius Ecclesiæ* dicitur, quod vix alio sensu accipi posse credit, quam quod deputatus fuerit ab Ecclesia ut publico Xenodochio præesset. Et 1 Tim. v: 10. ubi mentio fit *viduarum lavantium pedes sanctorum*. Rom. xvi: 1. ubi Phœbe dicitur *διάκονος τῆς ἐκκλησίας τῆς ἐν Κερχεραίας*, ut alias omittamus, quæ dicuntur *multum laborasse in Domino*, vix meliorem sensum hisce characteribus aptaveris, quam quod ministraverint in publico Xenodochio. Maxime autem hunc sensum congruere existimat huic Judæ loco. Loquitur enim Judas de apostatis, hæreticis, seductoribus, bipedum nequissimis, quos ait esse *σπίλάδας ἐν ἀγάπαις*. Quisquamne putet eos ex eadem esse Ecclesia, ubi sic convivabantur? Num hi ad Agapæ, si appendices cœnæ Dominicæ fuerint, ita sine scrupulo admitti? Quanto probabilius est existimare hos fuisse peregrinos, ignotos, sub forma fidelium circumvagantes, & communi Ecclesiæ hospitio exceptos, atque illic errores suos disseminantes; eo audacius ipsimet ignotiores.

Ad examen  
revocata.

XXXVII. Non nego erudite hæc à Viro Doctissimo digesta esse, ut pleraque ejus omnia: sed dubito an satis sint solida. Nam, ut demus publica ejusmodi Xenodochia apud Judæos in usu fuisse, de Christianis ætate Apostolorum, & qui iis vicini fuere, nihil tale docetur, neque ex S. literis, neque ex veteri Historia. Prospectum utique pauperibus & itinerantibus fuit, eique rei quidam ab Apostolis præfecti ex utroque sexu; de quibus, locis a *Lightfooto* allegatis, agitur. Sed ex re ipsa ad hunc specialem rei modum non procedit argumentatio. Tum si vel fuerint Christianis sua ejusmodi Xenodochia, nulla probabili ratione conficitur ea *Agapæ* nomine fuisse insignita: quum Agapæ suas longe aliter descriperint Veteres ad unum omnes, qui res suis temporibus usitatas, & vera rerum istarum nomina ignorare non potuerunt. Denique peregrini

&c

& viatores, qui publicis Ecclesiæ sumtibus excipiebantur, plerique saltem, pauperes erant; & excipiebantur sobrie, neque convivabantur cum cæteris illius Ecclesiæ membris, sic ut diurnum luxum pro voluptate haberent. Talia non in Xenodochiis, sed in divitum mensis quærenda sunt: quales in Christianorum cœtibus quandoque instructas fuisse colligere licet ex 1 Cor. xi: 21. Nimirum opulentiores edulia domi præparata in Ecclesiam afferebant, quæ vel sibi solis vindicabant, vel cum paucis sibi familiaribus suisque similibus absument, liberaliter admodum & prolixè se invicem invitantes, exclusis & contemtis pauperioribus, quibus per ipsos licebat esurire. Vide *Grotium ad eum locum*. Tales potius mensas impuri hi canes, Christianismi prætextu, sectabantur; quam Xenodochia, ubi gulæ illectamenta frustra quæsiveris. Hæc de *Agapis* & earum *maculis*.

XXXVII. Quas alia metaphoram vocat NUBES SINE PLUVIA, A VENTIS <sup>Nubes sine pluvia.</sup> CIRCUMACTAS. Uti & Petrus 2 Epist. 11: 17. phrasi defumta ex Prov. xxv: 14. & Hos. vi: 4. quæ & *vitium* horum hominum & *exitium* notari videtur. Vitium, quod externa specie multa utilia promittant & præclara minentur, nihil tamen quod salutare sit præstent. Exitium, quod à ventis & turbine, præ levitate facile disiectæ, & circumactæ dissipentur, & in tenues auras evanescant. Nisi malis, aliud hic vitium notari; nempe inconstantis animi temerariam levitatem.

XXXVIII. Sed & tertiam metaphoram addit, qua comparantur ARBORIBUS EMARCIDIS &c. In Græco est *δένδρα φθινόπωρινά*. Quod bifa- *φθινόπωρον* riam exponi posse, erudite observavit *Hammondus*. Nimirum *φθινόπωρον* est ea anni tempestas quæ æstatem sequitur; incipitque secundum quosdam, à die xv, secundum alios à xxi mensis Augusti, & producit ad xxi Decembris. Quia vero ea tempestate decerptis jam fructibus, folia quoque decidunt, & arbores omnem suam amœnitatem ac pulcritudinem amittunt; hinc per *δένδρα φθινόπωρινά* significantur arbores in eo statu in quo sunt *φθινύσας ἤδη τῆς ὥρας*, desinente jam tempestate, exeunte autumno: neque fructuum utilitate gratæ, neque frondium amœnitate ridentes, sed mortuis similes. Verum *φθινόπωρον* Græcis etiam est *νέσθη φθίνουσα ὁπωρεῖς*, interprete *Phavorino*, *morbus corrumpens fructus*; quo fit ut ad maturitatem non perveniant, sed arescant, acecant, putrescant, & intempestive decidant. Priorem interpretationem præfert *Hammondus*; posteriorem *Clericus*. Ego cicum non interduim, quum utraque sit percommoda. Sed gradatione utitur Apostolus, quando addit *ἀκαρπῆ* INFRUGIFERÆ. Non externo aliquo casu, sed natura tales. Imo quod magis est BIS EMORTUÆ. Sunt qui hyperbolen hic statuunt, quasi dicas, <sup>Arbores bis emortuæ.</sup> omnino mortuæ, ut, *bis terque beatus*. Sed hoc non videtur sufficere. Optime *Coccejus* monet, cogitandum hic primo esse de parabola, tum

de re: id est, quomodo arbor aliqua dici possit bis mortua; deinde quomodo impii isti arboribus bis mortuis assimilentur. In natura arbor bis mortua dici potest, quæ in solo arido & arenoso nata, & ad aliquam sublimitatem evecta, dein succo ob æstum consumpto emoritur, foliis deciditibus & virore omni exarescente, ut paululum tamen succi, at quod deprehendi vix potest, in radice remaneat. Fac eam arborem transferri in solum melius, & humore irrigatam, & accurate pastinatam, revirescere; ut est Job. viii: 17, 18, 19, & xiv: 8, 9. deinde vero æstum fieri, eamque redire ad pristinam ariditatem. Omnino hic tale quidquam in parabola est. Omnes qui in mundo sunt, mortui sunt: quamvis enim vitam vivant animalem, & suo quodam modo rationalem; vita tamen illa, quæ ex communione Dei & vivificante Spiritu Sancto fluit, profus destituti sunt. Eph. i: 1. Hæc est prima mors. Interim contingit, ut nonnulli istorum mortuorum transferantur in paradisum Dei, id est, per prædicationem Evangelii vocentur ad communionem externam Ecclesiæ, edantque fidei professionem, & folia quædam ac fructus exercitiorum ad cultum Dei pertinentium, & Christianarum virtutum speciem præ se ferentium, proferant; & tunc sibi atque aliis videntur vivere, obtineantque viventium nomen. Ap. i: 2. Iidem vero, postquam cognitionem veritatis acceperunt, si redeant ac peccata priora, ad dissolutionem, ad luxum, ad hypocrisim, ad idololatriam, ad superstitionem, si non eandem, saltem priori similem, & porro indurentur, ut verbum Dei ipsis prorsus fiat inutile; tum secundo moriuntur: & posteriora ipsorum fiunt deteriora prioribus. Mat. xii: 43-. Tandemque iusto Dei iudicio ERADICANTUR, ad combustionem.

Verf. xiii. XXXIX. Com. 13. *Undæ maris efferatæ, despumantes sua ipsorum dedecora: stellæ erraticæ, quibus caligo tenebrarum in æternum servata est.* Quod de Ezechiele scoptice olim dicebant profani irrisores: *nonne artifex parabolæ est?* Ezech. xx: 49. id serio de Juda affirmaveris; qui post Petrum elegantissimis similitudinibus indolem ac mores sui temporis seductorum depinxit. Quasdam earum præcedens comma, alias hoc exhibet. Ubi duæ occurrunt parabolæ, altera ab *undis maris*, altera à *stellis ætheris* desumpta. UNDÆ EFFERATÆ &c. Petitum hoc emblemata est ex Jes. lvii: 20. Comparantur *undis efferis*, id est atrocibus, sævis, latrantibus. I. Sicut undæ in altum se extollunt, ita & hi inflati superbia, magniloquoque sermone turgidi, verborum ampullas efflant, nihil interea spirituale adferentes. Sic veteres faciebant Gnostici, sublimem sibi vindicantes arcanarum rerum cognitionem, & portenta loquentes, nec sibi intellecta, nec aliis intelligibilia. His vero quam simillimi sunt hodierni quidam Libertini. Dicis mera eos tonitrua sonare: nam communi sermone spreto, exoticum quoddam idioma sibi fingunt. Postquam autem

Undæ maris efferatæ.

rædum errorum, terribiliumque noisum præcipitant. II. Si-  
 cut undæ efferræ totum mare turbant, navesque vehementer concutiunt,  
 & in præsentissimum quandoque discrimen adducunt; ita & hi turbones  
 sunt orbis terrarum; præcipue vero in Ecclesiam, quæ Jesu Christi navi-  
 cula est, desæviunt; operam quantum possunt dantes, ut illa misere  
 mergatur. III. Sicut efferræ maris undæ lutum ex profundo movent,  
 suaque collisione spumam efficiunt; ita & hi PROPRIA SUA DEDECORA <sup>Despu-</sup>  
 DESPUMANT, ac palam faciunt. Superbia magnifici sermonis brevi de- <sup>mantes</sup>  
 tumescit, abiturque in spumam pudendæ libidinis. Venus Græcis <sup>propria sua</sup>  
 Ἀφροδίτη à spuma denominatur, quod è maris spuma orta esse crederetur. Cujus <sup>dedecora.</sup>  
 fabulæ physicæ fortassis dari possent rationes. At certe moralis ratio hæc  
 est. quod omnes carnis libidines nihil solidi, nihil puri habeant, sed ex  
 acrium humorum vehementi motu ortæ, cito in tenues auras evanescent,  
 nil nisi spurcitiem relinquentes. Sed præterea STELLIS ERRATICIS iidem <sup>Stellæ erra-</sup>  
 comparantur. Tralatitium in sacris est doctores qualescunque stellis con- <sup>ticæ.</sup>  
 ferre. Veri doctores sunt stella in manu Christi, salutarem lucis influxum  
 præbentes, & constanti sibi semper simillimo motu omnibus in solo  
 ac salo hujus mundi viatoribus viam ad salutem præmonstrantes; pror-  
 sus sicut stella illa, quæ magos deducebat ad Christum. Mat. II. Hi  
 vero seductores stella erraticæ dicuntur: sive ad cœlestia sidera alludatur,  
 sive ad ignes quosdam vagos, in sublimi aëre accensos. Noti sunt septem  
 planetæ, qui semper tramitem mutant, ut nunquam eodem loco orian-  
 tur & occidunt; sed alio semper & alio, & nunc tardius nunc celerius ro-  
 tantur. Modo enim ad infima Zonæ brumalis descendunt, modo ad al-  
 ta Zonæ solstitialis adscendunt, modo mediam Zonæ æquinoctialis li-  
 neam repetunt. Ita & hæretici instabiles in omnibus viis suis erant: er-  
 rantes continuo & errorum causæ aliis. Cæterum quia cœlestes illi pla-  
 netæ, in motu suo, qui erraticus vocatur, sibi semper similes ac con-  
 stantes, non minus quam fixissimæ stellarum, sunt: ideo alii Judam de  
 meteoris & exhalationibus igneis, quas stellas in aëre discurrentes Aristo-  
 teles vocat, locutum esse arbitrantur. Tales enim farui ignes, & si  
 quæ similia iis meteora sint, viatores in avia flumina, paludes, aut  
 præcipitia ducere creduntur. Cœlestes autem stellæ, quamvis errati-  
 cæ, majorem fortassis ipsis stellis fixis <sup>utilitatem</sup> generi humano adfe-  
 runt. At falsi doctores videntur quidem <sup>stellæ</sup>, jactantque se mundi  
 lumina esse: sed quia sibi non constantem sequuntur  
 veritatem, suis autem semper velificant, neque constantem sequuntur  
 jiciunt in naufragium. Pœna eorum <sup>affectibus</sup>, imprudentes con-  
 jiciunt in naufragium. Pœna eorum <sup>quod caligo tenebrarum in</sup>  
 seculum iis asservetur. Hoc dicit I. <sup>Quibus ca-</sup>  
 Quandoquidem enim tenebras præ- <sup>ligo tene-</sup>  
<sup>brarum in</sup>  
<sup>seculum</sup> <sup>servatur.</sup>

stuntur, non convertentur ab istis tenebris, sed magis magisque excæcati in turpiores prolabantur errores. II. Totalem omnis lucis erudientis, sanctificantis, lætificantis extinctionem, in consortio malorum dæmonum, & communione ejusdem miseriæ. Conf. *¶* 6.

Verf. xlv.  
xv.

XL. Versibus 14 & 15. adducitur insignis Enochi prophetia. *Prophetavit autem etiam de istis septimus ab Adam Enochus, dicens, Ecce venit Dominus cum sanctis millibus suis: Ut ferat judicium adversus omnes, & redarguat quicumque ex ipsis sunt impii, de factis omnibus quæ impie patrarint, de quæ omnibus duris quæ locuti fuerint adversus ipsum peccatores impii.* Ad pericopæ hujus intellectionem attende I. Prophetiæ laudatæ *Auctorem*. II.

Henoch.

*Modum quo ad Judæ cognitionem pervenit.* III. *Argumentum.* Auctor describitur I. *A nomine* *חֲנוֹךְ*. Henoch significat initiatum, devotum, qui Deo sacer, & à prima juventute pietatis doctrina imbutus est. Conf. Prov. xxii: 6. *חֲנוּךְ לְנֶפֶשׁ עַל פִּי דַרְכּוֹ* *initia puerum pro ratione via ipsius*, id est, imbue eum primis coelestis sapientiæ rudimentis. Fuit in hoc nomine omen: sicut enim parentes ipsius omne studium adhibuerunt ut virtutis ac religionis præceptis ipsum à teneris imbuerent; ita tam insignem Dei benedictionem in suo isthoc labore experti sunt, ut grandior factus in vera pietate neminem sibi parem isthoc seculo habuerit. Gen. v. 24. Heb. xi: 5. Injuriam sanctissimi viri memoriæ faciunt cæci & fatui quidam Hebræorum magistri, Henochum hypocritam fuisse dictantes, nunc justum, nunc improbum. Ideo Deum in tempore justitiæ suæ, quando virtuti studebat, eum sustulisse; ne rursus deficeret. Quum ex adverso incomparabilem devotissimi viri pietatem eo Deus præmio remuneratus sit, cujus ante id tempus nullum, post id non nisi duo exempla existerint; Alterum in Elia, alterum in Messia. II. *A Genealogia.* SEPTIMUS AB ADAMO. Hic enim Patriarcharum ordo est: Adam, Seth, Enos, Kainan, Malaleel, Jared, Henoch. Gen. v. Videtur id addi ad commendandam viri constantem pietatem. Jam tum enim incipiebant filii Dei à majorum pietate deficere, seque mundo in malo cubanti conformare. Facit item ea observatio ad prophetiæ huic auctoritatem

Septimus  
ab Adamo.

Propheta-  
vit.

ab antiquitate conciliandam. III. *Ab officio.* PROPHETAVIT. Prophetam fuisse omnes fere Orientales agnoverunt. Hebræorum Magistri non dubitant affirmare, *שהוא במדרגה יותר גרולה ממשה ואליהו*, *fuisse eum Prophetam in gradu excellentiori quam Moses & Elias.* Muhammed in Alcorano vocat eum *Edris Prophetam*. Vide sis Hottingerum in *Historia Orientali Lib. 1. Cap. 111.* ubi docet vocem Arabicam *Edris* significare doctum, literatum, disputatorem sagacem, & accuratum rerum investigatorem; quod non multum abludit à nomine *Henoch*. Notabile est, & hic quoque appingi meretur, quod *Beidavi*, Arabs Alcorani commentator, ad *Suratam de Maria* scripsit: *Enoch dictus Edris, propter multiplex studium.*

*studium. Demisit enim ei Altissimus triginta volumina. Fertur etiam primus fuisse calamographus, & Astronomia studiosus. Plurimi quoque Antiquorum Christianorum, Clemens Alexandrinus, Origenes, Tertullianus, Irenæus, Cyprianus, Lactantius, alique Henochi scripturarum prophetiarum volumen attribuant. Quæ quamvis incerta & falso propiora sint; certum tamen manet, Henochum magnum sui temporis fuisse Prophetam: cui insigne illud oraculum debemus, quod Judas noster hic laudat,*

XLI. Sed unde illud habuit? Trinum hic potissimum est sententiarum divortium. Sunt qui ad scriptum aliquem librum confugiunt. Unde istam prophetiam Judas habet. Versatus in antiquorum manibus liber est, qui inscribitur *Testamentum duodecim Patriarcharum*, Origeni & Procopio citatus, & nuper Oxoniæ editus, opera *Johannis Ernesti Grabii*, in *spicilegio Patrum Primi seculi*. *Testamentum XII Patriarcharum.* Ei multa inferunt Henochi vaticinia, videlicet de his quæ eventura erant filiis ac nepotibus XII Patriarcharum, de futuris Hebræorum sceleribus ab penis, de mundi Salvatore ab Hebræis occidendo, de Hebræorum conversione, aliisque. In *Testamento Simeonis* §. v. *Ἐώρακα γὰρ ἐν χαρακτῇ γραφῆς ΕΝΩΧ, ὅτι οἱ υἱοὶ ὑμῶν μεθ' ὑμῶν ἐν πορνείᾳ φθαρῆσονται, καὶ ἐν Λευὶ ἀδικήσουσιν ἐν ῥομφαίᾳ, ἀλλ' ἔσονται πρὸς Λευὶ. Vidi enim in charactere scripturæ Enoch, quoniam filii vestri vobiscum in fornicatione corrumpentur, & contra Levi injustitiam facient in gladio. Sed non prevalebunt ad Levi. &c.* In *Testamento Levi* §. xiv. *Καὶ νῦν, τέκνα, ἔγνω ἀπὸ γραφῆς ΕΝΩΧ, ὅτι ἐπὶ τέλει ἀσεβήσετε, ἐπὶ κύριον χεῖρας ἐπιβάλλοντες ἐν πάσῃ κακίᾳ, καὶ αἰσχυνθήσονται ἐφ' ὑμᾶς ἀδελφοὶ ὑμῶν, καὶ πᾶσι τοῖς ἔθνεσι γενήσεσθε χλευασμός. Et nunc filii cognovi ex Scriptura Enoch, quoniam in fine impie agetis, in Dominum manus imponentes in omni malitia; & confundentur in vobis fratres vestri, & omnibus gentibus fietis illusio. Rursus §. xvi: Καὶ νῦν ἔγνω ἐν βιβλίῳ ΕΝΩΧ ὅτι ἐβδομήκοντα ἐβδομάδας πλανιθήσεσθε, καὶ τὴν ἱερωσύνην βεβηλώσετε, καὶ τὰς θυσίας μιανεῖτε, καὶ τὸν νόμον ἀφανίσετε, καὶ λόγους προφητῶν ἐξυδενώσετε, ἐν διαστροφῇ διώξετε ἀνδρας δικαίους, καὶ εὐσεβεῖς μισησετε, ἀληθινῶν λόγους βδελύξεσθε, καὶ ἀνδρα ἀνακαινοποιῶντα τὸν νόμον ἐν δυνάμει ὑψίστης πλάνον προσαγορεύετε, καὶ τέλει, ὡς νομίζετε, ἀποκτενεῖτε αὐτὸν, ἐκ εἰδότες αὐτὸ τὸ ἀνάστημα, καὶ τὸ ἀθῶν αἷμα ἐν κακίᾳ ἐπὶ κεφαλῇ ὑμῶν ἀναδεχόμενοι. Καὶ δι' αὐτὸν ἔσονται τὰ ἅγια ὑμῶν ἔρημα, ἕως ἐδάφους μεμιαμένα. Καὶ ἐκ ἔσται τόπος ὑμῶν καθαρὸς, ἀλλ' ἐν τοῖς ἔθνεσιν ἔσσεσθε εἰς κατάραν, καὶ εἰς διασκορπισμὸν, ἕως αὐτὸς πάλιν ἐπισκέψεται, καὶ οἰκτειρήσας προσδέξεται ὑμᾶς ἐν πίσει καὶ ὕδατι. Et nunc cognovi in libro Enoch, quoniam septuaginta hebdomadas errabitis, & Sacerdotium inquinabitis, & sacrificia polluetis, & legem exterminabitis, & sermones prophetarum contemnetis, in perversitate persequemini viros justos, & pios odio habebitis, veracium sermones abominabimini,*

Liber Henochi.

nabimini, & virum renovantem Legem in virtute Altissimi erroneum appellabitis. Et in fine, ut aestimabitis, occidetis eum, nescientes ipsius resurrectionem, innocentem sanguinem in malitia super capita vestra recepturi. Propter ipsam erunt sancta vestra deserta, usque ad pavimentum profanata, & non erit locus vester mundus, & in gentibus eritis in maledictionem & dispersionem, donec ipse rursus visitabit, & miserens recipiet vos in fide & aqua. Quæ, quamvis prolixiora, adscribere tamen non piguit, quia revera magnam affinitatem habent cum prophetia Enochi de qua nunc agimus. Prædicuntur enim eadem propemodum crimina circa Messiam Dominum perpetranda, cum denunciatione gravissimi judicii. Animum tamen inducere non possum, ut credam, Judam ex hoc libro sua desumpsisse. Cujus auctorem fuisse Judæum quendam, Christianæ fidei elementis tinctum, non sine ratione Viri Clarissimi Cavius & Dodwellus opinantur. Scriptionem libri ad Christianismi seculum secundum referentes. Judæis etiam in pretio fuit liber Henochi titulum præferens. Eum laudat Menachem Racanatenfis, Drusio citatus. Nescio an idem sit cujus editionem Græcam nactus est Josephus Scaliger: certe is fragmentum quoddam ex libro Henochi exhibet in suis *Eusebii* p. 494. unde hanc Judæ pericopam, eamque quæ de Angelis prævaricatoribus agit, contendit esse petitam. Scaligeri Græca Latine reddidit Athanasius Kircherus in *Oedipo Ægyptiaco*. Indeque descripsit Clarissimus Heideggerus in *Historia Patriarcharum*. Mihi non videntur tanti, ut eorum repetitione Lectoris patientia abutar. Scaliger ipse negat statuere se posse, *plusne otii superfuerit Judæis ut hæc confingerent; an sibi patientia ut describeret*. Tot enim, inquit, sunt in illis quorum piget, tædet pudetque, ut nisi scirem Judæorum esse mentiri, neque nunc eos illas nugæ desinere posse, ne digna quidem censuissent quæ legerentur. Et tamen, quod mirum, ex tam futili, nugatorio, atque omni ratione Apocrypho scripto, Beatum Judam prophetiam hanc Henochi arcessivisse vult. Quod mihi nullo modo sit verisimile. Non enim certe id egit Apostolus, ut sanctissimis & sapientissimis literis suis, in materia momentosissima, absurdi scripti allegatione fidem & reverentiam detraheret. At neque dicit Judas Henochum ita scripsisse; neque in libro qui Henochi dicitur prophetiæ hujus vel vola vel vestigium reperitur. Imo credibile est Judæ ætate supposititium hunc librum ne quidem in rerum natura fuisse, sed vel à putido & portentoso nescio quo Cabbalista Græcanico, vel ab hæretico, & sciolo aliquo Christum professo, sub Henochi nomine procusum esse. Quod multis rationibus erudite ostendit laudatus modo nobis Heideggerus. Celeberrimus Coccejus conjectat Judam ex historia Mosaica collegisse. Nam, inquit, prophetasse Henochum, satis constat ex sacris literis. Ambulavit enim cum Deo; ergo cum Deo fecit, defectoribus se opposuit, verbis, sine



sine dubio, in Spiritu Sancto dictis, & opere. Nemo est qui credat in Deum, qui non prophetet. . . . Nullus patrum credens promissioni in Paradiso audita non prophetavit de Christi adventu & regno. Porro Judas talia Henochum prophetasse testatur, quæ optime & pathetice ei attribuuntur in prosopopœia. Quæ quidem non male mihi animadversa videntur: attamen non validum satis fundamentum continere, cui Judæ allegatio commode inædificetur. Nam Judas formulam prophetiæ Henochi adscribit, quæ ex Mose disci non potest. Alii denique verisimilius arbitrantur, habuisse Judam ex nota & confessa eo tempore traditione: quam veram esse Spiritu Magistro cognovit, dignamque judicavit, quam sua hac epistola consecraret æternitati. Cui sententiæ ego quoque hætenus acquiesco.

XLII. Argumentum prophetiæ huc redit. DOMINUS ille, de quo Prophetiæ Enoch loquitur, Messias est, in unitate essentiæ idem cum Patre & spiri-<sup>argumen-</sup>tu Sancto Jehova, cui etiam omnis potestas data est in cœlo & in terra, & cujus peculium singulari ratione electi sunt. Illius ADVENTUM prædicat, verbo præteriti temporis, ad exprimendum indubitatum rei certitudinem, & fidei suæ πληροφoρίαν. In adventu isto MYRIADIBUS ANGELORUM comitatum Messiam fore vaticinatur. Quod factum est, quando veniebat in Sinai daturus legem, Deut. xxxiii: 2. item quando veniebat in carnem, ad visitandos suos: nam tum quoque multitudo exercituum cœlestium, nativitatem ejus nuntiantium, in tractu Bethlehemitico videbatur, atque audiebatur. Luc. ii: 13. Sed illustri imprimis modo futurum est, quando *veniet cum nubibus cœli, & omnes Angeli Sancti cum illo.* Mat. xxv: 31. Finis hujus adventus erit, AD FACIENDUM JUDICIUM DE OMNIBUS: nam *Pater omne judicium Filio dedit.* Joh. v: 22. & REDARGUENDUM OMNES IMPIOS, de IMPIIS FACTIS & DURIS DEICTIS. Ἔργα ἀσεβείας sunt ea omnia quæ cum contemtu numinis patrantur, præcipue adversus lucem supernaturalis revelationis: ex quibus maximum est infidelitas & obduratio cordis adversus fulgidum Evangelii jubar. Dicta σκληρά sunt verba profana, blasphema, scoptica, omnesque disputationes acerbæ contra Deum, Christum, Evangelium, illiusque doctores & professores. De his REDARGUET convincet & damnabit eos Dominus; non increpando solum; sed & debitas de iis fumendo pœnas. Continentur itaque hac prophetia insignia ista Theologiæ Sethitarum capita. I. Semen benedictum; cui demandata serpenti capitis contritio est, certo esse venturum. II. Semen illud futurum esse Dominum Jehovam, cui itaque credendum atque obediendum sit. III. Eundem à Deo destinatum esse universi judicem. IV. Eum indubie venturum esse ad judicii exercitium; quod partim in promulgatione legis, quæ judicii norma est, partim in sententia secundum istam

*Meletem, Leid.* Z z legem

legem dicenda & exsequenda consistit. V. Existere multas sanctorum spirituum myriadas, quæ judici huic à ministeriis sint. VI. Formam judicii illustrem admodum & gloriosam futuram esse. VII. In judicio illo comparituros esse improbos, etiam pridem defunctos: quo innuitur immortalitas animorum, resurrectio corporum, & status totus hominis æternus. VIII. Judicium illud fore accuratissimum; ubi non factorum modo sed & dictorum, neque aliquorum, sed omnium, reddenda erit ratio. IX. Addi posset, quod *Coccejus* subtiliter observavit, gloriosum istum judicem primo in humili specie venturum esse, ut possent homines scandalisari in ipso, & ipsi contradicere: at non nisi per impietatem. Hæc quidem Henochus seculi sui hominibus prædicavit, qui, cupiditatibus suis indulgentes, adventum Domini futurum esse improbe negabant. Verum quum prophetia ista universalem veritatem contineat, in omnes eos quadrat qui secundum concupiscentias suas ambulant. Ideoque fas Judæ nostro fuit ea sui temporis seductoribus applicare; non minus ac si in eos nominatim dicta forent.

Verf. xvi.  
Murmura-  
tores.

XLIII. Pergit autem eos describere com. 16. Hi sunt *γογγυσταί*, MURMURATORES, susurrores, qui tacite mussitant. I. *Adversus Deum*; dum verbo ejus non acquiescunt & suis ratiocinationibus indulgent, nolentes credere quod Deus testatur, quia in rebus naturalibus non vident similia: & ex Philosophia mysterium Dei non possunt explicare. Quia vero aperte illud profiteri rebus suis nondum conducibile esse plerique existimant, mussitando id innuunt potius, quam ut sine ulla circuitione prodant. Hoc est vere *γογγύζειν*. Quod vitium nostri quoque ævi hominibus, qui præ cæteris se sapere postulant, valde familiare, à Juda hic taxari, merito autumat *Coccejus*. Maxime autem solebant *Gnostici* murmurare adversus præcepta Evangelii, quod essent arcta nimis, & inimica voluptatibus, nimisque abludentia à moribus seculi; quorum denique gratia Christiani tam Judæis quam Gentibus ludibrio, contemti, atque odio essent. II. *Adversus Magistratus*, & eos ex hominibus qui in eminentiori potestatis gradu erant. Libenter enim obtrecebant superioribus. Conf. 1 Cor. x: 10. Num. xi: 6. III. *Adversus homines quoscunque*, in omnibus fere aliquid carpentes ac sugillantes, ac susurris suis, ubicunque poterant, ferentes discordias. *μεμψιμοίποι*. DE SORTE SUA QUERULI. I. *Contra Deum*, tam generalius, quam specialius. Quia enim vitæ hujus beatitudinem corporis felicitate metiuntur, non verentur obmurmurare Deo suis querimoniis, quod sic condiderit hominem ut brevis esset ævi, & morbis obnoxius, optantes hanc vitam quam maxime longam felicemque; videlicet de futura diffidentes. At specialius cum propria sua sorte litigandum sibi semper existimant, credentes omnia  
que

De sorte  
sua queru-  
li.

diggnatio atque invidia circa eos quos in florentiori fortuna cernunt aut cernere se putant ; quos tamen superbo fastu longe præ se despiciunt. Concurrunt in hoc vitio , stultus sui amor , insatiabilis cupiditas , Divinæ providentiæ obrectatio , & aliorum invidia. II. Nam II. *Contra proximum* quoque hoc vitio peccatur. Sunt enim queruli isti homines difficiles simul ac morosi , ut satisfieri iis à nemine propemodum possit.

Semper obmurmurant , quantumcumque te iis impendas. Quidquid præstiteris , plura sibi autumant deberi. Quod additur , IN CUPIDITATIBUS SUIS INCEDENTES , explicationis non eget. OS EORUM LOQUITUR ὑπέρογκα , PRÆTUMIDA , fustuosa , omnem modum fidemque superantia. Perstringere videtur fastum *Montani & Gnosticorum* , de quibus *Irenæus Lib. 1. Cap. 1x.* *Perfectos se ipsos vocant , quasi nemo possit ex-*

*quari magnitudini agnitionis ipsorum , nec si Paulum ac Petrum dicas , vel alterum quendam Apostolum ; sed plus omnibus se cognovisse , & magnitudinem agnitionis illius , quæ est inenarrabilis virtutis , solos ebibisse : esse autem se in altitudine supra omnem virtutem. Quapropter & libere omnia agere , nullum in ullo timorem habentes : propter enim redemptionem , & incomprehensibiles & invisibiles fieri judici.* Similiter *Tertull. de Anima : Dicebant suas animas de sublimi virtute conceptas , despectrice mundi-potentium principatum.* Phra-

sis similis est. Dan. xi: 36. יִדְּבַר נְפִלְאוֹת. Ubi Græci λαλήσει ὑπέρογκα. Conf. 2 Petr. ii: 18. θαυμάζοντες πρόσωπα &c. ADMIRANTES PERSONAS UTILITATIS GRATIA. πρόσωπον notat qualitatem externam quæ ad momentum causæ de qua agitur non pertinet. Jac. ii: 1, 2. - θαυμάζειν πρόσωπον , est eam qualitatem tanti facere ut præter fas judicium illi gratificeris. Conf. Levit. xix: 15. Ubi in Hebræo est נִלְוִי תהדר פני גדולי. pro quo Lxx. habent , ἡδὲ μὴ θαυμάσης πρόσωπον δυνάσας. Aliter θαυμάζοντες πρόσωπα Hebræis sunt נושא פנים. Sic Deut. x: 17. אֲשֶׁר נִשְׂא פָנָיו. Græce , ὅς τις ἂν θαυμάζει πρόσωπον. Prov. xviii: 5. שֹׂא פָנָיו רֶשַׁע שֹׂא פָנָיו θαυμάσαι πρόσωπον αἰσεῖται & καλόν. Job. xxi: 8. וְנוֹשֵׂא פָנָיו יֵשֶׁב בָּהּ. ἡ θαύμασας δὲ τινων πρόσωπον , ὡκισας δὲ τὰς ἐπὶ τῆς γῆς. Sic agebant illi : divitibus in Ecclesia adulabantur , vitiis eorum favendo , idque ut ex largitionibus eorum quæstum facerent. Conf. 2 Petr. ii: 14. Illiberalis profecto ingenii argumentum est , ita se demittere lucri causâ. Quod tamen frequenter videas in seductoribus istis animum.

Aliquando superbe se jactant prætumida loquendo ; ubi nenimorum. Aliquando qui insolentiam eorum reprimat , intolerabilis est eorum superbia. Quos autem merentur , vitiis eorum favendo , idque ut ex largitionibus eorum quæstum facerent. Conf. 2 Petr. ii: 14. Illiberalis profecto ingenii argumentum est , ita se demittere lucri causâ. Quod tamen frequenter videas in seductoribus istis animum.

Aliquando qui insolentiam eorum reprimat , intolerabilis est eorum superbia. Quos autem merentur , vitiis eorum favendo , idque ut ex largitionibus eorum quæstum facerent. Conf. 2 Petr. ii: 14. Illiberalis profecto ingenii argumentum est , ita se demittere lucri causâ. Quod tamen frequenter videas in seductoribus istis animum.

Aliquando qui insolentiam eorum reprimat , intolerabilis est eorum superbia. Quos autem merentur , vitiis eorum favendo , idque ut ex largitionibus eorum quæstum facerent. Conf. 2 Petr. ii: 14. Illiberalis profecto ingenii argumentum est , ita se demittere lucri causâ. Quod tamen frequenter videas in seductoribus istis animum.

Aliquando qui insolentiam eorum reprimat , intolerabilis est eorum superbia. Quos autem merentur , vitiis eorum favendo , idque ut ex largitionibus eorum quæstum facerent. Conf. 2 Petr. ii: 14. Illiberalis profecto ingenii argumentum est , ita se demittere lucri causâ. Quod tamen frequenter videas in seductoribus istis animum.

Aliquando qui insolentiam eorum reprimat , intolerabilis est eorum superbia. Quos autem merentur , vitiis eorum favendo , idque ut ex largitionibus eorum quæstum facerent. Conf. 2 Petr. ii: 14. Illiberalis profecto ingenii argumentum est , ita se demittere lucri causâ. Quod tamen frequenter videas in seductoribus istis animum.

Aliquando qui insolentiam eorum reprimat , intolerabilis est eorum superbia. Quos autem merentur , vitiis eorum favendo , idque ut ex largitionibus eorum quæstum facerent. Conf. 2 Petr. ii: 14. Illiberalis profecto ingenii argumentum est , ita se demittere lucri causâ. Quod tamen frequenter videas in seductoribus istis animum.

Quorum  
os loquitur  
ὑπέρογκα.

Admirantes  
personas utilitatis  
gratia.

Analysia  
versuum  
17 -- 23.

XLIV. Versu 17. & sequentibus continetur insignis fidelium exhortatio ad duum generum officia; quorum aliqua *sibi* debebant, alia *proximis*, etiam *seductoribus*, aut *seductis*. Quæ *sibi* debebant officia, hoc ordine memorantur. I. Ut meminerint prædictionum Apostolicarum ad præcautionem. *¶* 17, 18, 19. II. Ut superstruant se fidei, per præcautionem. *¶* 20. III. Ut conseruent se in charitate Dei. *¶* 21. IV. Ut illibatam custodiant spem misericordiæ Christi. *ibid.* Porro si misericordiam Christi erga se exspectant, æquum est ut & ipsi misericordiam exerceanterga alios, etiam in perditione jacentes; quos servare conentur, habito prudentiæ delectu. *¶* 22, 23.

Verf. xvii. Memoria Apostolicarum prædictionum. XLV. Primum officium quod commendatur exstat com. 17. *Vos autem, dilecti, memores estote verborum illorum quæ prædicta fuerunt ab Apostolis Domini nostri Jesu Christi.* Quanta severitate utitur contra impios seductores, tantam charitatis comitatem demonstrat erga electos fideles, quos DILECTOS vocat; ut blanda ista compellatione & suum ipsis testaretur, & eorum permoveret animum; qui, sicuti Evangelii dulcedine dignum est, nulla re vehementius incitatur quam charitate. Sed & deinde observa insignem *Juda modestiam*, qui quum cæteris Apostolis auctoritate minor non esset, ad eos tamen provocavit. Quod in pudorem dare debet arrogantia ista ingenia, qui aliorum benedictis nolunt uti: nihilque rectum existimant, quod à se profectum non sit. In animæ humanæ admirandis, si non principem, eximium certe locum meretur ea facultas quam Memoriam vocamus. Quæ veluti sanctius mentis nostræ ærarium est, in quo thesauri, infatigabili diligentia collecti, reconduntur? ubi usus erit depromendi. Verum quo admirabilior, utilior, magisque necessaria nobis ista facultas est, eo sollicitius operam dare oportet; ne minutulis nulliusque pretii rebus, quas servare nihil attinet, magnam partem oppleatur. Sed ea potissimum asserventur, quorum recordatio & sapientiores, & prudentiores, & sanctiores efficere queat. In his quum sint Apostolorum dicta; eorum MEMINISSE Judas jubet.

Verf. xviii. XLVI. Testimonia Apostolorum ad quæ hic respicitur exstant. 1 Tim. iv: 1. 2 Tim. iiii: 1. iv: 3; 4. 2 Pet. iiii: 3. Verum quidem est, ipsum quoque Dominum expressissimis verbis eadem prædixisse. Mat. xxiv: 24. Cæterum, quoniam prædictiones Christi non aliunde nisi ex Apostolorum relatu cognoscimus, hinc & illæ Apostolorum prædictionibus accensendæ sunt. Quibus agitur de iis quæ futura sunt, *ἐν ὁσίων χρόνῳ*, IN EXTREMO TEMPORE. Id Hebraice dicitur כְּאַחֲרֵי הַיָּמִים. Ea phrasis notat. I. Tandem, aliquando, diu posthac. Gen. xlix: 1. Num. xxiv: 14. Deut. xxxi: 29. II. *Postrema veteris Testamenti tempora*, quibus venire Messias debuit, ad finem τῆς προτεσμίας. Respondet

post excidium templi, τὸν αἰῶνα τὸν μέλλοντα. I Cor. 11: 6. Eph. 11: 7. Sic suos dies quibus adhuc offerebantur sacrificia, τὸν καιρὸν τὸν ἐνεσηκό-  
 τα. Heb. 1x: 9. Tempus plenæ libertatis, τὴν ἐκκεµένην τὴν μέλλουσαν  
 Heb. 11: 5. III. Totam Oeconomiam T. N. quippe post quam nulla nova  
 fœderis gratiæ œconomia in terris spectanda sit. Quoniam autem ista  
 œconomia varias habet periodos, hinc notantur II. Oeconomix istius no-  
 vissima tempora, consummationem seculorum proxime antecessura. Nul-  
 la harum significationum est, quæ huic loco non quadrat. Confer 2 Pet.  
 111: 3, 4. 1 Thef. v: 3. Tunc futuri sunt IRRISORES, verbum Dei, &  
 imprimis adventum Domini ad iudiciũ, ludibrio habentes; ideoque  
 IN IMPIIS SUIS CUPIDITATIBUS INCEDENTES.

XLVII. De quibus porro testatur x̄f. 19. quod SE IPSOS SEGREGENT. Verf. xix.  
 Ἀποδιορίζοντες. Bifariam. I. Præsumptione insignis sapientiæ & perfe-  
 ctionis, præ qua reliquos tanquam incitos & servili præditos ingenio  
 contemnunt. Jes. LXV: 5. II. Licentia. Quoniam disciplinæ jugum  
 ferre nequeunt, carni addicti, à spirituali vita abhorrentes, secessionem  
 faciunt ab Ecclesia: ut exleges vivant. ANIMALES, SPIRITUM NON  
 HABENTES, ψυχικοί, πνεῦμα μὴ ἔχοντες. Qui non nisi animam vitæ  
 suæ principium habent, & ratione sua naturali omnia metiuntur, nobi-  
 lioris principii, & consequenter nobilioris vitæ exsortes. Corpus ψυ-  
 χικόν & πνευματικόν distinguuntur 1 Cor. xv: 44. Illud est quod ani-  
 mam vivificantem habet, ministerio cibi & potus, quibus conservatur  
 fluxus sanguinis & spirituum. Hoc, cujus vita est à spiritu, omni natu-  
 rali vita præstantior, neque cibo neque potu indigens. Similiter 1 Cor.  
 11: 14, 15. opponuntur homo ψυχικός, in quo summum ad sapientiam  
 sua ipsius anima est: cujus sapientia est ψυχική. Jac, 111: 15. & homo  
 πνευματικός, qui sapit per Spiritum Dei illuminantem oculos & conver-  
 tentem corda.

XLVIII. Alterum quod commendatur x̄f. 20. est, ut orando se fidei  
 suæ superstruant. Vos autem, dilecti, sanctissima vestra fidei superstruentes  
 vos ipsos, per Spiritum Sanctum orantes. FIDES hic, uti com. 3. notat do-  
 ctrinam cœlestium veritatum, comprehensam Evangelio, olim ab ipsis  
 pleno animi assensu approbatam, & salutari fiducia applicatam. Ea  
 SANCTA dicitur. I. Quia doctrina fidei pura est ab omni falsitate & de-  
 ceptione; & tota ad id comparata ut Deum imitemur, non ipsos puros  
 servemus, & proximum ad Dei communionem ac similitudinem sermo-  
 ne & exemplo adducamus. Ps. xix: 9. Rom. vi 11: 12. Tit. 11: 12.  
 II. Quia insignem habet pollentiam: Evangelicam a nimis credentium in-  
 generandam. Eā enim est veritatis

ab homine nequeat, quin mox eum à peccati servitute in libertatem afferat, transformetque ad Divinæ imaginem puritatis. Nusquam enim virtus pulcriori nobis facie arridet quam in Evangelio: quæ in lege quidem picta, nativisque expressa coloribus, sed picta tantum est, sine sanguine & succo, sine vita & motu; hic autem in Jesu Christo viva spiransque cernitur; ita quidem, ut sæpius mentis oculis usurpata contemplantem in eandem imaginem transformet ex gloria ad gloriam, sicuti à Domini Spiritu. Ita sanctificantur animi in Veritate; & quæ eam tradunt scripta Evangelica merito ob id à Veteribus dicta sunt *τα ιεροποιῶντα καὶ θεοποιῶντα γράμματα*. III. Quia fides ipsa qua recipitur & agnoscitur doctrinæ veritas sanctitatis mater est. Quæ enim luce intellectus illustratur ad veritatis cognitionem, eadem & voluntas inflammatur ad veritatis amorem, qui est *οσιότης τῆς ἀληθείας*, eadem denique sæcundus redditur animus ad quosvis justitiæ fructus abunde proferendos. Col. 1: 6. Merito igitur Judas fidem sanctam dixit. Neque id modo, sed & SANCTISSIMAM. Quippe quæ principio, norma, exemplari, fine, gradibus, cæteram omnem sanctitatem humanam immensum quantum antecellat. Sanctissimam eam fidem ut fundamentum substernit Apostolus *superstruendo* ædificio. Conf. Eph. 11: 20, 21. Ædificium ipsi fideles sunt. ibid. 22.

Imo Sanctissima.

Cui superstruendum.

vivi lapides, domus spiritualis 1 Pet. 11: 5. SUPERSTRUI FIDEI, est de die in diem proficere in cognitione Domini Jesu Christi, ut plura de ipso sciamus, & quæ scimus sciamus accuratius, tam singula seorsim, quam junctim omnia in concatenatione ista pulcherrima veritatum cœlestium. Neque hoc modo, sed & proficere in sensu ac gustu istarum veritatum; ut non verba solum veritatis intelligamus, sed rem ipsam, *πᾶν*, in cordibus nostris possideamus; Deo ipso, qui est *ἀντοαλήθεια*, & summum fidei objectum, in Filio suo Jesu Christi fruantes, ad inexplicabilem consolationem atque lætitiā. Denique eniti ad fidei perseverantis consummationem, quæ est salus animarum. Structuræ hujus auctor indubie Deus est. Heb. 111: 4. Fideles passive se habent, *ἐκδομεῖσθε* *ἀδificεσθαι* 1 Pet. 11: 5. Attamen & ipsis aliquid agendum. *ἐποικοδομῶντες ἑαυτοὺς*. conf. 2 Pet. 1: 5. Cæterum *nisi Jehova ædificet domum, frustra laborent ædificatores ejus de ea* Ps. cxxvii: 1. ideo commendat Judas

Oratione per Spiritum Sanctum.

ORATIONEM qua impleretur Dei auxilium & benedictio. Quod vero additur, PER SPIRITUM SANCTUM, tam ad antecedens referri potest, superstruite per Spiritum, quam ad sequens, per S. S. orantes. Huc tamen proxime spectare videtur. Et sane Spiritus Sanctus est, qui omnia quæ & quomodo petenda sint suggerit; qui mentis oculos aperit, ut & indigentiam nostram, & spiritualium ac cœlestium rerum præstantiam rite æstimemus; qui ardens earum rerum desiderium excitat; iisque affectibus imbuit, qui Dei Majestate, nostra vilitate, & rerum desideratarum præstan-

præstantia digni sint; qui denique sanctam largitur *παρρησίαν*. Ideoque & Spiritus precum dicitur Zach. xii: 10. & pro fidelibus *ὑπερευτυχάνειν*. Rom. vii: 26.

XLIX. Tertium officium præscribitur initio com. 21. *Vos ipsos in charitate Dei conservate*. Per CHARITATEM Dei commode hic intelligi posse arbitror amicitiam, quæ intercedit inter Deum & animam fidelem; sic ut cor Dei ad hominem fidelem, cor item hominis fidelis ad Deum, mutua jucundissimi amoris inclinatione feratur. Nimirum Deus dicit animæ sibi per Christum reconciliatæ, *Tu vocaberis delicia mea, quia Jehova delectabitur te*. Jes. lxii: 4. Anima respondet Deo, & ego vicissim *ex intimis visceribus diligam te, Jehova*. Ps. xviii: 2. Dubitari non potest quin talis amicitiae status animæ amanti jucundissimus, utilissimus, beatissimus sit: nihilque magis esse exoptandum, quam ut sit perpetuus. In se quidem recepit Deus electos suos in illo statu conservare. 1 Th. i: 3. Jes. liv: 10. Atque hæcenus securis licet esse fidelibus, quod *virtutis Dei presidio custodiantur per fidem ad salutem, paratam revelari tempore ultimo* 1 Pet. i: 5. Attamen hoc quoque iis incumbit officii, ut à Deo excitati & adjuti CONSERVENT SEMET IPSOS. 1 Joh. v: 18. omnemque adhibeant operam ad familiaritatem Divinæ amicitiae non servandam modo, sed & indies augendam. Ad quod requiritur I. Amoris sui erga Deum quotidiana excitatio, per devotam meditationem tum perfectionum Divinarum, propter quas in se ipso summe amabilis est, tum incredibilis illius charitatis, qua nos prior est profecutus, & beneficiorum inæstimabilem ex illa charitate profluentium. Fieri enim non potest, ut Deus se amore superari ab homine pariat. Joh. xiv: 21. II. Frequens cum Deo conversatio, sic ut seclusa tantisper seculi sollicitudine, & quæsita placida solitudine, repetitis crebro legendi, meditandi, orandi exercitiis, in familiaritatem Dei modesta te *παρρησία* ingeras. Hoc est *assuescere Deo*. Job. xxii: 22. III. Inoffensæ & accuratæ pietatis praxis, attemptaque adversus *ἀμαρτίας ἐνπεριπάτης* vigilia. Quibuscumque datum est incredibilem eam Divinæ charitatis dulcedinem gustare, eos sollicitè cavere oportet, ne quid admittant, quod indignum tanta sit amicitia, aut quod tam prolixum numinis favorem frigore aliquo corrumpat. Id demum est, quod Judas noster vult, CONSERVARE SE IN CHARITATE DEI.

L. Cui quantum officium jungit, *Exspectantes misericordiam Domini nostri Jesu Christi in vitam æternam*. MISERICORDIA est benevolus affectus erga miseros. Is, si uspiam, in JESU CHRISTO sane locum habet eminentissime. Ejusque suavissimos ac pretiosissimos fructus plurimis experimentis perspectos jam habent fideles. Unius enim Domini sui misericordiae

Vers. xxi.  
Charitas  
Dei.

In ea se  
quemque  
servare  
oportet.

Misericor-  
dia Jesu  
Christi

in vitam  
æternam

expectan-  
da

diæ debent, quod erepti sint exitio, redempti Deoque reconciliati ipsius sanguine, regenerati per Spiritum, adoptati in jura omnia filiorum Dei, sanctificati ad Dei imaginem, admissi ad ipsius familiaritatem; quodque etiamnum omnipotenti ejus virtute in statu gratiæ conserventur; animusque ipsorum, suo plerumque vitio languens, gratissimis ineffabilium consolationum vicissitudinibus tempestive demulceatur ac refocilletur. Hæc sunt effecta τῆς ἐλέης, καὶ χρηστότητος, καὶ φιλανθρωπίας τῆς σωτηρίας ἡμῶν Θεῷ, quibus frui in hac quoque vita fidelibus datur, in arrham futurorum. Consummatio enim misericordiæ Domini in eo erit, quod suos olim ad VITAM ÆTERNAM suscitaturus sit. Vitam quæ vere vita est, in perfectissima Dei cognitione, agnitione, dilectione, & fruitione consistens. Vitam, nulla morte finiendam, sed in communionem Dei beatissima perpetim degendam in cœlis. Hanc EXPECTARE fidelibus fas est, ea nimirum spe, quæ non pudefacit. Quæ in se tres insignes animi actus comprehendit. Horum I. est ἡ πίστις *expectatio*, certum judicium, & sancta animi securitas, quod promissum bonum suo tempore eventurum sit. Hoc enim ex fide habet Heb. xi: 1. Hæc est ἡ παρρησία καὶ τὸ καύχημα τῆς ἐλπίδος. Heb. iii: 6. & πληροφορία τῆς ἐλπίδος ἄχρι τέλους. Hebr. vi: 11. II. Ἐτοιμασία, *promittitudo* ad illud bonum recipiendum: sic ut anima veluti in specula stet, cum alacritate observans, ecquid se ostendat Dominus. Jes. xxi: 7. Habac. ii: 1. Phil. i: 20. κατὰ τὴν ἀποπαράδοκίαν καὶ ἐλπίδα μῶν. III. Ὑπομονή, *patientia* incommodorum moræ. δι' ὑπομονῆς ἀπεκδεχόμεθα. Rom. viii: 25. *Fundamentum* hujusce spei est Dei nostri potentia, bonitas, & veritas, & Christi Domini justitia. *Argumentum* autem quod nobis, nobis, inquam, expectare liceat, hoc erit, si superstruamus nos sanctissimæ fidei, & custodiamus nosmetipsos in charitate Dei. Ita enim hæc junguntur ab Apostolo.

Verf. xxi.  
Qui salvi  
facti sunt,  
alios etiam  
servare tenentur.

LI. Quicumque misericordiam Dei expertus est, & jus habet consummationem ipsius expectandi ad vitam æternam, eum etiam misericordiam exercere oportet erga alios; & non solum votis expetere, sed & re ipsa operam dare, ut & illi eximantur exitio & ejusdem gratiæ participes evadant. Idcirco pergit Apostolus com. 22, 23. dilectos fratres suos hortari, ut ipsi jam salutis compotes alios etiam servare conentur; idque sub cautela geminæ prudentiæ; exercendæ tam erga eos quorum salutis promovendæ incumbunt, quam erga semetipsos ne ullo vitiorum contagio polluantur. ALIOS, inquit, SERVATE. Nimirum Deus servat omnes qui servantur. I. Destinatione Patris, qui Christum dedit electis. Joh. i: 16. & electos Christo. Joh. vi: 37. xvii: 6. II. Meritis & intercessione Filii. Heb. v: 9. vii: 25. III. Applicatione Spiritus Sancti. i Cor. vi: 11. Tit. iii: 5, 6. *Fideles semet ipsos quoque servant.* Phil. ii: 12.

Resipiscen-



Reſiſcentia ac fide in Chriſtum. Act. 11: 38, 40. & conſtanti ſtudio charitatis Dei: qua de re modo diximus. Denique ad officium Chriſtianorum pertinet, ut *alii alios* quoque *ſervare nitantur*. 1 Cor. vii: 16. 1 Tim. iv: 16. Jac. v: 19. Quod fit I. Monitis & exhortationibus. Luc. xxi: 32. col. cum Act. 11: 40. II. Precibus & votis. Rom. x: 1. III. Exemplo. 1 Petr. 111: 1, 2. Phil. 111: 17. Nemo nobis pro tam deſperato haberi debet, quem hoc charitatis officio excludamus. Quis ſcit, quem gratia ſua dignaturus ſit Dominus?

LII. At in agendi modo DELECTUM ſuadet Apoſtolus. Sic ut uniuf-  
 cujuſque nos accommodemus ingenio: clementia utentes erga dociles, Verſ. xxiii. Sed cum delecta.  
 rigore erga contumaces ac ſeduciores, ſervandos METU. *Ev φόβῳ*, quod non notat hic circumſpecte; ne quid imprudenter aut temere agatur, dum aliorum ſaluti nos impendimus: ſed potius, incuſſo metu Divinæ iracundiæ, graviorumque pœnarum, imo æternæ damnationis. 2 Cor. v: 11. Eſt aliqua *perſonarum acceptio mala*: quando quis alium majoris minorisve facit, propter qualitates ad rem de qua agitur nihil facientes. *ſſ*. 16. Jac. 11: 1. Eſt alia *bona*: quando cum unoquoque homine agimus ſicuti indoli ipſius eſt conveniens. Quæ eximia prudentiæ Chriſti-  
 næ pars eſt. 1 Cor. ix: 19, 20. Evangelium non niſi unum eſt. Ana-  
 thema illi, qui introducere conatur aliud. Gal. 1: 8. Scelus eſt inſectere ſermonem Dei ad placitum hominum. ib. *ſſ*. 10. 1 Reg. xxi: 14. Ezech. 111: 17. Interim prudentis Oeconomi eſt ſuam cuique tribuere portio-  
 nem. Luc. xxi: 42. Nam & ſua cuique homini indoles eſt. Sunt quos non niſi bonitate ſectas. Alios non niſi minis à malo abſterreas. Hic providus Chriſti miniſter omnia fiat omnibus. ERIPIENTES EX FLAMMA. Sic ut qui-  
dam velut  
ex flamma  
eripiantur.  
 Non eſt hic ſubtiliter diſputandum de igne pravorum affectuum, ut cala-  
 mitatum huius ſæculi, aut gehennæ; ſed eſt locutio proverbialis. Conf. Zach. 111: 2. 1 Cor. 111: 15. qua ſignificatur præſentaneum imminentis exitii periculum; tum & eripientium alacritas, celeritas, & intrepidus animus, nullam moleſtiam, nullum diſcrimen ſubterfugientium, modo voti & conaminis evadant compotes; denique eorum qui eripiuntur patientia, nequaquam de contrectantium duritie & creato ſibi dolore qui-  
 rantium, ſed liberatoribus ſuis gratias agentium, quamvis non niſi ſaucii exitium evaſerint.

LIII. Cæterum uti in aliorum ſalute procuranda inſignis eſt prudentiæ uſus, ita imprimis ſtudendum eſt, ne dum aliis prodeſſe cupimus nobis ipſis obſimus. Ideo addit Apoſtolus: ODIO HABENTES VEL EAM TUNICAM QUÆ A CARNIS CONTACTU SIT MACULATA. Odio ha-  
benda eſt  
tunica car-  
nis contra-  
ctu macu-  
lata.  
 Alluditur ad ritum priſcum T. V. vel recentiore T. N. In T. V. tunica maculabatur carne, vel in caſu lepræ. Lev. x111: 45, 47, 48. vel in caſu Gonorrhæ. Lev. xv: 4, 17. Huc credibile eſt reſpexiſſe Apoſtolum, propter horrendam

Vestis candida recens baptizatorum.

Carpocratianorum & Gnosticorum spurcitiem. Ut moneret non solum à foeda istorum nebulonum impudicitia procul recedendum esse Christianis; sed & ab omnibus iis quæ vel minimam affinitatem & propinquitatem cum sceleribus istis habent. *Erasmus* alludi putat ad candidam illam innocentiae vestem, quam Christiani recens baptizati induebant, in signum suæ puritatis. Eam gestare solebant septem integris diebus, usque ad Octavam à Paschate vel Pentecoste, solemnisi baptismi die. Quæ ideo *Dominica in Albis* dicebatur; ut baptizati, *candidati*, *albat*. Sub cuius ceremoniæ corticæ ingenia latere mysteria veteres crediderunt. Et primo quidem significatam volebant eo vestis candore inductionem justitiæ Christi, secundum Gal. 111: 27. *Ambrosius*, de iis qui initiantur mysteriis *Cap. VII.* *Accepisti vestimenta candida, ut essent indicium quod exueris involucrium peccatorum, & indueris innocentia casta velamina.* Nec abludit *Fortunatus* ita de hac veste canens:

*Candidus egreditur nitidis exercitus undis,  
Atque vetus vitium purgat in anne novo.  
Fulgentes animas vestis quoque candida signat:  
Et grege de niveo gaudia Pastor habet.*

Præterea candidam hanc vestem symbolum esse credebant veræ libertatis quam in Christo pacti essent baptizati. Id *Tertullianus* innuit, de *Resurrectione carnis*, ubi manumissionis recensens insignia, albam iis vestem adnumerat. *Si famulum*, inquit, *libertate mutaveris, & vestis alba nitore, & annuli aurei honore, & Patroni nomine ac tribu, mensaque honoratur.* Deposita vestis aliquando à baptizatis privatim, nonnunquam etiam in Ecclesia publice, asservabatur, in memoriale: ut ejus intuitu vel convincerentur criminis, si quod contra sanctissimæ fidei professionem commisissent, vel ad constantem servandæ puritatis sollicitudinem animarentur. Atque huc alluserit Apostolus; in memoriam revocans fidelibus, ut quantæ olim curæ anxietate vestis suæ baptismali ab omnibus maculis caverunt, ne nunc quidem minorem adhibeant *explicet*: ne dum impuris hominibus servandis suam impendunt industriam, ipsi sibi ex eorum contagio labem aliquam allini patiantur. Sed non putem eam ceremoniam viventibus Apostolis in Ecclesia Christiana obtinuisse. Phrases quidem aliquot exstant, quæ eo referri posse videntur. Gal. 111: 27. Ap. 111: 4. & VII: 13, 14. At credibilius est ex istis phrasibus derivatam esse eam Christianorum ceremoniam; quam ex ista cerimonia has phrasas.

Vers. xxiv.  
xxv.  
Doxologia.

LIV. Sicuti in Dei gloria omnium rerum terminus, ita & Apostolus noster solita sacris scriptoribus doxologia epistolam suam concludit *Ps. 24.* 25. *Ceterum ei qui potest vos custodire à lapsu immunes, & constituere in conspectu*

*ſpectu gloria ſua inculpato, cum exultatione, Soli ſapienti Deo ſervatori noſtro, gloria eſto, & magnificentia, robur & auctoritas, & nunc, & in omnia ſecula. Amen.* Ubi primo conſideranda venit deſcriptio illius ad quem glorificatio hæc pertinet, dein gloria quæ ipſi attribuitur. Dubitari nequit quin DEUS ſit, & quidem ſolus, qui dignus eſt accipere omnem gloriam. Cæterum an vox Dei hic intelligenda ſit *ἡ σωτὴρ* ſine Divinarum perſonarum Deus ſervator noſter an diſtincta cogitatione, an diſtinctius referenda ad Patrem, an potius ad Deum & Dominum noſtrum Jeſum Chriſtum, non admodum in liquido eſt. Quumque nulla id reſtictione Judas limitaverit, liberam quoque hic nobis eſſe puto cogitandi facultatem. Neque enim additum SERVATORIS elogium neceſſariam limitationem facit. Quoniam illud Deo, ut Jehovæ, cum excluſione omnium non-Deorum, convenit: cujus eſt dicere, *Ego, Ego ſum Jehova, & nullus eſt præter me ſervator.* Jeſ. xlii: 11. Etiam Patri manifeſte adſcribitur (ut alia omittam loca, magis controverſa) Tit. iii: 4, 6. *ὅτε δὲ ἡ χρηστότης καὶ ἡ φιλανθρωπία ἐπεφάνη τῷ σωτη-* *ρῷ ἡμῶν Θεῷ -- κατὰ τὸν αὐτῆς ἔλεον ἐσωσεν ἡμᾶς -- διὰ Ἰησοῦ Χριſτοῦ τῷ σωτῆρι ἡμῶν.* Ubi evidens eſſe videtur, quod Deus ille Servator, qui ſervat nos per Jeſum Chriſtum Servatorem noſtrum, Deus Pater ſit. Conf. 2 Cor. v: 29. Eph. i: 3. & ſeq. Et ſi admittenda ſit additio quæ in quibuſdam Græcis exemplaribus invenitur, & quam Latina quoque verſio habet in textu noſtro, *διὰ Ἰησοῦ Χριſτοῦ*, conſecta res eſt, & omnino de Patre hic cogitandum. Verum ea additio dubiæ auctoritatis eſt. Sed & Jeſus Chriſtus eſt *Magnus ille Deus & Servator noſter.* Tit. ii: 13. cui cætera quoque elogia competunt. Adeo ut in repræſentando nobis doxologiæ huius objecto aberrare non poſſimus; modo verum atque unicum Deum, Salutis noſtræ auctorem, ob oculos nobis ponamus. Hic eſt SOLUS ILLE SAPIENS Rom. xvi: 27. 1 Tim. i: 17. Solus ex ſe ſapiens, & infinite ſapiens, ſapientiæ omnis auctor, doctor, dator: qui ſapientiam ſuam in omnibus operibus ſuis oſtendit. Pf. civ: 24. ſed imprimis in opere ſalutis noſtræ Eph. i: 10. ad ſtuporem hominum angelorum. Rom. xi: 33. Is eſt, inquit, Judas, QUI POTEST VOS CUSTODIRE *ἀπὸ πάντων* A LAPSU IMMUNES, ne ſcilicet impingatis, offendatis, graviter peccetis, & à Deo declinetis, eumve deferatis. Significatur donum perfeverantiæ. Neque fruſtra dixit, qui POTEST vos cuſtodire. Potentia enim in animos hominum immediate agendi, eoſque hyperphyſica virtute ſteſtendi quocunque vult, imprimis cohibendi à malo, ad quod cæteroqui pleno impetu feruntur, prorſus Divina eſt. Conf. Eph. i: 19. Potentia iſta Dei opponitur impotentia humanæ. Nihil enim poſſunt omnes exhortationes noſtræ, nec ſtudia, niſi ex Dei virtute effectus proveniat. Perinde fere eſt ſive legamus, qui poteſt cuſtodire *αὐτοὺς* EOS, ut quædam exemplaria habent, ſive *ὑμᾶς* VOS, ut pleraque. Illam lectionem ſi ſequaris, ſenſus erit:

erit: vestrum quidem est conari ut alii salvi fiant; Dei autem est præstare. Sin alteram præferamus, uti præferenda esse videtur, referri debere credo ad *χρ.* 21. *conservate vos met ipsos in charitate Dei.* Atque ita officio fidelium, quod ipsis commendat, jungitur beneficium Dei, quod ipsis exoptat. Porro, quicumque conservantur immunes à lapsu; iidem statuentur aliquando *ἀμωμοί* INCULPATI, perfecti sanctificati, *sine macula & ruga*, Eph. v: 27. IN CONSPECTU GLORIÆ IPSIUS, quum *veniet ut glorificetur in sanctis suis, & admirandus fiat in credentibus omnibus, die illo.* 2 Th. 1: 10. IN EXSULTATIONE, in plenitudine ac consummatione gaudii istius ineffabilis & gloriosi, cujus primitias prælibarunt, quum non videntes crederent. 2 Pet. 1: 8. Huic Deo omnia ista efficere valenti ac volenti adscribit *δόξαν* GLORIAM, in omnium Divinarum perfectionum eminentia resplendentem; & *μεγαλοσύνην*, *הדרה*, MAGNIFICENTIAM, majestatem *θεοπρεπήν* quæ Deo digna sit; & *κράτος*, ROBUR, quo quidquid vult effectum dare potest; denique *ἐξουσίαν*, JUS IMPERANDI. ET NUNC ET IN OMNIA SECLA, in interminabilem æternitatem. Cuncta ista, uti revera penes Deum sunt, ita digna sunt quæ ab omnibus creaturis rationalibus, imprimis à sanctis angelis & hominibus cognoscantur, agnoscantur, celebrentur, sine fine ac modo.

AMEN.



Nec non

# LOCORUM S. SCRIPTURÆ,

Quæ vel ex professo tractantur, vel quibus aliqua lux fit.

A	Biram quis.	pag.	183	Cap.	Verf.	Pag.
	Acceptio personarum bona & mala		369		11, 12.	82
	Acco, Aces, Ptolomais eadem		108		13 -- 20.	82
	Achaja Provincia proconsularis.		67		23 -- 40.	83
	Actor. III. γ. 21.		17	XX.	1, 2.	98
	V. 35.		9		7 -- 9.	106
	VII. 55.		17		31.	80
	IX. 3.		16	XXI.	1 -- 4.	108
	7.		18		18 -- 20.	110
	8, 9.		19		21, 22.	82
	X. 10, 11.		211		23, 24.	110 & seq.
	XI. 25.		27		26.	71
	XII. 23, 25.		28		39.	5
	XIII. 35.		69	XXII.	3.	5, 9, 10.
	42, 44.		36		9.	18
	48.		36		11.	19
	XIV. 23.		38		17.	26
	XV. 28.		40		20.	12
	29.		45	XXIII.	1 -- 5.	115 & seq.
	39.		47		6.	119
	XVI. 6.		47	XXIV.	3 -- 8.	122
	10, 11.		49		5.	202
	13.		50		23, 27.	135
	16.		51	XXVI.	5.	10
	24.		135		10.	11
	25, -- 34.		53		13.	12
	35, -- 40.		54	XXVII.	1, 2.	130
	XVII. 1.		55	XXVIII.	3 -- 6.	132
	11.		56		16 -- 30.	119
	18.		58-80		17 -- 32.	ibid.
	23.		60			
	XVIII. 2.		64	Adiabenerum Rex & Regina Judaicam fidem am-		
	6.		66	plectuntur.		28
	7.		67, 354	Adjurationes Dæmonum superstitiosæ.		80
	17.		65	Admirari personas quid fit.		263
	18.		71	Adramyta multarum urbium Nomen.		130
	24 -- 26.		73	Adriasi miraculum factum per superstitionem.		273
	XIX. 7.		74	Affectiones Dæmoniacæ cum naturalibus non sunt		243
	8, 9.		79	confundendæ.		243
	10.		80	Agabus Propheta.		Agabus
				Agabus		

# INDEX.

Agapæ Christianorum quænam ? unde ortæ : ubi habitæ : in quos fines institutæ sint : earum abusus. &c.	112, 352-355	Areopagus unde loci nomen.	59
Agbari historia videtur Apocrypha.	326	Areopagitarum officium & Dignitas.	62
Agrippa junior quis.	128	Arctius iē quænam.	361
Æra conversionis Pauli.	24	Arctius quid denotet, & unde dicta.	333
Synodi Hierosolymitanæ.	42	Asiarchæ quænam.	83
Æternus ignis quomodo Sodomæ tribuatur.	346	Asinum sumere jus denotat Regium.	189
Atteritus quid denotet.	285	Asphaltides lacus, sive mare mortuum, sive sal. sum.	339
Alexander quisnam fuerit.	83	Assuescere Deo quid sit.	367
Alphæus idem qui Cleophas.	325	Athenæ urbs celeberrima.	57
Altercatio Michaëlis de Mosis corpore. 343. & seq.	343, 344	Audire quid significet.	232
Ambitionis descriptio.	184	Azymorum ulus quando fuerit.	308
Amictus est indicium Status.	220		
Ananias ad Paulum missus qui fuerit.	21	B.	
Angelorum Definitio.	436	Balam quis : quæ ejus via : pessimum adversus Israëlitas consilium.	350
Angeli, Judæ non sunt exploratores terræ Canaan.	337	Baithofus Sadducæorum caput.	119
Antigonía eadem quæ Troas.	49	Baronius notatus circa mutationem nominis Sauli in Pauli.	35
Antiochia alia Pisidiæ, alia Syriæ.	28	Bartholomæus idem qui Nathanaël.	210.
quænam ; & quare Discipuli ibi Christiani dicti sint.	ibid.	Benjamin Tribus eximii aliquid habuit præ Tribu Joseph, & quare.	5
Antiochenorum liberalitas.	29	Lupo assimiletur.	6
Apertio cæli quid sit.	211	Berenice qualis.	128
Αφροδίτη Venus unde dicta.	351	Beroæ quid actum sit à Paulo.	56
Apoc. II. 14.	356	Bis mortua arbor qualis.	355
III. 1, 2.	370	Βλασφημία Κυριακή quid sit, & quam indecorum.	342
IV. 1.	211	Burrhus Prætorio Præfectus.	135
VII. 13, 14.	370		
XIX. 11	211	C.	
Απολλωνίος quid significet.	157	Cæsarea duplex.	26
Apollonia quænam.	55	Cain quis, & quæ ejus via.	349
Apollonius Tyranus impostor pessimus. 84. seq.	73, 153	Caligo ubi reservatur Angeli mali, quid dicat.	336
Apostolus quis sit dictus Græcis, Hebræis Christianis.	22-23, 326.	quæ impiis asservatur in seculum.	358
Apostoli καὶ ἱερεῖς sic dicti prærogativæ omnes in Paulo conspicuæ.	23	Calumniæ Gentilium in Christianos unde ortæ sint.	330
Apostoli omnes multas epistolas scripserunt.	70,	Candida vestis recens baptizatis indata quid velle.	370
omnes idoneorum testium conditiones habuerunt, quod contra Orobium passim asseritur.	331	Cantic. II. 11-13.	295
Apostolorum infallibilitas asseritur.	43	V. 2.	226
Functio præcipua.	328	Carcerum apud antiquos ratio & usus.	12
Appellare ad Cæsarem licuit Paulo, ut Romano civi ; ut Christiano ; ut Apostolo.	128	Romanorum varia ratio.	135
Appia quænam fuerit.	143	Castoris & Pollucis insigne.	133
Arbor emarcida & bis mortua.	355, 356	Cenchrea quænam.	71
Archangelus quis.	343	Charitæ quænam.	352
ejus altercatio de corpore Mosis. 343. & seq.		Charites Dei quænam sit à parte Dei & fidelium.	367
		Charitatis Christianæ elogium.	107
		Chre.	

# INDEX

Chrestus quis sit.	64	II.	14, 15.	365
Christi tempus quid denotet.	312	III.	14.	369
Misericordia cum suis effectis.	367	V.	1-5.	32. & seq.
Christiani ad blasphemiam coacti, & quomodo.			9.	86
	14, 15.	VI.	1.	128
quando & quare Antiochiæ sic dicti sint			6.	74
Discipuli,	27	VII.	7, 8.	167
Christianorum magna multitudo Romæ.	101	IX.	1.	24
Romæ agentium affectus erga Paulum,	133		2.	64
Christus dilectus; Dei filius; & horum Praxis,	231	XI.	21.	354
& seq.		XIII.	1.	301
Dei servus; Electus.	283	XV.	32.	28. & seq.
leges Moisaicas non sprevit ut inutiles:			44.	365
sed perfectissime implevit.	279	1 Corinth. III.	6.	164
esurivit vere.	292		7-11	222
ignoravit qua homo,	294	V.	19, 20.	22
an eodem tempore cum Judæis Pascha		VIII.	16, 18.	98
ederit,	303. seq.		23.	23
quomodo <i>αἰετός</i> , Dominus dicatur.	334	IX.	3-5.	98
an etiam <i>Δεσπότης</i> , Herus nominetur.	334	X.	4-6.	245
quomodo venturus sit cum myriadibus		XI.	14.	18
Angelorum,	361	XII.	1-5.	30, 33
2 Chronic. XVI. 10.	12	Corpus Moïsi quid denotet: & altercatio de eo.		343. & seq.
Cippus quis.	ibid.	<i>ψυχὴν</i> & <i>πνεύματιν</i> quid differant.		365
Circumcisio non ad salutem necessaria.	41	Creare creationem quid velit.		192
Clemens Romanus quis.	153	Crescens quis.		154
Cléophas idem qui Alphæus.	325		D.	
Cœli apertio quid sit.	211	<b>D</b> æmoniaca affectiones cum naturalibus non		
Cœlum idem qui Paradisus.	81	sunt confundendæ.		243
Coloss. II. 1.	71, 179	Dæmonum adjurationes superstitiosæ.		80
IV. 16.	178	Dalmatia, quo Titus ivit quænam.		154
Coloni & Coloniz quid differant à municipibus &		Damascus urbs Syriæ.		15
municipiis.	3, 4	Hyeronimi circa eam observatio apocry-		
Communis salus quid velit.	331	pha.		16
Concupiscere ad invidiam quid significet.	312. &	Dan. VII.	13, 14.	214
seq.			15.	315
Conservare se in Charitate Dei quomodo fidelibus		XI.	36.	363
adscribatur.	367	Dathan quis.		183
Coos insula.	108	Decertare pro fide quomodo fiat.		332
Corculi sapientes dicti.	324	Demas an Apostata.		153
Core quis.	183	Demetrii tumultus.		82
ejus via quæ.	351	Descendere ad inferos quis velit.		193
ejus cum seditiosis prætextus varii,	re-	<i>Δεσπότης</i> an etiam Christo competat.		335
futati.	185	& <i>αἰετός</i> an differant.		334
ejus apud contribules oratio, Josepho		Dei Majestas percellit maxime peccatorem.		215
memorata.	184	Deus Pater quomodo <i>Δεσπότης</i> , Herus dicatur.		334
ejus invicibilis pertinacia.	290	quomodo Servator.		371
an ipse etiam sit absorptus.	196	quomodo solus sapiens & potens.		371
Corinthus Urbs,	64	Deux. XIII, contra Orobijum explicatur., & Jesu		
1 Corinth. I.	8, 9.			
	11, 12.			

# I N D E X.

nostro nullo modo applicari posse ostenditur.

		277. & seq.
XVI.	6.	306, 309, 311
XVIII.	15, 18.	232
XXXII.	22.	193
XXXIII.	12.	5
Dianæ simulacrum Ephesinum.		24
Diæta <i>καλαγή</i> quid velint.		361
Dilectus Patris Jesus.		231
Dionysius Areopagita, & fabulæ de eo.		62
<i>Διωνύσιος</i> quid sit.		83
Doctores falsi luporum nomine veniunt.		6
veri dicuntur stellæ in manu Christi.		357
Doctrina Evangelii sub Fidei nomine venit.		332
etiam sub Nomine Gratiz.		333
Dominatus quid denotent.		342
Dominica in albis unde dicta.		370
Dominus, <i>Κύριος</i> quomodo Christus dicatur.		334
Drusillæ historia.		124
Dura dicta quænam.		361

## E.

<b>E</b> cclésiæ Romana unde tam pulchre Ordinata :		
non à Petro fundata.		101
sed probabiliter à quibus.		104
in domo Philemonis quid notet.		142
Ecclesiast. X. 16.		292, 293
Edris vox arabica quid significet : Henoch ad-		
scripta.		359
Effodere oculos quid velit.		189
Egressus Israelitarum ex Ægypto quando factus.		306, 308
Electus Dei Christus.		283
Ephesus urbs, totius Asiæ Metropolis.		159
Johannes Evangelista ibi docuit.		73
Magicis artibus famosa.		81
Ephes. V. 14.		227
Epicuræorum falsa dogmata.		57
Epidaurus hodie Ragula.		154
Epistola ad Romanos quando scripta.		70
prima ad Corinthios quando scripta.		85
an prima sit disquiritur.		86
ejus subscriptio falsa.		ibid.
secunda ad Corinthios quando scripta.		20, 98
ad Galatas quando scripta.		96
ad Ephesios, Philippenfes ; Collossenses.		142
ad Thessalonicenses utraque.		70
subscriptionum earum falsitas.		ibid.
ad Timotheum prior.		98
subscriptionis ejus diversitas.		179

ad Timotheum posterioris Epochæ, an ad		
priora Pauli viscera Romæ, an ad po-		
stiora referenda sit.		137, 142
ad Titum quando scripta.		96
ad Philemonem.		142
ejus utilitas.		146
ad Hebræos quem habeat auctorem.		147
quando scripta sit.		148
argumentum epistolæ : scopus : Analysis		
dogmata.		148, 149
Judæ perpetuo commentario explicata.		323 & seq.
quibus scripta : quo tempore : qua occa-		
sione.		329

Epistolæ Paulo suppositæ ad Senecam & Laodicea-		
ses : etiam Senecæ ad Paulum.		172 & seq.
Epistolas multas omnes Apostoli scripserunt.		70
Epocha posterioris epistolæ Pauli ad Timotheum.		
		137
Eripere ex flamma quomodo fiat.		369
Esther. II. 5.		5
Evangelii doctrina Fides vocatur.		332
etiam Gratia.		333
<i>Ευδαιμία</i> significationes.		231
Euryches à morte suscitatus.		106
Excandescencia legitima describitur.		57
Excommunicatio Ecclesiastica.		92, 96
Excussio pulveris.		37
Vestium.		66
Exfornicatio & fornicatio quid differant.		339
Exod. XI. 2.		311
XII. 6.		306
22.		305, 309
29 - 39.		305, 309
31.		309
XXIII. 20 - 23.		232
Expectare vitam Æternam in quibus consistat.		368
Expiationis dies annuus, sive Jejunium Judæorum		
quando.		131
Extremum tempus quid notet.		364
Ezech. I. 1, 4.		211
XVI. 53 - 55.		340
XVII. 22, 23. J. Altingii ingeniosa		
interpretatio.		205
XXXVII. 1 - 14.		290

## F.

<b>F</b> abulæ de morte & sepulcro Pauli.		161
Facies cadit quid significet.		186
humana describitur.		220
Facta impia quænam.		361
Famagusta eadem quæ olim Salamis,		33
Fames		



Christi vera, naturalis, sed & pura fuit. 292  
 Felix quis fuerit, & qualis. 122  
 quamdiu prae fuerit Judæis 123  
 apud Neronem accusatur, & quando  
 id sit factum. 126  
 Ferrandi de tempore manducati Paschatis per Chri-  
 stum hypothesi propositæ: sed & refutata. 305  
 Ficus arefactæ historia exposita, 290 & seq.  
 Emblemate Israëlitarum depinguntur.  
 Ficum geminum anni tempus fuit, ut & varium  
 genus. 296  
 Fideles sunt ædificium fidei superstructum: & con-  
 servant se in charitate. 366  
 Fideles Vitam Æternam expectant. 368  
 servant se. 368  
 Fides pro Doctrina Evangelii, quomodo semel tra-  
 dita. 332  
 quomodo dicatur sancta; imo sanctissima. 365  
 Filius Dei Christus: ejusque Doctrinæ praxis. 231  
 & seq. 33

## G.

Gajus alius Actor. XX. 4. alius Rom. XVI. 23.  
 & I Cor. I. 14. 101  
 Galatia, in quam crescens est profectus, quænam  
 sit. 174  
 Gal. I. 12. 20  
 18. 42  
 28. 26  
 II. 1, 2. 42, 44  
 7, 9. 43  
 12-14. 45  
 III. 15. 51  
 Gallio Proconsul, senecæ frater.  
 Gamaliel quis, 67  
 Genes. VI. 3.  
 IV. 6.  
 VI. 2.  
 XIX. 24, 25.  
 XXVIII. 12-14.  
 XXXI. 11, 13.  
 XLIX. 14.  
 26.

Meletem, Leid.

Gischal Judææ oppidum, ibi non est natus Paulus. 2  
 Glorificatio Christi quare in monte facta. 219  
 Eximium pro Deitate Christi, & quod  
 mundi Salvator sit, argumentum est.  
 222  
 in nostri solatium facta est. ibid.  
 Glorificationis JESU contemplatio devotæ animæ  
 Paradisus. 227  
 Nostræ initium est Sanctitas. 222  
 Gnosticorum malicia. 353, 356, 362  
 Golgotha, unde loci nomen, 206  
 Gomorra & Sodoma quænam. 338  
 an olim restituentur sint, & quomodo. 304 & seq.  
 Gratia pro Evangelii Doctrina. 333

## H.

Hebræus quid differat ab Hellenista. 5  
 Hebr. i. 1. 332  
 III. 7. 22  
 XIII. 22. 157  
 Helena Adiabænorum Regina cum filio Izate fidem  
 Judaicam amplectitur. 29  
 Hellenista quid differat ab Hebræo. 5  
 Hellenistæ quinam sic dicti. 27  
 Henoch, Ederis Arabis dictus quid significet: qua-  
 lis fuerit: ejus liber: quid prophetaverit. 358  
 & seq.  
 Herodinum idem quæ Massada. 310  
 Herus, *Avvêr* quomodo dicatur Deus Pater. 334  
 Hiatus terræ quas causas habeat. 193  
 Hierosolymitani domos suas gratis concedebant ad  
 festum venientibus. 109  
 Homo *υυχινος* & *ισδουμλινος* quomodo distinguan-  
 tur. 365  
 Hoseæ. VI. 4. 355

## I.

Iacob. IV. 5, 6. 312 & seq.  
 Iacobus Apostolorum postremus Hierosolymæ  
 mansit. 110  
 minor, quomodo frater Domini dictus  
 sit. 324  
 Istororum Regis cæcitas conversionis causa. 20  
 J. bba oppidum. 324  
 Jehovah quare nomen Dei conditum. 60  
 Jejunium Judæorum, sive annuus expiationis dies  
 quando. 131  
 187  
 Jerem. XXI. 12.  
 Bbb  
 202

## I N D E X.

XXIX.	26.	12	Johannes Evangelista Ephesi docuit.	73
XXXI.	6.	208	Joh. I. 46.	203
	31.	290	51, 52.	209
XXXVIII.	6.	12	V. 18 - 21.	247
	28.	ibid.	29, 30.	344
Jes. XI.	3.	210	XII. 28, 29.	19
XXVII.	3.	207	XIX. 17.	206
XL.	4.	303	1 Job. II. 20.	234
XLII.	1 - 4.	281	& seq. Jonathas Pontifex interemptus.	125
XLV.	15.	60	Jordanes unde dictus.	26
LIII. de Messia agere ostenditur.		287	Josephi cujusdam, Judaei Patriarchae Apostoli historia.	13
	4.	787	6 Israelitae quando ex Aegypto egressi.	305, 308
	12.	6	Ithabyrius seu Thabor mons.	217
LV.	8, 9.	229	Judae. vi. 17.	329
LVII.	20.	356	Epistola tota explicata.	323 & seq.
LIX.	20.	289	nomen Hebraei per leonem expressum,	323
LXV.	17.	290	& unde.	323
LXVI.	20.	23	Peregrinationes.	327
Jesus Dominus Paulo visus oculis corporeis. 16, 17			Nepotes apud Domitianum.	327
Ignis aeternus quomodo Sodomae tribuatur.		340	& seq. Judaei in Asia animadversiones in populares suos non habuerant.	67
Ignorantia Christo ut homini, non ut Deo adscribitur.		294	vota varii generis faciebant.	111
quomodo impiis adscribatur, & in quibus consistat.		348	Judeorum per orbem dispersionis causae variae. 2, 3	
Illyricum eadem regio quae nunc Slavonia.		105	mos fuit opificum discere, & quare.	8
Immutabilitas promissionum Dei orandi fervorem acuit.		217	officia Parentum erga liberos.	8
Impia facta quænam.		361	contra haereticos precum formula.	14
Impii quinam, & quomodo praescripti sint ad damnationem.		333	decem millia sub Nerone Damasci trucidati.	16
ignorantia quomodo ipsis adscribatur, & in quibus consistat.		348	multitudo magna Romæ.	101
undis maris & stellis erraticis assimilantur.		357	Judas Thaddæus & Lebbaeus unde dictus.	323
Impleri vaticinium quando dici solet.		289	quare servus J. C. dictus.	323
Impertunitas in supplicando Latinis aliquando invidiam dicitur.		319	cur Jacobi frater, quam Alphæi filius, aut Domini frater dici maluerit.	326, 328
Impositio manuum quid sibi voluerit.		23	non est qui Agbarum curasse fertur.	326
quomodo Apostolis peculiaris fuerit.		23	Judicium quomodo Christus proferet, & quidem gentibus ac ad veritatem.	283
Incestus Corinthiacus.		24	Judic. I. 31.	108
Infalibilitas Apostolorum asserta.		92	Juliiopolis eadem quæ Tarsus.	3
Insigne & tutela navis quid differant.		43	Jes Propheta.	117
Castoris & pollucis.		133	Izates Adiabænorum Rex cum matre sua fidem Judaicam amplectitur.	29
Insulae pro gentibus insularum.		286	non tamen est circumcisis.	41
Invidia Latinis aliquando est in supplicando impertunitas.		319		
Job. VII. 20.		206		
XXII. 21.		367		
XXVI. 6.		193		

<b>L</b> Abia Synagoga aut Schola.	324
Lacus Asphaltides, sive mortuum mare, sive mare salsum.	339
Lascivia quid denotet.	333
Lebbæus unde Judas dictus.	324
Leges Mosaicæ Jesus non sprexit ut inutiles : sed perfectissime implevit.	280
Leo idem Hebræis nomen quod Judas & unde.	324
Liber Henochi.	360
Libertinorum malitia.	357
Loqui <i>iniquum</i> quid sit.	363
Lucæ VIII.	56.
IX.	28 - 36.
X.	39.
XIV.	13.
XVI.	16.
XXI.	37.
XXIII.	54.
Lucas quando Pauli comes factus.	49
Lucida nubes quid denotet.	230
Luporum nomine Doctores falsi veniunt.	6
Lupus Marti Sacer.	6
Lydiæ conversio.	51

## M.

<b>M</b> Aculæ in Agapis quid velint.	353
Magis definitio.	271
nihil tribuendum in Jesu miraculis.	271
Magica Carmina apud Ephesios usitata.	81
Majestas Dei peccatorem maxime percellit.	235
Malta insula olim Melite.	132
Marc. I.	10.
	43.
III.	1, 11, 12.
	32.
V.	8.
	43.
VII.	33, 36.
VIII.	11.
	25, 26.
XI.	12 - 14.
XV.	40.
	42.
Mare mortuum, sive Asphaltides lacus : alias <i>mare salsum</i> .	324, 325, 326
Maria Jacobi & Josæ non fuit mater Domini.	339
Maris undis offeratis assimilantur impij.	324, 356

Massada idem quod Herodium.	310
Matth. II.	23.
III.	16.
	17.
IV.	13 - 16.
V.	39.
	16, 17.
IX.	5, 6.
	24.
	30.
X.	17.
XI.	2.
XII.	16 - 21.
	29, 30.
	43 - 45.
XIV.	23.
XVI.	1 - 4.
XVII.	1 - 9.
	14, 15.
XXI.	18 - 22.
XXIII.	34.
XXV.	1 - 5.
XXVI.	18.
	40.
XXVII.	56.
Marutium tempus juri dicando destinatum olim fuit.	187
Melice insula hodie Malta.	132
Memoriæ descriptio & usus.	364
Messias Notzer dictus.	206
per scalam Jacobo visam est delineatus.	212
Metu servare aliquem.	369
Michæ IV. 4.	210
Michael Archangelus quis.	343
ejus altercatio de Corpore Moïsis.	343, 348
Miracula V. T. cur diri aliquid plerumque condiderint ; N. T. autem raro : sed beneficia & salutaria fuerint.	197, 244
Jesû prolixè tractantur.	238 & seq.
Definiuntur.	239
soli Deo propria sunt.	239
Jesum esse Dei filium, & verum Messiam evincunt.	240, 281
ad Confirmandum Evangelium fecerunt.	249 & seq.
inter Characteres Messiz fuerunt.	251
ab Orobio aliisque frustra impugnata.	256
Judeorum, Gentilium, Juliani, forte & Celsi	

## I N D E X.

Celsi scriptis memorata.	268, 269	Lucida quid denotet.	Ibid.
Abfardiffime virtuti magicæ attribun-		Nura.	XI. 29.
tur, & cum Deorum gentiliū factis			XVI. 1 - 401
comparantur ; etiam cum falſis ho-			32.
minum miraculis, Velpafiani, Adriani			XXIV. 15.
& Pyrrhi.	271, 274		XXVI. 9, 10.
Mifericordia Chrifti cum ſuis effectis.	367		21.
Mitylene quænam.	107	O.	
Mons Thabor, five Ithabyrius.	217		
Montem transferre quid ſignificet.	301 & ſeq.	Oculos effodere quid denotet.	187
Mortua bis arbor qualis.	355	Oleum Selgeticum utile nervis.	333
Mortuum mare, five Aſphaltides lacus : alias ma-		On quis.	183
re falſum.	339	quid illi factum ſit.	195
Mofaica religio validiſſimis ſe Diviniſatis ſuz ar-		Oneſimi hiftoria.	144
gumentis commendat.	182	Oneſiphorus quis.	157
Mofaicæ leges Jeſus non ſpexit ut inutilis : ſed		Opium, nomen pro religione.	286
perfectiſſime implevit.	279	Opificium diſcere mos Judæorum fuit, & quare.	1
Mofis modèſtia incredibilis.	188	Orobii aliorumque obtrectiones adverſus Jeſa &	
pro ſeductis interceſſio.	191	Apoſtolorum miracula refutatæ.	256, 280
an in propria perſona Chriſto viſus ſit.	223	P.	
Mofes unde Apoſtolis dignoſcendus ; & cur in glo-		Pallas Felicis frater, & varia de eo.	126
ria ſit conſpectus.	224	Paphos iſula.	33
Corpus quid notet, & altercatio de eo.	343, 348	Paradiſus idem quod cælum.	31
Municipes & municipia quid præſtent Colonis &		Paraſceve feſti non eſt ipſe Dies feſtus.	306, 311
Colonis.	3, 4	Parentum officia erga liberos apud Judæos.	8
Murmurare quid ſit.	362	Παρεστειναι quid proprie denotet.	47
Mutatio nominis ſignum conversionis apud Ju-		Paſcha eodem die ediſſe Chriſtum ; ſed non eodem	
dæos.	34	diei tempore Ferrandus aſſerit : cujus hypo-	
Myra Lyciæ urbs.	130	theſes proponuntur ; ſed & refutantur.	301
		& ſeq.	
N.		Egyptiacum quando fuerit machatum.	305,
Nathanaël idem qui Bartholomæus.	8, 210		308
Naturales affectiones cum Dæmoniis non		Egyptiacum fuit typus ipſius Chriſti, non	
sunt confundendæ.	243	Paſchatis per Chriſtum celebrandi.	306,
Nazareni nomen unde.	199, 208		312
Nazaræus votum duplex, ſacrum & civile.	111,	Pater Deus quomodo Δεωσφης, Herus dicatur.	334
	112	Patriarchum duodecim teſtamentum.	359
Neapolis in Macedoniæ partibus quænam, & qua		Pauli proſapia, dotes, eruditio, eloquentia, Virtu-	
occasione condita.	50	tes eximie, cœlibatus.	162, 167
Nempe quid denotet.	84	& Theclæ actus.	169
Nero Matricida, & aliæ de Nerone.	124	mortis cauſa incerta.	160
Nonias eadem quæ Cæſarea Philippi.	26	Paulo ſuppoſita ſcripta.	168
Nomen, inſuper pro religione.	286	Paulus natus eſt circa mortem Herodis.	2
Nominis mutatio ſignum conversionis apud Ju-		non fuit Samuel exiguus.	14
dæos.	34	quomodo Romam venerit.	135
Nozzer Meſſias dictus.	206	an virgis cæſus ſit.	160
Nozzer m dicti Je-u ſectatores.	208	quare paulus ſit dictus.	33
Nubes præſentia Dei glorioſa Symbolum eſt.	230	Præcipua, quæ hujus Apoſtoli hiftoriarum	ſpe-



# INDEX.

<b>Rom.</b>	<b>III.</b>	<b>5.</b>
	<b>VI.</b>	<b>19.</b>
	<b>VIII.</b>	<b>26.</b>
	<b>XII.</b>	<b>2.</b>
	<b>XV.</b>	<b>16.</b>
		<b>19.</b>
		<b>25, 26.</b>
	<b>XVI.</b>	<b>23.</b>

**S.**

<b>S</b> Adducætorum hæresis Iſraëlitis admodum exo-	
ſa	118
Salamis eadem urbs quæ hodie Famagusta.	33
Salſum mare, ſive lacus Asphaltites, ſeu mare mor-	
tuum.	339
Salus quid comprehendat, & cur Communis dica-	
tur.	331
Samoſraces.	50
Samuel exiguus non fuit Paulus.	14
Sanctitas initium eſt noſtræ Glorificationis.	222
Sapientes Corculi dicti.	324
Sapientia Soli Deo adſcribitur.	371
Satanæ tradere quid denotet.	92
Saulus quare Paulus fit dictus.	13
Scala Jacobo viſa Meſſiam denotavit.	212
Scheol quid ſit.	193
Schola Tyranni.	79
aur Synagoga Labia.	324
Scriba Ephæſus quis.	83
Seducentium artes.	363
Segregare ſe quomodo dicantur hæretici.	365
Selga oppidum luxu infame.	333
Selgeticum oleum nervis utile.	333
Semel pro ſemper.	335
tradita fides quid dicat.	232
Senecæ epistolæ ad Paulum, & Pauli ad Senecam.	
	172
Servare quomodo adſcribatur Deo.	368, 372
quomodo fidelibu.	368
metu quomodo fiat.	369
Servitiorum cauſæ variæ.	144
Servus Dei Chriſtus.	283
Jefu Chriſti quid dicat.	328
Sethitarum Theologiæ capita.	361
Silvanus idem qui Silas.	70
Simulacrum Dianæ Ephæſinum.	84
Σελγη dicta quænam.	361
Slavonia eadem regio, quæ olim Illyricum.	105
Sodoma & Gomorra quæ.	338
an olim reſtituendæ ſint, & quomodo.	340

91	Solitudo precibus est aptissima.	118
91	Sospiter idem qui Sopater.	101
367	Sosthenes quis.	69
228	Spanhemii dissertatio de Apostolorum laudibus.	21
23	de xra conversionis Pauli.	24. 43
55	de Auctore epistolæ ad Hebræos.	147
23	de phrasibus Paulo suctis.	149
354	Σπινθηριον quid sibi velit.	58
	Spiritus significationes variaz, per sua epitheta dignoscendæ.	313, 317, 318
	precum est Spiritus Sanctus.	366
exo-	Stellæ in manu Christi quare dicantur Doctores ve-	
118	ri.	357
33	Erraticæ sunt impii.	ibid.
nor-	Stoicorum falsa dogmata.	57
339	Subrepere in Ecclesiam quomodo fiat.	335
dica-	Subscriptionis epistolæ primæ ad Corinthios falsi-	
331	tas.	86
50	ut & utriusque ad Thessalonicenses.	70
14	Superstitio de adjurandis Dæmonibus.	80
222	Superstrui fidei quomodo fiat.	366
324	Supplicatio importuna Latinis aliquando invidiosa dicitur.	319
371	Synagoga quid differat à Templo & Proseucha.	50
92	aut Schola Labia.	323
13	Συνδριον quænam.	352
212	Synedrion Hierosolymitani potestas, etiam in exte-	
193	ros.	16
79	Συνεσις quænam.	352
324		
83		
363		
365		
333	T.	
333	Tarsensis solenne peregrinari.	
333	Tarsenses Javanis filius.	
335	Tarsus urbs Ciliciæ illustrissima.	
232	Juliopolis dicta.	
cam,	cur municipium Romanorum.	4. 5
172	Tartarus quis.	336
372	Terræ hiatus quas causas habear.	199
368	Templum quid differat à Synagoga & Proseucha.	50
369	Tempus maritimum, juri dicundo olim destina-	
144	tum fuit.	187
283	Extremum quid notet.	364
328	Christi quid significet.	312
361	Tesserarius quis sit.	83
70	Testamentum duodecim Patriarcharum.	319
84	Thabor, sive Ithabyrius mons.	217
361	Thaddæus unde Judas dictus.	323
105	Theclæ & Pauli actus.	169 & seq.
338	Theologia Serchitarum Capita.	361
340	Thessalonica & quid ibi egerit Paulus.	55

**T.**

<b>T</b> Arsenibus solempne peregrinari.	3
Tarfises Javanis filius.	3
Tarfus urbs Ciliciæ illustriffima.	2
Juliopolis dicta.	3
cur municipium Romanorum.	4 5
<b>T</b> artarus quis.	336
Terræ hiatus quas causas habear.	199
Templum quid differat à Synagogâ & Profeucha.	90
Tempus matutinum, juri dicundo olim destina-	
tum fuit.	187
Extremum quid notet.	364
Christi quid significet.	312
<b>T</b> esserarius quis fit.	83
Testamentum duodecim Patriarcharum.	379
Thabor, five Ithabyrius mons.	217
Thaddæus unde Judas dictus.	323
Theclæ & Pauli actus.	169 & seq.
Theologiæ Serhitarum Capita.	362
Thessalonica & quid ibi egerit Paulus.	55

There

# I N D E X.

Theſſalonicenſibus quando epiſtolæ ſcriptæ.	56	Veſtium excuſſio,	66
1 Tim. I. 20.	92	Via Balaam in quo ſita ſit.	350
IV. 14.	94	Cain quænam,	349
VI. 15.	334	Koræ quid velit.	351
2 Tim. I. 6.	94	Vincula quid noſcent.	336
IV. 6, 7.	137	Vita Æterna in quibus conſiſtat, ejuſque exſpecta-	368
16.	137	tio,	356
17.	90, 138, 139, 154, 155	Unde mæris offeratæ ſunt impij.	111
Ticum. I. 5.	49	Vota Judæorum varij generis,	71
Tonſio Capitis Pauli vel Aquilæ in quem finem fa-	71	Vorum Naziræatus.	145
cta.	92	Urielis Acoſtæ Amſtelodami in Synagoga flagellati	15
Tradere Satanæ quid ſibi velit.	49	hiſtoria,	
Troas eadem quæ Antigoniam.	82	Uſerius laudatus in materia de Onefimo,	
Tumultus Demetrii.	369		
Tunica carnis tactu maculata.	133		
Tutela navis & inſigne quid differant.	79		
Tyranni ſchola.	108		
Tyrus Civitas Phœnices Metropolis.			

## V.

Vaticinii impletio quando dicenda ſit.	289
Væ pronunciare quomodo ſas aut neſas.	349
Venus unde ἀφροδίτη dicta.	357
Veſpaſiani miraculum fraudis convictum.	272
Veſtes ſtatus ſunt indicium.	220
Veſtis candida recens baptizatis induta quid veller.	370

## Y.

Y <sup>πρόφα</sup> ſa loqui quid ſit.	363
---------------------------------------	-----

## Z.

Zachar. III. 1, 2.	344, 346, 348
2.	369
10.	210
IV. 7.	303
XII. 10.	367
Zadoc Sadducæorum caput.	119
Zephan. II. 9.	341
III. 5.	187

# F I N I S.







